

四庫全書存目叢書編纂委員會編

齊魯書社

四庫全書存目叢書

集部
第二七七冊



責任編輯：孫言誠 賀 偉

ISBN 7-5333-0615-5



EB41/07

四庫全書存目叢書·集部二七七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 49.125 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第二七七冊目次

集部·別集類

松桂讀書堂集文七卷詩八卷

〔清〕姚培謙撰
吉林大學圖書館藏清乾隆刻本

一

桐陰書屋詩二卷

〔清〕朱崇勳撰
山東大學圖書館藏清道光刻濟南朱氏詩文集編本

一三四

湖上草堂詩一卷

〔清〕朱崇道撰
山東大學圖書館藏清道光刻濟南朱氏詩文集編本

一四九

蠶桑樂府一卷

〔清〕沈炳震撰
北京圖書館藏清鈔本

一五四

無悔齋集十五卷附錄一卷

〔清〕周京撰
浙江圖書館藏清乾隆刻本

一六二

亦廬詩集三十卷

〔清〕湯斯祚撰
首都圖書館藏清乾隆刻本

二五五

慎獨軒文集八卷

〔清〕劉青霞撰
河南省圖書館藏清乾隆刻本

三八八

屏守齋遺稿四卷

〔清〕姚世鈺撰

北京圖書館分館藏清乾隆十八年張四科刻本

四九七

翰村詩稿六卷

〔清〕仲昱保撰

北京圖書館分館藏清乾隆十九年趙念刻本

五七九

樸庭詩稿十卷

〔清〕吳煥文撰

北京大學圖書館藏清乾隆十二年刻十八年續刻本

六一一

孤石山房詩集六卷

〔清〕沈心撰

北京圖書館分館藏清乾隆刻本

六九九

松桂讀書堂集文七卷詩八

卷

〔清〕姚培謙撰

吉林大學圖書館藏清乾隆刻本

附《四庫全書總目·松桂讀書

堂集八卷》提要

儒者之學經經而史緯經其體也史其用也二者相爲表裏此殆猶樹木者然質幹堅挺而枝葉敷榮乃成爲栽者之材爾姚子平山生長藝圃開戶覃精學不涉於膚末平日讀經史有得隨時劄記以備遺忘余得其書而反覆讀之因伏而歎曰姚子之學其儒者之學矣乎今之人亦知經史之當務而汨于習尚徒事浮華不復沿波討源不足道也又或稍稍問途初無心得前人議論浩如煙海莫晰其是非莫悟其得失古人之用力於致知格物者似不如此姚子於經綜覈叅同不守一說亦不存一見默契先聖賢之用心而因以得乎人心之同然至於史中事類之可爲法誡者表而出之昔有之言偏駁不中大道者折衷而是正之皆有關於世道有益於經濟以視徒事浮華與夫是非得失茫然莫辨而人云亦云者相去天淵矣夫儒者之學以經爲體則非明經無以立體以史爲用則非通史無以致用姚子兼而有之不可悠然想見其蘊藉乎

乾隆五年夏五當湖同學弟陸奎勲序

培謙資性鈍劣聞見又極寡知經史爲學問之根柢竊有志焉管窺所及不能自定其是非也則哀爲小冊以求世之知言君子決擇指迷方今

聖人在上崇實學黜浮華草野之士咸仰

昭回之光以朝夕鏃厲如培謙者所謂有志而未逮者也矜其愚而教之則厚幸矣

乾隆辛酉桂月姚培謙書於松桂讀書堂

鱸香居士家於松江之通波門外栽松種竹誦詩讀書陶然有以自樂也一日有客詣其室揖而謂曰方今

聖人在上野無遺賢以子之才獻策金門翱翔王路行有日矣何掩關裏足屏絕交遊一似無意於人世者居士笑而不對客又曰子少年入學舍應秋賦幾得而失之往歲名列薦賢之中世亦曾有意子矣今何心同死灰視富貴若等閒此閱歷所致耶抑學養之功與居士曰子蓋未之思也傳曰太上有立德其次有立功其次有立言東坡詩人

生三萬六千日余賦資拙劣遭遇又輒軻年逾知命三者無一能焉況人壽幾何若復藹然疲役而不知所歸不有負造物者之假我以年乎客聞居士言而領之乃出床頭斗酒相與劇談客無心而問居士無心而對莊生曰果有言耶抑未嘗有言耶其以為異於轂音亦有辨乎其無辨乎客去因錄其一時所往復者名曰對問姚培謙書於鱸香詩屋時乾隆癸亥嘉平月

松桂讀書堂集目錄

卷一

讀經七十一條

卷二

讀經六十二條

卷三

讀經五十三條

卷四

讀史五十一條

卷五

讀史七十七條

卷六

詩話四十八條

卷七

對問六十條

松桂讀書堂集

目錄

松桂讀書堂集卷一

華亭 姚培謙 平山

讀經

易卦下二爻屬地中二爻屬人上二爻屬天以十一月卦氣驗之亦可見如十月純陰於卦為坤至十一月一陽生於卦為復十二月二陽生於卦為臨而寒氣較十月純陰用事時更甚豈非陽氣猶在地中陰氣充塞地上故耶四月純陽於卦為乾至五月一陰生於卦為姤六月二陰生於卦為遯而暑氣較四月純陽用事時更甚豈非陰氣已在地中陽氣徧滿地上故耶泉在井中冬溫夏冽尤其較然者矣

松桂讀書堂集卷一

讀經

唐蘇州司戶郭京有周易舉正三卷云曾得王輔嗣韓康伯手寫注定傳授真本比校今世流行本異同凡一百三節洪容齋取其明白者二十處載隨筆中坤初六象曰履霜陰始凝也今本霜字下誤增堅冰字屯六三象曰即鹿無虞何以從禽也今本脫何字師六五田有禽利執之元本之字行書向下引脚稍類言字轉寫相仍故誤作言比九五象曰失前禽舍逆取順也今本悞倒其句貴亨

不利有攸往今本不字誤作小字剛柔交錯天文也今本脫剛柔交錯一句坎卦習坎上有坎字今本脫始九四包失魚今本誤作死魚蹇九三往蹇來正今本作來反困初六象曰入于幽谷不明也今本谷字下多幽字鼎象聖人亨以享上帝以養聖賢今本多而大亨三字震象曰不喪七鬯出可以守宗廟社稷以為祭主也今本脫不喪七鬯一句漸象曰君子以居賢德善風俗今本脫風字豐九四象遇其夷主吉志行也今本脫志字中孚象豚魚吉信及也今本及字下多豚魚二字小過象柔得中是以可小事也今本脫可字事字下誤增吉字六五象曰密雲不雨已止也今本作已上既濟象曰既濟亨小小者亨也今本脫一小字繫辭二多譽四多懼注云懼近也今本誤以近也字為正文雜卦蒙稱而著今本稱誤作雜余向於此數處有疑今讀之迎刃而解急錄以傳學者

朱子有云讀書眼前說出底便好崎嶇說出底便不好程子易傳朱子本義只是眼前說出所以愈玩愈有味後來病其太淺於是人自為書纖詭百出要之其所言者皆前人所不屑言也

坤至柔而動也剛程伊川云坤道至柔而其動則剛動剛故應乾不違東坡云夫物非剛者能剛惟柔者能剛耳畜而不發及其極也發之必決程蘇之說已自分明僧曇瑩云動者謂爻之變也坤不動則已動則陽剛見焉存初為復在二為師在三為謙自是以往皆剛也容齋隨筆中志之蓋取其新

否卦九五繫于苞桑苞桑非固結之喻如書之言朽索六馬也觀繫辭傳所云自明陸宣公狀曰邦國之杌隉綿綿聯聯若苞桑綴旒幸而不殊者縲矣亦是一証

九四噬乾肺得金矢言所致獄情確直無枉金言確矢言直也奇畫象矢離為矢為戈兵亦金象也六五噬乾肉得黃金黃中象二五得中相應出入平反皆適中五得金而無矢金和而矢直金利而矢殺大君所以平恕異於司寇也周禮遂附會為鈞金束矢之文訟者入束矢獄者入鈞金然後聽之夫束矢鈞金非貧民所能辦必入而後聽其辭則民之不能達者不既多乎此因訟以為利耳先王之法不應若此且爭辨曰訟訟成曰獄何乃分

而爲二一使入矢一使入金耶善夫吳臨川之言曰古有贖刑爲過誤可赦者設不聞凡獄訟皆入矢與金也先王爲弓矢各有司存戎器不鬻於市民何從得東矢貧者又何能備鈞金愚按周易爻辭率係取象而解易者必借周禮以實之無識甚矣

養賢以及萬民治世及民之事養其民以致賢人亂世致賢之事二者皆居天下之大端矣

雷之震物未有知其所由然者以余竊論之則皆戾氣之所致也蓋天地之正氣無時不充塞於天地間當雷時陽爲陰之所鬱奮擊而爲雷霆尤正氣之至剛者而戾氣適當其衝遂遭磔裂自然之理也譬之沸油在鍋滴水投之必爆在沸油中必無容得此滴水之理

易以象垂教與他經不同如云畫一奇以象陽畫一偶以象陰所謂偶者亦未必如今經本上作一畫中斷之形或作一畫而空其中是亦偶也如繫辭中陽卦多陰陰卦多陽陽一君而二民陰二君而一民本義以陽爻爲君而謂震坎艮皆一陽爻二陰爻來知德駁之謂一乃陽爻二乃陰爻震坎

艮皆以一陽爻主二陰爻故曰一君二民巽離兌皆以一陰爻主二陽爻故曰二君一民其義精矣然謂陽爻爲一陰爻爲二義終未安竊疑一字二字亦是古經文陽爻陰爻之象有象無字如朱子太極圖說中所刻圓規半規之形可以意會而不可作字讀如是看去覺一君二民二君一民之旨洞然無疑

巽爲寡髮釋文云本又作宣黑白雜爲宣髮

雜卦傳自大過以下卦不反對東坡嘗更其次曰頤養正也大過顛也始遇也柔遇剛也夬夬也剛決柔也君子道長小人道憂也漸女歸待男行也歸妹女之終也既濟定也未濟男之窮也謂如此而相從之次相反之義煥然若合符節矣其說誠然乃朱子疑之而未及是正抑別有見與

尚書今文古文各自爲體所以起後人之疑然古文未必出後人手也如使出後人手意主於以僞亂真則必摹仿盤詰屈贅牙而後可以使讀之者喙息古文雖文從字順然細讀伊訓說命諸篇亦豈後人所能僞造

天左旋日月五星右旋歷家之說也日月五星皆

隨天左旋而不及天如蟻行磨上宋儒之說也明太祖主右旋之說且謂夜指一緯星與一經星相去幾許連夜覘之則經星漸去而西緯星漸去而東以此爲右旋之証然亦不足以見隨天左旋之謬夫經星之去而西緯星之去而東使其隨天左旋而不及天亦應如何以見日月五星之必爲右旋而非左旋耶竊疑天爲積陽之氣而日月五星皆陰質也陰在陽中當逆行萬物之在天地中者皆分日月五星之精華以成質則皆隨日月五星右旋與左旋之陽氣相迎所以能生生不息觀

徐桂讀書集卷一

讀經

六

水向東流與萬彙之首皆向東可見

象以典刑流宥五刑鞭作官刑扑作教刑金作贖刑胥災肆赦怙終賊刑唐虞之刑罰章章如此蓋雖大聖人亦不能廢法以爲治也漢文武詔皆言唐虞畫象而民不犯白虎通又以爲畫象者其衣服象五刑也犯墨者蒙巾犯劓者赭著其衣犯贖者以墨蒙其贖犯宮者扉扉草屨也大辟者布衣無領如其言將舜典爲虛語乎

竹書帝命夏后總師遂陟方岳巡守必於五岳會諸侯故舜典言舜陟方乃死方即方岳也陟方乃

死言因巡狩而死也此與竹書同文韓子黃陵碑以陟爲死方乃死爲釋文非也

舜既命禹總師不應復南巡狩崩於蒼梧此疑亦自有理要之南巡即非實事而聖人之神明老而不衰與常人畢竟不同孔子所謂吾衰亦指血氣言之若其神明則自少至老恒如一日也

郝京山黜大禹謨爲贗書其論人心惟危四語曰古人即事是道別無有道可傳者世至春秋已晚孔子揚摧斯文罕言仁罕言命性與天道不可得聞惟是庸言庸行五倫三德入孝出弟而道在矣

徐桂讀書集卷一

讀經

七

其告顏淵惟曰克己復禮語曾參惟曰一以貫之與賜言即不領略亦惟不領略故諸賢於道竟有實地聖人所以貴不言之教也堯命舜曰允執厥中盡矣與仲尼克復一貫先後同揆此外更加分疏便成枝指中本無象惟精惟一以求厥中亦是着象之語大抵言語一途惟宣布詔令開譬事理至於道德性命一着言語便生牆壁故易祇言象言數惟佛老譚空說元愈微愈荒是以聖人嘿識無隱不言而述無知而知兩端自竭故曰知我其天况舜禹觀面相授有是歟歟者與按京山之論

以辨駁古文爲主經其所訾便成瘡痂然理有至
是非曲學小說所得亂也如其所言則堯之命舜
允執厥中一語已落言詮況於孔子克復一貫之
旨不愈加枝贅乎道德性命一着言語便生牆壁
之云正犯佛老譚空說玄愈微愈荒之病其於聖
道之内外一原顯微無間者概乎未之有聞也
京山云耄期倦于勤非聖人語然則孔子何以曰
甚矣吾衰

臯陶邁種德德乃降左氏引之一字不易京山乃
云此語近理亦弗考之甚矣

徐桂讀書堂集卷一

讀經

八

淮南子齊俗訓曰有扈氏爲義而亡知義而不知
宜也高誘注云有扈夏啓之庶兄也以堯舜舉賢
禹獨與子故伐啓啓亡之據誘言則有扈氏蓋自
此而亡

三正是天地人之正理非正朔之正

湯旣伐三朶俘厥寶玉誼伯仲伯作典寶寶玉三
代所重典寶之作義存勸戒其非黷貨可知

沈執甫云歷元用子歲首用寅自黃帝以迄於周
未之有改至秦始皇改正朔亦不改月諸儒遂謂夏
正建寅商正建丑周正建子而商以元祀十二月

周以春王正月爲証今攷商書自元祀十二月至
三祀十二月凡二年服未闋不宜冕宜冕必服闋
乃知新陟王喪在元祀前十二月此十二月期而
小祥故廟祠先王非改元即位之時春王正月斷
是寅月其言辨矣抑不知喪服未闋而伊尹以冕
服奉王歸亳乃爲放桐復辟之初不可不重其禮
故也成王崩未葬而君臣皆冕服酌吉凶之間示
禮之變於顧命康王之誥有明徵矣據此以証商
周不改月可乎

徐桂讀書堂集卷一

讀經

九

京山云太甲篇語亦浮泛所以告戒嗣王者甚徐
何至見放如郝意必以戟手奮髯大聲疾詈而後
爲法語之言耶又云禮記大學引顧諟一語緇衣
引惟尹躬先見三語坊記引辟不辟二語緇衣引
無越厥命及若虞機張三語皆真古書前後即不
類夫前後何嘗不類也郝自以辨駁古文爲主故
云然耳

京山云孟子引天作孽四語真伊尹訓辭今若爲
太甲語是以被放爲孽以歸亳爲遁辭旨淺陋按
孟子兩處引之俱止作太甲曰何曾派定伊尹訓
辭耶

郝京山辨說命上篇云始至遽命作礪作舟楫作霖雨甚造次又無一言切帝賚事何以別其爲命說也若藥不瞑眩二語古雅孟子引之若跣弗視地二語即不倫按京山考究甚疎國語白公子張諫楚靈王全述古文中語曰若金用汝作礪若津水用汝作舟楫若大旱用汝作霖雨啟乃心沃朕心若藥不瞑眩厥疾不瘳若跣不視地厥足用傷史記殷本紀殷之太師少師持其祭器奔周周本紀紂殺比干囚箕子太師疵少師彊抱其樂器奔周宋世家微子數諫紂弗聽及去未能自決乃問於太師少師太師少師勸微子去遂行觀此則微子篇所云父師少師自有其人漢書古今人表亦書太師疵少師彊姓名史遷之說當不謬也郝京山云孔子謂武王未受命周公成文武之德追王太王王季是武王在日古公季歷尚未王也而武成皆稱太王王季然則武王克商勿勿旬日間即追王先祖不已急乎余謂史臣紀錄之言安能字字核實此與左傳史記稱人之謚於生前者一例左傳石碏謂石厚曰陳桓公方有寵於王史記張敖與其臣言稱天子爲高祖史傳如此類極

多必欲一一改之則拘矣武成之作不必定在克商旬日之內事後紀錄時追王之典已行史臣遂據王號稱之云耳至禮記大傳始從而實之曰牧之野武王之大事也既事而退柴於上帝祈於社設奠於牧室遂率天下諸侯執豆籩逡奔走追王太王亶父王季歷文王昌不以卑臨尊也如其言則是武王眞急急追王矣然大傳之言不足信也郝又謂武成述武王祭告所過山川之神自稱有道曾孫周王發時師尚未至商郊紂尚在天下尚有王而輒自稱王諱有道曾孫豈聖人語余謂此乃孟子所謂盡信書則不如無書者也又何必於此置喙乎古不以改元爲重故洪範十有三祀猶仍諸侯時年數或者據以爲年且不改月可知矣以是爲商周不改月之証殊未然也京山云先儒疑周官三公三孤與周禮不合謂周禮爲周公未成之書周官爲成王已試之法不知周官周禮皆非古也不足以相徵余謂周官古也周禮非古耳尚書終秦誓取其時過之意謂聖人預知秦之代

周此事後之言非其實也

詩小序可從者十之三朱傳可從者十之七

風雅正變之說不足信

今人為古體詩率檢古韻叶之顧欲取三百篇叶

就今韻何歟

詩小序關雎樂得淑女以配君子憂在進賢不淫其色哀窈窕思賢才而無傷善之心焉數語分貼孔子樂不淫哀不傷之義極是疎繆既后妃之作不淫其色將指何人哀窈窕尤無義以傷為傷善之心亦悞即此知非子夏筆

徐桂讀書集卷一

讀經

士

韓詩外傳云孔子南遊適楚至于阿谷有處子佩璚而浣者孔子曰彼婦人其可與言矣乎抽觴以授子貢曰善為之辭子貢曰吾將南之楚逢天暑願乞一飲以表我心婦人對曰阿谷之水流而趨海欲飲則飲何問婦人乎受子貢觴迎流而挹之置之沙上曰禮固不親授孔子抽琴去其軫子貢往請調其音婦人曰吾五音不知安能調琴孔子抽絺綌五兩以授子貢子貢曰吾不敢以當子身敢置之水浦婦人曰子年甚少何敢受子子不早去今竊有狂夫守之者矣詩曰南有喬木不可休

息漢有游女不可求思此之謂也此章之言一何鄙倍孔子見處女浣水濱使子貢以微詞三挑之何以為孔子文字惡劣又有目所共見說經如此不如無說

范處義詩補傳釋羔羊之詩云素絲必以五言蓋合五羊之皮為一裘循其合處以素絲為英飾也百里奚衣五羊之皮為秦養牲蓋仿古制古之羔裘其製甚精養牲者被五羊之皮乃賤者之服召南在位之君子亦服之非節儉而何按序云在位皆節儉正直德如羔羊無義不如以此說實之

徐桂讀書集卷一

讀經

士

小星詩序惠及下也洪容齋不以為然抱衾與裯鄭箋云裯者牀帳也牀帳蓋謂牀之帳而洪都駁之曰諸侯有一國其宮中嬪妾雖云至下固非閭閻賤微之比何至於抱衾而行況於牀帳勢非一己之力所能至者此本詠使者遠適夙夜征行不敢慢君命之意與殷其雷之指同夫衾裯之抱本屬詩人點綴之詞豈實事哉若是詠使者遠適則此句亦為無着不若序說之與詩意有關會也有女懷春吉士誘之不似二南中語何彼穠矣有平王之孫語恐非二南詩舊說平正

也以其列於二南故不以平王宜白當之耳郝京山以爲如書稱武王爲寧王商頌稱契爲玄王直訓爲文王之孫而謂女以治平之王爲祖男以修齊之侯爲父夫稱文王爲平王於他處未見且治平修齊大學中語也作詩者及見之耶京山嘗辨書危微精一及降衷恒性云云皆出論孟後此詩平王齊侯若果如其解又出大學後矣且治平修齊講學語也可入詩耶

靜女是好賢詩

陳大士云刈穫念女紅之勤非自爲之也卷耳詩

徐桂蘭書堂集卷一

詩經

古

人之體亦非眞爲之也通乎此者載馳載驅大夫跋涉奚必作實事解哉

沈執甫云考槃在澗碩人之寬寬當作芻蕘草也軸車軸也此三者乃賢者所食所適所馭之物非寬大槃桓之貌此等辨論徒亂經文無關大義氓之蚩蚩蓋爲一人一事而作序謂刺時失之泛矣

木瓜序美齊桓公也辭氣莊雅無男女相贈答之意

桑中序刺奔也傳謂奔者自作失之沈執甫云刺

人故有孟姜孟弋孟庸之多若其自作即有三孟未必所要同在一地矣

桑中溱洧之詩若以爲本人自作而聖人存之以止邪則何如弗存序說與懲創之義較親切故當從之

采芣序懼讒也以此意讀之離騷二十五篇盡在此三十六字中矣

有女同車思賢之詩

山有扶蘇序所美非美是也未見其必爲刺忽耳風雨序思君子也竊意東門之墀亦然

徐桂蘭書堂集卷一

詩經

主

野有蔓草序思遇時也而其下云男女失時思不期而會非也此蓋賢人不遇思得明君之作

東方之日刺時人不定交而求者序謂君臣失道男女淫奔故刺之非也

猗嗟名子美目清兮爾雅目上爲名郭璞註謂眉眼之間也

或曰子可以制母乎趙子直曰夫死從子通乎其下況國君乎君者人神之主風教之本也不能正家如正國何若莊公者哀痛以思父誠敬以事母威刑以馭下車馬僕從莫不俟命夫人徒往乎夫

人之往也則公哀敬之不至威命之不行耳趙子之論正矣然其見猶不逮劉原父原父曰左傳稱夫人孫於齊絕不為親禮也謂魯人絕文姜不以為親乃中禮爾宋襄之母獲罪於君歸其父母之國及襄公即位欲一見之而義不可得作河廣之詩以自悲然宋襄亦不迎而致也為嘗獲罪於先君不可以私廢命也孔子論其詩而著之以為宋姬不為不慈襄公不為不孝今文姜之罪大絕不為親何傷於義哉

蟋蟀一詩季札所謂思深哉有陶唐氏之遺風者

也序何以云刺晉僖公乎

山有樞序刺晉昭公也詩記云豈真欲昭公馳驅飲食哉蓋曰是物將為他人所有不若及今為樂之為愈蓋憂其曲沃之禍也深得詩旨

羔裘豹祛自我人居居羔裘豹袖自我人究究毛傳曰居居懷惡不相親比之貌究究猶居居也是皆相憎惡也此本爾雅釋訓云居居究究惡也郭璞註皆相憎惡

史記宣王以兵七千與秦莊公使伐西戎與王于興師之言合金仁山編次此詩屬之莊公良是

東門之池美賢者也序謂疾其君之淫昏而思賢女以配君子蓋泥詩中泚姬字

東門之粉即不必定是幽公時詩而其為刺亂也必矣

詩東門之楊其葉牂牁昏以為期明星煌煌離騷云曰黃昏以為期子美中道而改路初既與余成言兮後悔遁而有他辭旨一同而解者不知以彼証此

月出序云刺好色也澤陂序云刺時也皆非此等詩蓋離騷之濫觴耳

邠雅邠頌之說鄭氏三分七月之章以當之最舛或云邠之詩其調可以為風可以為雅頌亦非也或云大田甫田二篇是邠雅載芟良耜二篇是邠頌近之要之周禮非周公之書求其說於他經而不合者存而不論可矣

雅一也體裁斂約者為小雅體裁寬博者為大雅非小雅言小政而大雅言大政也

陳大士云彤弓武治也菁莪文治也其言與天保治內采薇治外相表裏余極喜誦之

陳大士云匈奴秋高馬肥六月內侵非法也兵於

夏爲夜而興師焉亦非法也然不得已而應之者也匈奴整居則衆集矣又法嚴矣至於涇陽而後應之緩也至於太原而遂捨之近也不得已之心也悅禮樂而可將中軍也敦孝友而可參軍事也古人所重如此美哉言乎漢唐以來說經者所不及

無思百憂祇自疚兮底當作痕音民病也唐人避太宗諱凡字从民者皆省而爲氏

昊天有成命非郊祀天地之詩詳見朱子詩序辨郝京山篤信小序謂古者冬至合祀天地於郊此

金雅堂書集卷一

詩經

木

詩頌昊天而不及地如人稱父而不及母統於尊也樂非一章此其刪存之一耳又曰周頌周公所定內外百祀之樂夫子刪存止三十一篇無康王以後詩夫既經周公手定夫子何爲而復刪之豈周公制作尚有未盡善者耶且刪詩之說倡自史遷朱子謂經孔子重新整理未見得刪與不刪又謂孔子不曾刪去只是刊定而已水心葉氏亦謂詩不因孔子而刪竹垞朱先生有詩論一篇其略曰行以肆夏趨以采齊樂師所教之樂儀也何不可施於禮儀而孔子必刪之俾堂上有儀而門外

無儀耶凡射王以騶虞爲節諸侯狸首大夫采蘋士采蘋今大小戴記載有狸首之辭未嘗與禮義悖而孔子於騶虞采蘋則存之於狸首獨去之俾王與大夫士有節而諸侯無節何耶燕禮升歌鹿鳴下管新宮大射儀乃歌鹿鳴三終乃管新宮三終而孔子於鹿鳴則存之於新宮則去之俾歌有詩而管無詩又何耶肆夏繁遏渠天子所以享元侯者故九夏掌於鐘師而大司樂王出入奏王夏尸出入奏肆夏牲出入奏昭夏鄉飲酒之禮賓出奏陔鄉射之禮賓興奏陔大射之儀公升即席奏陔賓醉奏陔公入驚此又何不可施於禮儀而孔子必刪之俾禮廢而樂缺也以上見曝書亭集真發前人所未發學者讀之亦可曉然於孔子之未嘗刪詩而朱子及水心葉氏之論爲信而可從也

金雅堂書集卷一

詩經

元

朱先生之論是矣而援據尚有未盡核者周禮鐘師掌金奏凡樂事以鐘鼓奏九夏王夏肆夏昭夏納夏章夏齊夏族夏祴夏驚夏蓋九夏有聲無辭如南陔六詩之比故掌於鐘師左傳載叔孫豹如晉晉侯享之金奏肆夏之三工歌文王之三歌鹿

鳴之三于肆夏曰金奏于文王庶鳴曰工歌亦以
三夏樂曲無詞故擊鐘而奏若鹿鳴文王則工歌
之矣惟新宮本有辭而亡之左傳宋公享叔孫昭
子賦新宮不曰奏而曰賦杜注亦云逸詩也要之
朱論即未盡核而孔子不刪詩自是前賢確然之
見不然何以季札觀樂於魯下距孔子刪詩時尚
遠而所歌風詩無出十三國之外耶
駟序頌僖公也僖公能遵伯禽之法儉以足用寬
以愛民務農重穀牧於垆野魯人尊之於是季孫
行父請命於周而史克作是頌朱子謂此序事實
皆無可考詩中亦未見務農重穀之意序說鑿矣
按僖公能遵伯禽之法以下通僖公之事言之非
專指此一詩也
采入其阻高宗兵法

松桂讀書堂集卷一

松桂讀書堂集卷二

華亭 姚培謙 平山

讀經

春秋大義數十炳若日星於此深思而有得焉唐
文宗所謂如浚井得美水者也勞苦旁求反失之
矣

春秋尊君卑臣內夏外夷貴仁義賤詐力之指比
事觀之自見何必屑屑於日月爵氏之間

將有其末故先錄其本春秋此類甚多

綱目於人臣之卒具官爵姓名者為美之不書官

松桂讀書堂集卷三

讀經

爵者為貶之此皆不合春秋之法春秋之法直書
其事而美惡自見所謂一字之褒貶無有也世儒
自相傳述乃至王不稱天亦以為貶是匹夫而可
加天子也此等說數甚害於理

左氏傳合之經旨多刺謬受業孔門者乃如是乎
前儒阿好不一至荀崧益神奇其說謂孔子作春
秋邱明子夏造膝親受而貞觀永徽中祀周公為
先聖孔子為先師是時孔庭配食止顏淵左邱明
二人褒崇之禮若此毋乃少過乎

周實改月孟子書其明徵也商建丑而邠風以夏

正紀時蓋為農事言之耳

公及邾儀父盟於蔑或謂儀父蓋邾大夫非邾子克之字然竹書稱魯隱公及邾莊公盟於姑蔑則儀父實邾子克也

左傳莊公寤生驚姜氏杜氏謂寐寤而莊公已生是也寐寤而子已生亦有可驚之理何必依史記作生之難解乎

天王使宰咺來歸惠公仲子之賵公羊曰隱為桓立故以桓母之喪告於諸侯左氏以為豫凶事悞二年夫人子氏薨穀梁曰隱之妻也公羊以為隱

公之母誤五年考仲子之宮公羊曰隱為桓立故為桓祭其母也穀梁以為惠公之母悞

秦人來歸僖公成風之襚胡氏云寵仲子者惠公也故書惠公仲子崇風氏者僖公也故書僖公成風凡此皆不顧文義而為之解

夏四月辛卯尹氏卒公羊曰外大夫不卒此何以卒天王崩諸侯之主也穀梁曰於天子之崩為魯主故隱而卒之在昔成康繼代之際太保帥西方諸侯入應門左畢公帥東方諸侯入應門右執壤奠而朝王此成周典禮今隱公雖不如京師而尹

氏見主諸侯故因其來赴書之二傳之言是也左作君氏以為聲子也於古未有稱君母為君氏者其悞明甚

夏四月帥師取溫之麥秋又取成周之禾此於周正不合蓋當時列國之史亦有用夏正紀事者如竹書紀年之類左史雜采之而未及是正杜謂取蓋芟踐之非也

隱五年使曼伯與子元潛軍軍其後顧寧人謂子元即厲公字引昭十一年申無字之言曰鄭莊公城櫟而寘子元焉使昭公不立蓋莊公在時即以

櫟為子元之邑如重耳之蒲夷吾之屈故厲公於出奔之後取之特易而曼伯則為昭公守櫟者也按如顧說則子元之為厲公無疑矣隱九年公子突請為三覆桓五年子元請為二拒一人而名字互稱左氏固有此例

滕侯稱子薛侯稱伯杞本公也而或稱侯或稱伯或稱子或復稱伯學者求其故而不得往往以意為之說余主杜氏時王所黜一語而謂此固夫子據實書之以明爵賞出於天子耳非自為之進退於其間也偶讀朱竹垞曝書亭集其中有春秋論

立說竟與余合因錄於左曰方周末衰諸侯不享
覲者一貶其爵再削其地至於不朝者三則六師
移之迨後戰於繻葛敗績於貿戎而成周之禾溫
之麥可芟而踐六師既不敢移土地又不能削惟
爵號之存猶可操其柄則因其罪貶之當日之諸
侯未肯降心以從天子之命其盟會慶弔來告於
宗國必仍其舊而莫之改孔子則因其時而考其
事書其爵以正其名俾知王命之不可犯僭稱之
不足恃以取信後世故曰春秋天子之事也云云
夫謂當時之天子不能黜諸侯固也然晉楚大國

徐鍾書集卷三

讀

四

不能黜之而滕薛小國則猶能黜之朱子謂自貶
以奉大國之貢爵卑則貢少以平邛之會子產爭
承証之亦未必然鄭伯男也而使從公侯之貢今
爭之者祇欲仍其本爵之貢非欲自貶其爵也衛
貶號曰侯服屬三晉此等事在春秋時猶未有藉
使有之聖人不書其初封之爵而書其自貶之爵
則名實不幾紊乎

桓公五年春正月甲戌下有闕文或記陳佗殺大
子免事左謂陳侯卒而再赴穀謂舉二日以包皆
臆說耳

詩魚麗于留留以曲薄為笥而承梁之空者也以
此取魚魚無得脫者後世因之制為陳法陳氏五
每陣又各有五委曲周匝與留相類

公羊曰寔來者何猶曰是人來也孰謂謂州公穀
梁亦曰寔來者是來也按此非春秋文法其為闕
文甚明而郝京山從而附會之曰歸曰大歸去曰
大去來曰寔來終之也悞矣

不以國杜氏曰國君之子不自以本國為名顧寧
人曰焉有君之子而自名其國者乎謂以列國為
名若定公名宋哀公名蔣此說是也

徐鍾書集卷三

讀

五

名子者不以隱疾杜注隱痛疾患辟不祥也徐伯
魯解曲禮謂疾之隱者如黑臀黑肱之類黑臀黑
肱不可言疾

突歸于鄭鄭忽出奔衛公伐齊納糾齊小白入于
齊忽系鄭小白系齊皆上下文法相承不得不然
多為之說者鑿也

桓十八年葬我君桓公穀梁曰君弑賊不討不書
葬此其言葬何也不責踰國而討于是也公羊曰
讎在外也讎在外則何以書葬君子辭也夫君父
之讎不共戴天焉有不責踰國而討者乎公穀之

說背義傷教之甚者也然則隱不書葬而桓書葬史文有詳略要之皆非大義所在

莊元年不稱即位左傳文姜出故也杜解云文姜與桓俱行而桓為齊所殺故不敢還莊公父弑母出故不忍行即位之禮據文姜未還故傳稱文姜出也姜於是感公意而還以前無文姜歸魯之文下有夫人孫於齊故為此說然桓十八年書公之喪至自齊則文姜亦還不書從其重也此不稱即位蓋以繼弑君故耳

夫人孫於齊不稱姜氏闕文耳謂絕不為親者非

餘論讀書集卷三

諸經

六

謂蒙上文者亦非兩公分紀何得猶蒙上文也

元年書夫人孫於齊二年即書夫人姜氏會齊侯於禚則文姜不久即還公不能以義絕之其罪自見此事觀之聖人之旨嚴矣

莊六年齊人來歸衛俘杜云傳言寶經言俘疑經誤至胡文定始會而通之曰商書稱遂伐三朶俘厥寶玉則俘者正文也寶者釋辭也此義甚優春秋諸侯不生名失地則生而名之莊十年齊師滅譚譚子奔莒經書譚子不名則知此例亦有未盡然者故曰春秋無例

春秋歷十四王莊僖二王崩葬皆不見於經此當是史文脫落而夫子因之杜云王室微弱不能復自通於諸侯恐當時王室未遽至此

莊十六年會齊侯宋公陳侯衛侯鄭伯許男滑伯滕子同盟于幽胡氏謂不書公諱也而公羊經會上公字許男下又有曹伯字

周史之筮陳完是後來因事配卦而為之說朱子亦謂設為之辭以欺世蓋符命之類矣

莊二十八年二五言於獻公曰使太子主曲沃而重耳夷吾主蒲與屈則可以威民而懼戎且旌君

餘論讀書集卷三

諸經

七

伐使俱曰狄之廣莫于晉為都晉之啓土不亦宜乎杜注言遣二公子出都之則晉方當大開土界獻公未決故復使二五俱說此美按獻公未決云云非也此乃接上文說下言民戎威懼將俱以晉為強盛如是則先聲所至晉之啓土未可限量僖公二年冬十月五年春王正月夏四月皆宜另作一行春秋雖無事首時過則書也三不雨另起蓋凡三時無雨故每一時之末書不雨總言之也風馬牛不相及也杜云牛馬風逸蓋末界之微事故以取喻林西仲謂馬牛最善行遠以各處南北

不能相見而誘去喻其遠之甚此解可謂不洒然矣

水經注獨松故塚爲水毀其塋文筮言吉龜言凶百年墮水中又云昔有人于龍沙得故塚刻塋題曰西去江七里半筮言其吉龜言其凶而今此冢垂沒于水又琵琶圻古塚墮水甕有隱起字法筮吉龜凶八百年落江中此筮短龜長之驗也

凡分至啓閉必書雲物分春秋分至冬夏至啓立春立夏閉立秋立冬也書雲二字今人獨用之于冬至不詳考耳

徐廣書堂集卷三

諸經

八

太伯不從實謂不從父命也史記述此文曰太伯虞仲太王之子也太伯亡去是以不嗣亡去亦以不從父命故杜注本無岐義顧寧人以語涉翦商據史黜杜拘矣

僖十四年書季姬及鄫子遇于防使鄫子來朝十五年始書季姬歸于鄫說者謂僖公鍾愛其女使自擇配非也愚以爲此錯簡耳觀左傳曰鄫季姬來寧公怒止之以鄫子之不朝也夏遇于防而使來朝言來寧則歸鄫在前可知

僖十有六年春王正月戊申朔隕石於宋五杜注

隕落也聞其隕視之石數之五各隨其聞見先後而記之莊七年星隕如雨見星之隕而隕於四遠若山若水不見在地之驗此則見在地之驗而不見始隕之星史各據事而書此一段文筆甚妙與公穀無二讀者忽之故爲表出

文元年左傳於是閏三月非禮也謂魯改古法置閏在三月古置閏必在十二月之後今此亦見魯與周異矣

文二年周志有之勇則害上不登於明堂今汲冢周書大匡解有此二語

徐廣書堂集卷三

諸經

九

左傳文六年趙孟曰立公子雍云云難必抒矣杜注抒除也音直呂反服虔作紆義爲長

文十四年左傳楚子聞之投袂而起屨及于室皇劒及于寢門之外車及于蒲胥之市邵氏實曰屨人進屨追而及于室皇前此未及屨也劍人進劍追而及于寢門之外前此未及劍也車人駕車追而及于蒲胥之市前此未及車也按此解極明曉周之二月夏之十二月故書無冰以見恒燠也若周不改月則二月無冰乃常事耳登之史策何爲哉

以兩之一卒適吳舍偏兩之一焉杜氏曰司馬法百人爲卒二十五人爲兩車九乘爲小偏十五乘爲大偏蓋留九乘車及一兩二十五人今吳習之按此解兩之一卒及偏兩之一俱不分明明傳氏遜謂古人一車謂之一兩詩百兩御之孟子革車三百兩非二十五人爲兩之兩也蓋楚廣之制本用一卒故云以兩之一卒其云舍偏兩之一者車之半邊爲偏偏五十人今留二十五人也其義較杜氏爲長

宋公使公孫壽來納幣公羊曰納幣不書此何以

論衡讀書集卷一

讀經

十

書錄伯姬也會于澶淵宋災故公羊曰會未有言其所爲者此言所爲何錄伯姬公羊此等處直截明了讀胡傳後讀之撥雲霧對青天不是過也

鄭伯髡頑如會未見諸侯丙戌卒于鄆公會吳伐齊三月戊戌齊侯陽生卒髡頑之卒三傳皆以爲弑陽生之卒左氏亦以爲弑皆非也夫弑而不書弑必待多爲之說而後知其實則二君之弑終隱矣吾見春秋成而亂臣賊子有不懼者矣

楚子麇卒左傳曰令尹圍將聘于鄭未出境聞王有疾而還入問王疾縊而殺之使赴于諸侯邾敖

之死傳以爲弑而經書卒子于此蓋信經而不信傳也然則弑之名何始乎沈執甫曰圍謀爲後必爭爲後者之所爲也

齊陽生入于齊上文無所承則雖欲不系以齊而不得不稱公子不待書也下書齊陳乞弑其君荼齊字非有意義此句何獨不然

哀七年欲伐邾大夫曰禹合諸侯于塗山執玉帛者萬國舉盈數而言其多也非真有萬國也

西狩獲麟杜序麟出非其時聖人所以爲感也絕筆於獲麟者所感而起因所以爲終也解得平淡

高於胡氏多矣

論衡讀書集卷一

讀經

士

郝京山周禮宛解云天官六十財用是急地官六十簡閱爲先北閭族黨州鄉之民伍兩卒旅軍師之兵夫家衆寡六畜車輦之數鄉大夫州長黨正族師閭胥比長之官皆以內政寓軍令而已管仲伯齊商君強秦皆是物也其言可謂知要

媒氏中春之月令會男女於是時也奔者不禁若無故而不用令者罰之司男女之無夫家者而會之夫淫奔不禁與擇鰥夫寡婦而配合之豈所以端風俗正人倫之道甚矣此書之駭也解者知其

謬而以周公之書不敢輕斥訓若爲及言於是時而男女相奔父母不禁與無凶荒喪禍之變而不用婚姻之令者皆罰之不知非此書本意也從一而終婦人違禮委巷細民之家夫死改嫁迫於饑寒有不得已先王體恤人情固不必設之厲禁至乃特立一官以司其配合之事匪惟不正兼亦可嗤程子言餓死事小失節事大豈周公大聖顧獨昧於此也

周禮司服祀昊天上帝祀天也又有五帝之祀祀五氣也天道運爲五氣春木氣爲東方青帝夏火

徐桂讀書堂集卷三

讀經

主

氣爲南方赤帝夏季土氣爲中央黃帝秋金氣爲西方白帝冬水氣爲北方元帝統於一氣是爲昊天上帝周禮所謂五帝及昊天上帝者如此祀天不可無主擇上古繼天之君配之伏羲配青帝神農配赤帝軒轅配黃帝少昊配白帝顓頊配元帝月令所謂其帝太皞云云者如此究之天之蒼蒼豈真有帝哉不過以形體言之謂之天以主宰言之謂之帝耳緯書捏造名號青帝名靈威仰赤帝名赤熛怒黃帝名含樞紐白帝名白招拒黑帝名叶光紀昊天上帝名耀魄寶真鄙俚無稽之談而

儒者解經亦或用之何與

占夢之官季冬聘王夢獻吉夢於王王拜而受之乃舍萌於四方以贈惡夢作周禮者誠雄才大略之人此等頗亦迂而不經何也

職方氏疏自神農以上有大九州柱州迎州神州之等至黃帝以來惟於神州之內分爲九州蓋天下有九州古之帝者皆治之後世止治神州神州者東南一州也此騶衍之緒譚而緯書拾之疏家據以解經無識甚矣按河圖括地象曰東南神州正南卽州西南戎州正西并州正中冀州西北柱

徐桂讀書堂集卷三

讀經

主

州北方玄州東北咸州正東陽州淮南地形訓同而以西北爲台州正北爲濟州東北爲薄州隋代承襲其說北郊之制有神州迎州冀州戎州拾州柱州營州咸州陽州尤爲不經唐初房元齡與禮官議除之惟祭皇地祇及神州然神州之名亦五經所無也

九州在前十二州在後何以見之以舜典言肇十有二州肇者始事之詞其復合爲九州不知起於何代陳氏經言在夏之世以左傳貢金九牧爲証愚又按竹書紀年云帝舜三十三年夏后受命於

神宗遂復九州則分合皆在虞世

大司寇以五刑糾萬民首野刑次軍刑次鄉刑夫鄉刑上德糾孝人道所先詎宜次於野刑軍刑之後故知此書之作一以富強為主也

秋官司厲云其奴男子入於罪隸女子入於舂槩謂犯重罪者之家屬入官為奴此法於他經未見是書始有之

曲禮刑人不在君側王制公家不畜刑人而周禮言墨者使守門劓者使守閽宮者使守內則者使守圉髡者使守積當以曲禮王制之言為正

餘權讀書集卷二

請經

古

考工記但詳百工之事於考羣吏無與也而郝京山以為皆有所寓意云工之家百舉六者應六官也目分為三十者五其六為三十也五應五行六應三百六十職又不直言木金水火土變水火土為攻皮設色刮磨搏埴為六以函五又不全用三十缺六用二十四以應二十四氣合五官之屬為三百六十皆所謂飛鉗縱橫之意京山此論可謂鑿矣嘗讀其周易正解於邵子八卦相生橫圖先天方圓圖朱子變卦圖皆以為後人褻湊無裨經義今段云云不亦褻湊之甚耶

考工記山以章謂天以星辰為章地以草木為章故畫山必畫草木也又爾雅釋山上正章註正猶平也言山形上平者名章亦可備一解鄭氏讀章為獐謂畫山宜畫獐於義果何取乎。水以龍龍水物也畫水以龍象其物也郝京山讀龍為龐謂龐襍也水形錯雜故宜龐殊屬不必。鳥獸蛇皆畫之於旂者謂鳥隼為旗龜蛇為旐熊虎為旂京山讀蛇為移謂蛇行邪移委曲自然畫鳥獸欲委蛇生動也成何文理

餘權讀書集卷二

請經

主

舊解惟也為椎於其杆上明無所屈於義無取郝京山按本草註葵種不一晚華冬實者為冬葵即今蜀葵爾雅云終葵繁露也本草註繁露即今胡胭脂非也終冬也冬葵云繁露者以花葉獨大得露多猶詩云蓼蕭零露漙漙及四海云爾故大圭刻形於首取天子首百揆之義也此解當是琢圭八寸諸侯以享夫人案十有二寸棗栗十有二列諸侯純九大夫純五夫人以勞諸侯上夫人謂所聘國君之夫人下夫人謂主君夫人勞諸侯勞問諸侯之為賓者也舊解以下夫人為天子之

三夫人謂夫人佐后治內政故王勞賓客而夫人亦以東栗勞也其禮頗不經見

自車入爲車下至渠三柯者三即應接六分其輪崇至柏車二柯下乃應接行澤者欲短轂蓋任車三等大車羊車柏車轂長半柯至六分其輪崇以其一爲之牙圍詳大車之制柏車轂長一柯至五分其輪崇以其一爲之牙圍詳柏車之制大車崇三柯至柏車二柯又總言三車牝服之制而羊車之輪轂輻牙可以例推行澤八句通論三等任車轂輪之式如此文勢方順原文錯簡而解者不知

正也

松桂讀書堂集卷二

讀經

去

松桂讀書堂集卷二

松桂讀書堂集卷三

華亭 姚培謙 平山

讀經

禮記之作以釋周禮儀禮不獨爲儀禮之傳也如曲禮遇會誓盟及文王世子所記庶子之類並釋周禮先儒欲以儀禮爲經禮記爲傳而不及周禮蓋亦考之不詳

父母有疾言不惰疏謂惰訛不正之言陳可大曰不惰不及他事也二說於本文語意俱不甚醒徐伯魯曰或人問疾或已迎醫言之必詳而不敢惰也徐說爲優

松桂讀書堂集卷三

讀經

一

齋者不樂不弔不樂謂不作樂樂如字讀前有水則載青旌青青雀也畫青雀於旌故謂青旌集說青旌者青雀也是水鳥似以青旌爲鳥名亦失檢也

前有士師則戴虎皮士師兵衆也集說謂士師非所當警備者而亦舉類以示衆或者禁止暴橫之意似以士師爲周禮秋官之士師誤也

畛於鬼神爾雅畛致也疏引此句爲証蓋因工祝致告於鬼神方氏謂望秩之禮必於野外故以畛

言之畛田間道也祭於畛而謂之畛猶祭於郊而謂之郊不知畛非祭名也

白虎通曰天子之配商之前皆稱妃周始立后晉書后妃傳序亦云爰自曩古是謂元妃降及中年乃稱王后然則天子之妃曰后乃周制不通於夏殷者也

自天子以至於士通有戶竈中雷門行五祀而曲禮五祀之祭止屬天子諸侯大夫至士即不得祭然則士喪禮禱於五祀謂之何哉祭法又有天子七祀之文加司命泰厲諸侯五祀則有司命公厲而無戶竈大夫三祀有族厲而無中雷戶竈士二祀門行而已先儒以為不經曲禮與士喪禮之說又互異未知所折衷也

孔氏三世出妻之說先儒疑之而不信也莫核於黃叔陽之辨曰聖人禮義之宗閨門有家之本豈有不慎於始而三世出妻之理乎按孔子年十九娶宋元官氏明年生子適魯昭公賜之二鯉孔子榮君之賜因以名子而字之曰伯魚至六十六而夫人元官氏卒傳記之可考者昭然如此豈有出妻之事乎意當時欲明不喪出母之禮而無其事

故借聖人之家以明之而不知其自陷於無根之罪也愚謂子上之母死及後伯魚之母死等章皆當刪去庶使此書之存不得罪於名教

檀弓記事支誕不倫其侮聖蔑禮之至者莫如孔子少孤一章先儒辨之詳矣說者以為子游門人所記夫子游門人去孔子未遠不應如此失真郝京山謂是先秦鐵國間人手筆非古聖舊典信矣士虞禮碁而小祥曰薦此常事又碁而大祥曰薦此祥事中月而禫是月也吉祭碁滿十二月一歲之期小祥十三月之祭薦常事小祥祭之祝辭也

又碁二十四月大祥二十五月之祭薦祥事大祥祭之祝辭也中月間一月大祥二十五月間一月則二十六月禫祭則二十七月是月即禫月吉祭即禫祭也二十八月初始樂故孟獻子禫縣而不樂比御而不入夫子曰獻子加於人一等矣蓋取其親喪外除餘哀未忘於內禮之正也魯人有朝祥而莫歌者子路笑之夫子曰由爾責於人終無已夫三年之喪亦已久矣夫子路出夫子曰又多乎哉踰月則其善也是謂二十六月即可歌矣恐非禮之正也然則孔子既祥五日彈琴而不成聲十

日而成笙歌非與曰此記言失實也五日彈琴其去朝祥而慕歌者幾何喪服四制亦有祥之日鼓素琴語皆不可以爲訓

知死而不知生傷而不弔畏壓溺可傷尤甚故特致哀死者而不弔生者以異之且如何不淑之詞無所施焉橫渠之說是也方氏謂三者皆非正命故在所不弔不達其意矣

舜葬于蒼梧之野蓋三妃未之從也三當爲二字之訛後人好奇遂於皇英之外別造癸比之名疏又云癸比生二女宵明燭光恐涉傳會不足信也

曾子之喪浴于爨室此委巷之譚

子思之母死於衛非伯魚卒而其妻改嫁也孟子言子思居於衛則其母之卒當於是時故柳若謂子思曰子聖人之後也四方於子乎觀禮子盍慎諸是子思爲之喪主也豈母嫁與父絕而子思猶爲之喪主哉必不然矣按此章猶未甚碍理至後子思之母死于衛赴於子思則明言庶氏之母死是以上事孔子下育子思者而有夫死改嫁之事記雖云然疇其信之

檀弓篇內多稱子游又每抑曾子而伸子游後人

因疑是其門人所記未必然也司士賁告於子游曰請襲于牀子游曰諾縣子聞之曰汰哉叔氏專以禮許人觀此一段則篇內亦有貶子游者矣

周禮王制所記先王制度皆有離有合王制近乎純周禮近乎駁

天子使其大夫爲三監監於方伯之國國三人此秦漢以來猜防之制緣於管蔡監殷而爲此說也不知監殷特權宜之舉豈謂方伯之國皆設之監哉

郝京山曰月令作于秦然其書以農桑爲本無月

不及農桑即詩書豳風無逸之意秦人尚功何暇及此其非呂氏所獨創明矣夫戰國之時農戰並重商君之法大小僂力本業耕織致粟帛多者復其身事末利及怠而貧者舉以爲收孥誰謂秦人不重農哉使秦人但修守戰之備而不務耕織安能以空虛之國所向必克以寢至於招八州而朝同列也

孔子曰嗚呼哀哉我觀周道幽厲傷之吾舍魯何適矣魯之郊禘非禮也周公其衰矣杞之郊也禹也宋之郊也契也是天子之事守也故天子祭天

地諸侯祭社稷石梁王氏曰此一章真孔子之言而沈執甫謂孔子嘗夢周公未嘗言周公之衰嘗謂季氏僭禮未嘗言魯非禮此章非孔子之言則可謂拘甚也

國君世子生告於君接以太牢以太牢之禮接見其子也春秋桓六年傳子同生以太子生之禮舉之接以太牢正與此合而杜氏解彼爲以禮接夫人未是

明堂位之誣姑不深言至如有虞氏官五十夏后氏官百殷二百周三百魯兼用之益復妄誕先儒

金樓讀書堂卷三

禮記

六

謂魯得用四代禮樂故惟通用其官之名號不必盡用其數此是見其不可通而曲爲之說

祭義君子曰禮樂以下數節皆言禮樂孝弟之事至末二節乃及祭祀廟制見禮樂孝弟爲神明之德格先之本非禪將之文耳惟古人知祭祀之義存誠慎獨與鬼神合德是以入廟對越臨尸不忤郝京山之論云然其旨精矣徐伯魯謂此篇不如冠昏射燕聘鄉六篇之精密其中二十三章又以他事雜之蓋不專爲祭祀作所見不逮京山遠甚周人祭日以朝及闇闇昧爽以前也周尚赤故先

日欲出之初猶逮及闇而祭此時日色赤是爲以朝及闇也朝字句絕

程子曰親迎者迎於其所館故有親御授綏之禮豈有委宗廟社稷遠適他國以逆婦者乎愚嘗因程子之言思之春秋公穀二傳所謂譏不親迎正犯此義未必然也

坊記子言之子云以下皆聖言而記者又從而演繹之觀其引論語春秋可見

三千三百劇言其多鄭康成以周官三百六十爲經禮三百儀禮十七篇爲曲禮三千其不足三千

金樓讀書堂卷三

禮記

七

者謂之逸禮說經如此亦近於拘

舜類于上帝禋于六宗望于山川徧于羣神而獨不及地祇此言合祭者所由昉也周禮大司樂冬日至地上圜邱之制曰禮天神夏日至澤中方邱之制曰禮地祇此言分祭者所由昉也自漢以來分祭合祭訖無定論朱子曰古昔聖王制爲祭祀之禮必以象類故祀天于南祭地于北而其壇壝樂舞器幣之屬亦各不同若曰合祭天地於圜邱則古者未嘗有此瀆亂龐雜之禮又曰古時天地定是不合祭日月山川百神亦無合共一時祭享

之禮又曰五峯言無北郊只祭社便是此說却好
又按陳可大曰名誥用牲于郊牛二蔡氏以爲祭
天地非也牛二帝牛稷牛也社於新邑祭地也故
用太牢此說亦足正議禮者之傳會故併錄之
情欲信辭欲巧老泉諫論之所出陳可大謂巧當
作考即曲禮則古昔稱先王之意明是強解石梁
王氏以爲決非孔子之言

葉公之顧命葉爲祭字之訛見汲冢周書祭公解
乃謀父疾告穆王之詞

驚蟲攫搏不程勇者引重鼎不程其力其去暴虎

徐梓讀書堂集卷三

讀終

八

馮河也幾何矣聖人乃列之於儒行乎

古人相見必有贅士執雉大夫執鴈不過藉手爲
相見之禮婚禮納采用鴈士相見本應用雉所以
用鴈而不用雉者因婚禮可以攝盛而鴈者大夫
相見之贅非謂鴈不再偶而拜之也程子曰奠鴈
取其不再偶朱子又曰取其順陰陽往來之義似
皆未然

狸首詩亡集說引呂氏謂記有原壤所歌及此篇
所引曾孫侯氏疑皆狸首詩曾孫侯氏之爲狸首
說固可信若乃原壤所歌乃壤矢口而成狸首之

斑言本文之華也執女手之拳言沐樽之滑膩也
其中但有狸首字耳烏可即以當此詩乎

宰我不與田常作亂有兩証焉左傳闕止字子我
田闕爭寵子我爲陳恒所殺非宰我也又李斯書
田常爲簡公臣下得百姓上得羣臣陰取齊國殺
宰子於庭遂弑簡公則宰子之死死於忠而不與
田常作亂也

夫子爲衛君一章王逢原以十字蔽之曰賢兄弟
讓知惡父子爭矣說書如此簡妙良可喜也

朱竹垞曰今人多以茹蔬不肉食爲齋稽之古不

徐梓讀書堂集卷三

讀終

九

爾也周禮膳夫掌王之食飲膳羞王日一舉王齋
日三舉殺牲盛饌曰舉蓋周制王日食供一太牢
遇朔加日食一等當兩太牢而散齋致齋齋必變
食故加牲體至三太牢是齋日仍肉食反有加矣
朱注不飲酒不茹葷出莊子文似未足據余謂齋
日肉食反加於常似非清心寡慾以交神明之道
明太祖時禮部尚書牛諒奏請齋日宰牘牛爲膳
上曰致齋三日而供三牘何益事神之道諒曰周
禮所定也上曰周禮不行於後世多矣惟自奉者
乃顧法古何哉此言甚正

爪祭之爪應如字讀禮玉藻爪祭上環食中弃所
搯古人每事不忘初食爪則祭始種爪者也

晉文齊桓章聖人定二霸行事優劣如此孟子曰
五霸者三王之罪人也則更進一義孔子未嘗獎
五霸今此正而不譎之云猶曰彼善於此云耳論
語之言即春秋之旨也故深于春秋者莫若孟子
微子去之劉敞曰古者同姓雖危不去國微子紂
庶兄也何入周之有去之者去紂都也雖去不踰
國斯仁矣此說最是朱子亦但云去之以存宗祀
抱祭器入周肉袒面縛云云太史公傳疑不足信
也

徐桂讀書堂集卷三 讀經

十

綱目載司馬公曰史記六國表魏惠王三十六年
薨襄王十六年薨哀王二十三年薨汲冢竹書紀
年惠王三十六年改元稱一年後十六年薨杜預
和嶠皆以爲史記悞分惠王之世爲二王之年蓋
世本惠王生襄王而無哀王且竹書魏史所書必
得其真故今從之按此論惠襄在位年數與黃氏
日抄所辨齊人伐燕有二次皆讀孟子者所宜知
也

管子書載桓公將東遊問於管仲曰我游猶軸轉

斛南至瑯琊司馬曰亦先王之游已何謂也對曰
先王之游也春出原農事之不本者謂之游秋出
補人之不足者謂之夕夫師行而糧食其民者謂
之亡從樂而不反者謂之荒先王有游夕之業於
民無荒亡之行於身桓公退再拜命曰寶法愚按
此與孟子所載晏子語大同小異管晏二大夫之
言不應若是相類蓋管子之書疑後人或增損
也

黃氏日抄云史記齊伐燕有二事齊宣王先嘗伐
燕文公卒易王初立齊宣王因燕喪伐之取十城

徐桂讀書堂集卷三

讀經

二

是即孟子梁惠王篇所載問答稱齊宣王者也此
一事也稱宣王者孟子作於宣王已沒之後故以
謚稱而趙岐註亦稱齊宣王也齊湣王又伐燕
王噲以燕與子之齊伐燕下燕七十城是即孟子
公孫丑篇所載沈同問燕可伐者也此又一事也
止稱齊王者作孟子時湣王尚在未有謚之可稱
趙岐注亦止稱王也按伐燕殺噲或以爲宣王或
以爲湣王朱子亦謂未知孰是黃氏分別二次伐
燕最明稼書先生深取其說謂發前人所未發也
戰國策孟軻謂齊宣王曰今伐燕此文武之時不

可失也夫勸齊伐燕孟子已自辨之矣至以潁王爲宣王其誤亦始於國策云

夏后氏五十而貢殷人七十而助周人百畝而徹是三代尺步有大小觀王制古者以周尺八尺爲步云云可見核其實皆百畝耳朱子謂自五十里改爲七十里既七十里却改爲百里便都着那趙動此擾亂之道不知百畝既同溝塍何用更改此處不須致疑

有爲神農之言註史遷所謂農家者流也金仁山曰太史公六家同異無農家班固藝文志分九流

始有農家者流

松桂讀書集卷三

讀經

士

戰國策齊王使人問趙威后威后問於陵子仲尚存乎鮑註謂此於陵子仲自爲一人若孟子所稱已是七八十年矣余謂即此於陵仲子也國策之失實甚矣安知非作書者欲爲威后生色而增益此言不暇考其同時與否耶范中行之滅在魯哀公五年距智伯瑤圍晉陽時已三十餘年且係瑤祖荀躒之事趙策內猶且混而爲一於陵子仲之悞又其小焉者矣

孔叢子載孟子與子思問答是以孟子親受業於

子思也然孟子言魯繆公時子思爲臣而孟氏譜孟子卒於周赧王二十六年當魯文公之六年上距魯繆公元年凡一百二十一年故謂親受業於子思者誤也受業子思之門人則太史公說然孟子書未嘗一及其師當亦臆度之詞蓋後人見孟子之言時與子思合故云然爾其實私淑諸人即子貢所稱孔子識大識小無不學之意非必定於一人亦未必定是子思之門人也郝京山解諸爲衆則又牽強此諸字只是語助辭

四岳稱舜曰父頑母嚚象傲克諧以孝烝烝乂不

松桂讀書集卷三

讀經

三

格姦則三十徵庸之前瞽瞍已見化於舜矣何有既爲都君而猶使之完廩浚井以潛行其殺子之計哉萬章所聞亦屬齊東語耳

洪容齋曰孟子之書上配論語惟記舜事多悞故自國朝以來司馬公李泰伯及呂南公皆有疑非之說其最大者証萬章塗廩浚井象入舜宮之問以爲然也又云桃應有瞽瞍殺人之問雖曰設疑似而請然亦可謂無稽之言拒而不答可也顧再三爲之詞宜其起後學之惑吁是何其失言也先儒謂堯舜瞽瞍之事世俗不勝異論非孟子辭而

闢之後世謂何洪蓋猶以司馬諸公之說帶芥其中宜其斷斷不可乃爾

外丙二年仲壬四年說者不一程子曰古人謂歲為年湯崩時外丙方二歲仲壬方四歲惟太甲差長故立之是以二君為未嘗立也艾東鄉曰當時以世嫡之禮論當在太孫雖使其幼豈不能負扈而朝諸侯而公然廢嫡孫立庶子雖曰商人兄死弟立者多然帝乙未嘗立微子也蓋太甲顛覆典刑已在為太孫之日尹實廢之而立外丙仲壬及其皆不久而後為遷桐放君之事故曰伊尹聖之

徐桂讀書集卷三

讀經

古

任者也今論者徒取邵子經世史甲子歷推其無此二君以為証不知歷記其年苟其年合則世次固所略也安知其不併敘叔號於姪年哉按以二君為未嘗立固非如艾論又臆度無據蓋商人兄死弟立自外丙仲壬已然金仁山謂自太庚始非也

竹書紀年記當時之事多信惟中間攙入太甲殺伊尹文丁殺季歷駭人聽聞蓋此書成於戰國人習聞處士之橫議而不知其非也遂以筆之于書吁戰國之時何時哉伊尹要湯孔子主癰疽寺人

百里奚鬻身以干秦穆其他如堯幽囚伊尹通於妹喜之類大聖大賢皆遭誣讎因之藉口以自便其私而亂臣賊子滋起使非孟子辭而闢之天下後世欲聞聖賢之立身行己其孰從而求之耶

古列爵惟五公侯伯子男五等天子統之卿大夫上中下士五等君統之一國之君猶天下之天子所謂樹之后王君公承以大夫師長六等仍五等也卿即上大夫大夫皆下大夫故各一等三公三孤卿之兼官也左傳次國上卿當大國之中中當其下下當其上大夫小國上卿當大國之下卿中

徐桂讀書集卷三

讀經

主

當其上大夫下當其下大夫則卿有上中下大夫亦有上中下是九等而非五等矣左氏所記皆衰世之制孟子所言則盛王之舊也

王制云四海九州州方千里內以一州為王畿其餘八州建百里之國三十七十里之國六十五十里之國百二十凡二百一十國名山大澤不以封其餘以為附庸閒田天子畿內分建方百里之國九七十里之國二十一五十里之國六十三凡九十三國其餘以祿士為閒田九州共千七百七十三國其言與孟子合惟封建之數未必實然耳

夫天子之地方千里四方皆千里也分公卿大夫之外天子以所餘自奉而士之祿及王子弟之食邑皆取給焉不爲不足者古天子之事簡故庠支無告竭之虞古天子之官省故祿入無不充之患周去夏商不遠忠質之風猶有存者于此亦可想見至如周禮所載盡是後代規模以孟子之言律之宜其方枘圓鑿而不相入也

後人說制度只信周禮而不信孟子愚謂孟子時雖典籍散亡不應千里百里之制彰彰在人口耳間而亦誤記後人盍以是思之

郝京山曰周初九州千七百七十三國歷代興廢新故損益之數疆理沿革之蹟譜牒圖史磨滅不可盡考孟子謂詳不得聞以此然亦可不必聞者矣此真通達之論余為之擊節歎賞

左傳記太公所封東至于海西至于河南至于穆陵北至于無棣晦翁引以証孟子儉于百里之非夫孟子之書不信而信浮誇之左氏亦獨何哉拔一毛而利天下不爲也此語原出楊朱口說今見列子楊朱篇曰伯成子高不以一毫利物舍國而隱耕古之人損一毫利天下不與也人人不損

一毫不利天下天下治矣禽子問楊朱曰去子體之一毛以濟一世汝為之乎楊子曰世固非一毛之所濟禽子曰假濟為之乎楊子曰勿應禽子出語孟孫陽陽曰有侵若肌膚獲萬金者若為之乎曰為之曰有斷若一節得一國子為之乎禽子默然陽曰積一毛以成肌膚積肌膚以成一節一毛固一體中之一物奈何輕之為我要旨盡此數言中

松桂讀書堂集卷四

華亭 姚培謙 平山

讀史

刪書首唐虞唐虞以上不言伏羲神農黃帝贊易
中一及之耳穀梁所謂知其不可知也後人不
爾三皇前必曰有初三皇九州外必曰有大九州
意欲以誑愚人而人卒莫之信是可謂智乎
小司馬三皇本紀平平鋪敘意便童蒙省覽而已
不欲摹肖太史公是真善於藏拙者

堯舜同族而堯妻舜以二女是瀆亂人倫自堯舜

始也然則言舜出自黃帝者豈其然乎

人君之號唐虞曰帝夏殷曰王然史記夏殷二代
皆稱帝書亦云自成湯至于帝乙則二代蓋通稱
之至周乃定稱王耳

稷契同時乃契至湯四百餘年而傳世十三稷至
文王一千一百年而傳世止十四太史公所紀世
次未可盡信

方正學云美里之事不經見史所稱獻美女善馬
之說皆好事者意構之辭恐非其實也愚謂此正
如陳平脫高帝平城之圍所謂奇計者世莫得聞

松桂讀書堂集卷四

讀史

一

松桂讀書堂集卷四

讀史

二

故隱匿不泄也劉子駿聞吾言乃立稱善焉

太史公言西伯既得釋歸乃陰修德行善儒者以
陰之一字為病可謂惑也易不云內文明而外柔
順以蒙大難文王以之乎史與易辭異而旨同也
何為其病之哉

秦本紀中湣生蜚廉蜚廉生惡來惡來有力蜚廉
善走父子俱以材力事殷紂周武王之伐紂并殺
惡來是時蜚廉為紂石北方還無所報為壇霍太
山而報得石棺銘曰帝令處父不與殷亂賜爾石
棺以華氏死遂葬於霍太山今按孟子驅飛廉於

海隅而戮之安得有此事 爲壇霍太山而報句
絕正義曰爲壇就霍太山而祭紂報云作得石柳
非也

張衡東京賦由余以西戎孤臣而惺繆公于宮室
李善引史記曰由余本晉人亡入西戎相戎王使
來聘秦觀秦之強弱繆公示以宮室引之登三休
之臺由余曰臣國土階三尺茅茨不翦寡君猶謂
作之者勞居之者淫此臺若鬼爲之則神勞矣使
人爲之則人亦勞矣於是繆公大慙按今秦本紀
敘由余但言繆公示以宮室積聚無與登三休臺
之事其下云云亦異不知李善何所本也

徐稚讀書堂集卷四

讀史

三

古置閏必在十二月之後而左傳文元年置閏在
三月始改古法矣史記秦始皇本紀末云宣公初
志閏月然則宣公以前皆無閏知當時列國不奉
王正者甚多然而宣公以前無閏則又不可解計
每三十年多一年矣諸國即不奉王正要未有若
秦之無閏者

史記穆王西巡狩樂而忘歸徐偃王作亂造父爲
穆王御長驅歸周以救亂昌黎徐偃王廟碑乃云
偃王行仁義諸侯不期歸之及其敗也以不忍鬪

其民非實錄也昌黎此篇雜採稗史而成隱惡揚
善以仁義爲言所以立教王陽明象祠記謂象化
於舜土人思其德故祀之不廢亦此意也

綱目蜀相殺蜀侯弒悞作殺書法云殺蜀侯者蜀
相也不書弒何失國之君也然則君失國則固可
殺與不死杜稷而見殺於其臣亦不足以言君矣
夫君雖不君臣不可以不臣果如書法之言亂臣
賊子有所藉口矣春秋成而亂臣賊子懼難以望
之綱目矣吾固知朱子之意不如是也

徐稚讀書堂集卷四

讀史

四

言之可謂大拙然不得咎韓計之拙也天方相秦
而假手於韓韓之君臣安得自主凡此皆孟子所
謂無道之天也

包似之曰世傳秦政之生以呂易嬴此誑說也不
韋所能知者其姬之娠否耳安能知姬之歸于異
人必生政也既云娠矣生政遲至期年豈常理乎
不韋又安能知其娠之恠需之日月而可令異人
無疑也蓋不韋於生政之後假爲是說以陰自固
於秦孰知秦王非李昱而責其何親竟殺之弗惜
乎夫大賈搃其販心利秦萬端未已猶于牀第間

造曖昧之說冀終收夫奇貨之效此其謀似巧而實拙也世之惡嬴甚矣乃莫爲之辨其誑者愚按包君所辨誠是矣乃謂其說出於不韋所以陰自固於秦則未必然當是惡嬴之甚者見始皇實不韋姬所生事可附會從而誣譏之以洩其憤後人竟稱秦曰呂秦晉曰牛晉夫曖昧之事借使有之君子猶弗道也況其事未必有世之君子何乃效市井間輕薄口吻哉

秦始皇本紀軍歸斗食以下什推二人從軍昌黎曹成王碑什抽一推所本彼注不引之

金桂讀書集卷四

變

五

鉅鹿之戰項羽以兵綴章邯遂使沛公得乘其虛以入關而破秦帝王之興天事與人事各居其半矣

項王謂大司馬曹咎等曰謹守成臯則漢欲挑戰慎勿與戰毋令得東而已鍾伯敬批云則字妙在接得不甚順是霸王聲口此非項王不通文理伯敬不通文理也

胡致堂曰太尉左袒之令非也有如軍士不應或皆右袒或參半焉則如之何此迂儒之見也太尉知人必皆左袒而下此令使軍中聲勢益張耳戰

國策王孫賈入市中曰淖齒殺閔王欲與吾誅者袒右從者四百人與之誅淖齒然則太尉此舉古人有行之者矣

陳季雅言肉刑易而笞則民輕犯法而罪日衆此言非也以爲肉刑果可以懼民而使之不犯法乎老子云民不畏死奈何以死懼之夫以死懼之民猶且輕犯法也肉刑之可懼孰若死刑彼議復肉刑者其亦勿思焉耳矣

蘇子由古史曰世俗之說曰舜囚堯不得其死禹逐舜終于蒼梧之野周公將篡成王二叔譏之乃

金桂讀書集卷四

讀史

六

免於亂彼以小人之情度君子之心亦何所不至哉夫聖人雖與世同處而其中浩然與天地同量彼其食粟衣帛蓋有不得已耳而況與人爭利哉諸葛孔明受託昭烈以相孺子雖使取而代之蜀人安焉然君臣之義沒身不替孔明尚然而況於聖人乎彼小人何足以知之此段議論光明正大熟精孟子後乃能言之小蘇文字光燄不及父兄而名言至論多有可採如古史其尤卓卓者

哀公欲以越伐三桓公如陘氏三桓攻公公奔于衛去如鄒遂如越國人迎哀公復歸卒於有山氏

經世書三桓作難弑其君哀公哀公不薨於其位三桓爲之讀此一語真覺大義凜然

穀梁傳燕周之分子也皇甫謐曰謂召公爲文王之庶子然史記但云召公奭與周同姓譙周曰周之支族食邑於召索隱曰武王封之北燕亦以元子就封而次子留周室代爲召公至宣王時召康公虎其後也

周本紀武王封帝堯之後於薊封召公奭於北燕而薊後無聞正義曰薊燕二國俱武王立因燕山薊邱爲名其地足自立國後薊微燕盛乃并薊居

之

松桂讀書集卷中

讀史

七

鮑綰雲曰燕昭郭隗皆三代人也欲爲國雪恥君臣問對無他言專欲得賢士而事之此無競惟人之誼也欲無興得乎愚謂燕昭欲報仇強齊惟求賢士與共國此可謂知本矣及郭隗自薦即築宮而師事之英主偉略百代之下所共瞻仰若梁之惠王懲三國之欺思一自奮顧有一孟子而不能用何怪其終於頽弊乎賢愚之相去奚啻天淵讀史至此使人喟然太息而不能已

說苑云楚莊王欲伐陳使人視之使者曰陳不可

伐也其城郭高溝壑深蓄積多其國寧也王曰陳可伐也夫陳小國也而蓄積多蓄積多則賦稅重賦稅重則民怨上矣城郭高溝壑深則民力罷矣興師伐陳遂取陳按此蓋莊王見陳有微舒之亂率諸侯伐之取陳自易故爲此言非本意也而其言亦有至理可爲小國困民者之戒

康誥稱命爾侯于東土又云孟侯朕其弟小子封是衛初封已爲侯也史記世家自康叔至貞伯凡六世皆爲伯至頃侯厚賂周夷王夷王命衛爲侯此與經異蓋史記傳聞之不同而說者謂康叔子

松桂讀書集卷四

讀史

八

即降爵爲伯或又謂伯乃方伯之伯皆非確論

康叔卒子康伯代立父子同謚何也譙周古史考無康伯而云子牟伯立以左傳所稱王孫牟父乃康叔之子也

春秋成公八年書晉殺趙盾趙盾十年書晉景公卒相去只二年耳史記乃有屠岸賈欲滅趙氏程嬰公孫杵臼共匿趙孤十五年景公復立趙氏之說何哉

趙世家成侯種七年與韓攻周八年與韓分周以爲兩成侯之八年周顯王之二年也周本紀王赧

時東西周分治讀戰國策者一開卷於東西二周
先不能了然至以西周爲王謂之正統此不然也
東萊大事記有一段辨証極爲詳盡今錄於左周
貞定王二十八年考王初立封其弟揭于河南是
爲河南桓公河南即邲鄔武王遷九鼎周公營以
爲都是爲王城洛陽周公所營下都以遷頑民是
爲成周平王東遷定都王城王子朝之亂敬王徙
都成周至是考王以王城故地封桓公焉平王東
遷之後所謂西周者豐鎬也東周者東都也威烈
王以後所謂西周者河南也東周者洛陽也何以
稱河南爲西周自洛陽下都視王城則在西也何
以稱洛陽爲東周自河南王城視下都則在東也
河南桓公卒子威公立威公卒子惠公立考王十
五年河南惠公復自封其少子班于鞏以奉王號
東周沒亦謚惠是時東西周雖未分治河南惠公
既號奉王者爲東周亦必自號西周矣顯王二年
趙與韓分周爲二於是東西各爲列國顯王雖在
東周特建空名是後史傳所載致伯賜胙之類周
王也征伐謀策稱東西周君者皆謂二周也周本
紀云赧王時東西周分治非也赧王特徙都西周

耳當以趙世家爲正又按王應麟云周赧王卒於
乙巳明年丙午秦遷西周君而東周君猶存壬子
秦遷東周君而周遂不祀觀此尤知以西周爲王
之悞

史記魏世家贊云說者皆曰魏以不用信陵君故
國削弱至於亡余以爲不然天方令秦平海內其
業未成魏雖得阿衡之佐曷益乎太史公拊膺於
無道之天而爲此言讀者毋以辭害志可也始皇
本紀錄賈生過秦論云藉使子嬰有庸主之材僅
得中佐山東雖亂秦之地可全而有宗廟之祀未

當絕也太史公既有取於彼知魏世家云云爲有
激之論矣

列女傳曰威王即位諸侯並侵之其佞臣周破胡
專權擅勢嫉賢妒能即墨大夫賢而毀之阿大夫
不肯反日譽之虞姬謂王曰破胡諛譏之佞臣也
不可不退于是封即墨大夫烹阿大夫及破胡并
烹之是則譽阿大夫者周破胡也威王之一飛冲
天一鳴驚人乃自婦人之言啓之古之興者固必
有賢妃爲內助哉

朱沛國曰蕭何走丞相府以收圖籍不因博士學

官以收遺書使先王經世遺典復灰於項籍之手何不得辭其責矣真迂儒迂論

張良爲韓只有椎秦博浪沙及請立韓王成二事而已其他皆爲漢也而論者以良始終爲韓即邵子亦云留侯燒絕棧道其意在韓不在漢甚無謂也

武王伐紂夷齊叩馬而諫曰父死不葬爰及干戈可謂孝乎此無稽之說也武王即位十三年而後大會于孟津豈文王尚未葬耶漢儒相沿虞芮質成爲文王受命改元之年凡九年而文王崩武王

松桂讀書集卷四

讀史

士

立二年而觀兵三年而伐紂合爲十有三年又見論語言伯夷叔齊餓于首陽之下遂憑空捏造斯事不知其多所不合也孟子言伯夷由北海而歸文王則武王伐紂之時在周久矣不能諍之於未事之先叩馬而諫不亦晚乎且論語止言餓于首陽之下而不言死度其餓也當在遜國而逃之後由北海歸文王先與殷周興廢無涉不然叩馬之事甚奇不食周粟采薇而食之遂餓以死節亦甚烈何以孔門不一及之而諸書亦未之載耶管晏傳方晏子伏莊公尸哭之成禮然後去豈所

謂見義不爲無勇者耶顧寧人謂此言晏子之勇於爲義非也數語抑之下乃揚之耳

仲尼弟子公孫龍衛人爲堅白異同之論者公孫龍趙人樂正子輿謂其行無師學無友者也

申商刑名後世黜之然黜其名而猶用其實者比比矣

孟子荀卿列傳志在尊孟而以諸子逢時者相形敘鄒衍一段後曰豈與仲尼菜色陳蔡孟軻困於齊梁同乎哉孔孟並稱自此言始也

胡致堂曰樂毅攻即墨不下非特毅之失計亦昭

松桂讀書集卷四

讀史

士

王處之未當全齊旣下兩邑如著面黑子昭王宜裂燕而封之即墨下矣樂生心事光明洞達致堂乃爲此言蓋徒見垓下之戰漢祖以術馭韓彭而韓彭皆爲之盡力以爲樂生當亦猶是也豈徒不察於當日事勢彼其所以窺樂生者亦淺甚矣嗟乎夏侯太初何人哉

蘭相如完璧擊缶事太史公津津敘述若不勝艷羨者誠見此舉之關係甚大而非止爲相如一人生色也明張靖之曰古今國家固多以一人而係安危因一事而爲重輕者秦自三十年會楚會趙

會韓魏史不絕書無事而數會其志有所關伺而將甘心於諸國相如以智佐勇奮不顧身秦粹焉遇之不暇爲計固足以破其素蓄之機挫其方銳之氣不敢以天下爲無人而輕視諸國矣其事豈止於一趙之璧與缶哉自是以後秦不復會諸侯趙趙數年然後有事於趙皆相如此舉之力也嗚呼此意其誰識之愚讀王弼洲完璧歸趙論而有感因錄靖之言以佐弼洲見所未逮云

離騷二十五太史公獨載漁父懷沙讀之使人黯黯然銷魂更增自己文字之妙若使班掾爲之必取

帝高陽之苗裔一篇矣

始皇崩趙高胡亥李斯三人謀議史公從何處聞之只是摹寫以爲來世戒耳史家敘事固貴於有實據然如此者又不得以無實據病之此可爲知者道也

綱目書淮南王布反帝自將擊之擊係討字之悞尹氏曰布有功於漢因事自疑漢亦有以致之故綱目雖書其反而不予其討此曲說也

淮陰謀反史公不辨其誣而先述其不聽蒯通語一段所謂不辨之辨有深於辨者矣

淮陰舉動有儒將氣象子房之流亞與子房之才不盡見於用故能全身淮陰之才盡見於用是以殺身

傳靳蒯成列傳褚少孫所不能爲疑本屬太史公筆先亡而後得之

鼂錯計削諸侯固忠臣之用心也惜其爲之太驟耳因袁盎言而斬錯以謝吳朝廷之體安在史記於傳末載鄧公語所以見錯本無罪而天子聽讒殺錯倉皇顛倒失其所持爲足貽笑於天下借鄧公語作斷案也

張釋之守法不阿乃有一段長者氣象此本申韓之術而善用之者

史公文多嫖姚軼宕之趣李將軍列傳不載武帝報敕恐與前後文體不類也漢書增入便是孟堅文而非史公文矣

文選所載李陵答蘇武書雖係後人擬作然可謂工妙殊絕者也劉知幾評遷史不當編入李傳然則此書在唐時久列史記中殆文選樓中既僞撰此書即增入史記也

酷吏傳張湯始爲小吏乾沒乾沒二字今人襲用

之而不得其解顧寧人謂是徵幸取利之意三國志傳蝦傳註有所徵射不計乾燥之與沉沒而爲之也晉書潘岳傳其母數誚之曰爾當知足而軋沒不已乎張駿傳霸王不以喜怒興師不以軋沒取勝盧循傳欲乾沒一戰此皆徵幸取利之意史記徐廣註但言乾沒隨勢沉浮也故讀者不能明了

松桂讀書堂集卷四

松桂讀書堂集卷四

讀史

主

松桂讀書堂集卷五

華亭 姚培謙 平山

讀史

自昔窮河源者三初漢使張騫云河出西域有二源一葱嶺一于闐北流與葱嶺合東注于鹽澤距玉門關外三百餘里其水伏流千里至積石而再出至唐使薛元鼎入吐蕃出塞西三千餘里云河源出吐蕃西南悶磨黎山即所謂崑崙也至元入中國特使訪求云河源出西蕃星宿海東北流至今陝西臨洮府蘭州凡四千五百餘里始入中國境又東北流入鹵境凡二千五百餘里復轉河套東又南流一千八百餘里至今山西蒲州即陝西韓城龍門界也通計河流至此經蕃夏共九千餘里夫一河源也於前窮之而未盡於後窮之而益詳因是知人之爲學苟執於古而不達于今則於天下之事固有不能盡明者矣

張騫使西域爲匈奴遮留持漢節不失信時百餘人去十三年惟二人得還事豈不與蘇武相類然君子不甚稱之由其所以奉使不同也武之奉使也正騫之奉使也不正鑿空成事意主逢君惡得

與子卿比烈哉

于闐之西水皆西流注西海讀者疑真有西海與東南北而爲四非也嘗記容齋隨筆云海一而已地之勢西北高而東南下所謂東北南三海其實一也北至于青滄則云北海南至于交廣則云南海東漸吳越則云東海無由有所謂西海者詩書禮經所載四海蓋引類而言之漢西域傳所云蒲昌海疑亦淳居一澤爾班超遣甘英往條支臨大海蓋即南海之西云

顧寧人云班孟堅爲書東於成格而不及變化且

徐桂讀書集卷五

讀史

二

如史記淮陰侯傳末載蒯通事令人讀之感慨有餘味淮南王傳中伍被與王答問語情態橫出文亦工妙今悉刪之二淮傳寥落不堪讀矣知言哉論馬班優劣者多矣此獨能求之字句之外

王氏懋曰班史於節義處率多疏畧如紀信誑楚而燒殺不爲立傳周苛罵羽而烹死因周昌傳略載此固失矣余以爲不然使信與苛果有他事流傳耶不容不特立一傳否則雖欲爲之不可得也茅氏坤言太史公作列傳七十傳節義者僅一伯夷若王蠋則附見田單傳太史公所向慕者在彼

而不在此也所見與王氏同皆不通之論

高祖入秦約法三章號稱寬大然挾書律三族罪收帑相坐誹謗妖言皆至惠文間始除之豈所謂蕩亡秦之毒螫者哉蓋漢治本雜霸雖知其不便於民而不欲遽除也

秦穆公卒以子車氏之三子爲殉孫泰山止責康公此達於大體之論也推此而言漢孝文遺詔短喪後世因之遂變三年之制景帝不得辭其罪景帝卹刑之詔屢下而所用爲法官者郅都甯成焉能以追文帝之治哉

徐桂讀書集卷五

讀史

三

班史言孝宣之世技巧工匠器械自元成間鮮能及之亦足以知吏稱其職民安其業也此孝宣綜核名實之效小者如此大者可知夫天下之治無有小大一而已矣精神不能貫徹則苟簡成風固有以小不治而致大不治者故考工之法先玉所甚重已焉

漢書功臣表云祝阿侯高邑以將軍屬淮陰擊魏罃度軍蓋此計由邑所建也今人但知計出淮陰由淮陰能用衆謀故擅其名至今古來善將者豈必功自己出哉

漢書記漢事耳古今人表何爲者且品第失倫難免後人之彈射陳亢一人而兩居中中一居下下尤屬艸艸

班史務為該博食貨諸志臚列陳言累幅不可了其失也繁而寡裁

李延年為協律都尉其郊廟樂歌創為新聲用三言繁促杳渺類方士符咒語無復平雅之致如鼓吹鏡歌多教坊俚語方言雜演成曲正乃所謂鄭聲淫而好事者以其新奇指為古樂府體風雅之義於茲斬然矣迨乎六朝以後郊廟之歌頗有佳

徐樸讀書堂集卷五

讀史

四

篇足追風雅者而反自遜以漢為不可及千古耳食智愚同病其若之何以上郝京山語見毛詩原解余嘗妄謂漢樂府非正聲及見名人集中有擬樂府諸作亦復效顰為之錄京山語用以自箴史記載吳王濞遺諸侯反書蓋取其文之勁健後人修史必不錄史記所以為私書也乃漢書亦踵而仍之古人愛佳文不使之湮沒者有如此

吳王傳載田祿伯桓將軍之策取其明智足以伙助後人計慮至不淺也司馬溫公通鑑其中所載兵法甚詳凡亡國之臣盜賊之佐苟有一策具錄

之蓋亦此意

程敏政曰劉向初以獻賦進喜誦神仙方術嘗自言黃金可成鑄作不驗下吏欲死其兄陽城侯救之獲免所著洪範五行傳最為舛駁使箕子經世之微言流為陰陽術家之小技其於名教得罪非小按先儒去聖久遠議論不無牴牾要之大綱既正小者可略何至謂更生得罪名教耶即如東漢鄭康成最有功於經學程以其間涉緯家言黜之使不得列於從祀之典程之偏見都如此然萬世公論自在人心日月中天光耀六合小夫孺子欲以一手障蔽之豈可得哉

徐樸讀書堂集卷五

讀史

五

成帝命謁者陳農求遺書於天下詔光祿大夫劉向校經傳諸子詩賦步兵校尉任宏校兵書太史令尹箴校數術侍醫李柱國校方技向見王氏權位太盛上方嚮用詩書乃作尚書洪範五行傳上之欲以感動帝意帝不能用向之因事納忠如此洪範五行傳之作借經文以規切時事其不能一一與聖經比附無怪其然猶之胡文定春秋作于南渡之後意有偏注辭亦因之致後儒紛紛指摘要當原其立言之初意若何耳

吳公學於李斯而治平為天下第一刑名之道善用之固如此

人皆優賈誼而劣鼂錯成敗論人爾誼固有王佐氣象而時露霸術特非純乎刑名之學而已錯誠失之於雜而貴粟備邊隱然有實用至錯主削地而諸侯叛不若誼分封之策為優然觀其四言邊事視誼之三表五餌又不啻過之學者無以成敗論人則賈鼂洵漢初傑士哉

屈賈同傳便不載治安諸疏班史獨自為篇乃載之皆文章之體宜爾也

徐桂讀書堂集卷五

讀史

六

張歐與鼂錯俱事景帝於太子宮兩人皆刑名之學而行迥不同結局亦異故知黃老之與申韓相濟而成相離而敗

賈山曰士修於家而壞於天子之廷夫天子之廷豈壞人品行之所哉然而士固有居家竊君子之名而在位蹈小人之實者自古及今蓋不少也嗚呼此可為之長太息矣

或曰蘇子卿必不娶胡婦皆李陵衛律輩欲以謗污之班史輒信云爾迂哉此論子卿大節炳天地寧以娶胡婦損哉班史不為之諱後人乃屑屑辨

之亦復何必

漢書太常以公孫弘為下第謂考居下等非是弃而不收也與今人言下第者異

卜式以布衣資公卿位至奸至黠武帝且受其籠絡而不悟也至其言鹽鐵算船及平準法不便自是正論又在廷之臣所不敢言者然則在廷之臣奸黠又過于式也後人謂式邀名夫邀名猶愈於嗜利者哉

張湯傳贊云湯雖酷烈及身蒙咎其推賢揚善固宜有後史臣之筆稱停如此異乎憎而不知其美

徐桂讀書堂集卷五

讀史

七

者矣

漢書嚴助朱買臣等傳曰世稱公孫弘排主父張湯陷嚴助石顯譖捐之察其行迹主父求欲鼎烹而得族嚴賈出入禁門招權利死皆其所也亦何排陷之恨哉此數語歸重諸人自取殃禍為世大戒語特矯捷如生龍活虎不知者以為失出矣武帝窮兵黷武之端自嚴助開之文士之誤人國家如此

東方朔諷諧而不詭于正所以可傳若司馬相如舍文賦外何一足取後人乃以長卿慢世埒其品

于東方生夫此兩人如薰蕕冰炭之不相入也何可比而同之

楊子幼以南山種豆之詩遇禍此後來詩獄之祖也乃其書中所刺目者不特此君父至尊親送其終也有時而既是何語耶

梅福傳言福一朝弃妻子去九江至今傳以爲仙其後人有見福于會稽者變名姓爲吳市門卒夫非真以福爲仙去也當王莽之世蟬蛻濁穢以浮游塵埃之外如梅生者即人言未可信庸得不謂之仙乎此一段文情蕩漾得史公之神

余桂香書堂集卷五

讀史

八

山禹雲謀反至云欲廢天子而立禹然而竟無一語坐實所以然者使後世知霍家無持滿之道而天子亦有寡恩之失此史記淮陰侯傳家法也後來史家不復有此一段作用

樓蘭王爲匈奴間數殺漢使者誠有罪矣傳介子請誅之以威四夷是也乃誘而刺殺之不亦傷國體乎功雖奇不可爲訓

睦弘因石柳之異言當有從匹夫爲天子者漢帝宜誰差天下求索賢人禪以帝位而退自封百里如殷周二王後西漢盛時已有此妄人其以妖言

伏誅宜矣

京房本姓李推歷自定爲京氏從來以術殺身之人行事必多詭恠如此

京房與元帝論幽厲事至於十問十答西漢所載君臣之語未有如是委曲詳盡者而元帝卒不能去石顯房後且死於顯手孔子曰危邦不入亂邦不居蓋謂是哉

成帝綏和二年熒惑守心貴麗能推占星書言大臣宜當之上乃召見翟方進賜冊責讓使尚書令賜尊酒方進即日自殺上秘之遣九卿冊贈印綬賜乘輿秘器親臨弔者數至禮賜異於他相是則方進之卒上賜之死也而綱目竟書丞相方進卒不書自殺失其實矣

余桂香書堂集卷五

讀史

九

子雲劇秦美新以莽德與秦較寓諷於褒不得已之旨居然可知

文選注載桓譚新論曰揚子雲作甘泉賦始成夢腸出收而內之明日遂卒子雲奏賦在孝成時若如新論言仕王莽者又何人耶

黃陶菴云黃霸之治潁川孔明之相蜀漢皆得國僑遺意霸惟有酷吏之才而後能爲循吏孔明惟

有申韓之才而後能不為申韓數語極有見地夫惟能為酷吏而不為酷吏而後其為循吏也卓然有不可及之才夫惟能為申韓而不為申韓而後其不為申韓也綽乎有不可窮之用

南粵傳朕高皇帝側室之子師古曰言非正嫡所生也顧寧人曰春秋左氏桓公二年傳曰卿置側室杜解側室衆子也文公十二年傳曰趙有側室曰穿按如顧說則立言不失大體否則告諭蠻夷而開口先自言其所出之微雖主於以誠動人要之不無傷損威重也

徐陵讀畫象卷五

讀史

十

安衆侯劉崇起兵討莽不克死之夫當巨惡滔天之日宗室靡然受制於下于此有倡大義以為天下先而死生成敗俱置之度外者後之君子尚論之餘宜何如欽歎顧或者猶謂之不量力真鄙夫之見矣張靖之以為論漢中興斷自此始斯言也吾深韙之

莎車鄯善西域諸國三請都護世祖皆不許居已於至安待人以自斃其為雄才大畧也豈武帝所可同哉

南北單于分爭疲弊臧官請因而盡滅之帝笑曰

常勝之家難與慮敵吾方自思夫世祖本以兵取天下而能不狃於常勝深心大畧度越古今此其所以邊境又安建武之治後代莫及幾於聰明睿知神武而不殺者矣

光武於羣臣請封禪至以欺天拒之唐文皇亦云漢文帝非不及秦始皇封禪之賢也二帝之明識如此及羣臣固請遂不克持包似之以為諛臣之誤主德也夫諛臣代有其能悞主德又豈唯封禪雖明識之君猶不能無動況下此者乎有天下者務去諛臣以全已德而諛臣不易去去一諛臣又

徐陵讀畫象卷五

讀史

十

一諛臣進矣然則如之何而可常懷滿招損謙受益之誠而容養直臣言逆於心必求諸道言遜於志必求諸非道庶幾弗為僉人所中哉

前漢翟義傳莽依周書作大誥遣大夫桓譚等頒行諭告當反位孺子之意還封譚為明告里附城是譚受莽封爵有明文後漢桓譚傳乃稱當王莽居攝篡弑之際天下之士莫不競褒稱德美作符命以求容媚譚獨自守默然無言詳此文與前漢書所紀不符後人於譚之受莽封爵不甚責之而獨集矢於揚子雲古人亦有幸不幸哉

宋弘薦桓譚為議郎給事中帝令譚鼓琴愛其繁聲弘不悅召譚讓之譚叩頭謝其後弘因大會離席免冠謝曰臣所以薦譚者望其能以忠直導主而令朝廷耽悅鄭聲臣之罪也此等正論出自新造之朝宜乎漢業之中興

嚴光不仕於光武以為輕爵祿則可矣然其不仕亦無名君子所不取也

明帝朝原陵上食奏樂是後遂以為常儒者以為墓藏體魄而致生之是不智也不知園陵之禮與宗廟等此之謂兩隆何必古之是而今之非耶

徐樞讀書集卷五

讀史

十一

和帝三年綱目書帝如長安竇憲來會所以著憲不臣之心然非體也

陳寔獨弔張讓父喪黨錮之禍讓以寔故多所全宥蓋所謂權而不悖於理者後賢庸得非之黃勉齋曰士君子立身行己自有法彥有義有命豈宜以此為法使東漢善類盡為宦官所殺世亦曷嘗無善類哉吾人於此等處直須見得分明不然未有不墮坑落塹者也余謂勉齋之言至純至正真是立得脚跟定者存以立教可矣

孔文舉高志正氣不亦罕儔乎而包似之以為忠

非死國智歟保身是為知文舉者善乎陳卧子之言曰亂賊之人其心甚怯眾人譽之則加勇焉一人斥之則或懼焉故譽亂賊者言雖甚微其罪可誅斥亂賊者事雖無益其功可旌文舉雖死而操不身篡子雲一頌而莽益自信此言也出發潛德之幽光矣但謂莽之自信由於子雲一頌則未必然

茅鹿門曰孔明頻年出軍祁山而於魏延所請提勁卒五千間道襲破關中出與孔明相合此亦屠龍搏虎手也孔明何以紆徐不用夫紆徐不用乃

徐樞讀書集卷五

讀史

十一

其所以為孔明也帝王之兵出於萬全涉險僥倖難可恃也

不伐賊漢業亦亡惟坐而待亡孰與伐之孔明已逆知漢室不可興復而猶出師不已庶幾一遂其志所謂其愚不可及者也此義明亦足愧天下後世之知難而止者矣

綱目後主建興六年丞相亮伐魏七年右將軍亮伐魏九年丞相亮伐魏十二年丞相亮伐魏俱不書詔似乎有臣而無君者於綱目之例不符

綱目名號例曰正統之君曰帝無統之君稱帝者

曰主綱目以正統子昭烈故革陳壽先主之稱乃繼世猶曰後主蓋未及是正爾

鍾繇議復肉刑曰能有姦者率年二十至四五十雖斬足猶任生育今天下人少于孝文世下計所全歲三千人觀此議是欲戶口增多而意旨舛戾不亦甚乎

司馬懿辭魏武之命託以風痺嘗曝書遇暴雨不覺自起收之時惟一婢在側張夫人恐事泄致禍遂手殺此婢以懿之陰驚於此猶猝不及持故知沉幾密慮古今所難懿之所為世之君子所吐弃者也處艱危之際不幸而事有類於此者無論所為之正不正而皆足以致禍可不慎哉

江表傳曰權既即尊位會百官曰如張公計今已乞食矣昭大慙權所以不相昭者以昔駁周瑜等議為非也裴松之曰張昭勸迎曹公所存豈不遠乎曹公仗順而起功以義立使昭議獲從則六合為一豈有兵連禍結遂為戰國之弊此段議論極縹如裴意則於時天下但當容一曹公橫行他日諸葛興劉出軍不已亦為多事乎

胡致堂曰考之前史載元帝之父為小吏牛其姓

與夏侯妃通而生元帝然則元帝姓牛而冒附晉宗偽姓之辱亦大矣東晉君臣何以安之而不革耶其言可為噴飯書之以戒迂儒好議論而不顧世人訕笑者

綱目於人臣之卒具官爵姓名者美之而賈充之卒不去官爵偶然失檢耳尹氏書法乃曰書魯公何晉志也可謂鶻突矣

古今大功有以僥倖成者晉人淮淝之捷是也曩賢謂之天幸亶其然乎

包似之曰陶士行惜分陰至運甓不皇自逸則胡不勤之學也讀書大有益豈未聞吳蒙之堪刮目者乎斯言過也夫學也者習焉不已之謂也習焉不已之謂學則安見運甓習勤之非學乎

古來賢達標志節樹功猷者皆名士也江左風流清譚相尚實之不存名於何附古人之名名與實一晉人之名名與實二名與實二而天下事有不可言者矣

黃陶菴云王猛之事苻秦也內脩力政外攘戎翟而深知正朔在晉力諫勿伐猛之乃心王室如此夫所謂正朔在晉者以為觀之天心人事尚未厭

晉遽爾開釁恐自貽之感不若徐以俟之爲堅計
誠忠矣目以乃心王室然乎哉景畧伯才遭時遇
主知盡心於所天而已然而彌留之言猶足以籠
絡後人使人疑其爲秦蕪爲晉者是乃所以爲景
畧也與

史稱陶潛氣豪一世而讀其詩文恬澹者流耳賢
者之不可測如是

元魏孝文見道路有跛眇者給衣食終其身見軍
士有犯斬者赦之安定王休以爲不可孝文曰誠
如卿言然王者時有非常之澤溫公曰廢疾者宜

松蘿書堂集卷五

讀史

去

養當命有司均之境內今獨於所遇施之則所遺
者多矣况赦罪人以撓有司之法尤非人君之體
孝文魏之賢君而猶有是乎溫公之言可謂知大
體矣或者非之以爲此即齊宣易牛之一念孟子
謂是心足以王者豈暇計及君人之體應然與否
夫見跛眇給衣食觸於目而動於中即境內赤子
有未暇計此誠非過舉至於有犯斬者而亦赦之
則何爲哉王者非常之澤必其沛然之恩出於人
人望外今此曲赦犯斬之軍士而可云非常之澤
乎區區小惠於治道無裨而有害適足以貽譏於

天下後世而已

或問賈思伯曰公何以能不驕思伯曰衰至便驕
何常之有當世以爲雅談余乃知人之驕者以衰
而驕外如有餘內已不足所謂天禡其魄者也

王仲淹以弱冠之年詣闕獻策蓋其英華果銳之
氣有不能自禁遏者既罷歸後累徵不起高隱河
汾合於宣尼舍藏之義吾於仲淹殆無間然

唐以秦王世民爲天策上將開府置屬秦王又自
開館以延文學之士邱瓊山謂非所以安儲位定
國家也其後建成兄弟互相傾奪太宗幾危而所

松蘿書堂集卷五

讀史

萃

以爲太宗設謀効力以成其基業者皆天策府中
之人推刃同氣喋血禁廷以貽百世之譏其以此
哉夫事有經有權天下誰之天下非秦王百戰有
之者乎於此而猶拘立長之義揆之人心協乎否
也假無開府置屬秦王亦未必帖然即使秦王帖
然欲其下遂奉建成不二無是理也余謂高祖立
建成爲太子已置建成于死地豈待推刃喋血之
日而後知其不兩立哉至若開府置屬之非夫何
待言然高祖亦以秦王功大苟不其然奚以旌功
明知其不可而猶出此則是高祖於秦王前後凡

兩失之可謂進退無據者也

安市之役帝悔不能成功歎曰魏徵若在不使朕有是行也乃命馳驛祀徵以少牢復立所製碑召其妻子詣行在勞賜之評者以為善悔即聖主固也然其後復遣李世勣伐之又次遣薛萬徹伐之何其可已而不已耶此等舉動大類秦繆公

秘記云女主武氏當王天下太宗密問李淳風曰疑似者盡殺之如何對曰天之所命不可違也王者不死徒多殺無辜耳懿哉斯言聖人復起無以尚之丁南湖乃曰太宗求殺武氏此除亂保邦之

松桂讀書堂集卷五

讀史

七

策遇王魏必能贊襄之矣李淳風欲自神其術養虎遺患而力沮求殺之令是武氏之立非李世勣許敬宗乃淳風也夫以疑似殺人而贊成之王魏必不出此使王魏而出此人皆吐弃之矣至下文云云三尺童子知其不通表而出之聊資盟囑太后謂仁傑曰卿在汝南甚有善政卿欲知譖卿者名乎仁傑謝曰陛下以臣為過臣請改之知臣無過臣之幸也不願知譖者名太后深歎美之此對亦人人所能唯狄公出於誠心耳

中宗神龍元年綱目書皇太后武氏崩或曰唐之

武氏也猶可以太后崩書乎綱目之所謂誅惡者何在誠如或言春秋於國君之卒皆宜計其生平善惡而褒貶之何以槩書曰某侯卒某伯卒也太白金中麟鳳而失節於永王璘此有由然也詩若文盡客氣也

穆宗敬宗文宗之世裴晉公皆嘗在位有輔政名而無救於其時之亂則以有臣而無君故耳

韋子斐欲宰相周墀無權曰賞罰與天下共勿以愛惡移之天下自理何權之有斯言真得宰天下之道

松桂讀書堂集卷五

讀史

七

松桂讀書堂集卷五

詩話

國風好色而不淫讀南有喬木一章方悟風人之妙三章詩未嘗着字而江山清空人物閒靚光景恍然可想屈子九歌中二湘頗得其意宋玉高唐神女殊愧師門矣此詩首四句自應以休字求字作韻息字實思字之誤大招招魂句末用只字些字祖此此詩作于江漢之間自是楚騷之祖即謂之楚風可也或謂江漢之間周初豈即楚地耶夫服屬有時而移土風千載不易雖導民者之邪正不同要其得於江山之氣者深矣

楚騷自是詩人別派周南南有喬木一章便是騷之濫觴至屈子而大暢宋玉繼之猶為肖子以漢後詩人論之樂府古詩又分二派樂府時有騷意古詩從騷出者寡矣

詩和平騷豐逸

房中曲原於雅頌其音和平饒歌諸曲原於楚騷其音沉鬱

每歎古人託興之妙古詩如空桑知天風海水知

天寒入門各自媚誰肯相為言真是泣鬼神語又越人扣舷歌山有木兮木有枝心悅君兮君不知今人只粗心讀過不知其用意之精雖若探喉而出正後人千鐫百鍊所不能到也

古辭烏生一篇中如白鹿乃在上林西苑中射工尚得白鹿脯黃鵠摩天極高飛後宮尚得烹煮之鯉魚乃在洛水深淵中釣鉤尚得鯉魚口惜我人民各有壽命死生何須復道前後可謂撞萬石之鐘擊靈鼉之鼓聽者不但三日耳聾也

三百篇詩皆四言間逗五言句七言雖始于柏梁

實則四言二語合之如枹鼓不鳴董少平解經不窮戴侍中一切歌謠止一句者必用兩韻相協可見若八言九言則不復可用之吟咏也至歌行長短句出自樂府長句間有至十餘字以上者要之長句中實包短句不過其用韻有疎密耳

木蘭辭自是漢魏人語或以為唐人作攷郭茂倩所載原有兩篇其木蘭抱杼嗟一篇則唐人作耳或以朔氣傳金柝寒光照鐵衣等語疑為唐詞此耳食之見也

木蘭詞只問女何所思問女何所憶女亦無所思

女亦無所憶四語古朴有風人之致便非唐人所能為結處愈俚愈妙真足調笑千古而渾然不露其後一篇世有臣子心能如木蘭節忠孝兩不渝千古之名焉可減則唐人之下乘矣

平子四愁固是奇格初調亦是三百篇疊章體每咏衛詩投桃之章每章只換一字而言愈簡意愈長少一章不得多一章不得後人便覺詞盡意竭古人詩浩浩落落字字從胸臆中流出亦有與前人神似處不是從前人脫胎緣其靈臺丹府中無所不有自然若合符契也如老杜玉華宮詩凌跨

松蘿遺集卷六

詩話

三

百代然選詩繆襲挽歌詩一章云生時遊國都死沒棄中野朝發高堂上暮宿黃泉下白日入虞淵懸車息駟馬造化雖神明安能復存我形容稍歇滅齒髮行當墮自古皆有然誰能離此者氣格雄放已開其先至宋人擬之則蹊徑宛然矣

大抵古人語後人祖述不少子建當來日大難篇結云今日同堂出門異鄉別易會難各盡杯觴太白以一語括之云欲行不行各盡觴彌覺雋妙杜詩人生能幾何常在羈旅中自是驚魂動魄語乃從古詩憂傷以終老五字出

鮑明遠東門行食梅常苦酸衣葛常苦寒絲竹徒滿座憂人不解頰似從古詩飲馬長城窟脫胎而俊爽之與渾厚自爾懸絕

陸士衡吳趨行楚妃且勿歎齊娥且莫謳四坐並清聽聽我歌吳趨吳趨自有始請從閭門起閭門何峨峨飛閣跨通波康樂擬之作會吟行云六引緩清唱三調竹繁音列筵皆靜寂咸共聆會吟會吟自有初請從文命敷全襲其調而謝之雕飾不及陸之自然遠矣大抵有意效前人必不能與前人並也

松蘿遺集卷六

詩話

四

六朝人詩至鮑謝二公已登絕品謝如威鳳在霄風日輝映鮑如天馬縱轡掣電追雲學者急宜從此濬發心源

太白詩風力似明遠神韻似元暉特其天姿豪放有揮斥八極之槩遂能超越前人正如東坡之學劉夢得才氣誠十倍於劉然往往有微露藍本處亦禪家所謂熟處難忘者歟

朱子稱太白詩非無法乃聖于法者此語真是詩文三昧蓋所謂法者文成而法自寓非先有法而文從之也

嚴滄浪稱太白發端句謂之開門見山東坡謂文字最難得起句意正如此但文字猶可以理解求詩則聲到界破全在神運

太白詩云百年落半塗前期浩漫漫中宵不成寐天明起長歎柳州南澗詩索莫音何事徘徊祇自知誰為後來者嘗與此心期文人到絕頂地位見解不過如此求個轉身處了不可得兩公如此下焉者可知

別來幾春未遠家玉牕五見櫻桃花况有錦字書開緘使人嗟此腸斷彼心絕雲鬟綠髻罷梳結愁

松蘿讀書集卷六

詩話

五

如回颺亂白雪去年寄書報陽臺今年寄書重相催東風兮東風為我吹行雲使西來待來竟不來落花寂寂委青苔太白樂府久別離曲也怨而不怒其離騷美人之旨乎余覽盧仝有所思一篇云當時我醉美人家美人顏色嬌如花今日美人棄我去翠樓珠箔天之涯娟娟嫦娥月三五二八圓又缺翠眉雲鬢生別離不忍見之心斷絕心斷絕幾千里夢中醉卧巫山雲覺來淚滴湘江水湘江兩岸花木深美人不見愁人心含愁更奏綠綺琴調高絃絕無知音美人兮美人不知為暮雨兮為

朝雲相思一夜梅花發忽到牕前疑是君亦復宛轉流利但其意調全從太白詩脫出而一則深而婉一則淺而竭不啻仙凡之別矣

太白古風羽檄如流星虎符合專城喧呼救邊急羣鳥皆夜鳴白日曜紫微三公運權衡天地皆得一澹然四海清借問此何為答言楚徵兵渡瀘及五月將赴雲南征怯卒非戰士炎方難遠行長號別嚴親日月慘光晶泣盡繼以血心摧兩無聲困獸當猛虎窮魚餌奔鯨千去不一回投軀豈全生如何舞干戚一使有苗平此詩與杜兵車行極相似白曰四句責重廟謨詞不迫切此等處見太白真本領

松蘿讀書集卷六

詩話

六

古人詩中妙句必親歷方知細動迎風燕輕隨逐浪鷗杜句也余嘗以荒秋八月中泊舟浦上忽風起雨來此境現前方知細字動字輕字隨字不但為鷗燕傳神而四方上下迷離蕭瑟之况俱現豈非神乎

友人舉老杜掉頭紗帽側曝背竹書光二語問何解余謂詩意起二語已道盡三四承首句掉頭紗帽側見髮稀曝背竹書光見眼暗髮禿眼暗豈做

得禮樂中所謂攻吾短也五六承次句風落則有松子可收天寒則有蜜房可割山林樂事如此所謂引興長也結句又言不但爾爾即遇些些紅翠亦且駐屐徘徊即醉把茱萸仔細看之意友人以此解為然

每愛古人形容雨勢語老杜云行雲遙崇高飛雨藹而至十字中字字有意却如探喉而出雖神工妙手圖畫不來若許渾溪雲初起日沉閣山雨欲來風滿樓下句亦有神助又老杜風吹滄江去雨灑石壁來凡大雨必風過而雨隨之雨至則風歇

松樓讀書集卷

詩話

七

矣呼應全在去字來字妄人欲改去字作樹字豈非謬乎東坡亂雲欲盡山勢與飄風南語亦絕妙原其鼻祖總在三百篇有淅淅興雨祁祁八字也

摩詰居庸城外一篇弇州謂其若非兩馬字重複此詩應為眾唐人七律壓卷余謂兩馬字重見何害但此詩妙處解者實未甚了了竊謂此詩定當為當日寵任祿山而作上半首見蕃軍驕橫已有不可羈束之勢五六見明皇貪功外夷落句見明皇之寵賜優渥終已不悟也 史稱祿山歸范陽

後奏所部將士討奚契丹等勲功甚多乞超資加賞除將軍者五百餘人中郎將者二千餘人所謂護軍校尉朝乘障破虜將軍夜度遼也祿山辭歸范陽上解御衣賜之十四載祿山請以番將代漢將從之更遣中使輔璆琳賜以珍果所謂玉鉞寶弓珠勒馬漢家將賜霍驃姚也杜詩亦云借問大將誰恐是霍驃姚驃姚漢倖臣故二公皆以之比祿山凝碧池頭事摩詰蓋早已料之矣

松樓讀書集卷

詩話

八

杜詩三絕句楸樹馨香倚釣磯斬新花藥未應飛不如醉裏風吹去可忍醒時雨打稀門外鷓鴣久不來沙頭忽見眼相猜從今以後知人意一日須來一百迴無數春筍滿林生柴門密掩斷人行會須上番看成竹客至從嗔不出迎三詩大抵感交游不一類而發第一首言君子不易遇遇亦易散第二首是庸人第三首則惡客也詩林廣記極言解詩穿鑿之弊要之古人必無漫寫景物之詩但寄託之旨須以自然為宗耳

昌黎詩喚起窗全曙催歸日未西山谷為兒時每哦此詩不解其意自出岐來年五十八矣時春晚方知喚起催歸乃二鳥名古人小詩用意精妙如

此余謂凡詩中用典實作巧對須藏意外意為佳
若唐人芳春平仲綠清夜子規啼盧延遜詩樹上
咨諏批頰烏窗間壁剝叩頭蟲等意味便淺後人
效顰易成惡道

元次山胸次高濶遠出眾詩人外其詩筆斬絕如
高峰出雲如飛泉赴壑若竟其用應是張乖崖一
輩人

玉川子月蝕詩橫絕千古真是天地間有一無二
之作昌黎想亦極愛此詩為之刪節要之便是昌
黎詩不是玉川子詩也

松蘿齋書集卷六

詩話

九

古人說詩各有心得不得隨人脚跟轉然亦有穿鑿
無意味者如劉夢得生公講堂詩云生公說法鬼
神聽身後空堂夜不扃高坐寂寥塵漠漠一方明
月可中庭此是夢得作禪語蓋生公在時法不曾
離生公死後法不曾滅第四句正用禪家指月話
頭謝疊山詩話謂此是笑生公身後略無神通唯
有一方明月可以周遍中庭夫身後神通豈是高
禪所屑且此可字本活用今作死煞字解有何意
味此亦是宋儒斤佛見解或假託謝公未可知也
義山韓碑一篇置之昌黎集中幾無以辨有此筆

力亦只是偶一為之不改却自己本色也

事有不可解者義山九日題令狐綯廳事詩其中
聯云不學漢臣裁首霜空教楚客咏江蓠苔溪漁
隱但疑其不避今孤家諱余謂即以詩意論之上
句本謂屢祭我幕不能自致功名下句用騷語若
據騷本意直是以上官子蘭輩刺綯矣時綯已當
國義山方歸窮望援何至輕率如是絨閑此廳終
身不處安得獨恠綯之忌刻耶

昌黎云惟陳言之務去此語便是千古人秘訣
即以詩論若只是人人道過的言語便不消道得

松蘿齋書集卷六

詩話

十

偶舉義山集中杜工部蜀中離席一首其中聯云
坐中醉客兼醒客江上晴雲雜雨雲二語若順文
看去不過就席中騁事寫景有何奇特不知奇處
正在兼醒客雜雨雲六字蓋通篇是惜別留賓語
夫客醉則可以別然兼醒客則未可別也雲晴則
又可以別然雜雨雲則又未可別也何等沉着痛
快然讀者初若不覺又如昌黎答張千一功曹領
聯云簑簪競長纖纖筍踟躕閒開艷艷花驟看之
亦只是寫湘湖湖景物乃其奇處全在競長閒開
四字蓋此二句是反興五六句夫簑簪猶競長纖

織之筭今未報恩波知死所是忙既無可忙躑躅
則閒開艷艷之花今且於炎瘴送生涯是閒又閒
不過也眼前景致口頭語豈容邨夫子藉口

唐人律體中有似複而非複者正當細玩其格力
之妙右丞獨坐悲霜髻空堂欲二更雨中山菓落
燈下草蟲鳴白髮終難變黃金不可成欲知除老
病惟有學無生驟觀之第五句似複首句不知第
五句正是其全力轉接處蓋煞上半首開下半首
也太白白玉一杯酒綠楊三月時春風餘幾日兩
鬢各成絲秉燭惟須飲投竿也未遲如逢渭川獵

猶可帝王師即此法

徐桂讀書堂集卷六

詩話

士

義山錦瑟詩本係悼亡之作以錦瑟起興非賦錦
瑟也通首着眼在無端二字大意謂世間姻緣無
非幻合只如既有錦瑟便有五十絃既有五十絃
便鼓出許多哀怨來夫婦之道亦如是矣至於事
過景遷蝴蝶夢覺杜宇魂歸無端而聚者亦無端
而散此聯內已具結聯惘然之意中聯却是追憶
從前緣起極得意時事月滿珠圓日融玉暖本屬
自無而有利根人當此眴眼穠華早知有水流花
謝何待今日而始惘然哉義山多豔體詩世幾以

浪子目之不知其人極深於禪如此篇實從禪悟
中得力註家紛紛總屬無謂

張王樂府不可謂不精工然就張王學樂府便入
下俚惡道此不可不知

義山深宮詩為任不得志比銷香傳點正深宮寂
寞之時狂飈以喻謠詠清露聊伴幽芬中聯上句
喻遠臣之不得近者也下句喻才臣之欲有為者
也為兩為雲荒主心而移主眷者何人乎殆知其
無可奈何而安之若命矣

劉舍人云富於萬篇貧於一字凡一字難下處不

徐桂讀書堂集卷六

詩話

三

但如老杜身輕一鳥過過字瘦鶴病頸閣閣字之
類人不能道即本分當用字偶有遺忘便足困人
如曾茶山和曾宏父餉柑詩莫餉君家樊素口瓠
犀微齧遠山顰顰字更無別字可以代得今俗下
韻書多不收

詩不可以強作強作必多鋪排鋪排便是陳腐
詩文妙處總在一箇轉字然轉處之妙全由起處
得來起處不得力便無轉法東坡云文章難得在
起句起句得力以下便直掃將去作詩若先得項
聯中聯者便是亂道

詩主言情文主言道固也其實情到極真處即是道六經言道無一語涉腐爛者後人依樣葫蘆說來遂成腐爛耳要之文自文詩自詩非可一律論也

性情不足而後求之思致思致不足而後求之事類所以愈趨愈遠

作詩以氣貫為主氣貫則無論長篇短什自然句句字字相照應作字作畫皆然否則右軍所謂形如算子東坡所謂節節而為之葉葉而累之者也李杜二公詩篇皆原本忠愛若以溫柔敦厚論之

則李不及杜即如明皇幸蜀一事二公皆反覆致意李之遠別離杜之哀江頭無可議矣其有詞意皆同而神理迥別者太白上皇西巡南京歌其七章曰誰道君王行路難六龍西幸萬人歡地轉錦江成渭水天迴玉壘作長安子美則云錦江春色來天地玉壘浮雲變古今同一錦江玉壘也而李之意揚而竭杜之意渾而厚矣要之自其骨性中帶來不可強也

五為中數故音止於五加以變宮變徵而有七皆自然之數也詩始於四言優柔平和涵蘊無盡然

時露五言漢魏承之遂為百代繩尺五言之外豈復有詩乎至七言之興雖初自柏梁實胚胎于楚辭中大招小招蓋鎔四言兩句之意而出之非取五言而益以二字也顧聲長字縱雖曰易以成文而渾樸之氣已散詩之止於七言其義正與七音等故詩家不工五言必無獨工七言之理漢魏尚矣六朝諸名家七言雖間作其致精全在五言至唐而七言始盛七律尤擅長然大家如太白集蘇州集七律亦僅見中晚人始以此體為酬應之先資耳余謂攻詩者必以五言為宗或不致悖於古

人也

言在此而意却在彼最是詩家妙境如老杜夏日李公見訪一章云遠林暑氣薄公子過我遊貧居類村塢僻近城南樓傍舍頗淳朴所願亦易求隔屋喚西家借問有酒不牆頭過濁醪展席俯長流清風左右至客意已驚秋巢多眾鳥闌葉密鳴蟬稠苦遭此物賂孰謂吾廬幽水花晚色靜庶足充淹留預恐尊中盡更起為君謀通篇順文讀去不過寫新涼留客借酒不足更復謀添之耳不知其寫暑氣薄寫近邨塢寫長流寫清風寫水花總不

是寫眼前景物只寫好客到來無酒飲客又惟恐客去一段情事夫貧居無可遊而公子肯來想因地僻暑薄故耶顧既來矣客見四壁蕭然竟匆匆告別如何則慰之曰鄰居淳朴西家之酒易借也酒既借矣客知所借有限畧飲幾杯又將告別如何則又款之曰烏鬬蟬鳴水花到晚更佳也客既肯留矣便好起身再去覓酒若使早露窮色客既不安那肯久住耶公之以朋友為性命如此讀者徃徃不覺

三百篇皆四言字不多而有含蘊或疊至三四章

皆反覆咏歎無取煩言也漢人增至五言則語放而易駛開長篇之端矣若七言則合二句為一句仍本四言非從五言擴之也

唐人咏馬嵬詩極多或敘事或議論皆非無為而作獨王溪生一篇則但就貴妃心中摹寫識其至死猶不悟也據鴻都道士言海外仙山貴妃所託然此恐非貴妃所樂蓋其意在生生世世為夫婦耳中聯上句結上生下句極言當日蠱惑情事直至宛轉就絕于尺組之下應猶恨九重天子不能庇一婦人女色之禍人如此而上皇之不早覺

悟隱然恨在言外此用意之最深者或謂落句失本朝臣子之體甚不知詩也

詩話盛於宋代余所及見者有百數十家然自歐蘇山谷外不過就所窺見敷衍成帙非能于六詩源流心解神會也

國朝詩話我浙如毛西河朱竹垞兩太史徵事既博持論極工而新城王司寇則取材尤富觀者獲不心辭焉鑪香居士讀詩之餘心有悟入隨筆詮次直能于漢魏六朝三唐宋元諸家窮微闡奧諸詩老不得雄踞於前矣陸本勳跋

松桂讀書堂集卷六

六

松桂讀書堂集卷六

松桂讀書堂集卷七

華亭 姚培謙 平山

對問

客曰人謂造物有權使但生鸞鳳而不生鳴鵝生
麟驥而不生豺狼生魴鯉而不生鯨鱣生蘭蕙而
不生荆棘生松竹而不生惡木生聖賢而不生奸
頑治日多而亂日少時和年豐而水旱不侵景星
慶雲而不盲風暴雨豈不美哉何不善者如此之
多而善者寥寥焉造物亦不仁矣對曰吾不知其
然請以問之造物者

松桂讀書堂集卷七

對問

一

客曰佛教以空為主而受其教者不然對曰豈獨
佛儒者以忠孝道德仁義為教而受其教者每每
反是且以儒為入室之戈

客曰文正公斷齋畫粥時見藏金數萬掩而不言
有心乎無心乎設今寺僧不募緣修殿彼將終身
不言矣對曰賢者固不可測此正與管寧揮鋤不
顧一般

客曰聲勢赫奕威權震灼享難得之奉極無涯之
欲此境不甚樂耶對曰有甚樂者必有甚憂

客曰淮陰漢中之言武侯草廬之語舉而措之無

一不酬而淮陰不免惜哉對曰淮陰有意於功名
武侯無心於富貴

客曰王介甫若以翰林學士終亦是北宋一完人
對曰不然讀書深山敝衣垢面老泉謂其不近人
情辯姦論蚤已識之矣

客曰董卓鄢鳩高厚七丈公孫瓚樓櫓千重自謂
天下無敵而卒至闔門屠膾對曰恃險不如恃德
客曰丈夫貴自立兄弟且不可恃況他人乎對曰
兒子做狀元也沒相干客曰能沒相干真受用矣
對曰真受用處也不在沒相干

松桂讀書堂集卷七

對問

二

客曰子陵與光武為布衣交折節加禮且世祖為
三代以下令主何竟不可屈也對曰夫婦之愛尚
轉郭為陰朋友之情能必有始有終乎子陵早已
窺之熟矣

客曰張江陵故才相亦是權相觀其與陸五臺書
其擔荷處見英雄氣其脅制處見劊子手對曰伊
周做了許多大事只是自視欲然渠只是心不小
耳

客曰郭子儀不遇太白則斬於帳下安能功造唐
室名高千古對曰武穆之遇張所亦猶是也草澤

英雄埋沒者多矣此君子所以貴乎知己

客曰裴晉公還帶一事至今以為美談對曰今人惟不能還所以為難若此事於晉公猶滄海之一滴耳

客曰北齊高氏一門之內逞其淫毒天何必富貴此等人也對曰高歡父子祖孫兄弟歷祀二紀更易七主二紀者天地之一瞬也

客曰朱全忠破朱瑾納其妻以歸瑾妻見全忠張后而拜后亦拜淒然泣下曰充鄆與司空同姓之國以小故興干戈而使吾奴至此若不幸汴州失

守妾亦如此矣言已又泣全忠不敢納送瑾妻為尼可謂巧於妒者矣對曰亦是至情可以感人

三

三

客曰盛名必有重責大巧必有奇窮名與巧若此其可危乎對曰彼所盛者名而非其實也巧者險側之塗而非正直之道也

客曰王荆公與趙清獻爭言新法荆公曰君輩坐不讀書耳清獻曰卑夔稷契有何書可讀公默然對曰介甫讀錯了書故以義為利一生學問不脫聚斂二字

客曰學者治心而已何以曰莫先於治生對曰此

正所以治心也賢者淡泊明志非若販夫販婦持籌握算也昌黎大儒而三上宰相書未免為血氣所累

客曰少年能文章聰明伶俐致身通顯真是有福人對曰未見得福器量不窄小性氣不暴戾方是有福

客曰梁武唐莊身得天下而仍自失之何也對曰看他前後若兩人否

客曰張湯在酷吏之列而其子孫貴顯數世對曰自殺之福足以償酷安世之澤宜及子孫獨不見

伯鯨乎有大禹為之子而祀夏配天幾五百年

四

四

客曰察見淵魚者不祥智料隱匿者有殃夫能察能料如此此不受人欺者何反云不祥而有殃耶對曰持身貴乎光明處世貴乎有容渾融者福澤長刻深者不能久

客曰官至宰相臨終未免有氣得歎對曰歎氣事須平日少一件是一件乃可談笑死生之際

客曰三教本一教其語言都自貫串言性言道言修身大旨俱不相背對曰禪機道訣已如塵爾我相逢只看雲

客曰古人以宴安為鴆毒亡德而富貴謂之不幸
今人圖得富貴便為幸矣對曰渠只見得目前
客曰前車之覆後車之戒今日前車多矣何只是
不戒對曰彼蓋以身為前車

客曰中山王徐達至姑蘇以金帛聘一妾後悔令
其父嫁之更以百金謝負約中山威名亞於太祖
經營天下功有八九區區一女子何害對曰克勤
克儉不自滿假聖人所以垂訓也中山小心慎密
故子孫富貴三百年而身有千載之令名若涼國
監玉勲業豈不極盛而一私元主妃便至族滅

客曰積金以遺子孫子孫未必能守積書以遺子
孫子孫未必能讀積嘉言善行以訓子孫子孫未
必能聽從莫如積德對曰若積德從子孫起見這
還是虛假如何得留下與子孫

客曰風濤浩蕩舟中之人不知懼而舟外之人懼
之酣醉怒罵席上之人不知懼而席外之人懼之
呂氏何所為而云對曰置身通顯望重宇內而立
身一敗不知稅駕之所旁人為之懼者更何如也
客曰秦始皇衡石程書隋文帝衛士傳餐明神宗
嘗早歲不視朝勤怠不同同歸於亂何也對曰躁

則促緩則懈二者病原一般

客曰在天不能為神仙墮而為人今復不能為人
則將墮而為鬼長夜萬苦去天幾塵又復不能為
鬼則散而為萬趣之殊將若之何對曰不見可欲
使心不亂老氏所以定性也虛生白定生慧行之
至久可以身外有身

客曰狐可通矢石能點頭山精水魅草妖木怪皆
可長生人何塊生而肉死對曰父母未生以前吾
在何處枯骨既朽以後吾又在何處苟能七情不
染一真湛如直令地老天荒而吾原不死

客曰海外三山信有之乎對曰蓬萊即在咫尺間
秦皇漢武自走錯了路耳

客曰張江陵自謂假使仲尼為相由求輔之恐亦
無以踰此何其不知量也對曰只此侈然自大得
保首領於生前幸矣

客曰英雄受淒涼驕驕飽梁肉對曰淒涼惟英雄
受得若驕驕止可飽梁肉也

客曰君實迂書曰小人治迹君子治心對曰治迹
猶不失為三代下好名之人

客曰華佗郭璞術至高幾於仙矣而俱不沒其身

對曰藝不如道也

客曰魏文帝云文章為不朽之盛事經國之遠猷著書立言真文人之絕業乎對曰此其所以朽也常思所以不朽者不在文章

客曰精於世事者坐不安卧不穩攘攘終日不令人厭必令人嗔究竟名未必成利未必就對曰此之謂不知本務

客曰李易安云一代才華真可惜錯將閒恨寄新詞朱泚真云可憐不過知音賞零落殘香對野人二女以所匹非耦情見乎詞矣對曰命也彼二女

子者不知命士君子有才不遇而牢愁怫鬱則難之哉

客曰作綺語業應入拔舌地獄又曰慧業文人應生天上何以一樣文章生天入地懸絕若此對曰無端妄語便是地獄名言喚醒便是天上

客曰明太祖至金華民獻一十六歲能詩女子却之可也何必誅之於市非殺一不辜乎對曰弔伐方始而即以女色來蠱惑其罪莫大焉孔子曰小不忍則亂大謀

客曰蜂知君臣雁知夫婦羊跪乳鳥反哺犬戀主

禽獸猶且如此可以人而不如乎對曰惟聖人為

人倫之至凡人實是可惜

客曰中郎靈巖紀云霸業烟消美人黄土八字冷人幾許壯懷對曰從古如斯

客曰人生樂處不必自己勞心擺佈只是眼前山川草木無不可喜對曰山川草木原只在人眼前但須要將自己性靈去對付他

客曰終身可行者恕也可見古人盡己以忠而及人以恕對曰今人只是要盡人之忠這箇意思便是不恕

客曰村夫愚婦打夥念佛個個要生西方對曰家在夢中何日到春來江上幾人還

客曰呂翁賣桃于黃鶴樓下數日見買桃者皆啖兒女歎曰世終靳一桃奉父母乎遂擲桃而去至今石上有擲桃痕如灑桃汁對曰果爾呂翁見事亦太遲矣

客曰宋室小人必有所長如王欽石奏蠲逋賦數百萬夏竦資性明敏文章藻雅曲意救荒率州大姓出廩全活數萬人呂惠卿以寇逼避亂小民數十萬舟人索重價以濟惠卿取死囚斬之曰此舟

人也避亂者遂盡渡全活者衆李清臣博學能文
事母至孝蔡京奉司馬光約束五日率從又能薦
楊龜山韓侂胄伐金報仇志在恢復中原史彌遠
廢輕佻之濟王立重道之理宗未為不是賈似道
首以己田萬畝在浙西者為公田倡對曰宋家小
人能幹大事公事若止於肥身者則又小矣

客曰唐子畏詩云閑來寫幅青山賣不使人間作
業錢又云些須做得工夫處莫損心頭一寸天又
云醉時試倩家人道消盡粗疎氣未曾又云盡嘗
世味猶存舌茶齋隨緣散愛憎看來似得道者對

曰雖是牢騷不平却有回頭處

客曰李德裕史稱其文章班馬政事蕭曹而痛言
朋黨德怨未忘遂至力戰錐刀淪身瘴海惜哉對
曰渠有仙風道骨只為勢利二字未能灑脫不能
為第一等人

客曰貧窮則思富貴富貴復履危機東門黃犬華
亭鶴喚千古一轍然則何道而可對曰渠自履危
機於富貴乎何尤

客曰有根器者往往汨沒于富貴對曰富貴者天
所以磨涅之也求其不磷淄者蓋亦鮮矣儘有做

了許多事業也落第二層

客曰武后命昌宗與仁傑弈昌宗有裘價值千金
后謂仁傑曰卿以何為賭仁傑指身上紫綺衣為
對后曰卿此衣不敵矣仁傑曰臣此衣乃大臣朝
見之衣昌宗此裘乃嬖倖寵御之服何敢敵臣昌
宗氣懾遂輸仁傑對御褫之以衣其從奴仁傑固
氣岸武后亦能容物對曰武后本自古第一奇女
子看他待蘇安恒比之寸雲尺霧恐丈夫不能如
其識量

客曰劉廷式娶瞽女為妻死而哭之極哀東坡謂

曰凡情生於愛愛生於色汝情于何鍾愛于何施

廷式曰吾但知哭吾妻而已若以色論彼目挑而
心招者皆可謂之情乎看來東坡見識還輸他一
着對曰廷式情之正東坡是高人猶未能免俗

客曰袁學海初被孔山人算定妄念一毫不動後
被雲谷禪師指教遂改號了凡發心為善求取科
第壽考有子亦無一不驗對曰了凡了凡仍不
了兩遇神仙本可修身養性度世出世而乃止于
求取科第壽考有子凡何嘗了也惜哉

客曰看世不破為世所弄看人不破為人所弄看

身不破為身所弄旨哉斯言對曰能看得破時世間便無一切罣礙陷阱了只是從何處看破起直須猛省

客曰文文山天性豪華居恒聲伎滿前當國步艱難散家財起兵為宋室第一忠臣對曰只是見理透性命也捨得文山之所以豪華也曾見齷齪者做得甚事

客曰張仲堅與李衛公乃古來豪俠第一流彼樂昌公主之歸徐德言何足比擬對曰楊越公亦小有俠氣與粘帶者不同

松桂讀書堂集卷七

對問

士

客曰唐太宗史稱其神武不殺而竇建德蕭銑王盡戮于都市何為其不殺也對曰宋藝祖待諸降王以賓禮一日於講武堂賜劉鋹酒鋹在國每以毒酒賜臣下疑有毒捧卮泣曰臣承祖父遺業違拒朝廷勞王師致討臣固當誅但陛下既待臣以不死得為大梁布衣以觀太平之盛足矣臣未敢飲此酒帝曰朕推心置腹豈有是哉命取銀酒自飲之而以別酌賜鋹觀此則太宗不如多矣客曰史稱漢高豁達大度而韓彭蒯酈功臣人人自危對曰不如宋藝祖杯酒釋兵權嘗至趙普第

見廡下陳諸餅罌帝問曰此何物普對曰吳越饋臣海物帝曰海物必佳發之皆瓜子金也普惶懼曰臣實不知帝曰汝第受之彼謂國家事盡由汝書生耳無大度之名而有大度之實

客曰趙苞射母固干古罪人然王陵致母伏劍溫嶠絕裾託云移孝為忠恐此心終掉不下對曰他只為功名二字傷了天性大恩

客曰木秀于林風必摧之堆出于岸流必湍之行高于人眾必非之何也對曰揚蛾眉者為醜女之所妒行貞潔者為讒邪之所嫉旨哉劉之之言

松桂讀書堂集卷七

對問

三

松桂讀書堂集卷七

春帆集序

老梅鄧尉業孽初開春水吳淞片帆已挂但覺風
光入夢裁成雪月之詞曷禁笑語生香洗出冰霜
之句坐千人而才如海湧出九龍則思與泉通嚼
徵含宮不啻郢中奏曲敲銅刻燭何殊漢上題襟
細雨杏花忽驚琢玉青山寒食復覩連珠想魯望
之歸舟光添茶竈傳龍標之題壁畫滿旗戶康熙
庚子立夏前一日長洲同學弟顧嗣立拜題

自知集序

華亭與當湖接壤我宗如凱公禕公世居華亭而
封嘉興海鹽侯姚氏則大司寇岱芝擬科湖學前
後多通籍者余往時補輯樵李詩繫極愛如藥師
翠樾軒詩風流絕世近復爲述細尊人旃麓選定
脩竹廬叢書嘗不歎姚氏之多才也平山爲中舍
息園先生仲子就婚來湖余以中表僚壻披衽論
交讀其所著自知集若干卷大抵五七言古體以
李杜爲宗而參以眉山氣韻其近體則清辭麗句
玉貫珠聯兼有玉溪八叉之能事平山心不自足
與余究論詩之源流余謂從唐人學漢魏此泝流
尋源也似乎趨易實則難工若由風騷及漢魏由

六季而三唐詠味三年即有萬斛泉源隨地涌出
之勢矣平山喜讀選詩於唐宋元明諸集無不擷
其菁英劇其壁壘而余復進之以三百篇離騷九
歌者所謂舉裘而挈其領也明春偕平山登橫雲
之絕頂遙望海東迴風紫瀾合散萬狀相與酌酒
賦詩當必有神來機洽者山林宵冥海水汨沒豈
獨變化琴工而已乎當湖同學弟陸奎勳

化過葦城信宿平山之北垞因出所著近詩曰自
知集如千卷屬予點次而并爲之序夫得失寸心
知又論文笑自知少陵詩有之才如少陵所謂上
薄風雅下該沈宋言奪蘇李氣吞曹劉而猶不敢
自以爲是曰晚節漸於詩律細又曰陶冶性靈存
底物新詩發露自長吟其爲苦心乃爾後來詩人
往往率意妄作如有明前後七子軒然自詡成家
懋世煊俗正錢虞山所謂聚顰導瞽言之不慙問
影循聲承而滋繆揆厥所由皆不自知之故耳今
吾平山以名家子年富而才嚴特妙集中諸詩可
見一斑其所至固足以雄示今人而有餘然一章
之成一字之下反復沉吟常歆然不自足其以自
知名集蓋深有得乎少陵家法矣予何以測平山

所詣也哉雍正甲辰仲春錫山同學弟杜詒

樂府序

樂府古詩漢人明分兩途大抵古詩用緩調樂府用急調古詩平典樂府則雖方言俗諺皆可點化入妙魏晉以降猶能嗣響自唐賢混而為一宋人末由問津至鐵崖西涯乃以新樂府自詡神奇然去漢人已千里遙矣乎山頻年境遇坎壈借古樂府題攄其不平之鳴予頷誦數過竊歎左徒之美人香草均屬騷情中郎之海水枯桑亦自寫其流離急遽之況中有寄託非無病而漫為呻吟也

松蘿書堂集 序

其措意運筆超絕近代鐵崖西涯不當畏後生耶乾隆丁巳嘉平月同學襟弟陸奎勳拜題

漢采秦楚之聲而立樂府孝惠二年有樂府令夏侯寬文景時無所增更於樂府習常隸舊而已知不始於武帝延年蓋至是而極盛大備云人曰樂府興而主代之樂亡顧玩其辭實有六義之遺不同者音耳魏晉競響浸淫至於南北朝起鄭衛之聲雜羌胡之曲唐人若李杜元白韓孟李賀張籍王建之徒振古翻新炳焉與漢同風至宋元以詞曲充樂府而漢以來之樂府遂亡明大家往往擬

作咸有可觀于鱗翁離東門行等篇剽摹斷爛不作可也考漢郊祀房中樂載於班史鴻文鉅製歷代取法而迴莫能逮朱鷺等曲則或澀句讀艱訓詰但以諧聲有音無義故後代按曲易名篇句亦別固知膠柱不如改弦其他曲部衰積汗漫難竟所謂長簫短簫清調瑟調法已不傳矣予少壯時頗好之仿其辭盲音節斷題取義不盡合於本章以肖自喜以贗自媿俄而曰不為而乎山獨優為之今梓其詩用樂府壓卷古近體次其後體各有名人為序而首以樂府屬予嘗讀幾社詩吾郡前輩必討源風騷批根漢魏味必醲至聲必高渺不似世人狎習凡近視唐以上為洪荒點者曰古題於三五七言而嚇曰樂府楷也而釵之脂也而璞之然乎哉平山匠意治句曼衍百餘篇無不神解吻合意其游心冥悟邀追司馬協律輩和於鏡歌鞞舞之間而得其不傳之逸響歟世有賞音安知不胥被之弦匏視彼雙鬟餅師謳黃河而歌渭城者何如也予請以簫杼土鼓先之屠維協洽之歲杪冬之月唐堂黃之雋撰

覽古詩序

文中子謂書詩春秋古之三史是以臯陶歌虞奚
斯頌魯列國卿大夫相見賦詩見志其義一也迨
漢樂府迭興濫觴至於唐律大都流連光景廣識
名物而知人論世之學寢衰惟昌黎懼作史而自
成爲詩少陵專工詩而羣稱爲史酌古宜今可謂
通人矣吾友平山篤守家學以經史爲根柢舉業
餘暇揚風托雅詩名久著四方茲餞行全集中有
覽古百餘篇余得而讀之其人事則二十一史列
傳煩賸取其足以垂世立教者提要闡幽有條有
理其體格則選詩詠史一類中較量魏晉名家極
似左記室阮步兵而浩浩落落冰炭不介於胃次
其才博大若凌滄若搖岳若駕輕車就熟路瞬息
千里乃能範我馳驅惡合王良造父之法其心靜
虛若鏡空若衡平若剥蕉心抽繭絲上下數千年
通懷樂善不敢輕議前人好辨同異夫如是可與
誦詩可與論史不待目窺全豹而杜詩韓筆不即
此見一斑哉同里學弟慧香陳崱拜書

樂府古詩序

春帆飛去驚傳細雨之篇松吹聽來愛讀暮雲之
什西堂文酒板桂樹以相迎南浦煙波折柳枝而

遙寄迺有采菱渡口歌白紵於前溪弄笛江南舞
青鸞於子夜倚曲則當爐美女畫眉額之遠山選
聲則撫瑟仙人流情田之靈液樂府既質不傷文
古風亦麗而有體於是登選樓而尚友踞騷宛以
稱雄有時興高采烈鋒發韻流有時響逸調沉情
繁辭隱奏清音於山水左太冲掩袂輸心擬雅製
於別離江文通低頭輟翰乃知羅開綺合皆錦心
組織而成玉潤珠圓悉綵筆紛披所出更喜省中
紅藥好句今有嗣音何如卷裏丹山妙繪於焉濟
美乾隆五年歲次庚申花生日海陽汪福謹跋

詩有別才其工不工不關學問雖然要有助焉余少即為詩自以不工隨手棄去不復一再刪改去年秋冬間掇拾業殘有所謂春帆集自知集合近作可二寸許則且試以已意去取不踰時味如嚼蠟心曰奚以竟事為以語友人能詩者咸目之而笑乃曰若且休矣吾為若竟之于是重為去之取之竟則又附以平日所謂雜著也者共如丁卷總錄如左夫以其不工業棄之矣抑又不能盡弃非臧石享帚也徇友也暇則滋愧焉不學不問以日以年石者真石帚者真帚矣學不余助耶余不求助於學以至此然則人皆玉而我獨石人皆虹以為梁金以為鼎而我獨帚天乎人也何尤其他著夫何著哉著以臆也著以臆者之真不學也且妄希當世忠厚博達君子肯俯而詔之故亦泰然輒附於後也乾隆庚申二月鱸香姚培謙書

松桂讀書堂集目錄

卷一

樂府一百二十二首

卷二

五言古四十三首

卷三

五言覽古一百四首

卷四

七言古二十八首

卷五

五言律九十一首

卷六

五言排律六首

卷七

七言律一百十三首

卷八

五言絕三十首 七言絕一百三十七首

松桂讀書堂集卷一

樂府

華亭 姚培謙 平山

思悲翁

思悲翁神鳥高翔凌長風美人鼓瑟春水中回眸
促節思悲翁翥子飛上天梟母顧下土三年不見
子十五五為誰哺

艾如張

艾而張羅其樂如何鴻鵠高飛黃雀入羅奈羅何
少年放雀去黃雀四望為君歌

戰城南

去年戰依城寨今年戰沙漠外萬里無流泉人馬
同餓憊連營夜人不眠笳聲吹曉馬不前馬不
前可奈何黃雲四塞北風起雪花如掌何婆娑前
軍已發輜重遠茫茫坑谷蹶明駝鳥集獸散敵不
可尋師行一十萬日費千黃金黃金難買壯士命
我無揮戈返日之神力何以明上帝好生不殺之
仁心

巫山高

巫山一何高高高凌蒼天中有窈窕人艷色花含

煙望望不可見環珮聲珊珊然接夢寐仙路終
幽玄揮手易為別後會竟何緣相憐有如此不如
不相憐

將進酒

將進酒舉兕觥浩歌哉泰階平揚芳馨和曲音一
唱三歎諧君心康哉吾民萬國和樂莫樂兮奈爾
何

君馬黃

君馬驪以壯臣馬牝以黃兩馬並轡馳不知何人
強君馬容飾壯臣馬步驟良旁人那得知中心獨
忖量前期阻且修九折愁羊腸慎勿相誇詡大道
方平康

芳樹

芳樹一何芳以菲上有涼風吹羅衣黃鵠鏘鏘咏
思歸枝成連理去各奮飛翱翔不顧聲蕭蕭隔絕
天池道路遙妬人之子無如何君有他心尋斧柯
井水無魚起逝波黃鵠不煩君張羅

雉子斑

雉子飛高復低五茸三月碧草齊碧草碧於烟專
場挾鷗快眼前何處一聲媒使爾決起誇爪拳方

空細網絲所織張在野田覓不得習素頸繫錦翼
捐軀一旦誰心惻一雉獲衆雉驚逸羣烈氣徒沈
沈一雄死一雌寡寄語如臯博笑人有生誰不相
憐者

聖人出

聖人出天門開賢人出麟鳳來
峩峩泰山仰日觀俯云亭颯颯秋風生
如登縹緲之高臺遙望黃河浩浩千頃波
佳人按轡來庶事詠康哉浮雲蔽我心哀

上邪

上邪我昔與君相期生死願不離
草有心山有木亦有節水之長流火之熱
萬萬劫豈料便決絕

臨高臺

臨高臺江流清白石開美人香草遺
我來鴻鵠迅飛不我顧關弓離離何為
哉何為哉日月不我居與君飲酒臨高臺

石流

石流一何涼邈邈無津將安所止夜聲鏘
鏘鳥含小草月上中流翩翩以遊香如蘭
遠望美人倚高樓簫鼓明發君不聞欲遺
所思隔重雲

出塞

邊聲依鼓角壯士挾鳴箏馬上彈明月秋風出帝城

其二

隴隴山上月照見陣雲高不是寒霜色將軍拭寶刀

折楊柳

春雲出重重行路烟樹中馬上柳枝曲衣間桃李風
無心動顏色分手各西東情人抱明月淚落江水紅

紫騮馬

誰家年少郎馬上錦裯襠不惜明月珠裝成八寶韉

企喻歌

健兒不作人駿馬向誰走健兒解作人千金等敝帚

地驅樂歌

雨雨風風從天而下不見遊人但逢野馬

其二

徧地野花無人憐取阿婆有心採來嫁女

其三

女抱空花向郎轉側左右兩心愛誰顏色

其四

欲來不來郎不語我月明星稀行路多誤

捉搦歌

有衣不縫湏怨婦無穀可舂難恠白男兒千金好
身手不值一錢老女口

幽州馬客吟歌

相士士常貧相馬馬亦瘦千里許橫行擲錢不肯
受

高陽樂人歌

從他白鼻騮何似青驄馬總屬漢家兒相逢為君
下

烏生

烏生八九子環坐秦氏桂樹間烏母初生時心知
其母飼哺悲今日憐爾雛如我出腹命如絲託處
樹間良可怡誰家悍少年彈弓來逐肉烏母心傷
恨飛竹鳴咽空向蒼天哭咄我人民爾生豈送空
桑來挾彈自豪昧幽獨庶鳴得好艸呦呦呼兄還
呼朋人不加麋戕其生作為脯炙為腊盃酒聊相

快死鹿向誰鳴惟有鴻鵠摩青飛悲傷鳬鴈失所
依橫絕四海徒張機何為乎饒口摧傷我羽衣烹
食之鯉魚日夜思作龍生長深水亦復遊於釜中
惜我人民爾之壽命死生亦有幅何用饕餮殘百
祿

楚妃歎

楚國一何雄楚王揚其風弋獵驚毛羽馬馳技亦
工楚臣皆稱善追隨弓矢中美人發浩歎開口辨
賢忠妾本眉黛人薦媛充後宮君王重懿哲一笑
俯見從峨峨冠蓋客簪纓列西東孫封困海上諫
書無由通之子不為相萬民如飛鴻臣妾再拜言
君恩恕愚蒙至今稱霸國樊姬敢居功

短歌行六解

對酒請自寬盛年當為歡富貴與神仙兼之誠為
難一富貴至侯王削奪或時施神仙雖老壽亦終
有盡期二甚欲學無生解脫出世間生龜離其殼
徘徊信所艱三衰回亦何為光景不我留倏忽成
雞皮戀戀豈自由四所恨宿習重無由遇鍵槌下
士聞道笑寧知尋碩師五逝將與夫子山海窮顛
涯樂莫樂今日把酒一論之六

短歌行

旨酒盈樽高歌出門遊行萬里回首故園去日苦
多我心如何勤劬少壯顧盼江河汎汎者鷗念言
從遊弋者何慕乘此虛舟樂我友生仰望太清高
深無極歌詠太平仰天相視長星如水祭祭我心
宛如之子之子云來相與登臺驟雲駕雨闔闔斯
開稽首扶桑言告信芳豈無謁者招招巫陽乃心
曰悲誰則知之白首未艾明月相思

塘上行

塘上雙白禽蒲邊故飛飛秋風吹微波纖雨沾毛
衣青蠅鳴其側翠羽隔繡闌誰言之子好中心頓
相違含睇逐君子幽獨少容輝妾身悽以歸妾心
未敢歇寧斷琴上徽長絲繫青髮寧斷樽中醕含
悲抱明月寧斷衣間佩孤影製雙襪畫亦長相思
夜亦長相思相思無終極良人當知之但解新人
意故人永不遺

秋胡行

出門不返顧悲風萬里來出門不返顧悲風萬里
來峰嶸嶸波瀾渺渺前有龍蛇後有虎豹睥睨
其間憂傷令人老歌以言之悲風萬里來

其二

春風鳴桑條桃李委道旁春風鳴桑條桃李委道
旁爰持桂筐循彼歸路晴日來斯逢彼陰雨白玉
皚皚黃金棄如土歌以言之桃李委道旁

又秋胡行

我有道眼世曾無妍媸我有道眼世曾無妍媸螭
首蛾眉物亦有之西施鄭旦畫不可怡嫫母至陋
大聖以為妃歌以言志世曾無妍媸

其二

我有道味世曾無苦甘我有道味世曾無苦甘豹
胎猩唇腥聞刀砧螂且鴟梟蛇鼠是耽啜茹飲水
享親曾無嫌歌以言志世曾無苦甘

隴西行

誰從天上遊白榆種道隅鳳凰鳴衢側青龍挂庭
除麒麟作朝脯玉液盈東廚彩鸞迎上客仙樂奏
名姝顧視皆妍麗吐咳落璣珠客言三婦艷丈人
聊自娛却立從此謝去去莫延遲婦言客安坐徐
徐更謂之艷婦坐中堂丈人徒區區男兒乖志節
何用懷瑾瑜諧媚爭粉黛言談工步趨眉目含巧
笑顏色轉敷愉一顧還再顧負此鬢鬢鬚作使邯

鄺倡今反為僮奴天地互否泰劉柔相有無健婦
誠可嘉良難為丈夫

野田黃雀行

野田多黃雀羽毛何細微飛集荆榛閒少咏常苦
飢何為少年子挾彈相追隨挾彈猶可避網羅一
舉焉逃之嗟爾黃雀百萬命哀訴天天豈聽天
不聽可若何君不聞魯東門外有爰居撞鐘擊鼓
羣公趨

怨歌行

遭逢貴及時天命有往復賤子行荆山山鬼授以
璞齋潔獻楚王王工不知玉神寶不自言兩世荆
其足羣玉黯空山龍劍亦藏匱知已誠可傷富貴
何足欲終當作國珍泣血難為目再拜頌王明於
今老幽谷長謝陵陽侯何補荆山哭

其二

遙望漢宮秋萬里一明月紉素飄晨風千門夜飛
雪不聞愁歎聲止見鏡中髮團扇不復攜涼颺何
時歌眷言一揚輝斂容為君發

子夜歌

與郎織羅襦新舊絲間濶著時應稱身莫向他人

脫

其二

夜來催作蠶繭繭絲相抱絲亂為誰忙吹燈添懊
惱

黃竹子歌

河干黃竹子細細劈成絲但容梁上月照見長相
思

宿阿曲

天門有千餘地戶有萬間真官何時下雲鶴相往
還

道君曲

中庭有樹金盤玉露翩翩神仙宛如處女

嬌女詩

東家有女雛西家有女姝淨顏美如玉吐言妙如
珠何假絃歌奏神仙猶不如

其二

嬉遊琳琅居徙倚蓬萊池紫玉佩我紵明珠繫我
絲含笈學仙曲朝朝暮暮思

白石郎曲

白石郎宿河湄許從仙遊披其帷

其二

仰盼神君如剪秋水艷哉之子曲音和媚

青溪小姑曲

月明水清鳥鵲成梁人間有女天上者郎

明下童曲

走馬胡騂騂白石胡皚皚彈子去不返馬上兒歸來

其二

大馬立庭前黃金列堂頭飛騰千里去談笑上高樓

同生曲

長松秉作燭夜遊良難旦但傾南山杯遙望北山北

神弦曲

江風泠泠韻幽泉水晶宮殿夜不眠銀雲鱗鱗月華起神女環珮來翩然金簪曼曼敲冰絃玉盤滴滴明珠圓絳河清淺不盈尺金支翠旌來似織不知今夕是何年撫心定氣不敢前空中竊恐煩金鞭

石城樂

遊目眺城樓翩翩年少遊紫韁絡駿馬馳騁大江頭

其二

情人猶北望好鳥向天啼啼時若為曲宛是大堤西

烏夜啼

紅葉江邊揮秋扇綠煙渚裏織春蒲高歌催動梁間月妙舞翻飛領下珠秦家桂樹兩三丸城上高樓八九雛寄語悽涼朝露草莫教愁殺夜啼烏

烏棲曲

玳瑁為簪珠作冠美人鼓瑟夜光寒絃絃彈出孤鴻曲不管離人掩面哭

其二

江上烟飛百尺高遊雲歸鳥共勞勞雲浮天際相攜抱可惜啼鳥空自老

其三

漢江遊女帶春歸煖色飛旌夾舞衣長留明月歌芳樹不道青閨淚如雨

莫愁樂

莫愁今夜月照見石城西城上諸年少季舟泊大

提

其二

人人識莫愁莫愁在何處可憐傾城姿隨風墮柳絮

估客樂

星月共徘徊道逢歌昔昔眼前諸少年往事重相憶

其二

浮雲萬里來絃管意難平三江流不盡還夾夜潮聲

採桑度

晴光上陌頭桑葉何浥浥惆悵若爲思入門抱筐立

其二

儂自養蠶急無心來喚郎新絲入懷抱先製繡襦襦

青驄白馬

白馬青絲馬上郎橫行萬里生輝光

其二

可憐萬里白馬歸黃金買盡青驄衣

其三

行行驄馬望帝鄉猶若去時錦襦襦

其四

萬馬辟易意飛揚浮雲仰視相低昂

其五

志在翱翔忘其芻銜孟歌舞作人奴

其六

堤邊繫馬呼酒胡不敢正目覲龍駒

其七

手抱胡姬上錦韉腕間宛轉珊瑚鞭

其八

高檣大鼓椎肥牛追風還如駿馬否

江南弄

翩翩春色柳煙飛素鳥華禽耀舞衣吹笙和管王孫歸王孫歸月滿庭窈窕心倚畫屏

龍笛曲

遊遨江水散流霞錦袖羅裳鬬月華霹靂一聲落梅花落梅花情人歌客相思浮玉波

採蓮曲

纖妍稱體芙蓉裳舞袖修脩蘇合香採蓮歌動客

流觴客流觴君莫去明月來滿芳樹

鳳笙曲

珍重瑄笙諧清新鳳么一曲娛嘉賓美人妙舞樂
千春樂千春興未央與仙遊泛瓊漿

採菱曲

微雲淡雨送輕舟玉腕金釵耀水頭採菱歸去發
清謳發清謳彼年少聞歌聲迎風笑

遊女曲

雲衣玉佩嬌花面執扇秋香流微眄伸腕探環謝
雙燕謝雙燕天女來升瑤閣進霞杯

朝雲曲

登高暗暖難為眺邈絕人間問窈窕離離曉望光
熠耀光熠耀謝巫山神者居誰往還

採蓮曲

駕鸞瀛畔路楊柳渡頭煙鎮日無人到儂家慣採
蓮

不見木蘭舟遙見風裳舉嬌小不能歌但共荷花
語

謾謾蘋風起輕橈月下歸雙鴛栖未穩起作彩雲
飛

獨漉篇

獨漉濁水中水濁魚易得得魚君莫貪水濁深難
測一翩翩仙禽矯翼長吟鸞弓欲射者誰子寧知
爾清迴之明心解三松生犖确不願移根客身失侶
欲依誰門解三青天無根遠水無瀾嗟爾塊獨憂來
無端解四神龍騰霧蜉蝣困焉鳳凰大聖難化鷹鷂
解五至人含耀不慕豪雄長揖世間訪道崆峒解六

白紵舞歌

宛其束素升華堂左右凝眸生輝光舉袂翩翩飛
且翔徘徊白鶴驚扶桑流媚舒綽紈帶長何以製
之雲為裳鳳笙龍笛衆樂張嘉賓和唱樂無方流
蘇合香玳瑁梁輕喉繚繞妙難當華簪列炬耀迴
廊啟唇歡歎神未遑賓御遙眄心徬徨

當爐曲

春風吹客面芳醕解襟襟顏琴心在流水眉黛方遠
山素腕自舒脫明眸時往還裘帶長相繫當門月
一灣

美女篇

美女艷且妍皎潔生雲煙被服華與素飄飄若飛
仙明珠交翠羽翬玉壓花鈿鳳簫吹日暮龍笛奏

溪前妙音歌紉扇輕袖籠絲鞭馬上遊冶兒邂逅
情區區溫柔來嫵媚顏色更敷愉自稱金吾子徘徊
不能言胡然自天下連袂此嬋媛歸來三歎息
媒氏相逶迤迎艷驚鬼神齊姜安足多凝睇接新
歡掩面送故人故人日以遠新歡日以親故人追
夙昔娛情拭管絃開裝理明鏡衆賓矜盛年蕩子
紛冉冉美色今獨賢寄語朱顏者日月更逝遷

升天行

升天之龍不如潢汙之蝦與魚龍之升天從以雷
車神奔鬼役視之如無一朝力倦墮身泥塗呼號
宛轉困於螂蛆豈知微命尺水有餘而得揚其鬚
搖其鬚嗚呼升天之龍乃不如潢汙之蝦與魚

其二

海濱之舟曾不若溪邊之筏與桴高桅入雲翩翩
飛旗瞬息甌粵咫尺燕吳一朝失勢觸石沉波或
入魚腹充彼啜哺豈若輕齋駕以一夫縱有風雨
帖帖如煙中之鳧嗚呼海濱之舟曾不若溪邊之
筏與桴

仙人篇

仙人遊四表二曜馳雲旌飛瓊為撫瑟玉女戲鳴

箏攬雲攜木母乘風上金城翱翔帝左右弈弈虛
且清流波收靈液皓素結玄英夜彈霹靂引如聞
蒼蠅聲東幹仍無住西枝亦有情海水自清淺霞
觴難解醒青鸞銜素書白露浮金莖服食薜蘿糠
呼吸茹青精雲物栖五岳千載一陰晴飛騰非我
願塵慮何足撓

東飛伯勞歌

東飛伯勞東復西恰遇城南烏夜啼啼入行人歸
夢早出門走馬新豐道新豐美酒百千錢吳姬十
五正芳年相逢解作長相思明月還歌古別離

空城雀

空城雀何慘悽終日啄啄不得一蟲蟻飢鷹復來
驚散之爾獨不聞倉中之雀羣優游飽食糧粒安
坐梁栢百不憂仍呼空城之雀何不相與恣所求
空城之雀乃開口搖其頭獨不見官倉人吏健於
虎一旦執殭殭汝纖汝薦汝入鼎俎此時欲歸空
城相與終日受飢那得許

古別離

靜女久不嫁辛苦製衣裳盈盈照春水無能理紅
妝天寒歷古澗歲暮飲冰霜珍重御君子分手忽

翱翔女子秉一心男兒志四方低頭不能語閉目
見殊鄉但願負金石萬里無相忘局戶彈苦調鴻
鵠夜傍徨

楊白花

可憐楊白花飄蕩春風裏春風故作顛吹度長江
水長江流不迴楊花飛不已吹盡楊花風未停蕭
蕭暮雨江干起

五雜俎

五雜俎春來草往復還巢中鳥不獲已白頭早
五雜俎馬頭鑣往復還江上潮不獲已客途遙

五雜俎垂簾幙往復還填橋鵲不獲已風波作

五雜俎園中花往復還賈人車不獲已逆風艤

五雜俎雕籠鳥往復還兒撲棗不獲已讓人巧

五雜俎富兒袴往復還驛中馬不獲已官資下

五雜俎枝頭蟲往復還賣菜傭不獲已舐卒癰

五雜俎龍文鮓往復還鹽車馬不獲已出跨下

五雜俎迎婦車往復還通問書不獲已休官居

五雜俎海中螺往復還機上梭不獲已提黃河

五雜俎縫人線往復還梁上燕不獲已優人面

烏啼曲

東風遙搖吹綠艸劫灰沉黑城南道枯樹垂藤又
放芽紙錢飛散麒麟倒空原一角是城闌幾樹棠
梨鬪妍好日暮烟霏不見人啞啞烏啼花盡老

采葛婦歌

三江五湖安可期我今采葛為誰絲

雞鳴

夜靜霜寒天似鐵荒雞一聲客夢徹一聲入耳兮
猶糝糊微陽初動兮忽憶我生之初我生之初兮
淳且朴忽笑忽啼兮曾不知天地之寥廓飲且哺
子知識開元功於我何有哉吁嘻乎子初刻兮雞

始叫大塊茫茫子開眾竅

其二

星標標兮夜四更羣雞喔喔兮催遠行遠行兮殊
未已東西南北之綿邈兮我不知行者之何年而
終何年而始昨日之日兮輕車駿馬不可憑今日
之日子參橫斗轉耳邊惟有車鐸之丁丁吁嘻乎
岐路漫漫兮雞再號吉凶同域子何太勞

其三

東方曠曠兮太陽紫羣雞四野聲不已歌耶哭耶
恩耶警耶南山可移弱水可浮耶曲蓋鼓吹為王

公耶覆蕉死鹿尋墮中耶孰得孰失孰吉孰凶何
去何從耶朱顏綠髮猶昨比耶魯陽之戈可得倚
耶吁嘻乎虛牕欲白雞三唱披衣不覺歌聲放

蘇小小歌

栽樹莫栽柳種花休種蓮柳絲綰得腸成結蓮子
心藏苦莫傳銀塘女兒年家小綠窗深處春雲繞
春愁不斷總如雲飛盡春雲愁不了

休洗紅

休洗紅洗多紅欲白本是好潔清何曾計顏色紅
漸白可奈何縱教能使白復紅未必人心舊日同

棄婦吟

憶昔事君初盈盈十五餘今君遣妾日顏色未頓
殊停雲貯月能幾何對面春風心暗疎亦知新人
年嬌小亦知新人容色好可憐時俗千金軀隨風
咳唾皆成珠世間新故原相待咫尺茫茫浩烟海
人生寸心若可買黃金百倍生光彩

古有所思行

我所思兮乃在天地之初生人之始自我有此身
大患從此始百年若旦暮擾擾自生死日出萬事
興賢聖寧得已虞舜稱大孝并廩常傍徨周公本

悌弟干戈忽相戕尼山師萬世伐檀削迹車殆馬
煩不得寧今我獨何為食粟衣帛以邀以嬉文佐
太平武定沙漠萬尋山上之一豪釐胼胝稼圃雕
刻蟲魚草木同腐誰惜之吾將灑心屏欲剝形而
去皮長生未暇學無生良可師有所思切莫疑

松桂讀書堂集卷一

華亭 姚培謙 平山

五言古

送陸五坡星計偕北上

彩鳳鳴有時，蟄龍詎終卧。娉婷絕世人，焉能矢不嫁。平原有才子，英華世所詫。學問窮根柢，著書常滿架。膏馥所沾溉，往往得高價。世罕得其真，用之材苦大。科名是底物，羽翮不可借。文章老更成，遠近徒膾炙。一朝遇夔襄，遂得增簠簋。和雲夢豈芥胸，鵬鵬從此化。當今亟須才，佇看得時駕。大器固晚成，構厦方當藉。我本枋榆姿，幸託葭莩亞。漫憶十上難，欣聞一戰霸。小詩附驪歌，用送青冥鞞。

橫雲山紅葉

青山自逶迤，霜氣乍淒緊。出郭尋橫雲，奇趣遙相引。千林競改觀，噓弄疑蛟蜃。設色慚丹青，耀目破寒窘。歷亂羣鴉翻，參差行雁隱。點點浮清漪，聲聲叩虛牕。此鄉稔稻登，村酒衣可準。况逢素心人，對此一笑听。預愁寒飈驚，未用急旋軫。憑軒酌餘霞，暮烟起隱嶙。

斗酒相娛樂

已感蟋蟀鳴，仍喜秋英黃。急招素心人，共聚一草堂。華纓逞意氣，青簡垂芬芳。何如牀頭甕，把醢聊細嘗。古來賢達者，墓草亦久荒。而我一室內，幸繞芝蘭香。糟邱無須築，酒池誠太康。敢惜杖頭物，竟廢為樂方。顧我不善飲，涓滴同淋浪。促席得相對，永夜殊未央。

詠懷八首 存四

男兒守敝廬，局促攻書詩。自言當得志，皇路揚鬚眉。駿足行萬里，蹀躞焉能羈。再冉時會去，伏檻生遥悲。登高望遠海，此意誰與期。始知古聖賢，澹泊

乃吾師

莊周騁雄辯，肆口薄孔門。死生亦大矣，本哀愚下人。奈何嵇阮輩，決裂離與藩。刃讐自祖父，行劫禍兒孫。豈如孔孟言，取義與成仁。百家及諸子，攻守徒紛紜。

我聞燕趙間，其人多慷慨。鄒魯禮義邦，風流猶有在。吳越多秀民，文采爭光恠。天性難強齊，誰能泯疆界。如何古異人，半出荒徼外。初日生扶桑，光景達幽隘。

高齋迫歲暮，一氣何蕭森。天地有閉藏，風雪常陰

陰古賢於此際絕粒或投衿抗聲歌商頌琅琅金石音心遠累自遣道高樂彌深此意殊可念徘徊發長吟

魯烈婦詩

幽蘭蔽衆夢豈思揚芬芳孤鳳在雞羣羽毛甘摧藏蘭死性不改鳳殞德彌光請為節婦吟艱哉誠可傷洙水窮巷女幽姿何煌煌委身歸夫家謂言終匹雙夫家竟何營同心匪所望阿母工倚門長如挾瑟娼明知落窻穿墮身千仞岡但使心不縈豈在亟自明辛勤課十指井臼靡或遑舉家謂新

同書

金桂讀書堂集卷三

五古

三

婦作計何不長汝貌既娉婷豈宜自回惶使汝耀蓬首的的垂明璫使汝易裙布羅綺盈筐箱寧知匪石心淚下徒浪浪春朝與秋夜危機常暗防誓言嚼冰雪敢辭困糟糠白刃方如飴徒勞鞭撻嘗一朝布密網舉頭但穹蒼潛身赴清流身死魂乃康清流何湯湯蛟龍不敢戕旬日得其屍玉貌儼如常十年落糞壤此日隨英皇人生有精爽抑之乃彌揚誰言巾幗中而無百鍊剛

示同學

斷髮吟五字倚馬就千言但使中有物遲速焉足

論黃鶴樓誰破鸚鵡洲未翻試問千秋內雲夢幾吐吞

儒者談禮義尺寸不容踰當其臨大節一死偏踟躕嗚呼俠烈士至性亦吾徒此意無人問酒醒捋虬鬚

除夕

卜居在郊野不聞車馬喧况當歲已除漠漠春雲繁開齋得安坐遊目止籬樊春陽雖乍復草木已欣欣加以潤物功自葉流其根勃興豈可遏勢若駿豆奔衆生各乘運寧識雲雷屯追往固無迹迎來豈有痕花枝不易種水泉必由源何為竟擾擾不使天機存茲晨已暮色獻歲忽朝暾聊為除夕吟自警以勿謬

觀二王帖四首

存三

學書一藝耳造化入胸臆山高而水深此中有神力俗學能滅心俗書亦復爾舉體求媚人龍象久已死古人力破俗矯枉必過之姿媚斥右軍倔強竄昌黎

生公臺

世人嘲無知往往比頑石當其點頭時方知導師
力拂子塞虛空塊磊日堆積誰歟上堂僧捧頭如
雨滴

試劍石

何人鑄寶劍幸得逢英君英君挾霸氣揮劍頑石
分此理不足恠千古我嘗聞南山沒羽處猶憶李
將軍

山行訪桂

秋色良佳哉幽懷誰與吐晴山正開顏步步欲回

金桂讀書堂集卷五

五古

五

顧天香自何來髣髴月中夢緣蹊不厭深甘為蒼
耳誤野芳雖斑斑終未愜深慕峰迴境轉清咫尺
寔良晤恍疑小山人即在烟深處

鍾山

秋色萬里來青山如疊浪紫氣雖已沉龍虎勢猶
壯落木多悲風園林莽悽愴享殿何崔嵬森森羽
林仗周鼎雖已遷漢道久仍尚翠輦駐我

皇嵒峒肅瞻仰最肩穹碑高祀典垂昭曠寢宮玉
衣灰壤道幽泉響白頭老官監司香尚無恙生平
懷古心閉戶猶慨阮車此一過幽襟彌浩蕩歌

馬忘落暉歸鞍月東上回首松楸間殊有熊羆狀

北垞詩

有序

通波門外循河北岸行二百步許折而西行數
步門臨溪水綠以周垣為北垞門內文杏二株
皆百年物有小堂名雙杏堂後循東偏長廊入
竹木惟石環澄潭竦立潭上為天光雲影閣閣
下三楹為賓朋憩息之所後有小池菡萏文魚
充牣弄珠檻也登閣而望前眺城邑後則九峯
環其西北隅閣之西為招鶴樓村烟野潦一望
無際有馴鶴朝放之暮必俟此樓而歸故名閣

金桂讀書堂集卷五

五古

六

前少折而西有屋架水上扁曰小杯湖沿湖岸
而南過石梁為松吹亭亭左奇峰列峙石勢如
踴躍而出古木蒼藤翳如則搆丈室為鷗栖自
閣以南少土而多石閣後列小房為庖湍庖湍
之後皆平田有溪水環池可一畝餘架曲梁渡
之構室廣數笏種梅三十樹繞焉香雪坪也坪
右為抱香庵左為蓮生菴皆幽勝可跣步至地
自前明萬曆中為倪氏園余從他氏得之遂於
暇日稍葺廢圯願與世之有道而能文者詠歌
游息其間以裨余之蕪陋庶幾古人開徑之意

因不辭鄙俚而系以詩

雙杏堂

雙杏何年種古幹高且直密葉排天風蟠根資地力想見浣溪堂橙樹借顏色

天光雲影閣

上囑蔚藍開下鑒清漣止游雲蕩其間窗牖絕塵滓忽憶紫陽詩源頭來活水

弄珠檻

涼雨颯然至翠葉搖風紉亭亭采珠人玩弄不盈簞側想彼姝意無去亦無還

招鶴樓

西樓何所見野盡數峰碧薄暮自飛迴青天鶴一隻牛背牧童眠翻訝歸雲迫

小杯湖

杯湖無一畝竹木自圍繞恠石參其間靜影益娟好但得杯湖趣莫謂杯湖小

松吹亭

小亭日欲午孤坐轉虛清微颺入長松漸作笙竽鳴此聲滿幽壑風雨誰同聽

鷓鴣

苔徑沿石壁結構當其凹佳樹繚繞之有鳥鳴咬咬相窺幸弗疑我亦營其巢

香雪坪

曾聞婆律香遙想嵯山雪誰言北垞淺貯此兩奇絕荆扉寒不扃夜夜羅浮月

寄酬山陰孟西明

亭亭松柏幹迺生於高岡靡靡滋蔓草空谷常相壘稟安既已異中心竊自傷何時纖微質得攀歲寒芳一朝時宴會遇合來蒼虬枝牽翠蔓側佇風雲翔因緣過始願感激詎敢忘

醉菊圖為從祖嬾迂先生題

古人重求友在遠可相知臭味一以同胡寧患差池况接瓊瑤什有如覲光儀先之以縞紵賤子非所宜欲往隔江水安坐神已馳贈君白玉環宛轉狀相思白玉有缺壞素心終不移西明先投縞紵子報以玉環

幽人遺俗慮斗酒陶冲襟偶與淵明合一醉本無心清芬襲懷袖埃壒安得侵良辰駐秋色周覽吐高吟任真有至樂奚假棲山林願言挈榼去三徑事幽尋酒酣同一笑黃華如散金

題達摩像

至人色相忘神通非有意舉世波濤中何人解心
悸折蘆渡長江不行而自至一花開五葉擬議亦
多事

秋夜讀書

事去百無益但覺年歲增懶散過炎溽忽復秋容
澄少豪能幾何宵來百感仍綈几積往帙遺忘寧
可懲餘緒尚堪理雙眼駢曹騰短檠吾好友挑此
熒熒燈

好書讀不盡恒苦所見少晚來課所得讀時真草
草至味豈在多糟去方見醪一編非異書洛誦已

金樓讀書堂書卷

五古

九

將老燈前適一披始復窺稍稍如何良夜眠而被
睡魔繞

閉門人事絕此身方屬我快哉今夜緣親此紅一

朶三盃澆塵勞半月久流火

余不善飲六月中并涓滴不入口

蚊蚋幸

已稀蛩螢不厭瑣但使膏常明未須錐刺蹀年來
獨宿九久服能堅坐

寄少司寇馮伯陽先生時 予假歸里

維國重老成維

皇禮大賢金貂映玉勒承 詔歸林泉豈無廊廟

志高風契靜便從容畫錦堂草木呈華鮮

琴書性所耽幽襟訴援鶴蕭齋風雨深松聲時聞
作明刑已無刑暫喜解纓絡脩禪王右軍游山謝
康樂

夙承推獎分絳帳奉光塵眄睐一何榮感激常遂
巡衝飈拂淺水見此蹭蹬鱗風雲滿天地望望迷
龍津

何意丹青飾終不遺朽株何意鉏刀鈍終不棄風
胡懷情徒草草報德愧區區隋岸蛇已傷或恐無
明珠

聖人秉至德端拱泰階平猶思股肱美側席族者
英星雲將復邈何以慰我情皤皤頌黃髮穆穆以
迓衡

金樓讀書堂書卷三

五古

十

西湖八景 存三

玉泉魚躍

清泉澹容與游鱗時一躍似畏濯纓人迢迢赴遠
壑遠壑虛以靜芳風起杜若既寡羨魚情臨流識
魚樂

梅林歸鶴

芳蹊通窈窕白玉綴成林馴鶴出復歸時時憂遠
音幽人日夕坐相對頻孤斟半酣且獨寐夢入寒

香深

魚沼秋蓉

秋氣集澄沼芙蓉發其頰影入龍鱗波游鯨相與閒美人南浦上徙倚對潺湲臨風一披襟佳期愴忘還

舟過宿遷見清水

日在黃沙中今朝見清水粼粼波不生隱隱魚欲起垂釣本無心濯纓有至理呼童洗茶鐺烹我菊花藥

釣突泉

伏泉忽噴湧其勢劇震盪洶洶互爭雄三泓同一狀青天聞雷車白雪翻地上頃刻萬珠跳龍女開寶藏素光自相照飛沫或遠颺流波有餘怒澎湃學冥漲是誰竅尾閭迸出莫隄障善幻由坤靈奇觀巧相貺儵魚若空懸下流自搖漾微物乘天機與人共神王靜思萬殊性何得亦何喪直作濠梁觀薄遊忘悽愴

松桂讀書堂集卷二

松桂讀書堂集卷三

華亭 姚培謙 平山

五言古

覽古詩

軒皇御天下順風謁崆峒微言洩廣成証道窈冥中肅肅神武師萬國朝合宮維帝何心哉變化如飛龍觀天執天行陰符生殺從干戈亦無為握機開鴻濛

大道運無象玄黃自相陳精微不可窺孰與天倪親至人貴得一泊乎反其真無欲見衆妙超然萬

化新我觀老柱史體道何淵淪寶此無名樸天下不敢臣陰陽洞開闔與物為屈伸不知誰之子龍蛇而鬼神周流行六虛大患絕於身靈文俟後聖千周燦彬彬

古之英雄人不為世所拘當其事未成智勇亦難恃功名震寰區毋亦天所使利器不盡施達者覺知止周公遭流言詩人悲鼃尾自非神聖徒誰能免幽否我讀吳越書酌酒鴟夷子餘生營千金或者非信史

悲哉乎豫讓報仇為智伯豈不惜一身所感國士

識襄子重其義持衣使之擊擊衣衣出血精誠著
在昔天地皆震動徒以心匪石忠臣孝子心鬼神
亦爲役

文侯聽鐘聲顧謂左方高田子听然笑審音亦已
勞職詳與職要其道各有操但使聾於官何以馭
英豪

齊王初即位政事頗因循及烹阿大夫威行讐四
鄰維國有利器毋以輕示人神機而鬼藏一發不
逡巡

粵昔秦孝公發憤興西秦輔相得商鞅隆隆霸業
振法行自近始耕戰督斯民闢地到河西雄心一

旦伸刑賞實先圖力本國不貧用之以仁義豺狼
即鳳麟

用人如用木長短各有營方其未用時豈必皆中
程奔跼致千里負俗立功名鄙哉衛成侯二卵棄
干城

蘇秦說六國通質刑白馬洹水一以盟干戈歟杯
竿猛虎瞰中原羣羊勢易下仁義苟不圖約從奚
爲者

孤豚入太廟文繡詎爲榮神龜在泥塗禍患不能

櫻昔人有莊周其言明且清持竿樂莫樂悠悠遺
世情千金與楚相一心素所輕何意主父偃死甘
五鼎烹

戰國民倒懸遊士復爲蠹不見孟嘗錢祇爲奉客
具馮驩燒券歸君也忿然怒好士不恤民此中有
深痼

炎炎全趙國生有武靈王黃華逞雄眄是開胡翟
鄉美人來夢中琴歌蕩中腸竟釀沙邱禍禍福何
茫茫

千金買駿骨駿馬因之來郭隗遇燕昭雄心未忍
灰磊落進大計不顧世嫌猜一言動英主黃金起

高臺先聲馳六合果得天下才君臣略形迹大業
何有哉

聽言豈不難利或以為害裁斷自方寸國事以興
壞緬想平吳功實唯張杜賴裝度襄天討成功在
淮蔡當時廷臣議一何多齟齬莽亂匪降自天憐心

有向背不用公糾言魏人失河外符堅違衆出百
萬遭顛沛君與知者謀與不知者敗扁鵲譏秦王
此言可喻大

奇服世不好何為佩寶璐繁飾徒續紛遭此黨人

妒屈平忠見逐
樹蘭交益固九死就彭咸祇以靈
修故伯奇失父歡
申生逢君怒耿耿百年心不忍
告行路

吾慕昌國君克成昭王義
戈甲載風雲君臣同臭味
稜威破彊齊奇功世莫二
莒即墨未降待之以
自至賢者不急功此意與時異
天未欲亡齊得遂
田單計從容去故國不以幸為利
報書稱先王讀者為實涕用燕豈無心
君王乃永棄從來魚水難
再世有隆替

相如不辱國千里伸威信
氣壓虎狼秦屹然全趙

卷三

五古

四

鎮一壁非輕微此舉國體振
想當睨柱時風槩一
何峻爰逮渑池會忠勇尤能奮
盆瓶奉秦王慷慨
狎白刃吁嗟蓋世雄惡言卒不愠
桓桓廉將軍感
愧負荆進當事有屈伸為國忘私
忿高山竊仰止
命世之英蘭

全齊既已破安平乃出奇
火牛光燭天神兵定四
垂棧道迎襄王中興在此時
解裘衣老人何乃動
主疑酒酣召相單呵叱同嬰兒
豈唯九子故雄猜
實難知君看不世功豈是全軀資
千秋無貂勃淫
刑以為期

平原將至楚擬與食客俱碌碌
十九人顧盼自云
殊毛生處下坐英心藐八區
歆血定從歸楚王敢
踟躕奇才何處無君不以時須
滿堂皆肉食一人
獨向隅入籠多凡鳥伏櫪或龍駒
隨侯今不作孰
能辨明珠

翔鳳不受笄機檻豈束麟
邯鄲昔被圍魏王使帝
秦魯連山中來雄辯發硯新
誓將蹈海死恥為嬴
氏民大義折梁客狂瀾障一身
先生有龍性寧為
平原馴笑却千金贈清風動四垠
如何百代下殊
多商賈人

卷三

五古

五

籍甚四公子信陵家倜儻側席老
夷門市廛親掉
鞅却秦振英聲意氣平原仰
殷勤毛薛遊晚得國
士兩一聞藥石言翻然宗祧想功名
何其高心事
何其朗

敝袴待有功行賞賚不慙左氏贖
胥靡誅必乃為
賢韓子昔著書刑名多所宣中有法
外意知者秉
化權用法如風雨致治如磨鷲
王道與霸術調和
出一源積弱固難治積強禍亦遄
興亡在擇術寬
猛戒其專

慶卿養晦日頗不似人
憂及遇太子丹寒銛吐寶

刀揮手黃金臺驅車出寒郊衣冠哭祖道筑聲慘
不驕酒半拂衣去白虹天上高祖龍不可刺王氣
照旌旄投軀貴自全為義欲何逃士為知己死有
淚不沾袍

燕將獲趙王囚之不肯放往反十餘輩冠蓋徒相
望何來微賤流識在諸君上從容為御歸其王幸
無恙自古求賢才資格寧足尚風雲滿朝廷不如
一廝養

亞父好奇計致身血戰年秉心逾金石項氏相周
旋成敗勢已分赤龍忽飛騫置酒邀沛公持玦慘
無言君王既不忍小臣私自憐龍蛇方鬪爭擇主
以為先

山海有傾涸本性無推遷初心一以爽勲望亦徒
然子房本俠少目牛曾無全椎秦既不遂輔漢乃
彌堅功成非為賞萬戶等腥膻烈士重恩怨高人
慕神仙黃鵠遊萬里志定神自閑穀城石已冷萬
古起蒼烟

我聞楚重瞳待人必煦煦豁達隆準公遇士輒謾
侮如何高陽生醉心慕真主當其倨見時儒冠氣
如縷豈知英雄心無異勤握吐踞牀挾兩婢狎客

如童豎從容騎士言早已點頭許天生磊落人肉
眼豈知取茂陵得相如亦因狗監語

淮陰大將才折節李左車釋縛東鄉坐蠖屈乃龍
據先聲下彊燕辨士咫尺書兵威不可當速若風
掃塗囊沙壅澱水一舉破龍且請為假王便志願
良區區噲等難為伍徹也見亦靡金石矢一心純
忠反類愚鳥盡弓則藏千載起悲吁河山鐫鐵券
曾殺幾人軀

漢王定三秦甲兵一何利縞素討項賊義聲動天
地行師貴有名大功茂不濟良平皆安在董公獨
遮說

諸田事已非橫也亦奔亡悲風來海上蕭蕭吹故
王不忍見天子烈心付劒鉞丈夫貴意氣成敗夫
何常壯士歌薤露發聲慨以慷斯人能得士一死
增蒼涼

聖人心無我淵乎萬物宗大度茹人謀如聲與響
送虞舜稱濟哲豁達開四聰成卒一言是漢祖都
關中

赤幟飛中天秦闔百萬靡垓下戮蚩尤戈甲光如
水平生竹皮冠擲去杖馬箠不有封孫生殿柱日

斫毀時哉苟有會綿蕞亦芳軌大筴魯兩生君輩
寧識此

商山四老人落落埋雲松一出定帝儲於立亦有
功非無山澤癯牢關自固窮何殊秋草死身沒名
不從

青門有召平種瓜常五色本是故侯家甘此貧賤
食遠志即神仙富貴寧足憶韓彭起布衣禍機蹈
不測

曹參繼蕭何未嘗更法令時時飲醇酒於職不云
病府中竊無事萬流皆仰鏡信矣蓋公言清靜民

自定
徐桂讀書堂集卷三 五古

朱虛侍燕飲酒酣歌耕田軍法斬一人諸呂皆帖
然少年氣自銳誰能顧萬全陳平獨深念心事久
不宣

陸生識行藏危機迹不處從容好時田朝夕唯兒
女千金聊自娛何必橐中貯溪心運妙算獨共陳
平語將相一交驩奸謀自此沮全生復安邦超哉
留侯侶

寂乎至人心萬物見端拱無為無不為庶務失控
惚漢文修玄默河山靜悒悒猶因謀謀言一爲畫

夫動

賈生策治安才傑漢廷獨鴻鵠纔一舉山川識紆
曲生逢賢聖君傷哉命不泐禍福如糾纏吉凶多
反覆宣室幸有徵傳梁終天促千秋王佐才知者
長沙鵬

昔有量家今奇才稱智囊精忠善畫策中道罹禍
殃削地制諸侯意在振朝綱被讒斬東市一死何
倉皇平生峭直姿足以召不祥神龍有屈伸丈夫
貴摧劉

茂陵稱汲黯古之社稷臣而因好直諫不得安其
身弘湯徒面諛顯貴超常倫用人如積薪感歎以
千春
徐桂讀書堂集卷三 五古

仙人東方生天遊任所在金門可遽嬉奚必潛江
海滑稽取自容正諫亦無辜遙思柱下工託契於
千載

封侯有命哉善射豈足恃漢家飛將軍才氣動天
子一生歎數奇慷慨失道死邊功屬衛霍力戰徒
爲爾

將軍舉舍人絳衣動成隊雍容玉貝劔顧盼藐儕
輩田任兩皆貧悽悽門下身自非賢少府召見邀

無因

陳平請宿衛讒言不得行霍光暫出沐上官已相
傾日親猶難恃日疎豈易明三復采葛詩詩人有
深情

懿夫丙丞相用心何其慈馭吏汙車茵西曹地忍
之士無不可容矧茲罪已微此道今亡矣醉飽有
危機

濟濟公卿列熒熒集簪裾弈弈盛明朝多士騁良
圖彈冠及少壯春花方發初歸身宜暮年白日居
懸車富賢易溺人欲退且徐徐豈惟黯汶輩常令

松桂讀書堂集卷三

五言

十

智者愚報主自有時疇昔濫吹竽空然思後効此
顧恐成虛榮華不可恃禍敗集事塗千尋一失足
戚戚將焉如古來有二疏乃獨與君殊都門供帳
處清風起路衢

營平善持重威謀制西羌桓桓不以武料敵奏封
章明明漢孝宣雄略不可量採彼老成議致茲神
威張全師凱以入功名歸廟堂窮兵豈難為倖勝
非國良衆人徒斷斷築室向道旁所賴聖天子乾
符運中央

張敞本能吏治經通春秋之官理劇郡風行草不

留一為京兆尹捷若鷹下韞竟以儒術全廣漢非
其儔章臺走馬過意氣何悠悠開閣畫婦眉將平
吏斷盜頭

男兒貴自厲困厄亦素期仲卿泣牛衣未免兒女
私及乎任京兆侃侃處職司直言劾帝舅死不媿
鬚眉知旦固不辱大節其可墮乃悟天下事終非
女子知

朱雲氣節士經術亦頗優雄辨挂五鹿誰哉堪匹
儔起從城旦中指斥安昌侯額賜尚方劍以斷佞
臣頭時世尚委蛇此士肯沉浮惜也殿檻折狂直
終不售屏居鄴田下張目視悠悠借問薛丞相容
女相吏不

松桂讀書堂集卷三

五言

十

梅生耽養性山居避世喧不忍當世事聊為天子
言忠誠不見用廟社若為存眼見巨猾驕腥羶滿
乾坤潔身以登仙恐辜明主恩風塵百戰後栖栖
吳市門

明哲善保身豈以一轍拘失時則龍蛇被褐懷瑾
瑜子雲恬勢利栖志在玄虛浮湛朝寧間而不踐
禍樞君子通大道烈士見一隅汎汎水中鳬何不
與之俱

炎鼎昔中微羣雄肆雲擾白水起真龍絳衣奉天
討雲臺攀鱗人蒸變何天矯豈知烟波中一竿倚
縹緲長嘯來軒墀故人心未曉雙眸冷千秋天地
空杳杳偃卧亦偶然星辰動奇兆江天老客星視
龍如鷗鳥

人生營衣食所重非贏餘伏波功既成乃思下澤
車馬革不堪言薏苡非明珠終然遭讒間局但到
妻孥寧與燕雀翔啁啾在枋榆勿用隨黃鵠翻飛
失所如

班超烈丈夫傭書忽不快投筆一歎歔心雄六合

松蘿讀書堂集卷五

五古

七

隘艱難得封侯萬里在荒外玉門風蕭蕭歸老亦
無賴

關西楊伯起早歲即明經五十仕州郡蜚聲入天
庭連章片璧倖凜凜正色形狐鼠不易除塵沙埋
青萍柴門謝賓客飲鴆夕陽亭死後致大鳥哀怨
惜精靈

達人處天下內重而外輕得失在世故于心曾不
櫻墮甌去不顧我常師孟生英雄能介決萬事其
可成

皓天閉白日陰風動四溟獬犬憎瓊佩美人失娉

娉蘭芳不當門蕭茅塞前庭倚與申屠蟠龍潛播
德馨既全首陽高亦協孔氏經紛紛顧廚輩誰似
飛鴻冥

臧洪明大義奮身翊張超登壇誓郡將意氣亦已
豪中道遇本初神鷹暫見條殷勤故主思義與山
岳高救難心不遂乃絕袁氏交危城櫻盛怒兵敗
喪英標松柏寒逾茂金石爍不銷壯哉俠烈士孰
心媿滔滔

元龍饒智略志在濟斯民服官著聲績超然邁常
倫角呂既有功拒吳亦如神非無湖海氣磊落出

松蘿讀書堂集卷五

五古

七

天真鵬飛俯四溟豈容斥鷃親魏祖臨江歎奇才
喪此人

北平田子泰年少譽聲馳始奉幽州使奮不顧險
危還鄉失故主徬徨戀所知君仇未得報山中且
俟時服義成都邑化行不拾遺屢拒袁氏招明哲
亦合宜魏祖征烏丸若人一曜奇間道掩跼頓論
功殊不訾志義良有在封侯數四辭忍賣盧龍塞
以為爵祿資

桓靈失政權大盜方移國大哉武鄉侯出師明漢
賊三光已分景混一非人力蒼茫五丈原將星賈

營側陣圖江水寒羽扇乾坤以一吟梁父吟悵
此何極

漢系危陽九四海奔駭鯨橫流既已及拯溺仗時
英弁弁荀文若委蛇志彌貞陳力雖霸朝祚延在
漢京識密鑒事要謀慮罄丹誠婉婉幕中算指顧
定百城屯運賴一匡蒼生躋大寧平生疑傾漢玉
碎心乃明亡身以殉道立異不為名斯人蒙詬訾
千春傷我情

公瑾運朗心展也東吳特擇主在妙齡義著道南
宅蔚然龍虎姿敵情無所匿目中無曹公破之在
赤壁折節下德謀雅量服子翼溫溫魚水間盡言

不偏反遠志未及騁已邛鉞羽翮顧曲遺風流襟
情卒難測

上古無廉吏廉吏不為名人無介介節天下迺和
平治道日清訛賢者以賢鳴固應千載下知有胡
威清

孫登果何人高卧蘇門山身在濁世中可望不可
攀訝彼青眼客談笑驚松杉先生漠然靜示之以
不言山空人迹絕長嘯迴龍鸞至今餘響在落
天風寒

姝子自復佳不如銅雀妓何為峴山下過者愴遺
軌宣尼思國僑猶聞涕不止直道在人心終古同
一揆哀哉後世人矜名不知恥生祠滿道旁蔓草
秋蕪矣

人生行樂耳豈必問其他縱得身後名天地亦剝
那一碑冥峴首一碑沉江波咄哉杜元凱好名心
何多

煌煌園中花灼灼如紅玉纓綬豈不懷君子緬高
躅花落自有時官高禍及之功成不知退但為後
世嗤茂先稱博物何為獨昧斯浮華實賈禍已矣

且勿悲

西晉尚清言頽波蕩無極神州倏陸沉天地竟否
塞公卿談虛無百僚廢厥職虎狼滿山林干戈日
不息回思喪敗初何人為蠹賊老成山與羊先事
炳明識一朝著蔡驗銅駝在荊棘立國自有經先
王著遺則風流映簪組家邦竟何得排牆王衍死
至今無人惻

功名不可居我願學飛鴻冥冥入雲際焉能知所
終從政者殆而福嗇禍殊豐黃金鑄張翰茅香滿
秋風

我觀陶長沙躬自習勞勩精勤濟明威大力運庶
事經綸何必奇竹木取代匱綜核師申韓寸陰敢
輕棄故知濟時才定與常人異君子有遠慮小人
偷安以民生無賢賤耽樂實喪志夕陽忽西流何
以垂光懿

祖生功名士志清烟塵昏擊楫橫大江中流出矢
言聞外壘石勒朝中帖王敦北伐雖不遂英風滿
中原

景略詣桓公雄談當世務捫虱若無人天下在指
顧騷耳躅塵沙飛子不知御因緣遇苻堅一見如

松桂讀書堂集卷三

五古

六

故素委心事明主感激張天步風雲良有時人力
豈能與栖栖被褐子懷玉欲何去才難用亦難要
之以歲暮

陶公無所長靜氣獨迎人濁醪何必止聊復養其
真鼎鼎百年內幸得有此身如何不自愛終日逐
風塵長吟掩柴門相依形影神孤雲亦羣遊此士
乃無鄰

高人遺其名名與身俱悠獨立天地間聲迹兩沉
浮尋陽一漁父姓氏不可求太守褰裳訊停橈湯
相酬未辨賤貧理安知榮貴謀黃金白璧好爭易

一沙鷗竹竿何籊籊河水何波波寄語當世人貪
餌自吞鉤

世路日嶮巖太行與孟門朋從締恩狎萍合本無
根何須誚輕薄且自慰煩冤不見任昉死諸孤體
不溫淒涼絕交篇抵几誰復論行驛結客場閉戶
藝芳蓀

高允古遺直恐負翟黑子忠誠動主心雷電氣不
靡造膝出詭辭何嘗明已美蓋盎洵如春矯矯亦
如矢恂恂善誨人呐呐無愠喜清風滿縕袍制行
溫而理千載師趙文百齡享光社茲賢如高山何

松桂讀書堂集卷三

五古

七

代不仰止

蘇綽王佐才瑚璉光自耀能知帝王指蕪悉申韓
要經綸在六條計畫皆宏妙浮華一掃除文筆如
大誥虛懷得周文同心開天造相知不相待慟哭
情何告

瘡者亦可師隋末仲長子生平無所有有一真
耳結廬北渚邊朝夕對清川身外百不營妻子何
有焉王君亦靜者挈榼屢周旋天機發濁醪客主
兩悠然

玄成事文皇肝胆無不露危言倚主知孤忠絕朋

附值此千載辰傾心答隆遇主聖臣自直批鱗亦
何懼君恩終始難盛明惑氛霧我我紀功碑歿後
曾一仆

衛公鄒章句志欲立功名一心具韜略所至戰功
成南平蕭與輔稜威孰敢撓孤軍蹀定襄一空大
漠營尋討吐谷渾其王竟自經歷觀前後功真不
數韓彭每參朝中議恂恂後公卿沉深天廟器豁
達見論兵當局有變化一中孫吳程河嶽出偉人
百代飛英聲

潛龍希靈沼翔鳳瞻高桐欬蒙時來會風雲慶遭

松桂讀書集卷三

五言

七

逢馬周昔未遇落魄無所從獨酌新豐酒悠然逆
旅中一朝常何薦聲價達天聰顧盼無泥塗意氣
凌煙虹國士身名顯賢君恩義重生常用其言死
欲見其容

大人造家國先之以委蛇狄公臣偽周忍恥欲有
為殺身終無益屈節久銜悲乘間進密語房閨轉
免威乾坤倏回幹斯人心孰窺但見金輪朝五龍
夾日飛

處世實危途恬退可以安繳繳易點汙嶢嶢缺不
完柔弱生之徒強梁得死難不聞婁公言唾面當

自乾

元忠得罪時孽豎燎方揚廷辨引張說一心幾徊
徨賴有廣平公臨難示周行蓬麻相依倚到今垂
芬香

賢哉武攸緒涅而能不緇蟬蛻濁穢中清風實可
思跡故不遠人道已絕瑕疵浮雲富貴意唯有嵩
雲知

五王提衛兵再興神堯緒不成誅三思自令死竄
所乾坤有大機一失則為鼠彈拍血流紅感歎奈
何許

松桂讀書集卷三

五言

七

衆人日蠅營求仕遂其貪青紫在目前寧顧七不
堪承禎言捷徑此徑不須諳但使得捷徑何處非
終南

姬崇未作相十事先請命夫豈為要君始進必以
正次第振紀綱成此一人慶古來救時才經緯先
有定功成如其言天下咸歌咏奈何後世人築室
自貽病

韓休入中書天子為之瘦疑然仁者勇隨事有往
救天子瘦可肥紅顏聲亂機蜀山山下路倉皇駕
六飛

魯公以剛直出為平原守雪涕舉義旗枕戈捍巨寇力屈歸朝廷日值玄黃關奸邪不相容一起得十仆陷之入虎口死地以身就百年浩氣完成仁匪邂逅

嗚呼張許忠曾未免謗議植節固為難千秋一涕泗夷路足風雲危途失騏驎陰雨雙靈旗當年百戰地

郭令再造唐荆棘亦屢踐終始保元吉大節何婉變震主主不疑權尊道彌善富賢而不驕危機可游行

松桂讀書集卷三

五古

三

丈夫抱奇志出處會有時神仙與將相功用兩不虧煌煌李長源髻鬢挺英姿白衣非不貴紫衣亦其宜指揮定安史不異驅犬雞履虎尾不啻宛轉黃臺詩乃知應龍妙變化無常儀雲霄一瞻仰頌以百世師

許身比稷契甫也不云狂詩人有實學終古示周行自從騷雅來六代逞淫荒杼然無一物風月徒撐腸憂時見經濟亂世資舟航一字一血淚哀鳴孤鳳凰丹心炳詩史日月齊輝光李侯有佳句空解媚永王

歲寒知蒼松烈風識勁草緬思段太尉鶚立獨何早笏擊在一時直氣久盈飽大節有倖成至劉豈可撓

西平萬人敵氣壓中興將艱危効維屏膚功孰與伉逆謀折懷光九廟全倚仗肅然勤王兵羣兇盡夷盪豈徒兵力神實以忠誠亮威名著錦裘臨陣賊胆喪訝彼蓋世勦猜嫌切時相密謀解兵柄坐失西師障身名震凌煙弓刀閒玉帳蕭蕭千里旦伏櫪一悲愴

松桂讀書集卷三

五古

主

陽公為諫官沉醉日喑默迨乎排延齡奮身徇厥職大義褻姦邪朝綱賴扶植維古重嬰鱗要以裨家國回天孝子心去惡鷹鷂力不聞君臣間瑣瑣以沽直

誰云人有知不及潮陽鱷精誠動異類讒慝猶間作讒慝空爾為投閒名亦隨斯文屬韓筆異代刻韓碑

大道有顯晦君子慎行藏耿耿當世慮詎以勇退忘裴公在相位盡瘁謀國常時事不可為局外且相羊北風何其涼雨雪亦已零綠野雖云樂幽獨無乃傷

劉蕡昔廷對義憤薄風雷君臣未深交誦言適為
灾虎豹守天門九關黯不開孤臣竄逐死青史有
餘哀大易垂納牖其道資遲迴蹇修既不存忠信
以為媒

彈琴環堵中披褐詠先王世味不足慕好古常傍
徨僂俛觀陳迹永言著詩章古人在文史前後遙
相望而我不能即憂來良無方浩歌送白日誰知
五內傷

松桂讀書堂集卷三

松桂讀書堂集卷三

五古

三

松桂讀書堂集卷四

華亭 姚培謙 平山

七言古

初春聽柳梢百古

臨春風聽春鳥楊柳枝頭正嬌好楊柳枝何青青
幾日春風嫩葉生鳥聲不停啞柳枝不停舞吟喉
一倍嬌舞袖千回彈問君此時心是樂還是愁或
云此是埽愁帚或云此是釣愁鉤我今無愁亦無
樂開襟散髮同優游鳥聲還欲俦柳綠看成絲轉
眼春事已遷改此意惟有春風知春風自古常如
此欲上高樓一問之

美人對鏡圖

世人愛真不愛影底事美人偏愛鏡春風一面誰
能描却許青銅寫端正髮髻濃雲十八鬟妝成起
立驚龍鸞黃鸝紫燕窺不到獨憐冷碧相盤桓斗
閣深深珠箔垂綺窗紅日正遲遲侍兒覆却盤龍
錦誰見薰香獨坐時

顧編修俠君招飲秀野艸堂賦贈

吳閭有堂名秀野珠盤玉敦走天下天為斯文出
異人先生豈是悠悠者先生少年賈董徒鳳毛麟

角一代無雄才壯氣凌京都餘子愕貽順風趨讀
盡中秘未見書卿雲爛熳隨卷舒衣被草木分華
粵龍門蘭臺望久孚願為霖雨心猶紆翩翩逸思
不可拘等身著述計未迂坐擁百城陋三車博綜
六藝味其腴西山宛委簡策殊編刻抉剔惠世儒
縱橫千載搜奧區眼明寶月胸慧珠丰神弈弈照
五湖齒頰所及榮朽枯余也款啟守菰蘆駑駘安
敢追龍駒傳家緇裘愁荒蕪十年作賦徒吟吾春
風若肯分喁于振奮或得希修途

和友人十二辰詩

仙鼠骨換拍翅飛穴蟻牛鬪發殺機金刀繡澀不
制虎王免搗藥何時肥半世屠龍空自許唧唧夔
蛇共蛇語神馬尻輿不暫停多岐豈識亡羊所澤
猴山麋各有羣野鴛鴦性與家雞分上蔡牽犬非吾
慕草中牧猪何足云

笠澤釣艇歌

我愛笠澤水萬頃滄波平若砥我愛笠澤山七十
二峰青如鬟紅塵亘古飛不到神仙窟宅於其間
鳴夷遺跡那可問扁舟一去空潺湲棹歌之聲出
渺茫中有漁父鬚眉蒼八尺絲綸一竿竹隨波上

下神揚揚綠蓑青笠裁製古蓴羹菰飯齒頰香大
魚鱖與鯉小魚鱖與魴我無貪得心不羨網與網
朝乘艇隨白鳥出暮歸艇傍蘆花藏世間機械從
渠巧抨彈不到釣魚郎洞庭山消夏處人生只合
此間往津口峨峨畫鷁船槳槳打鼓何方去

秋山射獵圖為胡孝廉泰舒題

秋山蒼蒼秋煙紫一片平蕪清似水怒蹄蹀躞不
肯止霹靂聲酣秋色裏簾中花箭風吹香馬上意
氣排天閭甲光如電攪霜野小隊驩呼振屋瓦彷彿當年曹景宗鼻端出火耳生風寄語黃龍塞上

兒書生如此奇不奇

家藏元朱碧山酒器歌

銀槎

李白昔乘木蘭舟玉簫金管坐兩頭欲將漢江之
水化春酒便將疊麴築糟邱不知當日乘槎客逸
興頗能及此不碧山鍛銀作酒器似把兩事合併
同雕鏤千年古槎堪坐卧上有老仙穩坐狎輕鷗
詩人小戶愛蕉葉華筵公子瀉酒誇龍頭豈若對
之傾百榼直與此老咫尺相獻酬我聞黃河之水
上與銀河通若將此水化為酒鵝黃鴨綠滾滾無

時休只須此老伴何必載妓隨波任去留

銀蟹

左手持酒瓢右手持蟹螯人生百年此外無快事
黃金叵羅馬足豪祗愁或遇無蟹處却將何物饜
老饕良工巧思忽瘡發兩螯八旦窻窳能奔逃不
勞舉網忽入手坐中酒徒喉間渴瘵難爬搔辟彊
閒園秋雨夜厨娘方壓真珠槽脂膏吸取入心肺
鷓鴣鸚鵡屏棄不復操甕間唧唧殊未息多應此
物求其曹縱使尊空擲向酒家肆猶勝四明賀老
換金貂

陸丈畫山水歌

丈人昂藏江海客掉首侯門人不識萬里行滕二
十年湖山特地開顏色興來跌宕若有神素箋丈
二為我擘疊嶂晴開萬古雲懸流直下三千尺若
有人孖台蕩間欲往從之動心魄自言攻此頗苦
辛畫手悠悠焉足論世間萬境貴親歷蛟宮虎窟
常逡巡憶昔杖策匡廬雲裏糧十日隨麀麀時凌
天風攀絕磴返顧不殊猿猴形雁門關外霜飛後
馬毛如猬騾如豆歐脫行行不計程山川遶落空
搔首從此經營入杳茫揮毫落紙無不有直把乾

坤粉本看北苑南宮祇我友絕技從來知者希鬼
神亦忌通靈手再經婚娶總無家三走京華猶未
偶君不見昔人好龍偏好畫今人好畫猶好龍百
金爭買贗搨卷牙籤玉軸徒璫璫王宰石韋偃松
從來能事羞雷同我知丈人非畫工嗚呼丈人豈
畫工

飛鴻堂梅花歌

吾宗有老仙自號曰藥翁藥翁堂前何所有羅浮
一樹橫晴空結為老友兩不厭相視莫逆無言中
有時靜淪一壺茗兩腋颯颯生清風有時孤吟一
首詩格高韻雋叩玉同清水橋邊三尺雪飛鴻叫
處三戛月此時縞袂覽衣人姑射丰神兩無別春
風動地香雲浮我來得與清都遊示我新詩百回
讀澡雪肺腑除煩憂乃知藥翁之號殊有意人世
膏粱衆爭嗜豈知世外有藥王清苦真堪救肥膩
憑將此語問梅花花與主人意無二

花木蘭從軍圖

英雄在神不在骨生不逢時空滅沒彼姝而騎是
何人粉黛香中藏劍斂厥邊城日暮起秋笳陰風吹
血汚黃沙君不見虎頭猿臂不得力木蘭凱旋顏

如花

西湖莊桃花歌

春光淡淡城西隅春鳥格格催提壺朝來紅霧不肯散桃花千樹爭敷愉此花莫道同凡豔風神合與神仙俱市闌馬廐不堪近對此令人轉嗟吁當年樓館黃金鋪嬌歌妙舞景未徂美人二八朱顏酡佳麗豈止如花乎春光自古難長保石麟往往埋青草元都觀裏菜花開紫燕黃鸝幾回老此花種得隨荆榛年年三月嬌上春鈿車寶馬雖罕至野人守護猶殷勤我來時節逢脩禊滿眼花光正酣恣一枝兩枝俱可憐千點萬點忍輕棄晚來新月淡如銀恨不攜尊來席地五更風雨未須狂許我尋詩再三至

美人撲蜨詞

綠牕乍啓春風香美人如花矜曉妝一雙夢蜨初驚醒隨風粉翅何揚揚雲裾下堦閃金翠忽舉羅巾撲教墜是憐是妒那得知碧玉欄邊有所思

魚蠻子行

讀坡公魚蠻子詩頗盡漁家情事暇日廣其意作魚蠻子行

魚蠻子生長綠葭青葦裏朝逐荒陂數點鷗夕攬橫塘一篙水人言漁家樂漁家苦詎知去年水大魚難得提筐入市多鯢鮪豪家悍隸索魚課蘆花被典寒裂肌啞兒女慣饑凍嬉戲踴躍同鳬鷖我昔放舟過太湖太湖魚子舟我栽蒲帆十幅擘高浪舵樓女兒笑齒瑤數錢皓腕烏銀釧蘸水青裙蜨蜨羅等是為漁分苦樂取多利盈取少縮水花之利本天生處地不同貧富各我謂魚蠻子貧富莫相比取少意常歉取多情漸侈蓬頭赤脚休鮮醜漁家面目本如此縱教網盡太湖魚未饜一舟服用美如今網利亦多途大者官人小者漁暗網張來看不見黃金滿麗心胆麗滿麗黃金不常滿一朝填壑無餘儲魚蠻子勿嗟吁君看水上鷗鵝鳥何異人間桑大夫

紫藤

城南老藤百年物蟠枝十丈蛇蛟結青天寥寥墮紫霞驚散遊蜂與飛蝶去年池臺聞易主狂奴造次加斤斧湖石推排蘚根斷淚痕血點隨榛莽忽憶當年翠輦旁盈柯楚楚三尺強本是野人几案物乃忽攜之貢玉皇自天一笑歸天上姚黃魏紫

空惆悵

起蛟行有引

五月廿九夜猛風從西北起大雨隨之驚雷掣
電至曉方息廬舍舟航損壞無算野人云有羣
蛟自東西二余間出橫飛入海窟宅可尋亦異
事也作起蛟行

梅風一月地蒸溽黃昏風定汗如沐有聲蓬蓬起
北方坐聽直疑掀地軸須臾雷電爭砰礧猛雨隨
之如撒蒜共工赫怒飛廉趨火鞭金斧并相逐百
千戰鼓勢莫當屋瓦震動隨飛揚祈神籲佛苦無

松桂讀書堂集卷四

七古

八

路婦孺迫窘入被藏五更漸見收披猖金鴉舒翅
升東方驚魂少定出門看門前水漲五尺強牆頽
屋塌那忍道直如兵燹遭摧戕欲求端倪不可得
俄有村氓述其詳東西二余石怒裂有蛟爭起揚
目眦獐獍躡空鬪牙爪東行入海隨渺茫又聞海
壖遭簸蕩金堤暴決衝濤狂小舟翻覆不旦數大
舟磔裂相擊撞天公無言鬼神避百歲老人驚未
嘗我聞神龍司行雨萬姓稊稻資沛滂何物老蛟
逞狂悖致此一方罹汝歿青天蕩蕩不可訴不知
此罪誰當償泚筆紀異成短章古來萬事難意中

唐玉真公主內思帖歌

楷書晉法世不傳鍾王墨妙隨飛烟有唐君臣搜
遺跡臨摹體態窮精研歐虞褚薛逞能事真蹟到
今亦久湮我鄉思翁具精鑒周覽博訪勒瑤編戲
鴻帖出餘盡廢書家寶愛同珠蠟是冊平時秘枕
中玉真手蹟儼飛仙琅函寶笈歷千載守護豈不
由人天摹之入榻等拱璧光恠往往輝星躔滄桑
百年那可問徐君得之如珠還贈我一本驚未有
諦視不覺喜欲顛遠想當日落筆時珊瑚筆架金
花牋月娥冉冉欲下視星妃捧硯侍立駢宮花萬
樹爭欲笑春風百倍增嬋娟世間棗木刊惡札全
秦碑洞何紛然此帖若得置國門西施嫫母誰為
妍方知唐臨晉字真得髓後人鐵硯空磨穿

觀打魚

橫塘之水四尺強中有鱸尾三寸魴老漁入水運
網急灼爍銀刀隨手拾濁水汗泥無處逃簑篲殘
命猶濡沫君不見江湖浩蕩多大魚揚鬚鼓浪意
氣殊畧師側目不敢近時取小魚充腹虛大者崛
強小者死枯魚之泣徒為爾

鄧尉山觀梅用東坡松風亭韻

山農耕種雲蘿邨不知中有詩人魂靈山奇秀恣
盤礴幻成鐵幹橫朝昏吳兒亦解強好事移根接
本供亭園譬如謝家林下女肯與俗士相寒溫寧
知神仙有窟宅玉雪萬頃迎朝暾真香領取非鼻
觀苑伽合在瞿曇門逋翁坡老骨已朽此間豈易
着語言登山直接銀世界吸取太湖同壘尊

唐氏宅觀牡丹

槐陰窸窣柳綿舞我看花不問主主人不拒容
無言徑坐花間日正午萬鬚千萼自低昂老屋數
間成錦塢怒苞盡決艷陽天一片欲飛笑齒齟齬東
軒老藤百年物蛟蟠斗拱飄縷組紫幔高張塵不
到似為美人設瓊宇自昔名花海上多十室有花
居四五即今異種悲零落幾叢深色千金估頗聞
近有易主花主人別花辭以宴此花泣謝主人去
羣花傷心不復吐主人言近有以數十金買此花人白
牡丹去餘本皆銷落不發一花花乎花乎
爾有神不須綺席與錦茵但願年年常此一相見
春雨春晴豈足論

海船行

南風茫茫碧雲高千檣萬舸如牛毛上洋孤城小
於斗椎牛擊鼓何喧囂天妃之宮颯靈爽穹龜長

魚朝旌旄紛紛長鬣與鵝舌船中皆閩粵人蜂屯蟻聚隨其
曹小人驚利不足恠漂轉萬里爭錐刀權闕使者
奉寬政大農稅額捐秋毫雲集百貨走四遠往來
日或盈千艘近市唯貪擊鮮宴烹銀斫玉恣貪饕
南華大言不足駭任公釣手亦已勞君不見時清
東海可容舠赤手猶堪掣巨鰲

放魚曲

江城過雨頽雲綠沿溪水閣如新沐晚潮初漲千
鱗來舉網家家爭注目中有鯉魚三尺強桃花鱗
鬣森開張紅樓親女臨傍徨呼婢買魚生感傷不
惜此魚遊鼎俎祇憐神物身無主腮邊手繫雙金
鏤放教今夜撒波還夢中來謝波如山

飛鴻堂前梅花一株家藥巖先生手植七十
餘年枝幹盤繞畫師不能措手春初花放
騷人酒伴攜尊吟嘯其下主人鶴化武林
鯨客得之梅之姿態依然而花不復作感
而賦此

飛鴻梅花誰所栽瓊瑤萬朶當春開清風不折龍
矯矯明月故照雪皚皚藥巖先生吾宗秀種梅不
與梅同壽八十年来一旦拋清風明月還如舊武

林巖客饒黃金買屋不能回花心春前獨立悄無語高士美人何處去遊屐花時一再過閒庭冷落貯蒼柯青苔滿徑香寂寂相思終日奈愁何吁嗟乎百年身世渾超忽往事回頭逐電滅彩毫玉笋會應稀含情獨向梅花說

題從祖嬾迂先生吟艷編後

嬾迂先生未全嬾栽花覓句花生管一花一詩艷且香春濃秋淡費平章與花久矣成雅素何事封姨却相妒無端狂颺埽邛園高柯嫩葉相掀翻先生惜花不惜詩彩毫在手撚吟髭花神相感死復活萌芽滋長不可遏詩能救花莫救貧自古作者傷沉淪嗚呼簞瓢陋巷自有樂幽韻清芬殊不惡功名富貴總等閒詩卷長留天地間

春日登弄珠樓

我登弄珠樓烟林正迷茫平蕪千里騁遠目白鳥春雲浮日光天風吹繡栢百鳥相隨翔落日鐘磬聲人意忽蒼涼回看鸚鵡洲宛在水一方東南香阜有三四香雲靄靄天中央茲樓氣象實聳秀平臨萬景無匿藏紫鱗出水破空碧白鳥衝烟點雪霜晴波漾漾周數里蕭瑟空濛應莫比一曲榜歌

自遠來鴛鴦兩岸皆驚起昔賢經始此高樓金碧塵昏幾度秋又見離費絢淥水邦人風雅照芳洲裴回忽憶前塵事重歎人生如隙駒昔為秦贅在東湖春秋佳日等閒至而今轉瞬見二毛潘岳春來興不豪一枝聊寄茸城曲風雨空窗首獨搔暫游此地會當歸百感中來淚滿衣還向欄邊久佇立生憎雙燕故飛飛

苦雨

皇天一雨連五月水雲沉沉日車沒中庭羣蛙聲嘈嘈鄰樹飢鳥愁兀兀腐儒環堵真蕭然乞米難仗顏公箋調和陰陽大臣責鯨生底事常憂煎去年蟲荒盜無粟今年種圃食無菑老農告訴不忍聞悍吏追呼方陸續愁來短歌不能長殘書支枕午夢涼慶雲景星照戶牖天下髣髴如虞唐

陽

自韓庄夜行順風揚帆月白如晝天明抵南清風徹夜打船尾蓬背看天天似水茅店雞聲人尚眠娟娟月色淡蘆葦

和友人渡泖遇風之作

片帆截泖食頃耳綠玉一泓常軟美客坐船頭歌

扣舷每惜烟林遮渺瀰豈知空明不可狎忽黨封
姨蹴浪起白鷗花鴨四散飛飢蛟老鼉出深底一
葉米家書畫船騰掀傾撓如揚舠柔艣無蒂不可
操縱有貴育豈足倚操舟況是秦舞陽初慙後怯
瞠眼眠天妃解頤龍女笑旋風送入藁葦裡相看
神色猶懍懍恍舟人諍能轉不已君倚蓬牕一長嘯
呼謂舟人勿浪喜福非爾功禍非罪年來頗識風
波伎

松桂讀書堂集卷四

松桂讀書堂集卷四

七古

十四

松桂讀書堂集卷五

華亭 姚培謙 平山

五言律

五日

一片梅霖裡居然現楚騷靈旗紛暮靄畫鼓咽風
濤酌地花前酒鳴鑿鞘內刀衡皋千古意雅曲向
誰操

城西寺小飲逢驟雨

五月炎威逼相攜蕭寺遊風雲鬱奇意梧竹忽驚
秋直訝河魚落還憐幕幕鵲愁壺尊間爪李長日且

淹留

五律

松桂讀書堂集卷五

五律

一

薄暮雙虹現清尊百醖空蟬嘶移苑柳螢火近疏
櫳吟動鯨鐘後月生鴟角東歸舟乘夕漲我醉欲
凌風

新秋登郊外樓

獨上高樓望新秋景色并潮添千頃白山獻一窗
青世事蟬猶噪年光葉乍零欄前無限意橫笛那
堪聽

梧桐

高堂猶剩暑金井已新秋密蔭分今雨微黃入舊

愁鸞皇虛想像帝子漫夷猶一葉誰催去蒼茫不可留

十紅詩次韻 存四

紅橋

青谿知幾曲路轉有紅橋已想花關近還隨柳岸遙雨收虹未斷影倒畫難描傍舍青帘出壚頭若個招

紅船

南國春江上紅船日夜過輕划花逐槳遲度錦生波水驛華燈亂吳娘脆語多宮袍無李白捉月興

如何

紅稻

紅稻江鄉熟新礬實可誇撒來砂滿地蒸處氣成霞漫許鸚分啄曾聞鳳在笈不知陳腐者何似滿篝車

紅葉

誰染青林葉教成片片紅貪看溝水影錯認落花風野寺晴旂閃漁舟爨火通斜陽堪動魄不獨是江楓

秋日雜興十首 存四

小墅秋偏好蕭然遠思來風高梧子熟露冷荳花開有石疑仙近無槎拂斗迴孤雲自駘蕩相顧一裴回

地瘠松篁瘦池荒蒲稗長窗疎蟲送響雲過水添涼短晷時吟屈忘機欲問莊百年懷二子通蔽未相妨

好懶真成癖為園力未孱碧添秋後草青逗雨餘山多子園榴拆呼羣野雉斑短衣從掩膝何恨老榛管

僧磬疎烟外漁榔落照邊龍移幽洞雨鷺晚壞陂

蓮每鄙馮諼缺聊存子敬瓊秋濤餘逸興容我泛湖船

范少伯祠

謀深亡敵國功大得全身直以英雄略兼通明哲神敝裘嗟宋寔古寺獨逡巡湖海滔滔濶扁舟倘可親

除圃四首 存一

除圃秋將盡蕭然野思賒葉乾壺戀帶藤斷豈餘花約束非無主澄清喜各家軒窗聊寓目歷歷見歸鴉

松

峻嶺千重秀孤標百尺松奇姿驚俗眼勁節表清
冬邛壑養本性雪霜無情容惟應蓬島鶴來此駐
仙踪

海濱雜咏十二首 存四

地僻人過少春來草自生烟霞連海色薺麥近清
明村女荷鋤出午鳩得樹鳴萍踪那可定覓句一
含情

十日五風雨春光太半過梅花猶賸雪鴨語競翻
波甌市通橋近銀鱗亂眼多客居吾自慣剝啄幸
無他

沙地惟磽瘠荒坡騁望賒春犁誰弄遂夜紡或聞
車一頃南山豆三秋吉貝花催租期尚遠雞犬緩
歸家

大海東南逼金堤障護勞紅酣曉日近碧漲晚雲
高戍鼓含烟靜村雞隔竹號可憐茅屋外春色見
緋桃

淨土橋看白桃花

爛漫春城裏天桃覆錦茵那知紅粉隊却現縞衣
身團扇難描影香車莫起塵只應明月上獨照浣

紗人

遊蘭笋山次廖二東巖韻

雨洗春山淨朝來喜乍晴筍香新薺熟花片錦鱗
驚歌管聲聲細風帆葉葉輕宜歸路晚芳月戀
飛觥

惜花春起次韻

春來常鍵戶底事獨關心昨夜青山雨繁花已滿
林報晴勞百舌買簪擬千金最愛晨光裡紅苞取
次深

莫訝春陰久殷勤為養花愛深燒畫燭夢破忽紅
霞錦障青驄馬香風油壁車那知楊子宅環堵有
奇葩

喚起枝頭雀誰言懶是真曉晴初到汝未嫁可憐
人蜨翅寒猶斂蜂聲暖漸頻終朝忘盥櫛駐屐自
逡巡

漫說千枝艷應憐一片飛幾回拋蝶枕閒坐暖漁
磯拭眼看紅瘦驚心漸綠肥夜來吹笛處莫惜露
沾衣

月夜出虎邱

勝地近城闌千年跡未湮樓臺添壯麗邱壑掩清

真我意愛其靜夜遊欣及春更無羈礙到惟見月如銀

贈八十五翁

八十已過五浩乎元氣全自天頒粟帛行地即神仙海上安期棗牀頭靖節絃醉看塵夢裡蕉鹿正紛然

贈借山上人

生平倦投足幽意與僧宜避俗真難事能閒許論詩薜香浮紙帳竹影淡軍持落葉虛窗外朝朝醒夢思

憇浦上荒菴

野寺殘僧少精廬祇半存諸天森暗壁落葉擁秋根海日窺簷淡江煙入墅昏誰知過客意默坐一銷魂

申江夜泊

紅葉飛將盡扁舟獨泛時波平帆影落江濶雁行遲海月旋開鏡邨醪且滿卮魚龍寒不睡吟動想應知

廣昌魏孝廉星渠過訪畱飲

花嶼閒吟處經年憶故人足音千里到情話一燈

親盤翦園中韭杯傾甕底春聊乘風雨夕投轄效陳遵

高相國蘊園先生貽雙鶴

敢忘乘軒寵蕭閑性所欣林園雖鍛羽意氣尚凌雲相國移籠贈荒池靜影分清宵一聲喚應憶九臯羣

哭家藥巖先生

不道梅花落詩人亦遽亡相依八十載應是弟兄行自古仁多壽如君貧可傷水南遺跡在揮淚向穹蒼

偶憶

獨處忽有憶故人同逝波生平煖眼少片語醉心多巧者王承福為園郭橐駝斯人亦不見吾道竟如何

初夏田居雜咏

五畝罕塵事春歸夏亦佳軒窗能爽豁物色自清華綠漲浮魚隊南風埽棟花幽栖無不可何必禁鳴蛙

展罷南華卷蕭然岸角巾八窗開首夏一室淨浮塵汁綠枝頭雨猩紅葉店春誰能共心賞幽獨總

宜人

入幕紅襟燕喃喃意可思
銜花應有夢定壘竟何
遲舊巷傷心過重遊隔
歲期風塵聊養子且住
不須疑

夏潦頻年溢圩田版築勞
輕舟蓬脚便小墅剝竿

高鵲喜營巢鵲巢高則是歲無風魚防挾霧逃
今年占歲熟

社鼓集東臯

雲起諸峰失飄然夏雨來
溪喧傳語鴨俗以鴨喧為雨徵林

靜正肥梅米老畝新就坡
翁屐未迴恰思摩詰句
爭席已無猜

稚桂讀書堂集卷五

五律

八

幽賞誰能忘觀河意渺然
鴨頭新漲水魚尾夕陽

天名醞傳劉氏香茶到雨
前懷人今不見鷗鷺自

翩翩

田水碧泱泱新苗時插忙
引繩同匠氏考工記匠人為溝洫錯

繡詫吳娘小翠憐魚虎幽
花艷米囊天機如刻畫

點綴滿陂塘

邨小遙通岸溪深靜入潭
紫花朝雨潤唐人詩紫花田田明即荷花紫艸

碧樹午風含矮屋頗宜畫
輕橈定可探隱淪如不

遠柳市想城南

簷蔭綠初成惜惜午夢清
書籤從燕泥池藕讓蒲

生縱嬾詩篇少無營俗慮
輕閒看垂釣叟深羨不
求名

臃腫不材木從容出水魚
全神真可樂得性豈求
餘石破天驚語龍伸蠖屈
書晚來風雨過古意滿
空虛

閑關餘一月物色儘流連
綠筍俄成槩青荷已疊
錢蟻爭應有國蝶化豈非
仙俯仰思身世長吟一
悵然

晚晴天更爽萬里拭青銅
明滅歸飛鳥輕微欲斷
虹高樓思未極遠道望何
窮不奈蕭騷韻吹來一

稚桂讀書堂集卷五

五律

九

遂風

遠樹含螺黛虛窗引練光
無山樓亦快有水室皆
涼蒼狗時時變飛蟲箇箇
忙迂疎還自哂兀坐意
偏長

登燕子磯望大江

出險方知險危磯首重回
自厓人欲返逐浪鳥應
猜石氣催秋老漁歌喚月
來風波綠底事極目思

悠哉

秋荷

澹蕩誰能畫橫塘曲水頭
嫩紅猶婉孌老翠柰颺

颺桂影一輪月菱歌兩槳舟風情應占盡三十六陂秋

許上舍梅友水竹居看大紅芙蓉

占得雲林勝朋來豈待邀鳥窺欣舊識石出似相招風起鯉魚信花含姹女嬌一尊斜日裏帽影已堪飄

照檻明朱萼環窗列翠峰天公眞畫手秋壑幻春容閣小同航泛醅香似蜜濃晚汀思一漱吸動彩霞重

初冬晚眺

徐桂讀書堂集卷五

五律

十

平原宜遠眺潔序比春和明滅寒流外參差夕照多野花常似菊陣鴈豈隨鷺袖手閒憑閣煙邨奈晚何

殘臘有感四首 存一

愛日何時見同雲復滿天老梅原冷淡修竹本婬娟世網徒勞密虛舟且自便沙頭鴻爪在雲表已超然

丁未元日

爆竹鬧比鄰聲聲報好春不知顏鬢改但覺歲華新把筆看兒子披衣問老親天倫饒樂事懷刺嬾

酉州人

思梅次韻

不是東君懶春寒玉破遲點妝懷艷質索笈憶妍姿庾嶺無芳訊揚州動遠思參橫月落候佇立獨移時

倚松圖爲王搏九題

與松成老友獨倚興悠哉涼吹忽然起清芬何處來雪霜養勁節雷雨護良材想見婆婆客高吟徹九垓

楚中唐太史南軒攜梅花近詠過訪索序留

徐桂讀書堂集卷五

五律

士

宿草堂

三楚文章伯當年太史官神交從舊雨留宿正春寒濁酒開懷飲梅花翦燭看塵談聽疊疊更漏不知殘

仲春四日過洙水張三穉禮餘清書屋挑燈

話舊穉禮有詩見示率和元韻

信宿此堂上春風又一時光陰莫回首燈火且論詩蘭盞盈堦砌梅花落酒卮明朝掛帆去烟草動相思

春園口號

宗宋梅開謝青條子又肥春容餘幾日舊夢竟何
歸水暖雙魚出天清一雀飛悠然殊自得無處不
忘機

黯淡疎花裡荒齋近渚涯竹軒風落瓦水檻柳藏
雅目認歸梁燕心傷赴壑蛇憎憎蔓草路望斷綠
帚斜

白蘋花分供借山上人

亦是杜蘅族盈盈碧永隈蔓憐波底弱花夢午前
開靚影晶簾入幽香羽扇迴分裁方丈室終不近
塵埃

五律
三
松桂讀書堂集卷五
五律
三
五律
三

唧唧欲何為新秋得意時先鳴如獲伴細訴有微
聲翅股雖爭健蛙蛇莫使知幽軒堪破宋漫寫入
琴絲

八月十六日南園小憩

此地昔高會南園名僅存百年尋故址詞客幾銷
魂隔水菰連岸分籬犬護門紅亭遺礎在小憇拂
松根

藂桂何年物秋來自吐芳可憐逢令節無復動飛
觴背郭軍笳近低村野月黃浩歌何處發回首益

蒼茫

重九前一日陳大中丞招飲清德堂

畫角吹新月清尊列內齋秋容淡如此夜色靜尤
佳背燭頻看影當筵屬有懷階前雙白鶴可許結
同儕

三月二日同人集一粟窩分韻得衫字

翦燭西窗下一杯欣共銜風光餘絳雪寒意入春
衫顧曲幽情展摩挲北牕
昆字也歌吟詩俗韻芟踏青明日好
且莫挂歸帆

芭蕉

分得芭蕉種纖纖一尺強幾朝梅雨暗忽透碧欄
長漸欲宵分響居然午借涼萱蘇莫漫妒幽賞待
移床

避暑僧舍

到此真忘暑幽窗客過稀雨隨沙鷺集雲送海龍
歸欲証無生理開觀靜者機松篁有清韻歌嘯總
相依

海上雜詩二十首 存四

上洋鹹僻地負海亦雄關有客乘槎去曾聞拂斗
還雲帆迷絕島蜃市接諸蠻萬里荒秋色漁歌起

白鷗

賽鼓喧相接我萬斛舟人歸鰲背外夢逐日車
遊飼犬魚蝦賤探驪蛤蚌愁點金苦無術三老意
悠悠

城上鷄鵒集風災動地餘六鰲猶側足萬衆已爲
魚蒿里皆新鬼荒田絕荷鋤可憐舊巢燕春至但
空廬

鎖鑰雄南紀元戎百里屯弓刀分玉帳斥候俯潮
門廢壘寒雲合崩沙鐵鏃存葺城建牙處回首暮
煙昏

錫山忍草菴

一徑入深碧窅然精舍藏竹皆含窈窕松欲奏笙
簧暗竇通泉脉孤峰見夕陽上方鐘磬發歸路接
蒼茫

句容早發

遠望金陵發居人尚掩扉野花香撲鼻郊草露霑
衣城郭影一抹江山雲四圍行行復回首立馬待
朝暉

馮方伯內陞副憲以盆松見寄

翠鬣陰成蓋黃山土乍分離離看入畫矯矯欲凌

雲尚帶神仙氣眞空草木羣扁舟容載去朝夕挹
清芬

少宰北平黃年伯手札相慰賦謝

八載依晨夕三秋歎索居瞻雲懷昔款烹鯉得來
書湖海氣猶在風塵跡已疎瑤華能不吝讀罷重
歎歎

雅望傾朝楚龍門水正深傳天仍鳳羽向日有葵
心翰墨供多病星河照苦吟此生終落何處以答
知音

白秋海棠次月浦妹韻

牆角秋英好光生淡淡中漫憐腸欲斷却訝色還
空皎潔含清露披離怯晚風也燒銀燭照不是愛
粧紅

喜晴

入春常苦雨此日喜初晴何處一雙鶴飛來空外
聲軒窗日色淨池沼水容清默坐參周易都忘塵
世情

送王崑岫舍人入都

玉樹千尋外風雲一氣通由來標峻望終古荷元
功門第烏衣迥聲華眞北空羣賢滿畿甸翹首赤

霄中

世事浮雲幻弓蛇歟有無雪深還見現蠅點詎能
汗天地終然濶鸞鳳不受笈請看六月息一舉控
搏扶

同患嗟誰恤訛言各四傳含沙有衆口扶正賴高
天足下青雲起峰頭明月懸瀕行莫回首努力

聖明年

但席時相接深情汪水長歌驪九月節落木萬山
蒼捧日心常切彈冠意敢忘中天深雨露春滿鳳
池旁

寄平湖陸編修坡星

西粵三年客應懷柘水隈烟霞妙契遠珠玉錦囊
開大手推前輩雄文歷上才書成高一代振策賦
歸來

時從廣西
修省志同

往日追隨慣而今契濶深盈盈一湖水脉脉兩人
心相見期新歲相思託素琴名山傳盛業珍重碧
雲岑

所著紅說
俱已刺成

渡揚子江

挂席金陵去侵晨得好風日光搖不定水色望還
空天地朔南限江山今古同蘆洲飛白鷺幽興更

無窮

八月十五夜承恩寺僧寮作

最好今宵月秦淮獨坐看笙歌添客悶風露逼人
寒脉脉情誰語遙遙夜未闌枕凹無夢到起剔一
燈殘

過六安聞遇雨泊舟

已近淮陰驛疎疎細雨清扁舟安寐孤客少逢
迎書卷閒中味家鄉夢裡情何堪白楊柳著意作
秋聲

飛鴻堂梅花為張二銘賦

城南梅逕深歲歲事幽尋月寫虬龍影風開天地
心一枝呈古意二月發清吟不及張公子當窗橫
玉琴

昔我藥巖老栽花不計年彩毫常集客雲鶴竟隨
仙自去寒流咽今來玉蕊妍石橋西畔路高會又
尊前

松桂讀書堂集卷五

松桂讀書堂集卷六

華亭 姚培謙 平山

五言排律

慧山泉

靈液何從覓茲山獨擅名穿雲雙澗出貯月一瓢
盈演漾含幽趣淵涵見道情已沾塵外味仍聽靜
中聲夜半虛堂白林空宿鳥驚瑤琴風弄響玉磬
雨催鳴挹注寧憂竭瓶壺豈改清高人無陸羽湯
社共誰盟

蟹

蟹族何繁衍形模遞等差深潛多伏坎蘊采却同
離八足紛騷擾雙螯競把持腹寬應比筍冠大更
如箕郭索居難穩趨近欲近誰虛傳星有象或夢
介而馳漫恃戈兵利徒為鼎俎資流涎宜酒國執
醜仗呂師漸覺蘆梢白還看蓼節菱溪長水汭
岸轉竹筵筵細雨燈昏候清霜月黑時有關難暗
度越險莫窮追東下途方遠西來信有期橫行非
爾罪入甕竟何辭滿市風腥溢盈筐霧沫滋束身
方岌岌乞命總纍纍爾誠多種紛然各朵頤稻
梁謀自急江海使何遲關虎誇神勇加山恣險戲

松桂讀書堂集卷六

五排

一

松桂讀書堂集卷六

五排

二

虛聲吾未見量力爾應思海島魁何在吳田種不
遺英彭徒世閱蛤蚌等頑癡蛻去尸同解朋來毒
可疑心空雷轉畏盆貯雨寧知百足扶相似千人
捏不疲長卿名太枉僕射鄙堪譏漆飲無虛驗琴
聲訝苦悲即周誠莫辨扁鵲家多脂泣釜那能赦
調羹此最宜正逢懷舊好相約倒深卮醯醬馨香
烈薑橙氣味移爬搜窮骨髓抉剔到銖錙別有瓶
罌貯偏增餽釘奇紅糟濡汁滓綠蟻泛淋漓酢假
微生醋甘調何屑飴挑燈聯夜話把菊對疎籬骨
醉原無憾神全詎可訾紫鱸應避舍黃雀定慚羸
但得攜螯明何心戀蛤蜊晉公徒作畫坡老合多
詩飽德誠深矣前言實戲之聊書瑣碎語好當內
黃碑

春望

春暖日初融風光一望中清池未染綠小樹已敷
紅易識榮枯理難知造化功吟詩殊疊疊觀妙竟
勿勿我正賞心極其誰送目同南牕有塵榻歸去
理絲桐

十二夜翫月

皓魄半規外金波萬象含光篩春樹庭氣冷碧窗

南殘席燭已滅清霜酒不酣何人思斫桂有客待
傳柑逸興凌霄漢微吟吐蘭蠶徘徊詎幽獨月我
影成三

述懷一百韻

家世吳興舊科名九葉聯丹霄曾綴籍白屋滯先
鞭仰首鵬程迥摧心鷄路偏荻蘆荒徑外霜雪古
城邊伏枕迴腸繞挑燈萬慮牽昔塵奔駭駟幽恨
寫長川曩在兒童日頻遭疾纏諸兄紛握手弱
冠始隨肩問宇同趨席臨文互接筵乘閒猶好戲
把卷輒思眠泮水春風起雲衢藻鑑懸顧予下里
曲謬應伯牙結逸氣凌千仞雄心隘八埏不知才
拙劣厭說命連邇旭日鳴離鴈當湖刺畫船綠油
春漲滑離玉霽雲鮮琴韻中閨叶蟾輝天上圓東
牀憑嘯傲甥館久流連外舅憐如子師資喜得賢
橫經勤往復捧手快周旋帙展香芸古屏圍孔雀
妍幽探忘寢饋高興寄蘭荃正爾歡情愜誰知厄
運遘家君溘厭世閨苑去遊仙冷月悽椿樹酸風
哭杜鰲從茲心惻惻况復禍綿綿杞桱居三徙漂
搖屋一椽鰥魚忽失水寡鶴怯冲天幻影流波逝
愁端飛絮緣空牀回噩夢錦瑟怨華年兩女嗟猶

小悲啼絕可憐如何銜恤日繼以悼亡篇同好惟
朋輩相於討論編無悰聊諷詠有客儘騰騫舊字依
老杜叶
憂玉元音聚鏘金萬籟宣懷新規錦綺賈勇躍刀
鋌盤敦居然設篇章到處傳名公都入社雋句妙
忘筌北垞小園名隨開雞園園獲靜便連峰爭快車一
水淡淪漣樹老形骸恹樓高塵濁縹飛絲粘草帶
宿蒂點苔錢美酒招華月清歌落翠鉤常留才子
駐不放俗人前甲乙藏書滿丹黃用力專時時勞
校勘一一付雕鐫瑤圃菁英列珠林寶恠駢持蠹
鄭海水用管測星躔大比方臨值清江漫沂沿摧
頽存短羽抖擻發空卷薄植蒙咨賞吹毛旋棄捐
長懷十年讀有負九方歎僥倖元非願疎狂卒未
悛鶯花仍伴侶載籍更漁畋一夜都房閑千秋護
草薦瓊軸誰趣駕靈藥不持權雨淚長流頽霜毛
欲上顛撫躬誠恫矣回首覺茫然哀樂何相襲榮
枯倏遞遷臨觴增悶默題壁問幽玄素幕燈生暈
虛窗兩結烟思親雲黯黯求士帛戈戔丁未戊申兩遭
薦舉因在制力
辭循分宜韜迹傷心忍慕羶家憐新食飲還貯舊
柸樽自顧翔蒿鷄寧同橫海鱣為園依苦竹持綆
汲悲泉事外憂何與泥中禍竟延戰兢同集木恐

懼似臨淵梁獄書難達崑岡玉自堅三年才解釋
一載苦拘攣浮世嗟如此虛名何有焉新情投白
墮故物斥青瑣識字翻添患敦交屢獲愆蛾眉真
短短燕啄故翩翩宗匠諸鴻碩雲龍在厦旃屯塗
跡偃蹇寶筏意勤拳枯朽邀丹飾駑駘與錦韉將
何圖樹立惟是愧陶甄有妹詩能好長愁病那痊
綠窗今閒寂白雪尚嫵媚老去憐兄瘦貧中恠子
孱笈為兒女累憂逐歲時煎逝欲遠崧嶺何當友
偕仝纓縻稍脫却毛羽得踰躑近多婚嫁之事二頃田無穫
三間屋欲穿畏人惟却掃獨立或驚弦離照開明

徐桂讀書堂集卷六

五排

五

兩周文燭大千春臺殊盎盎王道劇平平駮耳羣
逢樂黃金高積燕螢光不比燭夔足少於蛇隅泣
徒哀咽泥蟠鎮跼蹐長途濡沫鮒短景喚枝蟬月
自當頭白花從一笑嗎功名厄閨木運數逆流滇
靜處時歌驪閑來數跨健裴回風外澤躑躅露中
阡漢上長腰米襄陽縮項鰻刈隨秋爽後釣向晚
霞先侘傺迎神卜昂藏得草蹕枯桐沉爨下苦調
託吟箋

退筆和金文心齋

筆有投閒者如嗟閱世長驅馳因臂指勲績在縑

細弱籀由來直纖毫必選芒奮身雖脫穎旅進亦
隨行束縛何須早揣摩只自傷雕蟲誠我分飽蠹
為誰忙漫逐龍鸞隊終辭翡翠牀銳非青石箭卧
並綠沉槍班領何年別江花未老荒摧鋒誠屢挫
比梨尚爭強蛇蚓塗猶健驂騑點不妨杜詩戲拍充筆點驂騑蘭
亭如一顧何異渭濱璜世傳蘭亭是石軍用退筆書

徐桂讀書堂集卷六

五排

六

松桂讀書堂集卷七

華亭 姚培謙 平山

七言律

登鄧尉山望太湖

看遍梅花入翠屏，上方心眼劃空靈。
旗林近接千邨白，銀界遙涵數點青。
香瓣欲隨沙鳥去，梵聲應有壑龍聽。
風塵何似漁樵樂，領略風光兩洞庭。

舟次錫山寄毘陵秦文龍光

傲兀詞壇四十年，名山誰許得真傳。
退之自不榮科舉，學者人知法古先。
月窟天心元獨契，金鐘玉律儼高懸。
慚余蠱測難窮海，每一趨風輒惘然。

松桂讀書堂集卷七

七律

一

憶昔衝泥接塵談，玄珠不惜與同參。
蓬心那敢希酬唱，宿學方能道苦甘。
自別寒江徒渺渺，相思春柳又鬢鬢。
惠山山畔帆空落，悵望雲亭未一探。

倪高士祠

墨妙千秋未足奇，冥鴻天外是襟期。
當年佳客窺清閥，此日遊人拂薜碑。
朝暮溪山對猿榻，春秋俎豆列階墀。
紅塵擾擾知何限，立懦廉頑洵可師。

錫山客舍奉寄總戎趙額駙

戟門春日正遲遲，海宇風清此一時。
自愧薄遊仍

拜貺更叨雅譙，許論詩麒麟圖畫誰先者。
裘帶風流信有之，遙想繡旗披拂處。
三眠細柳已成絲。

九龍山憶九峰青，幕府春來幾吐茵。
莫地望舊傳詩禮，將天文原接羽林星。
疑香燕寢應飛藻，簪筆書生未勒銘。
最喜魚鱗三十六，心隨江水過郵亭。

錦邊蓮

芳塘靚影自生妍，幻出明珠絕可憐。
璧月乍圓真粲者，紅霞微襯轉嫣然。
醉來妙眼初成纈，舞罷輕裙未逐仙。
欲向朝雲寄心悵，烏絲不用界長箋。

碧蓮疊前韻

松桂讀書堂集卷七

七律

二

獨許涼波發妙妍，定無塵眼解相憐。
色香味外應參取，三十六陂真渺然。
水觀多生曾學佛，鴟夷一舸遂飛仙。
白描好手如能繪，剪取吳江作素箋。

登海上丹鳳樓

城上危樓歎浦隈，海天寥落晚雲開。
驚潮似挾黃龍下，空翠宜招紫鳳來。
千里帆檣仙島近，九秋風雨客槎回。
憑軒欲作登高賦，呼吸遙應接上台。

酬友

蒲帆一片到葦城，三載賓鴻寄旅情。
是處新詩堪浪跡，幾番舊雨話歸程。
狂呼五老陪芒屨，醉吸西

江到酒觥友人客江右儘爾天遊期汗漫故山松菊肯忘盟

芙蓉葉上欲霜時憶共西窗倒百卮勝侶滿堂皆
莫逆美人千里動相思河梁別後紫新夢風雨聲
中讀好詩遙想登蘋勞騁望秋來莫也更添絲
詠雪八首次韻

欲集

昨夜驚飈已息狂朝來穹宇更蒼茫日輪斗覺黃
綿薄雲片旋同素幙張靜攝人心還太古寒凝天
意在沙場幽人別有閒心在驢背尋詩興不忘

始凝

一望空濛淡墨天漸聞琴瑟瑣窗邊金刀澀處花
難剪玉屑拋來片不圓挾伴歸山多倦鳥行空作
戲選羣仙橫枝密篠休相妬小綴微黏益灑然

密下

半作花飛半作埃彌天無主信難猜漫思素女乘
鸞下豈有莊生化蝶來撥火烹茶童子健換紫得
米老樵回不須憂倩王維畫玉樹瓊枝取次栽

積素

怪來世界斷紅塵觸目森羅萬象新幾幅溪山留

粉本千家屋瓦失魚鱗亦知色相無非幻始信肝
腸別有真呵凍此時勤索句問誰曲調似陽春

不夜

砌玉搖光滿一軒何須待月過黃昏繞枝驚鵲真
堪數守舍仙尤不吠門定有神來名主夜惜無客
至可留髮寒輝那憶珠盈寸獨擁熏爐獸炭溫

曉霽

稍拋二韻
依原韻

宿雲捲盡碧天高萬里澄空湧素濤乍訝明霞浮
海市旋看愛日麗江皋乾衣騎馬過橋上詩酒書
帘出樹梢畫入藍田原髮髯餘冬此景莫相拋

初融

銀泥障子爍寒廳早漏春光入畫屏蓬背乍同龜
背折山頭先露佛頭青東風欲到誰家苑生意仍
存幾葉鶯窠是文窗如對語翠禽啁哳已堪聽

消殘

連朝樓榭鶯晴暉碧瓦參差半欲晞豈是窺牆猶
剩粉誤疑纖素有殘機先春快見萱苗茁吐氣欣
看菜甲肥畫鼓聲中留不住讓他綺陌關芳菲

詠飲中八仙分得知章騎馬似乘船

金貂換酒別歸遲扶上花驄總未知共指欵鞍驚

賀老猶諄解水勝吳兒帝鄉自古風波地醉客寧
防失墜時不待鑑湖叨寵賜陸沉情味已如斯

和歲暮戲題二首

送竈

帝座由來呼吸通家家戶祝送君同是非漫道無
憑準檢校應能出至公爆竹繁看花似錦粉團粘
愛雪將融吳俗於臘月廿四日送竈元霄接竈俱用粉團暫違下界無多日燈市
安排十里紅

送門神

不辭風雨歷朝昏經歲何曾受主恩身屬素韃非
得已官依閥閱敢言尊向人面目因時改掃地衣
冠那復存新故代遷君莫怨百年誰是舊朱門

雙燕話春愁

開殘紅杏月當三誰喚情人午夢酣豈是窺臣憐
寂寂愛他對語自喃喃舊遊可憶空梁句秘事誰
聞擁髻談我已久忘綺語舌憑君好賦望江南

客述曩年

聖駕南巡之盛因賦

鶯囀千門瑞雪消六龍移仗下丹霄海邦自接蓬
萊氣吳苑平臨岳瀆朝萬井春濃遲羽騎百花風

暖聽簫韶普天同上華封祝何幸衢尊近斗杓
千里春流奉禹符頻年膏雨拜蠲租龜龍並獻河
成瑞耕織還依王會圖地接三吳皆壽域天留一
笑即清都更憐枚馬文章客亦擬非熊後乘俱

放言效元白體

憑君酒胆與詩魔問底胸中塊壘多一愛成形皆
若此未能免俗待如何白雲倏忽隨蒼狗滄海溟
濛淺碧波鳳解高飛龍解蟄幾曾相笑撲燈蛾
知己那須是處求從來咫尺是鴻溝琴偏能語通
幽意刀不時鳴憶大響化作雲龍誠可願呼為牛

馬總無愁誰能快盡平生志始作逍遙物外遊
憂喜終朝尚不同悲哉何必賦秋風蕭蕭頭陳迹三
千歲筆底危言無是公漫向醉鄉尋日月誰教廣
武論英雄飛鴻過盡閒中眼搔首高齋看碧穹

咏悶

推排不去總無端始信浮生實渺歡望正窮時天
漠漠夢難成處夜漫漫玉龍無主空思吼驤裏逢
人強索看却笑杜陵無賴甚涎流麴米說雲安

玉蘭

高枝初褪夜來霜淡淡東風為洗粧素靨漸圓非

傳粉仙裙不動自留香一池欲薦羅紋簟十里遙
窺亞字牆若到黃昏更奇絕底須宮樂度霓裳

玉蘭宇牡丹

玉蘭宇裏坐芳陰碧艸如烟繞徑深柳外春禽將
變夏花前舊雨又逢今追思昔夢翻驚眼不待香
醪已醉心欲寄朝雲無彩筆燈殘月暗自沉吟

五月田庄即事

平田漠漠燕飛飛負郭人家烟徑微翠竹陰中勤
補屋亂蛙聲外未停機秧田車響驚魚出柳渚兒
喧放鴨歸縱眼江天塵事絕披裘真與世相違

乾友

老去相如轉愛遊一生眉際未知愁詩因健捷人
推虎醉不推辭自號侯總把友朋為性命但逢花
月更勾留忘年媿我非楊柳百遍相過剪夜簫
憶送河梁倍黯然西江作客幾多年八行細寫懷
人什千里兼稍哭友篇自此隨鴻歸故國還因訪
戴泛湖船白蓮社裡蓮花偈却了詩人宿世緣

新秋書感

檢點流光疾似駟悲哉一語已開緘閑裁潘令情
深句又著江州淚滿衫漸老井梧聲窸窣將歸梁

燕話呢喃此間百物如知序觸動愁心未易安
萬事由來一楚弓誰教咄咄漫書空醉無千日寧
須飲詩和窮人豈是工風落虛幃吟短劍雨收屋
角露長虹少豪意氣真何補唧唧秋蛩感慨同

次友人杪秋書懷韻

槭槭疎桐落曉霜嘹嘹語鴈度高涼漸看潦水隨
秋盡轉覺閒雲引興長物論是非從白馬世儒心
計學弘羊莫嘆五畝疎蕪甚蘭蕙由來未損芳

紫牡丹

紅素霏霏謝苑臺獨憐妖紫殿春開花關共近真

人至帳殿爭扶后輦來幼度香囊應自解杜郎狂
句敢言才只愁化去隨金鳳不見飛英下綠苔

初夏感懷

春去無端夏亦妍籜冠蒲褥儘留連老鶯意嬾晴
還語高樹陰濃午更圓聊把戲場看舊史不須酒
國學逃禪人間底事長縈絆化蛟青蟲並栩栩然
蕭齋隔俗有籬藩啁雀鳴蛙不厭喧一雨浮萍仍
自綠十年移柳幾能存此生若個鷗遊海即事何
如蟲處禪試凭藤輪成小睡却追殘夢已無痕
碧水迴塘皺似鱗無多屐齒草成茵寂憐修竹如

君子却愛雙虹號美人是處滄浪堪濯足未能虛
白學安神遙思菰雪蘆烟裡或有無懷自在民

澱湖

半帆秋影逐征鴻一葉真疑到碧空澤國邨莊圖
畫裏水田鷗鷺有無中天風遠送潮頭白夕照翻
開浪影紅我愛五湖搖蕩客吳儂吟漱老蛟宮

三十生朝存二

吳山越水舊經過無那騰騰歲月何楊柳春堤行
樂遍芙蓉秋浦漾愁多酒因小戶飛觴怯詩未成
家側帽我却悔少豪情未減半從花月得蹉跎

松桂讀書堂集卷十

七律

九

敢向詞壇問鼓旗最憐風雨寄相思十年燈檠蕉
牕夢千里梅花驛路詩幽意每從懷舊結素心惟
恃淡交知雲霄各有飛騰志應笑卑棲分一枝

錫山杜太史雲川過訪贈詩依韵奉答

素心那肯混浮塵風雨相期意最真何日忘之能
顧我深慚壯也不如人寒催冰雪回舟嬾晴獻溪
山發興新濁酒尚能為主未須遠憶玉堂春
敢向青雲步後塵聊從吐屬見清真天教水色山
光秀總付班香宋艷人不獨懸書千遍讀曾參疑
義幾番新留賓却喜連宵雨斗室居然日日春

歲暮雜感

竹梧庭院聳條柯鍛羽西風耐折磨尚有琴書堪
靜對敢忘詩酒品高歌重陰累月遐觀盡密霰疎
窗入聽多一點獸爐微火在未隨灰燼伴蹉跎
人間拋擲任梟盧身世蒼茫底事無已分半生成
勢落定知捷足競須臾孟蛇莫辨懸弓影市虎曾
驚衆口殊羨綬蒼松塵外色飽經霜雪未曾渝
朔風寒凝一池冰轉覺虛齋氣象澄節比竹堅寧
怕扣韻如梅淡始堪朋短檠不厭中宵坐初日俄
看三丈昇白石滄浪空自慰低眉入俗總非能

松桂讀書堂集卷十

七律

十

恩恩餞歲憶行年不改觀河性炯然半榻舊聞疎
斷簡五陵衣馬讓先鞭箕裘每恐家聲墜堂構虛
叨世德傳壯歲浮游雖浪擲綵衣猶喜壽萱前

重宿方廣精舍

此地重來已隔年竹床茶竈憶留連浮生聚散原
無定淨土棲遲洵有緣小徑看梅全作雪中宵聞
梵不成眠何時了却風塵債來向蒲團問四禪

申江渡口

二月申江雪浪高海門東望轉滔滔行人自說風
波險潮信寧知旦暮勞白骨已銷春草合年光如

夢午雞號渡頭沙尾爭喧處自笑浮生逐爾曹

顧大綏成招飲花前余以他往不赴有詩和

答

春江淼淼更連陰搔首花前烟霧深轉眼可堪朱
又碧達人空說古猶今彩毫詭客留髡夜綺語銷
魂賦宓心博得新詩數篇在終朝歎枕自微吟
每向花前惜寸陰况逢勝侶倍情深感生潘髯雖
非昔比盡紅兒豈似今綠酒難邀春去路彩雲偏
繫夢回心新詩莫向欄邊奏銷損芳魂在一吟

過青浦東王給諫西亭先生

卷八

七律

七

向晚滄江宅外過春帆細雨奈愁何直聲西掖封
章在歸計南山種豆多當日問奇曾往復茲晨載
酒竟蹉跎欲知不斷相思意碧艸如烟水綠波

梅雨不止

經旬不出對荒村每日陰晴閱幾番忽笑忽顰山
黛色半明半暗水奩痕霞光送鳥前林炯雲黨隨
龍別墅昏頗覺新來添定力蒼茫百變懶評論

新葺一粟窩成

我生何處不天遊漫擇容身某水邱軒有閒軒堪
掃地真如貧女好梳頭糊窗刷鐸添蕭爽語鳥吟

蟲亦唱酬會得此間空濶意底須百尺羨高樓

今年風雨太猖狂茆屋傾頽竹墅荒燕雀那知巢

外事雷霆不到醉中鄉關身儘品三間屋生計難

求八百桑舍後新來添氣色西風十里稻畦黃

過牆鄰樹影層層繞砌幽花艷不勝有恨豈曾平

大地無心隨遇是良朋屠龍刻鵠兩成誤問舍求

田一不能恠得琴書倚虛壁每逢吟動輒相應

閒來擊壤自高歌千載誰尋安樂窩木石敢云身

是主雲山不碍屋無多細推物理忘言易忙任名

場走馬科斗室新成名一粟中世界定如何

卷八

七律

七

一亭三兄奉使沙州音信隔絕者半載頃得

家書并紀恩雜詩伯父喜而有作敬次

元韻

極目關山意惘然使臣旌節塞垣邊一行雁字常

回首萬里魚書到隔年安慰親心惟努力頌揚

君德有新篇論文尊酒應追憶不是花前便月前

送客遊駕湖

帶水常違一席風相逢行李又匆匆春雲鶻鶻新

詩裡舊雨蕭蕭夜話中百里烟花堪釣艇半生容

髯託經筒遙知別後南湖畔撩撥吟魂是落紅

寄朱丈初晴時司鐸高郵

磊落襟期傲昔賢性情陶冶託詩篇暮雲春樹思
千里雪案螢窗共幾年妙筆有神能越俗靈臺無
深為逃禪一官未展平生學且自悠悠翫社邊

過吳舍人南林梅溪草廬遺址

忽過吳家舊艸堂剎那興廢感滄桑高低半墮臨
溪石曲折還餘繞屋牆黃卷當窗頻映雪余嘗讀
書於此素
心到座即飛觴舍人情重真堪憶更為梅花一斷
腸

雙頭牡丹

司花作意殿千紅國艷雙頭正倚風鏡展沉香深
殿北春移銅雀大江東綠窗向背看難足寶髻商
量訝許同遙想飛雲夜來夢彩鸞共跨月明中

寄顧子兼山時客粵中

河干話別已三秋讀畫常思顧虎頭半幅雲山深
寄託兼山
善畫一叢烟月小勾留眉當淡處須添黛劍已
亡時莫刻舟反復中宵增悵悵欲尋好夢到羅浮
句曲道中

路近金陵虎踞州晴霞髣髴見丹樓華陽何處尋
真訣驢背依然憶舊遊古堞斜暉排過雁野田荒

草蔓牽牛誰將楚客觀濤思一向江南寫艷秋

東吳白沙索眼鏡

眼底昏昏雲霧如不知何計却能除晴窗怯寫蠅
頭字隸几空翻蠹口書半紙春風傳去鴿一泓秋
水盼來魚清光倘荷遙相寄銀海還澄映雪餘

香烟有序

余性愛焚香一爐獨對萬慮都捐適覽文長集
香烟諸作因成長句數首存一

幽齋無事坐高春靜對爐烟自裊空盡解膏煎因
伏火誰知幻態却依風情塵歷劫俄成嶽蜃氣無

端亦作官不是南華齊物眼憑誰舉此悟玄通

觀鍾嶸伯畫

鍾期筆墨無人繼素壁高懸一慨然正恨出塵無
羽翼忽疑飛步入雲烟恠松骨裂知何代怒瀑雷
轟直自天桑苧翁今呼不起謂陸君
日為當年盤礴意誰
傳

獄中雜詩十二首有序

余材同社樹學類醢雞撫十笏而多慚守一經
以自好丹鉛不輟門戶常扃何期毀譽之忽來
幾致身名之俱敗徬徨棘木踞踏圓扉投匭有

心叫閨無路雖盛孝章難免譏評江文通猶遭

窘辱吾何人歟輒敢擬議誰無情也聊寫衷懷

慘慘陰雲白日昏波吒聲裡剩殘魂一團朔氣常

埋恨萬里遙天莫訴冤漫說杯蛇緣壁影可知市

虎誤人言宵來仰面觀星象貫索文昌共一垣

何物蜂針利似刀遂令平陸撼風濤乾坤高厚身

還在魑魅悠揚氣轉豪敢恃詩書輕法律暫拋屈

宋祀皋陶不緇不磷先師訕境到窮時守更牢

歲月消磨荆棘中可憐秋盡又冬窮傳經自欲希

黃霸排難誰能似孔融力命相持成險阻身心無

愧問虛空深慚薄劣逢知己擬向鸞坡一薦雄

惆悵無才答聖明廿年偃蹇一諸生青衫久敝

應難體白簡無端得挂名棘密蒼蠅聲不息日斜

鵬鳥賦初成是非死後方能定今日何勞費品評

日日鑽研故紙堆窗螢案雪共徘徊攪交每向窮

愁審悔過都從閱歷來骨相虞翻誠忤俗猖狂阮

籍只銜盆固知識字增憂患熬閣還同繫夏臺

天通地絕是何方燈影稀微吐白光春夢已隨流

水遠寒宵偏為一人長穿窗月想秦臺鏡刮面風

飄燕市霜枕冷衾寒添反覆析聲鼓響轉旁皇

送蔣大荷谿之江右

半世窮經未救貧依人還別白頭親此行莫謂他

鄉縣千里仍然舊主賓雲樹連天秋色遠黃陵匝

岸雁聲新虎頭洲上應回首尺素翩翩豈厭頻

張分司容齋貽素心蠟梅

一枝香似返魂香情重分司遠贈將誰識冰心冢

清白漫憐磬口貯深黃容顏那肯同桃李骨格偏

能戰雪霜對此驚心臘又到陰宮何日見春陽

元日立春寄懷馮侍郎伯陽先生

鏘鏘劍珮簇金扉三素祥雲入曉飛御氣遙從黃

道降和風漸拂碧烟微百年湛露春尤渥一寸丹

誠日可依正是昇平多暇豫吟成彩筆起光輝

高駕雲霄不可攀迢遙况復阻河關摧心寒谷冰

霜氣矯首中天鷁驚班人世易迷三里霧羊腸今

上太行山青衫涕淚兼新舊不信春風能解頰

正月七日王大延之以詩見貽憶高常侍人

日題詩寄草堂句續成二律却寄

人日題詩寄草堂濕雲捲盡見晴光不知兩地春

多少空有相思夢短長節序俄驚新歲月形容飽

歷舊風霜愁懷欲訴渾難得吟向梅花一斷腸

人日題詩寄州堂達夫妙詠擅詞場百年身世真堪笑前輩風流未敢忘頭帶銀蟾亦酌杯斟竹葉醉尤狂佳辰獨我無慘甚一片離心滿夕陽

青溪李思年家貧績學

聖祖皇帝南巡曾獻詩賦 恩蒙顧問今年五十

餘雙鬢半白猶應童子試相見淒然因贈

長句

清才俊望久沉淪莫對松篁賦逐貧天地無私聊玉女文章有價可謀身風狂詎撼輪囷木水暖將舒踏蹬鱗一笑勸君深自閤空山夜氣足金銀年

松桂讀書堂集卷七

七律

七

曾織天孫雲錦裳龍犀日角見

仁皇數奇祇得君王顧才大還隨童子行老去丹

青殊兀傲愁中金石轉鏘洋九京欲喚歐陽起一

卷權書與薦揚

落花次韻四首 存二

風前小立思悠悠一片花飛一片愁紅雨易迷秦客路綠珠曾墮石家樓劇憐顏色何堪恃最苦飄零不自由辜負詩人與酒伴重來還肯暫淹留驚心歲月太匆忙姹紫嫣紅上下狂飛舞已飄王

母宴風流獨占壽陽妝青山雨過添新淚老圃春歸賸舊香眼底色空香已悟蠻箋吟咏莫悲涼

秋興用老杜韻

雨後孤蟬咽遠林空庭獄氣正森森人當阮裡生猶死天到秋來晝易陰雲掩霧迷今日恨風清月皎百年心固靡有析驚殘夢斷續聲聲似夜砧衣帶離披帽側斜飄零兩鬢漸生華仙源欲訪支機石人世難逢浮海槎已斷雄心看越絕未除幽恨讀胡笳疎櫺敗壁淒涼甚一穗空懸燈上花消受朝暾與夕暉自憐憔悴此生微途窮那禁臨

松桂讀書堂集卷七

七律

七

岐哭天遠空思插翅飛簪笏傳家身實忝文章韜

國願常違眼前景物江鄉好雪片鱸魚一尺肥

歲尾年頭一局碁戴式之句茲晨蕭索壯心悲憤騰不省

短長夜愁悶平添十二時階畔寒蛩鳴獨早塞垣

客雁信何遲三兄奉使沙州家書難通蒼茫身世今如此搔首空窗

無限思

經年偃息一房山圖史周遭坐卧間骨似虞翻誠不媚門如陶令鎮常關塵中魑魅偏成祟天外風霜忽損顏回首長安車笠伴幾人詞賦動清班庸庸四十過平頭萬水號風又一秋已似崔駰常

不樂何堪庾信更多愁憑誰有眼分牛馬許我無
心狎鷺鷗遙想蒼葭白露外數聲新雁冷神州
編蒲緝柳竟何功埋沒書生習氣中一字得來枕
上月數篇吟就竹間風菊花開晚全鋪錦楓葉飄
遲小綴紅安得盡祛塵俗累騷壇尸祝杜陵翁
秋江渺渺浪迤迤容與扁舟泛月陂三載一尋桃
葉渡曩年屢負桂花枝驚駘曾荷九方識弱植幾
為衆口移千古華陽遺蹟在愛看嶺上白雲垂

讀皮陸張處士詩憶亡友張玉田

處士風流寂寞辛二張前後劇相隣新詩總愛元

金桂讀書堂集卷七

七律

元

和艷遺業兼無石筍負木有青黃真是累名埋園

綺不稱臣交游零落琴書盡葛帔傷心有幾人

平生嗜好逐烟霞不戀西湖是舊家王田本綠酒醉

餘常獨醒黃金揮盡豈為奢一編塵架殘秋葉有

秋葉對落花自古詩人元少達長天搔首

不勝嗟

焦孝廉南浦先生以詩相慰却寄

風動高枝鵲噪清驪珠忽捧眼增明廿年不到滄

江上一葦空思載酒行秋雨芙蓉頻下淚嚴霜鴻

雁不成聲自聞長者從容語寵辱尋常底用驚

友人以看徹人情且杜門為題賦詩屬和率

爾繼聲

看徹人情且杜門風塵若箇是知恩翻雲覆雨從
來易一飯千金何足論猛獸失林常下氣微禽得
路已高翥眼前物理都如此莫問朝寒與夕溫

看徹人情且杜門是非身外任喧喧消閒石室書
千卷避俗中山酒一尊譽本無心偏起妒毀因多
口易蒙冤蒲團趺坐香烟裡頃刻浮雲變態繁

看徹人情且杜門花枝君莫訝偏反敬容殘客何
妨對朱穆昌言不太煩賸有閒情忘物我憑將正

金桂讀書堂集卷七

七律

辛

氣答乾坤廿年閱歷空皮骨庭際蒼蒼松獨存

看徹人情且杜門百年夢境總無痕庖廚兩眼分

青白合向初心印本源灼灼名花能解語纖纖好

月亦消魂從今斷却雲霄念菱製荷衣老故園

喜錫山天鈞上人過訪

蓮社睽違二十年驚看鬢髮已皤然千江明月心

能照一卷凌雲句可傳智慧自生清淨界閒愁未

了俗塵緣何時同上蒙山頂摘取新茶試二泉

雙燕

海國蒼茫有所思入簾雙燕影參差春愁相對黯

無語秋社同歸定幾時不向宮中誇姊妹誰從梁
上辨雄雌朝來細雨烏衣濕紅杏枝間易別離

菊

秋容冷淡自相宜嫩白深黃各擅奇草木何心甘
落後風霜歷試故開遲不因束縛違貞性縱使飄
零有傲姿好事王弘還送酒肯教寂寂在東籬

飲臨雲書屋贈主人

幾載相思我共君一尊今夕肯辭醺艸堂憶昔當
人日奇字頻來問子雲兩世交游張范合半生落
拓阮嵇羣千霄碧樹依然在又見堦前蘭桂芬

清明日登駕鵞湖煙雨樓

客身多病怯衣寒剩有登臨興未闌面面窗虛開
綠水層層塔影挂紅欄庾公風采今誰似王祭情
懷強自寬細雨輕煙朝復暮憑樓人得幾回看

清明湖上日遲遲畫舫笙歌載酒危不分桃花能

灼灼生憎楊柳故絲絲使君翰墨今安在舊有刺使嚴公我來

晴亦好題額今已無存宮保文章已勒碑粉壁近添新禁約參議曹公

恐海人題句汗衫壁縣示禁約千竿綠竹好題詩

次日雨夜重登煙雨樓疊前韻

輕帆落處水雲寒城郭迷離夜已闌豈愛鵞鵝重

鼓棹為探烟雨復憑欄鳥安高樹巢何穩魚躍遙
波地自寬一幅南宮圖畫在故宜秉燭夜深看

不恨春遊著屐遲寂寥寂寞把深卮那堪閃閃三
更火獨照蕭蕭兩鬢絲清梵疎鐘回短夢酸風淒
雨打殘碑長年飄泊真何有到處留題幾首詩

鍾山謁明孝陵

聖朝厚德眷前王一帶鍾山宮殿黃無復班聯踏
殘月但餘翁仲立斜陽英明自足開天地制作真
能邁宋唐御題治隆唐宗額徙倚空林神志肅緬懷祖澤倍

淒涼先尚書官南京司寇最久

抵揚州

塔影斜分宛轉塘薄遊今日到維揚舟車不斷路
旁午南北相逢人異鄉歌吹竹西懷杜牧登臨堂
上憶歐陽時光將近重陽候岸柳絲絲綠又黃

過濟寧寄汶上繆明府庚仙

姑胥臺畔月如銀尊酒分離十幾春南北烟雲頻

過眼江天魚鳥不親人頻年音信甚稀三年官況看雙鬢半

世名場剩此身咫尺不同君握手可知睽隔是前

因

濟南藩署侍北平黃年伯夜話有感賦呈

不信齊吳道阻修官齋夜話值深秋已同十日平原飲不負孤踪歷下遊人世迷陽能刺豈高天紅日忽當頭公今依舊登雲路猶自心閑對白鷗

松桂讀書堂集卷七

松桂讀書堂集卷七

七律

三

松桂讀書堂集卷八

華亭 姚培謙 平山

五言絕

飲酒

天地藏杯水劉伶夜負之深淵沒賢聖妻子抱狂悲

擬古

露裏王孫草烟含帝女桑芳郊多樂事晴靄及春陽

北極煙光合南山積翠來忽聞簫鼓發天子射蛟

回

松桂讀書堂集卷八

五絕

一

風生雙赤管日麗五花磚壁府回星象瀛州聚列仙

瓊室霞光滿彤堦日影遲太平原有象聖主本無為

蕙草

蕙草一何萎美人不再來高秋悲日暮流水正悠哉

青苔

春屐輕於水秋風渺若烟窸窣青苔意幽窗小有

天

別

別君南浦雲回望楚山小朝暮自飛來孤鴻一何峭

宿錫山洞雲山房

近郭山非僻穿林徑已深夜窗無雜響細和石泉吟

松梢纖月影夜久忽微遮幾點過山雨鄰園催杏花

花生日舉酒酌花

松桂讀書堂集卷八

五絕

一

年年此一時花期不我負我欲問春風花從何代有

春事何曾息花生定有辰後來花發處幾遇惜花人

今朝風日佳對花那忘酒我無黃金千索笑花肯否

一盃勸花枝莫道流光駛次第廿四番何殊十七

史

秦始皇

一炬千古散燼落咸陽宮收却圖書去猶能三月

紅

方士蓬萊去使者平舒還巨魚方戰死鮑臭滿驛山

宿山寺

襍被夢初醒春寒峭五更山窗無月色一點佛燈明

農村雨望

西邨玄雨高東邨綠楊舞桔槔聲未停遙遙聞人語

白鷺白於雪煙中點點來水深魚不見欲下又飛

松桂讀書堂集卷八

五絕

三

回

天意如中酒曹騰勢未醒連朝梅盡熟無復綴枝青

溪漲魚爭上羣兒喜可曾金鱗長尺半到手失飛騰

傍晚秧歌斷斜陽屋角明鄰庵槐影密忽逗一聲鶯

鶯

螢

雨歇山堂靜流螢一點過禪心自孤迴坐到落銀河

蠅虎

飢飽本分定旁皇在失得輸與織網蛛常享不勞獲

舟中遲友不至

艤舟須吾友秋杳已三更寂寞蓬窗裡蕭蕭細雨聲

和友人秋詠三十首 存六

秋海棠

盈盈斷腸淚化作斷腸花開遍金閨裡傷心天一涯

錦西風

蕭瑟西風裡雲霞爛熳開天孫一片錦疑濯蜀江來

芙蓉

薄醉偏多態嫣然露小紅消魂定何處流水夕陽中

秋荷

風雨池塘過芙蓉猶剩香釣竿披拂處驚散兩鴛鴦

紅蓼

南浦斜楊岸輕紅垂野蓼日暮思悠悠秋風吹裊裊

七言絕

食河鮑戲作

江南新韭正堪嘗白白鮑魚入饌香快馬飽帆君自試何勞生熟問廚娘

木瀆道中

處處青溪映板扉香風兩岸蜜蜂飛紅妝盡是觀梅返一樹船頭並載歸

佘山竹萌香味甲於他處

上特賜名曰蘭筍山

聖札飛毫巖阿煥彩恭紀八章
野味鮮新楚畹芳嘉名褒錫耀

宸章從今蘭筍名天下玉版還參王者香

萬壽亭西翠靄深三春裙屐競招尋東南玉膾金
藝美爭似青山第一林

先春冰雪護泥沙氣味真同蒙頂茶見說大官封貯處

至尊特遣伴冬芽 每年貢筍上命茶房收貯

天心特地眷佳山何必丹梯萬丈攀三字銀鈎懸

日月一拳從此占雲間

槐柳參差鷓鴣齊拜

恩都上古招提千邨野老瞻

天慣扶杖歡呼看

御題

江鄉土物重蓴鱸側陋誰供尚食廚畢竟籜龍含

變化遂能不脛走天衢

水木清華地產奇機雲文藻古今推菁我棧樸無

窮意不獨千竿碧玉姿

片帆乍向九龍回恰值

天家星使來草莽何年身近日三峰髣髴是蓬萊

春夜聞歌

一曲吳歛百感生十年前事到三更杏花落盡黃

鸝老腸斷東風紫玉笙

晚過西湖庄見桃花

臺榭繁華幾變更遶籬潭水一泓清東風吹得紅

顏淡城上烏啼三兩聲

題畫耦耕者

羨爾春畦結伴耕莫嗟硤确太勞生高滕舊是公

侯塚石馬歆眠踏欲平

美人納涼詞十首 存五

冰桃不種神仙核雪藕能通宛轉絲何處海綃腮

扇底練裙自寫納涼詞

斜軀玄蟬傍鏡臺泥銀衫子試新裁冰肌玉骨元

無暑一樹紅薇相對開

龜屏搦得北風圖浪影綃痕認有無夢入瀟湘原

只尺池塘獵獵響菰蒲

別館松風小夢餘蓮花巾戴學琴初七條絃響無

人處溪面忽跳雙白魚

迢遞黃姑不可尋銀河清淺信沉沉綠知烏鵲橋

邊路屈指西風夜夜心

懷陸孝廉園玉

秋槐落處一差池重見槐陰欲滴時窠是日長翻

舊筴無人解說孟郊詩

喜雨

玄雲四起互相踰雷鼓填填電目盱喜雨何人能

作記且須快寫北風畝

立秋後二日喜雨

大暑休將酷吏猜不妨三伏未聞雷只消幾點銀

河水洗出秋光一片來

有贈八首 存三

好夢元無不醒時惡風特地捲臘脂從今破却邯鄲枕不費羅虬百首詩

鬼窟仙都展轉因誰教一念隨情塵舊聞天來能鍾毒幻出三千粉黛身

轉眼風花萬事非那容臨別更牽衣此行莫話春臺閣吟臺晉蛟一怒飛

走馬燈四首 存一

風鳶手引上青天傀儡全憑線索牽何似看燈還自在任他熱處自周旋

冰臺詠

青山昨夜雨鈴聲金鐵飛來萬戶驚誰家一片冰霜影不問人間陰與晴

池上

飛花窸窣柳絲絲淡寫雲容水一池燕掠魚游同自得何妨相顧不相知

登樓感舊

此樓不上幾經春風雨重聽倍愴神細撫窗櫺點黑處茶烟香霧總成塵
飛盡東臯榆莢錢青條紫穉又紛然可憐舊燕攜

離到不見龐公已十年

觀釣

八尺絲竿一寸鉤心隨錦鯽共沉浮不知底事旁觀者得亦欣然失亦愁

無題

金屋無人粉蝶回舊遊何事重徘徊綠窗四月雨晴後一架白薔薇乍開

松濤

午夢醒來肌骨輕天風落處萬龍鳴不須更理瑤琴操此是成連海上聲

苔錢

空階點點綠肌肥是物紅塵拭眼稀應笑榆錢忙太甚閒門要路一時飛

出獵圖十首 存四

轅門千隊簇弓刀映日龍鱗綠纛高笳鼓不喧傳號令將軍初試橘紅袍

平岡艸淺正堪馳中有花髮汗血姿遊騎遠從青嶂出錯金槍桿小黃旗

新得奇鷹白錦紋雙眸杳杳入寒雲羽毛抖擻霜風裏鐵肋金駝重十斤

南艷輕盈北艷肥的圓粉靨皂貂衣牽來鐵獬騰
身上一朶烏雲捧月飛

題友人四時行樂圖

淡淡東風拂柳斜催開紅藥爛於霞世間奇艷無
過此何似才人筆底花

梧竹陰成翠染裾清渠還遶逸人居藤輪小倚何
須睡不到華胥樂有餘

橫塘小艇耐沿洄無數芙蓉鏡裡開郎意若同秋
水淡何須更載美人來

千林一夜玉爲枝曉閣江山入畫時遙望蜀裘紅

三首
徐桂讀書堂集卷八

七絕

十

一點定應才子獨尋詩

以柳絮池塘筆寄一亭三兄時官部曹

久別相思悵各天故鄉春樹又含煙郎官定有池
塘夢佳句何時寄惠連

秋霖彌月至九月初始晴漫成十截

存七

匝月秋霖不出門早禾生耳竹生孫晚來雨脚高
懸處一縷紅霞見遠邨

漁標蟹簍滿晴涯新釀初筍小旆斜畢竟重陽晴
更好滿城風雨不須誇

漸覺清霜減綠蘋方知如練語通神此間不是滕

王閣野鷺殘霞亦可人

金井高柯半欲黃曉來窸窣似驚霜打殘子粒無
升合慚愧人言栖鳳凰

秋來無準是寒暄鎮日東風拂檻溫移得稀疏小
紅翠午庭黃蜨便翻翻

粟豆盈田野雉肥莫將嘴距鬬容輝霜天百里秋
毫見時有撩空俊鷗飛

黃葉林梢雁幾行風毛戛戛海雲長底須先後分
賓主一種情懷在異鄉

得唐太史南軒手書却寄

三首

徐桂讀書堂集卷八

七絕

十

遙空忽聽遠鴻音尺素攜來抵萬金天末已知良
友況行間尤見古人心

望重螭頭鬚已蟠不妨詩酒慰蹉跎午橋烟月佳
無限何似風光上苑多

儒生何計換頭銜輾轉秋風逐片帆一枕邯鄲不
成夢丹楓影裡舊青衫

身世安排任碧翁巢盧拋擲幻何窮遙知道眼看
塵界日坐妖風魔雨中

來札有日坐妖
風魔雨中語

聞百舌

入春廿日雨連綿禪榻無聊歌枕眠誰與春光報

消息一聲百舌在窗前

仲春六日同人集飛鴻堂梅花下

夢斷城南已數年草堂鐵幹故依然重來索笑人
如昨二月春風莫放顛

雪竇風軒有所思靈根曾見長華芝漫誇鄧尉千
林萼未抵溪南第一枝

歷盡冰霜歲已深墻腰幾度費清吟林間啄木聲
聲響不碍詩人覓句心

小橋老屋只三間踏破春來碧蘚斑一片霏微窗
外月猶疑鶴影夜深還

所見

晴光如醉柳絲斜輦路迢迢接紫霞春雨幾曾私
一物墻頭小草自生花

靈峰庵為某氏舊居二十年前曾一再過同
遊者半不在矣

二十年前舊此行重來昔夢總堪驚杏花伐盡松
枝老長日東風磬一聲

新綠十首 存六

江南佳樹最葱蘢舊苑新堤看不窮眼送殘英飛
盡後一天情思又薰風

花鬚落盡子還肥守得青蟲化蝶飛水榭風亭渾
不改可憐裙屐一時稀

吹倦東風嫩影交羨他烏鵲穩分巢賣餚已過兒
童散剩有風鶯罨樹梢

赤欄橋畔列高柯飛雨南來一霎過昨日莖花新
塚上悵悵特地長青莎

清陰面面繞虛亭幽事宜探陸羽經黥几新楷人
不到好風吹墮鶴梳翎

開遍薔薇畫影酣清和時節月初三幽閨何處如
花女漠漠籬烟正煮蠶

夜登廣福寺鐘樓口號

古寺危樓百尺強烟林雲海望迷茫姮娥咫尺如
堪語只少凌空白鳳凰

肉質焉能縱所如臨風回首嘿躊躇浮生大夢誰
先覺漫打鯨鐘徹太虛

擬古

羽書馳上甘泉宮羌胡吹笛笳雲中將軍夜來射
猛獸塞上宛馬嘶北風

白蠟梅中州佳種也聞鈕上舍璇宮齋頭頗
盛詩以索之

烏丸雞距后山詩名埒羅浮夢裡枝一種素心傾
洛下春前臘底最相思

花含顰顰夜光同疑是春寒雪未融欲乞一枝遮
我眼學裁詩句愧涪翁

山谷詩不擬折來遮老
眼欲知春色到池塘

戲咏鬬雞

莫將大小論雄孱勝負從來是偶然一自人間無
紀渚憑他肉眼看場圓

金陵雜詠十六首

存八

龍蟠虎踞甲江南形勝金陵未易探千百年來一
回首盤山斷壘總虛談

松桂讀書堂集

七絕

古

幾層高閣勝凌烟結綺臨春共望仙何處六朝遺
跡在輕風細雨草芊芊

晨星曉月影參差正是雞鳴粧罷時一自景陽鐘
歇後野花零落舊臙脂

絲絲綠柳好藏鶯水閣朱欄更有情為憶潘妃遺
韻處尋芳不覺到臺城

陌上聽歌聲緩緩客中選勝日遲遲我來問渡知
桃葉千古風流屬獻之

四圍遠樹長新芽望裡青山疊疊斜每憶蹇驢霜
雪裡吉祥寺去訪梅花

我我勲業冠通班零落林園那可攀他日莫愁湖
上過還須酌酒奠中山

抱城一曲水涓涓檀板新腔篷子船十四樓中環
釧杳只今月色似當年

余與錫山華孝廉豫原交契最深別十餘年

邂逅金陵幾不相識因成三截句

半生踪跡類飄蓬玉敦珠槃回首中把臂不須頻
訝我書生今已號髯公

萬卷文章壓選樓虛懷商榷每相留往時意氣猶
堪說我愧無聞君白頭

松桂讀書堂集

七絕

主

未得談心在客廬君留我去又離居臨岐不惜殷
勤贈一幅王郎得意書

以王吏部虛
舟字幅見貽

報罷後戲柬平湖張大令涪

畢竟葫蘆樣未新不教蓆帽暫離身相逢此日休
相慰同是秋風報罷人

次月浦妹早春見寄韻

薄雲冉冉雨初晴稱體衣衫不厭輕每憶春暉堂
上好梅花香已透南榮

難遣閒愁病益添斷腸最是雨廉纖元宵已過花
朝近又見如鈎月上簾

寄酬傅探花閣林

蓬島煙霞拂錦袍謫仙風采見揮毫幾年不到黃金殿却使人間紙價高

著作從來屬偉人牙籤玉軸一時新五雲輝煥當書局越地山川發古春

捧袂依稀記昔年半村名園夜久燭花偏銀鈎寄我空惆悵不見瓊枝亦可憐

登報恩寺浮屠絕頂十首 存四

凌空金碧近諸天有客秋登縹緲顛莫望江山懷六代前朝遺跡又荒烟

松桂讀書堂集卷八

七絕

去

白雁南來道路長哀音猶似說興亡青山萬疊如排浪淘剩鍾山一點黃

無復煙花惱艷思絳雲舒卷是吾師開絨月作千秋鏡遠近山分十樣眉

滾滾長江天際來遙空髣髴近蓬萊綠烟漸起斜陽外似如尋秋望眼開

張子含光以咏騷詩索序戲題

恠底文園多病身咏騷筆力健無倫宮商是處成淫濫却向新篇見古人

問余憔悴近何如悔讀離騷失意書羨子閒閒十

畝外滋蘭樹蕙學三閭

咏古詩三十首 存八

許由

鳳麟已為簫韶舞巢許還隨日月來聊使人間記名字聲光冥默更多才

范蠡

溪女曾分范大夫夫差安得老姑蘇假饒長喙容弓鳥未許謀臣共五湖

呂后

韓彭壯士泣良弓老去安劉悲大風千金平勃無

松桂讀書堂集卷八

七絕

去

人識功在歌兒寶劍中

霍光

廢立漢家無故事引經未可附殷周博陸明農絕嬖寵後來王氏不封侯

王績

眼際長無青白心悲來不禁酒榼深已然生作陶家器多事無絃還鼓琴

狄梁公

梁公當日重如山承反排婁心更艱學得猶龍已老去再教白首靜除姦

郭汾陽

兩京克復起戎行天下安危身獨當人傑不愁無
李白只今誰是郭汾陽

寇萊公

宋室初謀市契丹幽燕未許一泥丸金繒翻作和
戎計社稷功成孤注看

桃花

倩得東風買盡春樓頭半現小妖身我亦去年曾
見面那容宋玉說窺臣

春窗雜詠

有序

花笑一林鶯啼百轉東風又到難迴指日之戈

七絕

大

上苑終迷莫遂懷仙之夢勞生荆棘遵坦道以
何年屈首詩書撫良辰而增慨春牕捉筆百感
中來午夜耽吟寸腸欲斷假長歌以當哭拈卅
韻以成章

濕雲變黦蔽長空剪剪輕寒側側風春入小園猶
寂寞梅花獨自笑墻東

當庭天矯一株松來自黃山赤六峰雪壓霜欺知
幾載凌雲意氣似虬龍

春來檐溜瀉奔瀧二月寒威未肯降獨對爐香消

永畫撩人燕子話雙雙

此身已似粘泥絮漸老還如墮地絲幾陣好風吹
不起小紅開遍隔牆枝

却恠謀生事事非漫同高士掩柴扉前林花發知
何用自愛行畦菜甲肥

陽和欲復過吾廬淺落浮生志顛虛半世塵埃三
尺劍千秋心事一床書

歷歷家山在水隅三年不掃徑荒蕪白雲一去青
天濶羨殺林間反哺鳥

壁間遺挂動愁懷洞口桃花路易迷塵世百年真
夢幻春窗喚醒一聲雞

逢春樂事足安排獨我年來無好懷商榷奇文誰
與共求羊渺渺隔天涯

依稀玉雪積蒼苔林下難尋詠絮才偶向春暉堂
月浦姊妹讀書處上坐清風簌簌落殘梅

一卷離騷永夜親藥爐茗椀證前因瀟淪雨露乾
坤裏潦倒衣冠江海濱

煙霧含愁籠曉日花枝帶恨鎖春雲無才那敢尋
詩敵排悶還須仗酒軍

匡床坐久膝餘痕看破機關合杜門無限悲涼成

獨笑杜鵑啼血太多言

一編硯北幾回看喚作書淫亦可數病起窗留周
子草貧來竈乏伯陽丹

望裏模糊九點山攜筇何日一躋攀常年蘭漿嬉
春去最愛西余玉笋班

新栽綠竹亦嫵媚雨後枝條發翠妍明月照來清
影亂天然一笑夜窗前

淒淒風雨到花朝脉脉閑愁未得消我正燈前吟
苦句誰家樓上學吹簫

梨雨成冰炙研均畏寒不敢啓書巢沉思默坐叅

周易一日還能讀一爻

風塵何處識人豪秋水光沉七寶刀偶向平蕪開
望眼紙鷁得勢霎時高

浮生對酒信當歌古往今來感慨多欲化春江作
春酒醉教朱袖拂雲和

空庭老樹噪栖鴉孤鶴無依且莫嗔好在吹笙王
子晉相攜碧嶺踏春霞

牡丹貴重覓姚黃新種盈蘭亦放香日日問晴兼
課雨夢花人只為花忙

不遜名亦不求名混迹漁樵咏太平自是疎慵當

世棄敢云人濁我偏清

北垞小築嗟荒落基址空餘松吹亭不見當年舊
顏色夜來風雨是花刑

衣苦行僧春山松石可為朋莊周道眼能
說大鵬

留海外三山夢裡遊見說上林花
公可能瘳

千金善哭唐衢有苦心三萬六千容
病兩相侵

探愁坐春風三月三豈是江城無
已拖藍

疎簾忽聽雷聲震短檐卧覺虛衾寒
日下紅暈

酸鹹無藥能醫骨格凡綠樹紅泉空
許傍松杉

懷江文通雜擬連篇累牘覽之者惟
五非獨辭工亦取其意之能達也讀春窗

雜咏三十首在心為志發言成詩正如嶺雲川
月其出無窮斯足方軌前秀已陸堂弟奎勲識

春夜偕友飲陳三蕉小桃源二首 存一

掃除三徑迎今雨傾倒一卮論故交未到夜深窗
外白起看明月上梅梢

由觀音門抵儀真

輕雲淡月水連空百里江心一席風拍點真州在
河處高檣密密柳陰中

古祠露筋高節使人思停舟欲讀新

落時

陸忠先生作
題露筋祠詩

松桂讀書堂集八卷

江蘇周厚
堉家藏本

國朝姚培謙撰培謙字平山華亭人喜刻巾箱小本
亦好事之士所著有春帆集刻於康熙庚子自知
集刻於雍正甲辰樂府及覽古詩刻於乾隆己未
此本乃乾隆庚申裒合諸編刪爲一集培謙自爲
之序其諸集序亦仍列之於卷端

桐陰書屋詩二卷

〔清〕朱崇勳撰

山東大學圖書館藏清道光刻濟南朱氏詩

文彙編本

附《四庫全書總目·桐陰書屋

集二卷》提要

于欽齊乘之言曰濟南山水甲齊魯泉用拔下濤
飲珠躍金霏碧滄韻琴筑味醴肪莫殫品狀故其
詩云濟南山水天下無也予爲郡人少而習焉然
每誦斯言未嘗不心神曠怡諷詠不已昔王武子
與孫子荆言其土地人物之美于今稱焉其云人
之廉且貞者則地之坦而平水之淡而清也其云
人之磊砢而英多者則山之巖嵬嶢峨水之渾渌
而揚波也吾郡山水殆將兼之於人何獨不然歷
下自總制朱公起家爲望族方伯勤恪兩公繼之
功名赫奕顯於方冊而子青先生負俊逸豪邁之
概獨以詩鳴四方推爲作者漁洋山人尤亟稱之
怡園先生承世德濡家學資稟英異性情廉潔殆
有得於山水之所鍾者與恬澹不試無所見於時
獨往往爲詩以寫其懷抱所與唱和若安邱張卯
君淄川張榆村膠州張山農高南阜皆一時老宿
所爲桐陰書屋詩清和醇雅足以振楓香吳船諸
集之遺響而先後於高張諸君子間濟南文物之
美與山水俱長矣然先生不數數示人意不欲以
詩自名予昔輯選山左詩得而鈔之同學景韓大
令俾予校訂而爲之序余讀其詩想見其爲人如

於晴雲曉日登山臨水見羣峯東走離華對峙青
昭明湖濟南風景宛然在目寒臆對酒書以復於
景韓同學乾隆庚辰十月之望同郡宋弼序

客有問詩於予者曰尼父言詩之教溫柔敦厚溫
之爲義也何居予曰天地之氣唯春最溫以其有
生意也生意盛故被諸物而潤澤潤澤故日新而
不已萬物之變態不具陳尋常景物寓於目而感
於心流連往復且暮間皆非陳迹則造物之生新
爲不可窮也古今之詩人衆矣寧緯山川草木鳥
獸如故也興會所觸今何必異於古學詩者懼其
沿襲而鑿空以求新於是乎爲纖爲濫爲詭而生
意不屬祇見其速朽而已噫凡音之感由人心生
也人心之生意鬱積蓬勃自三百篇迄漢魏六朝
三唐其托興遙深者皆足與吾心相灌輸咏嘆之
淫佚之無故之非新也本茂實遂膏沃光華仁義
之言藹如讀其詩可以想其人矣濟南朱彞存先
生生長世門而以詩世其家學余讀其桐陰書屋
詩囊括衆美匠心獨運不事鈎章棘句而自見其
淵然而光蒼然而秀蓋學古而有得於心者之言
非可襲而取其歷久而愈新無疑也余不及見先
生與嗣君明府景韓初相見卽決爲風雅中人詩
曰言念君子溫其如玉睹景韓之溫潤而澤益令
人神往先生也盱江魯鴻序

桐陰書屋詩卷上

歷城朱崇勳彙存

登日觀峰

拾級歷千仞遂躋日觀峰誰知蓬藁士倏與雲霄
通大千但一氣九點烟濛濛東向眺滄溟鯨魚三
山雄洪濤渺浩浩海氣盪我胸想像夜過午紅色
光瞳矐天雞鳴咿喔日出扶桑東揚袂飛白雲燭
首來天風願言養芝木終當驂虬龍

黃花洞

探奇詎云遠邱壑本夙尚已著靈運屐躡險意彌

桐陰書屋詩卷上

壯危磴凌垠堦威紆轉重嶂窈窕雲木秀連峰鬱
相望遂造青蓮宇靈境闢清曠靜聞優曇香諸天
呈妙相巖松蟠虬龍夭矯宛相向遂洞石乳寒滴
瀝青苔上幽禽向我鳴澗芳龔筇杖延佇忘羈束
欲去生惆悵

梅花限韻同次公弟

羅浮山中花開入荒園裏老樹形樛曲疎枝斜照
水殘雪明籬根人靜月初起泠然靜我心清香沁
肌髓朗吟秋水篇斜行書繭紙

九日登華不注

風雨送清秋蕭瑟變林木良辰蠟屐來霽景轉清
蕭南山橫翠微蜿蜒如起伏華峰獨瘦削直上雲
端矗紆徐造初地一逕入深竹振衣凌絕巘千里
縱遙矚邨容黃葉稀深崖隱寒綠城市苦物役到
此釋塵俗佳節忍虛擲採菊汎醪醑深懷豁達情
僧磬起巖谷

賦得風淪歷城水月倚華山樹同榆村南邨

二首

名泉七十二珠躍隨地起匯爲蓮子湖一城半烟
水蘋末微風生清波颺穀綺萍開藻或合今古流
如此房氏傳雅吟李杜千年耳休慙名士鄉嘯咏

桐陰書屋詩卷上

二

從茲始

夜靜天籟寂風清萬壑冷一峰矗層霄突兀凌參
井蒼茫夕景佳樹色壓高嶺葱鬱非一族相依自
成影紛紜人海中誰能發深省我欲駕黃鶴吹笙
玉臺頂

飲酒和次公

不惹塵中緣自得物外趣吾生寡嗜好愛此糟床
注把酒細斟酌妙理於中遇青山成古今流水無
朝暮帝鄉不可期世事真如露神全性亦定榮利

非所慕陶然放我懷長嘯拂竹樹嗟彼勞勞者常
抱千年慮

家六叔以雨後登屈山詩見示奉和

新秋連朝雨華峭空翠來寂坐懷烟霞惟覺時序
催啟緘見新詩如覩青壁閒想像山色霽綠濕松
逕苔鸞嘯一振衣隨意傾雲鬢冷然御天風逸氣
高崔嵬曠焉思霞舉歌詠心悠哉願言共追隨終
期登蓬萊

秋草

商飈動林叢衆草感秋暮荒逕黯蒼烟方塘澹涼

梅陰書屋詩卷上

三

露密密復疎疎離披紛回互曾與映青袍俄看萎
翠羽夢斷謝公吟心傷沈約賦南浦蛩聲晚西塞
鴻影度王孫久不歸雲冷連征路曠覽惜歲月當
前理斯寓榮枯更變化四序迭相赴元氣斂根荂
何遽非培養造物本無心天時隨所遇

夏夜小集同榆村

返景煙霏斂高館生夕涼吟嘯就疎竹微風灑衣
裳蹲踞隨意設興至輒空觴惟君諒樸拙而乃形
跡忘眷然念疇昔素心共相將談詩發妙旨格律
罔不臧古調得三益如紉蘭芷芳坐久花陰移山

月流清光

綠玉吟同榆村作二首

我拙寡所營植竹庭砌邊森然千竿碧屹立含蒼
烟亭亭節自勁猗猗神獨全霜飈下林木零落彫
芳鮮嗟彼穠妍姿安得同清堅培溉日以滋與我
相周旋况對素心人結契忘歲年

閒居澹無事坐對修竹林逸韻清且遠而無塵垢
侵枝橫渭川色葉動瀟湘陰檀欒覆碧影天籟含
清吟微雨西山來綠霧沾衣襟鏗鏗君子節感我
亦以深婆娑發長嘯時復彈鳴琴惟有松與栢歲

梅陰書屋詩卷上

四

寒同此心

和高南村嘉蓮詩

疎雨濕清畫芙蓉池水深微風送香氣對之生遐
心我友寄瑤華鴻爪感曩今中有嘉蓮詩冷冷聞
雅音倚檻一再讀重比雙南金索居難合并言念
朋盍簪千里馳遠目恍對東溟岑

登泰山歌

二儀定位五嶽峙惟茲岱宗羣推長東方青帝結
神基磅礴元氣相摩盪撐拄直與顓臾接衆峰羅
列勢皆仰層巒迴互紛蔽虧吐納陰陽窮萬象變

懸瑞彩翳天門赫矣福宇藏靈爽迤邐磴道婉婉
蟠攀登似躡天梯往山深窅窳氣高寒四月杏花
世外賞危崖屹立萬松懸天矯虬龍競攫攘石梁
飛澗隱烟嵐大壑惟聞靈籟響巔頂凌空垂瀑布
倒掛銀河落千丈探奇陟險恣搜剔曉靄巖屏開
岫幌飛來空翠衣裾濕始知身置層霄上倏驚地
底走雲雷却見晴霞落巾杖下瞰羣鳥皆倒飛十
萬芙蓉收指掌黃河如帶亘灣環九點齊烟錯繡
壤滄溟島嶼忽明滅縹緲方壺入泱泱八紘寥廓
同一眺氣象開拓心胸廣信是魯瞻標巨鎮蓬元

補陳書屋詩卷上

五

太室三宮敞恍疑紫府下雲輶青童玉女披仙縈
笙樂隱隱入碧漢鳥跡朱書勞想像擁琴鑿金昔
何人逍遙却粒真儼儼何當結宇向山椒跨鶴凌
雲脫塵坱

題仲利谷小照

襟懷瀟灑幽人居奚童烹茗臨堦除松陰繞舍映
流水琅玕倒影涵清虛靜觀自得但長嘯膝上文
度殊英妙讀書愛向深林間坐看明月來相照

題畫

展卷髣髴山雲流瀲灩傳響鳴龍漱眼前寂靜那

得爾巖壑層巒臺端收揮毫貌出巖壑趣數間茅
屋千章樹何人閉關杜德機掉頭便向煙霞住

題畫松

山不必寫富春花不必寫桃李筆底貌出虬龍姿
雲煙微露鱗之而尺幅百丈天矯狀力迴屈鐵宛
相向夜來雷雨生萬壑起聽天風倚高閣

寄答唐慎修

風物三春晚茅堂感索居時紫千里夢忽寄數行
書烟樹浮雲外山城落照餘相思難輸地悵望最
愁予

補陳書屋詩卷上

六

贈高西園

海上攜琴至翛然見此翁烟霞生筆底邱壑足胸
中曠達輕餘子疎狂似次公茅堂一樽酒來聽玉
玲瓏

荔枝

側生最珍異佳實出閩中冰雪團香玉鮫鮪嚼
紅一林蒸暑雨萬顆綴炎風太息開元事斜陽古
驛空

夏夜小飲分賦

風清懷抱爽小院近黃昏相對南樓月同開北海

樽螢飛明竹逕鶴夢傍松根但可從吾好悠悠未足論

錦邊蓮次榆村韻

般陽傳異種盆盎得新姿春日種偏早秋風開較遲綠苞含錦色粉瓣坼瓊絲漫說酒杯好荷盤亦護持

秋海棠次榆村韻

夕露朝烟裏輕盈對綺羅庭陰最蕭瑟幽思定如何秋色來姑射西風憶孀蘿凭欄思命酒斌媚向人多

早秋村居

已覺襟懷靜况當秋氣嘉蕭然遠城市一逕隱桑麻微雨濕瓜蔓晚風開豆花瓦樽共鄰叟彷彿武陵家

送別榆村二首

離亭一樽酒莫漫唱驪歌後會愁難定臨歧悵若何川原殘雪盡華嶠暮雲多君去如相憶蓮湖漾碧波

把臂茅堂日忘形契最深一燈常對雨十載共題襟堤柳離人意江梅遠客心東風吹不盡金玉莫

爲音

新竹次榆村韻二首

滿眼瀟湘意霑衣翠欲浮爲文有坡老寫照定湖州箴解深經夏筠香探借秋羣芳空自艷相對恐貽羞

上番今已屆蒼翠滿庭陰瀟灑無塵色清寒淨道心鮮痕當逕合夕照入闌深愛竹吾成癖聊爲托短吟

賦得疎雨滴梧桐

簾垂孤館寂桐葉雨疎疎滴瀝斷仍續秋聲來我

盧韻隨清漏永涼入夜窻虛起坐還欹枕匡床夢覺餘

中秋榆村子靜月下小集

萬里有孤月中天無片雲朋儕來竹外文酒坐宵分烏鵲飛還定清砧靜不聞吾曹拘忌少良夜倍殷勤

人日懷榆村

風物入靈辰晴光遂望新暗賞開七葉月桂正初旬庭柳搖金縷池水泮玉鱗詩成思杜老欲寄草堂人

明湖修禊

古亭傳海右名士幾經過今日成佳會臨流意若何
青來佛子髻綠動鴨頭波觴詠幽情暢風光似永和

山村

清風澹懷抱地僻覺身閒停策臨芳樹看雲度遠山
幽棲堪自適塵事不相關烟動斜陽外深林倦鳥還

九日登千佛山

翠微秋色裹着屐上層峯黃葉落無數白雲深幾

相陽書屋詩卷上

九

重寒烟籠澗菊返景入巖松渺渺憑高日臨風倚

短筇

秋日同遊北渚園次榆村韻八首

共有林泉興言尋北渚遊湖山留勝地雲木澹高秋
筇杖花邊徑漁竿柳外舟誰能耽野趣漱石枕清流

亞字花欄密房廊繞碧漪樹陰通北垞山色帶東籬
醉酌陶潛酒吟磨謝朓詩習家池上好風日及佳時

疊石移華嶠雲生檻外山高臨蓮葉港斜枕蓼花

灣遠洞懸蘿影蒼崖綴蘇垣夙懷謝公志對此一

開顏

放眼乾坤內雲根構草亭浣花人已渺懷古對林
局水榭涵青荷山牕倚翠屏開吟杜陵句搔首向
鵷宮

棠川舊遊地高閣復新開勝蹟風流遠登臨與湖
洞湖平鷗影沒雲迴雁聲來何減西園興還思鄴
下才

澹遠堂深處盤桓日影斜移筵開竹葉環砌上苔
花泉石桃源境雲煙谷口家野風秋欲晚蕭瑟動

相陽書屋詩卷上

兼葭

衆木何蕭瑟層臺一徑微滿園空翠合千嶂暮雲
飛秋意生蘆浦波光動石磯稍嫌遊屐晚霜冷墮
荷衣

濠濮耽幽賞流連未遽歸林泉還悵望猿鶴忽相
違溪路環深靄城闌淡夕暉何時重載酒更爲款
園扉

遊禹登山四首

清晨出南郭野路入秋風墟里寒烟外人家晝盡
中雲開千嶂碧霜染半林紅好藉吟筇健探幽興

未窮

山徑不知遠行行翠靄侵懸崖流水繞古寺門

深煙外間樵唱雲中落磬音秋巖多爽氣一爲豁

煩襟

崕岬間巽境杖底遍蒼苔洞古含風雨潭深伏電

雷松聲流澗滿巖翠拂衣來谷口嵐煙合斜陽天

際迴

雲冷層巒上烟深萬壑間驚風下叢樹秋色滿寒

山偶得登臨趣因之嘯詠閒芳踪緬向何日與

追攀

遊雲臺寺

矯矯長松古關關野鳥鳴雲從巖洞起霞近石梁

生逸興懷康樂孤踪羨子平坐來聞梵唄頓使道

心清

許山道中

墟落秋光滿征輪此暫停天連遠水碧雲擁亂山

青柳色迴前浦人聲出遠汀何時曳藤杖一上墨

王亭

望長白山

高秋淨天色縹緲千芙蓉嵐起臨滄海雲橫接岱

宗遙知醴泉寺尚有讀書踪白兔仙公杳煙巒空

自封

春林鳥聲

春光帶叢薄曉曉聽嚶鳴愛此微風定偏宜青竹

明機忘心不競人靜景逾清此際閒吟客還生物

外情

留別李硯洲卽次原韻

索居動經歲把臂臘將殘又感別離易翻思良會

難人情工毀譽世態任波瀾惟有臨岐者茫茫集

百端

桐陰書屋詩卷上

三

湖上秋柳

露下晚塘冷依依千萬絲寒烟搖浦散清影漾漣

漪蓼岸風來處蘆花橋雁過時臨流休弄笛易動遠

人思

桐陰書屋詩卷下

歷城朱崇勳彝存

題桃源圖

靈境偏從畫手傳，漁舟泊處近花邊。
到來山水疑無路，忽入雲霞別有天。
草木因時自成歲，人風太古已忘年。
塵心未盡輕迴棹，憶昔仙源定惘然。

春日桐軒卽事

東風披拂芳樹林，朝來晴日怡人心。
相將文酒客俱集，坐對鶯花春正深。
袞袞譚言霏玉屑，悠悠山水寄瑤琴。
莫嗟世事浮雲態，行樂且爲梁父吟。

初冬種莎書屋小集

序入小春天，乍寒主人留客同。
爲歡風彫千林橘，白綠霜流萬壑楓。
全丹拊髀休嗟毛，鬢改縱飲但覺天地寬。
富貴何時行樂耳，梅花開後歲將闌。

秋日登華不注

愚高山勢鬱崔巍，遠樹蒼茫夕照開。
萬里寒雲隨雁去，九天秋色上衣來。
狂歌自識登臨意，壯志常驚歲月催。
寂莫三周竟何在，西風懷古重徘徊。

對雪分賦二首

瑞木飛花拂小欄，隨風縹緲下林端。
空明萬象白

同色積照一庭生，暮寒白戰獨慙詩。
思淺翠濤還

試酒孟寬圍爐可有，南園興枻桡桡燒紅意未闌。

聯翩飛傍畫簾輕，遇物能鮮氣自清。
客屐來時徑

有迹茶烟濕處竹無聲，宜從南史書祥兆。
便向東

皐望歲成更上高樓一凭眺，凍雲漠漠亂山明。

夏日

滿天梅雨落槐花，岑寂衡門靜不譁。
泥俗那堪評月旦，勞生真欲感年華。
三山縹緲仙人夢，五柳清幽處士家。
踪跡近來成一笑，荒園學種邵平瓜。

松

桐陰書屋詩卷下

二

紛紛蒲柳易離披，豈似蒼松五粒奇。
但使常留後彫節，何妨人待歲寒知。
雪天曾入希真酒畫卷，偏宜子美詩。
莫賦銅鞮感，今古夕陽長嘯倚欄時。

九日登枕流臺和次公

郭外人家澹夕陽，層臺野水逗秋光。
從歛烏帽臨清宴，自挈金英泛羽觴。
渺渺長天聞雁唳，蕭蕭兩鬢插萸香。
相從令節誇身健，休悵疎林木葉黃。

賦得霜葉紅於二月花

纔綻黃花未及旬，清霜宵結授衣辰。
却看冷艷千林色，翻勝芳菲九陌春。
寒染燕支濃淡好，秋明霞

綺淺深勻莫嫌蜂蝶飛來少何似高空雁影新

木仙

昨見江梅帶雪開又從洛浦識春回
湘靈鼓瑟風中遠漢女凌波月下來
漫向湘洲問消息應知姑射隔塵埃
翩翩韻格誰能賦合待陳王八斗才

梅花三首

纔飛翠羽草堂隈春到園林物宇催
驕角未融殘雪盡茅簷忽送暗香來
相看縞袂霓裳冷恰傍雲堦月地閒
此日何郎添意緒獨憑官閣與徘徊
諸著湖村舊得名生成標格迥幽清
天寒老屋香

木樨陰書屋詩卷下

三

初放月上晴窻影半橫庾嶺春回應有信
羅浮夢斷不勝情朝來搔首微吟處疑伴孤山處士行
最宜孤鶴伴清癯開向空巖靜者居
項里寒深入對酒灞橋春早客騎驢
沈沈小院三更後冉冉東風臘月初試誦南華秋水句詠成白雪興何如

送別榆村

篝燈共對坐宵分羌笛淒清不可聞
花鳥他時關別緒湖山此日惜離羣
東城雪霽天將曙南浦風寒酒半醺
一曲驪歌莫輕發恐教愁結亂峰雲

白杏花

新粧淡淡上林花
畫亭臺鳥語譁仙
暖風和開素葉午
橋春暖發霜葩梅
舒淺綠隣初謝桃
綻殷紅莫漫誇小
雨嫩寒宜愛護恐
教香雪入簾斜

夏日感懷和榆村五首

寂寂衡門聽夏雞
誰從物外識天倪
何須感遇歌長鉞
惟愛看雲杖短藜
時鳥能隨風上下
勞薪空歷路東西
漢陰抱甕從來慣
肯使機心浸百畦
環堵蕭然傍水涯
春餘懷抱任遲姑
酣歌漫撫虬松幹
吟嘯還依鳳竹枝
妙手斲輪應自得
鑿材焦尾竟誰知
升沉莫向君平卜
爲減名心欲作癡

木樨陰書屋詩卷下

四

掃地焚香意灑然
微吟抱膝小窻前
願聞已過知今日
漫騁才華悔昔年
且自曹騰歌社酒
何須羞澀看囊錢
閒來便好尋蓮社
共向支公一問禪
雨餘山翠上衣沾
寸笏蕭齋我亦厭
隨意鐫帶因興設
詠懷詩句與愁兼
蓼蟲自愛充腸苦
諫果安能到口甜
除却繙書無箇事
古香時發鄴侯籤
株守邱園只自知
汲泉爲洗井桐枝
時披潘令閒居賦
漫和陶公飲酒詩
駿馬休嗟伏櫪日
神鷹偏恥下韝時
飽諳物態心情嬾
畫紙窻前看奕棋

春杪以芍藥數枝送榆村新詩見貽依韻奉

和

宴賞已過牡丹時新開又見婪尾枝惜春最憐郡
圃晚闌巧愈覺天工奇淡烟濃露壓香砌醉粉嬌
紅生艷姿便欲比擬那可得臨風一誦元暉詩

感懷次韻王禹臣夏日雜詩卽效其體三首

莫將松菊較春榮蠋舍蕭閒野性成抱朴愛尋園
蝶夢息機欲共海鷗盟家無長物惟書卷胸有閒
愁仗酒觥自聽繁華競笙管一綸絲絡最關情

寂寞虞翻久自知無須更問百莖著祇緣憶舊常
中酒已解藏名未戒詩秋水空言神變化鹽車莫

柳陰書屋詩卷下

五

道骨權奇漱流枕石從吾好圭組羈人亦殆而

蕭然環堵漫徜徉心靜如聞解脫香明月惟宜來
竹里清風祇覺在鱸鄉白開池沼芙蓉水綠結山
樓薜荔牆株守自憐甘用拙崎嶇世路任盤羊

秋夜小集同榆村

晦蕙畦蘭趣最幽興來秉燭夜深遊一庭月照簷
簾冷三逕風清蟋蟀秋爲愛步兵偏嗜飲何須洗
馬更言愁高吟坐看繩河轉妙句輸君字字遒

白牡丹次榆村韻

共向花前一笑歡霓裳浥露夜微寒草堂寥落春

將暮玉檻空明月未殘冷淡心情應自抱孤清顏
色爲誰看閒吟寂寞存眞賞急管繁絃未可干

村居

城市俗氛謝不絕屏迹長日來邨莊幽圃斜連碧
水色虛窻盡納青嵐光有時野雲驅雨至頓覺林
風吹袂涼蕭閒卽可放懷抱况有美酒酬渴羌

檢帶存弟遺詩感賦

湖上長吟得句工人琴俱往恨何窮棣華樓閣殘
雲斷春草池塘曉夢空鴻雁哀深鳴澤後鵲鴒悲
結在原中可憐多少傷心事獨把遺文怨北風

柳陰書屋詩卷下

木

淡巴菰和張漢張二首

異草形容藉筆端經營欲狀匠心難征人夜帳開
霜磧遊子寒林拂曉鞍氣味儼同薑桂辣網組可
似綺霞丹吾廬蕭寂渾無事手把瓊枝自倚欄
傳來佳種最稱奇不是閒情未許知晚向豆棚環
坐處偶揮松塵乍停時柳軒漫索陶公酒花院何
須橋叟棋惟有此君堪破悶匡牀睡起捲簾遲

九日寄懷榆村

仲蔚蓬蒿自昔聞昨來倒屣喜逢君相携北渚吟
初就無那西風袂又分楓葉含烟迷遠浦鴻聲帶

雨入寒雲重陽詎少杯中酒
顚上層臺對夕曛

秋日約友人南山采菊

層巒木葉帶霜飛正是秋深欲授衣
知有黃花高晚節誰臨翠壁惜芳菲
謝公濟勝情能遠彭澤閒吟興不違
共笑狂奴仍故態帽簷還帶冷香歸

聽友人彈琴

明月照廣庭邈然生遐想空山寂
無人流水自成

響

送別程瑞徵二首

談心每喜對銀缸把酒從知跡暫雙
別後空齋懸

桐陰書屋詩卷下

七

榻處雨聲依舊滴寒窓

離亭蟬噪晚風前且駐征鞍對別筵
最是何戡歌

欲罷愁人烟樹夕陽邊

夏日次棣園兄韻

芑字疎闌小院幽荷巾蕙帶足風流
遙峰忽送瀟

瀟雨梧竹蒼涼淡似秋

葡萄

翠帳扶疎帶曉風龍珠低亞綠雲叢
千秋感歎京

州守只在香醪一斛中

近村看杏花二首

十里紅香帶落暉朱陳村裏景依稀
風來遠岸新

鶯囀春滿芳郊乳燕飛

曲江春色劇堪憐杏葉纔紅二月天
陽白粥香催

黃酒嫩寒邨店晚風前

見桃花偶成

嬾漫心情感舊時閉門寂寂獨吟詩
東園昨夜廉

纖雨又放夭桃一兩枝

雨後曉起

長空漠漠斷雲孤院宇微涼氣候殊
曉色一簾人

乍起拾將松子炷銅鑪

桐陰書屋詩卷下

八

夜雨懷胡蘅洲二首

一段淒涼自不支懷人何日是歸期
半簾寒雨三

更後愁絕萍踪飄泊時

修篁壓砌兩三竿檻外濃花過雨殘
君去春深今

又夏向來新句與誰看

遊禹登山四絕句

尋幽策杖出城東古錦詩囊倩小童
靈境眼前行

不到秋烟漠漠翠微中

變幻晴陰萬壑殊天成秀色翠屏紆
巨然妙墨營

邱筆合寫烟樹入畫圖

澗複崗重翠靄分隔林樵唱遠初聞探奇已蠟登
山屐不川籃輿度白雲

歸途夕照半峰銜鳥語猿啼冷檜杉不盡壽天一
回首白雲如絮鎖空巖

重陽後海棠再花

紫綽高下綴新枝恰是橙黃橘綠時猶記春濃三
月半碧雞坊外與吟詩

湖村四詠

紫莖軟角到秋肥蘋末風生淡夕暉幾處歌聲隨
緩棹芙蓉浦外采菱歸

桐陰書屋詩卷下

九

涼露爲霜水氣清小橋蘆荻亂縱橫西風雁唳蕭
湘遠十里寒塘烟月明

簇簇秋光動水涯孤蒲相間映晴沙魚汀解舍斜
陽裏開遍晚風紅蓼花

斷雲孽絮野風涼擺極低垂水半塘昨日田塍微
雨過村南村北稻梗香

村行

平橋斜枕碧溪隈雲外秋深塞雁迴蕭瑟西風黃
葉路短衣烏帽跨驢來

賦得滿城風雨近重陽和公舒作三首

滿城風雨近重陽卽看茱萸綴晚霜租吏未來高
臥穩依依清夢入瀟湘

何處秋聲到草堂滿城風雨近重陽應知此際龍
山外水湧寒流萬壑長

浮雲暮色遠蒼蒼秋老柴門三徑涼黃菊低垂楓
欲落滿城風雨近重陽

耐冬花和張虛齋

凍雲合沓雁聲新想像高吟過小春徒倚閒闌修
竹外歲寒花對歲寒人

高唐道中

桐陰書屋詩卷下

十

野雲橫處馬蹄遙麥隴青青露未消行過深林村
路轉一溪春水綠楊橋

清明日濟陽道中

東風碧水野烟生山外微雲未放晴
不管又從客裏過清明

寄答高南村二首

太息塵籠事已違池塘夢斷久雷衣讀君詩句增
惆悵愁看鵲鴒湖上飛

雪中鴻爪感懷多過眼浮雲東逝波自愧平生邱
壑志向禽踪跡尙蹉跎

題畫

遠山蒼翠雨初收濃露宵零杜若洲秋在蒹葭最深處湖烟漠漠一扁舟

百花橋上聽鶯二首

三春佳氣遍春城春到橋頭春水生第一春光湖上好烟含春柳轉春鶯
散絲小雨霽芳朝駘蕩輕風動柳條斗酒雙柑何處醉閒來獨上百花橋

桂花二首

花開金粟最清幽坐久香從袂上浮綠竹碧梧相

柳陰書屋詩卷下

上

映處小庭風日近中秋

經年灌溉發幽姿秋露如珠八月時坐對西風憶招隱閒來愛唱小山詞

暮春集古歷亭二首

水上新萍綠罽成山光雲影亂縱橫晚來更向湖心去十里烟波候月生
鳧葵嫩葉漸抽芽湖面流香帶落花沙白橋紅殘照裏水南煙外有人家

題王禹臣詩卷二首

過盡浮雲感遇多春鵬秋蟀奈愁何知君壘塊難

消得獨放吟懷續九歌

此中端不合時宜坐對寒泉妙悟時一任笙箏競繁響靜中天籟有誰知

題張虛齋岱麓課子圖二首

紫芝瑤草帶晨霞卓犖觀書靜不譁石鼎泉香茶乍熟滿庭山色落松花
三觀晴光淨碧虛傳經常自念居諸諸郎他日聲華重曾向名山讀異書

桐隱書屋集二卷

山東巡撫
採進本

國朝朱崇勲撰崇勲字葵存號怡園歷城人其詩沿

新城末派清脫有餘而深厚不足

湖上草堂詩一卷

〔清〕朱崇道撰

山東大學圖書館藏清道光刻濟南朱氏詩

文集編本

附《四庫全書總目·湖上草堂

詩一卷》提要

湖上草堂詩

歷城朱崇道帶存

村居

微雲靜不流秋水涵茅屋深院積青苔四圍但古
木烟霞入膏盲峯巒照巾服門掩村巷深養閒愜
幽獨

夜坐南齋

朔風鳴廣野片月浸寒潭下簾坐遙夕擁爐瑣窻
南白玉餘塵柄黃金裝劒鐔潑灑傾越酒馨香擘
吳柑盆中老梅樹清瘦古意含對之洽幽賞婆娑

湖上草堂詩

興微酣移檠剪明燭抽毫開硯函竟此繭絲紙街
漏聲餽餽

喜雨行

火雲赫施燒晴空鳴蟬潛翳當軒桐手揮蒲葵坐
鬱悶蒸炊深饑憂爆爆忽然柱礎生潤澤天符晝
降龍王宮玉女投壺電流彩阿香推轂來相從馬
嘶龍吟一時集巽二得意吹清風寶瓶點滴不容
緩驟雨已落葶苈中斜侵簾額打窗紙急移書几
呼巴童須臾簷溜一行直喧騰衆響愁耳聾堂坳
不辨芥舟亂方池瀉水流奔湫芙蓉葉大珠破碎

離披花徑歛深紅古松參天柳垂地千章夏木煙
溟濛深村屏跡恰半月晦明變態嗟安窮人生所
遇無不可胡爲水炭交於胸濡毫聊以誌吾喜長
鏡刷藥隨園公

武定道中

望遠天連海襟懷未寂寥麥邊殘雪盡風外野雲
遙午飢牛歸柵長吟客瘦橋衝寒沽酒處村市晚
蕭蕭

晚眺

一雁語高空連山望不窮涼颺下衰柳秋色上丹

湖上草堂詩

楓人意孤雲外村客夕照中門前行飯好緩步石

橋東

客中五日

客思殊無賴終朝只閉門爲憐端午酒不是故園
樽艾葉向誰綠榴花空自繁離騷讀未了風雨又
黃昏

秋雨懷王公舒

無那連朝雨山雲晚更浮綠滋苔徑滑翠濕竹林
幽自笑嵇康懶遙憐宋玉愁盍簪殊未卜惆悵一
登樓

漫興

舌在惟耽飲心空不貯愁問緣佳客啟書愛故人
留老樹當窻合閒花覆砌幽西山餘爽氣拄笏日
悠悠

雨夜

少女風初至濃雲結晚陰雷車度隱隱雨脚立森
森暗覺荷香起應添竹徑深碧窻涼意入小酌發
長吟

寄懷景祁表兄

綽約花分萼綿蠻鳥弄聲湖山新節序風雨舊柴

湖上草堂詩

荆昔別渾無賴三年空復情素書託游鯉春思一

時生

新竹和張榆村

徑小黃苞聚廊迴碧玉攢自然能挺拔所得是清
寒漫說孤吟好曾無二仲看祇應著屐過同坐對
檀欒

牆角翠森森玲瓏結細陰未須誇勁節只是抱虛

心白板雙扉掩蒼苔一徑深從茲風雨夜高卧聽

龍吟

江村

十畝江邊宅端居事事幽花香熏蛺蝶跡駐蝸
牛寺近鐘聲度亭虛夕照浮門前秋水澗擬買釣
魚舟

江亭

爲愛澄江好誅茅結小亭畦分秔稻岸風合荻蘆
汀鷺下一行白山橫千疊青撫絃時送目飛鴈去
冥冥

咏蘭

叢蘭出閩國移植到茅堂貯以黃磁斗醜之白玉
腸紉來堪作佩坐久欲相忘縱使生幽谷無人亦

湖上草堂詩

四

自芳

黃岡

策馬陟黃岡崎嶇驛路長風前思煮石雲外欲呼
羊官柳年年老村帘處處香垂鞭十里近歸晚亦
無妨

早春至城北書所見

十里春風路肩輿緩緩行寒烟依樹澹餘雪傍山
明錯落蒲帆影喧豗水碓聲錦沙村景好時有野
禽鳴

溪行

散步平橋外盤紆一徑賒樵踪通澗底人影上蘆
花古寺逢殘碣遙峰帶晚霞溪風吹不定歸路峭
簷斜

閒適

投閒人境外終日不聞喧竹色淨懷抱菊香清夢
魂無絃琴掛壁新漉酒盈樽剝啄來村叟翻教笑
語繁

除架

蕭瑟驚秋晚天寒翠蔓枯掃除兼落葉寂寞剩高
梧院淨西風急庭空片月孤花時歡宴地回首一

湖上草堂詩

五

脚厨

早春寄懷景祁表兄

歲暮一分手滿天風雪寒離情殊未已古調向誰
彈絲亂難爲理盃深不可乾待君說懷抱惆悵早
梅殘

賦得秋夜聞鴈

賓鴻嘹唳白邊州聲落誰家織錦樓明月踈星天
路杳荻花楓葉水雲秋村村砧杵聲相續夜夜流
黃人自愁聞道征夫急防戍素書誰寄隴西頭

午睡

鳴蟬鬬雀故相喧老樹移陰壓短垣旋煮茶鑪湯
未沸纔拋書卷味猶存半窗竹雨瀟湘夢一段花
香蛺蝶園睡起清吟蕭散甚暮山蒼翠照柴門

晚過僧寺

蒲團借坐老僧家聽說浮生自有涯鏡裏鬚眉窺
幻相夢中勛業寄空花晨鐘暮鼓清蘭若甘露慈
雲護法華除却安心無別旨一甌聊試岷山茶

題山水圖

誰從尺幅傳丹青細霧輕烟望杳冥黃葉林深樵
徑轉紫苔花老寺門扃一行飛瀑垂銀練百丈懸

湖上草堂詩

六

屋削玉屏髣髴禹登山畔路涼秋時節記曾經

題畫冊四首

矮屋茆簷離四圍數家隣舍靜相依霜前木葉浮
秋色雲外巖巒冷翠微斜日晚風扶杖去小橋流
水抱琴歸繡江江畔行吟處好向圖中認是非
霞澹雲凝萬象幽江山勝蹟足行遊山中應有陶
潛宅江上寧無李白舟林樹著花香冉冉巢鳥舖
子語啾啾何當笠屐飄然去只把青錢掛杖頭
盤紆山徑散苔錢誰縛孤亭近樹邊似訝空中崩
怪石忽驚天外落飛泉禪扉靜閉金銀界方對微

分罷糧田樵客歸時村路杳夕陽隱隱草芊芊
興來獨往愛宵涼葭葦叢邊繫野航若有情時歌
款乃更無人處唱滄浪一輪月照魚龍窟萬里風
吹廣漠鄉醉倚孤篷不歸去仰看天際鴈南翔

雨中書事十六韻

驟雨落如麻烟深霧復遮殷雷鳴玉虎疾電走金
蛇銀竹森相映珠簾靜不譁梳翎憐翠鳥鼓腹認
青蛙窻引投巢燕牆緣負殼蝸垂楊俱旆旒叢篠
半欹斜破睡人方起催詩手欲叉躍蟬真有驗潛
蟻竟無差神女旗初展馮夷鼓又搥據鞍愁李靖
熄火怪藥巴蒙密勻拋菽縵紛亂撒沙浮漚生水
面懸溜動簷牙室小琴書潤樓虛眺望賒雜蔬隣
圃茂修黛遠山嘉沽酒橋差近持竿路未退會須
乘興去蓑笠上輕槎

明湖竹枝詞

半城烟水畫冥冥沽酒相逢歷下亭還棹小舟湖
裏去荷花紅白柳條青
佛山倒影入湖來湖上看山日幾迴欲問滌波橋
下路北門鎖鑰不會開
西湖南岸暗華橋半是菰蒲半柳條亭子問山樓

白雪碧霞宮外雨瀟瀟

七橋森森足烟波千頃清流送棹歌流向水門門外去浴兒飛鷺稻田多

春雪

驚風吹竹撼窻扉一夜春寒酒力微侵曉卷簾人乍起漫天錯認柳綿飛

曉鐘

殘月西墮天欲明遠寺近寺聞鐘聲喚迴枕上滄洲夢滿院霜風竹樹清

宿雄縣

清江雜錄

八

車解輕裝馬脫鞵黃公壚畔舊柴扉月波滿地風吹樹十里鄉關一夜歸

湖上草堂詩一卷 山東巡撫採進本

國朝朱崇道撰崇道字帶存崇敷弟也其詩如寒烟依樹澹餘雪傍山明樵聲通澗底人影上蘆花頗有思致然寥寥數篇不成卷帙

蠶桑樂府一卷

〔清〕沈炳震撰

北京圖書館藏清鈔本

附《四庫全書總目·蠶桑樂府

一卷》提要

蠶桑樂府

歸安沈炳震東甫氏著

護種

取舊年所布紙上子，以帕裹之，置薰籠中，一宿，謂之打色。蠶取貼于胸前，暖則活出。

○林間春鳥啼布穀，穀雨繞過蠶事促。蠶房紙牕照眼明，窗戶春光快晴燠。堂前老翁負朝陽，室中新婦罷曉妝。旋向牀頭理，種拂拭塵埃手。自奉東家昨夜

已打色，西隣擇吉日。今朝香羅包裹更連連，束成置之薰籠中。晏溫暖正明，由阿翁晚睡抱當胸。非開新婦好安眠，哺兒時復開胸前。阿翁慎莫驚，新婦樂織絹先奉父。

下蠶

蠶出率以穀雨為期，故諺云穀雨不藏蠶，與初生也。以桃葉火炙之，候其蠕蠕而食，然後以鵝毛刷于筐中，謂之

蠶生戢戢初如髮。隱約難窺出。復沒歷頭檢。取最吉。
方鋪簾。簾架金作鵝毛細意刷。更淨不新上猶。
留藏小姑持。較多今年定比去年好。阿翁獲持。
寒暖宜天公。加便溫。和早揮刀切葉快。如風細作熱。
條香氣濃。勻鋪簾面青。背背老翁旁。觀不復語。惟見。
眉間長柳。瓦盆有酒還醕。既醉嬰姍起獨舞。

采桑

桑之種不一。凡群桑初種。昏謂之桑秧。種三

年則可採矣。然必以家桑枝接之。不接則為
野桑。不中採也。雖有頭露二條。故亦目葉。
葉五頭。葉二葉云。二葉須老農善採者留其。
條為未歲生葉之地。若頭葉則盡採乃已。奈
時多禁忌。雖比戶不相往來。蓋風流久矣。
舍南舍北皆栽桑。千株萬株繞屋旁。奈多葉少且行。
盡南腰一枝還蒼蒼。明朝蠶食急。屋裏空虛已無葉。
還須更采早作計。莫待更深欺無繼。盈籠採得負荷。

和傷看。傷看。青成。堆姑。飼簾。心手。忙縱橫。簾。簾。鋪。
之。箇。忽。開。堂。前。兒。作。開。簾。裏。悲。號。正。難。料。提。燈。問。兒。
兒。不。言。出。見。紫。甚。盈。皆。翻。

飼簾

束。橐。為。砧。判。細。葉。如。樓。而。謹。飼。之。稍。飢。即。謂。
之。斷。然。勝。武。眠。與。連。枝。葉。凡。葉。患。其。燥。也。又。
患。其。燥。也。又。患。其。風。也。而。沙。霧。而。霧。也。以。此。
飼。桑。猶。有。傷。冷。則。僵。死。傷。熱。則。破。爛。如。

常焦所云者

初眠二眠。簾如毛。飼簾。以葉。嗟。勞。勤。辛。勤。半。月。簾。出。
大。帶。葉。連。枝。亦。可。小。時。食。葉。葉。須。乾。露。中。未。得。當。風。
懸。大。眠。餉。後。葉。可。濕。清。泉。細。灑。明。珠。圓。葉。乾。葉。濕。簾。
各有宜。第一難防。侵曉。曉。和。黑。雲。忽。四。布。明。朝。起。
是。漫。天。霧。臨。臨。自。如。翻。曉。曉。結。伴。提。燈。連。夜。剪。我。儂。
和。苦。自。知。隨。人。更。復。加。黃。如。

捉眠

蠶將眠不勤食曰紅嬾思蜂亦曰攬思言口中吐絲也朝見則眠眠矣自初眠二眠約半月至三眠為出火後再眠曰大眠其曰食壤者言他蠶盡眠而此猶食葉也曰壤者言既眠而起也又有持熟而先欲作繭者曰繅

刻就中一勞休憐唯箇層臺餐于端此是儂家布
世和分箇合計近十分今年強花勝比隣室中
應中靈心動和畢觀鳴柳獨自倚燈照起嬌
餉蘇

凡食眼起初食曰餉。
春帷看春盡起求食紛紛曲薄翼。青膏求得新葉歸綠枝食葉疾飛手須臾連蓬食更盡從頭添葉寧。

今觀餉套初了到門前偶值隣姑來葉還問道和頭
節大如口端有無石端錢和家西衣去罷西家新
婦耳無環歸來絮語問夫婿細數僕家套葉計不慈
葉少便散就留得銀飯衣塵盤

育在以筐計大約以初下種處八分爲一筐
塵山大天賦則奈欲老而筐不勝盛于是擇
地蒔蘆蔕而散葉其上如在筐中時

大眼雞身已似搗攪頭一簇塵不起農家無吏管無
箇地舖亦勢粒已獨情室中如席大碗統着金面
可如婦姑話話屋頭飲飯相和無金前位今歲
作學堂抱書來諫諫家即先生據堂日鳥坐環外弟
子分兩行若使堂空散學徒那愁無地可平鋪金如
屋如無着處佛講先知鬼知

燒山棚

室中架巨木敷蘆簾去簾尺許以細竹結為

方孔各尺許所以架草作繭口花格竹
春春將老先縛棚簾簾結束如砥平週遭倚牆架巨
和縱橫更列花格竹不留遺地通性來儘飲大小依
儀屋地下簾簾上作棚底如葉嚙嚼環朝來吞食更
憐憫簾空加涼無餘脚和流初早故多暇隔簾問訊
相慰撫僕在明早見繭娘和苗還抑是令夜

架草

歲年得如帚長尺許倒植于簾上竹間所以

便柔作繭也

去年田好收成有米冬春尚餘和乎頭剪裁一例
齊留待今年作套草山棚墜半已搭就次第棚間謀
結構不疏不密整後種不縱不橫還知如短長錯綜
如大如離故拉雜何紛絮自從春寒不復開前村後
村斷往還隣翁杖頭掛青錢携杖入門笑且言君
家稻畦如屋廊應有留餘餘待索細我家無田那得
此有買豈復論錢刀所藉相鄉徑相和何必區區分

尔如呼兒負鉤所籍家金忙眠留寐茶

上山

絲娘不眠不食口中吐絲絲娘至脰節間坐
徹無聲色乃移置山棚一二日皆上山矣
吐絲絲繞全已熟呼兒女就地捉兒男上山據巨
和全盛于盤運陸續先周四角後中央高低分布皆
成行山頭盡盡草窠僕緣已見輸毫芒今年春好
十培過山棚逼仄可奈何不悲今日相攢緊聚但恐

米蘭同功入上熟和日在山門前人語忽忽
敲鉦擊鼓開陣南南竹枝青烟兒童誦詩齊和
先出門四上新月懸升山白當還當天

條火

春溫溫和偶天氣薄寒即薪炭野山棚下曰
捺火亦曰灼山先是有鳥鳴如曰葉貴了至
是又有鳴者曰灼山看火意仙似相警者然
不獨飛鳥能言抑物類之相感如此際果割

七易二切

山頭作前聲唧唧棚底瓦盆大烈烈積薪投炭當風
 新掀勝暖氣如炙熱抽毫布繭絲不絕羅列輝輝萬
 點點隨風飛繞舞流螢茅檐打頭絕低小且為汲水
 高建瓴今年深青錢不足絮被典盡更質禱三春餘
 寒風破肉起暖還來棚下宿欠伸睡思未全那看火
 春禽叫屋上滿山如雪昨夜添繁鬆一望盡埋火
 采蘭

湖注小品七日而采蘭曰落山。大眠後稱
 得一觔為一筐率收蘭一觔為一分以十二
 分為中平過則利不及則失利
 山棚白蘭蓮行淺高下紛紛綴無數舉頭一望成雪
 山下薄仰頭垂玉樹光明潔淨堅且圓如珠纍纍相
 駢聯湧誇圖客蘭瓊但願套好還年年婦姑兒女齊
 共采一箇筐問色雖雖大筐小筐無非佳味登架環
 如城老翁抱孫甥相評從頭一一計量輕少焉和盡

上櫛櫛與箱所揣錄而多御手自認老眼明

擇蘭

蘭之類亦不一有兩套共成一蘭而結亂者
 曰同以蘭蘭被汗而結裏故擇棄之者為推
 出蘭同垂成而套死者為烏頭蘭全口有傷
 而不能為然者為綿蘭結處不中纖染乃別
 縑之以為然縑

當前作縑然車室中擇蘭煩隣家同功推各裁

別綿蘭烏頭喜盡絕更留黃蘭作絲縑餘外一色真
 如雪飼套嗜兒日夜忙一覺安眠罕可望今朝擇蘭
 方靜坐情睡思正初長不足隔姑言語妙那得滿
 開同一笑更憶步時除急風光去右馳馬已
 有嬌嬈如偷眼還將白蘭恥剪虎鏤花過端干

縑絲

先取蘭暴日中三日晾蘭然後入鍋動熱車
 有頭套二套然頭套為上細而白者謂之合

羅稍歲者謂之串五又歲者謂之肥光
雷西吳里語

汲水然新荷青繅車挂動風雷轉轟轟一刻二百
迴旋風莫及奔車繅絲又打繭水百沸提起然頭正
無所從繅即更繅來萬緒千頭數語插秧車水
水更加新婦繅色勝銀流家戲語姑勿真傳聞而
兩近辰絲成繅白且長與姑我作嫁衣如五絢如
繅雙為記儂子若無想忘

剝繭

中頃俗謂之繅亦見著作堂集。繅絲未盡

繅絲繅繭如紙水面浮沉緒難理上堪去繭剝為
綿留待三冬作絮被極田已了夏日長婦姑繅陰
同追涼還將於繭紐作線織成繭帛裁免可憐農
家無長物天寒屋破風呼所賣然得錢納官租大綿
平準債私通獨熈軟繭質地龜素置不

作綿

同功推出皆不中為然者以之作綿
須于晴日遇陰雨則綿不速乾而結
繅絲剝繭事已了煮繭作綿須及早黃梅風雨
有趁此風光正晴吳瓦盆盛水滿漬綿竹架攀環比
月圓學頭帶水施架工潔淨如紙當風懸門前播聲
黃犬咋隔窗知是買然客今年全好然倍多儂然待
價不輕擲况高田麥有秋冬春未動困如如與愁

楊多科派遇能印功綿可嘉

生蛾

大眠起先擇種蚕倍與之食故作繭亦異地
繭成貯筐筥中越日乃破而出相相然
大眠已過衣舖地揀取種至貯筐筥溫教食葉不復
新珍重特與他蚕異果然作繭大且厚白雪作團爭
無垢蠕蠕已知繭欲化相相又見蛾出四堆堆
自成雙長身窈窕疏眉龐龐翹粉點明紅

見軀膝細觀物理三歎同是金何加擇可憐
命此錫馬額馬焦頭更誰惜

布子

用桑皮紙每方廣尺許為一幅引蛾布子其
上鄉人謂之桑種紙生子後小兒引置水盆
施椅而遊視曰阿蛾轉圓圓今年去了來明
年

刻藤一幅潔且光農家亦復勤技藝引蛾著紙密生

稱易得或作非難得

子紛紛瑣碎何可量眼者粒粒細于粟心又應知十
萬萬莫言此貨稱得即便豐年勝珠玉蛾兒生子旋
棄捐翻飛又引有兒歸盆中盛水臨臨開盆盆物視
轉圓圓阿蛾去了來明年柏和一口盆盆翻

相種

桑蛾布子參差不齊村娘以相種為業者尤
種之斜整疏密擬其形似撰為設語以告
相欺誰曾無中也

蛾生桑子鋪重魚綴紛紛尋無蹤誰能于此辨疏
何况從之定吉山前村老娘口懸河家相種工端
厚強弄形似相髣髴約畧推求多荒忽斜行如葉復
如花園轉成錢更成月就中一幅勢如龍蜿蜒天喬
下碧空誠哉天造非人工此圖最吉餘難同無端桑
紙成卦繇世俗荒唐那可究石佛樞馬輟相士御或
知之肥與瘦

賽神

俗呼桑符姑一姑把金則葉賤二姑把金則
葉貴三姑把金則條則賤而吳興常故集
引蜀郡圖經曰九宮仙姑者蓋本之列仙通
記所謂馬頭娘今佛寺中亦有塑像婦歸而
乘馬稱馬鳴玉菩薩鄉人多祀之

今年把金值二姑如葉賤貴賤相懸珠像家幸未食
貴樂惟姑所祝誠難誦指頭爛熟粉餅食香新蜀茅
葉吹黃濕馬燒燐燭光輝燭大男小女拜謁堂前

恍錢神喜悅。僂倭送神脯。酒撒團團。生身神餘。
 肉硬餅堆盤。外老翁飽生春風。小兒快活。舞如。
 酒餅已盤盤。已空堂前屏當遠。多如狸奴。不服。對捕。
 鼠。勝有魚頭。却發汝。

養慈行
 南村老要頭。以雪曉傍墻陰。米桑葉。我其野。偶見之。試問春寒。
 何日結老。婆。手。溪。低。局。未。足。四。眼。那。得。知。自。從。然。上。瑞。青。子。朝。
 夕。饑。餓。如。嬰。危。只。今。上。簋。十。日。許。食。葉。如。風。响。如。雨。夜。深。人。靜。不。
 敢。眠。自。繞。床。頭。巡。飢。鼠。又。聞。野。索。能。相。使。典。衣。買。紙。燒。靈。神。一。家。
 心。在。陰。雨。裏。只。飛。葉。濕。絲。難。知。明。朝。滿。簇。收。銀。滿。車。車。聲。快。
 如。剪。小。姑。促。滿。娘。刺。紉。婦。始。覺。雙。眉。展。綠。成。白。雪。不。敢。開。錦。上。
 織。成。雙。鳳。圖。天。寒。尺。寸。不。敢。著。盡。與。乃。翁。輸。縣。官。君。不。見。下。
 免。婦。如。水。在。羅。綺。我。曹。幸。苦。徒。而。耳。依。倚。續。麻。冬。日。裡。



蠶桑樂府一卷 江西巡撫 採進本

國朝沈炳震撰。炳震有九經辨字。瀟蒙已著錄。此乃
 其增默齋詩集之一種。自護種至賽神。凡二十首。
 皆七言長句。蓋欲以當蠶畢報賽之曲也。

無悔齋集十五卷附錄一卷

〔清〕周京撰

浙江圖書館藏清乾隆刻本

附《四庫全書總目·無悔齋集

十五卷》提要

往時乙未丙申間予輩數人爲文字之會暇卽相與賦詩爲樂酒闌燈地逸韻橫飛必推周兄穆門爲首唱穆門詩主氣格以豪健爲尚淋漓排弄一座盡傾詩成每擊節自歌淵淵聲若出金石予輩亦從而和之少年氣盛曾不知老之將至也未幾各以事散去穆門方且臨易水上金臺久之無所遇遂走秦晉之郊極乎河湟關塞而止天時之明晦山川之險易人事之變遷皆於詩發之其豪也根於理其健也閱乎境岑杜儲王之遺響若去人不遠進而廢歌二雅頌揚清廟亦復何讓而穆門終以不遇歸偃乎家巷以歿豈非識曲聽真者寡歟晚與予輩放浪湖山結吟社有句云野鷗導我有閑意新柳笑人成老夫此其胸中豈有纖毫流俗者哉後世誦之可以想見穆門之爲人也今嗣宸望以遺棄屬予點定因畧爲汰其什之二三鏤板以行者故人舒明府雲亭友誼足不朽云乾隆壬申清明後二日樊榭居士厲鶚

憶歲丙辰余從舅氏齋中讀先生詩清臞越俗卽心契其
爲人而各以事牽未獲謀而閱數歲余承乏桐鄉縣令以
公事至會城時會城諸公招余修禊湖上因得與先生觴
詠竟日一抒其鬱積先生色和而言溫行方而內直旣托
末契繆以余爲知音因得盡讀其所爲詩覺眉山劒南風
格去人不遠自爾文酒之會山澤之游余或以餘閒幸陪
諸公輒與先生接對靡閒余丁內艱歸京師札翰之往來
勤拳未已迨補官山陰自念距會城尤近克數晨夕而先
生遽歸道山矣慨念前緒用編校其遺集以付剞劂自昔
有讀其詩慕其人不得見至鑄金事之者今余與先生因
緣會遇可不謂厚幸而勝侶靡常清歡難繼則又事之多
無悔齋集序

違今昔所同感也先生往矣音塵未沫余猶得于篇中髣
髴遇之乾隆辛未九秋望敬舒瞻頓首撰

二十年稽阮之遊頤成長別十五卷應劉之集便是遺文
淚已頻沾那可更聽流水字能不減還將副在名山是其
神助之工奚假佛頭之著顧幸來舊雨同時定敬禮之文
佇見從風傳後信桓譚之說僕則數晨星之落山人遊山
河當夜雨之瀟瀟歌傳金石旣傷宿草又羨生花情一往
而彌深序數行而易已惟君德蘊黃波才蒸楚澤每傾樽
於靖節句有神來比畫壁於昌齡紙令價貴蓋本藝苑之
鴻儒作詞壇之宿老而又東西南北攬高山深水之奇動
靜方圓鮮利鎖名疆之縛宜爾吹竽鼓瑟未免有情至於
咏鶯吟鷓鴣翻無悔也嗟乎盡披細帙豈惟佳在江楓若
俾鼓吹定可吟成池風乃半生奄忽中壽消沈爲稱名士
無悔齋集序

翻見外于孫山坐使才人待請封于端已名都生而延枚
斐到處逢迎呼張丈而喚殷兄依然閒散空憶幾年羣聚
題詩闋酒爲多而今一卷長閒勝地盛筵不再僕交比陳
琴之後敢云兄事十年君愛如高惠之思幾欲夢遊半路
有無相共公瑾非奇終始勿渝元全可再則是序平生于
孟浩便欲邀南浦之魂矧當獲遺棄于林逋自更感西州
之慟至于班香宋艷飽逸夷清論人孰辨三唐列序宜升
上品似鏗佳句不患無工部之評修禊高吟奚待贊右軍
之序嗚呼月分碧落尚係愁思人返道山倍增別恨爲問
長天秋水王予安復魂唱幾聯豈知絕雨平雲皇甫謐已
情逾千尺同里施安拜撰

無悔齋詩集目錄

- 卷一 古今體詩五十首
卷二 古今體詩六十三首
卷三 古今體詩五十七首
卷四 古今體詩四十一首
卷五 古今體詩四十六首
卷六 古今體詩六十七首
卷七 古今體詩一百五首
卷八 古今體詩五十二首
卷九 古今體詩五十六首
卷十 古今體詩五十首
卷十一 古今體詩六十五首
卷十二 古今體詩五十四首
卷十三 古今體詩五十八首
卷十四 古今體詩五十四首
卷十五 古今體詩五十六首
附錄傳畧行狀誌銘輓章展墓諸作

男宸望
姪兆驚
校字

無悔齋集卷一

江干 戊子

清江白月照人顏
船尾風燈香霧閒
夜發錢唐三十里
明朝應失越州山

雨過富春江

富春江上盪輕舟
城角回看第一樓
向午炊烟飛不起
漫天春雨濕船頭

桐君山

桐君溪水碧琉璃
山翠玲瓏倒影移
何日迴颿山下住
合江亭上聽黃鸝

七里灘

舟人理篙枻客夢破篷底
閒叫畫眉清響落溪水推篷
漏晨曦目攝翠嶺紫高岸
雲綿連淺渚殺迤邐帆腳轉綠
曲折入深翠裏忽復前峯遮
去路渺難指四山青瑤瑤一
水碧瑜珥寒泉淪茗薜芳岸
馥蘭芷淨若奩鏡開朗見碧
巖美巖花炫餘紅新粧照羅綺
山風吹淪漪波面散文理
踏澗沒雙蹠白石數齒齒
齒弄水掬游魚潑潑寸魴鯉網罟
臨清深沙尾集漁市燒竹供
朝炊船烟生繼繼扣舷歌滄
浪格磔溪鳬起心神初蕭閒
頗覺茲遊喜

過嚴先生釣臺

釣臺大石臨清江
釣竿娟娟絲綸長
清江白石下垂釣
釣

臺舊石還青蒼故人不識詔官祿五月羊裘想高躅功名
富貴安足論萬古千秋一竿竹舟行瀧口剛昏黃江盤峽
東迴風檣延緣打槳著沙水水風激蕩吹衣裳孤燈照影
篷底伏夜色蒼涼轉清熟懸岸亂荻葦叢鄰船人語喧
江曲五更篙石爭前灘客子曉起推篷看星光磊落落灘
水遶船灑灑難聲寒

早發篁步

侵曉發篁步篷窗初日生晴雲分嶺白獨樹倚江清氣暖
鷗鷺樂心閒槳棹輕時平村落靜綠岸看春耕

湖口謁張睢陽廟

古殿臨湖口蕭條桐樹林青燐寒冱冱社鼓墮春陰喋血

無悔齋集卷一

二

空雨碧愁雲尚苦深千秋涼月夜橫笛有知音

寄弟是諫川東坡寄子山得告不赴商州韻

驅飢無術苦相商直爲飢驅雁隔行孤館乍來宵夢短荒
江翻覺旅愁長晨昏賴汝安親舍風雨憐吾滯異鄉莫漫
寄書常慰藉不才何復論行藏

江海浮沈只自知人寰何處不喧卑鵲冠初服償身世青
鏡流年感髮冠奇福每緣親善飯好懷常慰弟相師草堂
安放閒軀健醒夢縈縈亦少差

蕲溪道中

來往蕲溪數過船炊烟青山屋山前無人爲餉東蓓黍密
雨空林叫杜鵑

晚泊五龜岩

朝揚章江舸夕擊五龜汰墜日如車輪芒角射襟帶倚欄
殘霞隅放艇冥天外遠覺莽氣侵波光生曉霧微風獵獵
蒲菰蛙聒清瀨夜深大魚出奔竄觸篷蓋澄懷寡所營一
覺眇衆類

交友已止

時常頽瀾溢詎得心願開招重以仕進不復相疑猜文辭
尚巧利異學爭喧喧誰以道相攀躋德甘蒿萊君子守其
常吾人匪枵材願今脫塵帛挾冊臨高臺慎勿羨華盛悵
望徒心灰

弔孫爰裔先生

無悔齋集卷一

三

先生惇樸出皇古南北車牛走服賈經生事業三倍良強
半銀黃結腰組宰相不外利濟人公卿乞兒誰賤貧存心
于物苟得實有位無位殊其名人生讀書貴適用大義權
衡兩輕重用財不媿仁者行受財亦應媿清俸憶昔初登
先生堂規模氣象何恢張接交賢子祖惇樸父風步武其
光昌先生已歿歸山王墓表屹立稱監州長松翠柏各千
尺蔥蔥鬱鬱佳城幽西河先生族同里傳誌有託爲徵復
由來大隱在市朝東國人倫得不死

竹米歎

已丑六月之中旬傳聞竹米紛千困沿勝斗斛若米價會
須一療飢虛人籍籍爭看盈把握長腰細粒如提削云本

徑寸垂珎玕黑黍黃粱雜相錯亦用確春去騁膚軟滑如
稊高梗徐撐腸柱腹不克飽蒸浮徒說雕朝備會開益州
不足異江浙微荒衆驚悸一年大旱苗稼枯一年大水少
賄奪今年正復心皇皇一年倍食三年蠲流民滿野步願
蹟鳩形鵠面兒扶孺囑言竹米是荒兆愁聲怨氣同癡狂
人心祇此真不定那能乞取安心方吁嗟乎那能乞取安
心方不使大衆心勿徨

宗陽宮

南宋故宮也

高宗皇帝舊田宅寶玦王孫歸路隔奸桎高門受地開王
根邸第居然闢十二年閒死骨寒望中王氣已摧殘泥淖
壞牆題溼壁腥腥聞提鼻不堪看有君養老曾來此鐵風銅

無悔齋集卷一

四

駝宮殿起飛來石上莓苔青宮景園中榆莢紫玉樹金溝
太液池芙蓉開徧晚涼颺兩宮勦雪終辭日北內薰風初
拂時此日相傳孝皇帝朝省年年不曾廢瑤笙鈿瑟隔江
聞萬戶千門秋月霽再傳南內不來朝通明殿上門常閉
壽皇寂寞聚遠樓何異頻年沙漠繫度宗初立上皇死帳
殿塵封桃李徒惟有宮前一樹垂萬年枝上兩鶯悲還有
牆頭千筍竹森森歲久卻成帷轉眼神州起暗塵彌天一
望血風腥依稀還記文丞相猶駐殘兵衛禁庭秀人抱帝
已滿奔宮女如雲出殿門雞飛上屋狗鍊鍊呼老存聲滅
眼昏六陵蒼蒼寒宰木眼見神州已沈陸尚有淒清是故
宮池臺不改舊時容捨宮指是前朝事誰說瑤臺第一重

景陽樓上不聞鐘法鼓沈沈春殿空老子官中簾寂寂天
親堂外柏童童茅山道士仙都客突起蓬萊舊官闕當時
猶有趙王孫登瀛欄畔豐碑兀閱歷從今五百年滄桑陵
谷兩茫茫然臨安舊事重提起有客襟衣淚暗懸相將傍晚
暮斷碣官殿重重金鎖揭晶熒燈火閃搖搖閣上琉璃虛
夜徹玉女窗開風乍來臺前竹栢爭摩切瓊樓瑤殿匆匆
別雲海茫茫洞天沒宋家官闕已成塵回首青燐多戰骨
歸來霖雨溼人行猶聽朝元鐘鼓聲顯節陵原官裏設道
君不辨故神京報國寺前芳草萎宗陽宮內金庭圯芙蓉
太液不畱根剩有新宮橋下水

遷宅

無悔齋集卷一

五

爲避吾廬近市喧擇鄰初賴有深垣三間老屋才安瓦一
樹寒梅足小園魚菰祇餘供淡飯茶瓜聊願佐清尊從今
差得親親意庭榭寬闊一笑溫

上元

庚寅

溼雪寒梅冷上元市門燈火不教喧兒童莫訝笙歌歇父
老先將豐歉論村舍那能消白日豪家猶自鬧黃昏三年
水旱憂難釋盼殺明朝是早暾

贈江都高孝廉

抑塞磊落高凡夫人前拔劍常斫呼奇才已老不得用十
年五年淹帝都帝都淹老不得用三十從軍絕絃誦鞭牛
策馬走漠南大箭長弓勦驚衆苦寒大雪蔥嶺下橫刀夜

枕獸糧馬鐵衣雪積不見人鬚上堅冰正盈把歸來戰功
君不知叩關直致排仗儀折着捐齒不復顧東望老母常
嗟咨今年忽復來杭州春風寒雨還淹留詩卷不將卑老
說民生國是恣煎憂相逢願結疎狂僭斬蛟射虎西封侯
四十功名未白頭風塵莫笑空悠悠

釣絲

膩香翠篠粉離離縛取新縑白練絲碧沼影沈殘雨歇寒
塘風定暮烟垂不嫌荇藻黏常小耐可蜻蜒立幾時最是
春來楊柳岸一痕輕颺水淪漪

南湖

江南四月鱗魚節新水南湖潑天發菱絲蘋蔓滿湖生菰

無悔齋集卷一

太

蒲無邊半沈沒扁舟卻繫城東樹小雨迷濛濕城路買魚
沽酒復歸舟轉櫓來看浴鵝水長湖南分外清人家垂
柳碧盈盈榜人指說模糊處此是南湖一片明舟行正向
烟雨裏水碧蒲青翠交倚簷篷密雨復嘈嘈望裏樓臺隔
簾底柳枝拂雨打船頭岸滑苔深一徑兩烟雨樓前正烟
雨吳兒洲渚是仙遊年年細雨節逢秋水而菱生蕩槳收
菱殺採菱湖上女吳歌閒並採菱舟

汪致齋徐源長同遊黃山歸微序于余復記以詩

爲有探奇願天門頂上遊人從峯外出泉向洞中流霧滿
俄驚海衣涼忽入秋黃精偏採得拾此又何求

渡揚子

細雨春朝密中流薄浪開片帆天闊遠拳石水潑洄沙尾
金壇出城頭鐵甕來何時大白在獨上妙高臺

邗溝

邗溝城下古邗溝萬樹垂楊背郭幽無那箏弦沈暮靄是
誰臺樹俯明流吳王故國看渠水楊帝行宮認古正二十
四橋虛夜月教人何處說揚州

太白樓

太白樓高接帝京浮雲岱岳不分明天空草色連平野水
暗河流遠郡城西望長安還見日東游滄海已騎鯨多情
賀監樓前酒漫浪於今尚得名

登太白樓

無悔齋集卷一

七

杜甫燕西李白樓杜詩齊魯已全收城連碧草渾無際人
在青雲最上頭詩卷長留天地闊金尊消得古今愁登臨
下視南池柳二老風流說未休

南池

今古南池上樓邊酒一杯城隅覆細柳溝水映清槐幽鳥
時相過荒碑已半摧青蓮舊相憶誰掉客船迴

兗州城樓

汶水東來大浮光遶郭明春深古任國花滿舊樊城泰岱
賸彌極青徐望已平爲經鄒魯地只自媿儒生出兗州

雙穗行

爲范端溪先生作

漢時循吏多異政大半殺賊如掃毛和平致福導時美惟

有長者徵心勢今年安平風雨順十五日苗齊腰大麥
小麥當路積粟積穀如人高中有泉縫發雙穗一莖兩
絡垂珠條黃雲萬頃壓平野氣盛自爾蒸奇苞傳稱三
下車始前年初政莅害苗昨歲復受大吏使撲蝗境外無
寧朝卻喜飛蝗絕不入凡其或或盈垌郊今秋更復禾稼
盛侯來正得安吾曹余也作詩并規祝願侯念民常敷敷
得天可恃亦可畏寸心慎莫忘持操生祥下瑞能自致讀
書不愧高虞陶坐令一幸天下事康濟四海成豐饒

十月十日大雪舉歐公禁體物語律即用東坡韻

庭前老槐禿無葉十月茫茫行大雪餓鴉候作當風斜
雀無聲衆喧絕須臾階滿屋瓦平弱植枯枝半摧折炊烟

無悔齋集卷一

八

帶渾烘蒸微村路田塍凸凹滅誰家宿麥堆連雲飯飽關
門不教掣平臍卯酒常昏醉後光搖眩生頰安平野客
寒無裘食飽罪罪看亂屑驚心一雪已成臘萬點玲瓏供
一瞥麗緒大布將生涯冷暖流光不須說杜陵野老破布
衾惡臥還憂冷似鐵

歲庚寅客冀州安平得述懷詩十四首

童蒙癩失學忽過三十年述古淪真語濟用類因緣已忘
根株實徒懷歲月還猶廻旦晚雁勿廿初願捐遺經兀尚
在求知日拳拳

憶昔十五六始願在讀書聽講聖人學心懽爲不虛知是
古今人所學都相如不意稍入世微覺人人殊自慚行不

立刻苦思獨除其具躬行難言與志不舒頗覺聖人學欲
論常踴躍

三頃田豈易飢寒迫其身貧苦雖不卹所卹學無成自念
老親老淡飯無常珍有時鹽米乏時累憂親心促促終日
閒管營惟苦食那得務學時寬然恣尋論所以元許衡讀
書曰治生

苟徒謀粥飯便是瘵天祿爲儒既不耕又不儕賈嗟夫
石隱者尚且塗體足我生一何慙獨思飽廩粟只此希微
忱清夜常鹿鹿

自笑渺然身懷此萬古愁局局衡茅下恍思義農游一身
且不遂適爲民物憂

無悔齋集卷一

九

民物殊不愛憂樂得自由于已苟無累亦遂淳熙游上堂
問歡喜下堂不相猶妻孥共怨咨結交好朋儕肉帛老人
安茹養兒童柔難大自鳴呼草木日鬱稠桑麻亂凡田
時碧油油秩秩生事理悠悠四運周仰此其復樂吾行又
何求

心想市一裘歸以溫老母天寒道路長差溫囊空有有弟
家書來云是我好友東里孫氏子念母獨良厚方冬致純
綿奇溫釋重負感歎良友生千里載拜手古道照心顏仁
栗魏馬走

回念向年時吾父頗強飯商脫嗜長肉爛老乃可嚙旦晚
菰菹飽供食少貳膳暇裘三十年見之淚如飯常此食舍

肉蒸豚亦空薦有親不能發五內日戰戰

昔有柱下史元言無始終又有漆園生論道高鴻蒙雖云
著理趣徒自述虛空託學豈不捷失卻大化功篇志向吾
道望望何能窮

先年吾伯父嗜易撰象義辨說已流播全書尚有待嗣將
補河圖卒此讀易志惘惘遺書燬會不畱片字先人太常
公清詩寶市肆且有中翰公隨稿亦灰棄又有尚書公易
得舊碑誌時于霍林譜一則讀書事方將搜遺書一一泣
而識

先集懼散亂次第檢遺刻行義魂前人何以述祖德乃思
東尚橋居第還赫翁逝將歸井里翦除墓門棘束冠入祠
廟更厚宗黨繼庶畢吾父忱幽鬼得取還

有弟頗好書學喜追古昔論太極圖素守此晨夕張鈺
每劇談昏漏接朝赫相與道義緣樞機妙通釋他日對絕
林涼風理書策

讀盡萬卷書行盡萬里路胸中江湖寬眼底岸夢露昨年
游豫州山川資靜悟照影立清潭輸與開鴨驚今年亂黃
河晴日開朝渡奔豚濁浪翻令我生怖怒此惟西北行乃
以異趾步如其畢力書不知且何遇

人生苦羈縲物理難逆慮萬化隨時遷吾生亦任遇惟敦
讀書懷外此無奢慕閒居修養親下澤慰情懷永保樸野
姿時以善自務讀書終此生安之本若素

內人走馬歌

燕南趙北多佳人珠鞭玉勒霜蹄勻春風妙舞看不足重
來走馬層城陰城陰沙軟馬蹄滑翠袖龍鞭怕遮額杏子
中單白縠襦鏗跨纖彎似初月初來馬上調金轡從容約
束腰支微羅帶揭起帶帶緞翻身撲馬相追飛馬飛撥叱
如電捷空鞍不見心掉赫踴狙伏鐙佯墜鞍馬過騰空反
驚突騰空上馬抱鞍橋旋整雲鬢再束腰放鞍安閒重綏
轡玉顏如頰上紅潮揚鞭復縱恣輕矯側立跑空疾如鳥
新粧炫服紛離披倒伏參天腳尖小飄然下馬驚游龍桃
花楊柳拋春風吳宮芳草成陳跡不數當年妙舞工

汪生潭二十生日作詩示之

汝抱清臍質亦得天地腴耳目資便利幸不戕生初我生
頗拙直早與憂患居私向道爲守衣食于其途適與子相
決暮驚還朝備朝講聖人學慕讀聖人書爾我率事廢忽
忽淪居諸我復舍子去遠驅都門車念之傷心神惟以慰
須臾我以老母託諸諾終區區書來三五通通通情懷殊
報曰老母安用紆遠人虞書中常自媿功業怠而疎云與
吾弟處日久借留舍又有金友生論學窮根株頗得如蘭
樂曰追聖賢徒不辜大人望令德相匡扶今年年二十匪
勉懷良圖此生倏爾時過服成空虛自是修名立速化匪
蠹魚日已內顧懼嬾慢頽頽吾努力希前哲尚弗甘鄙夫
況子後生畏心徑深耕鋤吾爲女祝規持此盛年餘永言

不失故相將樂田廬

曾南豐齊州冬夜詩有清香一榻種稊煖淡月千門

霽松寒之句因所霽松花卽用寒字韻

霽松花開萬葉乾曉來晴日照團團園林到處瓊枝艷樓閣誰家玉樹寒簾外微風飄自落馬頭殘霧散猶攬江南此日應飛雪絕勝疎梅雪裏看

消寒集賦煖盤用石鼎韻

輿作暖寒會暖思南烹隴然鼎形儻爾漸流聲火齊諳大寶鼎實從元亨雖乏老饕恥頗有淳熬驚七箸供蒸浮鑪冶嗟堅貞遂使蠅蚓竅遁成楚漢爭小言脉脈鼠大笑絕冠纓有斗不可提覆餗誰能不苟無虬珠頰空長飽

無悔齋集卷一

主

瓜萌數噉沾泥低審歡澁液傾何須因而熱不用澄之清自持平砥帖奚患敲器盈坎離既濟洽頗需養正成浙浙張戶澤烟烟山丁晴朔中正煖炳鉉耳相楮揆佐以煖玉瑛配以寒石錯飲如灌蒲厄食若填巨坑歌可諧擊缶智豈徒挈罍水火喜可掬黼黻謗堪擊罔不鄙肉食亦不羞菜羹開闔縱云易鑄冶匪曰輕儉明篋篋飭重脩黍稷盛然似烈膽壯嘔等便腹橫早快寒眼嚼塞免飢腸鳴媿我醢醬制莫展豚肩誠顧我蒸芼對詎忘雞臠情當此斟酌管那勝慙感非宜鑒炙手近更慎謀身呈待溫張輝輝發髣髴鈔錄彼夫瑚璉質本屬俎豆名視此金錫姿還同版版豈不值寒涼節焉知絮劑精風氣苦戚業是物剛施行

人日病 辛卯

人日與穀日日輪亦朝華占人少疾病占穀滿籌車爲天免民詛好德生無涯夫我何太苦抱病獨客墜當茲歲物豈人情願紛華我殊不欲食兀兀如怒蛙有鳥依我寂啄粟飲餘茶向晚孤燈燭風震門屏諱謝汝來坐隅啜噉還梳爬夜靜我隱几汝亦同棲我目與頭拳藏似宿寒溪沙人禽兩闕若意坐太古樓願與共此夕冥漠無懷邪人健食好穀分他母替呀爾我各自在樂此生年遐

安肅菜

南平無嘉魚安肅有美菜蒼生苗菜莖怒發恣破塊土膏甘中過霜雪飽外內絕少魚子炊頗多蘆菹配枯藕作夏

無悔齋集卷一

主

菜椒蒟蒻細碎語云咬菜根常凜百事海安得王參軍半畝自漚漚終年足滋味豚豚不須待不向王侯放不向王侯養守此可一生慎勿教浮愛

寄江都高孝廉

昭王已往狗屠死燕市蕭條空戰壘美人不來愁人腸萬事若茫付淮水昔年渡淮楊柳青今年楊花覆白蘋將復渡淮釣淮水淮水東流幾尺深

無悔齋集卷一

無悔齋集卷二

錢唐周京少穆著

頌大黃

大黃性沈而不浮用走而不守奪主鬱而宣壅滯定既
亂而致太平余病食悶十四日不下醫人以酒漬佐使
者服之立時已積進粥糜而疾霍然遂作頌大黃詩
大黃廉將軍桴鼓捷戰勝功成能柔嘉歸避相如乘我病
相急攻忽歛鵬亂命心神怔忡搖終曉不得靜關高險阻
途上下氣逆競本屬康強身一隔已疲病我鬱問醫者微
辨大黃性精氣差足常懸眩乃可靖諒力服殊安須臾布
威令腹中空腸鳴屯難雲雷應君子紛經綸火烈理猛政

無悔齋集卷二

十

微雨後過壑巷

草深溼芒鞋竹密漏疎雨雨歇幽壑清澄泓釋煩暑上有
紫葳花垂垂出高樹花葉落清池風吹忽散聚水涼儼魚
行林陰竹雞語坐久神情怡淡靜若太古日走炎歊中持
此覩行旅

謁范忠貞公祠

忠孝山來俎豆豐西湖祠廟至今崇已拋白竹寒林外猶

見青嶽暮雨中父老懷仁香火在 聖明奉禮歲時同可
憐招得遊魂去萬里還家素旆空

題東坡先生笠展圖即用贈寫真何充秀才詩韻

我生也後歎若電七百卅年茲離箭摩挲坡老殊飄然風
流不減歸廬山前生有累不得住笠展何事來人閒此身
久已齊萬物古今俯仰成陳跡邑丈小兒喧怪爭先生放
杖終自適慈竹老翁摹其容空齋裴几懸當中願供香火
蓬萊使明水溪毛日薦公

乙未二月八日吳宛輪招集學菴堂同王菊存張景
隆頂霜田張蘭佩顧開東汪次顏分題限韻

殘梅

無悔齋集卷二

二

一樹梅花半已殘憫人情緒怯春寒晚風吹向愁中盡細
雨還留畫裏看繞屋似聞香漠漠寒門何處雪漫漫金尊
不惜猶堪醉明日長條綴也難

花朝

二月輕風變柳條是誰門巷碧迢迢不禁夜雨催花信又
見春晴長藥苗挑菜年光村店酒賣傷時節市樓簫今朝
正復喧妍甚湖上朱輪響畫橋

燕來

烟雨疎疎覆綠苔海棠時節燕重來不辭故國三千里還
認雕梁十二回荒草誰家深院落繁花何處好池臺卻憐
舊館曾相識爲把湘簾手自開

春晴

曉來初日照簷楹，卻喜泥乾無展聲。
修禊事纔過上巳，踏青時已近清明。
禽聲似向朝華樂，草色全經宿雨生。
正憶年時曾借馬，杏花繁處遶春城。

晚過鴛湖

急雨斜侵亂打篷，陂塘五月嫩涼中。
晚晴乞得船頭坐，消受菰蒲水而風。
雨後風來向晚清，碧鄰鄰水照天明。
眼前好景須臾住，看到晴霞傍水生。

奉謝頤菴大兄賜先會王父太常公畫竹

先會太常公筆墨，大且模造化通精靈。
了不假方幅晚年

無悔齋集卷二

三

進屯難散失諸卷軸遺書泥煙消念之痛腸腹良友吾宗
賢古道傾黨族賜我先人遺蕭蕭雨竿竹小書若蘇轉頓
題期可讀秩秩十四字穆然動心日大惠慨持贈榮光照
馬僕謂余此世寶乎澤通雨獨多謝君子誠再拜起孝肅

甘墩村看桃花

自笑春華到眼明也來村外遠溪行
東風碧水全無賴芳草斜陽亦有情
社燕儘穿茅屋徧好花時點客衣輕
桃源不厭重來此還向居人問姓名

題趙仲穆畫馬

學士傳聞內院呼尚留文采擅東吳
虎兒乞得拳毛筆猶見風沙出畫圖

霧鬣風鬣展卷初應繚繚網萬灰餘是誰名父稱家法還
按王孫小署書

梧桐行吳氏因樹亭作

小山叢雜署中亭松杉竹柏柯條勻梧桐一樹夏更好枝
長葉大搖空青青銅老幹滑無附直上百尺高冥冥遮簾
映戶日色薄覆屋鄰開紛魚鱗泉木自是苦荒亂獨讓一
株當前庭結根得所每善用夏隔隙臘冬透櫺有時消閒
此依倚仰承遠韻微展聽炎官翕赫張火傘新涼沁骨清
神醒還向三更坐風露靜看白月穿秋簾

謝羅譽虹明府送櫻筍

錦瑟華年是去歲堆盤櫻筍及時新
暖分紅粉家園露遠

無悔齋集卷二

四

帶香泥上已春乞米淹留春庶客備糟風味醉鄉民漫勞
珍重南中意憔悴江干莫厭貧

贈歌者虞耶

無限風流側媚閒水紅衫子翠雲鬟
內家妝束妖妍甚傅粉何郎亦等閒

相逢爭說鄭櫻桃解合沈檀鳳尾槽
慙書生空按拍頭誰賞鬱輪袍

贈呂耘叟先生

李渾修偉八尺餘而如刻畫神遊
遐欸頭令名輩服言論那復陳精
補呂侯局幹無乃是讀書細章句
儒談十憶九淮河注根柢理道排
空虛制行不謬在孝悌每嫌口

耳資希噓在昔睢陽眼如炬生平未見曾讀書籤題卷軸
滿架插輒取指問無遺殊及今侯尚伏草莽知不輟淪
泥塗況復氣義如火烈叱咤啗摧千夫效跡屏念高世
俗响輟于子端人趨忽來萬里事游轍雄心暫爾沈江湖
燈昏雨暗三歎息世事難究廿如愚人生少年實可惜鼎
鼎負此盛壯軀余謂侯力正剛果會見帶用潭潭居方今
聖明詔異等奇尤不患常拘墟風塵聚處各低仰獨云余
亦非凡徒相期斗酒爲余設燕市南來問舊廬

西湖竹枝詞

水仙祠東湖水香搖來搖去櫓船郎載蓑莫載湖西去楊
柳絲多欲斷腸

無悔齋集卷二

五

前年郎去又今朝山外青山路幾條湖水似郎儂似草年
年生傷良家橋

夏至前一日泛湖至清隱庵

無數新荷遞郡城傷湖隄上眼波明水香肥處紅樓出山
翠晴時畫舫行小院來嘗茶味熟開房初覺竹風清浪花
間裏翻斜日催得船梢打槳聲

午睡

白日華胥有夢通心情都付黑甜中綠陰遮處紗廚冷翠
幕涼時簟簟空窗暗響聽池上雨門開吹醒竹間風先生
睡起渾無事閒看蛛絲畫檻東

湖上晚歸

山腰一縷斷烟飛城下昏昏返照微出浦晚風荷拍岸過
橋涼氣水侵衣平湖漾綠沈清影隔岸青林暗夕霏消得
吟邊詩句好白蘋香裏棹歌歸

寒碧山房夜坐

良夜青燈影半斜竹閒風度透窗紗好懷涼近池邊水開
味清供雨後茶寂寂何人臥空谷明明有月到山家不才
已老甘林湖白日黃雞念歲華

露坐同厲太鴻聯句

露頂灑清風颯颯修竹裏燈光穿屋墻
夕氣被蘭芷
縱橫河絡角
太鴻
雲密閣交綺微涼生塵襟
移門
新爽祛
氛累魚洽響聞萍
太鴻
螢飛暗映紙月黑墜渺迷
移門
天

無悔齋集卷二

六

賦洗清此瓊瑤露滴
太鴻
雲窮林烟縹緲坐析外懷
移
門
高談拊雙髀簞收汗翻漿
太鴻
梔香茶潑水寒冰沁肺
肝
飛門
脆脆鏗牙齒驚鳥散檣際
太鴻
吟蟲出屋溪街鼓
通殘漏
移門
軍營壓杆矢嗟彼草舍勞
太鴻
念此淵谷美
悠悠夜景澄
移門
嘿嘿遐思起幽竊振盪餘
太鴻
迴颺薄
簾底仰視品字高明星大如李
移門

聞蛩同太鴻

暗蛩必唧鳴水村良夜寂莫開柴門秋風乍來葉亂聲河
漢欲沒星雨痕斷續橋前叫燈影淒清露下吟草根酒力
漸消雙耳熱一年心事又重論

秋日湖上同查可亭令詒宋念劬范湘楊青眉汪

采詩姬若水

愛閒來此泛秋船
淡渚晴沙落照前
湖面菱荷深貼水
寺門楊柳淡垂烟
涼初早覺衫痕薄
暑退全拋扇影圓
清景不教催晚渡
長橋燈火正紛然

吳門返棹

布帆轉脚近含山
曲折河流淡霽閒
桑柘有陰隨去住
水雲無處不寬閒
蕭蕭門巷勞塵夢
撼撼霜風冷客顏
何事殘年漫行役
鄉心輕逐浪花還

湖上看雪同宋繹劬郎次山吳畊民弟是諫

不惜重來看雪天
滿湖烟水忽茫然
翻飛鷺羽投歌館
亂糝楊花入釣船
酒力漸消孤嶼外
寒光猶照晚鐘前
水晶

無悔齋集卷上

七

官閨何年起才得
乘槎便是仙

詠梅同太鴻耕民

素影淡無著疎香
寒在空亭辭晚雪
初覺媚春風
簌簌石池外
蕭蕭竹院中
何緣狎孤迥
清事付山翁

河渚看梅同耕民是諫

佳哉風日美行泛
河渚曲短途歷中
帽偃臥春水漾
溪寬一丈許
篙痕小
予子回薄三里
餘香染見流玉洗
眼瞻前村晴雪散
朝旭艷艷瓊樹枝
夾奕媚遐矚
暖風吹乍醒
聲微澆醺醺
寒幹側
斷岸奇古出蹀躞
俊若姑射仙
臨波粲微浴起踏春
澗邊高妙視芳躅
時往叩柴門
寒屋白雲削
見有荷鋤人
還山理春揭
美池側魚苗疏
籬廡蠶苗避喧

來此閒枯淡異民俗
飢虛詠滄浪
僧房飯脫粟
清茶奉磁盃
蚤爭乞斤劇
草草齋廚供忻然
一飽足回船
夕照黃人影
映溪綠野竹
青蕭蕭花光轉
清淑卅年座
夢思願謂償願
欲遙遙白雲深
但覺歸舟促
擬宿野人居
花時約重續

山城見桃花

壬寅

城外桃花舒小紅
一枝斜出竹籬東
門前碧草春風裏
屋後青山夕照中
野客頗誇清興劇
荒村亦覺歲華同
年來不踏溪橋路
無暇韶光過眼空

三月三日同汪青崖佳木宿栢子巷

寺門深入萬松寒
到此應須日倚闌
開徧滿山紅
躑躅長成
遶舍碧琅玕
輕風拂面吹還冷
絲雨沾衣潤未乾
消得

無悔齋集卷上

八

晚餐蔬筍味一飽
燈火照蒲團

春夜與耕民坐月

好風吹月上樓臺
春水池南倒影開
門掩梨花空院落
簾分竹色過牆來
時因冷飈寒金品
人在紅香暖玉盃
暫得閒身到池館
碧溶溶夜坐青苔

楊花

南陌風光劇可憐
楊花撩亂撲鞦韆
一年春事拋流水
半醉心情付別筵
芳華慣尋芳草岸
濃淡欲下夕陽天
殘紅落盡無消息
又復衝萍上釣船

柳影畊民分賦

天津橋外影參差
空碧迢迢萬樹垂
金殿曉光迷玉勒
綺

窗烟靄隱羅帷昏黃曉月初生後淡宕春風欲暮時何事
河梁傷別緒可能遮得髮如絲

舟泊山塘

西卻金閨一日程虎溪小住趁閒行春波大半歸吳柳山
翠無多入郡城短簿祠邊絲雨歇館娃宮外水燈明菱歌
清唱銷沈後聽得鄰舟倚笛聲

虎丘寺

虎丘寺下往來通無限玲瓏墮粉紅山店門遮春樹雨酒
人船放白波風採香徑在空明裏子夜歌翻歎乃中自古
銷魂號佳麗更無人說五湖東

次毘陵

無悔齋集卷二

九

陰陰隄樹雨初晴百里官河分外清一掌輕風吳地驛半
規殘月晉陵城離筵把酒難成醉夜火雷船此送行徐巖川于
此送明日片帆天際宿水雲如夢不勝情

宿京口

征帆水宿自年年又泊金山沙尾船萬事關心空壁壘一
杯在手好江天燈檣夜久中流動鈴塔風清獨語傳還向
妙高臺上望此身常願奉金仙

發漁溝

乘驢初覺似乘船穩跨征鞍挂竹鞭昨日江南綠蕪岸漲
痕移在柳絲邊

青駝寺遇雨途次有奴子笑予不備雨具者

青鞋布襪歷長塗風雨晨征苦僕夫早起無驢日以瓦爲
衣著不得可憐慚唄霍家奴

贈岱詩

泰山岳長名岱宗勃舉盤薄雄當中餘氣盡盡成諸峰綿
連脊靄靄無窮小者龜繇中龜蒙萬里去住雲烟通兩儀
結體盡所鍾四岳視職尊三公二月巡狩古則同天子肅
典親齋宮奠安民社分黃琮今來仰瞻初晦茅危坡峻坂
心怔忡欣謂默禱神我容詎意翁赫扶臆瞻馬首百里浮
崇窿品宇灼耀指雙瞳豁然截鮮開蒼穹儒生自苦學不
充巖巖有象欽親逢膚寸出雲峴天工厚重不遷悲厥躬
笑彼封祀具夢夢秦松漢柏知幾叢黃河祠望日觀東神

無悔齋集卷二

十

靈之府車服庸金檢玉符恩賡聳石門雲閣徒昧賸維嶽
生聖達睿聰一小天下羣言空屹立不顏老彌恭地維持
軸振大鏞白日久照迴鴻濛千古萬古歸成功

過泰安州

茅店簷簷賣酒家半盛杏子半黃瓜村邊雨過田塍潤一
路香甜是東花

過河間是日大熱

北來塵土霧中天風裏黃沙壓帽檐日午正燒驢子背一
痕鞭影颺烘烟

趙北口

炎風吹我上河橋垂垂楊幾萬條今日忽逢臨水驛野

荷葉路晚迢迢

雄縣早發

五更落月影微黃馬首殘光墮渺茫
野外林風清到骨早行人著夾衣裳

奉寄范橋隱侍御使邊

夜渡河冰萬里餘蕭蕭班馬立踟躕
一身報國甘寒餓衣冬五更斗米九死投荒奉簡書
園水北來經故道陽關西去接穹廬
王朝化育真無外飲至人看走傳車

題沈荃園荷柳納涼圖

荷花世界柳絲鄉宋人到處清遊說漫郎滿帽京塵日正午無人知得水風涼

無悔齋集卷二

七

七月廿六日夜雨同汪八抱樸宿懷清堂因憶故鄉

同學諸子卻寄時抱樸將歸

秋燈寒照雨長夜故人期澆酒暖融而生衣涼切肌別來成落莫歸去說相思迢遞關山外喧卑只自知
到門常特地命駕即披衣涼館夜蟲響開園秋蝶飛茶灰每畱意枕簟日忘機何事紫塵想天涯與願違
故鄉舊朋好落拓久心知看竹雨着屐逢花春載卮正圖甘有味水月淡相期用世憐余拙朝飢空爾爲
十年一劒在甬得向京華映裏新側發腰間傳碎邪未能輕俠客不易返山家日夕過燕市驚風起莽沙
自憐無駿骨空說古金臺郭隗如可用貽王安在哉賣書

羞穠穠看鏡魂與儘日晚悲情極相將臥草萊

明主曷終棄不才徒自惜無時營一飽卽次苦雙膝北關

伏何敢南山歸未能近來疏櫛沐短髮早凋鬢

敝廬燈火近將母意何如良友重然諾吾生任卷舒天寒

道路遠日積倍音疎稚子頗能語憑勞問起居

送汪八抱樸

客裏過逢好如何此送行綠楊烟外腹秋草雨中生塵土
勞人夢風飄遠別情不才將母意煩爲款柴荆

簡朱鹿田水部

側帽過逢日展經僦居西近御街清門前呵從都無著屋
裏歌吟穩稱情祿米每分開客飽俸錢常爲酒人傾笑子

無悔齋集卷二

主

落拓長安市也向騷壇狎舊盟時將有詩社拉余則之

重九後憶江鄉風物

竹外柴門接稻畦草荒烟暝柳陶枰一湖白露菱絲老半
屋蒼雲橘葉低芹脆猶沾清澗水豆生新帶野塍泥秋來
苦憶江鄉好節物前頭望轉迷

秋晚

初覺新寒換夾衣閒居重九未應非敗荷葉路秋蟲聚
柳絲塘晚鴨歸野栗山風生颯颯香橙江雨暗霏霏浪遊
心計塵沙滿擬合鄉園掩夕扉

十月九日夜微月開行順城門市上同徐青珊李牧

仲

鞭梢苦向烟塵沒五月炎風吹不歇四更白月生樹林殘
夢伏驢每喚厥倏忽寒袍侵早霜駸駸短愁夜長徐郎
憐我坐寂寞時飲我酒哀我狂東西路隔三城關到門抵
几還掛牀一日十月初九燒燈冷話夜沽酒酒壺東家
許借我有客不妨陋瓦缶買酒不來姑閒行順城門外蒼
烟生濛濛缺月出東井晚市未歇籠燈明糶糊殿角不得
見仰視天漢寒芒青君門九重真萬里小臣有策欲取旨
歌呼落魄走荒唐日教醉倒長安市長安市多輕薄兒指
視狂生空爾爲車煩馬殆夜將半持盃猶講黃虞時

歲暮與徐青珊酌酒逆旅

相逢乞食長安道戶牖吟聲每顛倒衝風踏雪走相存臘

無悔齋集卷二

主

酒青燈徒草草知君心膽張雲市萬人如海烟塵開酌酒
與君君且聽莫爲前路生悲哀人生聚散如鹿豕適來適
去風中灰天寒急景愁日暮將眼何處黃金臺南湖蒲司
粗足飽有約長歌歸去來

無悔齋集卷二

無悔齋集卷三

固安正月十四夜作

吳耶

錢唐周京少穆著

一燈良夜照羈人窗紙微明好月輪有夢不隨鄉信去無
家空對歲華新長年笑我愁多積佳節思親感獨真奇語
逢門小兒女莫依白髮話艱辛

寄蔣西洲三兄兼呈朱水部鹿田

無端京洛走烟霜卻憶長安是故鄉范叔一寒真至此馬
周作客又何方酬恩有骨輪知已浪跡憑誰號漫郎料得
省門曾踏後儘教清淚溼衣裳

明妃曲

無悔齋集卷三

十

漢上空說輕顏色萬里和番嫁傾國自嫌薄命葬黃沙淚
溼琵琶彈不得碧天瓊帳夜雲清斷續琵琶馬上聲可憐
漢殿春宮月猶向龍堆積裏明曲終淚掩春衫袖桐酒醅
醉醉扶首漢王自失王昭君後人枉罵毛延壽

新柳詞同嶺月田鄭亦亭

玉河冰泮凍初消乍見春風上柳條最愛年時二三月水

烟遮斷鎖瀾橋

江潭搖落復經春依舊絲絲亂眼新何事長條折不盡一
枝臨水又愁人

城外春風吹柳天水村山店寺門前落花時節逢寒食纔
見青青又隔年

垂肩覆額碧髭髯上已清明三月三記得橫塘船住處杏花春雨說江南

夏至日丁天因注師茗集家白漾寓齋

惻惻商出處酌酒城南隅主人前致詞聊復延斯須得酒喜斟酌下食羅盤孟索米來長安五斗愁日賄何緣廟得豐乃出儒生備知讀大易文衍衍樂而需肴核晚狼藉一飽山澤癯汪倫君子質溫克生恬愉竭來人海中本性暫不渝願踐落塵網實此明月珠丁虞持大醇不妄嘔狂迂卓哉吾宗賢清文拱璫璵正聲握其宰吾道存區區予也安塞陋目及難問誣舌在尚可振敗翼留樊籬人生會百年學術苦囁嚅行且謀勇饒糊此無口狐具有聖人書可以安妄愚愚者苟易足亦用忘華無出門恨何之路側重脚副

集卷三

十一

怡園納涼分賦同華亭陸香林武進陳秋田秀水鄭蕙參海寧楊東崖青浦張虛受林豫仲如阜姜白蒲宜興蔣西洲秀水朱稼翁錢唐顧月田朱鹿田金江聲時癸卯六月十五日

仲夏盛炎暑開閣散晚襟入門蟬抱影當戶水分陰雨過涼濁酒風來清素琴何由乞休暇日得坐亭林勝事不常有簪裾此賦詩賜金園尚在銷夏地偏宜池館迎涼近林鬱落照遲羣公盛儒雅談笑愜心期
荅吳耕民用贈別元韻御寄

沙燕啾啾語復飛背人終日對斜暉壯心自苦都無是鄉思今知未覺非有分青山東郭屢不才白髮老萊衣釣絲待理君前約春水生時便擬歸

九月六日夜聞雁聲

一年惆悵又秋聲才拆家書百感生漢水茫茫空憶遠衡陽歷歷轉關情自來絕塞誰憐影何處西風早送行夜久燈昏疎響微鳴將愁思寄江城

上元夜半浮書屋觀燈分賦同陳秋田陸香林鄭亦

亭楊東崖姜白蒲朱鹿田錢主敬金江聲符又魯張

西渭潘雪江

甲辰

燒燈筵上會羣公花放河陽燭燭紅固是無心酬令節也應隨分笑春風金荷火樹千枝燄玉葉航船百棹空豪華未應誇北海林鴉樞馬御街東

集卷三

三

二月十五夜月

長安今夕月已見九回因此地坐良夜故鄉思舊年春燈寒客舍晚雨溼江船耿耿不成寐清光絕可憐

二月十八日謁德州先生文酒之餘感而成詩

白日出東井遙遙滿大都浮雲鄉國外春樹禁城隅遊子怨行役飢人樂大舖南來辛苦意消得講唐虞門外塵沙亂春風入屋清先生歸有道賤子足平生議論殊俗尚文章不世情廿年知己淚忽向酒杯傾

花兒市詞

金臺風物倍堪憐無限韶華值幾錢滿樹桃花紅到眼年年菜把市門前

也知不是賣花翁直得傷心淚眼中破卻工夫聽夜雨明朝樓上又春風

一年春到又清明花樣時新畫不成我是江南倦遊客亂紅時節最關情

一枝斜插總相宜花惹春風上鬢絲莫管市人閒不採卻將何樣比紅兒

聞先慈訃南歸中秋夜走蘆溝橋

恨別難將苦憶獨離家三見月華圓日思南去無聊爾今總東歸亦惘然兒女應能解晚菽弟兄祇會哭重泉茫茫

無庵齋集卷三

四

隔世車前路怕說天涯望眼穿

二十六日曉過德州河

卽次停驂曉夢殘又攜殘夢上征鞍小人有母憶昔食遊子離家空復還沙月波頭斜欲落野風林外曉生寒廿年明發天涯淚到此真成行路難

酬吳石倉徐紫凝夜話之作

高館坐愁絕爲憐夜話深天涯空作達此地共長吟射虎疎狂社屠龍少壯心未應輸二老華髮不勝簪

與紫凝

夙昔懷高契清文見羽儀州門空託跡異地懷相思夜月照茅屋春風吹釣絲何當鄰水宅時與道心期

與石倉

好古不累俗前修每自期買書讀易盡策杖興忘疲清迥鶴心抱芳馨花氣吹歸時踏門限常願奉清儀

咏惠山竹爐詩

好事猶傳舊竹爐松風吹瀉碧山隅烟分翠篠巖前屋響出香泉雪裏廚詩卷收將編作譜茶經畱得畫成圖不知他日嘗閒味消盡羈愁似此無

遊圓山寺

岳寺藏林潤遙看隔翠微竹泉分暗響松日弄清輝香水曹溪口巖花古佛衣山茶閒味永春半正翻翻

由荆溪之南嶽寺

無庵齋集卷三

五

陽溪山水窟神遊涉杳杳欣茲春日佳迢遞脫塵械蕩漾長溪西溪風振襟帶垂垂新柳眉迢迢遠山黛視此東絹圖獨往事藻續拾舟謁靈巖磬磬苦征邁碧花纂纂紅錯繡恣破碎歸塗下陂阪回首夕陽外蒼茫烟暝生倏忽變芒昧遙看山雨來風香響簫背屏展沾微潤頓覺領清快良辰合奇緣賞心荷天養暫安頑勞軀感念發餘慨

玉女潭之東爲大龍湫

潭水忽復深下爲荒草宅潔觀含清華光景推金碧方廣勝輕舸中空如外室內更湛虛明潭花映林隙會當日平西蹴踘射虎跡空山遙谷中未敢久行役歎息榛莽餘大有好泉石聽彼夕照開沈沈露寒壁清景不須臾顧此寶

異獲

潭水潛行之南爲君陽洞整

玉女潭下水潛流何所窮三洞互踰股詰曲清淵通入洞
踏淵水洞石跌玲瓏翠壁合甬繞一徑天光融日華射淵
水穿漏青蒙茸轉窺洞正黑游潄潄清深狙伏晚洞底哉
生明下春潄潄溼芒履動激生微風倚壁冷雨昏照水清
雙瞳已覺肢體輕具釋煩憂攻座緣不得息策杖還溪東

望湖用蘇長公韻

風色暗全湖陰沈萬象疎雲垂千嶂黑雨散一帆孤蓬發
驚何晚荷衣計不虛春波真似海容得釣絲無

聽鄰舍女郎度曲

無悔齋集卷三

木

風入虛堂夜氣清四條絃上聲丁丁也知不得多時聽淚
溼青衫是此聲

簾鏡年紀好歌喉法曲誰傳菊部頭料得他時重記取臨

津城北水東樓

周孝侯祠

蘋藻荆溪上荒寒有古祠壞碑摩石蘚遺像出神姿虎渡
風清後蛟橋月落時絲知忠孝節大勇聖賢期

盧中丞祠

授師集天下上將出期門戰苦拋忠骨功奇走斷魂羽書
妻子檄甲帳弟兄幟極目中原路青燐徹夜昏
仗得詩書氣來提萬甲兵勤王空博戰報國祇孤行時事

付青史危難任赤誠荆溪祠廟在終古照雙清

善卷洞同游者紫山徐文璧董善敘楊斯年鮑景瀛

王梓歐振西諸子

三月十九天初晴柳條藤蔭青縱橫風裏落花漫狼藉春
塘野水微瀾生公流放船七十里走入山腰踏山尾點烟
斜出連青帶沙草巖花開鮮美行迷樵徑不得住懸翠紫
藍萬山聚忽聞鑿石尋人踪指點龍岩此閒度擺衣躡足
攀危峯羣峭岸橫摩背空遙見平疇一角綠村墟零落蒼
烟中回頭下坂展餘步梵宇花宮錯迴互嵐光岫色生雲
霞松聲溪聲合韶澗老僧相見披袈裟導前中說恒河沙
此寺廢興歷萬劫灰餘留得蒼菊花顏有洞整天造設潭

無悔齋集卷三

七

底往往騰龍蛇把火來看第一洞側足登頭穿窗窺
半壁裂百丈下有絕淵流奔車扶將懸崖落款坎中開大
石空豁舒手張竹炬燭靈閣玉柱金兩負巖巖靈寶藏
不終掩鍾乳丹砂山人世漁陽媚玉蓋石笋上接峰巒萬
千穗左右攫擎森見手搏人直欲挽頭登壘堆米巖潔白
竹春院陰房潤衣袂久留不得思裝縵骨冷時寒心
僧言木剎更絕奇重樓下瞰清泉澗深深入洞深香雲
圓有石蹲獻錯容足謂可二里許淵沈觀淵難停範又有
一洞在寺後呀然半月成覆岳落溶山下開泉泉汨汨
開聲清瀾氣機消息通迴旋前洞後洞互樞紐分流陳
此淵水出嶺入壑度堆阜緬茲靈境古有人想見合唯樂

就飲淋漓元氣包神區留得溪山屬遺叟啼噓隔世空神
遊面面風塵恨回首夕陽明滅青林間晚翠欲滴封元關
潑潑送我出勝隴微州依約龍前滯歸舟打槳急於駛船
尾風聲碧波裏生平好事每孤往何幸與偕二三子徐翁
七十不言瘦乘烟夜遊良有以東坡意思曰豁然此老不
欺果然耳買田有願把長鏡竹杖芒鞋自茲始

張公洞

張公洞伏湖沒東周回絕壁空當中洞天福地七十二第
五十八度桑翁道陵苗裔有公姥丹砂香壤開元宮幽閒
洞府六十初雷火夜入精靈通吳赤鳥我來正值春雲紅
山花谷鳥吹春風綠谿青嶂古靈境初欣得路聞芻蕘始

無悔齋集卷三

從後洞入杳冥列炬熒熒餘耿手捫足踏神愕眙下視
沈昏氣熾冷漸覺殘月生曉光前人渺塵煙中影石梁隱
見窺微明一似霄騰夢初醒洞中林立萬鬼神眼見乍驚
生搖唇猊懸猛獸鬬微微聞響答來親人平明朗登燒
香臺祕房陰宇陳尊尊寒泉一掬落哀響頑仙爾何歸去
來前洞倒景搖碧樹上見微霄動雲路綠崖歷歷登升亨衢
靈闕應奔上天訴入險出險須臾開回首蒼茫亂山暮

玉女潭

幽意殊未歇復來南山陞南山草木盛荒穢雜花芝爲傳
洞壑古竊窈窕榛荆披蓋根覆地脈中有泉漫漶方廣盈五
詩萍藻交蒙翳弄水手激蕩忽現青琉璃至潔不可唾覩

列壁冰肌寒光鏡奩開塵容則須麋首髮若水石碧玉紛
蕨藪上有瓊枝樹日入穿華滋游儵來親人泳藻萍底吹
瑤草冷翠艷芳香承微熹巖頂漏倒景直射潭心游翫淪
色全墨震掉不敢窺俯視那忍去激湍生涼颺玉女沙何
處清芬耳在茲夕陽媚林薄珊瑚骨忘飢疲會當結茅菴安
神養恬頽

二月廿九日泛東汎至蜀山

溪上青山翠作堆長烟初起潑春醅鏡中船過千峯上畫
裏人從夾浦來天淡微雲圍燕國水香寒藻聚魚臺吳兒
洲渚神仙宅碧玉溪光一幅開

入休陽界

無悔齋集卷三

九

一溪清似一溪水到處應須注水經浸得雲容人面白照
成山色佛頭青野航輕省橫沙渡谷鳥鈞輻隔樹聽天與
閒身暫來此夕陽影裏立迴汀

游齊雲山詩

天門

一天門過二天門羅列諸孫岳氣尊不是有梯開石闕祇
疑無路躡天根東峰人影西峰見上界香烟下界昏走向
翠屏高處望秋深黃葉遠翻翻

太素宮

天外奇峯類削成百靈趨蹌出仙城一枝筇竹烟中立萬
朶芙蓉掌上生雲影翠搖松葉亂鐘聲寒處石燈明長繩

聚得義輪住待向香爐絕頂行

齊雲崑

誰說三姑五老峯果然離立似人蹤何來海上浮伽葉不
向人閒訪赤松域外未曾留漢陽山中豈願乞秦封年年
秋雨秋風裏蒼蒼烟裏幾萬重

白岳

中峰遙接萬山巔岳氣朝開白似綿琪樹常撐雲外日珠
簾不捲洞中天崑前蘿月池邊落石上松風屋裏穿獨向
碧霄崖下過萬重峯頂影圓圓

蒼休陽查柘城秀才時話遊黃山事

知是仙遊特地來盤空丹嶂五丁開向人指點說黃海安

無悔齋集卷三

十

得扶藜踏瀑雷上界詩成通碧漢南宗畫好出蒼苔慙余
濟勝真無具遙應宿鐘臥草萊

春寒同明民

忍禁花事半開殘乍暖風光又薄寒微雨更生新砌草輕
陰還護舊庭蘭二分春色隨流水一月芳華倚畫欄猶喜
落紅飛不去木綿幾堆隔簾看

清明後一日湖上

水色山光分外新鏡奩初啟拂陳塵殘紅隔岸吹還落淺
翠橫塘抹未勻別館風簾飛社燕畫船晴浪載遊人柳絲
只管清明節又展江南一度春

臯亭桃花絕句

花氣朝光暖欲然天桃照灼晚春前年年三月橫塘路豔
影紅香撲滿船

出郭輕舟任港斜竹籬新艷野人家春風烟暖無收拾紅
到碧桃千樹花

過汪八抱樸復園

亂紅時節柳絲天池館春來散晚烟花影粉香搖屋壁水
光晴綠上軒櫺東鄰頗有耽詩老西庵曾無買宅錢爲愛
城南小韋杜一竿同泛釣魚船

晚登恒州試院樓

郡北樓高俯大荒恒陽山接暮烟長一行歸雁邊聲急萬
里浮雲落照黃故國幾家明社火春城多半暗垂楊欲舒

無悔齋集卷三

十

老眼還矍矍對此茫茫兩鬢霜

邯鄲過呂翁祠

呂翁祠下邯鄲道落日平原滿秋草空堂客夢欲醒時門
外塵沙正煩惱同頭下馬來空堂虛生宛然酣睡鄉欲去
不去三歎息水風涼起吹衣裳神仙有無何渺茫之句
我願把火炊黃粱黃粱熟時放酣睡不用張夢驚絕壯
將過冀州山任縣大陸澤入滏陽河泛舟

驛路通川塗舟行道車跡泛泛滄洲趣蕩蕩禾黍陌入夏
酒澤滿方秋惟水宅遂令大陸區恒衛制滏陽漫溢陽
河挂席蹈空碧鯉鮪深清深處動游鯉輕舸摘獲獲枯
積曳葦荻爲惜鴻雁羣啓啓在中澤可有懸巢謀畏彼餘

浪激秋風振迴波秋月映圓璧迢迢冀州城光景烟水隔
浩爾發滄浪且以永今夕

滏陽河阻風同楊學士孟班秦秀才恭叔聯句

冀州二百里水漲擊舟往布帆輕搖搖恭叔柳岸沾洪決

大陸迷近遠孟班滏陽恣爲蕩瑟瑟蘆荻聲恭叔漾漾濠

濮想維茲禾黍區恭叔欲擬淇澳廣商颺時順逆孟班桂

漿多忽恍鳧鷖匿不飛恭叔雲烟渺而滌邪許與水爭恭叔

門澎湃犯濤上進未盈尺咫孟班退或動尋丈湍急疾於

箭恭叔川迴折如紡子于爬沙蟹恭叔回旋緣磨蚌長年

爾何能短櫂吾安放偶駛軋林梢孟班且住傍漁網縱橫

野人居恭叔脫落塵世鞅風波任其惡淹留懷所賞詎乏

無悔齋集卷三

破浪思恭叔空尚涉川象行路信獨難所道亦云枉開程

餘一舍晨朝占五兩孟班

贈徐岳修

十年千里說離思一夕三生慰素期夜雪寒消京洛酒

清風吹墮海天詩卽今烟郭塵勞夢何處萍

蓬浪泊時此是燕南舊遊地相逢莫惜送正爲

喜雪庵侍御至自拖羅海卽用策室初成原韻

醉鄉深處號無功身手弓刀一卸空持國何人天漢外洗

兵名士笑談中五年臥冷窗廬雪千首詩成免冒風自是

皇恩憐苦節玉門先見白頭翁

無悔齋集卷三

無悔齋集卷四

錢唐周京少穆著

夜走良鄉道丁未

日落驅還駕驍騎不月行晚風沙磧亂缺月墮烽檣已出

修門道還依上谷城孤寒遊子意燈火旅人情得宿欣投

止加餐息擾營征裝包骨煖村酒照顏清鄉夢并州落離

思隴上輕西京望不極去去發東明

清風店石將軍

紫荆關外殺氣橫清風店前揮刀兵將軍膽氣一敵萬大

漠千里金鼓鳴掃清官闕迎天子復辟居功美髯紫自誇

健者呼羣雄不道權移一門死國家用人須執中小器易

無悔齋集卷四

盈垂初終功成善處在王者能有幾人如今公清風店明

月橋清風明月烟塵消可憐白骨沙塲上野鳥猶啼婆餅

焦

十四日夜宿核桃岡

瘦馬駸駸燭著鞭一村絲雨一村烟張燈畱客汾州酒門

市蕭條莫雪天

宿上艾見永昌縣令青眉楊兄過石門口題壁詩原

韻奉寄

玉門關外小諸侯奉使卽連住一州莫惜大才分壯縣須

知籌國有邊樓鳴沙城北悲笳夜張掖河西百草秋爲說

姑臧賈令史不嫌清苦欠來遊

石門口裏過山來知是驛驛道路開青海王程勞驛馬白
雲親舍久低徊驛驛書下平戎驛競病詩登上將臺休委
換第非吏職朝廷原爲急邊村

過井陘

縞帶銀盃散馬羣亂山低處白紛紛寒光初挂前峯日東
影猶沈下界雲古道行經天外落春風殘臘嶺頭分井陘
關在平蕪盡雪後農田合策勲

凍水

凍水澆澆深一川人家多住燠原前峯容雪後清如洗林
影春來翠似烟禹廟空山留社火夏城荒隴有農田長鏡
不向江村老浪跡栖遲又十年

集卷四

二

霍州

禹甸山川望外平岳陽南下河漳橫迤峯似架雲中出峻
嶺如梯屋上行春到欲青汾水樹雪消初見呂州城征衫
暫卸輕腰腳落日鄉關萬里情

楊學士孟班陳秀才大啓同遊普救寺

蒲東十里晚鐘紅下馬來尋雲外鐘門掩春風蕭寺靜一
區殘堦亂烟中

香臺高處萬家烟爲說甯中小渭川門外暮雲飛不散中
條山在寺門前

華陰道中

雪浪翻成萬疊山一峯飛去一峯還畫圖要是無多幅盡

日食看未許閒

天意陰沈雪色山屏風六尺一峰環不知華外華多少白
滿寒雲萬頃閒

華州

石徑斜穿拳磳幽春風吹雪到林上眼明初見樊川路百
里溪山入華州

繡嶺

繡嶺山前繡嶺官太平曲唱白頭翁行人莫話開元事野
店淋鈴夜雨中

驪山

三月咸陽后土乾可憐畱得暮烟寒何人解讀阿房賦一

集卷四

三

片殘山馬上看

鴻門坂

置酒高會來鴻門帳前壁上諸侯軍冠軍有酒不得飲何
論亭長逃杯人咸陽城中飛柱矢直跨離兮渡江水東遊
張口取秦王西走紛紛老餘耳霸王有力自經營不用
嬰喉子誰知此會分鴻溝遂割楚漢尋戈矛抵餘霄氣
夜痛飲楚歌四起聲啾啾亞夫悔不殺劉季殺季曾何補
昏醉羽收天下同兒姁增也功名誰云智漢家垂統六百
年誰達大度驅羣賢英雄所見如指掌登臺決策非偶然
我來卻出鴻門道鳩婦曉曉老鴉噪風馳電掣曾幾時一
片荒烟殘照此會淋漓自古稀史公刻畫鬚眉奇座中

神氣久不散野外往往青燐飛鬼謀人社切切語沙上猶
靈自來去

渭上用白香山渭上偶釣韻

聞茲清渭濱有鱖及鱖鮒細彼垂釣人持竿坐其旁春風
吹釣絲爛爛三尺長終年懷清賞不出磻溪鄉融融此朝
日遙遙此夕陽誰云寶璫玉垂白蓬文王得人周基典失
人商祚亡陳跡千載下忻覩神川光顯晦會有時且爲陶
一觴

菽花

雨歇原野秀新紅菽麥花云云被秋坂爛爛振朝華輕粉
初勻後香糝一半加涼風動阡陌蛺蝶尚傾斜

無悔齋集卷四

四

雨夜聞溪聲

雨後暗螢散夜來山枕涼泉聲落寒澗谷響入空堂倦耳
虛不寐秋河耿易長鄜州城外住清絕似瀟湘

七夕前一日鄜州見月

天末涼雲晚鄜州見月時影斜空谷外清過早秋期雙照
憐今夕虛明動遠思銀河耿不沒永夜白離纜

清涼寺

夕陽西上出樓臺欲覓微鐘渡水來山勢不隨秦塞盡河
聲舊繞杜川哀城隅烟火林鴉下天半香燈石屋閒獨喜
時清民物遂僧廬修得到蓬萊

離陰

離陰山色歷州城無定河流日夜聲磧裏似聞關塞笛淒
中不用恨前兵輕風烟柳千家雨落日黃雲萬里情百十
年來遊老盡問誰曾傷感場生

宿合水縣華池驛徐氏園同楊學士孟班分韻得雨

字

好風散長林吹落欄閒雨野宿生荒寒旅情在農圃圓瓜
蔓空牆山果墜茅宇幽意人不知秋來入庭戶

霧

大霧滿山谷晨光只馬頭直應沉陸海不復辨皇州語響
重雲隔身輕一葉浮日輪天漠外初與識清秋

野宿聖女廟

無悔齋集卷四

五

日晚欲渡愁涇河冥冥川路沈沈沔沔回頭下馬入野廟一
閒茅屋荒山阿娟然中處曰聖女龍蛇四壁神示呵靈旗
風雨會颯杳想見社鼓鳴靈應自笑塵勞委栖託心清知
不煩攜河荆薪衣無歡一飽藉草拂席安行窩倦枕不寐
涼夜永寂覺葉落辭庭柯曉光穿檐歇雨點急起前道凌
衝波水淺三尺得徑渡中流自在牽輕舸望望丹梯不可
接孤帶渺水無緣過轉憶昨宿墮空杳恍惚夢境難追尋
人生行止那可必一日如此終身何

謁軒轅黃帝陵

沮水分中部橋陵託石堂衣裳留泊體弓劍發神光古殿
鳥聲樂空山栢葉香寂寥人境外落日下洪荒

飯麻湖邊大商原

朝日開秦嶺秋山骨氣清葉飛黃欲盡雲脫碧無情野水
寒生咽飛雅雅落處明長林有茅屋相對掃香梗

七盤

萬朵芙蓉翠削成青螺盤裏見分明不須指點雲封處身
在蓬萊頂上行

人藍田縣

繡嶺東來木葉飛空林羅馬路殘暉藍田縣裏青山色多
少人家染翠微

烏延道上

出險念人險異境常燭熱登頭馬力完仗託兩健僕汗血

無悔齋集卷四

六

忘顏當路鐵苦促數揭泥掉凌競爭石鏗華礪一落千丈
傾百折萬盤縮或如雕摩空或似狙獵伏或如赴壑蛇或
似走林鹿後倏若對面而驚悅失足僕隸叱駭耳先生呼
奇目危岫俯見孫陰丁匿匿匿躡躡偶人推脫帽給銜觸
上除碧盤盤下散青曲曲高胸瀟雲海幽意頓芬馥鸞鈴
各各響旌旆野舒舒蕭爽溪風長飄沓山雨連城出萬柳
翠淵斷一槐綠駸駸易平坡潏潏轉河汾山紅媚礪戶滿
藍染蓮苗壁立哇縱橫倒懸不反覆沓沓人延綠隱見牛
子荒訝無徑塗烟指有陶復固被幽岐化原間奇程陝
漢計崇邊功宋治事朝局廟堂資訐謔輿輶隸清淑夫何
辜盜興遂令生民蹙災氛流星躔殺氣滿林麓致歉痛定

思徒生處樂今蒙清晏時舊屬瘡痍俗百年安承平一
隅尚踴躍且看鼙鼓穴每集逃亡屋恢台歷峻坂辟收運
平陸夏涼快練軍秋寒愛雲煥視此危苦鄉庶見賢良牧
行後威百有句不得續

太白礪早發

一輪大月懸珠光欲墮不墮舉中央須臾暗影流鏡面猶
摩塵匣開微芒雲氣尚蒸半嶺白日色已射前山黃鹵瀟
雜暮夜龍龜寒翠乍滴秋衣裳曉風容易吹急景殘影一
墮天蒼蒼

武功縣望太白山

百里武功縣明當太白山雪從何日積春到幾時還清霽

無悔齋集卷四

七

迴瞻吳高寒散谷關軍行休鼓角風色正愁顏

過邠州

生事晚無計邠州禾黍秋我人食舊德古老話先時藟藟
經時熟瓜壺散不收農田有遺則爲賦稻梁謀

由藍田至商顏

驅馬藍田縣道走商顏山商顏何委迤林壑清且閒修塗
三百里幽阻穿鬱鬱秦嶺當其中丹湍流澗澗千峰萬壑
翠合沓雲連綿榛莽豺虎咆即此非人閒中有避跡者療
飢得自全至今采可茹薜蘿華芝鮮持以減行路翹首南
山巔

溫泉

溫溫嶺樹晶華清池池深水三尺波光動淪淪碧玉
展瑤簪淨滑沈玻璃淪決元氣蒸滂汨揚華滋一洗散滯
結再洗清心脾初覺泗澆澆久知香水肥靜影瑩毛髮融
情入理肌地產美陰德既濟水火齊凡骨媚幽澗灑然塵
垢離多謝溫泉神憂患漸明夷防慎毋自失澡身得所宜
唐張說溫泉賦云

十月三日雪中望少華

天外羣峯亂芙蓉雪浪中太陰垂幕塵少華秀虛空瓊粉
沈瑤闕元雲出上官州城清似水寒近玉玲瓏

送楊少韓歸武陵二首

落葉不知處飄風環曲池寧隨秋氣散翻動歲寒期衆木

無悔齋集卷四

八

意無顏孤根道不移蕭蕭洞庭外惆悵獨多時

閒戔念分手茫茫話別離春來空落日江上數歸期湘草
綠不盡桃花紅滿枝巴山今夜雨且莫亂相思

送王豐川歸武陵

十里溪風捲釣絲桃花源裏飯魚時眼看雞犬今何夕說
著麻劉了不知誰浪無雙常縱酒功名第一祇留詩掉頭
不踏黃塵路獨向青林起夢思

登慈恩寺塔

慈恩塔上梵王宮絕頂來遊萬劫空渭北水清寒臘盡終
南山落暮烟中長安走馬何年少大厓題名數鉅公不見
隨陽關塞雁追飛零亂穆陵東

褒斜谷

關道橫空出連峰疊障開地隨秦塞盡山自漢中來行蟻
緣旋磨點蝸貼寸苔誰云去不得戰處滿蒿萊黃牛嶺爲吳康所敗

金兵處

無悔齋集卷四

九

無悔齋集卷四

無悔齋集卷五

錢唐周京少穆著

武休 戊申

初日下林影入照春山空時有山杏花影落清溪紅

益門鎮由棧道人漢中志云益門鎮在七十里

古道入益門雲棧七百里橋閣八萬餘一一際厓水通遙

千萬積易投蹤跡重關復嶺中扼控良足恃

武休大散關唐工關崇固難攻其如古來破走薄於紙

前明易危途學前事故矣

日揖益入聊以問願已遠遂封蹄蹇蹇寒薄殷商餘曲結

虛空鴈伏屏瞻眺黃斜雨谷口天險可指行謂蜀道難

南棧未云止

昔如何萬險艱徒促斯民死敢告司牧人所守不在此

安軍國經云橋關三萬九千三百間險關四萬七千

一百二十四關外尚有書眉關馬嶺關武休盡口和尚原

上關隘

興元道上

春雨巴山道陰沈漢水濱暗垂原上柳愁立渡頭人聲好

青如梨花開白似銀不嫌騎馬滑正苦困風塵

漢陰

日晚漢陰縣揚鞭指樊亭雲分蜀道白山入楚天青西

逢閑叟

漢之息機猶未得烟樹正冥冥

渭門放船

春水放船好微波生清風盈盈下淺瀨蕩蕩移遙峰日落

鳥聲散雲來潭影空莽蒼列岫合烟冥柔藍通野泊倚林

翠夜火焚江紅

石泉縣乘騎至興安州

石泉縣裏同騎馬臨水登山到日斜香染金州三百里春

風一路白簪花

馬嶺

側嶺橫峯九折迴馬蹄踏亂翠微堆萬重春樹寒雲色猶

照晴江日影來

柳上聞黃鵲

無悔齋集卷五

楊柳青青已挂絲江南江北落花時黃鵲不管人愁苦又

唱春風第一枝

萬春隄

天放新晴上翠微落花風絮弄霏霏林陰日午黃鵲轉水

滿風生白鷺飛過眼年光修禊會賞心時節莫春衣帝鵲

只自催歸去立馬沈吟到夕暉

雨中渡黃水河

心怯遲回度隴身過遙妙異亦殊倫征鞍雨裏紅山窮行

客風前白鷺中茅屋壓雲披敗絮堆房通淵激飛輪野芳

自發川巖好黃水河西四月春

使風嶺

北嶺經過少方春木葉叢長風清落響圓日冷穿空萬點
蜀山黑一痕江水東幽潛出靈怪未夕忽深濛

越梅關

興安南下接襄陽回首秦郊曙色分田畝畫成衣帶水山
腰橫抹練帶雲烟生野埃藤梢綠風暖征鞍藥草薰欲別
林巒太惻悵春紅開落任紛紛

臨洮城

萬里黃雲壓隴頭邇來六月正披裘陽坡麥熟關山雨冷
磧羊屯塞草秋板屋門前看雪嶺金城帳外認熙州夜涼
獨覺清輝苦此是河湟舊戍樓

雪嶺即露骨山宋王韶開熙州爲徑通奇兵

超然臺望西傾山

無悔齋集卷五

三

西傾山勢接崑崙萬里河源入禹門兩戒直從天盡判一
枝獨覺地維尊雲容莽莽孤城落日脚荒荒遠道昏望極
不知關塞路輪臺西去戍旗翻

過永昌訪楊大令青眉不值題壁

萬里思君獨宦遊忽然身到古涼州如何又隔天山道日
暮黃沙正滿頭

贈青眉

不道相逢鴻雁天此來走馬向居延我殊作客輕千里君
已爲官漫二年張掖河看襟帶上祁連山在縣門前儲胥
民國頌賦計知讀皇華第一篇

張掖城南見月

張掖城南舊戍樓夜雲新月近中秋不知身在龍沙外萬
里西風弱水流

題東樂驛

萬里居延往復還孤城一角暮雲閒秋風吹斷黃塵雨畫
出西南舊雪山

出石峽口

長城指說漢時關日落西風冷客顏記得涼州來處路一
痕青是永昌山

山丹縣口號

山丹女兒顏如花愛插山丹花朵斜怪道鮮花紅映肉焉
支山下種黃麻

無悔齋集卷五

四

六月走五涼道中望祁連山雪

雪峰層疊似雲峰隔斷黃沙第幾重任是炎威消不得一
千里路玉芙蓉

五涼

月氏傳聞擁康居異俗曾經剪伐餘羌女尚垂編貝髮番
兒猶裹織皮祛強秦空塞臨河道大漠徒勞絕域書千載
甘泉烽火地年年秋草陣雲虛

迴見皇蘭山

望裏金城萬疊山橫天絕地碧雲閒官軍莫唱伊涼曲此
是西戎第二關

西戎小女歌

西戎小女來萬里獨自騎驢渡溪水徐娘不見塞垣深短
髮鬢參穿兩耳言語不通求其曹將軍留汝戰血刀由來
生事好弓箭遂令汝曹肩胛高見人即畏而聲肩背

將至安固城

雷聲忽轉衆山外雨勢豈如傾海來安固城子半明滅西
峰尚見青天開

晚過白水驛

西征烽火地驛路晚秋閒水碧風前柳烟青雨後山倦遊
思息影幽意頗相關到處田廬好何時任往還

過石泉縣懷顧大令月田

清秋騎馬到荒城晚見長林野火生百里溪山誰管領空

無悔齋集卷五

五

留孤月聽猿聲

望乾陵岳人號明武婆陵

一局殘棋亂劫多是誰得似敬新磨至今猶畏當陽勢不
號乾陵號阿婆

曉行乾州口號

馬蹄踏亂殘月影蟲聲叫破秋天清欲落未落角星大似
見不見村燈明林風習習吹我急野水瀾瀾隨人行荆扉
獨閉北山北昏睡郵知朝日生

敷水店

樹葉青青柿子丹秋深林壑晚來寒籃輿敷水門前路一
半三峰雨後看

過少華

去年雪裏憶經行一片寒雲壓舊京眼底忽隨秋雨改數
峯青出華州城

次霍州

秋陰釀雨未泥乾嶺上雲遮半壁丹但覺山深少人跡一
城烟翠郡樓寒

過洪洞

姑射山頭雲脚生敗荷葉路遠秋城西風零落仙環珮似
向江南聽雨聲

懷來道上

閱盡蟲沙復九邊犯寒冬去又冬還人情冷暖風前酒天

無悔齋集卷五

六

意陰晴雪後山土木城埋黃霧裏居庸關在紫霄間無聊

立渡桑乾水空浪沈吟雨髮斑

田光故里

荆軻取道去本爲田先生鄙哉太子丹疑事終不成歎歎
井里下尚指田光名人生愛惜死氣義乃所輕誰歎擊筑
者毋乃酬荆卿

清苑道中

雪屋霜清柳影疎酒旗紅戰小田廬何人犯曉龍鞭過日
出耶聲半嶺初

郭隗里

執策無良馬本非相馬人眼底無良材庸俗嗤同倫千金

買駿骨迺以求其真敢請自隗始匪曰謀一身視彼燕昭
王求賢亦殷勤鬱鬱黃金臺化爲灰與塵吁嗟鹽車下服
軌常苦辛

樂城已百

柳疎烟薄見樂城遠有樓臺入晚晴半角寒雲催日落一
村社鼓散春聲歸雅背郭追飛盡疲馬衝泥不冝行爲問
歌呼屠狗者市門殘雪酒旗橫

送開然歸武陵

春水春山道路長一番風雨下衡陽還家正值黃鵬轉返
棹初聞白芷香張掖城南雲漠漠桑乾河北雪荒荒天涯
清夢勞歸思落月猶疑照屋梁

無悔齋集卷五

七

已酉過趙北口聞棗強劉壽田說宋淳化時何承矩
扁舟載酒客事疏溶卒賴以限南北

野水瀾瀾照綠蕪南朝金粉夕烟孤風流會有何承矩畱
得湖山半畫圖

數尺淪漪千頃湖江南風物足清娛十三橋下沙棠楫荷
葉荷花到直沽

過玉河橋

駕彩流虹覆御河翠雲如水拂秋荷日高宮殿黃金色吹
落薰風動碧波

送沈叔固南歸

降君不得意歸臥北山陲臘雪冷行路江梅開舊枝故裘

游子淚白髮故人期日落聞鄉語尊前詠別離
我亦栖栖者胡爲此送行天涯同雪涕鄉國獨闕情萬事
流水去一筇春草生蒼南在人世聽得棹歌聲

題沈叔固初卉集

一卷清文冰雪姿懷人感舊費相思可憐骨與詩同瘦夢
斷江南落葉時

洛下逢君老眼明雪中風度醉中情新詩直得清如許碧
湖寒泉爲寫成

無悔齋集卷五

八

無悔齋集卷五

無悔齋集卷六

錢唐周京少穆著

辛亥十月出國門

歸去城東舊隱淪且安茅屋靜心神功名未許妨高臥辛
苦何勞走世塵栗里一區成樂土鋤頭六尺付閒身湖山
應笑栖栖者不改修容待故人

康熙壬寅春莫東裝北游同人餞于湖上醉後題酒
樓壁閱十年矣歸來重上湖樓見壁間詩易書而仍
在詢之主人云墜壁凡數四而游客輒來補寫故至
今猶存拙詩凡弁久已忘懷卽乍見亦不知爲誰何
之作重煩愛惜亦字內知己因抄而存之

無悔齋集卷六

正是家鄉櫻筍時尊前無那動離思生年常作江湖夢此
地空傳水竹詞誰說有情憐杜牧不知何處送五爲垂楊
綠徧橫塘路只見春風染淚絲
離情爭奈晚風何祇管春來吹逝波夕照元知無限好落
花偏覺別時多不材自愛江邊老乞食誰憐醉後歌莫說
柳絲遮不住最難忘處是烟蘿

復用前韻題壁上 壬子

隨分來遊不記時十年前事話相思半愁已往空陳跡苦
愛翻成絕妙詞笑我編蒲殊易朽輸他聖帝詎能爲可憐
又是條桑節留得原蠶一寸絲

奉賢南橋僧舍有枇杷一樹蔭可三丈許結子纍纍

如金彈九壬子夏過此顏日冬花院紀以詩

兩歇來尋野寺鐘小橋微徑竹林通園因祇樹留孤獨屋
有冬花閱苦空我似無家隨去住僧如食蜜透邊中何緣
得及管新果許許黃金萬顆同

十年塵跡夢長錢不料江風落枕函半日閒看僧舍樹一
宵輕卸估船帆殘杯豈易逃狂客嘉果應宜飽老僮願祝
冬花無恙在再來容我著青衫

飛鴻堂梅花高不盈丈而古幹繁條寒滿庭院萬花
俊香一雪破臘屋舍在廣寒官殿矣父老傳謂此花
已閱二百餘年堂在婁江西門外

雨後江南二月天一城花氣市門前主人只憑瘦骨藉閑
住春風不放顛

無悔齋集卷六

入門晴雪塞空庭夢裏春風吹復醒香影橫斜千萬朵是
誰來賞到飄零

江城春色到茅茨雪滿牆頭老樹枝二百餘年來往客相
逢猶是歲寒時

不因空谷等閒開爲惜芳華特地來多謝琴尊漫相借踏
殘門巷舊蒼苔

春過吳淞江上

竹外桃花舒小紅春暄三日又東風乍晴乍雨忙時節正
是清明寒食中

曉發虞山口號

十里橫塘破鏡奩曉晴天色水明簾誰家買醉山前市一
帶松枝認酒帘

出郭輕舟打槳遲北風吹冷莫山祠前朝舊有琴川老第
一功名只誤詩

訪錢蒙叟拂水山莊遺址

文章舊說支離叟臺榭今看拂水莊尚有一株松健在晚
風獨自響斜陽

天寒水不東南拂日晚山應上下難樓角一區湖影入我
來猶得凭欄干

謁子游子墓

蕭拜古墓下悲風動柏林一傳學道語千載聖賢心東去

無傳齊集卷六

三

振洋鼓南來聞巷琴荒荒坏土在鄧陽莫山岑

荅張菊潭留別

十年消息隔州霜冷暑梅花幾度芳曾到君不遇留
賦屋前梅花不料歲寒

逢舊雨顛今日照見新妝示以本底
芙蓉詩好留健骨真難得拋卻

閒官也不妨何事匆匆棹鴛水教人怨殺權船郎

荅菊潭留別次韻

留君不住下鴛湖水宅原知入畫圖船榜未妨寒雨打屋

山應有與禽呼輪蹄掉首難拚別簑笠前頭久絕殊記取

春波倚門巷落帆時節到平蕪勿道近
在波邊

生年醉眼落江湖苦愛王維舊雪圖大不易居容我嬌最

安樂法任人呼林間合羨犁鋤老官裏應知骨相殊約向

故園開半放閒勞塵跡到荒蕪因時有
門名

十二月二十二日同樊榭畔民放舟湖上時快雪初

晴風物閒靜重過酒舍念樂城尺鳬已下世感今念

昔彌覺清游之足重也分韻同作

一角西山雪未消鏡光清照赤闌橋小分寒影看梅色半

入春痕是柳條閒裏安排塵外跡酒邊珍重故人招孤烟

落日空臺榭歲晚重來話寂寥

昨年底晚同樊榭畔民來湖上重題樓壁而良友至

攜筆墨往寫之荒詞流傳懸荷交并一時佳話未敢

沒也復題壁

詩價爭如酒價高抄詩復事其酒議
是詩以價得之者沒題彩筆出蓬蒿風前只

無傳齊集卷六

四

合間過臥醉後何緣識孟勞水竹題名真放浪雲霞知契

倍蕭疎顛令將角尋詩老吸盡明湖潑小槽

春雨過山塘

微寒未見長蘆芽芍藥茶蘼滿店花莫謂山塘沾濕好一

天絲雨送年華

柳絲新漾綠依依短簾祠前盪樂過塘裏好花塘外雨半

垂簾影隔春波

鹿亭約園雨君新拓寓齋成雨後招飲

滿州京塵五月中不堪搔首歎飛蓬何來熱散千家雨遂

覺涼生一夕風屋大如船牽夏葉簾垂似水隔秋紅此閒

暫許留儂住夢到江南下短篷

題顧石帆春帆送別圖

柳岸風飄送別圖銷魂曾此出東吳故人橫外重回首萬里江天一舸歸

誰畫孤舟爲送行秦淮渡口刺桐城春風又見吹楊柳一夜燈前白髮生

題丁生寓海圖

海隅日出此蒼生萬里征途御水行爲問遼東歸去鶴有人會否坐吹笙

昆身島外龍成陣去時千龍提渡焚難羽三日乃得過東下洋中螺作城螺飲蟹背浮海中致如城巨浸浮天渺然在不妨忠信涉多更海道每千里以里計

與澤州朱鹿田太守

無悔齋集卷六

五

洛下相逢酒一卮每來空館共題詩御街雪滿三年別官閣花開十日思使節于今勞郡牧皇恩自昔尚延推太行西去重攜手爲政風流看在此

遊北十方院

銷夏來尋祇樹林陰階雲影和森森窗前汾水流僧臘屋外恒山繞客襟蒼鼠見人投密葉兩禽當午響重陰煩驚苦覓安身處到此應須布地金

賦秋月六首

太原

秋月影微淡色膜羅衣裳淥影寒欲滴羅衣薄生涼永夜無人見空留此月華願持一片影照我到山家秋堂耿不眠明月入庭戶遙思江上村鳴榔滿閭闔

玉階寒覆水水上荷衣溼盈盈明月窗羅帳吹燈入

入水青銅鏡穿窗白玉錢古詩是誰名此寶隨處見空圓明星小於珠清月寒似水照見綺羅人秋蟬玉處裏

走雲中山

塞上羣蠻莽蒼生亂雲堆裏出層城儘教秋雨分疆界西舍陰沉北舍晴

秋山

秋山雨沐出修容翠黛新描不易遠鏡裏忽開華髮影白蓮千朵散諸峯

古樓頌

一團山過一團山舊說樓煩是此開代馬不勞空首肅秋

無悔齋集卷六

本

風吹出雁門關

代州

青巒萬疊鎖嚴疆舊遠樓煩古戰場冷積雨收秋草綠大荒日落塞雲黃渾沱河去包并冀句注山橫下狄羌惟有年年關外雁不妨迢遞到衡陽

雲朔雜感詩二十首

一徑蛇盤上嶺來雁門空接李陵臺居延澤在寒雲裏辛苦蘇卿仗節回

相對磨兒山後山

唐庚詩以雲內諸郡爲山後

陰風帶雨過榆關我來不是

操戈者驅馬沙場去復還

古戍銀坊萬疊山連天衰草塞雲閒仰看不及南飛雁卻

趁西風暮出關

百萬丁男屬役時衛生并作血流漸君聽殺子谷中水同

是聲聲恨李斯李斯相傳作李斯碑

積裏征人戰鼓聞期門秋月倚弓彎一城兵氣黃雲戍千

里愁顏白部山塞外諸嶺俗名拔

趙武靈王控北樓趙武靈王樓弓刀自古騎防秋至今代馬林

頻地猶占臨邊土一正塞外諸嶺俗名拔

覆窮山前走大荒紆于嶺外日懸黃行人莫上城頭望一

片愁雲占戰場塞外諸嶺俗名拔

無窮門外望風埃趙武靈王樓萬里邊雲鼓角哀惟有秋空

沙上雁年年飛去又飛來

無情集卷六

屯兵馬邑得無敵洗箭歸來血未乾那知山後雲州地又

號西京入哭丹宋時雁北屬雲州

猶抱琵琶掩而帶黃雲無際碧天寒藥藥戰骨知多少只

向王嬌塚上看

飲馬長城白道垣桑乾水是深涓源水經注出朔方洪源山雲中高勢

寰輿脊張儀說楚謂秦又溯黃河下九原

邊城石衛阻盤阿戰士披霜夜枕戈可有珊瑚夾營堡不

妨收保兔毛河河為北來水道

白登彌望滿胡笳娘子軍營絕不譁曲逆以故女甚開支可笑

單于四十萬一時吹落散蟲沙

吹角臨邊散馬羣受降城上壓風雲三城皆唐東勝豐州唐末仁厚築何人得

似張仁愿帳下先馳橫野軍

榆柳蕭蕭白月孤臺城空照小單于不知羌笛西風緊吹

得黃塵出塞無

萬國車書拱 聖朝燕雲兵甲坐來銷即今民物三衢滿

春到畚田長麥苗

風滿庭階雲滿廬山城星斗壓州旗雲州地勢最高夜來笳鼓聲初

歇雁過茅齋聞讀書

燕趙秦皆事一州邊隅爭戰幾會休漢王若塞飛狐口獨

保榮陽不外求飛狐口在唐昌縣西

豐州良美近河潯扼險留屯此要津雲夏不教空畜牧為

因留得五原春豐州五原即今歸化城漢唐皆要處

無情集卷六

呼韓邪入請留居光祿城開自古墟曾是 王人化無外

先秦明月照周廬雲中諸郡自漢宣帝時漸不入版圖

之代州酬別鹿田太守即用來韻却寄

風掃秋林驛路清關門沙磧幾人行芙蓉鐙上銷兵氣不

見黃昏舊戍城宋上舊有漢晉城

句注山分白草秋迢迢恨水向人流回看玉靶青霄外正

落殘雲在馬頭

鎮鐵院次鹿田太守韻院在陽曲縣城西地籍中供鐵如山不陸起明集馬取擄大風雷作而止

鎮鐵祠官狼孟城曾看枉矢注軍營如何鐘鼎第磨盤又

作風霆閃爍鳴地窟竊真寒不理金精伏結元平果教

神物靈兵氣消得年年社鼓聲

荅范南河送別來韻

鷹隼盤空玉宇晴
又隨殘暑掉鞭行
雁門關在平蕪盡一
路青
青柳何城

驚見邊霜塞北秋
黃花小院想風流
廬山下經行路爲
報征人已白頭

詠都齋黃梅花呈鹿田先生

東閣梅花出畫廊
風流端屬水曹郎
寒香自吐臣心白
春色還從官樣黃
我有鄉思看歲暮
誰于幽谷占年芳
祇餘
照影初昏月蠟映
冰消在屋梁

香散黃羅幰下身
是誰驛寄一枝春
鞠衣初試桴鼓影
檀口應吹玉笛塵
未許粉蜂後白却
教金染蠟前新
山橋

無悔齋集卷六

二月梅花發
視此芳華別有神

無悔齋集卷六

無悔齋集卷七

錢唐周京少穆著

山後

契丹山後雪雲殘
每個峯頭戰影寒
萬里邊隅經老眼
天教特地再來看

宿懷仁縣

馬首陰沉落凍雪
陂陀殘雪散羊群
荒寒誰是能描畫
野水殘山又夕照

塞外遇雪三首

天壓平蕪咫尺迷
雪花如蝶撲征衣
五原春色從來少
只當淒淒柳絮飛

無悔齋集卷七

亂糝銀沙烟海寬
沉山湮谷玉波瀾
無窮直似空濛水
憶著江南秋葦寒

橫野城南去復還
西風密雪洒刀環
揚鞭直指黃塵盡
立馬寒雲萬頃閒

山陰道中

磧裏寒沙馬踏聲
開前凍角斷人行
風從荒野過來橫
雪向雲山莽處明

入嵎縣

關北關南氣候殊
入關一日便昭蘇
雪開風落柳條翠
雲散日留峰影孤

大雪入雁門關

大雪入雁門關

北風吹雪亂行路塞馬嘶不得住雁門關上愁雲深小
露峰尖隔烟霧廣武城西暮雁聲一行吹斷去邊明參差
格磔散高下冷凍不聞笳鼓鳴荒有如霜寒雪裏曉起朝
光暖披耳鹽堆米糜磊砢生凜冽晶瑩射眸子山深氣寒
蒸石開千林霧淞浮遠萊珠幢玉節前導我此身恍忽登
瑤臺凡骨虛無無著處今日飄搖昨塵慮回首黃沙舊戰
場長夜漫漫苦風絮

出晉陽城

晉水不滿澤胡然決可攻爲思增壘意用保鄆川功野雪
明初遠驚鴻下復空河邊冰未合清溜尚溶溶

宿小店村

無悔齋集卷七

二

寒日易沉嶺孤村早上燈映門山雪在隔水屋烟升候隙
人留影投林鳥自能黃梁曾熟未清夢到荒塍

無山

借隱何勞絲上田不須更說趙衰賢經過未是清明節雪
壓窮山有幾烟

省冤谷

此谷由來號省冤傷心斜日響哀湍獨懷尚鏤當年鐵持
向人前不要看

雪中走潞澤雜詩

粉本山容舊雪岡是誰剪取半模糊一鞭寒影西風裏背
著斜陽過酒壚

潞澤州

砌道冰流曲曲清天寒來此聽溪聲空山雪滿無人跡獨
著駝裘犯曉行

太谷

四山積雪玉玲瓏霽色遙看半遠空捲地寒風忽吹散夕
陽影裏白濛濛

至白雲

太行山勢渺層臺亂羣峰曙色開不長虎亭留虎跡要
看王屋析城來

虎亭

板橋霜重少人行沁水潛流冰下聲正在亂山寒雪裏滿
身光影鬢毛清

沁水

羣巒隱約亘中原日下看成雪浪翻山北山南萬餘里渺
蒼蒼處是烟痕

望太行

一縷青生雪後烟有人家在萬山巔斜陽向晚茅檐外看

無悔齋集卷七

三

我龍鞭下晚天

落日

千里平原看落雕餓鷄鳴處雪全消我殊射虎南山者不
帶弓刀帶酒瓢

鷄兒鋪

嶺下茅堂合姓龐背山深曲啟軒窗可能招我依岩住倚
屋先開四十雙

石樓

五嶺嶺上據征鞍下有瓊田萬頃寬躬與牽車借黃犢自
應犁破曉烟寒

過五嶺嶺

雪裏疎濃逸品園林亭到處儘堪摹獨留一角難描畫半
入寒空半有無

來遠驛

白日迢遙雪映村疎林回薄小川原仙源莫說無尋處萬
壑千峯獨閉門

盤陀

餘吾城下日初沈影側過村一徑深惟有三樓山下雪
人騎馬入寒林過余香

羊裘不暖曉霜天誰在穰輪斗恨眠試看諸筆當雪後晴

雲猶與被重綿鹿臺山

牛鐸聲先破曉霜蚤行人怯冷初陽曉行日初出更寒輸他待漏明

光殿薰暖朝衣侍女香鹿丹南早發

澤州山接太行來中抱靈臯沃衍開有美亭林仙吏在

皇恩獨許住蓬萊見澤州山

水曹郎吏矢來游太守冰銜領澤州漳水清腴沁水白分

頭還向使君流交口鹿田有山泉水亦忙于我已何耐流又北流初

澤州官舍除夕呈鹿田太守

無悔齋集卷七

四

又說今朝是歲除山城風雪壓寒廬誰家蠟炬烘簾幕客
裏椒盤味筍蔬此刻光陰一擲耳明年生計兩歸與應將

甲子從新數余明年六十春到江鄉好荷鋤

此日鄉園特地長從容官閣看人忙宜春帖寫橫斜字守

歲盤多利市方感舊我忘催老大懷親兄與設椒漿年年

欲賣癡奴去買得吳鹽點鬢霜

到處依栖號寓公隨風雪片打西東一生浪跡窮年外幾

本殘書夜漏中君策年勞天可告我分歲計酒無功豈簪

莫景據懷抱願作承平老阿童

題桐陰麗人圖乙卯

新羅山人腕下春筆妙睇睇能傳神細何麗人研香塵天

寒翠和風前身梧桐有月照不真應浪意遠難具陳我欲
從之涉湘津若有思兮約羅巾

喜得孫鹿田以詩賀依韵荅謝

萬里書來喜得孫朋簪譁笑特開樽負勸有後能終歎轉
帶迎賓會掃門政是汝曹催我老卻看好語謝君溫惟餘

數卷殘書本辟咩前頭與細論

歸去舍館可弄孫相攜應喜酒盈樽臨書乞米累多口挂

杖穿林解候門分得餘甘甜晚節擁來敗絮笑春溫無災

無難其奇禍不把公卿爲汝論

田家常見長兒孫老瓦盆原是酒樽只教力農留荷鋤不

妨爲庶說清門謀供菽水終天恨助奉椒漿一笑溫詎料

無悔齋集卷七

五

添丁能抱丁來看花發喜重論

榮盛誰看到子孫且留老眼對清樽一支衰薄初延脈五

尺癡頑可應門膝上翁先慙今德醉中我更感奇溫贈謀

只有青槐在坐老休將別語論

題朱七修亭草亭詩意圖

超遙下筆五湖心滿篋荷荷會賞音曾見風流脫烏帽石

泉聲裏動微吟取九小山詩多妍妙

鹿田以余草書連畫數十幅並臻佳妙極韻見寄

頗來濡墨縱喧呼不受區區禿筆拘自笑深山野道士武采

爲是殘年誰與共磨煤繭紙兔狼貽

游小山

歲首樂歡宴日日格開游步出城西門朝散照高樓村村
農事隙衆走散百憂而我客茲土一訪山澤幽烟林雜榆
柳中有甘泉流臺榭占泉上循除映清漪日華動闌檻竹
色寒衣裘霧縠履影瀉濕侵帶鈎春前泉脉發聲響鳴
琳球殘雪白欄戶未許斜陽收薄冰冷岩广尚惜隨浮漚
貴家食一勺農人力千牛觀茲尺寸寶散漫何所投空山
自淪溺不爲須者求以是遠汚濁澆澆無時休太守欲表
暴思與窮題投簪詠泉石閒遭際賀媿修墟暗光已夕歸
騎難淹留願以俟異日敬請問林正

長平箭鏃歌

無悔齋集卷七

六

長平箭鏃長數寸三角觚稜格鋒鈍銅花上濕磨不光猶
是當年血腥暈我思白起殺人亦不勇解甲拋戈雙手拱
詐使易欺括小兒一劍仍教杜郵捧成秦患痛不用兵商
鞅李斯蒙恬城迫逐川原萬馬瘠四十萬人同一坑至今
黯慘愁雲昏精靈野哭叩門村民頂禮憫懷骨飲食祭
祀安寃魂安寃魂長平驛裏鶴聲池魚未許遭煎索前箭竹池取魚者每得
此村民至今烹祀不絕遂令過客徒酸聞秦欺趙欺空紛紛千年
箭頭猶留痕可憐誰說廉將軍

鐵花行

試燈時節繁新火簇著冠兒鬧花朵星流電掣須臾開閃
映晶球滿空墮未開鼓鑄融紅爐燒丹煉汞精金鋪青黃

反復視人面火侯一足爭喧呼近爐火視人面爲候奇者
熟黃者是紅過即不成花健者祖

蹴搏丹砂橫飛十丈朱明霞拂雲高樹燭星點紛紛亂落

葡萄花白銀作辦金作蕊萬葉千枝半空起天女乘鸞啟

玉齒盡掃瑤臺絳闕雲打塊成團作歡喜我聞下衆用火

攻看爾勇健肩脚紅幻美奇巧供一笑捲地倏忽驚兒童

遊碧落寺用鹿田太守韵

象外諸峯幾萬重一聲清磬落芙蓉影低雲擁龕前佛寒
起風搖殿角松春到上方烟歷歷水分下界響淙淙磨崖
灰劫千年火誰與安禪咒毒龍寺有唐李嗣真題
爲始作佛事今已燬

洛陽道中

十月單車走洛陽小春官柳半青黃行人爭說南中樂前

無悔齋集卷七

七

日曾經下太行

洛陽縣

衣冠南渡憶當時何處池臺管盛衰誰說洛陽花世界至

今猶是黍離離

孝老村

里人猶是說王祥孝老各村語亦良規我雞豚終不逮一
生慈到髻如霜

晚晴

忽轉西風作晚晴斜陽又照一村明牛羊點點山頭下鴉
雀飛飛屋上鳴

我愛

我愛山村享太平力耕不用更謀生明年歸計無他好只
聽茅檐曉雉聲

石壕村

留得人烟賣餅家石壕村外走牛車憑君莫話前朝事
鐸聲聲數歲華

靈寶縣夜走黃河道

初水深夜走黃河星斗低垂照影過知向賀蘭山下落曉
蒼茫處見微波

谷中

谷裏行程道路長隔山難得見朝光天寒正覺衣裘薄滿
地吳鹽十月霜

無悔齋集卷七

人

雞鳴關

浮世嵒巖老悴顏置身才與不才閒因思彈鋏成何用有
客雞鳴夜出關

潼關

踐華爲城踞上游潼關天險截河流莫言西向長安笑控
得山東二百州

敎水店

重經敎水店門前黃葉疎林上曉烟此是荆關得意筆一
峰仙掌畫難傳

華州

無數青鸞散曉秋翠屏風裏畫清幽西溪堂接蓮花寺一

路林泉過華州

至臨潼不得浴溫泉調辰江

溫暖華清碧玉泉原非禍水萬人傳只因脂粉曾沾汚不
放先生染俗緣

灊橋

征馬踟躕過灊橋昔人於此號魂消我殊到處傷離別不
用年年折柳條

驪山

驪山北塿走咸陽直令周原后土荒今日老農閒墾地看
來都是舊阿房

曉行聞鐘聲

無悔齋集卷七

九

古寺霜鐘隔水傳長征驅馬正加鞭羨他與世無求者草
閣葦簾自在眠

望醴泉縣不到

天意昏昏雪欲低醴泉縣在暮烟西問程大半無憑準我
只平生任馬蹄

醴泉道中見肅州人

來往河湟意若親各駝鞍馬逐陳塵滿頭風雪黃昏路都
是相看萬里人

旅舍

旅舍寒衾夢不成朦朧殘月到窗明長途疲馬同人倦惟
聽空牆亂啣聲

寒起

殘夢迷離睡不醒門前已復響鈴聲
匆匆上馬語寒戰猶指屋檐頭上星

雪

大地鋪將銀作海九天飛以玉爲塵
瑞林琪草尋常見柳絮梨花不當春

雪中

鶴翎鸞翅滿迴翔我是仙遊沈侍郎
轉覺人間風味別乞他玉簫奏霓裳

郊居

十級平坡九接連下安家室上耕田
一身占得無多地廣

厦千閒不值錢

雪壓

雪壓關山道路長遙天征鳥暮蒼蒼
一生只拚雙飛翼不

回中

天寒大雪走回中涇水迢迢自向東
匹馬南來落何處萬峰尖上戰西風

平涼道上

城外西風吹酒旗城頭積雪照晨曦
淥玻璃上看山色一片溪光凍合時

六盤山

四面重圍大雪山中通馬磨走海環
回看已在千峯上與白雲相往還

靜寧州道中

雪到林巒便不同水村山店畫圖中
何人拄杖開門看禁得寒溪兩袖風

至會寧縣

杖陽道走五十里六十九渡堅冰河
昔年過此正歡喜滿淵野水吹春波

金城

狼峯自昔策金城勅使河湟已罷兵
方畧莫如耕戰守至今猶數趙營平

沙井

紫塞西來隔朔城黃河東去劃通津
從來殺氣騰原隴不放橫山毒草春

紅城子

山下寒泉帶雪流林塘一曲水村幽
窮荒要寫紅城子剪取江南杜若洲

贈范中太守楊青眉

橫野軍容萬馬來儲胥雷動帳前開
中朝競說湟中守枕上旋師不世才

礧伯道中

山閣雲門吼瀑泉遠從絕塞帶荒烟
寒生雪後清人耳駐

馬水驛落照前

過清涼山

又向清涼山上行懸崖一線去來程人閒險仄無窮路我
却相看似祇平

嶺上

嶺上牛羊各有村向陽屋舍一冬溫採薪山半歸來晚青
出炊烟雪在門

宿清涼山店

路轉山腰折不窮儼然屋宇晚烟中人家多半依雲宿到
此停驂夜火紅

樂消有獲齋落成用阜定山韻示楊郎肇熙

無悔齋集卷七

主

我來直自大江東萬里龍荒絕域通六月雪分渠水白一
年春過野花紅朝廷清洗軍容靜池館閒消簿領功寄語
郎君莫輕放不妨良夜誦幽風

烏稍嶺

雨過初明大雪山玉霄仍几白雲閒從來上界涼如水劇
覺臨風冷珮環

古浪道中

翻翻自古此流泉響入空山萬綠天暫借道人茅屋住水
風涼處且安眠

過車道嶺

禾黍秋風日半斜兒童驅犢晚還家愛他綠樹村前屋我

尚脚蹯路幾叉

宿安定縣

孤城迢遞暮山中烟外斜陽落照紅殘暑漸消經幾日不
禁衫袖滿秋風

秋楊大山

山垂鐘簫留行迹水展羅紋認去波小蝶不知秋意早午
晴猶自亂巖阿

宿青家驛

涼風約雨下山城洞草巖花晚翠生清景須臾應記取隴
千驛外數秋程

隆德縣道中

無悔齋集卷七

主

侵晨漫漫山前雨向午靡靡原上花但覺涼秋無限好不
妨風帽任敝斜

雨宿式亭驛

客舍蕭蕭雨暗村連山雲壓白當門泥深一尺街前路未
許先生著屐痕

炊烟不出屋檐頭屋外飛泉響未休山鳥勸人行不得隔
林辛苦叫鉤輈

大雨走白楊林

淵裏飛泉響帶雨峰外溼雲亂堆綿孤村買餅冷如鐵瘦
馬載塗行似船

隴西道上

野水橫縱渡不休僕夫牽馬涉芳洲青青楊柳臨河色白
雨涼風半帶秋

白水道上

水村山店看初晴翠黛明妝鏡裏生誰向綠沈林下住起
登樓上不勝情

道出平涼

北地前塵十幾年昨游如夢我華顛青山依舊來時路洗
山還看雨後天

蕭關

單于臺在暮雲中王母池前白髮翁道是白登圍解後蕭
關歸去築神宮

無悔齋集卷七

齒

上涇原

高原彌望絕塵封疆界無遮橫溢留視秋雲千萬朵白
蓮花上散諸峰

九嶷山

九嶷山半碧雲橫知是秋風到渭城坏土昭陵合臣主路
人來此聽松聲

咸陽

唐宮陵寢漢家宮都在咸陽古道中博望苑西懸落日樂
游原北正秋風

驪山

驪山宮館冷秋螢雨打華清池上聲留得一泓山下水路

人猶是說傾城

入華州

曉來少華走冥濛果覺靈奇嶽氣通不信虛空還打麥已
看雞犬入雲中

望嶽樓

危樓如上九層臺不是仙游亦快哉平揖三峯三十里眼
花落處鳥飛來

身到空虛絕處看最高峰頂覺心寒青蓮狂叫昌黎哭一
樣生成勝氣完

落雁峰頭玉女壇不勝高處雁飛難生平只怕因人熱欲
到何處上界寒

無悔齋集卷七

圭

飲星潭水

絕頂蓮花豈易逢何時疾足走蒼龍卻因飲得星潭水便
是曾登玉女峯

入蒲州回望華岳

岳氣垂青照我行獨攀仙掌更分明一番回首三生事玉
女前頭爲證盟

無悔齋集卷七

無悔齋集卷八

錢唐周京少穆著

夏縣見道傍耕者

爲愛農桑十畝閒安心耕鑿自閑閑縱然終歲無多暇也
有功夫看到山

過涼水村

涼水人欽司馬公我生愛敬到村翁未須遺韻留鄉井杖
履清醇亦古風

中秋宿閑喜縣

盈盈山月轉清宵獨向空堂對寂寥爲問姮娥今夜好
樓何處坐吹簫

無悔齋集卷八

不論山鄉與水鄉幾時安放小書堂就中約取今宵月同
向藤牀睡夜涼

十六夜宿高懸鎮

月光十六夜猶圓仍到秋窗對客眠接向枕雨清不寐起
看還挂屋山前

拜畢陶墓

聖世明刑本好生早陶執法水衡平羅錯吉綢知無數
輩難容后土盛

洪洞縣道中

總無寸土不青黃萬貨登塲巷陌香自問何時荷蓑笠水
田明處立斜陽

趙城客舍遇雨不行

散車羸馬僕夫賸氣力消磨骨欲摧多謝深林泥滑滑叫
人常是首重回

橫汾道中望太行

橫汾天半黑雲然南北遙遮在眼前元是中原石門限未
經險處賞朝烟

天氣晴明樹影開大蘇書記賦歸哉山南山北雲封裏欲
上天壇掃雪來

太行東轉隔河流底柱分奔下趙州曾走雁門關外路析
城王屋數從頭

天井關前俯八荒昨游記得辨蒼茫洛陽官闕皆塵土一
無悔齋集卷八

無悔齋集卷八

線黃河繞北邙
太行太華隔中條山下循行萬里遙我集團經會辨識到
來容易認風標

觀收稼

村村禾稼盡登塲滿路風光小蝶忙留得野花霜未打尚
生香色艷斜陽

生香色艷斜陽

村北村南牛鐸車冬冬不絕響晴沙獨看守屋門前犬閒
臥秋陰到日斜

豆穡穀結疊成樓打麥場開散不收陌上提筐小兒女笑
盈盈去不回頭

八口家家盡在田收成恰趁好晴天連枷碌碌忙如箭看

見人閒快活年

塲圃初收婚嫁時一村簫鼓聚童兒風光看是承平久喜氣先從里巷知

八月二十三日宿徐溝客舍壁間有鹿田太守辨阿戈驛詩因書其後

河澗水是舊時波太守來遊與辨訛曾子固齊州堂記曰辨陳山川者太守之事也解道山川不能語古語云山川而能語與師食無所一從人指說同戈

徐溝縣夜宿用鹿田韵

雪裏題詩別緒分隔年還復過河汾秋風落月徐溝縣空館殘燈又見君

望太行

無修齋集卷八

三

飄如羅帶萬重青兩黛巖巖古太行澤潞爲兩上黨古曰太行山千里遙遙此片石程明道曰太行千里片石耳動搖星紀苦生靈坑地平史記太白食鼎

南天門平定州

南天門外碧峰環俯檻平看浪泊閒宛似浙江潮起處雲海推出萬重山

故關

晶晶白日滿秋山一路槐陰山故關規我十年來往客只餘巖翠照衰顏

曉行

牀前燈影客初起門外馬嘶人欲行曉風吹面不勝冷殘月照衣猶半明

過真定城下

楊柳陰陰紛紛亂絲敗荷葉滿溪秋池恒陽十里城邊路欲上長隄唱竹枝

方順楊柳曲

方順楊柳曲楊柳枝一年一度亂新絲淺青深碧黃時節馬上相逢數別離

重入都門

知是長安不易居殘杯冷炙事何如而今復入修門道白髮青箱理蠹魚

不才久合息田廬六帖文場總棄如慙對中朝老司馬衰遲重上薦賢書

無修齋集卷八

四

試後南歸

天下名才百十餘就中選進魯璋與大科賜予頭銜貴一賦凌雲上石渠

北來又復理歸裝被放凡數四矣回首京華路渺茫頗覺放懷生事

了一簾烟水下江鄉

諸公衮衮奉宸居朝省委蛇退食餘聖代卽今多樂土不嫌幽側老樵漁

有底官人值禁閑不勞野客散柴扉獨憐詞賦工何益恰信山林跡未非

一把茅遮屋已成草堂秋夜讀書聲唐虞世界康衢叟不用長門問長卿

題湯良耜春山鬻茶圖 丁巳

滿帽京塵歸去來九峯如昨信悠哉何人愛向溪堂住一卷茶經獨自開

昔年曾酌惠山泉接葉亭空月正圓爲有琴聰遣吹笛春

山如睡固茶烟

世事如雲聚散中春風吹亂酒旂空獨憐物外閒滋味對雨先嘗第一叢

題六弟千度擢船圖

臨河認得擢船郎到處春風水荇香自笑白頭癡阿大要騎官馬上朝陽

飛鴻堂桃花

無悔齋集卷八

五

萬里歸來雪滿船紙窗燈火舊因緣重教看得花如雪烟

水吳淞又一年

二十年來兩度看空庭白日關清寒何人得似花常在春到應須寄畫闌

陸氏夕佳亭看牡丹

一年花發一回看難得新紅到牡丹有底忙時塵隔而不畱清夢過春殘

不料輕帆落水村夕佳亭上詠芳尊暖風晴日花時節無

限春情客到門

小園春事滿牆頭紅艷樓臺映帶鈞誰說此花真富貴柴

門幽處更風流

松竹行 陸沈大田
母陳作

長松鬱鬱多歲年竹竿脩脩幽澗邊千枝萬葉老逾翠獨覺堅好全其天世人往往比勁節經冬彌茂矜嫵媚竹墩沈氏老阿母少年苦節悲啼鵲有如松竹冰雪裏寒摧東折愁連卷一閒茅屋抵死住篝燈夜作窗風穿屋後孤松暗覆瓦屋前苦竹屯朝烟有兒習讀在屋角書聲刀尺相哀憐行年七十不知倦兒行乘訓成大賢君看松竹亦如此露雷風雨今依然奚必妖冶誇誕節浮花浪蕊空爭妍

北門仲先生行

北門仲先生胸中如嚼雪其味清而甘不覺藥寒冽有時談諧發笑柳梅花襲世人好醇醪此老獨孤絕行年八十

無悔齋集卷八

六

歲杖履奉高深爛肉餽盈器讀書始暢悅不然嗟不飽緝不終篇輟無如養老計三旬九週缺所以純王政食肉者儀節如何大老者乃苦號餐餐一日來叩門語久語鳴咽申言老母亡遺卷懼汚涅余在展素文煩汝志碑碣只此留子孫余懷庶了決我悲先生志老矣孝思結愛感醇醇詞用臨憫憫穴先生行無違大雅頌鴻烈即此千萬年上壽永不減

題查宜門華山攜句圖

昔我經華山馬背凡四見追轍從頭年流光燦金電遙遙摩鵲鶴蓋蓋正冠弁欲往從其巖雲深隔對面展圖忽復憶平生接歡譁中有漁父何事獨登戀沈吟香語閒習

蒼在層巖劃然播首問天容白如練噓氣乘閒風潭壘快
哉善下視紛塵生震蕩發寒戰念此攜句者曾住藍田縣
朝吸聖人經夕奉老親膳昨牽輶川縣今拂西湖絹規爲
十載餘還家賦新燕尚想三峰頂箭括通一扇暫來星潭
下飲水漱冰箴有句驚岳靈空青落行卷歸哉畫成圖熟
視不敢宴偏我望嶽人蕭穆起庭院

浴馬圖 戊午

渥洼天產稱龍媒凡材忽忽隨階灰此馬骨相頗殊絕伯
樂不來空低回蹄涔此水散絲尾厮養又復牽羶催劇覺
雙目聽鳴鏑欲上不上生疑猜我詔此馬始出水長林豐
草何負哉鞭箠不施轡銜脫安與凡馬紛塵埃天生汝材

無悔齋集卷八

七

必不棄朽骨猶走黃金臺

早春河渚看梅

雪後偏橫竹裏枝白紛紛處翠離離誰家門館都相似占
斷風情說杖藜

爲訪梅花開未開二分春色上樓臺何須看到香如海好
是無人我獨來

次日復泛舟孤山

又招小艇寺門前晴日花光水接連篷底直將清影占正
橫斜處坐來穿
放鶴亭前說隱淪暗香疏影句橫陳無人知是林和靖留
得梅花認後身

坐冷泉亭同旭久長老

一日春晴散畫屏碧琉璃上冷泉亭水從石裏生成白山
向門前分外青到此尋常淨心眼任渠斟酌飽甌瓶清寒
不是花時節乞與蒲團絕醉醒

冒雨登湖心亭

草樹煙簷外樓臺水氣中雨昏連岸寺雲重隔林鐘薄醉
沈天宇輕寒落晚風怪來清徹骨檐角響丁東

無悔齋集卷八

八

無悔齋集卷八

無悔齋集卷九

清明日遊萬柳堂已未

錢唐周京兆移書

相國園林御苑東荒池楊柳正春風樓臺幾處新垂綠花
木無多半落紅一代勳名餘畫壁百年人事數歸鴻川原
滿目重回首都在烟橫晚磬中

前朝郭外此精廬萬柳堂開映碧虛消得閒身逢節序漫
隨芳草到庭除池蛙小院春風後林鳥空堂返照餘何事
京華好邱壑物從人去任荒鋤

魚藻池

荷門遵大陸所少在渠水城東園邱北八九漾方軌指曰

無悔齋集卷九

魚藻池金源獨留此小魚分自紅湛湛復齒齒頗有萍藻
橫眯日發歡喜我聞開國初叢泉山間里重疏物議盈唯
見溝洫耳何時玉泉流靈脈通青泚爲誦魚藻詩歌聲響
潭底

杏花下飲酒不得

亂紅塵裏說京華何處春風賣酒家開到杏花都不管任
教零落閉窗紗

我是閒人特地來一春花事付殘杯如何不許花前醉隔
著荒園獨自開

德中丞成齋座上作

中丞真氣滿戶隔貫穿百代羅萬有有時談論淮河寧直

把波濤瀉杯酒生平讀書都忘懷青衫席帽隨風飄心知
異境暫服過老去窮通空形骸今年忽登黃金臺承平風
景雲霞開中丞招我話晴窗不覺顛倒翻尊尊我今老矣
抱書冊到處逢人說巷陌後生認得古人途右把虞書左
義畫

慶春樓觀虎口餘生劇本

承平日久事見磨值得當場對酒卮走向慶春樓上看一
羣腰鼓出王師

將軍一劒守雲中盡室甘隨逆炤空殺卻當關周過吉遂
教直入大明宮

慢亭鉦鼓正誼諱三殿官庭亂似麻寶冊一時收不得玉

無悔齋集卷九

河橋是內人斜

世間好惡出金銀誰料多藏禍指紳民怨從來都不管今
朝同是可憐人

內臣底事屬官家不信盈庭信狹邪只有王承恩一箇不
隨班去唱排衙

此身生長太平年說到前朝倍黯然何事不消亡國恨重
問哥板舊因緣

答代門喜我至長句

前年歸江湖已與長安別何期春風生吹我出積雪老夫
心如灰那復問寒熱老夫身如蓬南北隨飄擊多謝君子
誠喜我來何疾張鉦同歌呼酌酒共懽悅忽忽人閒世欲

語捫其舌匪君世外情何處容老拙勤拳奉君義日觀
下珙

燈下詠芍藥花同范豐懷南河九池東山飲汪代門

寓齋

帝里穠華錦繡中年芍藥麗芳叢一枝稱意分花市十
載風流說寄公燒燭不辭春事晚開樽常與故人同貴家
庭院休相妒可有心情管落紅

春日游果毅訥公園林

天清麗景映樓臺處處池亭繡郭間十畝方春成綠野一
家終日住蓬萊無私泉石隨心得有意山林引興來自是
朝廷樂民樂鴻鈞須仗濟時才

無悔齋集卷九

三

上公臺閣接雲霄爲有忠良翊 聖朝池水近從星漢落
國山遙指玉峯標冲和淑氣迎芳草勃率靈根長藥苗祇
魏達茅老居士春風海角坐中招

別苑芳菲有好春海棠花發絕無塵南榮新語雕梁燕東
閣分鋪蜀錦茵川上游魚常在藻樹邊啼鳥不驚人明公
禮數寬如海許我來游岸角巾

幾樹垂楊拂小橋相將同載水蘭橈晚渡明似青銅鏡清
淨寒如白玉簫舟楫穩從天上坐亭林都向畫中描塵寰
會有神仙宅瓊戶華燈碧水遙

經行上苑雜詠

西直門通御路長草芳沙軟落花香平原十里青天影看

見斜飛鷺一行

映街高柳遍天青露出西山展畫屏放眼春風一萬樹絲
烟和霧暗金庭

折入長林過畫橋御溝東去碧遙遙昨年說有船來往滿
面楊花雪未消

行盡園林荒沼存任人垂釣坐松根問渠指是朱門徑三
十年前絕展痕

節近朱明入夏時陰涼樹底鶴來遲怪他柳絮真輕薄只
向閒人面上吹

遙望 宮門欲到難花開不敢近前看隔離上界無多地
金碧光中扇影寒

無悔齋集卷九

四

忽見猩紅小鈿車出簷宮柳半陰遮風光三月當春晚滿
路青青碾落花

紛綸奏對集蓬萊此日蕭閒我獨來問說 至尊親策士
昨移 天使上平臺

依牆倚苑解吟詩禁旅相看怪不支此是誰家門下客
鞋踏到日斜時

楊花篇

春常三月春風織吹落繁紅復吹白息息扶絲上林梢又
送楊花撲簾額捲簾坐看風中春無情有情來向人十年
客路溜塵滿一夕春歸白髮新楊花知是可憐生無人愛
惜隨飄零有時欲捉捉不住飛作池塘水上萍浮萍浪跡

鵲啼血雷得晴東一堆雪忽然滾出打毬場掠亂輕狂漫
分別陌上人歌楊白花飛來飛去落誰家畫樓多少垂楊
柳費盡春風隔絳紗

我生七首

我生嬰世網人理互紛觸勝情牽華簪役役半千祿祿養
不得逮已復甘縮伏衙門委巷中遂覺返初服形骸知有
我涉境多可錄經春庭梅開入夏窗樹綠秋涼采湖蓴冬
深臥雪竹雖乏經歲謀良足樽醴粥不虞清風吹送我出
茅屋來居好池亭臨流瞰淨漾儵魚出從容漾漾乘朝旭
生小琴分命治汴卽河濱婉羨兩不已永日俯闌曲
晚見一鷺飛悠然下林澤清潭立多時照影對空碧飢虛

無悔齋集卷九

五

不自持閒心付閑寂不知高潔人修容岸巾幘我問鷺何
似冉冉春水隔

鷺鷥栖絕壁遠與人閒離鷺鷥飛草澤各自甘糜麋羽毛
不驚衆言語何能寄深林叫不休遂使依軒帷晨光透綺
疏晝閣明簾重冷泠澗中水蕭蕭巖畔枝庭隅見野雀引
頸長相思野雀復何知常苦空山飢

人事寡所償求溪入平陸聽歌滄浪詞逝且濯吾足平生
苦願思體大不得服敬奉巾杖履率爾見踳跼散髮走長
林用以名五福

山溪苦登涉不如好園林園林日夕佳風雨時開襟開襟
久候仰轉想居山深深山清溪流可以空我心溪邊芳草

生可以譽吾簪時來樹底臥交交聽鳴禽山風帶溪響合
作清商琴耳際一以妙心思與之沈已忘園林好蕭蕭發
短吟

萬象各相見乃知入夏初禽聲作而散樹影密復舒光景
見明湛一一揚清臚川上浮日華我愛春水渠酌之不盈
掬涼心入空虛就陰歇軒窗讀我黃農書倦後乃被枕夢
我把犁鋤辛苦生歡喜夢醒仍故余憶昨當此節曾叩同
里問欲結茅茨鄰家具無遺儲沉吟復沉吟開軒看棕櫚
婆娑一林柳葉葉自搖搖空庭無人跡黃鸝聲相招微風
從東來葉散開青霄不覺夏日永依依自昏朝故園有嘉
樹密葉應垂梢遮籬還覆瓦茅堂蔭通宵花開不在家十

無悔齋集卷九

六

年九飄飄徒念此楊柳悵望扳長條清陰良在茲且復吸
簫韶

寄盤龍李鷹青

一卷相逢李少君問函重與話殷勤欲知行跡無尋處說
在西山禮白雲

書堂三日雨玲瓏白飯同食小屋東回首滄江千萬里罷
須白到鴈山中

君詩零落似江梅水淡冰寒不自裁收拾尚畱余舊詔廿
年前事豆稍灰

鷹青詩以
余作序

我本多時不下山等閑爲客佳人閒重來問訊城南屋空
復秋烟獨往還

鄭侍講筠谷招同包通守春河倪給諫礎嘯宴集席

上作

尊前相對幾人同
湖水湖山付斷鴻
公等頻煩天下計
吾儕高臥上皇風
招邀入座髭須白
夢寐今宵蟾炬紅
回首鄉園游釣處
滄江獨畫一衰翁

留別汪代門

出門動即到君家
代門雅重氣義故屢托足
白飯青芻數暮鴉
燕市酒徒人散後
故園松徑路爭差
難逃春色開樓閣
際歷秋風動鼓笳
何處相逢再相問
一湖烟水短篷斜

別楊大司馬

出入中朝望羽儀
游登班位節旄移
曾任粵西大司馬
南清烟海安

無悔齋集卷九

七

龍象北游天門靜
虎據功業須論黃閣下
精神要是黑頭時
憑公蘇息若生手
直上彤廷若聖容
在昔相將汗漫游
雙清心跡仰沙鷗
一城白雪天山莫
萬里黃雲弱水秋
指說河源浮濁浪
摩挲鐵氣上青邱
到今老大重回首
獨對西風振敝裘

留別德中丞

愛我真同潭下魚
水清石瘦伏秋渠
重來俯檻樂何極
老去臨淵愧弗如
今日市門勞綢繆
明朝海國走空虛
公恩若復憐魴鱖
仁及滄波自有余

入涿州

枯木寒鴉入涿州
不勝清冷敗貂裘
青山多事常迎送
東

海茫茫不掉頭

霧淞花

破曉千林霧淞寒
梅花和雪壓征鞍
兩年不踏西溪路
絕勝橫塘水上看
巧玉瓏璚舞翠圍
初陽開照影霏微
那知頃刻花如海
盡作春風柳絮飛

過沙河縣

一尺沙上水心閒
馬意遲清生初雪
後寒近欲冰時衰
柳黃在樹橫烟青
出籬蕭蕭帶微雨
惻悵渡河湄

湯陰縣謁岳鄂王祠

驅馬湯陰縣祠堂
拜鄂王一門尊俎
豆百代肅肅守社火

無悔齋集卷九

八

依先隴靈旗下
舊疆臨安紫葬地
宰木尚蒼蒼
河北此河內
從來古蕩陰
中原仍戰伐
故國見精靈
欲下香盆淚
徒哀湜背心
詩歌猶在眼
慷慨動長吟
石壁有王送張紫巖先生北伐詩

題童北亭鎮夏小影

高情欲落秋空雲
老懷憚暑心如焚
蘄州笛簫捲付我
官

己未澤州除夜呈鹿田太守

此夕匆匆又一年
萬家燈火夜纏綿
子孫合認高曾像
兒女同登七箸筵
我已行游忘卻老人誰
安樂看如仙蕭然自笑無他好
省得忙分度歲錢

故人官閣書相將二老風流宴樂歲酒一尊分冷暖衰
年幾度換星霜有詩只作功名賞無疾能消飯顆香更好
燈前明老眼堆盤珍果出江鄉

復用鹿田白訪集中丙申和唐人除夜三詩韻賦呈
三首

用少陵杜位宅守歲韵

莫更驚豪家銀盤爛燭花老年驚爆竹今夕羨歸鴉歲酒
杯空設除夜俗必爲
建人置境春燈影半斜過憐小兒女圍坐說天涯

用戴叔倫除夜宿石頭驛韵

何期千里外落日倍相親守歲憑官閣張燈留故人未須
傷莫景且住隔年身聽報殘更漏門庭已閉春

無悔齋集卷九

九

用羅昭諫除夜韻

山城寒漏永坐待酒杯傾問我拚雙鬢隨他下五更耳聞
終夜熱道勝積年平相對華筵燭今宵分外明

無悔齋集卷九

無悔齋集卷十

錢唐周京少穆著

元夜鹿田親攜雙柑見贈

庚申

捧得雙柑對月圓輕黃淡白照尊前且須歡譔同元夕其
爲分攜在遠天香美榮名公獻歲酸寒播齒我餘年相看
二老頭如雪珍重團圓樂是此筵

且教行樂過華年官閣元宵夜火懸庭樹無花粉雪落陽
春有脚疾雷傳是夜打鐵花
放爆竹甚盛笙歌未放遇氍毹暖酒殘重擊琥
珀圓袖裏雙柑香滿座可堪消受更加筵

十三夜

試燈時節夜傳柑忽復春宵是十三想到家園朱橘賤不

無悔齋集卷十

論錢買滿筠籃

十五夜

滿堂歌鼓壓羣山絳蠟千枝爛不刪空有中庭元夜月不
教閒著照衰顏

十七夜

似水年華盡燭消輪時盼節又今宵韶光過盡春無賴捲
地東風聽夜潮

宣卷

澤之伶人演劇以宣卷名蓋以彈詞入調歌句欣聲用
雙鎖咄爲和良久乃再出聲風情諧暢中更哀嘯有梁
州意外之音合尊促席頗於異撰

晉城山館按歌聲簫葉吹殘午夜清
檀板乍如蛙開開竊
娘隄上月三更

遲回依約轉身來
欲語聲沉急管催
消得酒寒華燭盡
尊娥不下繞梁哀

宜從碧落響雲璈
唱徹中庭月正高
莫謂王門無濫吹
問誰得夢輪袍

殺虎行

太行有虎山之幽
陰寒積雪來何求
白晝食人掉尾游
骨肉散棄驚魂留
可憐空林叫鶴鶴
死者舂舂血淚流
生者般般生畏計
伏毒弩排公矛一
日洞中春其喉翻
身怒吼崩山止剝皮
剔肉割不休赫然尸
橫如死囚嗚呼虎兮

無悔齋集卷十

二

爲身謀殺人本亦無
冤仇那知自殺還相
酬我謂虎爾慮弗周
爾覩耕田南山牛嚼
嚼細草行悠悠戒勿
宰殺充庖羞虎曰死
耳吾不憂生時未肯
安弱柔

陽城虎一首呈鹿田太守

陽城虎陽城虎今年
殺死送官府太守不
惜清貧錢爲喜元內
伏刀斧民人送虎前
致詞我民殺虎利用
奇箭毒一入貫胸臆
任爾強悍無能支此
虎齒黃老不死殺人
有缺視雙耳虎曾食人者耳多缺耽耽霍霍風生林
誰敢臨崖究終始太
守命制先褫皮安坐
直作皐皮師治理和
平不用猛苛政視此
除無遺民歸縣裏去
且復相告語官府慈
良虎患除從今不必
生怕懼

沁水虎

沁水虎不比陽城大老虎
此虎已經三食人
餓腹空皮尚如鼓
七十老翁誇健兒
自云獨殪茲窮奇
公然入門攫羊犬
一鎗正中博浪椎
爪牙盡從決石摧
凝活亦難生廟災
徒留此皮張服美
斑斕翕赫驚童孩

戊午春莫船過沁水沈君若虞出文湖州墨竹鑒賞
此畫人間已絕少矣著于詩或如見畫也

墨痕八尺垂中堂
東絹色瀟瀟微茫
一株老竹倒空落
滿堂竹葉聞生香
好風吹著發歡喜
瓊筵舞袖分郎當
有時清簪出屋角
迴如寒澗鏗簫管
撐軸柱幅葉零亂
一葉一意天工裝
竹竿飄直半屈伏
只餘衆葉翻空牆
竹閒題名

無悔齋集卷十

三

大如緼與可戲墨
古不莊空堂畫靜
獨對此仿佛夜雨
聞瀟瀟我知湖州善
畫竹大蘇調笑食
少肉渭川千畝在
胸中大蘇此山寒梢二百幅我曾一到質管谷竹影無多幾
茅屋牆外棕櫚散
夕陽牆根蓬蘚施
微綠清質太守棄
靴材寶得琳琅墨
一束墨君堂上風
生林看取蕭蕭勁
節心不說與君爾
與畫金遼元後到
如今

敬題先太常卬仙公墨竹單幅

猶傳先朝神宗時
先公太常曾見知
宜室論畫每內名
惟此前席常留遺
吾宗老兄頭卷奮筆老勁不拘束
一竿兩竿旁少枝
一片兩片葉將脫
乃知畫竹只畫竿
瞻此宜節端巾冠
想有枝葉在空外
半見老幹長桓桓
竹下

手題十四字好風明月應須記題云千里好風清夜竹間知有玉一庭明月冷窗金
看竹人水邊林下承天寺付我申言手澤存蕭蕭竹裏見
吟魂遺書散盡青箱冷對此斑斑有淚痕

題吳仲圭墨竹畫卷

吳氏繡谷喜得畫二萬卷書日鈔記更有畫軸千餘首一
一標題別同異校書手自點墨朱名畫迹妙神品殊其
一卷我獨愛丈八尺長琅玕圓生不愛竹人竹隨瞻陰屋
後荒園裏有時走向野人家圓看遮檐復拂水忽從畫裏
見新篁百千萬个寒蒼篴風晴雨雪各異狀炎夏蕭蕭生
微涼借觀三日坐昏曉墨香竹色開青吳頗覺窗前老竹
竿不及紫移筆橫掃仲圭吳生真擅場署各自許梅花當

題名梅
花道人
蘇軾畫集卷十

廊准有遺冊堆空牀雲烟過眼難忘卻詩莫使鬼伯將

題魯得之畫竹冊子

誰教杭州魯得之畫竹不畫新生枝兩三片葉淡而野筆
不到處神明隨有時竹盡只細篠生意不盡留清漪始覺
逸品見佳妙不用滿紙青瑠璃澤州太守每好事收拾好
畫供娛娛那知生氣出紙紙遂令淇澳移于斯千竿萬竿
在川上日夕睇對心虛師掩冊包裏急將去空壁陶淵長
相思

蒼鹿用太守敘舊感事用來韻

千里相思折簡呼到來形迹不會拘攤書任說鹿劉駭食

內空慙衝霍象一日開懷那易得十年塵慮已全無頻頻
指點仙源路研盡丹青染白須是日出寺
見示

一從牛馬任人呼抵几掀髯總不拘笑我揮杯憐上客憑
公吹笛借官奴雲消霍岳雲容出將有
州之行春到汾河柳色無

其向年來說懽懽且教隨分數花須

鹿田招同龍華寺看杏花酌于小山泉石間醉歸馬

上作

晉城三月春風寒柳條盡盡青琅玕清明已過十二日春
光始覺隨劍盤龍華寺裏杏花發相將騎馬尋禪關三株
兩株滿繁雪亭午照曜峰巒環餘枝蓓蕾漫包裹絳羅紫
綺迴羞顏老僧不管任開落山雀乍啣粉巾冠一枝獨取

蘇軾畫集卷十

五

半含笑伴我客裏燈前看太守花前興未已置酒小山泉
石間春山澹顏睡未醒夕照忽復垂闌干空拳醉呼春騎
馬春泉助響聲潺潺馬蹄蹴踏花影亂吹花風起春衣單
及時猶幸得芳訊明朝雪落何由繫馬鞍敲鐙入烟郭省
記醉語誰能刪

出郭看杏花用朱修亭韻

山杏花開野寺明石泉槐火剛新晴暖風吹我出門早春
日照人行腳輕每箇樹邊看不足幾年客裏笑多情未妨
游衍重開宴莫待紛紛數落英

當春日遣探花叢只恐花開一笛風忽覺新晴半欲綠已
知繁杏十分紅不教遲緩同騎馬且放顛狂盡出籠獨羨

眠禽呼不起夜來偷宿月朦朧

上馮家陵見析城王屋諸山

到此相將上析城春風吹向亂山行鴻濛剖出重門影天外雲霞護玉京

白氣空浮五斗峯溼雲何處落芙蓉析城有白氣浮五斗峯化爲溼雲滴太乙池願將

太乙池中水瀝向黃庭洗毒龍

東轉河流認去津黑雲天半指輪囷此間有屋能留住願作天壇掃雪人

游析城山

導山訪禹跡民柱至析城昔年攸圖籍底柱從東行禹貢底柱山在今平陸陝州間大傳云東行晉以析城東峯爲底柱者非是今來析城山莽蒼空金庭天門蕩

無悔齋集卷十

六

蕩開震掉愁攀升云是南磴外河流落舊京南天門外始見河流遠北即東注

日輪西轉馳未得占遺經惟視王屋尊端立拱太清天壇出平頂有路無山登望見鳥道一線自許神明健浪謗腰脚輕咫尺

雲衢間旁皇浩冥冥衆木亂紛錯旋遠不上生其中多藥物鼻觀聞奇馨人世淹疾苦揀濟蒙哀矜傳部分草木之曰草木分析城未解徒量評古聖留往事指說空與萬載莫

生育山川此流形我本滯羈旅擊走叩天福天福神虎豹帶座通霄霆下有牧伯長謂鹿田太守拜手邀惻誠顧瞻成湯廟

憂厯黎民情誠商厥惟舊天聽肅屏營向夕靈風起爲君發松聲

殿腰至護駕谷陀入南池村川鹿田太守韻

石亂山荒澗道寒此行轉覺客衣單鵲飛古殿孤烟起人在遙峰下界看谷靜晚風松葉動村深斜日杏花殘入來身外都無著只喜閒雲落屋端

坪上

目盡天空日淡黃直從地窟上崇岡不知河患龍蛇變獨覺城春草木荒殿角久留池水碧山庭猶有藥根香經行險曠難淹宿古道遲回下夕陽

郝伯常先生祠堂

在昔宋元時天下苦戰鬪中原半淪棄民如散鳥獸攘臂戕父母時或宋之計子先儒越復復曰宋時父母之禍安得引他人伐父母誰復問黔首公獨矢模誠不避欲拯救爲言宋無罪奚必逞暴寇毅然任國使往

無悔齋集卷十

七

解民顛覆億萬生靈生何暇顧身後其如誤國奸十六載磨侯隱志不得伸痛若獨負疚歸來望太行頭白氣昏瞶愴悽鬱不蘇何暇榮文繡尚冀延宋脈帝蜀存漢舊庸庸樂宋亡謂公惜未觀公心如天仁誰與發局倂偶然雁足書初不計病訴載拜視公像有泪泣晴晝

酬鹿田太守夜話留別即用來韻

萬里關河數去塵斷雲孤鶴且逡巡青松不惜常三宿白髮相看有兩人樂意過逢親笑語好懷吟唱總清真未妨留我眠官舍雪後蕭蕭可判旬

泰安道中遇雪

雪落橫斜寂歷風半沾衣袖半隨空青分齊魯千餘里都

在烟關霧合中

羣峰遙通出幽姿近綰青螺遠畫眉密雪從空遮不斷一重珠箔半鈞垂

早發雄縣次抱撲壁閒韻

欲起未起衆星沒欲明未明曉風發野闌天空來遠塵馬蹄人影動殘月

寄題吳興蔡太虛竹寒沙碧山莊 辛酉

山人可許洽幽期欲向春風策杖藜寄語定須燒荀食相邀莫遣落花知看雲樓上開多處聽水橋邊住幾時林澗不慙應笑我到來合有入山詩

夏夜走吳淞

無悔齋集卷十

八

小艇夜來過微涼出菱荷水螢明不定川月映無多爽氣先秋露清風生晚波脫然塵世界仰面看銀河

夜涼

缺月照蘆花篷窗生夜涼暗風來遠浦清露溼橫塘笛簫閒如水練衣在牀明窗逢七夕攜手上河梁

新秋用柯木同人韻

殘暑初消江上樓晚雲如水杜蘭洲并梧葉落驚秋思砧杵聲高動客愁夏簟已侵冰雪意長鏡先託稻梁謀輕風倚欄干曲獨把新涼一笛收

吳船行

吳船八月清夜游紛如鳧鴨爭亂流紅窗綠幔釵朶月明

簾盡橫橫塘秋涼波千頃鋪翠草水燈萬盞拋晶毬笙簫宛轉不知數尊暑擬解無邊愁更深烟火山店市風前笑

語誰家樓十三十四趁良夜 吳人每于中秋節二日集舟山塘 半醒半醉聞吳

謳年年當場不浪道人樂此何時休我老已覺太無謂年豐未必真無求歌殘衆有若鳥散酒闌萬象如烟收客

船打槳逐霧去虎工松栢聲颼颼

中秋虎工山塘卽事

吳儂洲渚卽蓬萊白月清風畫舫來無限星球向空落水心寬處照瓊臺

船上燈搖樓上燈燈燈相接百千層一般月浸姑蘇水除卻山塘冷似冰

無悔齋集卷十

九

銀箏檀板漫清游大半看燈水上樓別有倚舵人不見空留明月照船頭

橋外燈光亂眼花水烟飛盡月橫斜高樓尚有吹笙女不見新妝見碧紗

看著蕭郎也太癡酒頭花懶費尋思逢人只說紅燈好華月當頭總不知

題沈石田寒驢覓雪圖

昔年騎驢向京國大雪飛空斷行役千峯萬壑墮渺濛側帽籠鞭下烟郭前年西走居延西祁連山雪浮雲齊芙蓉萬朵落晴雪六月照燈光琉璃昨年又度雁門關黃河屈曲愁顏山莽風驅雪不到地闌塞一簇微茫閉今年春雪

大于掌十七八日積一丈狼鹿飢號奔復路況乃村墟盈
現盡獨殘窮蹙危雪入溪橋巖谷暮山村未知策蹇向何
處有人對雪開蓬門長洲高士石田翁盡出高人走馬
我願提壺作奴子不妨南北又西東

春日飲吳山酒樓同樊榭竹田希亮兩成致復

落日江山故國情樓臺草樹接春城銀塘湖上暮烟出
古泉留曉照清新柳入簾侵髮白好花分影向湖明不嫌
被酒何人識燈火河橋盡樂行

城南看桃花行

桃花三月城南路上下江光隔香霧江光搖動桃花紅似
捲湘簾出朝曙鳳皇山下塵土中中有宋時宮殿處至今

無悔齋集卷十

十

桃花能笑人露井風開說前度我來花發春風顛春風春
雨愁春暮桃花面面春風吹不見麗公上正墓江山如畫
春帆行一片春情滿江樹暮鴉寒食故行宮迴首桃花落
無數

荷蘆井

南宋官中井近曾淘出銅印數十枚鄰姬寶其一摹篆
文宣德節度使之印屬孝康鵠政是吳越時物又有汲
其木數片上刻夫人娘子位號者

古井四時汲寒泉經幾春南朝不改邑吳地尚遺民金印
祭故物銅瓶出向人枯棹灌園者日日及清晨

吳生敦復重得父書許丁卯集于燕市

在背難書屋舍東青蘿秘閣晚燈中勝情絕似歐陽
子萬卷樓閒說鉅公

五茸城下問吳船靜夜滄江白月穿知是米家
書畫舫到今空指浪花圓

古香卷軸萬牛鹿一一標題點勒餘記得聚頭借書讀冊
年前事笑食夫

丁卯橋應勝午橋許渾詩卷未沈銷曾經讀取江山
句正壘寒藤久寂寥

題表忠觀斷碑後

五季晉周遭喪亂宋出有主民所依積憤血爭負固錢
氏諸吏先來歸四王三世靖寇難臨安一區安無危照寧

無悔齋集卷十

十

十年臣林疏廟填香火償民思表忠觀立賜名號吳越國
紀留於斯碑文銘詞山蘇軾大書深刻生光輝初刻張氏
藝城脚四刻完好如弓圭三刻失亡莫可攷此惟二刻猶
半遺何年仆臥學舍外韓陵片石知者誰羅村先生好古
者十年館下常相隨搜剔附隱及斷碑爬讀聲響金椎
謂此原碑儼然在直得拱壁張須眉扶立廊廡俾勿湮于
載生氣同鼎鑒萃相萬本共傳示字跡不滅文昭垂傳
矧郊寒勁健捐聘病目臨晨曦三摩抄後三嘆息大江潮
湧錢王祠

無悔齋集卷十

無悔齋集卷十一

和樊榭移居四首 癸亥

錢唐周京少穆著

一身將隱十年餘何事重來又卜居萬落千村隨息影三
閒五架不開渠憐他老宿無安處規我先人有敝廬獨羨
君家門巷裏滿池春水好爲漁

覓得閒居且放頭卻鄰洲清著神仙牆邊遮柳剛臨水門
外尋花可刺船新燕語中常小步亂蠅聲裏足清眠寒泉
一狗猶難買只此幽便值萬錢

日復來游小徑斜未經屋舍也應誇橫橋日出聞啼鳥隔
岸春深滿落花無意獨尋居士宅有情常到野人家器塵

無悔齋集卷十一

市遠何嫌忌客至相逢一笑譚

宸區秀句久知聞仰見臨文有大勳宿驚已飛從泛泛種
松未老且云云屋前白水常同東樹外青山合作羣爲愛
南湖舊招隱一林風月要全分

和月田首春遺懷四首

白積庭階幾尺綿過途絕跡小乘禪寒生破屋無尊酒暖
入春城是晚烟不向人求安本分那知許事且高眠風光
正好看游屐老去心情又一年

失紅爐火託微溫舊事新愁枉自存獨覺寒梅香入屋卻
憐春草雪當門風情只合推詩老賸暖何緣達至尊爲誦
先生遺世句不妨扇錦護苔痕

何事塵寰有睨顏任他一味笑癡頑料量長物惟存老檢
點空囊可破怪妙訣人傳千日醉頭銜天放半生閒春風
到處開芳甸雪後支頤好看山

知君曾不厭長貧多病維摩是後身世路原無招隱地幸
官舊是趁朝人髮絲禪榻年年計酒琖茶鐺日日春乞與
安心有良藥不開蹤跡傲蹄輪

春日集數文書院用退之山石詩韻

陽曆四月許初觀鳳
樊榭山長爲得秋勝

春陰開雨晴光微入門花片春風飛回來問花復問石山
石何瘦花何肥桃李漫山觸山石一石一意嗟吁稀依偎
臥起各爾汝指困積陳年年飢羊蹲鳥屬虎豹門崩樓走
檻排門扉江光湖色紛到眼石頂拄杖開烟霏先生坐我

無悔齋集卷十一

二

桃李中 秋勝 從從甲刃皆重圍吹花風起下山去夕陽影
裏花沾衣山靈回首應我笑人生何必虛糜職願從公等
醉花下石上題詩忘卻歸

題馬和之畫 有傳蘇
子題

雙龍小篆玉錢圓墨淡香消五百年遙想署書楊妹子綠
窗朱戶繡簾前

沈盡鉛華馬侍郎獨畱彩筆帶官黃鳳皇山下莓苔路露
井寒林幾夕陽 陽勝秋
林曳杖

穀雨前一日湖上同月田壽門樊榭竹田希亮敦復
分得歌字

撩人天氣酒人多老去誰憐醉後哥茶味已香新雨後尊

美初清莫春過好花開到碧桃樹淺草平分綠水波只此
風光難買得任銷金處是行常

爲說頭狂可奈何南鄰有客漫相過一年花事去將半三
月春晴未許多僧院畫長閒水竹畫船人遠隔笙歌從教
盞漿隨鷗鷺穿透橫烟下晚波

游女常嘉緩緩歌故宮金粉總銷磨柳塘昨雨碧多少花
港春風紅若何山際舊存眉黛色水邊新見茜裙羅寺門
不復留船住明日重來獨倚簷

和女史陳氏維坤賣書詩

人世艱辛百不知賣書忽親女耶詩慢將斷緒畱多怨拋
卻遺編自可悲乞米何妨生事拙典叙那復有情癡豪家

無悔齋集卷十一

三

姊妹休相妒見抱青箱掩淚時

四月六日同壽門樊榭竹田飲抱樸竹西舊地分得

六言律體限青字

昨夜雨分疎點今朝風落微聲流鶯日暖歌扇弱柳天晴
畫屏池館多半沈碧山庭盡入空青春去幾人酒殘睡餘
一卷茶經

游紫雲洞同吳兩成敦復藍田諸子

入夏泛明湖雨歇理游展獨往栖霞山畱船廟門側相攜
討幽迴古洞隱崑隙微徑度深松磬磬響行跡溼雲染衣
裳笠竹拂腰脊睇目林烟生濯髮山翠滴澗底蛙鼯鳴草
荒不驚策斷崖有僧舍食力不求獲山廚烹茶筍石屋滿

寒碧因之詢洞壑上指前林隔取道落餘衍凜栗發肝腸
蝠蝠穿洞飛嵐氣蒸開闔心知難久畱洞口易昏黑相將
返舊路高下窮冥色迴視山抱開中通走偃仄顧謂桃花
源晉魏可不識外湖遠桃溪涓涓去不息雨後泉水肥蘋
葉圓于璧聞有無門洞庭戶但空壁又有金鼓河水樂奏
無射客子愁城鎗泥滑怯脚力歸舟劈岸風燈火已照夕
茲游洵具美晚雨仍滴瀝及時追奇懷他日話晴昔清景
須臾過急與紀游勛諸君健者才爲我攻失得莫言烟雲
供臂眼忘記憶

秋夜過春申浦

新月照水水拍塘微風鼓動波搖光水滿夜涼大魚出過

無悔齋集卷十一

四

眼但覺秋船涼

獨放烟艇泛極浦篷頂明星只三五須臾映月開空中輾
浪無聲響柔櫓

菱港

竹竿插水類編蒲占取淪漪割一區待到菱香秋興發小
船烟雨醉南湖

橫塘

橫塘雨後散秋煙最是初涼七月天處處清風出叢薄已
聞聒聒又聞蟬

湖上諸山

湖上林巒到眼中橫烟隔著菱荷風秋來料得涼如水第

五橋西廬院東

吳氏繡谷展唐子畏聽泉園得聽字

誰歟山中人獨往事幽徑蒼蒼遠林際泉聲落杳冥
唐子畏散髮寫遐邇南州海暑攻毒如浮飯飯此圖具妙
理對令煩慮淨高屋垂虹霓虛堂發鐘磬洞戶紛亂流溪
橋下危磴坐來池館清寒覺山雨迸何時攜杖去一洗雙
耳聽

送阮雲之京即題小像卷首

將毋意不釋遲回又十年卽今違子舍已自歎華顏官鬪
朱霞迴輪蹄白日懸畫圖無限思去矣慎風烟

題顧菴大兄小照

無悔齋集卷十一

五

畫手摩挲好清神孰與同從來傳古貌難得見深衷青眼
一睚水春衫兩袖風還如玉川子愁絕問天公

君是銀臺後吾家老太常世因曾接跡居復近連簷畫竹
付先澤前以先太常畫竹見付遺文發舊箱銀臺公解頤第人傳本尚存寒家衰可仰特

此見珪璋

書徐君德宜傳後

與君丁巳同墮地君生夏初我春季五歲奉書來書堂君
聲琅琅我默記君揚清臚我嫉媚君總角卅我稚髻噉嚼
一如同隊魚襟裾不減兄及弟況我曾投君母懷嚙吮乳
下慈顏開見我玉雪愛保抱老大念此心肝推今我皓首
紛塵灰臆肩鰓鼻形神顏君既飄忽我碩果與世無涉同

管欬但君長厚更數世父義還金子孝悌萬石家風泉所
尊太正道廣人歸義到今羣從推龍門一子函經述舊聞
千載萬載理不壞善積餘慶占義文秋潭梁翁作佳傳宋
老哀詞淚如霰我歸君去杳不知葉落秋風滿庭院愛子
送君歸南山父母兄弟仍團樂南山大石高可刊著君姓
名蒼翠閒我麗數語書卷環過客視此莫倒冠

元夜飲瓶花齋得來字

甲子

任他歌管下樓臺且向春燈笑口開良夜不教揮手去故
人特地盞簪來梅花小院留殘雨尊酒寒江潑舊醅笠屐
尚誇腰脚健但逢佳節許重陪

二月三日集湖上分韻得渡字

無悔齋集卷十一

六

如此春晴湖上峯畫船新泛碧溶溶水能皺作蔚藍色柳
已捻成翠黛容二月風光詩興發晚年心事酒杯濃何因
得似東坡老每到花時認去蹤

出北郭看桃花用王摩詰桃開行韻同樊榭作

雨餘二月川原春小船出郭搖春津施家橋外綠成路施
家橋裏紅照人遙遙淺草依隈隩望望橫烟下平陸青生
篷底來遠山翠掩門前出修竹乍寒乍暖花氣蒸游人未
換春衣服畫圖一幅桃花源舍舟納履尋田園花飛遠看
空外落梅搖直指中流喧游船游女何爭集杭州好事傾
城邑春風春水愛消遙春雨春晴常出入花開花落須臾
閒老去看花隨往還只此不勞九節杖何暇更說三神山

一春花事今經見
詎論傳疑武陵縣
桃花流水非人開
不嫌到此長游衍
已往年華頽而改
再來工壑陰晴變
回首桃花曉露深
陰沈紅映入重林
水光花氣迷人眼
欲上扁舟沒處尋

題王麟徵義橋村齋圖

知君傲岸人
俯仰此閒樂
村墟燈火夕
油柴照屋角
陳習對古昔
託意半敦學
童蒙保天良
可愛不瑯瑯
琅清圓聲春風出茅屋

春日飲魯翰林秋隱山齋

入門桃李花
盈盈照朝日上
有當窗人對山
理書快花片因風吹
彩翠落巾櫛
白雲時卷舒
好鳥叫蒙密
爲念唐虞

無悔齋集卷十一

七

春于茲得其實
夕陽江上來
飲罷攜杖出
迴視春燈明
花影照虛室
客去空山空
展卷讀無逸

越五日復飲山齋
流雲亭上同月田
初觀樊榭薑浦

竹田敦復諸君子

復上萬松嶺
來此流雲亭
雲陰停不流
白日山庭扁
春風漾遠帆
吹送江天青
目極盡所到
江山如畫屏
故宮話啼背
指示開闢經
羣公古達者
世俗忘骸形
析言在心貫
坐把芳草聲
仰視孤飛鳥
空闊舒修翎
詠懷樂熙皞
聊用延長齡

二月晦日復集山齋

先生日端居
講堂羅羣材
我輩不羈人
時復載酒來
昨詩

領清妙
過眼紛雲霄
今日天氣佳
綠葉垂江梅
時平治文
謫道義重
追陪況此風
亭上山花落
成堆卽事脫
塵網談笑空尊疊

春湖月汎詩四首

一湖絲雨亂
紅收天放閒
人散老愁凝
宿春波夜來月
晚風吹上水蘭舟

水蘭舟上倚微風
艷影濃香盪
葉中新柳不遮春
水涼小桃初破夕陽紅

游人去盡半湖烟
乍啟窗櫺月入船
喚起春山如夢醒
水明樓上一輪圓

夜深行過第三橋
上橫枝白月描
多謝天公閒付與
萬

無悔齋集卷十一

八

金雞買是春宵

次日早起行蘇隄上

潑眼湖光曉鏡平
壓隄紅艷入春城
輕風未許林閒落
遇日初從水上生
隔岸微鐘含宿雨
過橋啼鳥喚朝醒
茲游勝賞真難得
清絕吳郎不世情

題春湖月汎圖後

湖之游因時佳而花月之夜頗不易逢
今年春來湖上桃李正繁麗同游者相與
題酒家壁而去約有月時定應作清夜
游共出城船泊柳岸春雨尚霽遂背不
生果游諸相遊日雨出城船泊柳岸春
雨尚霽遂背不勝時微風吹衣夕照在水
便舍船度西冷橋而南岸上桃李花雨後
更盛明如新柳復珍珍來依人舉足皆大
喜取飲酒樓更鼓初入柳絮已飛波光動
滿翠空行長隄山展綵橋復登舟上望遠
未滿四顧城半圍樊荷漢交映如生碧瓊
瑤一湖月十有八人家春夢中正以吾
猶笑指云嚴城隔斷一湖月十有八人家
春夢中正以吾

曹叔真之游在無人之區得深僻往之趣爲足樂也
各賦絕句若干首乞聖因寺僧吳公達成圖以著其美
夜四更始起蕭寺晨起踏落花又賦詩並載
畫冊後君曹生長休和且處閑適因自喜適際茲天與
冥會朋游心相將放情山水歌太平爲不可多得
之境昔蘇長公與張懷民夜游承天寺云何地無月何
處無竹柏影但無閒人如吾兩人耳蕭斯語知所游之
趣過人遠矣越十五日園成遂并述斯游之興感而書
之時同游爲胡又乾號屬樊樹鵲施竹田安汪旭瞻日
填期而不至者祇月用之誕丁敬身敬時乾隆九年三
月三

三月十四日壽門樊樹抱樸同酌江聲于湖上分韻
常向東風醉此湖南船北馬半模糊野鷗導我有閒意新
柳笑人成老夫燒笏年光杯在手落花時節杖相扶青鞵
布襪從君看脫卻朝衫穩稱無

覺羅隆德妻東郭氏殉節詩

無悔齋集卷十一

九

婉婉閨閨女大義能自持不羨生處樂守死誓勿移夫壻
已死孝毀毀獨何爲相從黃泉下五日猶嫌遲開年僅二
十結襦未匝期性定無遷延決去甘如飴將軍有好女將
種分蛾眉 宗潢有賢媛烈哉扶四維疊疊墓墓間鬱鬱
東南枝春風吹不歇搖動長年悲哀感行人臨風讀遺
碑

四月芒種前船過廣富林

鐘買山邊綠滿川開開十畝乍晴天風光看似堯時節一
卷虞書在眼前

豆莢才枯小麥黃綠陰如畫帶橫塘野風初轉新
燕飛時日漸長

臺笠風前認女郎提筐陌上立垂楊未妨白足窺塘水照
見青青短布裳

稻秧初出擔頭肩斂草黃牛未著鞭且把犁鋤先坐土老
農生計有經權

綠野清川廣富林櫓聲咿札渡深沈幾叢水竹蕭郎筆值
得江南一餅金

鬲泥放鴨小船忙頗愛長年住水鄉何戶何窗不清妙更
須常自濯滄浪

通震澤湖

太湖湖水碧迢迢界斷吳江萬頃橋誰似謀身范少伯小
船烟雨賣魚苗

無悔齋集卷十一

十

岸草平沙故苑東水風搖曳柳玲瓏橫斜一帶蘆葦路盡
在烟波蕩漾中

抱經亭爲杭編修董浦作

儒者治經術其道明人倫人倫苟不肅萬有超沈淪孰是
秉弗事管營若賤食嗟彼經生業緣此無由純先生振世
安絕學專精神搜剔徧幽隱要便理解醇辨正無前古丹
俾來學涇經心昭日月亭毒推扶輪舉俗吹所怪突兀難
具陳昨年上諫書匪自謀厥身甚矣汲黯遭幸仰天王仁
不爾死仗下披髮騎麒麟始知守經義本欲誦斯民倫物
誠協和萬罪淵微臣至今茅櫨下遺經日相親獨抱經
始儼然義皇人聖世常濯浴坐見彈冠新窮經實與月粉

令風俗淳野老樂拄杖親游唐虞春挾冊姑付我身在忘
紛綸

詠繡谷朱藤花

今年三月春已闌林亭閒倚紅闌看朱藤著花漫羅幕一
架四壁春風寒寶纓絡散諸佛國虬珠結羣仙壇又如
天花亂落後華鬘雪滿垂欄干瓊枝卸葉雪碧帳龍須馬
乳殷紅盤虛堂逢春海及夏主人骨節應珊珊招邀花時
醉其下仰面落架清香溥未識芳根可作杖扶我老壽常
加餐

顧月田招同人集讓公南屏精舍避暑分得戒字

清晨出郭門扁舟綠陰界蕩蕩湖水闊昨覺山雨大涼風

無悔齋集卷十一

士

動新荷爽氣落天外相與游禪林綠衣薜蘿挂招邀坐丈
室竹屋散寒翠樹容沉水雲黯淡妙手畫多謝山僧供對
此洽茶話會將除熱惱受彼菩薩戒

夏日過瑪瑙寺訪後僕夫泉得色字

古寺隔湖岸欲往考幽僻羣公頗好事我老怯脚力揮扇
觸暑風披襟踏泉石歸來話舊踪實有甘泉闢空院覆松
影壤牆留竹色佛屋暗涼生茶竈橫烟碧覩此苔井水緬
彼豐草宅汲之心膽寒酌之熱惱滌指名後僕夫洵可接
前迹竹智既高座宋僧智圓以茶竹得
泉于孤山名僕夫琴芳亦超特元僧玄奘善琴
移于北山後亦
仍泉迹訪泉得泉所飲泉食泉德大千清淨中莫必騎驢覓
落落誇健者授簡射鳴鏑祕開開荒塗佳名補遺冊我本

空洞人禪味了無得或恐山靈招清泉効不續行賞獨拄
杖來尋北山北羣公閒肯從相將承秋夕

立秋前四日冒雨湖上看荷花

山雨過湖面浪浪萬葉聲秋先到泉壑暑已隔重城清氣
散香蒲涼風生白萍扁舟落吾手烟水任縱橫
荷葉與太碧荷花墜晚紅黑雲秋浦外翠羽溼烟中簪亂
跳珠雨香沈落珮風明當看新霽清曉捲簾櫳
衰翁扶病起獨倚曲闌東灼灼初承日搖搖尚顫風揉藍
三十里照水一千叢不問連山雨通宵隱粉紅
攜持到嬌女相與供茶瓜浪定摘蓮子心涼聞藕花同依
水檻立閒倚釣絲斜風雨連朝暗晦予小病加

無悔齋集卷十一

主

過船三日後打槳六橋西餘暑留蟬聲殘陽在柳堤菱荷
衣上雨芒屨蹣跚邊泥帶得入城市香猶滿杖藜

立秋後三日西湖雨泛予小病不出月田顧丈寄詩

遂以口號補之

杭州西湖天下無劉誠意語雨中烟景尤難摹看到米顛畫筆
渾想空坡老吟魂蘇定知風涼發飲興應覺船重爭離呼
茶園先生有好句我病不出徒追追

復園池上紅板橋新成效白香山體分得八庚韻

池上紅橋忽復成水邊垂柳覺多情還拋拄杖當風立更
倚闌干待月生花外衫痕分半影石邊展齒有雙聲前年
記得春波闊曾泛輕舸裏外行

秋雨集梁氏桐乳齋同用乳字限七古

秋風蕭爽掃庭宇滿院秋聲落秋雨秋風秋雨動初涼忘卻炎曦熱煩苦長筵會客歌白華蕙晦蘭階叩香祖翰墨花生高館清雲霞氣入秋堂古主人酌酒因致辭前年老屋臨江滸一樹梧桐蓋四鄰桐花桐葉垂門戶今來竹石紛窗櫺欲補青桐自摩挲羣公猶憶舊松徑共賦蕭齋說桐乳大言炎災鳴朝陽小絃切切諧商羽上客揮杯喝斷虹山僧留偈歸前浦明年合得扶杖來待看梧桐快重聚秋情且付秋雨中醉飽徒慙腹如鼓

寄盤龍山人

相思眇何所悵望臨河干河流清漾漾從今到歲寒

無悔齋集卷十一

五

盤山視不極薊門往不復中有發皇人長吟坐茅屋拂衣去江湖隔別不得語惆悵天津橋迴舟下烟渚前年附書至重見故人心故人不得見臨風理瑤琴

無悔齋集卷十一

無悔齋集卷十二

錢唐周京少穆著

秋日平湖雲軒陸君招游南屏觀米海岳摩崖琴臺二字分韻

秋日陰復晴清氣解雲駁招邀來南山山石走犖嶱上有磨崖碑琴臺削碧玉搜剔話古先瞻對緬高阜山容面面青湖水層層綠風琴時清圓荒臺渺孤獨安得壁窠字震盪此林谷空西海歎書沒恐不能讀徒令後來者懷古郁流俗我今夫何如沈吟一尊屬

中秋湖上晚歸見月

圓月照歸棹況逢湖上秋委金搖遠岫沈璧淡中流暮色

無悔齋集卷十二

一

樓臺出烟光秋葦收年年當此夕容易坐船頭

復游紅橋

重過舊地竹西偏紅板平橋夕照閒憑檻頗能容我老倚闌只合讓君閑鏡中春水復秋水眼底南山又北山昨日青毡渾忘卻夜來可有月如環

琴臺仍用前韻石爲汪君約齋所開

荒臺橫古今琴輦不得續猶畱石上字上署米海岳此石久不見沈沈落劫曲我友約齋君制行秉卓犖用率諸郎力拊搗劬懇懃開南山亭俯仰雲霞足不虞泥沙中點畫露朝旭卽是窮根柢更賴清溪濯兩字曰琴臺照耀燦可燭緬思片石開古有成連跼涼風動夕陽鳴禽去幽谷

湖水淡不流林聲靜無觸山空藥草長
臺贖孤烟盡遐想
前古人于茲寫遐賜為謝開草萊蕭蕭兩竿竹往來南山
陞當秋薦藟菊

採菱詞

門前秋水照斜陽菱葉菱花鏡裏香
莫謂采菱人不識吳娘
多半住橫塘

采菱人唱采菱歌水而聲輕蕩漿過
不怕菱絲牽不斷瓜皮船上少風波

九月十九日梁溪父宋繹勸顧月田金江聲吳架雪
汪抱樸杭董浦諸公復上吳山為登高之會予不及
從分韻得江字

無悔齋集卷十二

二

閒居又復展重陽晴日登臨俯大江
人到竹林原有七我尋芒屨不成雙
那逢高處舒青眼翻覺秋聲撼紙窗
惆悵無緣弄倒景獨來側執馭風幢

十月十一日月田先生六十七生日詩分得六魚
集
十研齋作

巖廊底事不開渠老去翻成賦遂初
五岳正應歸拄杖一尊聊為摘園蔬
風流自賞真無敵詩句人傳有特書
爭說年年主壇坫不妨載酒到階除

仙曹歷錄集瓊琚吟唱新詞滿屋簷
健筆未應分客主勝情不惜到迂疎
霜留菊葉香初釀春入梅花暖甲蔬
好語卻宜翁自壽清尊月白獨相於

散花灘

山人有故居為覓城北路迢遞湖山
閒蒼蒼此林樹東西行馬脰幽花散
秋圃外史句曲仙于茲得偏處茅山
木可食金堂暮堪賦夜讀蘭珠細朝
乘十里霧荒鋤不死骨披髮未化羽
妙語留白雲清翰隨風絮神仙何渺
茫人世漫閑住躑躅上河梁蕭條烟
景暮相將薦芳菊朗吟樓上句

寄餘姚施大令藥齋

江國相逢夕明燈遲故人時董浦竹
田在座異才加大令祖德說名臣
先輩洛下文章重宣城氣色新會
應息老物移節及州民

憶昔登三殿曾攜餅餠來同時各掉
首今日忽重陪遠訪

無悔齋集卷十二

三

憐君獨浮名與世裁不才甘老病頭
白臥菑萊

冬日游寶奎寺

日落天宇靜冬初山氣肅木葉紛青
黃簌簌幾修竹入門陟崇岡萬類騁
游目左開風帆移右送沙鳥宿問井
浩烟海物年漲塵解南來豐蟲魚北
去冷沙漠尚有摩崖書喬相舊章曲
捨宅絕眾緣猶存主和贖蒼生殊可
念世仇殆難復視茲一片石莽蒼暮
烟盡宋室已禾黍甲第亦轉燭行在
歸荒塗樓臺此佛屋時平歡會并相
與招近局賦詩留山門醉語不得續

三月六日顧月田招同人游包家山
看桃花分得八庚五歌乙丑

紅樹迷川遠青山繞郭晴故官芳草路行客冶游情谷鳥
烟中度春風竹外生桃源在人境幽寂有餘清
入林初地好白髮此經過嵐氣石泉冷江光竹樹多春彩
花片落梵響鳥聲和欲覓溪邊棹斜陽滿洞阿

賦落花和溪父梁丈韻

流水殘紅若與偕香泥沾得上芒鞋且拚心事隨花去要
咒東風仗酒諧山月已空烟草路城春如夢綠楊街韶華
過眼真無賴料理工夫稱老懷

十研齋送春曲

鈔金堂外搖春樹燕蹴鴉翻落如雨送春筵上酒痕消綠
起愁思萬千縷曉窗誰家扇底香龍簫鳳管坐歡場畫樓

無悔齋集卷十二

四

簾捲東風歇一半春情滿夕陽

四月四日南香草堂櫻筍之會限五古得夏字

相逢不羈人日復詠清暇恢台適奇懷高館接杯罍櫻桃
垂畫檐紫筍逆泥罍燈燭曜鮮新風露清傾瀉主人羣玉
姿上客敦槃霸我酒雄譚落落暢良夜未須欣朱明底
用樂長夏飄遙融風來的燦心星射停雲移屋角流螢照
庭榭會合殊難期急擊勿輕舍沈臂饒鼻鼷趨走惜腰肢
許事一不知且自啖鵝炙與酣唱倒月獨起舞甘蕉

追懷汪約齋

約齋汪夫子卓哉官龍泉廣文飯不足猶自彈朱弦參禪
擬學子端居尊古賢死友吾所有幽夢常相牽余遠道歸
舟所夢

北郭觀競渡分得微字

拂拂鳴鳩乳燕飛乍晴天氣綠蒲肥百年節物情何已一
日風光事所稀水驛渡頭聞社鼓小航船上出龍旂前籌
奪得公無競芳杜江蘿迹久微

碧山堂橡筆歌

爲屈菴汪丈作

高館懸筆長一丈壯浪瑰奇屹雄莽削成直幹峭如橡縛
出蓬頭大于盎誰歟執者天都翁昔曾教我揮斤功肘肩
屢足五分送底用擊撤盤虛空虛堂一日來清風拂掃坐
席空當中奮袖舉筆胡旋舞八窗戶牖開玲瓏高峰墜石
墨一斗攫拏脫落荷戈走虹霓意氣發與狂劍戟差排好
身手俄呈大字儼屋寬左右拱立驚桓桓戎經烈所曾次

無悔齋集卷十二

五

具公平殺賊精神完碧山之堂留故物我見猶能說髯
榴花如夢隔重簾清影影影映中拂返轡設戈四十年獅
奴收得兩拳拳健能提起看全力莫放龍身入大川

南香草堂雨中見游絲

風情簌餘春清氣度微雨空庭飛游絲碧影見媚嫵雜花
半零落小蝶倦翩舞踈點猶入窗濃陰已當戶誰拋繡線
長裊盡閒愁縷象牀金粟尺纖手不堪取莫霞亂殷紅會
作天衣補芳園夕景佳漫落遠庭樹

試龍井茶用東坡試院煎茶韻

茶人滿山茶始生一旗一槍倉庚鳴家山龍井出空谷頭
經上貢珍匪輕穀雨之前誇第二揀焙精猶用幽意松風

竹雨僧廚煎輕烟細雨龍泓泉君不見陽羨茶山號西蜀
陽羨有東坡 百草開花讓青玉卽今窮山民苦飢包裹入市
長羣眉名茶遠致未足數不論錢買瓶罍隨吾鄉鄉味有
如此茶者最好甌香一縷初甌對絲時

瓶花齋百八酒器歌

繡谷酒殘稱絕奇敦聲疊韻厄牟區聚積磊落百八數
飲一座翻紛披說者指點舊陶埴衆妙駢集歡相持我念
在昔繡谷君觥船吹動春風時讀史漫請下三斗借書不
用嗤兩瓶今年入夏招南皮郎君下筆驅文詞瓶花齋開
啟篋篋明簾照耀青琉璃鸚鵡杯鸚鵡勺相遇相逢且斟
酌主人何必言少錢上客合傾無算爵有如一飲三百杯

無悔齋集卷十二

六

此器還愁半無著會當三萬六千場醉臥風軒展腰腳

鷺市用東坡和子由韻

吳鷺獻爾歷萬艱新絲二月空無還吳娘辛苦孰與比借
問柔者誰其閒未鷺先此爭上市小筐大箔歸來歡頭眠
二眠起昂首縛草未了愁登山縲絲不厭長且白細穀才
往追輕純蜀人在昔號鷺市村歌村舞傾城觀一生辛苦
一日澤誰咒囊重勞欺謾寸絲尺帛念來處棄置錦繡傷
華年

南香草堂詠點蒼山石硯屏用東坡月石硯屏韻

山氣涵喬雲天南麗繁星鍾石出文理妙畫開短屏知是
點蒼山下石中石磨成一片養我勝昏晴往往曲藥不煎

席置之硯北使我雙瞳明林巒指數山水窟畫師形似空
識評影以凹凸露說共兒童爭未須杖履越戶限直覺工
堅侵窗櫺渠几卷軸靜相對幽谷風泉驚空庭草樹繁入
照春禽鳴翻怪天地只尺許深山大澤徒縱橫誰指洪河
潤九里已見小研如龍泓欲將方屏縮四海坐視轉側天
西傾

五月十七日梅雨初霽泛湖過茆公丈室分韻

輕舟盪明湖水滿漾佛屋茆公爾何人閒寂受諸福蒼筤
花正開山桃果初熟泉香雨脚肥茶清土服緼相將散餘
思新詩栴蛄谷入門無雜管出門拈病日四圍宿雨深一
碧林烟盡妙手憐若忘空明展畫軸我今入畫中迷悟兩

無悔齋集卷十二

七

不復垂垂梅子黃酸甜自捫腹

坐茆公竹間亭子

香臺過雨畫沉沉象外荒寒好竹林萬葉有風侵白髮幾
竿入畫重黃金明湖落影搖空碧蕭寺生涼轉夕陰多謝
山僧開門限到來日日動長吟

銷夏六詠分得泉 限一七字句

泉雨後風前歸春發放大川碎玉寒迸跳珠冷澗甘澤氣
通石清冷聲發絃危崑一泓脈脈空山終古潺潺追涼喜
掬月在手觸熱不煩人與傳

送董浦竹田之越卽簡藥齋大令

空庭雨後響松杉無限情思落枕函涼月已分前岸樹暮

潮遙送隔江帆緣知小別虛吟席卻喜輕風動客衫寄語
神明河上幸好將詩骨門清嚴

乙丑五月二十八日于與江聲豫尊集同人于湖上
訪白傅孤山竹間用東坡詩中字分韻得然字

白傅風流孰爲傳幾竿修竹尚蒼然清虛我欲求良藥幽
獨誰猶指渭川荒院陰沈寒簌簌虛廊搖落月娟娟可能
會得蕭騷意湖上青山儘自便

看竹相將泊酒船海山重話舊因緣常時有客眠秋雨落
日無人對晚烟青影未消湖上新梢猶亂寺門前城西
一角蕭郎筆終古長懷倍惻然

六月四日雨集餅花齋賦盆中黃山小松用少陵四

松韻

無悔齋集卷十二

八

黃山山頂松多年十丈強今來小盆益鬱律三尺長惟茲
特異惜不教蟲蠹傷泥沙絕點汚風雨謹護藏寶供重簾
閣小院時周防不知天都峯曠浪紛青黃幽深任爛熳長
年樂壽康誰復刷新根寒翠升中堂遂令凍雨後滿爽生
清涼移植雖小弱詎畏零雲霜近學修鶴翎颯颯偃益張
風廊白月下疎影搖微茫清勁無妖枝歲寒幸勿忘莫因
出山久轉覺差老蒼

題陳元倚先生傳後 有序

吾鄉陳先生元倚潛夫前明末癸未除開封司李請面
陳河南得失不報凡至已失五郡先生持大義招集民

寨計復之時金陵議畫淮以守見露布奇其功擢御史
巡按河南既馬阮當國以剛介阻罷忌其垂成之功卒
至亡國丙戌五月 王師下桐廬乃走婦翁家隔江之
小村村僧妻妾兩孟氏同死化龍橋下

不竟從君死知緣爲國留艱危惟力視果確與心謀御史
酬三命中原復五州銅梁招瀝血仗得此吳鉤

舉世痛忘國四頭空一身蒼生揮手去白日不知晨有國
付流水無家問逐臣爲憐雙孟子愁絕暮江濱

七月晦月田以詩招游復園卽用來韻

閒園況復清適生近局能邀稱意行黃篋舫搖移晚市湖
紋簾捲對秋城幾株楊柳風中影一片菰蒲水上聲歡喜

倒衣還命駕不妨林下狎齊盟

秋日南屏坐雨得東字

雨脚西馳雲脚東半空飛洒翠玲瓏雙峯陰起下塘涇合
澗泉來滿樹風丈室涼生蘋葉綠寺門香入藕花紅南屏
有客留詩去望盡關干畫遠公

早秋坐報國院池上得山字同樊榭竹田秀峰

僧院富林木到來身獨閑木心秋不著雲影淡無還蛩蛩
荒廬外龜魚野渚閒城隅何限意落日滿遙山

登鳳凰山尋祖擇之介亭舊址不得

天風海濤互昏曉獨趁晴雲接飛鳥鳳皇山在城南隅有
亭見說凌虛杳涼颯颯萬松尖落日蕭蕭衆峯杪樓臺

歌管理無常官闕灰塵跡如掃況此荒亭草樹閒不辭易
朽生煩惱我願獨除有底忙閑來閑往空前道秋山眼冷
魂欲驚一任興衰付清吳

哭顧月田二首

官罷難將晚計論一從浪捲與雲奔僅存皮骨且庸譚頗
盡風流空酒尊萬事烟雲紛過眼三年花月獨招魂脫身
事已無他計夜雨誰同哭寢門

吳地驛前今日夢晉陵城下往年船江山故國成陳迹風
雨連宵付近川相對白頭湖上客同尋黃葉寺門烟可憐
絕筆秋陰句月黑猶聞唱墓田癸前三日猶賦
秋陰句絕佳

九日擬作湖山之游因雨不果

無悔齋集卷十二

十

欲向山南問菊花何妨烏帽任風斜街東小雨溼芒屨城
外秋陰冷酒家縣廨水痕應不減參差峯影未全遮老夫
興亦隨公等牆角尋詩手自叉

雨中坐南香草堂懷壽門

尋也久落託鄉心殊未諳雲烟空巷北風雨住淮南二老
已揮手謂鈞谷月
田已下世羣公尚益梓獨憐板折柳淒惻在江潭

重九擬陶靖節九日閒居詩以露淒暄風息氣澈天

象明分韻得天字

晶晶川氣白歷歷雲物鮮俯仰但夷曠萬象昭潔濁人生
苦繁鬱肅爽肌膚堅節候有餘清對此秋牀眠羣動忽復
興賓鴻翔遠天霜露既沾濡日月遞推遷良朋同好懷高

館羅長筵夕陽照曲闌遠風吹鳴絃庭柯葉尚綠籬菊寒
逾媚觸景悅心目聊用忘衰年佳辰惟九日續賦閒居篇
析理妙觀化返哉詠前賢

十月五日湖上

到眼湖南十月山春秋歷盡改蒼顏憑誰寄語吳閨士
雪後來看莫掩關癸前四日
江雨未歸

欲卷蒼烟入筆端淋漓衫袖竹光寒厲家詩句清如水
看菰葦小壘九諸公欲余書是
日詩書與謝作

晚秋集湖上雪莊

水上樓臺望欲無一簾秋柳隔重湖幽人只合移家住次
第安排入畫圖

無悔齋集卷十二

土

葛翁嶺下舊仙莊數筆湖山映曲廊怪底晚寒侵白髮臥
牀前是水雲鄉

立冬前二日瓶花薔剪燈小集得秋字

十月盼庭樹蕭然接素秋新橙垂屋角并剪落枝頭清出
盤餐外香從齒頰留酸寒有真味莫作兩眉愁

題茨廬上人溪山秋晚圖

何處此林亭迺在秋聲裏秋氣入深林脫落見秋水遠公
夫何如閒心獨徙倚空山本無人問法雲林子

題蘆溪書隱圖

我羨菰蒲一片秋漸寒沙上理扁舟從君臨水柴門裏照
著攤書月半鉤

草堂中有讀書人門外溪光冷釣輪曾在新安江上見蘆花如雪水如銀

雪後同壽門茂林訪我上人于湖上

凍合平湖未放船
朔風吹上於蓼天
人從水墨屏中過
山向荒寒畫裏傳
空處尚青沙岸柳
到來初白寺門烟
老僧出定都無著
雪屋冰檐正穩眠

兩水澗橋晚望

殘雪猶在地池臺
落照通高城
畫角晚遠樹亂鴉
風野水天不盡
連山寒若空
我來正無伴
步履過橋東

無悔齋集卷十三

錢唐周京少穆著

春日訪我上人適讓公在座

丙寅

暫到羣林生隱心
已公茅屋坐來深
相逢忽見南屏老
不是鐘聲沒處尋

二月十三日偕我公訪讓山開士契原山房晚同我

公歸塗有作

百頃山雲重翻然放小舟
飄風一葉落楓溪
萬花浮竹密禪房
靜峯迴古寺幽
道人閒不理經卷
滿牀頭相約不相失
今食一飯來嘗茶
汲古井挑筍斲莓苔
聊悅此同味
詩情付別裁
大書呈二老
吾亦興悠哉

別去下山路鐘聲聞翠微
人烟塵外迹世事隔年非
問我尋工壑知公戀巖薇
虎溪今夜月應照古禪衣
迴船風不定拄杖繞隄行
山暗佛燈上湖空人語清
過橋成小別隔岸有將迎
莫謂來方外香臺不世情

小住湖莊口號

睡起山家頗自便
絕無剝啄到門前
老翁櫛沐臨湖坐
已有燒香上市船

對岸亭臺照水清
柳梢相映淡黃生
入春天氣風兼雨
多少游人趁午晴

人掉輕舠出打魚
鳴榔聲振兩山虛
自從開濬收漁稅
不放荷花遶屋廬

日輪倒浸水波黃動盪波光上屋梁絕似竹風簾底坐萬
重清影渡瀟湘

獨自凭闌數過船游船去盡水連天樓臺多少無人賞落
日春山叫杜鵑

春朝攜令之從之二女湖上

月影初生柳影疎下階可是要人扶憐伊姊妹春衫薄不
畏清寒伴老夫

明窗弄筆好青春風格簪花別樣新雛燕雙飛能解語老
夫一味不如人

嬌小聰明絕愛憐要安詩句借流傳先生老去名心淨漫
與詩章一萬篇

林先生遺墓上

先生本性愛高閒一鶴青霄獨掩關多事梅花三百樹遂
教人認得孤山

山水清佳好墓田風流只合住湖邊卽今荒塚春風裏落
盡梅花莫雨天

庚公見招不赴

小住來招松下齋園蔬白飯費安排漫勞老宿閒相訪空
笑先生不出街自捲風簾山入戶獨憑竹檻水侵階直因
對此難拋得辜負香燈一客佳

微乾堦招同夜游湖上

買魚沽酒作春筵入夜來游寒食天山月未開湖影白林

霏初起佛燈懸南朝烟寺鐘聲裏北苑雲松畫本傳獨到
水心亭上望六橋如夢繡簾前

分韻

天意初開穀雨晴今朝滿酌送君行我冠氣象風雲色彩

筆文章海岳情鄉縣鶯花夢並馬津門楊柳動雙旌獨憐
江漢垂綸老直爲蒼生望帝城

抱樸新納姬人賦贈

楊柳春風葉葉分畫廊人半出細紋愁來應只憐紅袖老
去翻教唱碧雲玉鏡臺前花弄影鬱金堂上酒微醺新詩
合付裁歌扇水榭重來可共聞

無悔齋集卷十三

閩上已湖上續修禊仿蘭亭會體

四言分得二十八琰

春山蒙龍春水激澗春興載歌春服載展情移象得風詠
可踐時運不傾底幾乎點

五言分得七虞

留春春復在羣動歡欣俱上已忽云再嘉會良可圖長諸
俯清流緬想興不孤寥寥千載後念此獨踟躕

附湖上續修禊事序
丙寅閏三月三日吳修禊事序
時祓除穢氣浴風俗通謂取潔也水上盥潔之也巳社也
邪疾去所介福也漢書儀志三月三日官民並祓飲于
東流水上魏以後率用三日蕭穎士袂飲敘口祓逸禮
也鄭風有之秉蘭潔清秉和蘭潔爾爾也蘭亭之義蓋
取諸此而沂水春風祖義遠矣族堂文談見于張衡蔡
邕王融沈約之文章獨晉右軍王羲之之蘭亭會一陽

一咏淵為美爾迎元至正參軍劉仁本仿蘭亭之會于
秘閣湖會者亦四十二人各補末成詩韻流傳人間方
今新野縣志則述其具舉三林有問芳華正長因綴末
意獨致意于湖之濱撫嘉樹清流顧瞻興發賦詩相和
和舊會于湖之濱撫嘉樹清流顧瞻興發賦詩相和
遠遊歷千有五百餘載之風流如昨矣嗟乎江左名
盛明人遠與世流連日夕足承于餘正不必念俯仰之
顧殊勞今昔之致感也因次述作
記爵里凡若干人若干詩若干卷

冬心寓齋寄茶賦贈同設林作

冬心老人抱冬心長林竹屋茶烟深故山雨葉有至味江
水夜瓶從苦吟春清短夢忽復醒枯腸宿垢何緣侵傾壺
倒盡自料理許我同喫常來尋

辰辰十八月田墓

江上春風又一年被花惱徹只狂顛南鄰詩老空牀在不

無悔齋集卷十三

管青林叫杜鵑

織鳥西轉見孤墳泉響松聲雨不分回首北邙山下路棠

梨花盡哭離羣

送相卿令舒雲亭

忽漫相逢是別筵少陵桐溪春水四垂天仙郎談蕩扁舟
外野老沈吟拄杖邊相府林泉舊游歷廛堂觴咏小留連
旌麾在沐重攜手如月才華說妙年

梅雨連日夜

幾夜黃梅雨池塘滿白苔浸階雲漠漠沈屋晝冥冥龜印
綠苔岸蛙鳴碧樹廳幽人不山戶高典小冷冥
黃潦照牀下衰顏有好容但知心似水不覺髮如蓬稚子

走風雨鄰翁瑞裝鑲此來真泛宅門外任淙淙

雨脚不冝斷淅淅散作絲空階猶碎滴高樹尚低垂雲暗

溼當戶烟昏曉入簾眼明梅子熟屋角正黃時

朝日入窗戶晴光寒復陰庭前茂生草屋上有鳴禽水花

林霏密泥融展齒深何人小篝火香灑上衣襟

題張卿子先生遺像

一從大隱葬西湖滿鏡春風出畫圖何事塵埃有遺影不
教色相入虛無

跡似林逋長子孫術如倉扁道心存至今閭巷呼名姓認

得先生舊里門

張卿子墓

初冬集復園池上分得天字

無悔齋集卷十三

五

黃葉滿池上青山落檻前人烟淡疎竹幽意入鳴絃晴日

垂綸處初寒泥酒天得閒應到此常是詠歸船

題茂公東湖秋晚圖

為舒雲亭明府作

百里清溪如畫幾家黃葉成村落日分湖柳舍晚風別浦

柴門

湖口輕浮烟艇蘆中半出秋城縣官清對此水山僧淡寫

初晴

清鑒堂觀高夫人八分遺墨分體得七古

為雪舫分同作

天高霜氣清畫廊玉堂仙吏來仙鄉文章翰墨相映發照

曜簡冊垂琳瑯乘閒愛客及山野展卷示我生蒼涼卷中

連綿百千字一一淵古生奇光自云夫人此遺墨太史有

女能擅場

夫人爲九少太史小女

頑仙落翻分篆隸視茲片羽紛紛翔

肅穆秀潤難流麗姿媚俗書徒激昂卷惟束錦度高閣彩

毫翠管堆匡牀寒窗細讀風燈暗總恨開看夜雨長不教

布施但畱得惆悵人閒隔渺茫寒風寒雨占巫陽誰說元

和斂手畫畫暖墨融看幾几簪花標格有餘香

雪莊秋尊小集

秋陰開後晚晴天湖上尊絲蕩樂牽山雨涼生蘋葉外水

香肥到畫簾前三潭影照流匙滑千里羹饒薄醉顛真謂

一尊容易得昨年苦憶又經年

昨秋請公雪莊曾有相憶之作

斷橋晚望

長林半邊日返照入郊墟寂歷松門暗蒼茫水郭虛漸寒

無悔齋集卷十三

木

孤塔迢不盡兩峯孤迢首橋西路鐘聲出佛廬

中秋虎工燈船口號

正是乘流海上回華燈畫舫一時開座中笛色無聊賴

上座

歌者託疾羨殺鄰船聒耳來

見漾琉璃門月華綢繡香起隔窗紗女郎何事羞燈影耀

首明瑤露鸞鴉

凌波萬點照星毬爭出闔門到虎工歌吹就中寥亮甚一

時齊倚水明樓

夜半迴舟一水香誰家吹笛弄初涼悄娃官觀銷沉後多

少游人入醉鄉

一天疎雨打船篷夢裏吳歌遠水空曾是江南舊游客不

閨心事費如蓮

八月二十九日歸父先生招集南香草堂前後古桂

七樹一時皆放香障孔珊各爲長歌以紀其盛

南香草堂多古香庭前叢桂當秋芳獨留老眼看花發更

招聞客開書堂纔纔金粟千萬顆落落盛鬚十二行三株

兩株低戶牖明簾倒垂吹晚涼中有一株立階下疏節老

幹日月長清風薦爽入酒殘朝日散影疏空廊主人芳謠

盛文史氣與桂樹爭秋光小山却林不足數仰視月窟寧

衣裳

雪莊雜咏爲淳昌詩從者作

鏡湖樓

無悔齋集卷十三

七

晚起開明簾湖容淨如拭玉樓浸秋水清影入畫冊風來

磨青銅照出樓上客對窗理鳴琴空響落沈碧

竹笑軒

簌簌數竿竹覆檻復遮門客至但一笑主人潛忘言開軒

拂瑤席濃蔭入芳尊山雨初晴後還來對夕昏

寶雲精舍

尊茶對修竹愛此精舍幽衆鳥自來去孤雲共悠游峰石

壓屋頂平湖繞舍流萬翁丹井在持此又何求

丙寅秋薄游琴川訪吳子雪舟不值返棹泊虞山之麓依回于清溪秋林閒忽入至云已歸來相邀憮然

尊酒晚語鳥目山之樂明晨雪舟鼓興遂同王子益

之及第金門墀體乾勢舟至港口覓竹輿而往每行
密篠中出則山石疊層轉山後去海二十里而近海
風湧洞寒氣侵衣過此歷游古招提悉開寂枯淡有
禪悅意反而登舟因紀所歷得詩二首

烏目山

入山三十里皆然空谷深來尋破山寺迴峰轉層陰潭影
或能見可以清道心乍來衆舉背大海連遙岑長風吹衣
裳寒若海氣侵迢迢竭牛旋隔岫來鐘音三峯祖庭在孤
松有鳴禽老僧說恒河俯仰成古今我知許事獨領風
中琴四山烟際出白雲巒冠襟相攜下山去落日堆黃金
誰歎採樵者負擔發長吟

拂水巖

山石列如屋如門亦如匱如版築登登如畫展幅幅延緣
上丹梯躑躅下箭鏃中有拂水巖水發似飢覆傳聞梅雨
時白龍奮初伏麟甲森攫擎天半怒噴龍赴壑不待徑遙
空莽飛逐好風東南來逆送上林木倒攜過前峰珠濺千
萬斛有人橋上立頭頂度懸瀑倏忽驚寒潮雪浪打岸谷
今來溯水乾幽草被崑隄裴回崑上橋烟水遠生綠籃輿
去崇岡後約游可續

游烏目山後遇玉峯雪舟復擊舟來余弟金門遊
游天平山遂率率至吳閶約汪舜齡北寧放舟出閶
門由虎溪南十里舍舟乘山輿晴日烘林入山亦不

覺照灼秋山淡沲爽氣在抱諸君云春時正復喧闐
今不妨爲寂寞游也所過不及徧紀紀其所泉著者
天平山

千尺雪

山勢自開闢呀然闢石門初臨入山道直欲闢天關到處
說不信此心閒可捫連華峰頂望巖路是雲根

蓮花菴

迢遞羣山出鳴泉聚一流雪從崑際亂雷入礪中收石洞
林花古秋深谷鳥幽尋源在何處落日下山樓

白雲亭范文正公祖墓在焉

瀾望白雲處先賢范履霜有田在秋壘無力可婚喪
乳水滴不盡山有乳泉不竭蒼浪山有乳泉不竭

汎舟出東新閶至阜亭看梅

出郭緣河濱泱泱春水白微風蕩輕舟晴光明婉孌梅花
艷村墟參差屋舍隔清景開山容芳氣動泉脈船隨花影
移花逐船影易阜亭何亭亭黃鶴轉深碧夕陽明滅開香
光煦眉額延緣入叢薄權喜理游展

晚由金家堰步至崇先寺

入山二三里相接花徑遙彌望遠林際匹練橫空霄輒橫

過畦畛愁足逢溪橋覆橋低老幹照谿紛野條氣味諸古
歡芳馨擅孤標因之高世士空山獨長誦有亭跨山路有
寺藏山腰步入晴雪中儻恍迷昏朝倒景醒凡骨天風吹
沆寥不知落香界但覺寒烟銷繞山倦行脚歸夢猶僧寮
宿臯亭山下田家

村路出港口水昏炊烟微田家歸荷鋤燈影穿林霏梅花
露牆角新月入柴扉相邀至其家雜話無是非歲晏臘衰
熟春雨蚕菜肥農父有好懷生理願不違隔林春鳥鳴與
人兩忘機入夜清不寐破屋來晨曦

游中塔院遂歷上塔院中塔真快了禪師有無盡燈記
上塔真藏師有伏虎事

侵晨整冠巾高興不可遏舊岑還容與迴峯互紆閑犖确

無悔齋集卷十三

十

行徑微蒙密芒屨脫梅花最深處幽興轉開豁塔院蓮古
僧明鐙儼棒喝去復爲茶留香飲沁煩渴振策歷上游俯
視蒼翠潑野竹千萬竿清氣入門闥暗泉通石脈涓涓春
已活微鐘在何處欲往蔓藤葛山僧遣僧雛引我下木末
碧影一泓漾謂可洗齋鉢

月明菴了明承禪師駐錫處即下塔院

峯轉落平地空寂一巷裏傳聞約子來證及前因果老梅
橫古枝奇怪著花朵似爲說法竟幻相示無我撫茲三摩
掌風起萬花墮籬前水侵階香片散婀娜而我白髮翁了
悟亦云頗

撒沙夫人廟

天人倪氏爲南宋時避亂守貞患瘡痍歿葬此山曾以
撒沙退金人廟祀山半

薄暮復理榜過雨落篷背中流橫山橋山半鬱霏霏冒雨
登山亭斜陽忽破碎山香留老梅芳草媚遙黛空庭垂畫
衣仙姝儼貞態瘡痍走村婦社火紛報賽宋祀赫神靈撒
沙奏敵愾荆榛殘碑出諸怪野乘載至今臺殿上風雨颯
金鐙勃翠臯亭山與曠包內外從來山下過柔櫓度芒昧
翠公率率游好語誇勝槩迴船望蒼山歷歷出烟靄

無悔齋集卷十三

十一

無悔齋集卷十三

無悔齋集卷十四

錢唐周京少穆著

飲南香草堂辛夷花下作

十二闌干百尺樓空濛濛處晚雪留清香直下東風絮素
鷓鴣初繁宿雨收春水池塘閒畫燈落梅庭院上簾鉤飲酣
不識昏黃後多謝花光照白頭

當湖春夜集張龍威蘇舫

會合忽今天涯若可招未須促歸櫂得此詠良宵香滿
融城水春深暖市簫聲滿仲將宅披豁坐相邀

丁卯春日龍威招同陸抱青紆齋耐士葉迎坡松窗
鮑威吉馮容大鵬樊榭董浦竹田敦復暨讓公于東

無悔齋集卷十四

湖泛舟歷游有作

天放新晴出郭來船窗面而向虛開春光到處人家柳世
事全拋客裏杯幸有高樓同岸幘正應極目一登臺九峯
欲度菰蒲水望入遙空首重回
爲愛東湖一片明誰家樓閣倚春晴畫闌有客閒來凭水
竹無人特地清節物已知寒食近風光莫動故鄉情青帘
處處皆堪醉休指斜陽便入城

陸紆齋耐士葉迎坡松窗復招集諸君子于東湖上

地主留人一日閑扁舟重入水雲間桃花紅近竹林寺螺
子青分樹松山高興不妨春教住勝情未許棹空還弄珠
樓下湖東路獨領暄風上客顏

東湖嬉春曲和張龍威韻

水東門外鏡奩開曾見山僧畫本來天公有東湖晚秋圖忽向春晴添
粉墨綠楊風裏出樓臺

林花無主忽飛香新柳新蒲盡水光底事平泉舊賓客獨

聽風竹響長廊蘇軾詩太史贊

山館玲瓏臥起便春波倒影日光穿十杉亭子空明裏似

向垂楊泊畫船

深夜魚龍詎穩眠弄珠樓下水連天海門光出九峯上一

顆明珠墮檻前

丁卯二月清明前十一日舟過臨平湖夾岸桃李盛

開菜花黃滿麥隴亦青青在望忽飛雪滿空覺紛紅

無悔齋集卷十四

駭綠悉掩映于簾幕開清景絕麗得未曾有平生遇

雪成咏奇若耶連若雁門玲瓏若少華蕭曠若五

嶺外如溪橋山店盡開僧樓廡不欣賞而獨未嘗于

舟行復得見此艷雪同游樊榭董浦東西指顧狂喜

傾倒于風帆中逾時至臯亭日光穿迷桃李灼灼向

人站足視又不知凡幾里許新紅映水積翠上衣金

碧璀璨絕似李昭道著色山水質仙游異境也各賦

小詩以紀之

雪裏題詩賦落梅天桃曉李一時閒粉痕不壓胭脂色月

下初逢絳樹來

桃花氣暖逼清明十里川原絳染成何處飛來萬蝴蝶一

時接亂錦官城

王蒙雪意粉機斜合筆徐照絹本花此畫古今真絕少只
留一幅在山家

快雪時晴頃刻閒巖花潤草上塘灣分明滑淨春波影金
粉樓臺夕照山

萬樹桃花雪裏栽花光雪影夕陽開扁舟趁著春風便直
自仙游玉洞來

寄德少宰成齋

萬里路長在十年心已休迢迢芳草色瑟瑟野風秋海鶴
歸獨晚孤雲得自由至今乘下澤脫輻又何求

望遠不可極情深江海春朝常美君子天放作閒人官柳

蘇軾詩集卷十四

依原土繁花如水流無勞問幽側白日坐垂綸

湖上送雲亭舒明府北歸

滿眼春光欲莫天相逢同上泛湖船落花影裏看行色流
水聲中認往年萱草已空堂背色柳絲常繫驛亭烟重來
是否江南路雲外徒勞指玉鞭

夜聞吳歌

夜半吳歌自月空望齊門外虎丘東何緣一覺惺忪夢盡
在孤篷遠水中

常時篷背聽春雨幾度秋空聞雁聲轉覺吳歌清到水年
年夢斷閩間城

寄巢
爲蕭清杭
大史作

先生磊落原無比大可暮天小措趾掉臂游行信所之弗

論山林昇朝市昨年移家東城東家具無多多故紙經函

史籍萬卷書卷卷丹鉛發與肯頗有空巢可寄居寄得閒

居樂文史遺經獨抱哦唐虞孔鄭紛紛下餘子朝來放眼

到庭花月下顧影對池水但覺巢安不外求那知知寄偶

題畫

然耳我住城西巷陌通緩拖竹杖頻來此先生不啻老悖

人挾摘精粗歸道理從來行義常認真不挂勳名在牙齒

直將華屋同山丘打頭屋裏仍歡喜

寄揚州馬秋王乞許氏說文諸書

林影深秋思川容淡晚烟遙看蘆荻處會上郭門船

蕭瑟東湖景戾公此畫圖弄珠樓外月清絕不能摹

乞餘光及杖藜

先生閱覽絕塵寰不數淮南大小山憐我讀書求識字莫

小寒食日湖上用楊鐵崖花游篇韻

教鼓篋笑空還

小寒食日天冥濛弄翰作雨搖春風惜花人在春風裏潑

眼殘紅落春水滿院梨花深閉門主人何處覓青裙塵世

烟霞十餘步芳尊不到劉伶墓直得柴桑歸去來相逢相

遇且銜杯不勞醉後揮金掩何用檀槽壓檀板只此湖邊

西復西請君乘興漫留題招取蓬萊花鳥使正是春朝二

十四酒酣願上天公箋長留下臣春游篇

丁卯上巳復修禊湖上卽酹月田翁甚重用鐵槎韻
鴛鴦日暖花氣濃柳絲搖動吹花風湖影波光沈碧裏翠
黛不遮山在水記得春游出郭門招邀不解醉紅裙誰知
公府盈盈步遠換蘭亭作工基及此扁舟湖上才和樂桂
醕生前杯端憂曾未歟酒枕不管南山催粥飯今朝落日
湖橋西上已羣賢續舊題地下不教逢驛使少卻人閒韓
十四何由再拂雲錦箋起看重續禊堂篇

四月一日契原山房食笋

舊約相將策短筇山廚燒笋客來供萬竿未許遮元豹一
箸何曾教籜龍莫謂應同淩玉法已看刷出亂雲封清齋

無悔齋集卷十四

五

罷後門前立竹裏鐘聲度遠岑

八月十七夜吳山元慶道院看月分得五微

海氣漸昏雲作幃江影欲白波弄輝山樓杳杳出燈燄秋
林曉曉聞剝窸清風吹簾寒徹臂明月照人光透衣道士
布席木葉下顏仙招我閒嗟啼蓬萊弱水在何處鳳凰瑞
鶴不可下視塵界水萬頃欲去不去心已遠何如相與
且飲酒酒盡輪側揚參旗團扇日極失江海夢掠瓊島常
空飛

秋日游湖心寺同江聲葵榭設林竹田敦復及莢虛

讓山兩上人

潭上云云秋氣空湖心寺裏菱荷風寒生對面一峰碧霞

起入波千頃紅乍可置身清淨界暫來瀉影鏡奩中尊絲
舊說流匙美蕩樂猶輸老阿童

謝山寓齋對菊設林董浦同作

放杖聊自適招邀正不須煩因高興發況與菊花俱清影
淡相對生香閒有餘涼風吹汝急修得到精廬

丁卯除夕

歲酒相看蠟炬紅全家安樂醉顏同老親色相猶憐我稚
子冠裳欲類翁七十以來嘗世事一年又過付東風乘除
莫向天公問索笑梅花破臘中

戊辰立春日譙清勤堂同用春字韻

夜雨初歸江上春明朝人日倍宜人尊前莫話無窮事座

無悔齋集卷十四

六

上相看健在身會有心情同此夕合開笑口及佳辰羣公

雅稱高閒意香到梅花許結鄰

即家以書贈
從爾爲夜春

上元集瓶花齋賦武林踏燈詞

十里層城夜火紅萬家樓閣倚春風一年一度元宵節消
受繁華在此中

最難得是此宵晴占說中秋好月明且看燈前村婦鬢插

秧先試踏歌聲

俗以元夜晴預卜
中秋有月之兆

腰鼓青龍小隊來空留白月照樓臺重簾微露新妝樣覆

額蟬紗窄窄裁

竹初高架翠梢長竹下紅燈映月光爲說行都舊來事鬧

蛾滿路正顛狂

河清採梅雜詠

戊辰正月廿二日設林招往西溪看梅同朱鹿田金江
聲屬樊榭丁敬身張柳源吳敦復施竹田汪秀峰約董
浦不至

舟行餘杭道中入西溪得詩字

扁舟出郭門駕言泛河渚搖搖何迢迢水淺適容與遙指
洞霄宮極目詠永黍尋復上輕舸西溪此延佇梅花開已
繁難聲無處所屋舍遠林際日腳下平楚捨舟就荒園香
滿不得語

西溪山莊曉起看梅得先字韻

清思入良夜曉來花氣鮮白雲圍湖戶香霧散晴川破屋

無梅齋集卷十四

七

寒猶斂低枝逕尚偏河橋隔城路拄杖轉蒼然

泛舟河渚過曲水秋雪諸庵

蘆港船來曲曲通茅菴只隔水西東老僧數說恒河劫歲

歲波翻荻葦風

爲僕從前湖田
駐蹕寒之夜

新翠沾山轉夕陽兩三人共一船倉閒房到處門前水載
得花香上野航

永興寺訪馮具區先生手植綠萼梅得馬字

爲訪梅花尋白社永興寺裏佛堂下云是馮公手植初兩
株清艷殊風雅一株半朽枯枝撐半著疎花向空寫一枝
猶是漫橫斜既老公然據案者此花年紀閱兩朝不管興
亡自蕭灑二百年來斬伐餘直託空庭任牛馬先生墓木

風雪中花開花落隨聲啞月夜重逢夢綠華魂來浩歌淚
盈把問花還轉問先生看花莫惜金尊瀉

從木橋過宋輦道歸塗作得陽字

畧約橋南古佛堂繁華大半隔橫塘蕭蕭竹裏分清影漠
漠烟中盡水鄉輦路到今春草色道場終古野梅香歸來
趁得東風便湖寺鐘聲又夕陽

薄暮泛舟至英公方丈

湖上桃花暖更繁游人去盡莫鴉翻不妨沽酒尋山店還
擬留船在寺門春雨暗從風竹亂定鐘聲隔水烟昏韶華
過眼真難得欲共支公細討論

四照亭曉望

無梅齋集卷十四

八

竹裏明湖色花閒宿鳥聲低枝經露重空水著烟輕艇出
菰蒲動亭虛草樹晴昨宵風雨過留得數峰清

同人甘墩村看桃花用杜少陵江畔獨步尋花七絕

句韻

湖上桃花開已亂溪上桃花發更狂勾引春光太無賴籬
邊直欲坐人牀

樹樹桃花壓水濱千枝萬朵不勝春可憐雨後東風吹碧
水青山紅向人

一灣一簇倚人家不是桃花卽李花料得城中四五月滿

筐桃李是生涯

小雨濛濛花似烟深紅淺白要人憐野外春風倍惆悵問

誰折得舞當筵

李王塘北阜亭東已愁春雨愁春風明朝花落漫無主一任亂溪流水紅

甘敬屋舍盡花溪水邊竹裏茅檐低桃源人家在何處村雞一聲當午啼

花深溪迷村路杳水昏烟暝舟人催老翁歸去日日醉桃花到處年年開

上巳展月田十八丈墓兼修禊事同樊榭葭林竹田耕桐茨虛上人得春字

風雨西湖上已人扁舟冷泛水鄉鄰鶯花世界烟中影金粉樓臺畫裏春高會已空當日事禊堂重到一生身履公

去後無消息莫向尊前問主賓

寒食西顧歸自閩樊榭酌于湖上竹田驥調茨虛同作

閩海歸來二月春乍同湖上趁芳辰柳條可是往時碧山色今看現在身寒食風光婪尾酒嫩晴天氣冶游人十年拋卻塵沙夢前同客消受茶香白水新

暮春初霽鹿田江聲壽門抱樸樊榭葭林敬身鴈亭葦浦竹田謝山茨虛讓山集南屏山房看湖上新綠

春雨有時歇晴明淥映眉水移新柳影山帶暖雲安野色鳴鳩樂清陰夢蝶知禪房花木淨鐘外夕烟遲

無悔齋集卷十四

無悔齋集卷十五

林至聖因寺

錢唐周京少穆著

爲疑留船在寺門林梢烟暝亂鴉翻春風欲落吹花徑晚雨初聞響竹軒戶外好山青不入僧前新紙白全昏支公只隔湖南路何處鐘聲靜客魂

送汪西顧之閩

獨向無諸嶺外行暖風江上片帆輕詩留一卷屋梁月花落千林谷鳥聲榕葉青分南勿浦荔枝香發刺桐城到來正是供吟遺莫謂戎機計不情

查葉師贈小雲曲歌小雲前初白先生命名

無悔齋集卷十五

越山接跡連華峯明星玉女若剡星潭轟轟瘴蛟舞天地透出青芙蓉何年匠手披山篋巧取蓮峯小千葉指是英州沙水中蕩蕩雕鏤洞心看攜來几案憑遙山山在蔥龍想像間就中崑穴號小有山人見此開心顏查君贈我說鴉寶六父貽雷子孫保兩山合璧分見投敢視蒼茫海天杳初白先生拄笏歸看山不厭他緣非對此日哦金滿屋烟雲供養常罪罪我何幸得此片石待展精神致魂魄前年贈谷曾幾時候爾他山互主客賢孫葉師富清文詩來磊落合氤氲屏山作緣轉持贈耽讀不覺胸生雲邀我作詩紀原始剝水殘山吾老矣請墜怪石爲履師寒瘴真堪彌吾齒

泛舟第一橋看新荷設林竹田同作

春來花事不相聞
芍藥荼蘼頃刻閒
蓮葉乍看新貼水
柳條已覺半遮山
田田著雨初含潤
柄柄搖風頗自閒
明鏡無勞悲白髮
夕陽留得照蒼顏

第一橋邊春漲平
新荷出水太分明
琉璃匣啟菱花動
雲母屏開翠袖迎
鴛鴦一雙遮不住
蜻蜓側翅立還輕
莫辭六月花時節
來聽浪浪打雨聲

夏日吳山酒家題壁同鹿田設林董浦敦復竹田敬身作

好景都從一望收
越山東去亂雲浮
乍憑高閣有時醉
且看長江自在流
夏葉成陰遮檻外
榴花似火隔牆頭
安排

筆硯酬佳景
勸我題詩散遠愁

二

復園池上荷花得十一尤與會者朱鹿田傅玉筍丁敬身杭董浦張柳漁施竹田葵虛讓山兩上人

城角山風薄暑收
芙蓉池上小勾留
水香空處明如畫
花氣吹時澹欲秋
客子自尋甯爾凭
主人獨判林塘幽
菱荷衣稱清涼界
不惜紅芳對白頭

貴米謠

戊辰六月

生小江鄉市城裏
北米南柴滿城市
江干柴船到如山
湖墅米船來似水
今年七十初過頭
不近荒歉生憂愁
四朝全盛皆眼見
百載承平任晏游
別州外府或歲歉
移粟移民猶可免
未若今年一例荒
並非水旱災

起說米貴一日兩日爭喧昂斗米三錢尚小斛聖河搬運

如蜩蟬會聞嘉靖萬曆開一斗二百青銅錢已云荒飢載志乘欲後來者知險艱如何豐稔似昨歲忽爾撰作荒凶年逢人不解日徧訪指數現在非偶然一云連年買官米

聖主憂民預荒理往往爭買滿常平常平今盡無糠粃一云海洋廣積糧黃金百萬通豪強吏民只辦自足計卽有傳說工包藏又云官買吏又買彼此牟利結不解平糶

空勞大吏心飢魂骨折猶驚駭買官米男婦難存推擠有終日不又云洋米誇高價愚民捐積從傾

瀉說云他郡紛泛舟公然落海裏嗟近聞要截萬石餘所去者多甯者寡遂令濱海諸州城廩起倉皇奔牛馬到

無學齋集卷十五

三

處訛言訴苦衷未知孰是始從同但論荒年究何故本無一語差靡靡今民洶洶驚不靖士子仰屋哦愁境市上喧

頻急晚炊孤兒寡婦啼空影杭州仰食殊艱難傳說年豐尚少安六月中旬早稻熟隔江新穀香朝餐人情初定心初寬得遇且過開眉看惟求長官悉民隱莫屬帝念憂

凋殘

立秋日雨後過吳山道院待月得動字以雲天收夏色木葉動秋聲爲韻同雪舫容安江聲設林董浦敦復竹田秀峰

新秋已海至涼雨來復湧雨過陟崇岡氣攝息衆動長林森蕭駭高閣寂孤聳雲天炎暑移烟暝江湖滑明霞隱蒙

菑迴飈冷崑洞須臾涼蟾生半歷山雲重挽衣起裴回耿
耿河漢涌淡冶舒金波溶漾現丹禾晶宇披清朗川光媚
鬱蒼對影親朋交澄懷釋樊籠擎舟載月歸秋聲雜龍香

題復園亭角尋詩圖

老黃門昔選幽居留得青山還故廬今日復來亭上立荒

池楊柳是秦儔

尋詩動即到君家門裏桃園路不賒記得春明舊時事對
牀風雨夢梅花

寄巢秋禊得序字韻

吾人展禊事往歲曾一舉春秋佳日多與會良可數況今
際秋閏忽復合尊俎林塘接餘歡觴詠散殘暑小山媚繁

無悔齋集卷十五

四

卉曲池瀝新雨濃陰涼蟬鳴爽氣風蝶舞相將臨清流漫
與酌桂醕愛適祇堂幽喜洽逸池侶座襟爰滌除煩憂不
得語

閏七夕湖上同朱鹿田金江聲施蘭垞張無夜梁葭

林張柳漁丁敬身杭董淵吳敦復施竹田汪秀峰

纖雲不動天漢長荷花夜開水茫茫今夕何夕復會合下

界滿湖星月光鳥鵲低飛過湖水捲簾人在秋屏裏怪底

銀河更倒垂莫教常說人千里

詠鄭雪崖池亭白荷花

素縹明秋日方塘媚晚香幽懷暫相得閒軒詠微涼

擬左太冲招隱詩

團團桂樹枝齒齒澗中石芳聲被澗水澗石潔且白中有
隱者廬清修謝束帛豈不念民生恥爲世所惜有華勞吾
鋤磻溪稿吾散遺逢荷不時寧令寒餓逼三徑屬荒蕪身
閒自除繁一壺種樹書心安理栽植蕭蕭靖閭巷惜情適
斯夕聊用全吾生匪違高士跡

高士本無競不少循途人終南有佳趣往者榮其身不爾
苦夏畦舉世卑賤貧純盜虛聲子荷得傷天真我祇念生
理秉執崇人倫緬焉得太古去作無懷民東西浮雲馳上
下飛鳥頻目極無所與萬有同一春寄語山中客殷然慎
艱辛衣食歸有道莫漫羞沈淪

東城訪秋卽用玉溪生詩中字爲韻

無悔齋集卷十五

五

雲晴籬外水秋老屋西山葉落遠林際蟲鳴亂草閒尋僧
初得路看竹久忘還新月應乘興衡門莫上闌

忽忽行爲嘉興沈觀察良生即君孝子作

長水孝子今所無魂兮忽忽歸清都昔年父任佐軍國萬
里儲胥向漢北今年歸駐蘇門泉母歿倉皇慘行色倏爾
告奠酌酒漿縗麻如雪風吹揚紙灰飛火上影堂急起保
護焚衣裳不惜微軀一時絕靈輶儼然身已亡我哀孝子
令心悻悻深驚魂死大義縱可奔趙母在斯甘從逆敵無
迴避鴻文節烈兩足傳孝子死孝成名賢招魂不來何處
所屋角夜夜聞啼鵲

大梁游草題辭

爲梁校
市什

大桑君小桑君湯湯淮水流其文嵩陽少室靈兩分金匱
玉局陳典墳講堂閑處花籟紛學子厚氣質有黃過庭體
云復詩云下視餘子徒讓問鄰園二老吟榆枌對哦詩卷
吹芳芬山寒歲除空念羣回頭日暮江東雲

十二月十五夜雪後見月

萬頃琉璃界烟霄轉皓然雪從今夜白月到此時圓遠寺
霜鐘裏高樓莫窺邊何妨高興發獨泛剡溪船

孤山看梅用東坡松風亭下梅花盛開韻己巳

皐亭山下梅花村照臘萬樹驚心現晴雪潑眼睇白日寒
月入林明夜昏昨春又復高興發西溪獨到張家園花氣
壓檐酣且適酒香入腹清而溫今年來尋孤山路古幹新

無悔齋集卷十五

六

照扶桑殿低枝偃蹇去覆塚輕綃亂還遮門舉裳踏花
各低首杖策繞樹都忘言拾魂不來享殷薦香水一湖浮
大樽

正月十一日徐汾西招看復園梅花再疊前韻

背郭草堂成半村冰檐雪屋清詩現北里歌管暖寒夜東
皇斗柄占初昏春風先到竹西地細雨獨秀梅花園客子
咀嚼玉蕊冷主人嗔噤冬裘溫藉藉香吹對晚靄紛紛雪
落愁晴敞且掃臺階漫遶樹莫辭開謝常關門仙骨水邊
惜殘照縞衣月下羞煩言所然一笑拾餘采請君酬此賞
前樽

北郭歸舟以東坡水生挑菜渚烟溼落梅村分韻同

江聲樊榭敬身董浦作

相送出籬門一棹下春水春波暮生白沈雲濕篷底回首
梅花園盡入烟雨裏

絲雨密不歇新水生春烟菜渚燈出屋河橋風滿船落盡
梅花後閒園綠草邊

聞樊榭董浦話焦山之游

一從高興詠滄洲直到焦山頂上頭詩思酒腸天際闊海
風江月寺前收潮聲落處鐘聲遠霜氣清時夜氣幽公等
茲游正奇絕勝情只合說揚州

得雪

得雪消沴氣冬溫未足嗟麥因三白見酒可一壺賒釣艇

無悔齋集卷十五

七

晚堪畫歌樓舞易斜不嫌桃李實幽意問梅花

昨日集維霰今朝生暮寒才因誇謝女老可臥袁安雁影
飛逾急龍鱗戰正酣貧兒飯甌滿曾否怯衣單

庭戶鹽堆滿車箱米廩空已經歡歲晚自可慶年豐暮色
千村白寒燈一穗紅呼兒承今夕買酒出街東

樂意出看雪扁舟湖上來盡成銀世界到處玉樓臺宿鷺
飛難見寒波凍不回孤山閒可訪昨夜有梅開

萬象靜朝氣開門雪滿山未妨清到骨獨覺冷侵顏掌大
撲無數紛如亂不刪江雲低徧戶徑絕渺難攀

明月照積雪寒光徹底清玲瓏入庭樹濕浴出江城鏡殿
銀蟾影瓊樓玉笛聲此時笙鶴下直覺羽毛輕

口占待得詩成雪已消足成一律

待得詩成雪已消清光猶在急難描正謬淨域三千界忽
轉春風十二橋且盡尊前莫惆悵那知許事漫招邀夕陽
明處搖空碧只有心情付柳條

正月十六日雪後泛湖同樊榭葭林茨上人以林岫
皓然分韻

昨宵雪滿街春燈跡如掃今朝雪滿湖爽朗對清昊雲迴
青靄迴花破紅萼小魚沈樹影寒島下川光曉一水動微
波羣峯耿四抱玉宇晴轉開冰鏡淨逾皓城郭列畫圖樓
臺出縹緲夕陽明滅中長烟上林表歸棹春風生柔條正
良辰

集卷十五

八

前年中秋與吳雪舟汪舜齡家金門放船虎丘游詠
竟夕新羅老人華崑爲作圖喜成長句題畫後

何緣妙手畫成圖爾我相看宜可呼黃篋舫前燈晃漾綠
楊樓外水模糊簫聲吳苑烟中寺月色杭州雨後湖塔上
一鈴還自語重來猶認酒船無

笑金門弟

憶昨清游把酒卮吳江白月落帆遲銷沈許事憐幽徑眩
轉華年指繡帷花到春深人去後山常秋盡雁來時從今
莫聽橫塘曲一拍歌聲一淚垂

春分後三月初晴泛湖分得腰字

遲遲朝旭上林梢郭外遙山宿霧消春色晴來才兩日柳

條青到第三橋好花漸欲新湖面生水初驚沒棉腰約畧
年光寒食近暖風吹出賣楊簫

牆外泥乾是昨宵城頭風起又今朝一湖春水半垂柳十
里晴雲幾畫樓東海客逢人意好北山僧往世情遙人不在

清勤堂後辛亥花盛開

節近清明雪未殘辛亥花發玉檀樂半簾斜日開東閣滿
院春風落畫闌香掩冉中初過雨白羅幾處尚餘寒華年
第一逢清賞吸盡金尊仰面看

謁錢武肅王祠

集卷十五

九

東南奄有越江城潮落錢塘戍鼓清強弩萬鈞爭此土謗
書一篋不留行里人香火憐祠廟故國湖山指姓名父老
到今猶頌說獨許金甲事春耕
婆留門外水烟平故苑荒祠草樹晴四世聲香明社火六
陵風雨暗孤城遺民幾度江頭老游女空聞陌上聲有客
來尋碑石在大蘇書字看縱橫

鳳皇山看桃花

鳳皇山下桃花紅家家籬落春烟中江光湖影夕陽外別
有幾樹搖春風忽覺江昏雨飛渡不見明湖見花霧青青
芳草故行官芒鞋渾徧城南路

花朝早亭看桃花分韻

同人爲余十四日生辰又爲柳道傳別會
名樊榭江陰鹿田抱樸花滿湖柳道傳身何

山陰林處士數復竹川云
三人期而不至者樊榭

沿回入村港花好近蓬窗避世不知漢居人合姓麗春風
來習習春水去淙淙無限玲瓏意紅香撲玉缸

閒日此閒游舟行逐野園桃花漫水國春草抱山樓紅出
疎籬短青隨暖浪浮分明在入境與俗劉鴻麟

己巳二月十五日泛月三潭作附小記於治
卷七通句後

山月出山山當門門前春水波云移船柳影翠生暈過
橋花氣香無言更深寒潭向空瀉人靜大瀟泠夜昏舉頭
圓魄漫流照起舞叩絃翻酒尊

晚入靈隱寺

紺宇隱靈異到來清客心泉聞山市欹松入寺門深芳草
留行跡斜陽在遠林會須僧舍宿閒臥聽春禽

無修齋集卷十五

冷泉亭上坐月兼示巨游禪老

何地無明月何月不清輝獨有冷泉月溶溶出烟霏上承
石髮密下印潭心微山空羣動息夜靜經聲稀人語穿谷

響鳥驚橫澗飛春星三五點澗北明夜扉山僧出揖客古
寺香穠翻佛燈照覺路溪雲滿禪衣願依清淨理相對坐

忘機

游敬光菴

山寺不知處深林聞遠鐘行當窮澗竹到欲臥雲松冷對
一橋水青來第幾峯遙看渺江海于此盡心胸

坐春淙亭

石佛巖前路春淙有一橋水從泉出冷花去澗邊遙到古

巒光淫林雪月色消無勞買山隱隨分坐昏朝

寒食湖上冶春七絕句

小寒食到山禽呼出郭放眼春風鋪霧開花光紅半曉日
照柳條青滿湖

五柳店門楊柳新天桃穠李畫船人可憐一勾西湖水消

盡年光十日春

水碧山青花欲然紅闌干外數游船樓臺到處人來往雨

後初晴二月天

三潭月落水無邊湖心亭子浮春船山僧招我入寺去疏

璃半滅藤牀眠

靈隱寺裏香氤氳靈隱寺外春草薰我來踏福門前路聽

無修齋集卷十五

得鐘聲出白雲

入春忽作三日游來尋澗水東西頭碧桃花開春已老花
片看隨春水流

裏湖外湖吹柳絲橋南橋北落花時去年夜月成昨夢酒

家壁上尋前詩

前年二月望敦復招同友游日雨山城到西泠橋忽辨
夜久月出穿簷窗往揚州柳邊將入都竹園病起更公與

矣今年遊湖往揚州柳邊將入都竹園病起更公與
今昔同遊湖往揚州柳邊將入都竹園病起更公與

三詩人相與扣舷而歌夜闌酒醒宿柳岸月明見樓臺浸水
山雨連三日成詩數章公畫而傳之

三月三日同人湖上修禊事分得四豪

方春有佳日命駕游林阜及此湖水平可以滌遠襟暖波

魚聞萍晴霄鷹解縑玩物各自得吾亦償吾勞

無悔齋集附錄

徵士穆門周先生墓志銘

鄞縣 全祖望撰

穆門以詩名天下五十餘年平生嘗徧歷秦晉齊楚之墟所至巨公大卿皆爲倒屣顧終於贈賻不遇而死其人淵然湛然莫能窺其涯涘渾淪元氣充浹眉宇蓋古黃叔度陳仲弓之流也士無賢不肖皆曰周先生長者乃其中則有確乎不可拔者而不以形迹自見大科之役姚侍郎三辰薦之穆門力辭不得應徵至京徘徊公車門下數日稱疾卒不就試以歸莫能測也已而始服其高杭之詩人爲社集羣雅所萃奉穆門爲職志詩成穆門取長箋寫之醉墨淋漓姿趣類放時或弁數語于其端得者以爲鴻寶湖社風流百年以來于斯爲盛皆穆門之所鼓動也穆門故鄞產前明右副都御史葦崖先生相之後其遷杭五世副都于先司空公爲石交副都之孫觀察于先宗伯爲姻家故穆門于余尤相愛也近副都之後居鄞者微不可問穆門瞻念大宗形之鼎縣余嘗爲穆門言葦崖墓在太白山上廿年以來神道荒蕪石馬眠草中寒食麥飯恐無舉者穆門泫然流涕曰吾當東歸買墓田復置墓戶以守之是後歲歲相見必及此然詘于力竟未能也暮年別自署東雙橋居士東雙橋者副都所居鄞城北坊第也昨年余病于杭幾死穆門斯夕訪視余稍進食穆門頻贊楮來過次年余在越中而穆門吳淞之訃至矣穆門死湖社諸人一

若失其憑倚者其爲人可想見也穆門姓周氏諱京字西
穆一字少穆曾祖諱龍祖諱楠父諱大用娶姚氏生于康
熙丁巳二月十四日卒于乾隆己巳六月十有七日得年
七十有三葬于湖上之北山青芝塢子宸望諸生穆門之
卒也吾友杭堇浦爲之傳序其事甚悉屬樊榭施竹田論
定其詩山陰令舒荃畝爲之開雕而宸望又以幽堂之文
屬余是不可以辭也乃更爲之銘曰
重湖黯然喪我祭酒白雲封之其骨不朽

無悔齋集附錄

二

無悔齋集附錄

歲庚午春仲同人至湖上掃穆門先生墓用皮襲美

弔張處士韻

朱樟鹿田

空憐修夜鬱青霞馬鬣纔封過客嗟
石已刊題墓宇短牆低露守墳家
青烘碧草摧焚葉風軟春旗落杏花
慙魂對君稱後死吾生轉自苦無涯

吳廷華東壁

脈脈雲陰掩曉霞白楊風裏動咨嗟
人傳京郭先生履魂傍西泠處士家
良會聯行仍舊雨空山幾度落春花
虎頭塚上曾同拜去年上巳同展月田丈墓老淚依然洒水涯

金志章江聲

無悔齋集附錄

一

一環荒塚近栖霞社酒同澆重歎嗟
華表若歸終是夢海山何處竟爲家
青青宿草陵陂麥豔豔春風躑躅花
生死于君莫惆悵只如聚散各天涯

厲鶚樊榭

何方清佩逐飛霞埋玉空山重可嗟
墓下驪鳴猶有客松陰鶴返定思家
百年大雅存吟草二月東風滴酒花
時令時猛憶去年同月汎短篷曾繫水西涯

戴廷煜鵲亭

筆彩文光蔚暮霞九原長閟動深嗟
時澆杯酒得羣從貧築松阡能幾家
蠟屐人尋芳草路紙錢風颭野棠花
祇慚未展生芻意遙望吟魂水一涯

梁啟心 茂林

脩夜仍看氣似霞人生到此重吁嗟墓門表碣題徵士身後文章屬大家社到酒澆新草色春深雨泣小桃花一灣青石橋頭水流恨年年未有涯

丁敬 龍泓

先生高節抗明霞俯仰儀型客共嗟松下那堪人展墓柳邊況復燕還家沾唇痛把生前酒照眼愁看去歲花風雨空山催步返不禁清淚洒湖涯

杭世駿 蓮湖

仙篆難尋蔡少霞一回追想一咨嗟連天風雨宜脩社繞墓湖山勝住家酒伴去年曾汎月詩魂今夜定題花因君

無悔齋集附錄

二

俯仰千秋事知也無涯生有涯

陳兆崙 句山

寂寥書卷瘞紅霞醉罷春醪重歎嗟空復招要新舊雨不成村落兩三家王孫草長空斜日處士梅寒又落花寄語尋芳來往客莫將有限探無涯

施安 竹田

先生石室閉烟霞彈指流光一痛嗟已約炙雞來墓下不堪聞笛在鄰家十年酒琖稀今雨二月春愁付落花蟲臂鼠肝元一例達觀底用說無涯

舒瞻 雲亭

無復高吟對綺霞離居三載倍堪嗟沾衣湖上社公雨酌

酒丹陽處士家落落交情負雞黍匆匆節物換鶯花過車尚記平生語清夢爲君繞水涯

吳城 鳳亭

去年白髮春遊共今日青山宿草嗟弟子斜陽仍載酒先生逆旅始歸家人閒殘墨千行字地下多情幾樹花金粟冢看離不遠聯吟長夜正無涯 與顧文月田墓不遠

無悔齋集附錄

三

無悔齋集附錄

哭周穆門先生

梁文瀛 翁父

家園交結四十載砥礪學殖期縱橫繼以贖攬走方域馮
 軾三入長安城碎琴市上不得志多見睨離少合并漸看
 年力近中晚各謝翬飛甘剪翎武林風雅甲天下招邀朋
 輩聯詩盟推君高座主壇坫紀律嚴于細柳營幼婦詞章
 時一出振耳豈惟輦俗驚歲在屠維大荒落潯湖六月雙
 槳鳴邸舍延醫報疾作大都氣弱嬰炎蒸子安長吉早且
 死詩書滿腹資來生附身附棺得無憾天啟令子隨親行
 初值金風時節到送歸一路吹銘旌傷哉平生老膠漆弗
 獲執手爲丁寧只餘一事未勾當山腰蔥鬱難猝成君家

無悔齋集附錄

一

子孫盡賢孝會見大鳥翔高陵

朱樟 鹿田

天乎胡至此摧折到斯翁句法驚流輩交情振古風柳痕
 花港綠荷蒸曲欄紅記湖上事條報靈輻返親朋涕淚同
 黃篋詩人舫迎涼秋興存無端耿蘭報竟到長卿門覺痛
 知難愈彌留惜片言太虛仍返寂迴照總銷魂
 數訪濂溪宅頻過欣託齋落花黏網戶細草沒幽階汲古
 餘芳潤吟風寄好懷西州門下路何忍賦俳諧
 巨眼按羅富江山怕見君會然季布諾煩解魯連紛夜月
 排文宴清歌詠暮雲華亭秋唳鶴淒絕不堪聞
 秀擢觀光彥迴翔往帝畿千時曾對策薄俗厭輕肥蘭

省空蕪燭名場早拂衣故人清節在只戀首陽薇 記上公延請事

迢遞卑蘭道孤程委轡行印璽花馬戍嚼雪黑鵬城未惜 記游甘肅事

關河遠難忘兒女情山光疑北轉順軌望西傾 記游甘肅事

買醉耶官省分柑刺史廬 記水曹及澤州事夜聯聽雨榻春輿看

花輿攀借如椽筆分脩劇郡書 謂脩郡志篋中英爽在經義井

爬梳

驛冷吳淞樹停杯惜別遲分襟能幾日抱病又何時熱歐

一腔血秋凋兩鬢絲憐余稱後死觸動長年悲

金志章 江寧

小別俄聞惡耗來病中垂死動驚猜舟藏夜壑還何疾酒
 盡黃墟過易哀風義高人推獨行文章憎命負奇才薤歌

無悔齋集附錄

二

一去成千古慟哭愁雲黯不開

金石論文久愈堅白頭一旦隔重泉歸真誰與嗟桑戶厄
 運人皆惜鄭元嘆鶴灘遙魂不返換鵝書在世空傳湖南

寂寞吟壇冷愁聽松風咽杜鵑

鄭羽遠 雪崖

清和供設松花餅踰月方投和韵詩日暮扶筇悵遠別詰

朝飛鷁苦難追方期旆自茸城返那識歌成薤露悲殮不

馮棺緋不執故人知我禮多虧

歎息交遊零落盡老成今又失斯人因疑縱棹思孤往或

是騎鯨欲返真匣裏蹟猶藏逸少澤邊吟不見靈均滿城

少長都揮淚何況雷陳誼最親

梁文泓 秋風

歎息才名五十年，今藝苑復誰先。
數行春蚓工而速，繞筆江華晚更妍。
旆曉侵三泖，月笳簫秋咽兩湖。
烟遺書，頗有兒孫讀，不畏寒無坐客瓊。

金農 壽門

論交四十載，老友忽云徂。
讖應蛇年促，神傷鹿夢孤。
詩編傳北郭，書蹟滿東吳。
一笑泉臺近，從游許我無。

厲鶚 樊榭

如君行誼友兼師，一慟秋風草木衰。
徵士東岡有周變，稱兄南國只爰絲。
尊鱸不返松江棹，先生卒于雲間客舍山水空畱汝。
社期六年來同人結社上先生為之領袖，謝儂指交情三十載，九原無路說。

無悔齋集附錄

三

相思

汪臺 復園

託契芝蘭四十年，南船北馬喜隨肩。
而今空抱人琴感，每到文壇卽惘然。

里中純孝數周郎，爭識南村舊講堂。
天道無私終食報，長公屢勉不遑將。

縣鐵八而至靈活，運筆如風提頓奇。
常見酒酣磨墨候，如牆觀者寫烏絲。

知交落落歎晨星，誤過西州一恰神。
從此湖山應有主，落霞秋水屬斯人。

盧存心 玉巖

已矣斯人逝，風流墜若何。
荒荒送日月，渺渺下江河。
老淚空山滴，秋風落葉多。
湖西一勺水，難越洞庭波。

桑調元 雙甫

心朋苦恨流光短，晚歲相于眼倍悽。
那知一別成千秋，直令恨塞乾坤滿。
里閭聞聲四十年，文壇汎愛相周旋。
四賢祠中一杯酒，三老盟心無閒然。
奇哉一老成，吾契一老是日騎雲逝。
謂汪梅津二儀中閒著吾輩，天慳未許多聯綴。
二鳥更起鳴相酬，二鬼捉作一處囚。
同心合并本不易，况復幾輩聲相求。
纏綿一篇賦，朋友劫火難灰垂。
不朽我與盧子同，悲號痛哭滂洋落。
一斗離情千里汴，與杭台州一老又周亡。
謂朱子齋迷離冰霰現，凄斷天東遙哭悲。
茫茫哀哀一年

無悔齋集附錄

四

弱一箇疊放小招歌，只些人閒只剩我。
與盧西湖正似西州，過舊貽書札兼歌吟。
字字重比雙南金，呼兒檢點未零落。
痛入重泉一寸心，袁題大小中州集。
遺山遺墨猶在篋，今把嵩山游草焚。
靈風散亂灰蝴蝶，如弦之直百不回。
縱橫辜負凌雲才，壁窠字作胡旋舞。
驚人詩句如崩雷，姓名空得九重識。
文人槁項終失職，君胸雲夢八九吞。
脫去芥蒂冥通塞，年逾單豹顏童嬰。
酒酣耳熱氣益振，何難大年逾楚樁。
糠粃人世不遑巡，儻然而去返吾真。
萋萋墓草秋復春，春醪湛淥寧沾唇。
恨不早歲先情親，恨不連年接舊茵。
恨不遑歸葑湖濱，六州鐵不鑄錯字。
糝糊淚眼空茲辰，重江烟雨交酸辛。

范肇新 客安

宏詞憶昔鶴書徵名在烟霄最上層開寶詩人偏被放南

周北李至今稱保賜李鐵君與先生同時名宿俱被放而鐵君詩杜補堂太守先為刊行

自憐浪跡九州過遊草思攜就琢磨今日歸來虛宿約遺

編重展淚痕多

衰年愁踏輭紅塵各向平津醉吐茵冷落西湖舊吟社胡

天先遣奪斯人

身後文章萬口傳一時光陰澈重泉雲亭高誼堪千古不

遣江湖集並鐫

符會 蔚林

曾達聲名上相知千金卻聘拂衣時潞州一往成孤誼高

無悔齋集附錄

五

節他年要補遺

王曾祥 炎槽

名園握手乍經旬倏忽傳為化蜨身已信長繩難繫日轉

驚滄海易揚塵琴尊從此收芳徑弓冶終當屬後人尚有

新詩畱素壁招魂無計欲沾巾

梁啟心 荻林

重德清詞兩不違今時未見古猶稀風流頓盡真堪痛合

為夫君掩少微

巾子峯前麗素旂歌猶帶渺湖秋馮誰剪取吳淞水添

作西風老淚流

丁敬 敬身

一夕魂招淞水濱乍聞音耗有疑真琴尊遲合湖中權杖
履俄驚劫外身老向淦哦偏跌宕寒逢佗條更情親他時
觸處思遺事花下風前倍愴神

張渭 柳溪

墟頭脩竹綠陰屯刺觀春光展齒痕宿草詎能忘茂叔哀
絃空復類雍門墨塲絕代鴻畱爪華表他年鶴有孫悵望
青山耆舊盡腹輪自轉莫招魂

施安 竹田

白頭里巷說交親却為先生倍黯神早以文章推哲匠誰
教泉石老斯人西風病鶴游初倦脩竹菟裘計尚貧會哭
寢門皆舊雨一杯何處酹清塵

無悔齋集附錄

六

大科先達亦奚為龍髯終嫌一第遲高允宜書徵士傳林
宗不愧蔡邕碑用東坡句五茸舟楫悲長往七夕壺觴惜此時

地下倘逢嵇阮侶也應杖履共吟嬉

舒瞻 雲亭

小別逾三載生涯類轉蓬溪山迎舊吏書札荷衰翁秋閒見寄伏枕清江上歸魂短棹中交情媿徐穉揮涕向西風

汪沆 楓塘

東哲方傳賦近遊銘旌驚返潒湖舟一時爭灑臨風淚十
口猶勞垂老謀文字嶂嶸推巨手湖山寂寞失遨頭自憐
撰杖歸來晚花落千林句未酬去春先生送予入閩有詩畱一卷屋梁月花著千林之句

谷鳥聲

張雲錦 錄

風雅羣推哲匠名頭銜猶未脫諸生方思掇管從承旨忽
話回車失步兵三載東湖交已晚一編北郭著初成重來
無悔齋中坐碧樹惜惜劇愴情

范 成 九 池

天邊雲掩少微星耆舊山陽失典型樓楹于今竟安仰絃
歌何日更重聽望湖樓下詩猶在放鶴亭前草自青處士
墊巾思故事千秋不媿蔡邕銘
笠屨無慚進退閒一生心跡愛投閑書云惟孝亦爲政詩
賦考槃嬾出山自是文章憎命達非關骨相遇時艱天涯
涕洟常沾臆歸去誰將著述刪

無悔齋集附錄

七

吳 城 數 復

幾日吳淞去俄驚凶問來片軀成永訣三徑忍重開負笈
知今已招魂信可哀逍遙歌曳杖淒絕泰山頽
憶近清明節禪關信宿遊尋山雙屐健拂壁小詩畱正擬
耕漁伴何堪笑語休五茸城下路從此謝扁舟
闕寂心喪在臨風淚泫然傳經思往日築室俟他年白漸
紛涼月紅仍墮野蓮文章志未展遺恨抱重泉
衣食東西走鄉間聚散頻識符年在已字記老忘辛
吟場猶在目回首舊遊殘清淚頻年漬
一夕闌牀前慚樂正地下慰方千私謚門生議馮將野史

刊

孫宗溥 牧 堂

憶昔金門詔徵車已在郊漫言西向笑惟恐北山嘲出處
幾先洞經綸學總包公才誰比似深惜老衡茅

顧 光 齋

不見南中處士星十年流恨滿山眉停雲賦後無消息慟
哭人來拜草亭
文章自是別愁多板拍新詞可奈何閒日湖山看不足斷
絃零落雪兒歌
獻頌甘泉一昔成晚風晨露說華清不知中秘掄材日太
息猶能憶賈生

無悔齋集附錄

八

射石山前雪淫淒寒烟衰草澤南州狂來不唱伊涼曲醉
墨弓衣爛不收

名區曾歷徧中年根觸風花九曲船飽食難支綠好道少
成名處合生天

忻聞曲水浴蘭時遠道春風杖履知人是永和三日後斷
腸難續紀游詞

宛陵詩格未全諧僣叩元關靜裏探最恨閒人天亦忌不
畱詩老在江南

朱 曉 秋 亭

凶耗驚傳自浙西如糜清泪落封題雲藏皓月魂難駐草
占青山家易低書札遠堪孤嶼匹詩名高並兩峰齊如何

秋老明湖曲梁木摧殘杜宇啼

會陪几席侍衙齋記游漢澤事二老風流愜素懷少室迢迢雲

岫聳太行嶽嶽翠峰排飛花琢句人何所顧影悲歌天一

涯時子寓河北吳樹獨憐親舍冷松陵酬唱雅音乖與先生結

幽居相訪憶殘冬三徑羊求許過從甲子冬余過訪麗句書齋遂成永訣

清詞含徵羽長縑短楮幻虬龍人歸曲巷餘霞散鶴返幽

宮冷露濃莫謂文章憎命達仙城端合掌芙蓉

牙生何處覓知音幾閱遺編涕淚深玉白花紅從點勘所

門各集悉先生點定庚申年事山重水複記登臨庚申年事不須晚雨雲

歸壑容易斜陽風滿林賴有鳳毛能繼武謂今歸爲馮飛

鶴寄哀吟

百里來凶問新秋淚泣然典型畱碩望聲譽徧羣賢先友

如公少清吟到處傳風光悲逝水哀樂感中年江路迷疎

雨湖亭暗暮烟騎鯨波渺渺化鶴舞翩翩翰墨龍蛇在文

章奎壁懸璣珠泣寶匣吹笛咽涼天颯颯商音奏簫簫葭

露圓琴尊虛此夕杖履憶從前令子誇瓊樹承家在簡編

淒涼腹痛語何以慰重泉

周 琰

伯兄匪獨冠吾宗品行文章蓋代雄一萬卷堆瓊宿學三

千卷集倒名公去飄回首湖堤月歸翼傷心海嶠風過岬

無人不墮淚肩隨况復已緇翁

周逢吉

價重雞林軼後英依然身計等躬耕有時談劍雙眸炯未

免吟秋百感生嶽樹江雲他日夢畫船花港晚年情不須

譜入西湖志到處山僧識姓名

釋明中

維摩居士心空久彈指俄歸不二門湖月林風也惆悵天

然好景共誰論

二老風流不可忘謂月田先生蕭然同去白雲鄉從今剩水殘

山路瘦菊枯梅冷夕陽

釋篆玉

清明憶祭顧逋翁謂月田先生

蠟屐重湖常望放詩箋閑思鱗美雲閒去昨見人言老病

終涼雨蕭蕭增感慨殘荷幾柄夕搖風

無悔齋集十五卷

浙江巡撫
採進本

國朝周京撰京字西穆一字少穆錢塘人雍正中諸
生是集爲同里屬鶚所定分年編次附錄全祖望
所撰墓誌銘及同人掃墓詩鶚序以高岑豪健比
之今觀其詩源出劍南在一時詩社中酒旗茗椀
拈韻分題亦足傾倒流輩若方駕古人則又當別
論矣

亦廬詩集三十卷

〔清〕湯斯祚撰

首都圖書館藏清乾隆刻本

附《四庫全書總目·亦廬詩集

二十八卷》提要

南豐故晉南昌府分邑自曾文定公以古文顯於宋後後孫軾之士爭務讀書立言為不朽計蓋其流風漸被使然余束髮讀文定公書想見其為人當嘉祐治平之際二程之學未盛行而公所論著必推本大學誠意致知中庸誠明之要蓋已默契道學之源流立身行已斯至於聖人而後止非斤斤以文字見者而或且惜其不能詩即以詩論詞高旨遠往往凌轅鮑謝雖其師友廬陵臨川時有不逮淵材惡足以知之獨其音響節奏高下疾徐之間未盡諧協殆謂是不足留意云爾如是則後之學文定者宜奚從寧必其詩之為耶清興且百年湯司馬惕菴講學自中明義利之旨謝先生約齋尤毅然以道自任所造益深篤實與慈菴諸儒先立於吾鄉兩公皆南豐老宿不專為詩攻古文者尤眾余所最服膺則梁山人質人又見湯文學西園序吾里熊高陵等切元報一書歎其得古法度文學未見其詩山人間有所作亦弗尚也今侍御以安少承伯祖司馬公之教雅善古文既入翰林肆力篇什盡窺漢魏晉唐作者體製淘汰其詞彙舒其氣調停其聲音以合於律呂難弟孝憲父望里中李明經柱文鄧進士乃父相與和之於是南豐之詩大振噫詩至三百篇後去道滋遠其於不朽之業亦僅可然為之難工且若是間以是語元於廉萊村萊村亦南豐之雋有志乎文定之古文者也

而善言詩曰君特未見吾亦廬亟詢之則侍御從姪而
父學君之令子也方為諸生有聲連試不得志放浪湖
湘間以歸翌日偕以米手一編示余則皆其旅遊所作
誦之琅琅然忘倦向之疎美於侍御諸君子者咸備焉
然後歎南豐誠多才南豐之才又聚於湯氏余曩所交
遊固不足以盡之也亦廬為詩甚久自其蚤歲已能不
苟同於衆希蹤少陵泛覽韓蘇諸家視吾江西派猶若
未餐者本領宏闊音節之美出乎自然故策材稱之以
為南豐重余既與之遊叩其所學復不止於詩力為之
而不已文定之業庶其再振也乎此則余之所以重亦
廬者也乃為之序而歸之南昌萬承蒼序

高序二

國家首重制科士不終以他途進其據世唯經義之討殺律之學或不暇為為亦多不工於是
山林隱人江湖遷客與夫緇流羽衣之通子墨者乃得
出其單辭剝語抵掌傲晚之失風雅微言非有以異於
經義也發乎性情衷諸典禮近之切於身心遠必關於
天地民物之故當是鉅人手筆非必屬殺麋徑乃稱逸
品也陳李杜韓之作可概已求風人之雅則作太平之
歌頌義類非不可循抑工力所到高下有不能強同者
余友湯君亦廬承其家尊甫西園先生斯文已任之志
少自刻苦偕伯氏切劘不靳至於古人不山制舉藝工
也古今體詩律則又工布之書牋墨翰靡弗娟潔先時

高序一

讀書鹿洞天人研晰連赴舉場再薦再失意未暇則載
筆素裝泛其友人之宦三楚者繼遊浮漢江以達乎沅
湘枉渚數數懷鄉吊古故其為詩得騷賦之旨多緒必
清真辭寧崛軋微特儒門氣息莫與窺厥三昧即山林
江湖諸種種者寫肖有未逮茲非天分人工兼至者耶
宜乎太史萬字兆先生序之謂其雄快有少陵家法間
攔入坡涪以肆歐豈外獎也哉夫君與余同學里廬相
近顧猶然旅人也憶世載前烟月之夜聯步六宜樓江
邊樓指圖經所載曾氏一家後以敬詩鳴者若朱京世
昌若蔡柟孟堅若黃鑑 若湛祐自求劉璣起潛父
子晚季則有譚春放齋先後多人其副墨之子維誦之

孫誰昌誰微須接緝為一編曰南豐文獻而附以近世
之作者庶俾外間毋誚讓子固如淵材歲時系息者久
之既爾我牽人事此志訖不就顧獨君所自為益富其
庶幾中興之一時乎君之伯氏曰萬斯余並託交薦行
年五十矣始食餼一昨秋闈入主司程式以額溢暫置
其盛傳於時有集唐如干卷滕王閣八首則庚子秋足
疾蹒跚杜門拈出貫酒先召余吟賞之者也適君以亦
廬編屬校並志之紅泉鄧牧序

鄧序二

余先君子贈公西園公博學志古承先
公數世葉光大之網羅遺逸嘗傾貲構采延禮天下名
人著書擬史遷冀成一家言痛中年捐館遺未竟緒時
家中落斯祚既失學甫冠兒女子已數輩兩弟幼伯仲
兩兄皆十數口不可重以累始各食才智鈍及汲然營
先孺人兩弟助養及俯育不暇益廢學或萬艱中稍聞
則竊吟詩詩成喜自誦不以示人惟伯兄間見外則友
人元子萊村譚子簡亭嘗索見見則持播於是里塾中
始嘗有餘詩顧自念國家取士循用前明制科非時
藝無由自致困極欲奮始俯首就帖括學時過則勤苦
百千不憚斯於必成凡六七年中間吟詩輒割真慮舉
業妨如是者揣摩諸經傳各先正及國初文至饒於庠
十赴棘闈再薦卒不省錄於主司於是乃自知命薄始
幡然并其念於秦漢晉魏至宋元明諸書諸名家諸古
詩文反覆選擇不下十番沉玩而於唐李杜韓三家尤
篤久之始迴然若窺見古作者立言之意思卒理先業
顧饑凍迫環南北中州奔走日為人應酬無少假會
上御極前後詔舉博鴻廉正友人欲推余以應竊自
念家既瘠又江湖日久面目語言不足供有司錄寘輒
自止至歲戊午倦遊適先孺人服闋庚申就歲薦年已
垂暮二三宦遊友人漸凋落無可依始遊京師入大學
大司成郭崔兩公少司成陳稍錄進至乙丑報滿授新

昌訓導教官冷員訓導又極冷歲間月課諸生或事關
學政教諭生掌吏書呈牒署名押紙尾而已又無齋舍
則請於郡伯幸沈陳兩公相繼重儒得遂請分領公項
贏餘始營度學西大荒中構一舍不足捐已俸完茸頗
樹梧竹供吟嘯頃之二三好古者肯從遊相倡和登覽
得詩遂多再欲理先緒視道長日晚旁皇不能振發
冬上特命教官俸滿引見甲戌復入京恭逢上
駐蹕熱河爰出塞祇見著回原任是秋復任新昌先
是大總憲臨川穆堂李公見余廬山湘漢作猥亟許可
南昌萬丈史公孺廬為製序文友人鄧教授紅泉毛中
翰聞齋亦相次序跋始摘刻數卷出質先進名家或過
辱有以為庶幾不謬於古之人者晚更辱萬載儒學新
城魯君厚畬作古體長篇跋遊草稱舉愈過而里中從
學及此間諸子好事者多勸余彙集付梓欲裒益以助
因始重念余年齒衰暮既隨廢先人業來者幾何誠不
可以復待始按檢從前所作於風塵散逸殘剩之餘得
十二三復揀汰合近草隨歲月居遊編次定得若干卷
夫人之心不可一息無所用丈夫生懸弧矢冠則三加
其首斷有用也今斯祚蹉跎良時自少壯而老遠之不
能為國邊隅効命力內之不得備拾遺補闕侍聖
明於朝次之又不能得一州一邑分民社責於古
循良是希此身一無所用晚得一訓導擲散耗官祿所

日事惟吟咏當其意注神之所凝雖不至顛坑仆谷然
天地萬物嘗若不知當食廢食當寢廢寢冷忘夜煥忘
扇漱洗忘晨昏或夜半忽呼獨坐忽笑自言自語如醉
如癡以視夫理髮思來罷櫛綴筆或重過之不惟見者
怪笑即已亦自不知其所以然然非癖也不得已重賴
此以遣其歲胡猥古之云乎亦聊附博奕者差賢於無
所用心而已夫人身所憑依嘗不忍遽棄壞几不毀存
之得見古物況心所嘗用乎遂不違諸子意始鈐票以
質世之君子而回念父書未成不能續述行世重創痛
焉

省

乾隆丁丑歲秋七月朔南豐亦廬超遙子自識

贈言

次贈湯亦廬

地山曹秀先

時人服食求神仙衆人錢刀問良田知愚畧同草木腐
三不朽者誰其全南豐先生老有力目電齒貝光氣聯
即少逮今戀詩字苦到九曲窮鑽研與我同為豫章產
先是耳熟名喧傳天假之緣京洛聚吾家三兄盛招延
衆中得手鉅篇讀橫豎妙義圖璣璵洞庭衡嶽非細物
不聿如鐵生鑱鐫書生潦倒又閒觀香草美人呈鮮妍
文壇雄將多益善更逞餘事工儷駢畫眉那便入時態
兩丸飛跋云胡遶南之筠陽就講席髣髴綠櫺散空玄詮
此是鄭虔即鄭谷猜是朱巖同張巖十年循例觀天

贈言

子潞河春水百丈牽速來就我情話以詩囊一卷隨行
纏別後好友過不問却羞無力乞酒錢刮眼金篦且藏
弄舊學商量惜棄捐揖君復揖趙子固

謂趙微君匡山方白

梅嶺各踞巖阿蒙詩字無蕨味昔柳三起今三眠

題湯亦廬詩稿

楷林申發祥

讀罷君詩意愴然大田如此不逢年文哥已似窮韓愈
官冷真成老鄭虔夢裏觚稜三禮賦曾中塊壘五噫篇
惟應天意存風雅教授長孺任所傳

亦廬老子來堂堂縱橫大筆凌清蒼曾窮廬阜涉湘沅
 江天萬里愁茫茫側身金臺更牢落摩挲石鼓磨宣王
 平生金鑄杜陵叟配食無過韓蘄黃盤空硬語力排果
 餘波綺麗雲霞光西江宗派江河下中流孰砥狂瀾狂
 穆堂老去孺廬死健兒縮手空旁皇先生筆老氣愈縱
 九鼎一髮神扶將只今餘年還嫁衛海鶴堦前鳴蒼涼
 家徒四壁出金石猶能潑墨爭淋漓毛公家在 龔宮
 側往來二老風流長肯惜寒瓊富酒債我詩往往宵連
 牀時人驚怪無此客古來鄭杜高頡頏我來康樂廬下
 住匏瓜無匹中慘傷鳳凰臺畔聞高唱欲往從公川無
 梁文章有神交有道愛莫助之何日忘新城魯鴻跋

跋

二

同人姓氏

參訂

新昌友人毛鴻遠閣齋

毛熊夢雪崖

新城友人陳道凝齋

魯鴻厚畬

同懷兄斯祐見山

校閱

新昌友人蔡谿漁谷

高安友人胡功懋景方

新昌門人

姓氏

毛大業通孚

毛大任受衡

毛大方用乾

毛大綸用經

蔡尚琥西玉

漆惠亮才

熊勝景敬吉

劉成章文可

熊恭崇肅先

熊炎步韓

易中孚信及
漆雲騏驎青
李繩賢繼武
郭家和履中
劉應嘉會也
劉應燕乘也
席 纓佩章
熊化邦信及
熊兆興旺周
熊考祥履周
姓氏
南城門人傅嗣說夢巖
里中門人邱大英叔韶
高秉渠勉隨
聶 修惕功
黃 鯤元士
李 璵荆山
劉永誠守中
趙宜麟玉堂
族姪 相尹尚五

子壻鄧來祚永茲
男 志信
志侃
志飯
志俱
志備
驍馬
新昌門人熊考祥履周
姓氏

亦廬詩目錄

卷一

超遙書堂草 古今體詩計三十七首

卷二

茗柯山房草 古今體詩計三十四首

卷三

匡山草 古今體詩計二十五首

卷四

河漢草 古今體詩計六十二首

卷五

沔漢草 古今體詩計四十一首

目錄

卷六

茗柯山房後草 古今體詩計二十三首

卷七

崇真禪院草 古今體詩計四十首

卷八

沅湘草 古今體詩計五十四首

卷九

沅湘草 古今體詩計四十首

卷十

北征草 古今體詩計三十七首

卷十一

燕山草 古今體詩計五十首

卷十二

燕山草 古今體詩計三十八首

卷十三

南轅草 古今體詩計六十二首

卷十四

宜豐草 古今體詩計三十四首

卷十五

宜豐草 古今體詩計三十一首

卷十六

宜豐草 古今體詩計三十三首

目錄

卷十七

宜豐草 古今體詩計三十九首

卷十八

宜豐草 古今體詩計四十八首

卷十九

宜豐草 古今體詩計四十九首

卷二十

宜豐草 古今體詩計四十一首

卷二十一

宜豐草 古今體詩計四十二首

卷二十二

宜豐草 古今體詩計四十七首

卷二十三

宜豐草 古今體詩計四十一首

卷二十四

宜豐草 古今體詩計三十首

卷二十五

倭滿草 古今體詩計四十五首

卷二十六

回任草 古今體詩計四十首

卷二十七

宜豐後草 古今體詩計三十四首

目錄

亦廬詩卷一

南豐湯斯祚衍之

超遙書堂草

古人不見我六首

古人不見我古月照我廬飲酒對古月笑讀古人書
右 好風從東來禽鳥鳴相於瑤華擷在御芝草秀前除
抱影一獨叩古琴橫綺疏拂拭有餘思悠悠太古初
石竇出古泉石池湛靜碧豈不貴流行薄發而厚積我
家古臺下盡室納虛白梧竹間疎陰素琴將古籍波暖
文魚泳花深文禽息蟄雷起古田農夫互阡陌古人不
見我庶幾望三益

亦廬詩卷之一

書堂草

臥餘啟北牖和鳴黃鳥悅荷氣納晨清水花露鮮潔美
人隔水情花為誰何折羅襪步凌波古粧淡不抹簾櫳
夕陰隱側座無桐捋落日重登臺涼風起天末
用工古 人不見我菱歌坐超忽

蒼黃擘下上當中貫元精一氣瞰萬動默然主者情時
登超遙臺望古青山橫巖古闕窈窕
宋文定曾公讀書巖 石古孤
崢嶸
唐名宦獨孤公彈琴石 飛鳥不知處白雲相向生書妙無言
言琴妙無聲教古人不見我閒對白雲評

十日不登臺西南見大火青春去我遙挽逝問誰可惻
惻方寸心古人不見我長綆汲古深乘風縱大舸美人
何時期月明林下坐鴻鴈戾高天洞庭木葉隨書成萬

里道欲寄重緘裹

朔風厲古臺滕六瑞花儀博望玉田平登臺長舒嘯鶴
望表被歸山陰路奔峭古人不見我索共梅花笑牕靜
延暗香山空豁古照紫頭披古易天心領要妙瓶酒冷
再溫醒來和雪噍阿童解樓抱龍骨仍古調

春日田家四首

杏花菖葉始力作并東村雜草新連陂犁畝遠竟原雨
餘膏土發雷動脉泉繁篝火宿中夜平明飽飯健
緬維供俯仰况乃奉馨香既備種梁種魚開礪碌場小
免令饑黍中婦滿提筐藉草從泥飲松陰古社旁
晨興荷鋤出日入盡東留豈不念勞苦歲功良在茲春

不廬詩卷之一

書堂草

鳩鳴達旦好雨暗知時蟋蟀中堂暮驚心輸稅期

煙光晴甸薄時澤邁忽忽到岬桃花漲吹林鳥信風倉
箱祁有大鹵莽戒無終婦子何勞逸寬閒託在公

春牕

春牕綠玉枝手種三五顆昨夜風雪中節目多礪砢

春暉

春暉白雲岑苔意媚幽獨樵唱入前軒檀藥風動竹

放館閣體奉送太史漫湖二叔北上赴補四首

三年從謝老萊裾紫索重持侍玉除盡妨酒闌人醉後
丹楓江冷鴈飛初雅歌晴擁當官道涼月秋隨入禁廬

霄漢懸知今夜裏文星先傍紫微居

鯉魚風裏度晴川取道湘浦橘湘蘭思渺然孟底晚山雲

夢月熈前秋水岳陽天情多欲解騷人佩歌半遷和平

帝子絃懷抱自來多古意九疑嵐翠落巴箋

長江一望夢花疎從茲會蘭亭思有餘馬氏白眉徒愧

爾阮家青眼最憐予蕭蕭落葉扁茅舍冉冉征雲傍石

渠重到玉堂金馬署游棠靈鵲驗興除

千官靜處踐雙螭侍史新傳摯講帷青瑣漏稀簪筆早

紅梁霜重校書遲如蘭道味寅衷炙似水臣心 聖主

知回首竹林花發候春風北鴈介維祺

古意

碧葉下高梧搖光西射西門館晚涼初池塘新雨後瑤

不廬詩卷之一

書堂草

軫質古月美人擢素手一彈碧山秋數曲雲泉吼終調

再三嘆海鶴別永久昨夜歌鐘作東鄰新娶婦錦衾三

十六駕驚誇儷偶少小抱區區貞白誓相守願奉慶雲

光百年偕老壽賽脩不為理鸞鏡絨裘厚塗零露繁

吟簷依戶牖佳期俟河清紅顏坐白首

留宿普慈寺西偏簡族父誠齋

梵宮深樹裏微路版橋通門掩脩破水牕開小苑風禽

魚觀化後花雨讀書中作達前賢事吾生愧阮公

晚景烟光薄開尊就短扉杏花村釀老春草子鵝肥學

府深排悶談鋒迅解圍興移忘夜永漁火隔林歸

東岡

落廊憐生拙艱難幸歲和一林秋颯爽六月雨瀟瀟
果垂枝密山禽乳子多東岡晚盤薄雲外起村歌

秋夜有懷

露下空林杞菊菲北書無鴈報嚴扉秋聲悄起丹楓樹
瘦影涼灑白紵衣樓掛絲桐質松石盱衡雲漠轉璿璣
月斜獨自庭槐倚隱隱樓南見少微

贈趙不黨

破產徵歌事等閒姑蘓昨夢笑懷間貧來小賣文為活
老去饒勝酒發顏日落盤鈴歸大市春愁拍板疊陽
關人生直取真情性比屋城南任往還

秋杪散步南臺山止宿譚大簡亭茗柯山房兼呈

書堂草

劉默菴先生

夕陽紅樹遠南渡愛秋墟小立真人廟長吟靜者廬山
空霜稻穫月滿夜牕虛一榻百城近今君捫腹餘先生
生佳垣也

送徐況一歸楚

斷橋黃葉下岐路手重攀急景催人別清江對客閑時
霜彭蠡棹臘雪洞庭山已熟醪酒歸堪洗旅顏

秋夜

西園疎雨歇靜夜小軒幽蟲語親苔井秋聲近竹樓風
霜經樹老節序感螢流不寐愁明月中宵望斗牛

送別

眷才復置館就養竟言歸秋雨一帆別長江獨鶴飛登
盤新紫蟹繞膝舊斑衣別業西山畔湖光待啟扉

歸自茗柯山房

一瓢耽漱井華寒底事相催歲未闌秋闈人歸夢草長
夕陽客散菊殘天寒倩女縫冬帽未貴尊妻減夜餐
纔是尚平婚嫁始年顏回首鏡中看

遣女

母憶初為婦兒今即有家乘龍占疑汝得貴夫笑渠翁
別念行年小責從著代賒京陵禮不忝吾儉亦榮華

喜熊二渭源至舍尋別入秦省觀即呈高陵先生

一鑑南州月長年別夢增何來秋雨重話草堂燈

書堂草

好盟藍玉渭源時將命為姪中務委為令姪女新愁質刻藤便便吟好

句置我鮑壺冰

秦關翹首地萬里懸庭闌清吹臨江動孤帆帶鴈飛懷
中無郵簡膝下老萊衣相見叨相問年來只掩扉

雙劍石

造化弘爐鑄鑄此雙劍式麾日出空青雄雉騰上擊一
線透雲根巨靈高掌壁陵峭西北岬大帆掛海船雷雨
洗磨之蒼鮮不能蝕上有老根株莫辨松與柏或云丹
荔支羣仙手斫植秋風落前崖古觀隱蒼蒼為道重
關石磴礙胸膈直上俯衆山千林霜葉槭左化人裾執
右洪崖肩拍

祝粵西大中丞李公壽

臨淮門第舊朱輪公望公才屬此身千古斯文瞻右宋
一時喬嶽挺生申月高五嶺雲烟淨雨帶三湘草木春
紅雪玉華逢介雅八千孺僚祝莊椿
天教義海富春容顏謝懸門早挾衝篋底雄文生蓓蕾
壁間大筆走蛇龍鬼曹猶識馬君實士類同歸張建封
正待八荒開壽域九重二肆錫歌鐘

賦得笑荷送映蔚

日午蔚澄波深碧宛混并白鷺下其間雪羽時窺映風
過不令香雨餘一同淨何處畫橈歌層湖渺清聽

白大中丞兩公亭頌言

亦廬詩卷之一

書堂草

南浦雲隨班馬生涼颺高動相風旌原田一夜綠桑柘
湖上歌聲雜雨聲

溫藤烟火起前汀八座詩成喜雨亭十二曲闌米家畫
西山盡見佛頭青

殘雪書懷

庭柯猶綴玉井榦半消銀殘雪無來客寒梅共瘦人詩
從愁裏富家似去年貧原水春風近桃花合問津

亦廬詩卷一

新昌門人熊考祥 錄

亦廬詩卷二

茗柯山房草

南豐湯斯祚衍之

春日遣興七首

曲徑人稀淺草封溪雲作雨淡還濃壓庭竹色山空曠
緩數南臺入夜鐘

熙春幾候到山齋黃栗留聲春夢回日上疎櫺捲綃幕
軍峰晴遞曉青來

冽勝中冷水一泓那希陸羽品知名倦情遣解相如渴
折足錯任聲帶月烹

谷風習習雨絲絲花藉雲根水概池枯鞠聲中農事急

亦廬詩卷之二

山房草

田家驅犢出東菑

強飯炊菰較淡齋病中三候費刀圭劇知福性幽棲合
遮莫浮生學馬蹄

亭午沙暄履齒乾抱槭持榼過江干水雲村館幽人近
謂劉默時許奇書一借看

狼籍繁華眨眼過竹枝入破奈春何展繡只傲蘭亭本
春事緣情記永和

水東六詠

茗柯泉

月上前山高寂寥山空響井濺肆不食含靈為悒快獨
挈一瓶香幽人自來往

華嶧松

鐵幹孤直性託根華嶧去聲巔白雲相來去清風一悠然
笑問子大夫官秦定幾年

丹楓閣

秋風幾夜來忽變樓前葉返景一林紅寒山千萬疊欲
寄天涯思新詩題未愜

南臺渡

西崦下殘陽行人沙面駐一往復一來彼泊不相顧何
處去來因日日南臺渡

青園竹

千巖少室青萬竿渭濱綠持向一時看未比青園竹音精

不廬詩卷之二十一 山房草 二

蒲葛散清陰珊珊淨寒玉

讀書巖音于固先

丁广雲牕空何年天為啟持取東府圖來隱去聲南郭几
不見讀書人惆悵情何已

夏日偶成

古屋樾林繞鳴蟬亦有情荷風通竹牖瓜蔓暗松棚高
卧素書把罷吟香茗烹細流聽平聲不厭泉水在山清

斜景

樵唱前村盡僧鐘古寺敲晚陰連北郭斜景駐西郊背
隴牛呼犢歸山鳥護巢不知霜夜幾落葉滿衡茅

秋夜率爾有作

晚歸山館

宵深羣動息露滴古松梢落日罷經解明燈成史鈔烏
啼黃葉嶺鬼肅白楊郊怪底揚雄默便平聲便事解嘲

言酬城市約半醉菊花觴落日歸山館橫波坐野航綠
莎秋岬火紅樹晚村霜門徑清光接松蘿月一方

初秋猶不聞譚大消息感賦

南臺晚渡

嶺上秋來早丹楓夜落聲尺書還北望纖月又西生別
鶴看雲悄栖鳥繞樹驚長安有先達誰薦陸機名

不廬詩卷之二十一 山房草 三

晚秋有懷譚大簡亭

稻穫黃雲斷山空白塔孤樹腰封稿秬邱角縱難蒐社
鼓迎神廟村帘賣酒壚高陽徒侶去誰伴十干沽

秋日山居答杜三左待

滄江流不極獨往信超遙紅葉題僧寺青山坐板橋野
昏忙宿鳥鐘定雜歸樵生事只如此煩君問寂寥

秋日鄒文易堂數枉山齋辱贈敬酬

松菊秋三逕白雲常與期竹谿鳴鴈晚藜杖到門時流
水幽蘭操空山伐木詩茗柯有妙理相對喜忘疲

期友人夜宿訪清潭嶺不至

夕陽歸鳥盡暝色失前峰竹氣秋生簟茶香月在松寒

泉鳴小澗晚寺度疎鐘無限湖洄意兼葭誰與從

戚友催赴秋闈治裝出山感賦

一瓶伴泉壑春去夏常留日烈松棚敞荷香羽扇收
柔摘馬齒菱嫩刺雞頭底事供生活涼風忽報秋
疎林一回首簷笈赴前程落日孤舟遠澄江夜笛橫
傷三就則誰計此番行鷄肋生平累肩隨愧獵纓

舟中感懷

江潭搖落氣獨客夜情生清漏烟中暝疎鐘枕畔明
行藏乖蠖屈身世苦蠶繁宿驚忘機甚來回體自輕

送元二次裴北行即訊乃兄景曹及熊二渭源譚

大簡亭

亦廬詩卷之二

山房草 四

眼底長安路清歌又送君去看東觀史莫話北山文
江遠帆迷樹天高鴈入雲冷泉秋夜響獨倚石橋聞
燕晉遊人在淹留又幾年井陘吟處月督亢夢來天
學久趨空苦神今得醉全別離都有思為寄薛濤箋

江上懷譚大簡亭

胡鴈下湖水高天搖落餘江雲今夜月人夢去年書
饑飽各欲死萍蓬不易居連蜷老桂樹歸計復何如

秋邨即目

紅葉蕭疎千樹林板橋流水萬山深鴈聲寥落秋空遠
羨汝人家十畝陰

晚過青園贈趙元尚

竹深谿冷綠迢迢朔鴈高天氣沈寥曲逕閒門疎柳
孤邨秋水夕陽橋菊憐老蕊荒詩社蟹趁肥螯問酒
瓢長笛一聲相送晚倚樓人散落梅飄

初冬感懷

倦去從攤飯狂來豈代庖聊分眠犢草幸假拙鳩巢
詩謝反招隱書宜廣絕交柴扉扃竹樹落葉晚風敲
丁丁還漏促不語步空堦月冷侵蛩砌霜高墜鵲柴
自成中散懶敢薄太常齋檢點經冬事難為負米懷

送從弟崑圖省覲北行即呈侍御叔父

太皞始乘震招搖柄東指吹萬轉條風零露披蘭芷
蕩東光融衆鳥春聲起綠蘋未齊葉晴波跋鱸鮓令弟

亦廬詩卷之二

山房草 五

白華姿晨葩潔不滓手持無卹簡北向南床啓大海橫
往來日新良有以月上竹林心因君介繁祉

亦虛詩卷三

南豐湯斯祚行之

匡山草

賦得珠簾暮捲西山雨

西山一抹行雲綠，暮雨淒淒江樹杳。
閣中歌舞罷何年，捲上珠簾人悄悄。
珠簾暮捲自古今，暮雨暗晴重昏曉。
落日西山青復青，悠悠天地看鴻鳥。

奉送梁丈質人之秦

悠悠函夏百年心，西嘆憑誰報好音。
江畔曉雞驚短夢，柳陰嘶馬澹分襟。
地流不改長河壯，天險重經太華臨。
懷葛堂中春復暮，可憐松桂自森森。

亦虛詩卷之三

匡山草

滕王閣

畫棟侵雲漢，西山紫翠含。
遙憐日下勝，絕踞江南鶴。
夢終空楚魚，書底滯黔何。
勞重懷古客，恨慙層巖。

澹臺祠

關捷終南滿，伊誰哭路岐。
古人還貌取，何處託心知。
魁鮑奔荒隴，勞苔冷舊祠。
年年湖上水，一薦楚江離。

孺子亭

萬古東湖畔，長臨月一輪。
野亭存蘧莽，秋水証心神。
不謹貂璫議，寧誇俊及倫。
祇憐懸榻意，未謝府中陳。

匡廬山

秀出南斗屏，藩九派衝壁。
翻彭蠡日雪，剩漢陽松高。

隱傳名宿東林莽，舊踪要當概吳楚。
倚杖石人峯。

冰裂示同舟友人

寒江羣動息，風雨驟呼散。
半夜河冰裂，千櫓估舶驚。
滄波頻涉險，青髻老營名。
不及沮洳生，涯付耦耕。

鄱陽阻雪

破凌穢孤艇，玄雲匝岸低。
英雄百戰地，風雪大江西。
書劍飄零舊湖山，咫尺迷無踪。
噩夢醒三件，夜鳥栖。

白鹿洞

我情鍾秀異，況乃表前修。
十載志白鹿，茲焉遂所遊。
弊確沿澗路，松泉入陰幽。
數仞轉百折，旁見御書樓。
側身大寰宇，浩蕩懷真摛。
白日坐晚晚，雨來山欲秋。
往者。

亦虛詩卷之三

匡山草

讀書法於此，傳源流慷慨。
閱逝者望古神悠悠。

留宿五老峯紫竹林

鳥道何年辟，雲關盡日封。
水堅飛澗瀑，雪偃斷崖松。
白象忝清供，玄猿定夜鐘。
寂寥羣動外，身在藐姑峯。

由紫竹林訪木瓜洞登瞻觀樓

清曉出招提，載訪木瓜路。
冰雪大崢嶸，懸崖高躡步。
萬壑凍無散，數枝寒雀聚。
委紆瞻觀樓，天海豁遠顧。
帆沒左蠡烟，日破香爐霧。

木瓜洞簡尹道人

萬籟空山寂，荒荒太古壇。
杉雞依雪塢，栗鼠曝幡竿。
客至柯應爛，仙歸局尚殘。
嚴青有骨相，為問素書看。

漱玉亭觀瀑布

雲門懸瀑吼松櫟乳水花龍蛟翻天漢晴明殷電車
我來憑漱玉日出巖飛霞腸胃一滌滌浮生便棄家

栖賢寺觀玉淵

礪石鋪修練垂虹飲大瀟玉花盆荇藻雪浪滾車輪終
古一無盡清天忽有神騎鯨戲捉月嘯侶謫仙人

三峽橋觀金井

莫測風霆駛乳深爭石門何年混沌鑿不夜尾閭奔地
絡通秦華天經隸漢源憑閣誰敢唾倒影証心魂

五老峯麓礪谷二首

諸峯根蘆微數日窮其隈翠嶂互積阻山路陂陀開午

亦廬詩卷之三 匡山草 三

烟帶林薄稍稍見樓臺峭嶺松竹下澗石爭喧礪隔澗
夫何人三五坐莠苔耳語不可識似咲風塵乖前臨百
丈口合畚獲溪來誰唱濯纓歌白雲宵徘徊

一坳復一坳山腹帶山趾肩輿得行盤旋如磨蠃山
木靜翁翳忽貫前溪水水中礪石百狀紛譎詭峻壁
拒奔湍湍激怒不已鎗研習坎闢空洞逗清泚久立骨
毛寒一勾心魂洗我僕僂行邁落日村烟起

江樓

樓枕荒江暮城歌老樹僵蕭條千里目愁絕九迴腸鴈
陣驚空落漁舟泊浦涼鄉書吾未達風浪爾何狂

江州喜晤鄒三素純

一病相依處多時見爾心那期星子月重聽蠡湖砧

手兼悲喜相思只滯淫十年成底事霜雪鬢俱侵

舟行

天空朗翠微放溜下危磯湖日擘波上沙禽拍浪飛朔
風吹短髮霜氣肅征衣燕子綠何事深秋亦不歸

漁家三首

蕭蕭秋雨冷落散江磯漫補樓蓑領斜披荻稿衣螺
螯重設漩苓箸澗牽圍日隴西山色竿頭揭網歸

簞路將藍縷波波婦子娛漁商真作國沙漲舊安居擊
鼓聽齊榜逢船問買魚紅蝦青卿刺野飯當園蔬

對岸攀甍逸連船撒網忙魚標橫截水蟹舍互鳴榔明

亦廬詩卷之三 匡山草 四

月蘆花渚中流白版牀草菴粗結縛紅纏去賽漁王

五老峯歌奉送金憲臨清冀兩亭師復

命北上 辛卯歲師捐俸興新鹿洞文廟

五老巉巖雲海中幻變彭蠡蒸濛濛日出東海東光通

坐見五老峯巔紅紅鶴翻翻散還聚白鹿青苔舊眠處
我來尋討聖澤源破壁蒼松風雨暮良材付之大匠手

周以文槐顏以黜我峨數仞吐嗟新茂矣師乎功不朽
釋策弘開尊經閣驪黃之外旁按索我時戟手意顯然

大劍長鎗紛逐角師乎一顧訝犇突鹿超龍驤非凡骨
五列軍中拔赤幟數引座右探玄窟玉珂金馬朝天

去願師乎留留不住錦帆十幅黃龍舟章江兩岸丹楓

樹章江之水流不息茂矣師乎忘不得終古晚爨五老
峯江上終青終相憶

疎山晚泊

蕭寺秋山黃葉披水光倒影峭帆移疎鐘獨鳥僧歸晚
野戍殘陽客渡遲旅榜漫斟桑落酒故園誰護菊花籬
禪枝怖鴿幽栖定坐咲津梁老不疲

亦廬詩卷之三

匡山草

亦廬詩卷四

南豐湯斯神衍之

汧漢草

道士泐

楚天何處盡大浸失黃州蠻嶂盤空轟轟潮倒急流
鼉渾作窟蛟蜃欲為樓雲水孤槎迥蕭蕭落木秋

樊口

江水扼樊山回洑泊岍閒釣臺秋色裏墟落夕嵐閒
聲風流尚當年此閒關雄圖無隱跡憑弔一愴顏

送別朱泉明

楚國秋風已蕭瑟天涯君去欲如何征鴻江漢浮雲遠

亦廬詩卷之四

汧漢草

立馬關山落葉多寂寞文章千古事艱難身世七哀歌
離魂此後晴川月渺渺華不平聲注畔過時未赴濟南幕

鄂州秋晚寄懷梁丈質人二首

不見龐公幾歲時匡床寥廓古今期蜀江月落啼猿斷
衡岳秋高到鴈遲黃菊重去花人北樹白衣誰使去酒
東籬百年拙計成何事鶴髮蕭蕭剩五噫

文獻天教在桑梓歸然獨見魯靈光寸心去老分去追懷
葛尺幅神全括文章關塞懷人春寂寥江河逝水日湯
湯板橋步屨姑山路歸問南豐一瓣香

奉題大觀察王公行看子二首

早朝

曉暖玉繩低迢迢下天曙蕭蕭金閨人承明懷往路辰
告爾嘉猷簪筆備問顧蠟炬絳紗籠寅清及僕御玉漏
促鳴珂珊珊花裏度雙闕儼咫尺微茫辨烟樹

荷軒

成理妙心閒休浣府事屏廣軒夏日長荷花宛然靜一
鑑蔚沉冥白鷺立清迥幽意恣灑豁投編坐露頂亮哉
不染心庶奉君子永落日暗香浮風來蘋末冷

題吳靜復明府寒江注目圖

取杜少陵
詩難行意

造化為治天地鑪悠悠吹萬更生枯陂者平者將一氣
如潮迎艇相乘除耳目一襲以心關吁嗟與接目為構
云云得失動波瀾愛惡之間區薄厚少陵老子胸眼大

亦廬詩卷之四

河漢草

二

音大千傾軋微纖芥獨據寒江注目時太空廓然釋
礙誰解天張解縛外三詠三番餘歎喟尺系中堂鎮披
對閣上精神宛然在靜復先生懸眼會

黃鶴樓占風口號

飄風下上鷁舟停江色蕭蕭畫欲暝黃鶴樓前歸思倦
畫闌孤凭聽簷鈴

鄂州漫興四首

鄂渚西風動天寒濁浪高輿圖連楚蜀霸業辨孫曹江
漠孤舟遠鄉關客夢勞晴水明返照落木倍蕭騷
白鴈凌霜迴樓頭畫角吹雲烟神女廟蕭鼓將王祠黃
鶴逝何處滄江無盡時崔詩與禰賦懷古一含悲

節鉞雄南紀高牙候吏羅羽書開遣調藤甲近如何壯
士成蠻語消人自楚歌床頭搜篋篋寶劍重摩挲

日落鄂王城蒼茫楚客情雪殘小別樹風入大江殺鏡
吹去齊吳榜烟波下武清散裘兼短策一笑問南征

漢口送別

霜空大別秋風打漠陽渡不辨水和雲孤帆渺然去

黃鵠山

居然大澤走蛇龍重亘雄城表要衝南紀衝廬連軸轄
東之江漢滙朝宗三分霸業赤烏氣一夢仙人黃鶴踪
落日樓頭今古意數教畫角雜霜鍾

黃鶴樓雪望

亦廬詩卷之四

河漢草

三

雪繁窮臘逼關塞一茫茫朔鴈隨塗口炊烟虛漢陽滄
波人歲月孤劍楚江鄉黃鶴怨長別烏鴉滿大荒

翼然亭觀梅懷故園同學諸子

芳意罷憐早山亭獨往還角聲吹落日鴈陳去
贈遠驚新思賦題又隔年不知馬退名山月誰訪雪林偏

雪夜

衾枕寒威逼颼颼紙鳴龕燈深迴夜鈴柝斷嚴更行
役歲又晏買山計詎成那堪憂白髮日數未歸程

除夕

疊鼓催年急青燈耿夜愁家遙人夢外臘盡楚江頭狼
尾成牽制猪肝耐滯留團藥相暖熱獨攬敝貂裘

元日

楚國歲華易山家正旦新屠蘇介壽日江漢未歸人馬
齒加今長蛾眉是舊顰堪迎不無謂也試榜宜春

新春

采勝家家餽銀幡簇簇簪作含春回洞庭北客老漢江

南試筆端桐几攤書發鐵函旅人資善釀倩問郡王柑

武漢新春詞七首

新春結得遊春伴篋衍長開不上絨若個粧成最輕倩

榴紅裙子杏黃衫

蘇州髻子揚州簪道是玲瓏公習常付與新絲烏匝匝

盤雲簇扮滿洲粧

亦廬詩卷之四

河漢草

四

晴川閣畔春光早黃鶴樓頭霽景開新作楊公祠屋好

大家都約看花回

龜山遊較蛇山勝燕子雙飛快使風

渡江小艇雙槳凌波輕快謂之雙飛

燕還遜洪山塔尖頂倚闌看盡大江東

日光深透畫廊斜曲院喧喧正鬪茶忽憶明朝登塚去

淡粧教買臘梅花

鰕燈白趁鯉燈紅布政衙南府解東怕是元宵歡會阻

呪神休起大王風

蹋歌徐步漏聲殘雪打花燈意欲闌懊惱中秋去年月

涼雲重隔九霄端

送石觀止明府歸山東二首

握手論今日歎歡復幾人肝腸披至性文字見先民桂

樹東山晚棠陰南國春武昌堤柳綠渺渺送征輪

秋色鵲華好幽山楊子居百城下帷處五柳閉門初江

漢浮孤檝田園莽舊廬紅亭重去回首落日意躊躇

漢陽即日

東風三候等閒經大別峯頭花片零漢女重矜天下白

楚山中斷沔陽青西園老夢荒疏甲北直新絨附鴈翎

塗口巖巖雷雨坼夜來神物徙滄溟

鸚鵡洲

嵇康論養生當身伏礮斧往者彌處士中倫賦鸚鵡言

語審階亂遠害戒違迕吐我傲辟驕免視孔文舉曹瞞

亦廬詩卷之四

河漢草

五

貫以生既慘漁陽鼓殺戮夫何言有容豈黃祖我臨鸚

鵡洲長嗟一吊古蕙草空蕭條落日大江許徒憐隴鳥

知居才蓋疎鹵

大別山禹廟歌

晴川閣外煙霏收晴川閣上天光悠大江滾滾催羣動

扁舟散亂隨浮鷗導漾東流指遺處古廟荒臨大別樹

數聲畫角隔雲吹神鴉低翻漠陽渡不毛厥脛咨淪昏

輶轡癸甲更壬辛魑魅魍魎窮怪變神禹弗神人誰人

垂旒禮拜農師竝列靈籟蕭蕭森肅心影當時暨稷

奏艱鮮此日何人排溟滓岫嶠之碑誰編纂廟門有碑

事嚴跡秘欽訐謨蛇龍魚鼈宮林廬安得沔漢歸亡逋

嗚呼安得河漢歸亡逋

呂純陽睡像

醉罷岳陽歸騎鶴橫空玉笛梅花落洞連湖水盡波瀾

傾爭紛漠漠睡到夢教覺

無影塔

突兀驚鑿混沌死神鞭驅立江之渙雲根直插黃鶴磯

浪花高捲頭陀碑饒他捉影本無然滅息何勞就陰還

仙棗

何來龍蛟滄江漬挂骨漢影嗟輪囷黃鶴仙人羽化去

樹亦遺外形骸存根古猶然盤厚地末銳巉絕畫高曼

如石堅硬歷幾劫霆雷歛火空焦焚霜凋雨溜日蒸菌

亦廬詩卷之四 河漢草 六

不隨蠹爛真有神標終然愁斧斤八千椿壽空云云

自鄂州至竟陵舟中即事遣懷六首

兩作漳濱卧今成漢上遊客程費夏口鄉夢逐吳頭草

店青葭岸楊堤古戍樓婆娑楚人女生小慣學舟

黃簫編廬舍烏蓬作室家老漁下竹罩水桴服柴車健

並鋤犁婦生兼吉貝花桔槔齊鼓舞亂帕欹斜

麥綠菜花黃春深漢水窮家家樹柳楊柳處處護堤坊社

燕將泥遠巢鳥反哺忙蘭亭重回首禊事罷江鄉

迢迢百丈牽促蹙小舟偏落日過涓口停橈問漢川高

唐觀何處神女賦空傳底事禽秦小無愁亦叫天

鳥飛鳴直上良久切切如訴七八呼為叫天

成樓罷吹角齊榜檣汀沙燈火儼成市朋曹各自家楚

漁行夜水郢唱隔殘霞為問巴東信紛飛北鴈斜

六流寓

喚起楊林曙長亭更短亭水從雲杜綠山斷竟陵青前

輩持風雅鍾孤踪自杳真

茶經

西塔寺陸鴻漸祠

湖光深碧混空虛精舍當年陸羽居舴艋舟搖晴樹外

鷓鴣散喚夕陽初荒碑有客題桑宇古井尋僧問蛤魚

一漱齒牙歸思觸谷簾十載負匡廬

西塔寺聽笛

亦廬詩卷之四 河漢草 七

湖外清歌住采菱綠陰深寂晝逢僧笛散吹散楚天暑

六月梅花落竟陵

飲譚先澤孝廉書齋留贈

辟逕不在遠會心良有餘繞闌疎位石除屋半藏書黃

麗窺簷鳥紅香入饌魚君能遺外俗勝概輒相於

竟陵春晚

潦水浮空綠飛花入眼明春歸却子國人卧竟陵城曉

淚流鶯迸新愁亂草生北翔高候鴈一一羽毛輕

春夜感懷

百花已零落春事苦無悰殘夜月沉閣暗牕露滴松魚

書千里事蝶夢五更鐘孺子鄉關路雲山復幾重

舟歸上

朱泉明復至鄂州見寄次韻

茂陵歸卧渴相如愁逐秋風鬢髮疎正憶好詩新到鴈
老憐孤劍復歌魚百年鄭重將軍揖三上羞慚宰相書
黃鶴樓高仙不住為君槌碎問空虛

新蟬

空院人歌枕新蟬昨夜聲午風高正激幽樹晚逾清彈
指又夏半離家幾歲更園林棲託穩飲露識君情

漢水舟中五日

武昌三度餐魚嘗猶自孤帆問武昌愁裏雲山看小別
郢中風土競端陽蒲蒲葉吐屠腸劍簷蔔花催止髻霜

不虞詩卷之四 河漢草

嗟予西南各行役木芙蓉御撫高堂時兄弟並進秦越

登然亭曉望

晨光清市氣天際倚孤亭楚思生迢遞湘帆去杳冥江
流夏口急山色漢陽青惆悵春芳歇淒淒杜若汀

漢口曉發

榜人嚴戒旦江上曉雞號極浦孤燈宿新霜數鴈高百
年雙髻改大塊此生勞婉別樓頭鶴栖栖下漢皋

清江留宿趙愚亭齋次壁間秋思原韻

故人三載夢鄧路汎槎來白髮別俱長雙眉相見開雲
峯青倚郭秋思迴登臺長笛一聲晚高吟趙嘏才

清江城樓

寥廓青蒼數鴈殺切雲孤閣出層城山經雨洗連岡皂
城外山黛色江到秋深徹底清曠翅鷗鷺依淺渚目風

牛馬逸長坪三年眼眯塵中鞅辜負滄浪水濯纓

新喻留宿黃班五大兄齋賦贈

虎瞰山供高瞰煙雲榻管指三湘憐夢渺五字託神交
黃班見余贈友五言詩送神相契落日秋江閣清風古柏梢十年魏濯

恨老句夜深敲

龍泉寺竹亭貽覺如上人

一逕淨寒綠檀藥玉影疎香臺面花雨午梵隔鐘魚泉
古秋逾冽松欹畫不如何時戒定慧來共六根除

袁州

不虞詩卷之四 河漢草

斜日辨袁州楓林古堞秋雲嵐深似瘴潭水靜於油地
迴孤聞杆山高半壓樓鶴鶴詩句好風韻憶名流

袁州簡家弟教授為之

萬疊圍青嶂魚鹽午市喧孤城寒背水秋樹遠連村江
路經三峽雲山識二袁宜春臺上作言與惠連論

宜春臺

春臺何在撫荒邱灰劫茫茫望古愁袁嶺鼓鐘晴入暮
秀江雲樹冷涵秋碧蕪斷瓦昌黎院紅葉西風蘆葦洲

無那安排浮客夢灘般此夜傍孤舟

袁州道中寄懷元二萊村

五載不相見言歸慳一逢家翻成傳舍老共歎萍踪月

影斗孤鴈灘夜春欲尋張敏路夢斷隔溪鐘

晚泊下浦憶家兄見山藝圃舍弟繩之

斜陽依下浦楓葉落孤蓬月出聞吹笛天清有斷鴻分
飛稻梁異戢羽夢魂同却掃西園候仍憐老菊業

重九舟中感懷

又負黃花節一遭故園昨夢舊題糕亂雲晚燒去
遠紅樹秋江白鳥高三載歸裝看敗簾十旬孤劍伴征
艘笛鼓莫盡清商奏蕭瑟西風已二毛

河漢草

十

亦廬詩卷五

河漢草

南豐湯斯祚衍之

丁未秋適楚舟次大孤望匡廬感舊書懷兼寄南
康九江諸同人二首

雲門風磴幾追攀飄撇泥鴻感慨間浮客重
夢匡君未老故時顏孤舟月出女兒浦長笛風生星子
灣廿載山邱慟零落羊曇今見髯毛斑歲外展臨清典
鹿書院時掌教南州熊西牧師遠近同學數百某
特通知過廿載滯泥塗南師先後繼茲通感腹痛
擗管江堂氣象排功成長揖壯歌懷世功成放張那長
山雲之句廬杜陵宿處春如在栗里歸來事豈乖落鴈西

亦廬詩卷之三 河漢草

風過蠡水短篷孤劍極天涯叮嚀少待年前月忍負香
鑪石鏡堦

自九江至黃州道中感懷走簡譚大簡亭二首

汎濫孤槎渺晴陰水氣昏秋心驚塞鴈旅夢破江豚
驚人家屋鱗鯉野市村無聊從楚語剪紙自招魂

正擬窺茶井誰期問雪堂

余本赴簡亭竟陵之招中泳
途聞改調信始取道黃州

游達漢河減伐感江黃去國逾千里懷人尚一方明朝
擬相見久別話應長

黃州

孤郡濱江水岩堯望武昌簫誰吹赤壁樓自據黃岡址
雁鄉思起西風客夢涼隨波渺落葉竟夕纜危橋

蕪州道上遇風

混茫天水空孤檝無前期風波翻墜葉失隘何所依我
居大寰宇生死逃何之聚散由一氣歟翁誰能持況復
衽席側傾覆不自知終身利其舊何獨我在茲落日水
半屋人家辨涯圻纜舟得一宿魂喪招豈歸乃知投璧
意明哲理不違眷言共濟者平陸此中窺

陽城簡譚大兄簡亭

衆嶺分荆豫臺隍積翠間天清鐵壁礪雲斷木陵關詩
句傳黃葉簡亭近有黃葉袖中詩之句廳莎靜白鷗光黃人自昔曾

召致方山

和打鐵花歌并引

亦唐詩卷之五 河漢草 仁

上元節陽城人治鐵打花編松竹如坊以障飛
灑坊外上下金碧萬千簡亭作歌紀勝屬余次

和

昔誦坡公詩句心喜悅鐵花之秀宛可擷種詩有鐵花秀叢壁之句
退繡爾雅重嗟吁六十年逢花一發雅餘載鐵樹逢銀丁卯年始花
箭無殺月轉階堯堯叠鼓行雲迴頃刻千朵萬朵花楚
僮棒下縱橫開的皪驚翻烏鵲噪躡奔報兒童來姹
女之鑪鉛汞躍化人之殿珠璣堆紅燭清歌觴在手對
花不咲花真猜驕然一擊散相喚撒空楊柳千枝散衰
然慘地亂如篩紛葩蹂躪星奔馳秀華金枝爭掩映月
光空影交徘徊張燈飲君君須醉君不見三萬六千忽

百歲

題畫松

蕭瑟長風萬壑齊濤聲雲影渺淒迷夜深月入簾櫳靜
露襲蛟綃鶴欲栖

煙霞寺觀龍井

幽陰菌簾林卓午鐘梵止傳聞龍井奇一觀龍井水百
步恍龍吟喧呖亂石裏數仞駢龍飛石峭奔逾駛激射
迸山根吐嗟坤軸毀窪然成窟宅神龍孕九子湛寂空
虛涵冥冥混太始石門不自扁一龍俄外徙直下勢偏
側其能掉其尾寒玉突破碎銀礫紛齧齒道觀昔已頽
丹竈空遺址誰鑄石壁文無乃莽龍氏落日巖壑深嵐

亦唐詩卷之五 河漢草 仁

霏漫山趾颯颯龍嘯氣風雲凜凜萬姓仰為霖潛淵
得毋起

次和朱泉明客牕八咏

書筴

漂泊三篋貪痴送一車蛇吞蟻未足鼠飲咲何奢明
燭禁長夜青蓮憶舊家陶潛五兒子若個問津涯

古琴

廿載同書劍飄零剩七絃人有成象古蛇腹斷紋金香
紗秋橫几山空夜落泉不逢君子御玲重錦囊懸

漆硯

有底兮真妄大都附麗成好看書共漆不用寶為泓居

杜原相卜虛中詎愧名却思廣南竹秋雨賴江行名

短檠

蘭燼親頭白芸疎對卷黃歌供薛談弱吟伴李紳強室
與秋陰烟登疎夜榻涼客愁孤夢斷清漏悄何長

青奴

悄悄斜窺枕盈盈欲竟床樵青新賜褰孤竹舊封亡原
竹夫人山谷謂其體臂休寵合今紈扇清宜貯藥房客
息非夫人之職目改今名牕與向夢從到水雲鄉

菊枕

落英餐未厭采采命花師縫竝更囊晚疎於莞薦宜半

示廬詩卷之五 河漢草 四

床秋正淡大覺夢應知酒醒東籬遠更殘耐獨支

藥畏

浪遊苦瘠渴祇共藥為年子美詩全廢無且囊破懸看
題勞檢點折臂悟真詮寄語負苓者靈芝待往還

明鏡

自見偏憐短妍姬借鑑多土花殘舊蝕月魄駭新磨幸
許傾冠整愁如白髮何萍蓬底成就臨掛感蹉跎

秋日旅寓黃州僧舍遣興感懷六首

樓外賓鴻影斷行緒風簾幙颯蒼涼秋聲夜起黃岡竹
旅夢朝驚赤壁霜令尹有心多北轍維摩卧病假西廂
適看翠柳疎籠日更睹紅榴重壓墻

殘暑都消午院陰鶴巢空影出疎林花供優鉢明人眼
鳥啼迦陵證佛心古榻細香蠶繭宇妙香初試馬蹄沉
夜闌老接僧跏坐軟語金盆落月深

薄襲新繒重褪絺帶移時覺小腰圍倦吟短聽涼蟬咽
多恨終乖社燕歸官舍故人供祿米鄉書南鴈寄寒衣
愁霖一夜楚江漲山舍憑誰護釣磯

蕩香梨燕栗初坼人健秋深飯再加漸以行藏師北叟
盡收鉛藥付南華城頭猛雨連村暗天外長虹見日斜
卧後五禽聊一戲兀憑梧几岸巾紗

幾回欲學善人瘠名紙毛生倦滯淫已分蝸廬占平
小却來蠻府為知深百年桑老加恭敬千尺梧高倚嘯

亦廬詩卷之五 河漢草 五

吟昨夜碧闌見明月新詩遠道接蘭襟簡亭自新

旭日天清萬象凜噪枝乾鵲喜檣橙芽蜂豈道藏斑管
小蜂入管蟄藏其色微青蛙蠹公然壞古槎空說火維神假柄
盡看陸地屢為家時江水橫溢醉吟讀畢先生傳省
識吾生亦有涯

黃州訪商邱宋尚書牧仲合建竹樓雪堂 有序

按志故竹樓建城西北隅與月波樓通雪堂築
黃岡下州治東百餘步歲既久商邱尚書宋公
倅郡時訪古得蕪公洗墨池於府城南里許目
池築堂建樓堂北易覆以瓦堂設二公木主作
記臨青石墻中數百年時事遷毀變滅渺隨雲

烟此樓與堂幸興不廢夫豈偶然與

雪堂之興繼竹樓兩賢夙尚名黃州謫居水鄉致灑豁
世實殊異同風流幾百歷年幾興廢索跡按乘荒空邱
商邱尚書好事者倖郡為訪城南頭池出蘓公洗墨處
建樓築堂窪中幽匪竹匪雪竹雪在二主蘓王神其休
摩壁剔蘓碑字辨堂樓日下池風颭大江滔滔東奔道
黃岡欲臨天難收此樓此堂以人重徘徊感歎墻三周

亦廬詩卷之五 汚漢草

六

秋日散步城闌

市遠一扶策城高更上樓村烟團古社雲木淡新秋池
雨蘓荷淨天風稔稻收故山泉水白花露酒應窮

武昌秋夜憶簡亭新州

銀河淡微雨風露颯然清漢水鴻新下樊山月重明高
梧翻宿鳥幽竹冷疎螢秋思_{去聲}蘄陽路知君簾上生

秋夜寄懷鄒易堂先生

南楚聽歌異西江望月同驕心千里在鶴唳九臯空茶
味冷坑水樺香疎箔風杜陵秋興老絨枕村來鴻

次和譚大簡亭咏物四首

芭蕉

此心不可卷抽處繭繁繁曉印天光淨深延竹影昏
虛微雨度人靜午風翻世界隍中鹿憧憧擾夢魂

新竹

貴弗違吾尚何堪少此君瘦生纔浥露青迥杳千雲
韻疎偏達茶烟濕不令怪來明月夜風雨霎時聞

春喚

豈復惜喉舌頻頻喚夜闌最憐春去易長慮夢醒難追

亦廬詩卷之五 汚漢草

七

通紗牕白分明玉漏殘幽人時早起為爾不辭寒

來燕

雪霜恒引避春至亦知幾頗恨將泥遠難辭冒雨飛棲
存舊文杏國憶古烏衣王謝堂前語蕭蕭故主非

鴈字

結霧霏烟縱復收翻翻毛穎健當樓點翻河洛龜書契
畫破鴻濛鳥跡道秋水澄江橫白練暮天新月帶銀鉤
海風驚斷啣蘆失感爾飄零筆欲投

寄哭鄒易堂先生四首

漢江千里月五字寄愁思豈意烹魚日已為化鶴期風
霜摧古木生死託穹碑_{先生常言某死必以子文書早歆有蔡邕作銘}

示知

再拜將詩句紅亭老淚滋命鋤情太遠懸榻意何悲楚

月憧憧影吳雲黯黯思傷心瑤州約終古負前期

決疣觀生化騷魂許自招集中自執詩了然存亡之際愛河超沒滅

永宅得逍遙七十五年寄百千萬劫銷滄桑成轉燭吾

道不枯凋

燕趙悲歌後皇義高卧年白頭交我晚傲骨許誰憐大

夢功名薄長編心力捐相如遺草在珍重故人傳

王蘭

上界真人玉戲偏拈花一一關瓊仙祇憐文比招華賤

誤學霜毫草太

亦廬詩卷之五 河漢草

唐棣

琢玉團圓小綴枝美人千里怨相思東風莫漫頻搖蕩

夢斷君情是反而

碧桃

玉井清泉澡雪新生憎淨琬學丰神何年竟下崑崙頂

瑩骨知從姑射人

蒼苔

淨託楞伽絕半埃幾時龍象共西來暑亭夜靜涼風至

一片香疑自玉臺

亦廬詩卷六

南豐湯斯祚行之

茗柯山房後草

憶昔

春華曉視聽百不愜幽獨所乏誅茅資素尚惟巖麓習

家舊園樹重留古意足憶昔默菴叟異書資我讀古處

勗我敦推心置我腹日月迫人遷山容依舊綠悵望水

雲村傾波逝不復

漫成五首

離家苦思家還家寡歡味母老重癯羸免頑滋放廢親

朋顧我來年顏感憔悴四十猶無聞來者焉足畏天命

亦廬詩卷之六 山房後草

夫如何人生貴適意爛熳十日歡操作平原醉

剽竊薪火傳恬習豈知恥悠悠彼何求聊用拾青紫誰

職為之厲孔孟悔階此仲秋十日霖縱橫浩潦水靈霧

失晦明崇墉為傾圯性命屬鴻毛何況巾與履踉蹌大

纛期齊作負塗豕

古之英雄人磊落天下志當其未遇時一身或不庇言

大不知慚甘受兒曹習堂堂淮陰侯屈體誰陰市

鄒衍昨云亡謂鄒大九天談論歇梁鴻相繼死謂梁又

五噫悲歌絕物理良自然大運有淪沒不恨知音希所

傷文獻缺空餘一寸心脉脉誰與說

幽意復何適步屨古南岡徘徊大野曠天地何茫茫區

區強七尺稊米在太倉卒卒百年內石火雷電光古來
有志士豈不熱中腸歎彼孤兔窟高下塚相望得錢急
沽酒得酒急傾觴胡為自結束意氣慘不揚

初春拜鄒嘉堂先生墓

彫謝平生老輩誰茫茫人代馬爭馳吟殘漢上題襟句
淚洒蒿邱感舊時宿草孤墳春復長梅花雙屐夢無期
三湘落月空歸恨劍掛而今知未知

題沈錦帆負薪圖

錦帆負薪圖左
其父新詩

萬山深處行歌返古屋無人已掩門
斷白雲有一束葉丹苔碧日黃昏

青松欄路石齟齬露踝昂肩足苦辛慚愧百年終舊軀

示雁詩卷之六

山房後草

臨風三嘆析薪人

先君子詩作多
種付刻未能

秋日感興四首

江楓昨夜葉初丹秋入園林直等閒
歸夢重疊忘依于舍糧神三嘆臥空山
川分塵市門孤掩書斷滿湘月再

變落日商歌發激越暮溪流去亦潺湲

東髮編蒲首分髮泥臥餘梁父擬吟題三熏不入羊頭

爛九折渾逢鳥類批泣路楊朱足于依人王粲氣卑

低無聊枉事從詹尹載鬼張弧總筮睽

厨饌歸來冷似水浪遊妻子怪曾騰豹囊細檢存烏玦

蠹簡殘披失羽陵落落交遊齒年冷區區疲茶志逾增
白雲岡半青松色岬憤無言兀獨憑

碧水淒淒暗逝波星纏寶劍重摩挲
夜觀清漢升楓閣日漱寒泉占茗柯
試象飽看全力健牧羊熟視後鞭
多安排一笑從開口開道澄清已到河
清時即報河
清數百里

讀史偶感二首

燎原風起蕩焚芝萬古長餘蕙草悲
最嘆螳螂憑一怒可憐鸚鵡重聲多
知中官徹夜星符下上將連營鐵馬
馳徒怪東萊亡命者望門拔止欲何之

江風獵獵水增波鴻鴈高飛避網羅
南國佳人媒自拙東家老女思翻多
臂鷹上蔡傷春去思鶴華亭奈晚
何贏得濁流投此輩濟河終古沒黃河

秋夜有懷值李陟三乘月過宿即贈

亦雁詩卷之六

山房後草

夜琴秋思渺幽獨不成彈松月出深碧
荷衣生暮寒美人悵何許之于重疊相
看一解瓊枝渴高歌清漏殘

江上

秋氣日寥廓振衣江上磯雲峯深夕秀
空碧蕩清輝鳥入斜陽盡漁歸新月微
衡陽竟回鴈惆悵返荆扉

卒歲

但有寒泉對難教熱客投據梧一長嘯
摘璣赴冥搜霜稻山家晚黃花野屋秋
紙田衣二鬴卒歲且何求

連日

烽起簷牙鬧雷驚屋角奔三冬寒意少
連日小春繁餘布縫衾窄新醅縮水渾
百年誰冷暖此處得乾坤

晨興

宿雨園光霽晨興犯薄寒葵荒拳鴨脚花重熱鷄冠舊賦登樓竄新經種樹看高林衆鳥去野吹獨憑闌

病起

乍遣閒軒掃簾教散帙齊簷荒馳野馬竹靜報村雞整帽新臨鏡循林獨杖藜方書無效久誰復問刀圭

送沈錦帆赴粵東時余作河漢之行

縞紵天涯心乍降鮮粲花無復論西牕君衝酷暑浮炎海我重熱秋帆掛河江梁月影隨清夢繞寺鐘聲隔白雲撞乾坤蓬梗容雙鬢遲難爾吳邦定越邦

送別端巖四叔赴京謁選即呈侍御二叔某時將

亦廬詩卷之六 山房後草 四

往河漢

臨河繫馬濯長纓萬里雲天咫尺情竹裏秋風人再別樽前遙夜月同明鴈飛楚澤蘼葭冷霜老燕山禁闕清識取懷文抱質往公才吏用足 廷評

特典儀曹尊俎豆時儀部公大名司馬樹綱維藻猷謹

此臻三鼎清白從來矢四知碧漢星文占聲入夢層湖

波浪渺相思南床重聲對聯吟好池草春心夜雨時

亦廬詩卷七

南豐湯斯祚衍之

崇真禪院草

楚歸趙昭武補試寓天寧禪院感懷貽映上人墨笈東西未濯纓老慚趨府繫微名勞生自苦誰青眼關士相逢不世情赤日重陰雙檜古午風高枕一蟬鳴曼陀羅雨聲天花淨軟語中宵暑亦清

杜門

白日長門杜橫支六尺牀午花明枳落夜雨綠菱塘厭世罷懷榮逢人寧面牆楊朱泣岐路岐路總亡羊

次酬鄧紅泉教授過訪崇真寺崇真寺古名龍興寺少陵寓蜀有龍興寺詩紅泉過於稱引故有第五句

亦廬詩卷之七 禪院草

破山寺枕啼猿裡天靜江空只閉門看竹始邀願為解據梧羞問舌猶存龍興高咏乖三峽馬退石長臨傍一村不愧論文許重畝曉離冒雨剪春根

次酬後紅泉疊韻再寄感舊述懷仍疊前韻奉酬舍利光中棲古榻暮霞落盡倚柴門消心夜宴桃園罷回首襟題漢上存往與紅泉暨譚杜諸子留宿東村既和詩箋尚為時景飛騰直過隙水雲窮起尚通村相於好事者傳誦

幸與形骸外老放多慚論不根

西郭六咏

琴石唐縣尹獨孤公彈琴遺跡

抱琴空山空木葉山前下太古渺希殺石泉若為寫月
是舊時明經照彈琴者

程山為前朝道學處

世道喪何言區區抱寬褐流傳正始音殷勤永嘉末芳
逕再三行幽蘭誰為掇

西岱山

懸煙臨空洞為雲高架閣其下九龍宮中通五丁鑿石
佛復何言秋鐘天半落

崇真寺第一額

禪室根斷壁大川西溯永花為春洲紛水月秋潭靜何
處溪山真第一真意領

亦廬詩卷之七 釋院草 二

培園 師從叔祖李公別業傳業

家世業讀書尚守讀書處往往白頭人言培陰蔭樹西園
古樹為宋賢朱公牧活貧寒經汲古修綆得箇簾深
處故名公加培此樹命于姓無忘

清潭嶺 上游即黃泥渡

楓栝都十圍石林繞半嶺羣亂黃泥流鑑此清潭影昨
夜秋雨過飛泉落潭猛

劉佐元春日過訪出病中有作見示因廣其意自
箴且書質劉謂何如也

帶圍消減近同多著意東風伏病魔天假吾生恒疾疾
君看神聽屬平和三肱折鑑前車在六鑿攘如上藥何

了悟司空行水性呂梁千仞或無波

庚申歲下帷崇真禪院晚春劉二竹作詩見懷過

於稱舉兼寄質近作多為病未能塞其意次韻

聊答以詩

孤雲獨鳥聽來去隱几相忘只共山病後文章殊造次
老來心尚或虛閒酒材辦轉難皮少藥味供扶鶴骨屏
君但有情來問訊藥闌芳援未全刪

朱碧峰偕朱羽豐過訪

兀憑南郭几倦展法王經連壁何由歛雙扉久是局異
才看謹飭老輩感凋零謂大寶兩匣底雌雄劍光芒待
發矧

亦廬詩卷之七 釋院草 三

次酬朱碧峰

我性謝時態所歷多飄零湘漢一掉首滅跡逃禪局昨
夜山雨急麥黃水漲汀登高極望遠蘭茝歌芳馨王孫
何自來雙眼今朝青呼兒淪苦茗白日談荒庭十戴冕
髦初依稀辨前經余已酉歲留宿可君盛我則老鵲健
整秋翎莫疑擣空擊為君解條鈴

送汪念振之任雲南

柳絲晴拂旌旌閒萬里滇雲指顧間列宿迴臨南詔路
春風先度點蒼山文思帝治光三古循吏君才冠百
蠻花落訟庭閒捉筆新詩早寄鴈行還

奉贈戴邑侯二首侯以詩著與弟翰林有大

使君為政無奇策，惟覺江流浪不興。曾過花村觀犢臥，已聞社鼓樂年登。醉中遇聖陶彭澤，畫裏生詩王右丞。昨夜星軺勞勸課，壺公巖畔雨雲蒸。

倦遊十載感生涯，冷寺消心託髻華。那免高槐容陋蟻，欲鋤惡草護名花。青郊讀法恭叅座，紅藥邀春罷放衙。今日曲臺傳后記，滄州大小更誰加。

題戴邑侯琴堂

碧莎深靜一琴橫，竹閣風微盡日鳴。雨霽流雲開大極，雪殘冬日近南榮。

和戴邑侯七夕四首

素節白藏啟西看，大火流涼颺振木。朱碧漢淡橫秋美，

亦虛詩卷之三

律院詩四

人感離別獨夜凝，雙眸天上有期會。人間長阻修

河漢寂迢迢，星月明皎皎。丁丁刻漏長，軋軋機絲小。負

輒不逢年力，耕安用早織。錦不見答迴，文安用好三日。大人程五疋，猶嫌少。持謝穿針人，斟酌拙與巧。

勤勤鳥鵲意，渺渺河漢湄。鳥鵲畢道夜，河漢清淺時。精靈合不偶，大造有常期。耕當還舊畛，織當理殘機。相思不相棄，詎云秋竟遲。

中夜不成寐，空廊獨徙倚。斜月過庭槐，搖落驚茲始。昨歲漢江濱，同心贈璫珥。今夕琴臺上，臨流望彼美。鴻雁幾時來，洞庭渺秋水。長嘯首重回，天高露泥泥。

汪明府見余和戴滄州七夕詩，盛見推獎，賦此奉

酬時桂舉

雕蟲自悔已蹉跎，誰令虛衷一見多。憶別漫磨烏夜曲，相於殊忝鴈門歌。烟銷河漢看秋月，露浣薔薇學偃波。

送署縣朱明府還高安

康樂城頭月，巖壑借照奢。使車隨一鶴，縣郭繞千花落。月落猶臥鳴琴市，不譁東臯稅駕早。處處酒帘斜，楊柳長堤綠。飛花惜去春，鳴騶江上館。卧轍隴頭人，道路終思武。朝廷必簡恂，百年大庭俗。當使盡還淳。

題朱明府勸農圖

東風十候轉，根荄紅杏山。前花謝開一色春，旂綠楊柳

亦虛詩卷之七

律院詩五

使君車過堠亭來，

白雲深處聽牛驅。山榼提攜婦子俱，結鞠也知農事急。聲教遙傳使車呼，

農桑渤海漢家功。千古循良事許同，他日中朝達民隱。繪圖端與進幽風，

寄懷定邊令元二萊村

一別次山今十載，也聞黑髮半成絲。南園人寂鶯啼處，西塞天長鴈去遲。才大合居新建置，政成應不犯官師。自來好古崇名實，祖述春陵有妙詩。倦遊無賴返空林，兀坐堪巖直似瘠。潦倒未酬一飯德，艱難重荷四知金。

項倫約清百千萬事愁兼醉，五十三

年昨共今勞世漂蓬那可道篋中重檢白頭吟

七夕得月有感時湘南訪鶯

濯枝雨狎催新秋銀漢慘澹天孫愁素月有情憐好會
破雲一角當高樓人間離恨知何許軍書夜發瀟湘渚
臂鎗腰箭五溪遙少婦吞教淚如雨我昨南登祝融巖
竄笑黔黎哭烽燹將帥異志失招徠天子有意安良
善寄語閨中且莫憂 聖朝干羽方悠悠

秋日西郊同鄧青壁先生往還賦贈

藤杖交支拄花溪遞過存青山石背寺紅樹水南村見
竹書新句看雲傍古原渡頭烟火起相送郭西門

贈邱水谷

亦虛詩卷之七

禪院草 六

近來文酒接心顏年少如君詎等閒神骨冷然湛秋水
羽儀於此振丹山三遷奉母墳簾冷一見傾人通介間
漢代而今重經術風流合綴蓬萊班

凌臬臺壽言

昌期際五百年天上降星精北斗懸清望南臺振令名翠
峰生發隸王水湛虛明拂漢松千尺憑空鶴一聲五雲
馳筆陣萬卷破書城翰墨鍾王駕詞華鮑謝并秋花雲
外希春樹苑中驚憲典蘭臺重 恩波鳳沼榮夔龍真
接武鸞鷟得和鳴南浦卿雲駐西江皓月盈風清周孟
玉山臺李元絃吏立寒氷凜魚懸白日晶號林無屈鳥
踞浪息奔鯨玉尺持衡正金鐘大扣鐃風霜清棘木雨

露灑芝英介雅梅花夕芳筵錦帶羹紫雲迴晚白雲
鳴嶂嶒嶸醴浮空綠蟠桃帶日頰 帝心存稷契樞極
待釣衡蒼赤胥仁壽三登頌太平

送朱碧峯歸松谷山房

九萬里南辭海微鴻鵠區區鎮相笑獨立浮雲窺寥廓
小智大智難同調不辭曲折大求聲百丈巖峯踰嶺
嶠雙屐頻還十笏親一見已符三詔妙春槽濁酒忘斟
酌老甕酸菹甘嚼唯濯錦終篇骨每清澗露微吟神克
肖古玩見我恨難裁世交喪遺流誰掉蚶蜊相爭螭
鳴牛浴自喜蝦蟇跳嘿撫無言子其升或許洛誦孫相
詔升大春早覺紛綸石恬候豈存輕重辨參岐屬老

亦虛詩卷之七

禪院草 七

馬轉憎爪嘴矜黃鸝瑟瑟井梧涼露墮唧唧蛩深夜
弔節警塔聲容邸遷夢迴谷月松間照白水弗設任助
盟黑頭只愛總持少可讀樓中萬卷書撐拄腸腹
料只今 聖治和且平克復正始光清廟礪硯周宋匪
中鍾秣刷燕弁櫪下驃捫天直乘貫月控刺手一試連
鼇釣後海先河得原委寶鼎明堂合典要業成終古瞻
停雲山中尚憶孫登嘯

哭元二萊村

寂寞千古事寸心誰與論白頭君更死吾道同胚渾昔
在先君子鄉黨宗儒門禮君兄弟篤母範外家尊
太母教與弟兄諸國克自樹立實忘年文字與余
源流外祖兄理學會公體齊家法

諸昆泊吾七八人文陣屬羣

山碑君簡李張君君實小軀幹勇銳笑棘藩寸鐵百鍊

鍛隻字攝心魂殿最錙銖末韓眼幽巖瞰謂余詩不廢

初盛跡當跟時輩開口笑君云強在禪篇成必持播頌

之塾誦喧臘雪郭西館夜漏橋東村月沒山鬼嘯瓶酒

冷猶溫中間強入世迫是饑貧奔賴賴取與際顧瞻輒

議原至今苟得士誰肯心胸捫浮雲漠上別浪吟濱湘

沅君隨宦邊徵各限西南坤自寄詩一通復易四寒暄

相思渺不見嶺樹秦雲屯倦遊人事極愁臥故山樊艱

難縮清俸萬里心彌敦正說賢監司推君理劇煩夫何

轉一蹶無風浪飛翻一官何足繫所貴清白存歸來始

小產詩卷九

把晤沉病駭煩冤哀哉東逝水永絕無還源平生知己

今屈折在譚元譚會瓜期及謂簡亭服待君數晨昏昨

宵發篋行力疾坐前軒眷眷余鄙吝免姪命便蕃相

撫孤計恐負骨肉恩君舊索得二百金付謝成買田為

教鬱鬱水中火乃焚大槐根母節既彰顯乳抱新不預

天地一逆旅君毋啣恨繁郢人質則死風斤無復援更

當為誰慟聲發不能吞

送別譚大簡亭赴補湖南四首

流萍無定泊淺雲何處任勞世本多役那得長相聚洞

庭秋水生際嘒南鴻度君行及瓜期去去莫迴顧丈夫

重遠猷兒女非知務

宋俗號云云宦久富自致君宦十餘載田園翻棄志

士辛苦懷嚮歎難與計笑伊八百斛胡椒乃狼戾不見

楊夫子惟以清白遺不見青松林不改歲寒意

五載三別君近月遠或年此別未可期南北將殊天平

生頑疎性老笑饑寒遷五十弟子行徇祿甘隨肩期君

上計至鼓鐘辟靡前政開達迴鴈阜寄河陽篇時余將

我生性孤峭深知復幾人結髮與君好肺腑窺我真世

載竭世累詎獲一日伸寸心千古事草草難重陳但當

各努力黃髮相殷勤

門人郭緒光請題乃祖禹章先生小照

毫穎誰添素練張寒帷儼識舊冠裳清言我憶何平叔

大座人尊謂長經術只今傳弟子姓名定良

當時南謂我花地封植無忘有召棠

亦廬詩卷八

南豐湯斯祚行之

沅湘草

晚泊豐城有感

劍氣誰看犯斗牛東風遙駐木蘭舟
桃花斜日臨江屋楊柳春堤入縣樓
安邑陳踪今四紀杜陵老句共千秋
星辰夜覺池邊鬱雲雨蒼蒼感未休
先君子下榻王明府幕有集杜劍遊詩草距今四十餘年集中遊劍池詩有鬱鬱星辰劍蒼蒼雲雨池之句

鐘山洪

秀江三百里百折穿疊嶂渝水下承流
鐘山重扼吭迴帆凜大幽局闊勢阻擋
峽影根虛無蛟龍深蟄藏白日

亦廬詩卷之八 沅湘草 一

畫沉沉陰風遞慘壯幽鳥作春聲
驚人卜夜漲石壁苔蘚文彷彿秦漢上
傳聞永嘉鐘雨後流決潏又聞驅山鐸
舉之川岳盡神物效地靈此理寧謫誰
他年探古未載筆還策杖續譜金石志
一賦昂彛仗

昌山峽

陽侯積磊塊吞炭哽不下斲石扼昌山
晴空雷雨詫隋厲辟魚龍十里殺憚嚇
怒如駭鯨張獐如雕虎跨頰如天柱傾
輓如鐵輪研或卓或復踣或躲或復逐
水石不肯降決勝何時罷八陣突重圍
生門爭脫卻扁舟如怒螳奮臂當車駕
急溜久相持孤軍幾退舍八坎險且枕
左顧右不暇一髮隔人魚安危神力藉
始信刑牲時舉

念非虛假落日暮雲平炊烟起桑柘計
景爾長年酒聽滿壺瀉

張公石

巨靈愛點綴巧成盆景借手擘太湖石
布置袁河以蒼然風貌古司空掀髯坐
頽然巔頂禿醉顛濡墨罷爛柴劈斧紋
一一出剗剗秋老泉壑枯嚴霜磽露蹀
沙漲啗蝕深嵌空通穴鑄我來欣相識
再拜袍笏假一拜一狂呼側耳張丈嘆
忽憶圯上期開濟屬變化萬古老人心
一片穀城下

老龜灘

數里灘重高奔湍互迅厲遠聽百輪碾
更說龜灘異何

亦廬詩卷之八 沅湘草 二

年洛水靈蛻壳稠江裔一一連尻睢
天然相盼晚首或鑄時迴尾或泥中曳
腹或脹豕膨足或跋鼃蹶就中老龜強
駝峯穹鼎吳陟負將九子恍行九疇秘
舟師蛇虺行營屈常山勢捷應首尾擊
擊中首尾至憂憂礪箭殺射糜龜脊麗
在昔傳神龜智通元君寐七十二鑽神
難免剗腸斃何如老龜得萬古一棄智
揚帆既越險終飯三歎喟

秀江道上

峽偈江深午日微老鷗愁嘯下危磯
榜人扼險爭呼噪攫食前頭竟不飛
十里五里分宜路鐘山昌山重塞天
未必瞿唐遠過此

此中三峽怪來傳

石盡江豁駭浪平
薛莎深碧愛澄泓
棹聲驚起白鷗鳥
一半青山飛去明

黃花去歲峽旁磯
孤夢新霜重著衣
正是宜春江上燕
年年十月老忘歸

兩過秀江十月見

萍江舟中書懷

始別秀江船更涉萍江阻
萬疊越雲山
莽回互楚王得萍實
傳聞於此處
霸氣何黯然
西風香水渡江濶
暮帆遲天秋孤鴈度
目極楚風濤
鄉心斷煙樹
邂逅萍蓬間
依止相朝暮
那作秦越看
四海一親故
世途重屋隲衰衣
滋慨慕貧賤
餬其口敢辭牛馬驚
茫茫虞州箴

亦虛詩卷之八 沅湘草 三

悠悠章太步時哉不可期
聖哲久行路

牛外塘

萍川貫萬山
山根阻盤結
纍纍二百里
浮江半積鐵
最險牛外塘
獲外利鉤鏃
右外內兜裹
長虹雲雨截
在外挽收重
扁吭喉檻左
右互抵牾
崩奔勢橫決
孤舟如在鉗
進退狼尾
踰舟師無全
牛餘刀恣操
割導窾慙左
旋批卻從右
挈青紫未常
繼而况大軋
折江空雲徘徊
天清鴈寒沈
四顧族已解
善刀志怡悅
習坎維心亨
大川資利涉
一悟養生主
用廣庖丁說

詠江舟中

秋氣日孤潔
晚雲殊蘊藉
遂竟峯渚奇
不嫌舟坎坳
落

日照丹楓青山明
萬个囊中詠水曲
古與湘靈和寒瀾
夜泉淙夕嵐
秋月破適逢茶陵船
遠問茶王課

詠口述懷

沅湘十日風舟浪苦掀簸
晚受詠江詠凝湛不忍唾
迫然凌倒影澄心超堦堞
山近嶽色秋際曉涼雨過東旭
盡崖壁參差儼廬舍雲中雞
火繁屋角桑榆大頃者武陵
溪歎悔塵途駕桃花坐嘆人
年命豈相假咄咄病傷神
老欲全杯罍矧茲釀泉稱醪
香可貴癡待官事了誅茅
楚山下卧師吏部公魂夢
酣菊醉

晚泊詠口

宿鳥紛紛下黃花水一灣
晚煙詠口市斜日醴陵山江

亦虛詩卷之八 沅湘草 四

澗中相接天清古
成開蘆洲朔吹去盛秋色老荊蠻

夜渡湘江

月暗瀟湘渚楓林岬火分
魚龍秋夕蟄蘭芷露華聞雄
劉當星斗孤槎盪水雲客心
行鴈驚飄落洞庭羣

湘潭曉望

急析除城北孤星落岸南
空煙潭水碧大市曉光涵
鷺擊排平野鴻冥破鬱藍
昭山秋入畫絕頂卜茅菴

湘江道上

辦裝尚遲駐黃花
發老盡黃花過戍城海月復看三五
近楚雲遙破二千程
山愁越雋堪頭白酒醉蒼梧問醪
清昨夜忽傳黔羽檄
鐵衣吹角度連營

湘江阻風

九月霜高南熏死北船愁絕南船喜鯉魚風裏百重灘
一夜吹度荻花水湘浦羈帆十日慳欲進不進迴奔湍
堀堞遠迷岳陽樹青蒼坐隔桃源山獨倚幽崖擲白芷
故鄉何處南天尾洞庭落葉大波瀾飄蕩人間世如此
竹林楓樹夜颼颼江深月沒暗孤舟九歌唱罷山鬼泣
颼颼湘娥簾外愁

布袋口

水國週遭晚照平餘霞遙帶鴈行橫三般畫角片帆落
萬里寒潮孤月明流淚那禁湘竹送迴腸况遇楚猿鳴
黃牛莫計三朝暮一夕霜花兩鬢生

亦廬詩卷之八 沅湘草 五

長沙懷古五首

問禁原熊繹風烟楚思多迴衡岳鴈飄泊洞庭波賈
傅宅長在李公碑不磨道鄉臺下路策杖擬頻過
斜照半江紫碧空倒列星晚鐘岳麓寺新月望湘亭中
拂依紅舫笙歌沸畫屏風流唐刺史當日惜娉婷
瑟瑟白蘋渚蕭蕭斑竹林蒼梧空淚下玉筍入雲深帝
子別何古騷人恨至今碧湘門外水泯泯遠湘陰
林牧兮葱蒨江流出大荒暮烟平渺渺落日正蒼蒼山
鬼青楓樹國殤古戰場離騷何處廣幽緒乳澎陽
林壑泉南寺篇章勝概親祇今共命鳥猶愴杜陵人白
酒斯文喪青山古墓湮耒陽一悵望涕泗橫霜巾

感興五首

楚澤秋方盡霜空望眼蒼天清雲擘絮風急浪翻花醉
裏狂題柱愁來只憶家遠行嗟老母扶病寄星沙
煙波四千里絕壑鴈書臨正慰桃源夢來聯漠上衿江
湖窮暮雨襟被犯玄陰黃菊期憐後應勞憶范心
大湖南北地厥賦下兼中近苦汙萊後羣嗟杆軸空
天心期整俗使者重觀風時新設湖南觀風整俗使鄭俠私圖畫何由
獻一通

雜種分蠻蛋荒嶠古莫徭剖符山木刻為饌野禽燒吏
置原安撫鴟張乃動搖只今勞使相節節駐五溪遙

聖朝無外治露頂盡蒼黔詎謂槃瓠族而難漢縣兼先報

亦廬詩卷之八 沅湘草 六

期魄曉一舉但渠殲落廓蕪君篋江頭側帽簷

立春書懷

市鼓振城闐青旂楚望新雪峰晴入座江樹曉含春遠
思聽鴻漸年光占鰲伸遙知上林曙早有探花人

晚洲阻風寄譚簡亭

萬轉滄波路屈盤渺於沙鴈逆風湍三秋霖雨淹蠻蛋
十月寒江老杜蘭岳色晚連湘浦暗濤殺夜落洞庭寒
黃蘆洲畔行舟絕目斷沅陵樹影圓

晚泊德山

沅漸欲鮮凍雪樹數行斜楚驛生新月春江繫古槎愁
溪楊柳曲夢逐武陵花試訪秦人物忘名擬挈家

武陵舟中即事

武陵江路迥湛湛綠波春沅江上思公子源花誤釣人
烟光三月暮征戍五溪頻少婦樓頭怨東風淚滿巾

武陵春望

朗州殘臘判城上雪峯青歲月沅江水春情望楚亭魚
龍生汗漫鴻鴈戾高旻倩買木蘭桡烟波破洞庭

上已有懷

多病維摩帶減圍天涯上已重依依酒醒暮雨江花落
愁斷垂楊燕子飛洛水昨遊殘別夢杜陵夜宿負春衣
南雲萬里征鴻盡芳草王孫獨不歸

謁賈太傅祠

下廬詩卷之八 沅湘草 七

瀟湘夜雨行舟遲長沙羈客心愁思春風懷古薦蘋藻
恭謁太傅城西祠壞堂塵空聚噂沓白日饑鼠敲果思
博帶衰衣左徒竝意外式範瞻於斯兩賢義以專祀重
不令主客殊駢枝祠類賈太傅宅而列坐兩像詢廟祝
知一為三間大夫蓋國初某某增祀
示柑樹石床久陳迹滄桑灰劫無人知惟餘一井小鉗
登尺水那得藏蛟螭當年主佐大智畧隻手欲挈天綱
維承秦三古道淪喪痛哭時事生民非筐篚倍吏妨開
濟洛陽年少騰嘲譏坐令鸞鳳此伏竄漢治弗與成周
期扼塞倖餘哭泣死嗚呼夫子夫何為才大難用終古
歎我來涕淚雙交頤春山寂寂鳴鳬鳴汀洲漠漠生江
離落日楚纍何處弔無情湘水空漣漪

春日自長沙還武陵舟中遣意

堤樹春暎天欲旦江上惜春起梳盥似晴復暗雨催詩
不疾而馳風擘岬人作鴻蒙拊髀遊山似潘閣騎驢看
湘中小舟尾前頭林梅飛片峭笛催行鴈流散鴉槽喚
後謂之倒松子

春日柳園即事四首

別院三間闢薜牆舊剝廬蒼烟花圃廢春雨射堂虛野
近堪移榻城荒罕借書新夷開欲落林外鳥穀初
隔竹移花近分枝補柳疎快持堅白論老搨硬黃書鄭
驛勞安置郭亭課掃除昔賢一宿事吾意敢懷居
月出沅江水輕陰散楚城疎鐘蕙夜遠清漏隔花明病

下廬詩卷之八 沅湘草

起捐杯勺吟餘費鼎鑄竹枝聽度曲零露隱含情
蕉心長不展暖暖卧經旬啄屋鴉多鼠巢枝鴉狎入雨
殺寒過社林色潤分春故里雞豚會誰當割肉勻

得脩宇

譚簡亭置酒招同沈浣亭繆素臆集來鶴亭分韻
櫻筍山杯補勝遊江城幾夜雨修脩花當晴午欣簪帽
人病春殘怯上樓年世不知松檜老行藏應任沅湘
流擗將短髯從轟飲一醉都傾萬斛愁

晚春登西禪寺閣

閣邊松栢蒼蒼立閣外江河滾滾流寺冷不聞僧梵貝
雲晴長叫鳥鉤輈風花人老沅湘路蘭芷春空杜若洲

懷古孤襟徒下淚，悄然天地日悠悠。

西竹寺贈僧鑑空

閣上探春未竟探，松欹竹韻出牆南。客來花樹平分午，僧病禪堂久罷參。柱表幾憐招放鶴，繭絲三感老眠蠶。了知如是觀身業，空外浮雲此寄龕。

寒食感懷

江漲連湘浦，花飛半楚城。村煙三戶冷，巷哭幾人聲。歲月傷春老，饑寒去國輕。懸棺樵采地，霜露遠淒情。先唐文公俱在淡土

晴

積雨春愁重，林湖散鬱陶。短牆花的的新，日燕高高宿。

卜廬詩卷末人沅湘草

潤雪烏帽餘寒惡，緼袍明朝溪外棹。須趁武陵桃。

橘洲

大野茫茫綠滄江，汨汨流春堤。漢索縣落日古汀洲，無復木奴樹。空維楚客舟，漁家團撒網。驚散聚沙鷗。

巢鵲歎

焚輪湖風夜振屋，曉起簷空折。喬木號林乳，鵲大植楂。赤膊于隋高，巢覆自春哺。養虛拮据樺，木巢傍主人。盧靈覺若知，博愛性。雙雙下食無猜虞，巢成顧盼欣有託。畢逋厥尾呼朱朱，長夏卯育重葦息。東隣饒貓懷叵測，斫棘纏數樹。式遏嚴生遂，寧忘主人德。循環喂飼未辭艱，習飛穩待毛衣乾。曰蒙恒風乖中正，無妄之禍非其

千人扶已智，不獲免。嗚呼大塊多摧殘。

湘妃祠

帝子何年玉珮淒，蕙蘭香慢翠鬟齊。天連青草離思渺，雲盡蒼梧遠望迷。斑竹婢娟迎客淚，鷓鴣格磔倚祠啼。我来欲和虞絃曲，鼓瑟無聲落日西。

謁三閭大夫祠

為憶懷沙萬古辛，汨羅流恨水涓涓。飄零蘭芷思公子，憔悴江潭怨黨人。鳳德不甘懷遠覽，蛾眉何事自沉淪。章華臺陷秦宮燼，封樹遺祠薦楚蘋。

桃源洞

洞口春風無盡吹，桃花流水與誰期。鳥飛寥廓人何慕，

卜廬詩卷末人沅湘草

龍戰元黃世不知，桑柘宛然逢一餉。雲林渺矣靳終窺，萊蕪溪畔漁蠻子。日日沿溪理釣絲。

亦廬詩卷九

南豐湯旌行之

沅湘草

春日感興八首

魚龍萬里赴滄溟，楚望兼天野草青。
寒雨暝侵斑竹嶺，東風遠颭白蘋汀。
春衣漠上人三度，蘭佩湘南歲再經。
何處楊枝中夜弄，繁華散入破砧聽。

柳梢乍見月痕西，次坐石闌重繫綈破睡。
自甘親薜蘿，瘡痂無效厭刀圭。
鋒生好夜談逾峻，散滴餘寒漏遞低。
明日桃花源上興，畫船端溯武陵溪。

騰騰兀兀咲呆呆，淡幾度空園綠。
到槐池館夕陰新，吠蛤

亦廬詩卷之九

沅湘草

一

楚江昨雨夜，穀雷百年髻。
許春花對千里心，懸塞鴈回却怪金釭迎。
獻歲為誰疎蕊幾，自開

江天重改五蟾蜍，鄉國艱難昨夜書。
下榻已看魂破盡，歸裝須遲稻香初。
白頭人拜三春慶，黃口兒憐七業疎。

社近楓林連岬鼓，幾回醒夢影蘧蘧。

洪濤澎湃洞庭東，垂夢驚回苦雨中。
城外疾風喧破屋，夜來陰鳥怪呼空。

過時烈風淫雨奇，鶴處山存二酉書。
難問壤混三苗俗，未通何事木蘭舟。
上客巾衫頻換狎，免

翁

六載章華瘦馬驅，平天大市幾胡盧。
艱趨憲府長懷刺，老夢停雲日據梧。
成孝鄉瞻金匱遠，謂萬字北先生要

要

要

離塚待玉棺，孤人捐館無窮千古文章事。
師友平生涕望俱。

麟閣心期合自嘲，踟躕明盛重誅茅。
班生事述儒家在，先君子修輯陶侃陰傷壯歲拋。
豈為遷移存疾疚，勉

令束縛報知交，江城寂寂楊花路。
細雨新篁又解苞，泥帶低徊塵尾揮。
此心原不與時違，豈言大扣鶻吹劍耐可孤生學佩韋。

飽飯摩挲銅狄古，放開樓櫺玉琴希。

畫堂高箔容牆面，遮莫浮雲幻白衣。

懷古二首

高低大野飛花急，匆匆滄江逝水催。
白日直銜虞帝塚，青山誰護楚王臺。
南巡渺渺官車斷，西恨茫茫霸業灰。

千古二妃長染淚，至今三戶有餘哀。

澤畔孤臣首騷雅，長沙遷客祖風流。
美人不察蛾眉怨，寬鳳無端鵬鳥愁。
大地荆舒春閨閨寒潮，湘沅日悠

悠尚蘭絳，灌今安在枉渚，隨夷重歎啾。

花朝探勝武陵狂，風雨十日阻反醉。
歌戲簡譚大

簡亭索和

去年湘江夜雨打孤蓬，落花江上愁春空。
今年春思花朝裏，艤棹花源溯流水。

夜半月黑滄溟翻，白浪惡風摧船尾。
七日抱琴來三夕，歸擁被善卷祠前泥沒跼。

淒淒落花紛滿地，女夷無力鼓歌瘁。
江妃水仙亦愁思，一咲區區不偶然。

萬事人生難稱意，蛇龍不墊周象蟠。
谿谷

區區不偶然萬事人生難稱意蛇龍不墊周象蟠谿谷

區區不偶然萬事人生難稱意蛇龍不墊周象蟠谿谷

區區不偶然萬事人生難稱意蛇龍不墊周象蟠谿谷

區區不偶然萬事人生難稱意蛇龍不墊周象蟠谿谷

區區不偶然萬事人生難稱意蛇龍不墊周象蟠谿谷

區區不偶然萬事人生難稱意蛇龍不墊周象蟠谿谷

黯慘江風寒快意生斷蛟螭腦劍不在手空桓桓吁嗟
乎風光於人後何有坐惜紅顏成白首不如刻却君山
直待洞遲秋醉殺巴陵無限酒我醉狂歌君和否

春夜對月

楚天晴霽洞庭清占斷秋光一夕明空館罷聞柝四擊
流雲遠引鴈孤征拋殘竹葉瘡中病落盡江花角裏酸
昨夜家書傳竈卜艱難萬里越鄉情

送熊晦存歸里

河橋官柳重依依送盡春歸送爾歸湘浦人希芳杜綠
洞庭花落鷓鴣飛交新渾欲書裙練年少日何減帶圍
莫過章華臺駐馬他時門巷待烏衣

下廬詩卷之九 沅湘草

晚春奉寄太史萬字兆先生

楚國東風吹蘅皋蘼蕪三月青於袍白蘋汀暖陽鱗教
洞庭日夜汪春潮鳬翁啞啞蒹葭海鴻不見蘆中噉
漸磐漸遠翔且翔翻回衡樹燕雲高玉堂先生老鳳苞
胃盤香海宸衷勞承明再入南星昭鳳將九子鳴蕭
韶先生之望樞衡杓等身之載兩牛腰天網地絡恢臯
牢蛇神牛鬼愁鏤雕前年一別東湖坳兩足重繭衡山
嶠去年夢破落花朝大手筆奉狂而跳去春得先生建
武以還道中凋嗚呼韓公真人豪天假巨靈高掌遠蹠
埋奔濤振衣千仞厲乎號廬陵已逝文定遥吾鄉俎豆
誰其祀先生視我良不佻強結股脚連雕尻託身上附

青雲交桃花水蕩木蘭橈金臺側腦神揚颺級蘭結佩
心忉忉

春晚

鴈歸雲漠靜燕乳落花多春草日碧色客心傷若何

武陵舟中

沉波風漁綠鱗鱗一棹花林白芷春借問桃源路近遠
我心欲質避秦人

來鶴亭納涼贈歸者

湖雲乍沒遠峰稠曉濶空明野色浮一榻孤亭消溽暑
叢篁五月作新秋菰蔣澤國年占好穰稔山鄉雨足不
坐待萱花湘水冷與君搭袂上扁舟

下廬詩卷之九 沅湘草

夏日元即靜夫省親西行留辰陽閱月入秋告別

寄簡元二策村

昔並漫曼登塲較距嘴常杜城南天尺咫興酣夜過倒
餅盤直者次山時時看賓狹笑吟嗟分散逐飄風
頭角於今丈夫矣西懸晨昏走安塞敢冒赤日六千里
我言立愛重謹身如此長途須少俟主人忘年歡下榻
試接辨論良有以雲雷昨夜起滄江百泉秋落洞庭水
帆腹棚弓馬掣電飛夢潼關四扇抵延州秦北古與區
肩鎬內外雄邊鄙岩堯蘆子枕榆林秦城漢寨勢角特
十載軍興事供給疲民得免傷痍昨者辱漫厚不忘
遠憶鈍拙存書紙為言公私艱難際勉學校農桑理

可多異倍吏不斷元氣成瘡痂我髡日禿百無能

愧混泥塗廁戊子某村與余同庚生聖代躬逢來取頰幾番

勸進中自止近有詔來博學鴻詞及孝廉方自料江湖

疎縱深面目那可供礪砥楚望亭前四望空浮雲落日

何終始側身舊傍超遙臺盡魚原分同生死

斷荆杞漫如有懷相問訊來鴻直到故山趾

次和簡亭新夏偶成韵

結綯僅耕曉麥黃隴上天風塵成墨突蕪蔓憶顏田政

妙詩生暇身輕病減前荆州有遺愛勉託留鞭

長沙旅寓感春

不虛詩卷之九 沅湘草 五

料峭卑余擁坐頑幾忘春信到荆蠻流年一擲湘江水

病眼孤青微麓山壓雪嶺梅殘北放衝寒塞鴈背南還

萋萋怕覩官堤草流蕩王孫淚點斑

諸子期遊薇麓阻雪不果吳復之尋以幕務去感

懷兼書送之

青陽不破臘前東天入新年似舊年積雪久封臨微路

顛風重斷渡湘江衙蘭枉擷誰投贈醅醑從沽自醉眠

落盡梅花君更別江樓聞笛恨綿綿

湘澤雪夜

雪寒急鳴蓬蒼茫楚澤空水波高撼枕沙鳥夜驚風身

世手湖畔琴書百感中無眠直徹曉啜斷聽孤鴻

斷沽

墜卧醍醐斷煙虛榻杜微江風鳴刺刺霰雪雨霏霏車

馬寧迴顧文章不療鐵重憐可憐子擊柝夜無衣

濱江晚晴

浩浩蒼梧野葭蘆冷聚舫朔風吹海月霽雪定湖天煙

際寒呼鳥漁家暝憂舫何來橫吹香鄉思轉茫然

喬口晚泊感懷

暮雲何處傍漁灣日日寒潮香霽間古成一樓親楚月

扁舟萬里別家山蓬憐風歇根還定驚羨沙團影亦閒

碌碌目人成底事髯絲三度老荆蠻

湘江阻雪遣懷

不虛詩卷之九 沅湘草 六

落木空村古戍樓蒼然短髯伴沙鷗江湖書劍愁安枕

雪霰菰蘆夜擁舟路極三湘終汎梗年侵十月且無裘

夢魂猶作歸鄉好衣錦何人笑沐猴

沅江雪夜

天壓蒼梧四望低黃蘆無際洞庭西雲山已倦踰三楚

風雪重驚近五溪老夢破衾渾縮狷鄉心徹夜病通犀

鵲驚鴻鵠乘居久別鶴羈孤耐所棲

沅江寒望寄簡亭

彌望長堤水氣昏漁菴墜戶不成村芷蘭衙杜傷春香

蕭艾菰蘆入雪繁書信久四衙微鴈花期重待武陵源

餘謠能繼桐鄉美時同舟有詩就河陽與細論

梅

冰雪崢嶸慘絕聲寒香孤薄太清淨一殺玉笛醒殘夢
落月半林獨倚樓

送李蒼崕歸秦即訊河令元二策村

半世輪蹄遍職方江湖驚遇鬚毛蒼十年義重任安老
萬里裝歸陸賈荒向國雲山渺郭杜連天秋水渡瀟湘
故人元結居官近今日益陵問河陽

留別譚簡亭

浮雲聚散勞生世七載之間苦共甘別夢重驚斜漢左
秋風初起大湖南塞鴻斷陳流鳴咽海月通宵破蔚藍
滿買醪清三百斛祇應心事付沉酣

下廬詩卷之九 沅湘草 七

祭天心湖晚泊沅江縣

江流無定道落日洞庭荒秋水蒼梧濶孤舟接混茫人
煙渺茫蔣上邑井聚漁商蓴菜思張翰何時達故鄉

發洞庭泊傅家磯

秋清洞庭水萬頃涉茫然三楚全無地孤帆直際天家
鄉十載夢身事五湖烟落鴈殘陽外蠻歌淚迸泉

昭潭 周昭王 沉舟處

莫測虛無底蛟宮閤一灣秋風吹楚園木葉下昭山東
輓嗟隨政南征問不還瀟湘今夜水流恨亦潺湲

衡山縣

郴岬風波駛湘南泊棹恬秋光登埤塊微色聚閭閻伊

古時巡秩平生濟勝蕞芒鞋策杖遍七十二峯尖

南嶽

巉絕鴻濛跨渺茫炎精胚渾結殊方地穿夢澤龍嶺窟
天壓蒼梧廬避罔九面飛嵐駢五嶺一峰函雨潤二湘
徘徊岫嶠碑陰宇古望寥廓禹蹟荒

大石尾晚晴

尾宿何年隕大荒沙頭巨浪捲蒼蒼雨過岳樹今秋成
雲霽湘帆亂夕陽萬里風高摩子國五旬客滯瑩人鄉
明朝捩柁鄴湖口取次宜春遶豫章

湘東贈別

鷺飛雪片點遙空蕭蕭蕭蕭古岸風往事尺書傳漢上
下廬詩卷之九 沅湘草 八

幾時孤劍又湘東百年身世悲歌裏萬里萍蓬指顧中
蜀艇越舸相背發青山白水恨無窮

聞鴈

鴈散何處咽河漢影橫斜迷夜客初覺孤舟天一涯弟
兄各楚越世路苦風沙時宋兄見江海期常定愁人不
到家

野曠

野曠寂無聲孤舟古岬橫江風秋忽勁漁火夜常明客
淚聽猿斷鄉心共月生楚雲三十宿偃蹇怨行程

晚泊下浦寄家弟教授為之 并引

昨冬過秀江舟不得泊風雪宿西村今茲造訪

又值為之校士公府維舟下浦慨然有寄

夢中詩句竟難論落日蒼茫古戍昏
半夜秋風生下浦隔年寒雪憶西村
乾坤納籠禽踞歲月堂堂野馬奔
咫尺孤舟成萬里滿江霜氣住啼猿

下置寺長之山沉相草

九

亦廬詩卷之十

南豐湯斯祚行之

北征草

發章江感懷

壯抱經世志鄉貢十就選不入有司程遂發浮海願南
登祝融峰東蹈淮湘漢擊鼓狎馮夷川后親婉孌虞帝
叫蒼梧何時竹淚斷靈均和余歌恍忽百神扞十載故
交零歸聞病婦嘆寒餓死逼人未瞑寧免患活計狗升
斗先逐隨陽鴈章江春氣來洲興花柳散萬物各懷新
汨吾翼日變捩杖不親學斯禮古則勤豈不愧茲役無
田艱永通行李仗友生中途薄為辦回首故山雲移文
得無訕

亦廬詩卷之一 北征草

別桃源令譚大簡亭

何年避世入花林嘆惜塵勞且一吟老計重營五斗食

贈行真婉四知金簡亭編俸出鴈飛塞北潯分羽月到

天南想共心峭笛數教長劍指浮雲揮手萬山深

舟下武陵簡亭復作斷句口占二十字奉酬

此夜獨聞猿簡亭巖潭悄落月魂斷武溪吟凌晨不能

發

晚泊西洞庭

日下蒼梧野歸雲遠帶霞龍蛇偃大澤星月簡孤槎別

鶴銷魂悄驚猿夢奢三千浩水擊鵬路始無涯

渡江

大江扼瞿塘建瓴三峽迸百折瀾荆門襟帶殊瀾瀾我
來虎渡口望古生情性踈岬萬綠楊泓洗楚天淨旭日
澹晨清中流平如鏡一葉渺橫波鳬鷺與陶泳西湖岷
山源青天堦石甍神哉鬼斧施疏鑿夏后聖三朝上黃
牛三暮行人病黃牛鞭不起淚落猿鳴應至今灘濑舟
傾安象馬偵我生僻好奇歷險不論命茲行牽物役眷
言阻終竟簞行杜陵詩默存那盡興逝將飭斷家終焉
學禽慶愜意五嶽餘恣情三巴勝

荊州

創履長堤越湖雲小繫舟人煙團草市風物又荊州客

亦雁詩卷之十 北征草 二

夢馳燕關鄉心寄楚樓江山自今古一為感孫劉

樊城晚泊

落日大堤曲雲霞亂客檣鴨頭漢水綠螺髻楚山蒼樓
隱誰麗葛登臨後杜羊平生篤耆舊細與訪襄陽

登峴山歌

代謝痛今古往者紛涕淚我來登臨孟子後人事更閱
幾百歲江山萬里遙目極空情思不如學取青蓮李居
士力士錯中生死真落日襄陽三百杯玉山旬哮倒一
醉亟亟襄陽兒沽酒襄陽肆黃昏沉酒下山路陵陷谷
升不知處

月夜族弟晉昭攜酒邀泛萬山潭

天末寡所敦令弟致親睦提壺愜我思夜棹漢潭腹圓
靈窺峴首穿窳巖萬曲空心鑑寒清沁骨澈澄綠不知
龍卧起陰簾微爽肅夜深輟扣舷星斗光翻覆江妃漢
女出羅襪凌波蹙漉酒不再醒重露已霑服歡會足永
念離別一何速

發樊城

南服日即遠攬轡遵永路中州浩茫茫故鄉不知處人
馬乍相習束濕非所務剛柔遲速間物理亦控馭南北
一遽廬觀面不相語偶值扶風豪逢場聊一酹夜半聽
馱鈴星燈戒僕御厭浥不自知衣裳已霑露人生誰免
役百年會有故

亦雁詩卷之十 北征草 三

卧龍岡

維嶽根高萬蛇蟠五百里鬱鬱卧龍岡草廬結於是緬
懷澹泊志若將終身矣一朝三顧加龍卧為君起開濟
籌策紆雲雷漢鼎峙豈緊管樂倫伊呂伯仲耳當時龍
蟄藏魚鰕涸尺咫泊乎光景薄風霆訝役使不有崔州
平龍德誰舉似

葉縣玩龍臺

昆陽城上析教止指點諸梁舊邑是好龍特起玩龍臺
甃殘千劫空遺址畫龍底事通尊孟天龍却下魂魄褫
世間誰復知有真古人亦且好其似

漢世祖故里

火德中漫微四七龍在野雲雷起南陽重建漢天下憶
厥潛光時人稱謹厚者一旦禍亂驅群雄定揮灑昆陽
實遠攻百萬紛么麼運擊天地震殺賊長平无乳領敵
強川犀象縮瘡啞神武慰思劉天人應亟快意附鳳
人卓哉成智果倉卒風雲際乘時明擔荷竹帛共功名
覃思耿鄧賈

長沮桀溺耦耕處

痛彼執輿者賢此辟世士楚山高白雲浩然一秉耜無
限哀周情到眼津之渼沉淵得其耦沒跡心相視太息
聞遺穀滔滔天下是

新鄭道上戲為述古四章

示盧詩朱之一

北征草八

車殆津疲歷國頻此中懸眼識風塵禹要堯顓臾陶項
如繪京門獨立人

居園名嫌不好士人言纔及倒園倉但教十乘無辭謝

各辦他年死子陽

漆洧盈盈一帶如寒裳難涉策疲驢具茨山半西暉影

猶羨當時以乘輿

聞說崔符昨夜因伶俜孤劍客眉顰爭知不待崔符澤

觀面崔符正取人

渡河

大行儼天中馴象端不動黃河應龍飛西北奔雲從直
下界中州吹原勢瀕洞盤渦復堆凸崩迫弦矢控敵

歷澤為澤
蜚蜚一筆凌風縱蕭蕭古戰場極目迷荒蔚楚漢一寒
灰蛇龍枉喧闐人壽復幾何一笑口寧封慨息即長途
悠悠我馬羸

望太行山歌

馬蹄首北黃河道十日太行環浩浩鄭衛梁陳博望
彌青猶未了通燕趙開達齊魯晉局開禹九州半陰陽
吞撐乾掌坤跨荒忽五嶽之外何山尊凍雨衝風颯還
過白雲纓帶岡坡坳似象似馬似索駝似回似赴寢或
訛堯堯學學體態多山之陽殷殷其雷出豁若天開微
地裂仙人王子與我期眷言為引青泥歡五千邈近閱

示盧詩朱之一

北征草五

窄刀雲中青眼倍招邀撥余此行慶所遭於山得見太
行高

殷太師墓

牧野何洋洋下馬蒼山阜惻惻殷太師封存馬鬣厚大
書特書垂古碣宣尼手彼殷則已墟此骨不速朽伊昔
發出狂蹇躬丁咈耆七尺本匪故徑寸抑何有生不邀
君明死寧斯君剖可惜六百祀賢聖一不守嗚咽衛河
水流恨商王受

涉淇

雨後景氣佳晨路既清肅何處滿風泉潺潺淇水渙青
山人渡頻雪翰鳥飛獨解鞍磻石上徒侶禁匆促夙昔

思有斐猗猗瞻綠竹皇然望古情學備聞已惡礪細白石
榮湛湛澄波穆礪齒一以漱洗心再三掬悵然羞勤
坊勞哉此心曲

姜里

百六數之然運生誰免患古來滋艱哉聖哲有蒙難明
夷於左履重昏連去聲石頑有知而無知所得全乎順臣
罪何所明長夜迺適旦斯文萬古開發憤存繫篆

彰德城下作

亦日焦原行不得渴映人馬都禁息濯杖雨過蕩陰城
一霎涼颼散炬赫夕陽明滅隔烟霏鴛鴦啼處指彰德
北轅十侯駉驢鳴喜就韓陵一片石高數破爾朱榮溫
于昇作文立碑於

亦盧詩卷之十

北征草 六

湯陰謁岳忠武王祠四首

昔聞少保里下馬薦芬馨神樹陰宮瓦天風語閣鈴淒
涼大措畫太息小朝廷赤日若為慘蕭然震忽零
神算直無古精忠並有韓鐵疑圖若易山信撼軍難天
地心相誓讐仇膽欲寒銷魂牌十二坐舉兩河標
陸沉忠義憤金鼓太行振唾手中去興業傷心貪亂臣
自忘仇不共天禍宋斯頻萬古宮隣數徒為踏鐵人
碧血由他化丹衷死不瞑志貴河朔飲義矢背覓軍衣
致終須有沉寃古未聞激昂相州路涕淚滿西曛
鄴都歎

毒機生剝漢陰謀釀禍胎老奸死不測朽骨伏疑猜七
十有二塚自許深深埋豈知陰蟲蝕無計逃枯骸却羨
麟兒好天生鄴下才

渡漳歎

水沙複匝無端倪乍航頻涉相因依水深人涉猶可為
平沙沒馬人馬知厲深揭淺無所以人世茫茫視此水
愁侍中墓

炎晉喪亂滋典午自殘滅乘輿窮狗耳陳寔在顛越蕩
陰敗王師效逆穎最劣不犯陛下言三矢加警蹕誰歟
朝服者登輦身鋒鐵爛斑斑帝衣點慘侍中血我行蕩
陰野黃蒿見古碣下馬拜祠寢繞墳三數發諫疏不忘

亦盧詩卷之十

北征草 七

亡一語國其活奈何誤蒼生矜尚到傾軫著蔡奉千古
昭昭

邯鄲道上

邯鄲城畔鷄鳴始邯鄲道上驄蹄駛韞鞬依稀客夢殘
北轅南轅馳一軌趙舞燕歌思渺茫古往今來足識機
賣卜何傳漢帝孫破秦猶憶魏公子富貴真者似浮雲
功名豈合隨流水千秋蕭蘭氣猶生那道黃梁枕中似

沙河

平沙旋渾馬蹏遶五里十里無耕牧路旁行子怯摧輪
城外居人已沒屋况乃義和乘火令燒空萬里噴炎燭
人馬疲勞同渴饑悄然前望烟火邈昨夜傳聞暴客過

青山中斷人殺哭可憐終古怨從軍十萬征夫窮塞朔

漳沱河

漳沱河水真定門葡萄流漸何奔渾麥飯亭前過猛雨
疾雷坐破蒼山根鳴馬蕭蕭山色暮來辨蕭王前渡處
抱薪焚火重艱難倉卒風雲此中遇振古英雄有行路

涿州

雄城百雉擁儲胥帶關通闕屏帝居網絡神州天下
要東南王會此間於國經別派思中尉封樹薪燕感尚
書督亢陂前彌望騁薊邳形勝在襟裾

張桓侯祠

張侯義勇僅奴識廟貌藐然里一隅生志桓桓扶蜀漢

亦廬詩卷之十

北征草

英風凜凜尚眉鬚恢弘常憶釋強毅叱咤獨能存士夫
為真椒漿烟樹晚官橋策馬駉棲烏

盧溝橋

飛梁百尺跨通津鞏固金湯柱石蹲琴劍十旬南北路
車書萬里會同晨闕譏落橫無奇貨國禁端詳問候人
比似襄陽遊歷日更饒霜雪老簪巾

五襄陽四十遊京師余視五又十年

亦廬詩卷十一

南豐湯斯祚衍之

燕山草

奉簡太史萬字兆先生二首

威鳳天苞海鶴神老垂模範表人倫圭璋夙德三朝重
星漢鴻文一代振雪嶺瑤華渺矣夏五壺仙醞湛然醇
南情十二年前月萬里燕山聚此辰
蘭室東湖秋色長岍波千頃挹容光得邀皇甫三都序
為薦南豐一瓣香別後行藏終跋囊病來踵頂數顛唐
御前蓮炬遲歸夜重定千秋論玉堂

贈黃靜山員外四首

亦廬詩卷之十一

燕山草

廿載文章傑相思豁寸心辨香從一振踐土復誰任介
石觀情性精言鑄古今老余居太簡顧盼感何深
肅肅緇塵裏終朝聞小廬部曹休暇處文酒嘯吟餘題
壁皆名士克庭但古書跨驢防貴要側帽輒相於
頗怪鹹酸外孤情與俗殊世風相駁老公義獨存愚一
見肝金露關心病始蘊南天冰雪路窮日止亡遁
直欲長鳴劍終須盡裂冠為膺批類甚蠹效叩頭難每
許新愁撥相交晚恨團徘徊賃春地白首發長歎

贈張栗夫主政二首

南楚聞稱首西曹登望欽高寒松頂鶴貴重廟楹琛好
學真如渴論文妙極深何王裾可曳尊酒獨追尋

襄鄧蒼茫路琴書邂逅辰風塵殊潦倒臭味倍交親握手何今故開懷一性真如公復有幾哀謝託雷陳

送 侍衛之任西安

獲持大被署嚴更難似君家弟與兄昨夜 彤廷新下詔早時玉帳重專城六千君子逢迎整百二山河戰伐清選指關中到日好黃花開滿渭南營

擬

聖駕巡幸口外萬壽奉

皇太后行宮受賀恭紀二章

復旦 皇圖肇先天 帝道長 一人餘有慶萬壽祝無疆化理通三極車書混八荒幽崖文德洽重譯稜威

不虛詩卷之十一 燕山草 二

揚父治仍求治惟良切夢良龍影一習吉畋卜啟戎行

玉帳迎 慈輦金疊啟 御筵思承 聖母渥治本

孝思偏輟荆干軍慈衣冠萬國連歡騰 行在所慶動

紫微天訪落成王世徽音太妙年小臣躬際會拜舞

頌周篇

擬

聖駕巡幸口外講武恭紀二章

為循王制應時巡 翠蓋東瞻行幸新掌舍詰朝恭設

極雨師連夜重清塵天清錦綉山河麗塞迥丁零草木

春傑休徵歌迎帳殿條支有子備鈞陳皇唐運際 神

明主稷契勲偕侍從臣獨媿班資叨奉引濫教作頌擬

崔駰

太平有道盛文謨 叙慮寧忘武節節須講事以時行獨狩陳師吉日簡車徒三千虎旅緹衣壯十二天閑逸足殊 神武臨戎觀臺發 王仁開網用三驅來遊合矢周詩並一豫還聆夏諺俱此日百靈奔警蹕 萬年天子應山呼

賦得風光草際浮

薰風何處識草際露青陽靜向蘭蕙汎遠隨萍末颺芳郊一以眺晴甸蔚何光曖曖王孫路暉暉謝客塘雨餘正流動偃處倍悠揚亭毒乾坤大欣欣寸報長

賦得宮漏出花遲

不虛詩卷之十一 燕山草 三

玉漏因風遠芳菲繞漢宮高低傳上苑迢遞轉迎風卓午分明際濃陰香霽中香疎飄正緩林靜聽疑終閤闌臨春近簪裾問夜同靈和柳曲折溫室樹玲瓏魚鑰宵聲答雞人曉唱通鳴珂遵鈞砌遙指百花叢

古意

昨者覲面君悄若不相顧近者邂逅君歛若傾情懷亮妾何致之適會君喜起君喜寧為悅君怒能無懼容髻不自持默默傷幽素

不如超遥臺畔歌五章 并引

臺踞里中最勝余家其下世存讀書堂年來浪走京師思家日切作詩寄懷

五十非夫牙齒豁狗祿區區晒微末晨趨不辨鳥尾訛
是何為哉槐柳列不如起遙臺畔眠大昕腹坦方便便
日出六街轟輶馳車乘馬存傾覆正陽門外捲焚輪
黃塵埃堪眯人目不如起遙臺畔居山光悅性真吾廬
嘆余太瘦生硯骨多病病中似荒渴囊慳難買甘井寒
苦齒鹹齜愁日吸不如起遙臺畔行銀鉞自汲井華生
黃黃孤裘周人士斌斌玉雪王郎子強將禮樂學羣賢
畫虎不成渾無似不如起遙臺畔過散髮箕踞自委佗
新交未深舊疎濶百日端居一日出戟門所養輕腐儒
時譽英賢傲華髮不如起遙臺畔遊病癯丈人欣吾儔
壬戌夏留宿楊玉亭副使似之堂即事感懷五首

示盧壽夫之十一 燕山草 四

小辟蘭芝徑強宜十笏餘妙香清几硯新雨潤圖書春
酒吟中醉宵鍾坐裏疎園林何氏好相得少陵如

袁安長處劇王祭遠從軍詩思三山渺禽言百粵分使副

有從軍 德門金作友稚子玉為羣伏棧五花馬蕭蕭千

里紋

豁達支虛幌玲瓏凭短墻天光存夕霽物意務朝陽綠

蔓蒲萄淨白花蔕葡萄香營巢越燕子也欲借雕梁

落景寒簾幙頽雲四散開月華臨迴夜暑氣捲殘雷鴻

鴈渺何許鄉書竟不來嗒然罷琴酒倚檻獨徘徊

谷口存微尚周南謬夙心漫傳昭氏鼓誰感雍門琴搔

首難天問韜精有陸沉載歌勞者曲山水重知音

贈園子學錄王文山先生

萬春源流溯泗沂幾番清露浣薔薇杖頭夜指蒸燈炯

堦下春生書草肥禮樂百年儲 國史畫圖一點微元

機先生纂脩大學志並九臯鳴處天穀和子鶴獲雙雪

翰輝利天人消長圖行世

和喜雨韵

大雲欽潤玉泉隈龍卧三農首重去回五度晴雷殷去

山起一番陰雨倚秋來空堦夜滴聽平催句華屋涼生

快引杯自哂素緇濯不淨聊憑西爽獨登臺

雨後

經夏炎威慘侵晨院落幽燕山一夜雨客夢五更秋月

隔遙聞笛天清孤倚樓滄浪歸思外空對玉河流

月下

素月樓頭耿撩人夢不耐秦簾當枕上移席就花南玉

水清秋近金波宿淚含所思迷處所無復鴈書函

雜詩二首

新月婢娟明不任微雲翳衆星羅高青耿耿光相麗大

火不昏中一夜西傾逝河漢渺清淺尾濡弄其濟井滌

蒸可食瓶甌簪則敝嗟彼牛與女窮年空伉儷

千金學屠龍技成無所以風斤運則良吁嗟質又死章

甫道諸越越人安用此大笑平天冠還聞呼市

似之堂晚坐

淡雲落日晚天虛空館清含暑氣餘燕子迎秋歸院昇
豈花經雨上籬疎言詩不數三唐下論事煩權兩漢初
題破芭蕉渾不睡露珠綠踴玉蟾蜍

新秋寄黃靜山員外

六街三夜雨如泉旅舍清秋得靜便白髮梳新臨鏡短
病眸開喜對書圓希聲誰復永嘉後斯道真賴建武還
想見西窗黃叔度平時高論仰河懸

和韻晚香玉

雖逐東風鬪艷嬌敢矜梅雪表孤妍柔情自得炎時靜
香夢多從晚處偏寒北乍看寒水玉江南開滿素馨田
起還臺畔讀書暇抱裏空懷灌石泉

小虛詩卷之十一 燕山草

寄贈戴念祖明經

琴水秋山人外清是中宜著古先生自來文字安時論
老至行藏與道并七葉殷勤傳弟子五倫原本重宗枋
戴家經義尚門重重譜螺川大小名

道興二首

朝華競時妍雪松東深秀昔者魏鄭公粗疎人屬詬文
皇出真賞嫵媚罕其右山石玉胚胎海蟾珠殼殼潛之
固其存光華禁馳驟相者今舉肥嗤點神骨瘦所以列
仙儒

浩蕩雲海空

宇宙

煎金貴鑄丸持用彈黃雀得少失所多本末殊舛錯文
夫七尺軀奚翅金彈若奈何名利間汨汨自煎鑄真人

塞其內灝灝空六鑿入機出於機太虛為之郭天光一
以發泱泱春動經澹然萬物間所得六已博明月鑒我
庭秋露在葵藿

感懷

朝出正陽門研礪車千兩黃塵眯目起白晝慘不亮迫
奔如病狂各自不言壯夜深疲役息泰宇或昭曠默思
且所為毋乃心嘲讓人生有本性世故封其藏我後何
為者將老遠所尚宅畔超遙臺一日可十上青山垂古
青黝石質真相霜重黃柑收天清白鵬放落日滄浪歌
漁樵互跌宕我心無所營浮雲任摩盪誰能忍內尤坐
令真宰喪

小虛詩卷之十一 燕山草 七

秋日留宿傅廢廬太史齋中賦贈二首

清重金華省如公應早名史星當柱直卿月倚霄明老
今三緘久交從再顧傾載歌伐木什真切感平生
花石獲廊繞圖書四庫繁閒庭斷俗客盡日有高論冰
格標新韻秋華靜晚尊韓宗諸子弟个个屬瑤琨

雨蒼二弟以左手作草書克盡理體賦贈

何來空館清風煙起足練令弟別有神毫素發新刀臂
見秋鴻驚宛若春蚓縮有時坡坳間特地起崖研颯然
兩脚收虹霓中截斷客有入門者顧晚但吁歎不信斷
輪手竟以左任善昔聞敬勝理茲義寧冰炭變沒象外
生正直毫端見君乎左之宜要是中不叛千載柳公言

三復存筆諫

送子壻鄧永茲南歸

汝去南歸好門庭奉老親無嗟新不第尚守昨來貧
笛風高夜燕山月滿輪渡江秋及早底戀滯周人
到時嘉慶備社壘圻香雲兒女薰生長詩書代耕閒
朱問松竹愁慣老釵裙鑿杓何言說平安字與聞

曉齋即事示傅氏二生

緒風簾幙袂衣單梳盥清齋坐薄寒砌草新陰繁馬齒
簷花宿雨重難剋朝雲瞥眼橫空度秋水澄懷據几觀
老去浮情渾撥棄是中彌識損先難

小虛詩卷之十一 燕山草

柔枝得露六懷新辟除蜀道當文境割斷鴻溝與俗塵
好是虞州家傳播當年汲古識通津

送雨蒼二弟赴馬平幕

紫塞風高馬影單角聲吹散海天寬生平豈為深知惜
親老具憐遠別難粵嶺梅花新夢渺玉河秋月夜吟殘
征鞍繚繞前山外目斷楓林萬葉丹

九日過黃靜山員外留飲

冬市何所適謹味自多門城隅十笏地秋色我思存淡
然圖書外相質菊與人凡草芟又嚴清淨無陳根詩成
曹務屏窮力破籬藩我性見魚性託繪江湖真時出觀
魚詩見
示落日清吹薄餘輝散檻軒談言自古昔爛熳餅將尊

去年一病劇骨出皮肉皺生死直鴻毛惟公教應敦年
知此會健尚把茱萸看百年幸無事飽飯長當攀

賦得十月納禾稼 限禾字十二韻

史書大有歲駢羅萬井登成慶納禾豐樂三秋全刈獲
完藏十月豈蹉跎小從黃葉堆遠委重任烏健領上施
得意兒童今相載關心老婦最婆娑除芒聲躍紅鮮送
撒地光翻玉粒多醇熟酒漿人不假村深春杵夜相和
恐防草鼠高封結禁拒羣雞厚墊蓑食報長梧殮自饜
招歡莫缺伴同過啁啾鳥雀喧還聚泮散牛羊寢或訖
遺滯有教存愛利艱難知賴庇偏頗百年遮其吹幽枝
並室相於扣缶歌自昔良時欣匪且從茲興嗣後如何

小春瑞雪

燕山盈尺雪占瑞協初冬滿意飄深夜無殺微 九重
上林瓊作苑西塞玉為峰脉脉迎 黃路霏霏點應鍾
密凌紅葉亂疎疎觀小桃穠葉樹村中屋層雲嶺外鐘聲
鴉棲晚噪獨鶴厲宵街憂憂聽幽竹巖巖表秀松瀟瀟
增觀開瑤圃隱隱幢幢影拂圍爐淡花黏賜錦濃將軍宋
殿度詞客灞橋踪太史新龜霧三登報老農

夜雪

六街斷寒柝虛簾夢初醒殘夜衾凝浸深階曉已平掃
扉出石徑淪若煮銅錯缺月林梢下蕭蕭僵卧情

烹雪

滿白銀餅貯生紅石炭加課虛占穀物化味淡謬僧伽
點入仙人掌與勝平玉井華長安飽賦苦五臟罹雲霞

雪晴

魏闕更傳早燕山雪報晴被表歌左袒岸幘撫南榮臘
信宿傍近鄉心市鼓振茅簷足負背萬里默含情

復雪

去冬病不雪應候喜交加後至占報平三白先驗已二花
謀娘聞集鴈失樹苦啼鴉時東南災民流亡衆多弱拙依仁得難

棲敢自嗟某時初補太學缺

殘雪在樹

雪霽雲林好澄懷獨倚閣遠峰高半露幽樹晚方殘松

下鄉書七月蘇詩卷之一 熊山草 十一

預聚彭布梅梢磊落圓秀添孤幹古袍帶小枝橫歷歷
日中迴珊珊風際寒鳥栖村夜照懸背灞橋看畫史遲

北管詩家費裂紈華星堂載聚遇賞盡琅玕

冬夜感事

燐燐夜火死老屋慘冰雪萬人熟夢恬我寒驚砭骨五

十江湖翁胡為戀魏闕彈懷不自持素尚遂傾奪只今

三五期廟廟皆稷契公門斷私掃惡慮習達况延英

妙姿罹霍春花發紅顏千騎上老醜緊何物恭聞明

詔下聖人菊求切馬周與夢城事希古先列常何一

武人公忠懷薦拔後先鄰侯光猗與史家筆芒碭大包

內今古炳靈一時清刊鏡明虎嘯谷風列羅羅一世才

亮為一世出獨有幽貞女空谷遲迨吉章不惜蛾眉盡
師中失實嫫母克後陳夷光或點黜導言固有姝容髻
為君刷王假慶來章極盛邦之活吾學漢陰人抱壘
甘捐捐

燕邸同趙愚亭元靜夫度歲

名糧利鎖歎西東天畔親知信信中泮水會知春計別
蘆廬聊喜歲寒同硯冰呵凍晨吟冷炕火分燈夜話紅
燕市屠沽異南食豆觴得和舉鄉風蘇長公饒歲詩云
六欲舉鄉風獨倡

除夕

燭殘孤夢那能耐爆竹通宵逼枕函旅食二年淹輦

下鄉書七月蘇詩卷之一 熊山草 十一

男兀擁寒衾家萬里雪花一夜滿華簪

明通政司魏公尚賢死冠詩并引

公諱尚賢字明賓山東鄆城人萬曆庚子舉人

丙辰進士授中書歷官通政司勅逆璫魏忠賢

志不伸念朝事掣肘致政歸崇禎時流寇至鄆

城公練鄉兵捐金脩城勵守土官捍禦數年人

時以安未幾寇大至力盡城陷死之時崇禎十

五年五月初四日

二氣正充塞昊穹有成仁魏公嵩洛儔至性風過人學

根闢閭洛志存邱社民進階銀臺上通籍鳳池濱中典

股肱郡入司喉舌展權璫折橫逆伏蒲氣不伸時事歎
大謬翻然投箸巾逍遙大河曲布衣延弟昆白傅結社
意謝公賭塾歡赤日機槍出聊城蒼烟昏公曰樂大患
平生志學存我從大夫後兄乃維桑關中宵簡鐵騎奮
呵先以身學畫長久計倡金華高垣屹然衆志成一隅
恃粗安夫何寇日深蟻附蚤蚤緣天時人事異一朝川
原翻夜聞守陣哭鼓死殺不振呼天以為厲恨恨齒穿
齟齬慨復從容軍命謝君親吁嗟明德哀頑懦長寇氛
益益而狗苟食祿伊何臣一時狼齧擊望敵豕羣奔寇
勢逼京輔天子不為聞坐令城隍覆國命墮當官公丁
懸車日閭里保障肩力盡繼以死項領何桓桓會當贖

亦廬詩卷之一 燕山草 十二

炬河落日洗高原

亦廬詩卷十二

南豐湯斯祚衍之

燕山草

癸亥元旦

填城車馬聽朝 天萬戶瞳矐晚漏傳書劍園橋漸待
次光陰逆旅又增年難辭世故通名紙為斷家書費卜
錢鏡裏徘徊獨對影賴吟詩句送春前

立春

曙華紅射玉河津隊隊東郊禾仗新南望鄉書初慰夢
北來霜鬢兩逢春早清皮閣陳文史自熱鑪烟禮聖
神靜憶紫宸行慶賜風光多屬掃幡人

亦廬詩卷之一 燕山草 一

思家

儘教兒女累鉗針嫁錯黔婁餓不嫌懷遠定知勞鏡聽
泥裨終是費香拈蛾眉蹙損山橫黛鴉髻堆疎雪入奩
聞道石田收穫儉豈徒春計慮新鹽

題戴實夫上舍聽鶯圖

二月三月柳新柔江南江北喧春洲東風萬條金絲縷
曉日千疇黃栗留辛夸花謝杏花白與君同作燕山客
昨夜披圖忽識春魂斷雙柑歸未得知君聊向畫中尋
聽不以耳聽以心下驢相過三歎息九衢塵俗何當針

簡園子助教孫先生

輝縣先生孝友門誠心堂啟古心敦慣養淡粥明高志

開步長廊示雅言樹表端於影八尺漱芳何止字三番
一通更繹公家訓承示尊微君千丈澄潭直溯源

贈別黃遠聲赴趙中丞夫子學使幕

天涯老我論心少相質披文獨爾深夜雪橋門交太晚
東風楊柳別難任劍依蓉府身何處詩上星堂體一禁
來取環畿人物錄滿沽易酒待重斟

簡國子學正曹曙山先生二首

靈炳西山甲第標諸峰晴出迴岩堯三秋雲淨月離海
萬里風高鶴在霄連壁文章光上國大昕鐘鼓贊園
橋誠心堂畔照春好四姓衣冠盡漢朝
塞驢席帽踏倉黃旅食飄零感二霜朗鑒最邀孫叔濟

示盧詩卷之一 二 燕山草

豪華誰認馬賓王落花啼鳥文心淨古栢虬松春畫長
老去何蕃渾不逮摩挲周古難岐陽

送江參軍之任臨陽

紅蓮幕下綠波新闔皂峯青去問津江絕文才欽久鈔
參軍俊逸後誰倫詩鼓候館花生夢馬度河橋柳整巾
暫欲借君重此府擁旄仗節屬何人

秋日得伯兄手書寄詩恭次原韻

秋食薄冷思歸長乾鵲晨朝報上庠來趙詩篇多致慨
渡江書札密為行飄零灼艾人同痛酩酊分襟歲在陽
悵喜對床尋舊約用韻盧海風雨夜淋浪

贈鄧副使補長蘆鹽運使

國家山海裕幹時仗周才鄧公夙經濟名望誰與儔赤
驥日千里高楠撐崔嵬往者鹵務典河東主眷垂爰
自秋憲出至今重幹維長蘆鹽法會冥渤東北迴齊趙
隸管權四十萬賦財於茲表經國公誠將刀恢秋鏡淨
纖翳春膏潤枯黃豈繁算緝最妙以濶狹裁務使百年
內人仰崔公倬

黃遠聲還太學出環畿遊草見示東詩酬次原韻

循環三輔岍鳥紗羨爾追趙使者車山古遲去吟孤竹
國草青何處漸離家秋風最感酒徒散時南雅別晏夜
月重憐嘯侶遮記取杏花沽別釀冰盤好驅水晶瓜

次韻送楊紫章歸觀憑寄家書

示盧詩卷之十二 燕山草 三

周南留滯與心違政是思歸又送歸卹簡好陳懷裏字
萊衫金帶日邊輝馬嘶燕塞秋風急鴈下吳江木葉稀
家在臺公巖畔住一絨仗爾致荆扉

贈楊鑑泉

老占梅花鄉結廬羅浮峰枕擁圖書會心河洛逢源際
得意龍蛇罷草餘過客每探甘石學有人同挽鮑宣車
韓宗子弟諸才美經緯紛綸玉不如

鼠

狗苟羣當過豺饒小却均我心常貫惡此輩豈懷仁月
落登床闌燈昏齧篋頻近來猶不捕白晝敢欺人

鷓鴣

凌鳳卑鴻處猜駕得氣中貪心散啄屋飽腹只盤空鳥
攫生成慣鷹揚假託同頑然占 樹落日嘯西風

蠅

何來遽集此飽墨點衣冠塵未麾教平去牕纔隙又鑽
焚香讀輒覺拔劍睡寧安餘熱休趨甚清霜重處難

蠅

乘暗端施毒妨人輒屬垣并

蜂良自螫為虺夫何言寄語防虞重吾知衽席存

寄簡濟源令

春生枋口浪何平載路便便水藥穀物望自予王屋重
心情合印濟上源清花當別後春頻度鴈到書傳歲又

亦盧詩卷之十二 燕山草 四

更塵淨綠莎廳事晚高山流水憶琴鳴

恭和

御製遊潭柘岫雲寺韻六首

翠微深淺路潭柘表祇園泉靜聽風聲巖虛見石門靈

禽多引子幽樹老生孫到此心神豁相於不在言

概源迴絕塵此際後誰鄰植欲通天漠津堪謝世人法

雲空處遍花雨望中頻傳道 宸遊洽歡瞻侍從倫

芝蓋難亭繞鸞旂磻戶懸 龍遊獲樹曉春到百花前

鳥語清於剪林霏渺和烟 文思親有製 殿藻發青

蓮

絕境光 瑤翰當年 御績留松筠陰正好泉石韻長

流寺有聖祖賜題八字法垂鷹爪千金寶鶴頭山靈知

擁護時有鳳鸞投

泰岱登封擬超超日觀霞天光圍柱繡海氣肅臆紗伏

石深疑象蟠藤老似蛇六飛行夏令時節拂桐芭

青山秀削蓉都入 睿思濃欵和 高深曲殊慚淺陋

胸催詩雨意重遲騎澗散淙半嶺迴仙吹行雲應晚鐘

恭和

御製喜雨韻

十候三農幸澤臨霏微不斷昨連今無邊饒渥占群天

意未竟憂勞繁 聖心度 闕半空金掌迴捲簾十丈

玉泉斟東紅門外千株柳垂絲綠影深

亦盧詩卷之十二 燕山草 五

桑野年前 玉步臨千秋精蕙罕如 今豐亨有象逢

良會欣喜無私見物心行才使來巾角墊載筐人滿植

頭斟共知點滴關 宵旰碧海 恩波未擬深

上鄂大司成四十韻

月滿玫珠貫春多杞箭交國師宗學府漢相本經庖曾

入南軍幕恭惟北斗旂相國即鐵真其時在湖南幕府得天洞草舞

歸命賤人跑鐘鼎銘洪烈璣衡幹大包重輪熙補蔽五

玉瑞兮茅燕翼流餘慶鳳毛習九苞崢嶸一柱立回薄

萬川滑開濟綸填股韶陽漆沐賢洞觀儀表極妙契畫

前文金馬恢文翰銅龍密令教春華駢耐采秋實落材

捐直躡夔龍步高攀鸞鸞巢喬雲清漢表香雨上林梢

匠石誠陳矩由基躍引稍於論大昕鼓教振杏壇鏡截
斷河當濟擘開華帶嶠青藜劉向杖絳幄馬融匏要使
精金揀須知惡礪拋發明何與突玉蓋有胚胞殿上承
玉綽關東予使輶公奉天按察使星霜鏘劍佩山海指
鞭鞘片語今涇渭登時靖叫數塞雲晴冉冉邊鳥悅咬
咬古蹟興圖按新詩候館敲錦囊携隸從玉版付胥鈔
卷積浮同谷篇成陋陝郊公開東羅許吟章浣露特
侍座麾薄裏貧穿肘消中瘦露骸不寧親斧藻即忝
飲燔炮公命呈詩文特召至府賜餐飯壯往憑嗅虎蹊蹊謬斬蛟難同
魚化尾長似雀黏膠放浪寒江芷孤零宿岸茭巖教啼
穴狄沙汭泣潛蛟如奏湘靈怨時逢漢女妓賈哀宅灌

小廬詩卷之一 二 燕山草

莽屈吊水泓切某舊遊湖南此辛酉遷徙無田邑追趨歲後由楚取道入都遷徙無田邑追趨
狗斗簪深慚異俊少却顧慈衿稍李廣終奇數揚雄漫
解嘲徬徨與點意老志尚嗒嗒

賦得首夏猶清和

玉琯恢台始清和氣尚同鶯聲依柳媚藥色傍闌紅大
寤開羣有南離衍化工麥天晨潤洽槐翠午陰通靈雨
榮堯薰薰風入舜桐良時茂對育解阜並冲融

贈翰林曹七丈水持

翰林瑚璉表詞曹雲漢星端柱史高擊鉢詩成收八米
畫沙書就禿千毫蘭襟談笑通神理雪腑聰明淨洗陶
喜見朝來裴叔則玉山行處解吾攷

芝室圖書臭味親探候直取性情真麥風梅雨清和候
名酒時花嘯咏頻老懶余憐交末路飛騰公必濟通津
會知姓字琉璃貯已見文章簡在新時御試天下主考公列高等

首夏淦石溪宮尹招飲賦贈

慶霄榮露在含毫名入雞林價倍高候直銅龍居上選
校書金馬最仙曹賞花許到芝香閣射覆頻傾玉色醪
沉上教芭相蘭擷取得揭來大雅廣風騷公前出湖南鄉試

許魯齋先生手植槐

青銅如幹石如根虎踞龍擎氣似吞萬里風雲高處會
三朝霜雨鬱然存春生上舍綠成市月傍中天影到門
千古寧忘封殖意唐松漢栢並乾坤

小廬詩卷之一 二 燕山草

送劉大使步九之任河南

南雲遙遞紫霄寬白鶴凌虛刷羽翰到日清風生洛汭
早時芳聞振皋蘭三川驛騎花梢月萬樹鳴蟬柳外鞍
幕府定知才智暇嵩山青可岸高冠

贈夏恒齋孝廉

古人未為相輒願為良醫君懷待展布濟世託刀圭時
俗務放速齒菴誰長思寢藏視質的肆然攻伐施此如
商韓輩快意取一時豈知國命斷壞絕永不治伊余實
顛躓河魚患大滋急重剝腎腸例言硝石資身命付一
擲孤注安可為君為太和計保息如嬰兒陰陽一和理
乖蹇潛以移以此任調燮誰云理非宜玄豹隱林藪霧

露深容姿神虬潛靜瀆魚鰕豈相知但看薄光景作霖
作雨誰

南極

南極夜明天一方雙纏織女牽牛郎斯桂之人凌蒼蒼
帝簡師臣三錫強傾瀉荔支環方塘剥枣如瓜藕如航
醉日蟠桃三千穠竭來西母東公王

贈熊舒亭二首

漂泊始相見論文輒起予能傳伏港學宛質右軍書
祖高陵公學能不墜世悲憐囊穎親哀狗斗儲舊交三
書法亦通肯乃翁

十載零落感匡廬予從高陵公遊
鹿洞在歲卯辰

馬鄭門薰出潘楊戚更聯哀遲吾甚矣頭角汝新然

小廬詩卷之十二 燕山草

苦寧人下周防重物先陶家五男子失學謝君賢

通州

國食崇京庾監司兼設三舳艦連百萬餉饒總東南官
驛臨洵接人烟潞水函朔風吹大道落葉滿行檐

薊州

落木蕭蕭路漁陽古驛通角殺吹日上天色笑遼東碑
碣金元剩清平壁壘空健免矜躍馬較技控雕弓

故河南文學梁公錫類考義詩

善人不得見淳風今者滿吾觀梁公意不愧白華安父
歿方毀齒蔚然表芝眉王母正逮事左右無般窺苦節
思不泯紀述年譜為大吏上之朝坊旌重以碑哀然大

手筆誦言光天涯母疾刀圭視晨晡寢苦茨嚴風霜慘
栗冒病力自持怡然示無恙異以安親慈維廟寢邱壠
水木源本培煥厥大成殿俎豆光以輝嗚呼玄冥壯閭
閨溺且饑援拯不知出壁畫桿筏施焚券贖質子窮力
聞幽微凡此義分秩隆家惟孝推坐見七葉成君子有
穀詒維彼才美士鼓篋橋門來益益誠朴氣溫溫恭重
詞欵言顧我室載歌伐木詩式看令子賢願奉而翁規
叔季人心害大都經詎虧所嗟其本亂而末將焉治亮
哉公信行可為勸誨資吮筆愧無文聊待采風知

贈中條道者

鍊骨餐瑛老歲華丹生鶴頂秀三花穿雲每握黃初起

小廬詩卷之十二 燕山草

道人同懷兄
並有隱德尋夢應書蔡少霞南斗何年始上籍中條
歷劫早辭家時違我欲浮於海倩爾通天貫月楂

亦廬詩卷十三

南豐湯斯祚行之

南轅草

京師諸同好置酒相餞則詩留別

堂上燈燭晶門外僕車御我心則南飛我情殊北駐感
念同懷人一旦臨岐路畫堂今古徵文心渺良晤人生
一世間條忽電光度況乃池雲情飄瞥無常住奉公扶
濟材大為王室助我老一枝棲巖潭開合措為君飯
三爵再會定何處海天不可知明月同庭除鴈飛不到
鄉莫令相思誤

白溝河

亦廬詩卷之十三 南轅草 一

桑乾流並迤一統戰塵銷車馬通齊趙河山混宋遼綠
楊津隱隱芳草路迢迢便假新城夢南情慙寂寥
余郡有新城

石門

舉世無邦空復為棲棲甘不已驅馳石門一夕傷心話
千古何人孔氏知

河間道上

河流所經帶名郡獻王知載訪毛公里興懷董相祠驛
程芳草暮鞍馬杏花滋歷歷聞鴻鴈江南燕子時

景州懷古

留智風花社遙遙問古祠廣川不可即繁露渺曾披秦

漢儒林冠天人道妙窺公孫本曲學希世豈相知

德州道上逢南來鄉鄰

東南水陸會雄堞峙連連燕樹辭車憶齊雲拂馬鞭關
河人邂逅燈火夜黃緣越客欣相顧鄉吟故未遷

荏平道上

雞鳴驛路即不復辨昕嗽河潤騰騰吐雷鳴砲吞花
飛馬周廟日下魯連村痛矣勞吾僕當壚給酒尊

上巳日汶上感懷

得破南程詎汶旬花朝寒食遲征輪離人不及山陰
會歸鴈空逢汶上春齊魯波波犯星月淮徐淼淼尚關
津胤肝蟲臂以心役愧質南華至樂神

亦廬詩卷之十三 南轅草 二

濟北道上懷古

子房報韓心年少事輕發博浪沙中推勇智幸脫老
父圯上期沉深挫之屈用漢興漢為仇秦理不失我行
濟北道黃石古懷結帝者師功退孺子神教設望望教
城山三歎餘落日

岱嶽

尊高羣望領諸靈漢時秦封踵勒銘絕頂直觀天下小
流雲不斷海東青開方齊魯隨抽幹分野陰陽占換星
一十八盤窮曲折丈人峯矢叩巖局

兗州道上書感

何處龜山魯望達兗州城外草菲菲無窮暮雨連鄒嶧

不盡春風憶泗沂歌詠愧辭三逕曲哀遲憐就一官微
百年遯莫從心樂塵夢空隨點爾歸

謁亞聖廟

衰周速戰國世黑道淪喪大蠹觸人心百川爭決防夫
子憂心悄覺寐歎呼壯狂瀾倒挽力崢嶸一柱障陋哉
齊梁君仁義終莫償五百名世期望古增悵悵我行鄒
氏邑歌馬賢關傷下拜仰前型待後思心尚落廓去何
為馳驅鬚蒼浪感慨七篇文殷勤隆內餉

徐州渡河

香齋彭城暮天光倒散霞戰爭經楚漢勝負感龍蛇我
豈尋源使誰乘博望檣崑崙匪所即懷古一興嗟

小虛詩卷之十三 南轅草 三

漢高祖故里

徒手興王真八垓豁然勇智世排推芒碭雲起天精息
大澤龍纏日角胎三尺魔人蛇斷去一時附鳳為羣未
叢他屠釣都茅絕長嘯歌風泗上臺

西楚故都

自倚雄威不任人歌殘泣下氣無伸執言興楚終欺楚
以暴祛秦更讓秦一戰沉舡破金霸重悲蓋世拔山身
江東父老羞顏面淒絕顏宮鬼夜燐

留城

博浪椎憐勇智輕江山借箸報韓成桀才鈔入機中使
長算多於掌上明黃石公傳興有道赤松子從去去無

名飄零豈為封留計落日長河認古城

淮口書感

暮宿清河口旦傍清江涯音黃淮已交匯我行不到家
淮南萬柳綠春風吹落花曉鶯啼滿樹輕燕飛空斜遙
知故山藤新長小拳芽歎息微名驚辜負山中霞

淮陰侯祠

劉項闢君投足強死心扶漢見肝腸詎思震主功高劇
至竟良弓為盡藏生世不甘為噲伍仰天何乃擊稀商
祇今城外長淮水猶似嗚嗚痛楚王

露筋祠

執誼明微矢不緇紫蘭香徑倚雲祠青楓湖上人來晚

小虛詩卷之十三 南轅草 四

一樹靈風歸滿旗

邗江作隋宮詞四首

十千殿脚鬪春華春苑春堤有暮鴉誰辨雷塘三尺土
荒煙一段玉鈎斜

選人天子擅設詩月下清歌馬上詞豈數南朝諸學士

瓊枝玉樹浪矜推

迷樓無復望揚州二十四橋春色休聽唱人間桃李于

楊花飛盡委邗溝

江山昨夢景陽鐘貴賤何傷更迭重莫放隙光且滿引

菱花影裏認全儂

平山堂

林盡長亭復短亭平山堂感昔人經客來江上雲峰舊
春去淮南岸草青懷遠層岡增悵恍望鄉孤劍最伶俜
百年高會伊誰繼落日東風燕語聽

瓜州鎮渡江

岷山西上大源探日射扶桑萬景涵咫尺朝宗輸海若
與圖天塹限東南衣冠渡後金貂盛戰伐清時鐵鎖州
北顧峰前一回首揚徐青草與雲參

京口晚泊

揚子江頭駭浪平孤舟漁火傍江明晚鐘月霽金山寺
夜漏風微鐵甕城燕樹七霜行客髯吳雲千嶂望鄉情
落花滿眼三春盡漬酒單衫夢不成

亦唐詩卷之十三 南轅草 五

姑蘓臺

姑蘓臺畔柳絲垂歌舞春宮罷幾時淫樂已經散諸夏
蓋威爭務長黃池眼懸冠見東門入面蔽生羞下地知
蕭瑟東風太湖水吳儂猶唱采蓮詞
商魯悠悠枉事通腹心遺疾忌人攻五千甲剝收携李
三百夫荒達甬東暮雨誰尋響屐跡春風自度館娃宮
可憐臺上賢良帥苑草溪花恨不窮

范大夫宅

藏器誰窺妙地張沼吳霸越六尋常鳥飛一舸鳴夷外
蟬蛻三遷貨賄窮賜劍真傷七術短鑄金誰似五湖長
我來載訪包山路為采汀蘋敬奠觴

伍大夫祠

多難遭逢諸翹舞蒼涼遺廟古城陰鞭尸報楚毒何甚
抉眼觀吳恨最深怨鳥似關啼木末怒潮直為卷江心
一言且與平方寸率豁當時有慘禽

虎邱四詠

劍池

劍化冥冥未可知風波滿眼不平池無緣却假專諸手
為斬人間翻覆兒

閻閭墓

鳧鴈荒唐虎寂寥吳儂歌裏聽胡樵秦皇合罷東巡幸
望處為憐霸氣銷

生公臺

敲徹晨鐘詎覺渠掉頭聲利蟻相於生公莫枉申言說
今日紛紛石不如

五人墓

摧鐵即當義勇伸九千歲令頃逡巡醜他厥祀誰營奉
塚望要離署五人

湖州偶作論詩五絕句

任謝當時兼擅場四散餘志宋齊梁流傳更有吳均體
好事人人效故鄣

江上曲終逸韵流步履聲沉化人樓誠知妙豈關人事
春草池塘夢得不

空腹憑嘲空貯古賦成杞菊默含頰腸肥也識屠沽子
那許江湖就散人

搗擢似開孤月口河魚膏笑自煎烹未知足當韓蔡否
却奉先生最善鳴

縱橫一萬里餘數_教上下五百年間論不就當時闢文
謝風流只有趙王孫

湖州詞四首

湖趺環屬網人家水市穿城日半斜秋港菱湖三十里
小船來去賣魚蝦

湖邊細雨膩梅黃三度盤眠桑葉光日上綠車答籬落
家家浴繭出盆忙

小廬詩卷之十三 南轅草 七

湖州鏡子菱花皎湖筆尤憐栗尾稱裁就新詩麝煤足
雪光騰影寫吳綾

湖禽幾度喚春起顧渚春前焙出香未醉烏程與下箬
清萸先取試頭網

杭州

萬頃波仍水一邦風吹五兩片帆降曉鐘落月辭吳嶠
暮火寒潮對浙江日出箸魚肥上市詩成藤紙滑臨窗
越鄉風俗看鄰近隔岸春聲襍吠尤

錢塘江觀潮歌

鼉子門外白痕生鼉子門中萬雷轟噴天不受定山東
須臾百丈潮頭傾扶桑日射光慘澹天吳息屏風冷冷

歎忽鳴夷宛中見素車白馬隨奔崩終古胸中羅刹石
萬弩難摧塊不平人生怨毒有如此天地之氣若為鳴
我渡錢塘駭壯觀_教望古茫茫發遙歎匣中雄劍隱騰
騰三度摩挲三揅按麾帆莫待百難遲江色蕭蕭信巨
知回頭驚見鳥飛馳晚潮又打西興岸

汎舟八詠

西湖

越女紅裙打槳迎龍頭簫鼓鏡波平水光樓影相凌亂
海蜃真羞化不成

孤山

歌罷離騷瞪目時西湖烟雨畫迷離畫舫日縱孤山棹

小廬詩卷之十三 南轅草 八

百幅雲林肖大癡

飛來峰

芙蓉天半削峻嶒紅杖梯雲縹緲登靈鷲何年小剎取
南來因合問西僧

淨慈寺

湖光佛面冷然窺一百身尊一淨慈倩說蜀山金水氏
畫圖端不到摩尼

竹閣

荇葉菱花鋪綠油舍人多半此勾留誰家柳色春藏處
倚閣遙遙盡越州

過溪亭

風篁嶺玉萬參差衲子風流太守知不識林亭相送路
山禽似語過溪時

六橋

麓背彎彎橫漢霄山南山北路非遥楊花萬點春歸去
看盡行人過六橋

放鶴亭

抱鶴娛嬉偶處梅空亭結住白雲堆世人幾見林君復
為問孤山放鶴來

釣臺謁嚴子祠

客星懸仰止垂釣古臺留天子不能奪高踪誰許儔雲
松影六好溪鳥羽多修千載風頑懦徘徊清瀨流

亦廬詩卷之十三 南轅草

七里瀧

巨壘擎二華遠躡高掌舒奇哉富春山七里瀧中趨盤
折劃兩堽青天一線紆赤日不到腹炎風陰歛噫向年
小星隕卵石塊紛如激激水散迸扁舟鷁倒祛半堽百
丈挽尻脊長年痼累驚窮幽閑何幸中開途白鳥羣飛
潔幽蘭香氣敷石臺太古色松柏徂徠株秀絕領地靈
宜此幽人居白雲清瀨意出龍長歎吁

自富陽至蘭溪舟中作四絕句

好瞰春江第一樓桐廬江湖浙江幽瀨經嚴子清無上
山看桐君綠盡頭

桐廬縣繞綠沙摩沙野人家養白鵬落日嚴州三十里

畫圖不盡富春山

瀨石粼粼菡萏餘瀧流洗耳枕相共水禽咬啞松陰院
為憶方干有隱居

蘭陰山下蘭溪水采取幽蘭佩我襟忽忽長沙別來客
澧蘭公子十年心

玉山送宗耕野明經歸零陵

懷玉山前路銜杯今送君燕臺久作客難舍幾論文一
百日行李三千里水雲到家猶渺渺慰夢與殷勤

同姓敦從古知交重且今肝腸不河漢吳楚一衣襟回
鴈雖希使烹魚尚冀音零陵公遊舊柏見為傳心

上饒江逢石城郭某孝廉同舟歸

亦廬詩卷之十三 南轅草

君遊不得意歸臥故山隱我亦資三逕樓今借一枝江
山宜對酒邂逅且論詩鵬鷺無心得升沉或視斯

亦廬詩卷十四

南豐湯斯祚行之

宜豐草

蕭齋

山壓鹽城四望周蕭齋中占別峯幽得教將子鳴陰鶴
且託成巢位拙鳩新昌學缺西齋今所居社標老全閑
散合雲林深與嘯歌投百年優養昇平代憑仗公才居
上頭

秋日毛閣齋招飲蓬樓別業

尺五城南與過攀天秋亭榭足高閣書披陸氏兼西解
謂難弟人遡何家質大山倒殘不辭邀夜月鍾情無限

亦廬詩卷十四

宜豐草

登陽關閨齋為吟懷人近作凡六叠韻只今老契忘韓孟露白蕭蒼相
往還

同梅怡園和毛閣齋對雪用玉溪生韻兼效禁體

二首

積素充簷悄拒扉濕薪生火擁重閣三更隔院聽枝折
十日空山斷鳥飛越嶺看花初側帽燕臺落月舊披衣
半肩行李姑峯踞穉子單車破凌歸時遠兒于志歸家

曲關倚罷步周牆六出爭霏點鬢霜劇練酒兵張窟室
老持詩禁問星堂紛紛占瑞矜三白脈脈羞明辦半妝
入夜松栳轉騷屑夢魂疑驟羽林郎

丙寅元旦

翠臺司曉報雞人戒旦千門萬戶春帝無疆開後

甲天官復始、命賓寅上以丙辰謝祖今十象懸吉

月周書舊恩賜長安漢節新幸際昇平老閒散荒隅

率舞學群倫

題毛閣齋宜豐新春詞後

飲乃予俞變相中風騷兼得滑稽雄幾時文獻宜豐缺
合仗君才續一通

大別山前寄興酣新詞舊譜壁雲藍春風夜聽楊枝曲

客夢依依記漢南

同梅怡園何浣村謁郡

慵疎竊升斗分敢託師賓大府叨殊禮婆娑怪吏人府

亦廬詩卷十四

宜豐草

拙習攀拳數參持手版來都官偕水部也合誚非才
宜豐春懷

宜豐春懷

樓指蟾蜍十換來宦情羈思重裊回山寒社帶經冬雪
年閨春看二月梅西塞鴈遙人正去南園書斷首重回
連仲兄攜兒子志以遊秦去冬東風只怪支吾甚作雨
作晴時未開

暮春毛閣齋邀同梅怡園諸子遊南屏晚飲作歌

春雨三月愁沉綿舉頭乍見蔚藍天天為遊客惜墜歡
花老未老春教延謂春主人遲歸興不刪攜挈壺榼招

登攀塔上未厭遊騁志箕踞直跨南屏巔峯巔落憤陳

坐起軒軒舞舞都官大毛公老虎辭園小毛鷺立殊
便娟湯師最醜皮雖頑凌陵赴谷能爭先李漆二蔡皆
作達飲中八子寧非仙幕天席地一長嘯水靈山怪驚
蹢躅落日渡口飛鳥滅諦視萬室蜂煩喧歸來洗醖更
命酌城月已掛蓮樓門請君莫辭千日醺幸逢四海歌
平鈞成理萬物如其仁樗散從君任放閒傾囊歷險命
非論且日窮極黃岡原

新夏蔡子槐園招同諸子東山讌遊

前日南屏頭春尋縱闊步今朝東山遊夏蔭深村樹素
心屢有人物外取歡晤張慢切浮雲酒茗相錯措一望
催耕鳴水田皆基布秧稻插正勻行列宛迴互豐樂將

不虛詩卷一四 宜豐草 三

有象時景愜懷情形骸既已忘席易屢相顧盆盎接殷
鮮幽堂花日暮霎時雷雨作驚震失箸毋乃鬼神惡
如茲長厭厭去年此時却迴車指充豫渴喝幽燕辭尚
憶牛馬乳嘉會慶已饒新詩適當賦

春末夏初稍華明倫堂西偏移榻率書即事四首

假坐琴三臺新除壁四圍冷安原圖竝幽許閱宮依山
靜日逾永農忙吏正歸白鷗時下屋也識客忘機
桐陰卓午直簾外雨晴時蔓草新茂砌藤花半上籬旋
施管寧榻早下傳昭帷薄袂裝綿褪輕於几硯宜
勢要所不及雲峰相倚門清心聽鈴語悅性識禽言論
茗通泉活烹葵頗露繁所知二三子質辨到黃軒

罷梳潔癖蘭露飲晨空不至更乖隱憑論介與通太
虛觀性宇至治辟情叢寡過無能學餘生勉易終

首夏作

梅天臨永夏槐日遞微涼小室粗安几名鑪淨蕪香殿
陰移左个籬影界中唐審取纔容膝乾坤亦草堂
暄潤流思澤生成各務時林鳥哺畢尾巢鷺抱遺絲罍
上長竿占天從定宇窺桐孫新秀挺葉露駐東曦

綠陰重繞屋蹊踈辟深幽扶屐履適臨郭看山鎮倚樓采
花蜂可定託蔭鳥方休自識南華用全神味注鈞

梅怡園招同諸子納涼四春園二首

歡喜招邀近瀕池館閣深園禽聽載好夏木蔚重陰所

不虛詩卷十 宜豐草 四

好原殊俗相知貴在心形骸忘主客槃礴解衣襟
青山真屋裏閑檻況空虛溪響高畚碓荷香暗襲裾辨
才堪喻馬知樂笑非魚以此從濠上長吟焉所如

夏日招諸子小集閑齋賦詩次酬

煩暑忽冰解清詩貴木難人邀堅白集天假蔚藍寬
蘇蔓暗籬上張翠布橫市君日為新藍天託老相知習忘貧糲食餐不嫌居
矢簡真覺真如蘭

次和毛閣齋醉言

昔者韓公諂富兒塵俗不解文字飲所解醉紅裙嗔痴
淫醺酩河間博士傳詩歌東齋西齋兩遮羅三杯中聖
張頤吟短吟長吟不停斟大醉酣歌歌且笑笑他塵海

階而深為語富兒休引領孟公卿容輕造請往博涼州
世自昔

伏日毛閣齋招同諸子清齋作歌時濟雨立應

蓮栖山人好奇異園亭招客無夏冬籤軸縱橫充梁櫬
卓高圖畫陳西東雨聲昨夜破炎毒原田決瀾歡三農
翠幔重陰陽鳥避宛然坐我馮夷宮夾竹桃開花數丈
盆蘭砌草交蓬蔥玉羨糝晉青荷醋雪藍白嚼瓊漿紅
清齋席地快袒跣竅臟一洗凡腥空梅君達者胃磊磊
廖君壯士神熊熊髯也瘦生真難弟曾藏往事靜以冲
更喜董孫天爛漫詰誦學誦阿家翁賓主之好有如此
人事况樂天精通我聞藐姑山仙處子同納新吐故冲

不虞詩卷十四 宜豐草 五

融中煙火脫棄冰雪容他日龜腸蟬腹吾辦取期君吸
露吞清風

奉簡郡伯沈公二十四韻

自昔人倫表今誰治行先謳歌三縣洽循異八州傳占
戟靈鳥集烘堂瑞錦聯烟開蜀江迴月上樾亭圓早是
陳圭臬由來屬輟鉛文心雕比虎華夢大於橡貴重干
絨抵駢羅四庫連嚴徐直拊背晁董緩差肩苞米鷲依
閣飛鳴鶴問天專城民望副超乘 主知偏樓鼓嚴更
夜廳莎訊牒前人資冀渤海山值謝臨川眉察光明藏
支分活潑泉清霜兢吏立白日淨魚懸禮樂熙春煦風
雷至教宣名篇標士則妙諦破言筌潦倒真吹劍驅馳

幸備鞭抗懷會渺渺嘗胆亦幾幾落廓彫雙髯蹉跎効
一理鄧斤紆斲削燕石塊鏡鑄珪玲親溫栗河淮溯廣
淵叩寧遠大小甜已飲中邊漢室伊周事明公德業全
洪鈞高掌入萬類一陶甄

秋日書懷

一度東軒便還往北牕高坐晚涼風清天落日山全紫
秋岸疎村柿半紅拙託張韓賢可事老慙揚馬曲同工
棲遲彈指周星紀竊祿無裨嘆髣遂

登鳳皇臺次韻

鳳皇集處華簪盡攀陟寧容驚座陳萬仞高臨思尚古
一聲長嘯更誰人青山破霧欣當檻紅葉翻風任打巾
最是白雲彌望遠尉村陶里契吾神

登九日韻

病來兩月不拈筆篋笥拋如芻狗陳為共老成惜此節
更驚後秀得吾人時聞齊兩郎皆有雅製交頭笑放紅藤杖叉手
吟歌白纓巾故態不忘耶復爾雕鏤嚴禁損心神

黃州徐醒古頃見拙詩辱贈次酬

世道交相喪荒塗夷風雅公子楚騷才善信夙所假溫
恭考父傳金錫鎔於冶登高高一呼嘯振掉驚瘖啞嗟
唾珠成天瓢翻水洒我老枯木株知路慚非馬如何一
傾盞肝膈罄輸寫談笑情理通瑤華思重把相與觀工

歌無謔節以下

黃州旌節徐母蔡太君頌言

南星夜落燕山碧玉臺山化望夫石寡鵲號巢鞠子哀
截髮勢容亡未得四十年中心鐵直噴雪捺冰矢靡慙
慈烏將子上林梢馬既角生烏頭白天酒高澆危坊特
一漿酩酊齒的皤

冬懷

慢小不禁風燈寒夜向中餘年看臘換宿火委爐紅但
許身非病從他鬼笑窮世途紛促塵澹泊與塵空

鴻濛理利復物象盡元真山鳥遂饒舌金魚思振鱗雷
驚昨夜殷紱春入舊年新自晒甘衰白支離拄杖親

亦廬詩卷十

宜豐草

骨肉東西別天涯大小寒齊三宿夢隴雁十旬看塔

鄧永茲以公車留濟南幕仲幕府依牢落妻孥盼聚歡

兄及免役秦中數月並無報

懷歸定曷月江上集檣竿

自典書將畫誰新章與逢儒非俗吏尚歌幸 聖朝容

濟勝身兼具懷賢路阻從無梅共索笑獨倚後周松

亦廬詩卷十五

南豐湯斯祚行之

宜豐草

春日同何浣村謁郡升次叙懷遣興聯吟四十韵

城郭烟嵐外何郊原曙色中江光多幕歷湯樹影半暈

曉帆出晴沙浦何樓傳曉笛風大生春載似博望興無

終木德乘權早釣仁幹造洪慶雲濃醴對湯瑞露藹冲

融汀草遙鋪綠何園桃細點紅菜花繁似纈麥穎權如

葱逆上駢頭鯉辭南比翼鴻青帘茅店側湯垂柳市橋

東蹣躑躅簪新婦何爬竿趁小童農歌村緩緩津鼓畫蓬

蓬耕鑿家俱給湯桑麻樂自同太平承午運何漢官布

亦廬詩卷之十

宜豐草

寅表米嶺臨陸壯湯鹽溪帶棹通髻絲漸翠伴何手板

分趨公監厠羣賢席湯榮瞻五馬馳錦發明浩蕩何碧

落峙宮隆既式周朱業湯還宣召杜功紛綸才競爽何

擊毬學誰工擬画殊乘虎湯圍雕總類盡竊容存拙性

何幸假息孱躬撫字推能吏行吟仰醉翁儒齋孤嶺頂

官屏萬山叢苜蓿閑岑寂湯封疆路渺濛不越通河債

耐可寄詩筒下榻惟徐穉何開尊即孔融帖琴晚何紙

琴和嶧陽桐刻燭催寒夜湯掀髯嘯太室有時思閑情

何常恨別忽忽賜歲舟曾纜湯連宵雪壓蓬牕船天炯

晃何臺閣玉玲瓏百尺談鋒銳三人拇陣攻湯時梅未

妨詞照霧直欲氣凌虹日月真奔矢湯驅馳又轉蓬

居期少室何岸憤俯高萬倉海魚龍戲丹青鶴神猿
條雖東檻湯鶚鵠漫嫌龍尚覺書田貴何從就道味充
他年雙刻合湯一其倚崆峒何

春色遂極爛漫連日毛間齋中翰廖力臣司戎招

同何浣村封人宴飯縱步郊南北觸景有作

節氣新年春較早春花正月連村好宴會芳園恣遊眺
老被花催為花惱松竹陰深野寺迴捫蘿絕巘青天開
天籟巖霏吞吐互散集紅紫紛坳堆魚鱗萬瓦烟火衝
橫橋斜渡塔當空江山萬里彌望極斜陽之外明飛鴻
前年騎驢東華東燕山南夢江花紅飛光再度老閒散
斗臂日竊夫何功若復不縱歌飲嘯山之囚人無終窮

小虛詩卷之十一 宜豐草 二

為君沉醉顛東風一日拚盡三千鍾

雲雨歎

關外失雲屏刁刁不可聽東風何處識愁問倚簷鈴

千里咫尺晦秦吳况萬山黃鶯翅都濕西飛何自還仲懷

兄及兒
子志奴

賦得其雨復其雨次韻

其雨復其雨風光老四春名園百花零落地芳草遲來人

謂怡

其雨復其雨朝霞似欲還却嫌鳩婦妒哭斷五鹽山

其雨復其雨重雲塞雁聽莫歌古離別湘竹淚痕青仲得

兄秦中
病信

贈黃紫雲丈

太室峯高沆瀣餐華芝三秀駐顏丹詩成畫入維摩詰
恭罷禪逢竺法蘭鶴頂幾時珠粒簇龍精萬里玉花園
苟家兄弟多英富礪落周王八駿看

可笑人一章題問齋放言詩後次原韻

人怪毛公鬼怪神我笑毛公厓落嶽奇可笑人宰相呼
來竟避親腰腹自大頭掉恥說東牀陳談天雕龍多較
輟祈爽髮身一一活現生前身不入翹關負重選不上
封禪惡主臣百首新詩十斛酒湯師老醜何好分作忘
形賓任是隣家厭由他二豪喚昨夜枯腸芒角狂更發
放言壘塊一幅令人讀過不覺大笑旋含嘔

小虛詩卷之十 宜豐草 三

寒食感懷寄家兄見山二首

繫食分襟思悄然磨驢生意數頻年起來何事先春喚
歸去空勞勸子鵲松檟園廬局舊葉樵薪封土昧新阡
先考妣懸曆有年昨冬西南星散憐諸弟仲兄容秦孤
伯兄慈弟東歸山始非弟弟容秦孤
杖誰從省視還

七十兄年六十弟餘生回歷幾多艱精神龍馬身珍重

賢智免孫事等閒夸父但生休逐日愚公終老拙移山

裁詩絨札東風恨兄篇七十壽黃髮相從會解顏

誕日述懷四首

週遭甲子數行年檢點才微不偶然生世恭逢 陛下

聖居邦得託大夫賢師丹數學心多忘結 度攀躋體

却便昨夜招隨二三子春衣歌詠舞雩還

卯酒澆書面半酡東風吹帽鬢婆娑齊鵲巢樓借

俸擬鵲鷦食分過冷宦不教干吏議散材足幸老天和

祇憐設薦沾恩日已背裙腰浣滌多

緬維方正詒謀久八世祖家訓詩有項天冠亦越鄉賢

種蔭滋太高祖純齋公以孝廉祀鄉賢其詠懷詩有司

馬聲名知走平謂曾伯祖大儀曹忠孝建明染高祖

公宗積進士授禮部儀制司主事子若歸隱一家言矢

還書綜五夜燈孤范規持先考邑文學西園公幼失恃

績學志古取祖明經資持公業光大之著書多種最後

慚愧植生渾不逮析薪負荷重哀思

小廬詩卷之十五 宜豐草 四

學書學劍謂無雙一日知疎氣滿腔懷古欲尋柱厲叔

投書為弔汨羅江神奇真腐詩都幻叱咤嗚呼老盡降

五十九年乍回首含嚔花下倚晴牕

新晴即事二首

根閣銅鈴應漏稀撲牕新旭透圓暉護花承宇張風慢

袪蠹開軒曝卷衣綠蔭正淡鶯乍轉青天無礙鶴高飛

三春滯慮孤清洗靜對全呈善者幾

驚稱遲重睡鴨清小閣停午足暄明蕉心易露隨時展

池面恬吹盡日平拍拍鳬鷺兼長養欣欣蒲稗亦生成

青山不斷層樓倚坐看行雲自在行

贈毛閣齋二首

聞齋不急進取數十年蓬栖以詩酒自娛遊藝

有所託而閒放者歲丁卯在京親知為之援例

授中書開除目作有感詩次和其韻以贈

毛公健穎五雲書未老應從侍禁廬豈謂千金博齒

冷要居上字使心如紫薇花下新詩就紅藥堦前畫漏

疎如許頭顱如許稱名聲鐘磬過黃初

五十栖遲蔣詡家天官第側開蓬廬舍人黃紙趣封去

居士烏巾許岸耶報國久因商出處攻身早不護瑜

瑕以貲司馬傳郎署方古何嫌李共瓜

秋初作八章

酷暑洗秋雨如刑去炮烙坐來蒲葛清涼颺動林薄心

小廬詩卷之十五 宜豐草 五

影一時靜翰墨爰間作籬落酣紅英潑翠互沃若物情

快蕪息大造一索齋噓枯而吹生真宰良淡漠

秋花幾多枝秋蝶紛紛馳驚更有細腰蜂幾擁不知數萬

齋既淨閒我性泊無慮人事物理兼趨操各異路寥廓

太空中歛見浮雲度秋水至樂篇足以盟幽素

昨夜月窺人籬根鳴絡緯病婦感新興機絲久廢寒牽

牛職女星河漢今期濟一昨燕京遊室家阻迢遞日蒙

樽散思西歲許攜儂所慚寸功希鄉校何與毀十口

昧耕獲天祿空耗費終當學冀缺共約歸田計

赫曦滿燒空飛鳥隻不動我懷西歸子炎塵五千經向

曉鵲噪簷兒女交喧閨瘦骨練殘貧相對慰懼恐西風

幾夕來趣程又相送爾非息有人能辭利名中失得夫

何言所要知磨礪隨處自來中歸

客從遠方來遺我尺素書紙長三過讀詞盡意益餘難

居三十載生死茫昧如豈知憂患積猶存骨髓枯一息

千古意謬言屬老儒往者郭有道蔡邕碑不設榮榮藉

氏昆先人文字圖慚負曾子固夢寢魂瞿瞿羊曇有餘

慟西州淚霑濡與熊渭源別三十餘載近始得書肩担高陵師誌銘

老夫何足似龍鍾如鵲散亡書五車來就外氏學昔

者蔣德源嶄然露頭角況復宅相成陽元聲卓卓殘暑

自茲退宵中禁聲下幄襟裾被馬牛古誠亮以愆庶借

中表弟聰耳聽揚摧項熊氏姪塔構外姪孫來就余學

亦廬詩卷之十五 宜豐草 六

持狹而望奢褚小戒懷大矧乃連雞棲動作輒防礙幽

意正多違形神聊自在榻有獨絃琴清泛苔遙籟取足

適平生不靳人意會

濯枝雨過空涼雲淡蕭索頗憶黃岡司阜官萬山著吸

口不罷吟悼亡詩屢作坎坷臆能豁窮猿不受縛月下

題橋同清歌排烜灼卒卒驚職司各自邱一貉混沌本

無然儻忽枉教鑿眉山亦有言厚積記發薄弦月再不

見音塵何寂寞

四憎詩 有引

既雨既秋鈎簾不下青蠅飛汚几案花蔬除地

亂草侵妨難絕鵲倚庇老櫟俾林栖殼離夜

息不靖矧當晝而嘯若號虎經年五鹽雁害驅

除之事各有司存顧居是邦也豈忘共患困並

作四憎之詩

憎青蠅

薨薨營營聲驚起叱咤青蠅緣戶危我室既清秋且淨

適從何來遽集此點污純白素乖心變亂讀書聲沸耳

長柄麈尾拂不去賓之初筵觀啜哺拔劍休嘆人激昂

焚香要令自避徙歎爾趨炎逐臭空嚴霜氣候今尺咫

憎亂草

朝見亂草侵門捷欲去猶如釘在眼惡賤天生性最頑

烈日嚴霜詎凋殄地偏不來柝離氏幾度中唐滋蔓行

亦廬詩卷之十五 宜豐草 七

礙花攢雜勢倍固塞路妨人恨非淺我生情性疾匪類

茹芝正藝蘭九畹白木長鏡柄自製丁壯童兒務鋤鋤

耳目冀明心冀豁蕭蕭秋雨憑孤館旦夕根荄倖謂絕

詎意茅蕪復連卷護花勞動每終年若問我花意豈滿

寄語夫子蓬之心除惡難教頃刻緩

憎鵲

羽族之醜何混冒頭目眈眈如貓豹大化亭毒有非常

夜撮戾陰鍾克暴社櫟壘腫容奸饕餮動方息乘劫勦

駭雛嚇孩不盡妖譎怪裝疑鬼啼斗前者已落彈丸手

我姑言之冀悔慎豈料憑狎貫宵思白日當空轉狂嘯

鳳皇臺上梧桐枝葦葦雖咭棲啄菰盛世包荒不知德

臯禹共驩那同造會須亟申庭氏討斬殺虔劉職其雋

憎號虎

五鹽山峯宅號虎匪歲食人數不數或恣饕餮盡尻雕
或飫貪殘剥臂股且上山頭暮不歸爺哭娘啼骨痛楚
近來閭孝更蹶張直向人家踐門戶老樵童牧都禁斷
餉婦耕夫欲絕阻閭患害正於今猛鷲驅除來自古
須備齒革國得兼獲阱後設前機弩厥林之火數用焚
八面喧天駭雷鼓山中之虎猶得言市上白額曷由拒
角而翼者飛擇人誰崩厥角傳翼取我非其人重歎嗟
寢皮食肉寄恨怒

亦盧詩卷之十五 宜豐草

同梅怡園棠浦往返戲呈四首

路出棠溪曲山迴荷石高楓丹秋寂歷天垠日牢騷寬
博原儒道光輝異法曹也看官到似列市不嗽嘈
稻隴傷龜圻殘燭鎮鬱陶登塲殊不遠望歲仰何勞闌
聞諸方集閑閨誰氏豪一溪環帶處橋纔泊林皋
野店昏投火溪橋晚問津西風漚紙舍落日刈藍人城
析傳疑近林燈閃未親山行經斷雨似犯北來塵
與媿潘仁接俗方稽喜拘青山迎客合白眼看人殊捉
拂清冠屨熏膏潤鬢鬢徐公定孰與覽鏡一胡盧

修樂

條燦晴陰改暮朝秋虹作態綴烟霄行雲夢雨日翻覆

亦盧詩卷之十六 宜豐草 二

倦蝶痴蜂花寂寥古井不瀾龍卧定太空無礙鶴飛遙
網絲幾觸珊瑚樹賺盡鮫人淚滿綃

秋杪毛閨齋中翰招同梅怡園東齋何浣村封人

泛舟石門登眺歸飲詩酒瓢廖能菴司戎隨至

成轉句體

林葉微黃霜信晚萬壑秋輝散巖嶽載得米家書畫船
挈榼提壺忘近遠石門清嘯天地空幔亭張坐來長風
痛飲誰論久不壞佛身剝蝕觀青銅寺有減度結跡諸
相矯大羅漢著菴堂小怪絕雷公不踐雲跨蹕蹕矜矜
背爪空山神鬼笑此曹好奇不死成羣遊梅瘦何肥湯
老醜誰其尸之大腹毛登高已高言未聘直跨虹蜺凌

原缺第一葉

倒影螺髻峯下斜橋迴落日江鴉埤塊暝采擷蘭桂棹
歌歸路旁觀者重嗟歎天香在握月入抱衿袖雲霞收
夕霏詩酒瓢中茅筴屬後至防風賞其戮復亂以武載
號呶夜如何其觴政盛歡會今年似去年不知明年何
處邊麗譙鼓斜漢界起祝星斗心茫然

次毛閣齋倒用遊石門韻

混沌鑿死天蒼然靈龜之鼓迴其邊晦朔春秋逝不及
荒是非數大椿年蟪蛄之生為已覺觸蚊蚊著闕殘戮
黑白方圓上下乖馬耳東風詎相屬美人流盼瓊華霏
巖數幾撼山魃歛登高眺嘯秋復杪浩冷臨水送將歸
長空曠蕩日不暝擊汰中流天弄影湘君夫人太乙降

亦盧詩卷之十六 宜豐草 三

雲旂威蕤虬駟騰陸離去劍帶吹毛冠切雲冠崔嵬遊
九辯招魂似以續景差唐勒真其曹龍彪却拾片鱗介
別派淮南山大小儒雅風流迴一時子鵲雛鸞逸翰矯
吁嗟捫燭扣盤銅鳥覩 雄雌風雷破蒼山颺振海
是中當有大虛空君乎君乎御風遠汗漫而升崑崙嶽
回頭正見柱下時度閭騎牛殊未晚

次毛閣齋疊倒用遊石門韻

蒼黃未肇渾渾然圍誰其端球誰邊九頭五龍從底詰
萬八千數那計年上巢者顛下窺覺不若神姦相噬戮
握大象化役五丁遠蹠高掌鉅靈屬靈雨春零霰冬霏
煦姬吹萬歡歎歎河洛淮江濟深漠寰瀛尾閭輸之歸

寅出賓朝納餞暝大角天根森象影攬槍一伏枉矢難
板泉何處蚩尤驍麟之趾額鳳之毛協氣符乘郊藪遊
虎變豹變天地炳被服周孔文身曹誦淖下逮蟻蚋爪
泰山得大秋毫小三十六宮春載抱潛見飛躍六龍矯
大鳴小叩壘山銅區區傳習雅頌風陪君劍首聊一哄
笑殺落帽當秋空木蘭棹撥飛車遠收拾臂中金壺獻
嘯吟又到曙光紅誰道崦嵫日迫晚

秋遊後書感次何浣村韻兼簡諸君四章

大江曉夜望東流海運天回地並將渺爾太倉容粒粟
飄然洪澤汎虛舟左徒呵壁誰窮詰博望鑿空事半浮
何處更尋不死國區區常貯古今愁

亦盧詩卷之十六 宜豐草 四

落星墩處浪無風門戶鏡江吉撫洪彭蠡洗洋吞日月
匡廬巉絕壁青空日窮達岳三山外身在雲屏九疊中
幾度丹經綠字註祇今流落歎壺公

被髮騎麟下大荒天公大笑幾千場馬過燕冀空金骨
厲滯衡湘委稻梁一免得看奔始定連雞栖卜算非長
也知十乘真充詘禦寇終教謝子陽

放懷難了尚禽家躑躅閒微繫髻華偶見蓬牕圖五嶽
已忘雲壑探三花羅浮有洞春酣海勾曲藏天夜熾霞
回首懸崖凌縹緲夢中同日掉烏紗

同毛閣齋梅怡園過蔡會可槐園

郊垌聯步騁荆畫秀重疊風景秋原迴人烟古渡圍岸

高溪轉碓林靜水爭灘偏憚槐園小門開落葉殘

老陰槐疑國丹香桂豈宮交遊非近態談笑亦深衷江
晚清輝徹天秋碧落空東離還就爾分取菊為叢

荅非池餽菊

高秋園館肅凡草絕根荻之子遠時尚幽花餽我來香
清宜古石慮淡勸深盃記取名芳譜延齡學汝栽

苑郁公貳尹過飲西齋

秋庭落葉點蒼苔盡日留歡倚古臺羈飯未嘗淹客坐
好花恰似爲君來時相知餽西南輸輓資長算且夕推
敲出妙裁君素不吟詩即日出示單父慚言兄事重五
年以長況非才承承謙國命

亦廬詩卷之十六 宜豐草 五

數過毛閣齋閒軒醉飲

老我孤踪罕得閒軒數到酒盃傾賞心蘭菊有同具
入口鹹酸亦異情幾見仙人果不死信惟飲者留其名
與君醉入華胥路馬上天瓢翻處生

毛閣齋用前韻分賦詩酒二首次酬

鐵柱鑄成揉鐵屈涪翁祖述我心傾思通之處神無象
筆到其間天有情恥見消頤平關勇智最憐廉開共功
名誰王誰霸終疆界設絕分茅作麼生

君家釀足吾無慮三日弗親親便傾世見酒人嗤落魄
天鍾我輩老耽情百年但得此中趣一飲誰知身後名
必使丈夫不到聖頭巾空負若為生

毛閣齋疊前韻總賦詩酒次酬

酒罷忽將詩扣筆詩成旋使酒澆傾贏頭劉驥那知狀
鬼設神施無復情醉裏鄉歸不夜樂吟邊城起受降名
百篇一斗青蓮在也或前賢畏後生

文字飲集怡園次韻

一日須知千載當吾徒舍此向何方但留紀叟春供客
誰記馮君老作郎萬丈鋒教五鹿折九天神護六十將
東軒松竹今長在莫使風流墜瑞陽

毛閣齋作有感詩見貽次答

常作癡聲用晦明先生妙道徹羣情點綴局福機發
小憤閑疎戒乘傾正使顧之破後益豈云不說事前成

亦廬詩卷之十六 宜豐草 六

送梅怡園歸觀即赴公車兼寄京師諸舊

征帆出沒層灘外極望林楓不盡丹岐路送君從此別
青山回首共誰看三年文酒流連易萬古肝腸披瀝難
好是懷中孝若贊慶餘歸奉起居歡君家建武之慶餘坊

十上公車漫自疑君猶未老事堪知天教廊廟材頻錄
勢到風雷奮倍奇傳世永懷清白業致身莫負盛明
時燕臺為報諸遊舊頭腦冬烘萬髻絲

寄吳進士蔚昭

玉山朗望映朋攜渭北江東思緒睽文似卿雲冠日衣
人如軒鶴避難棲琴星夜迸花陰座書草春生李下蹊

吳時掌教
時江書院
借問潘安近消息北征作賦擬征西

送袁六皆致仕歸里

河柳參參拂岸碕東風歸去謝朝衣
筠陽州府今懸榻山下村名田園故掩扉
經術一看昭代出文章得似古人希
懷君老眼登春望天際風帆亂翠微

贈鈕鹿崖參軍

參軍似鮑老能狂廿載風流滯瑞陽
好客解裘頻質酒賞花除圃必傾囊
能經華子生兼善馬喻公孫辯最良
髮短心長苦吟誦五陵年少笑荒唐

亦虛詩卷之十六 宜豐草 七

亦虛詩卷十七

南豐湯斯祚衍之

宜豐草

舟泊章江遇李永崖就飲夢洲

北來歲忽三週紀楊柳依依更繫船
趨府敢辭腰屢折望山贏得頸重延
才能自揣甘人後名譽誰傳謬物先
時李過傳學使者沽酒喜逢君痛飲
滕王閣上月初弦

章江往返舟次作

柔櫓春江平自在行舟裏藉公慙卧
遊青山隨起止林叢鳥嘒黃洲嶼花
散綺何必非泉壑已覺遺塵市篋底

亦虛詩卷之十七 宜豐草

偶抽書得古一聚齒了然太虛中何處泊泥滓

扁舟八九宿留行半應違舟虛我亦暇不定前何之風
來櫓為起水激纜教維萬累一回薄乾坤非所私君看
江岸草靡靡隨春吹

朝入南昌郭憲府畢趨走二三故人存肯尚及老醜揚
揚少年子氣談當途陡神理邈已睽面目聊為厚回帆

一沈吟斜陽倒半柳晴雨乍無端江天抑何有

黑雲頽東南大塊怒方噫列缺火鞭施江昏浪滿潏
前舟不肯泊取意目前快誰能忍須臾敬慎理無敗時
命亦何常悲作覆車戒

過西山隱者

朝見海瓊子言過角里村松花覆竹屋藤格施音繩門
譚峭書囊古洪崖棋局翻何當棄微職相伴老山源

憑西山隱者寄廬山尹道人

香鑪峰前招白鶴木瓜洞裏馴猿劇雲腴飛泉谷
煮石子餐離垢園一自別來四十載多應註罷五千言
蓬頭博士不窮死笑老支離衆妙門

趨事返學

梧桐陰下巾裾拂乍理琴書一嘯歌趨事最憐春晚
歸休猶喜候清和鶯啼綠樹連林靜而霽青峰繞郭多
芳援去聲欲燕快笑難踈花半架蔓藤蘿

曉起即事是日得黃常州靜山書

亦廬詩卷之十七 宜豐草 二

麥秋晨氣湛餘涼四關陰廣慢張天入黃梅晴帶潤
瘴疑青草露汗香新詩題和聲箋急遠札緘酬書字詳
誰似吳興賢太守舊交衰謝不曾忘

製青精飯今餽閨齋辱詩次和

四月龍華會山家舊播揚漬成青玉質煇作碧沈香旅
食東西久鄉風餽饒忘加餐兒女勤精特老夫將
靈液吾曾咽元和公共餐三脩一以却五欲本無干杜
叟顏從駐陶君法典看秋成玉粒滿尚致宮園圓

毛閒齋餉食物盆花賦謝

芼藜不稼老饕腸夏圃初歸百卉荒感指晨朝邀上味
賞心離落值名芳飽仁豈止魚蒸重佩德難教報李忘

盡日石闌快吟玩幾番屬餐繞迴廊

謝蔡非池餽盆蘭

夏陰滿閣春寂寂芭蕉梧桐相向碧清齋夢執化人裾
乘雲夜入天香國曉來寧馨充門闌連壁歡投惠知客
蔚翠那論大張青蒼華將無魚鮑白蔡生同心我善交
知我不愛凡卉苞去年菊花爲余致霜天籬下秋景標
今年重感楚芳餽珍重如何芝室閤結衿紉佩不相棄
孔琴曲曲盟君意

以夏物四種奉閨齋當暑之需受巾扇反布及履

屏詩步謝蔡非池餽蘭韻疊韻奉酬

蘭紙油光風冷寂絳羅新縷冰絲碧我家南堂土物御

亦廬詩卷之十七 宜豐草 三

當暑仿佛清涼國一昨芒屨踈絺巾二物遠致姑蘓客
特遣長鬚并送似媿乏蒲脩浮大白絲綸閣下文書交
舍人紫微鳳之苞鸞臺封草行當去內賜端午思
榮標區區野人寧厭餽半存却思殊溪閤拂拭他時勿
還棄受殮反壁衡公意

趨事返學浣村寄詩二章感懷次酬

錦水章江勞往返三春烟景悵離居看雲冥入歌雖馬
聽鼓宵趨導貫魚洶汰苦客在後礫逢迎似有指南車
景風花裏傳觴暇憶爾書來乍拂裾
課園新夏日初延爲踏蒼苔屐欲穿散秩無人防按劍
好官隨世得多錢窺簷下狎忘機爲託蔭棲安飲露蟬

添有 賜書一百六詩 御批通鑑綱目新君能來寬
遠皇前

因公便過問齋閣人辭馬嗣開與他客接談竟日
致簡朝之詰朝以詩來謝仍次韻戲酬 致簡云

雁門太守食雁事故
不暇訓王節信耶

辭納如何判異同漫持曲禮假私公居間大抵主人智
不報非開閣者蒙恩引壯夫輸萬貫資博士論三通
終身世事以儒戲笑問中書作麼中

題張殿初松間水樂圖

白雲長在天松石恆幽賞萬籟此消歇澄心水樂響山
空不見人人自義皇上

亦虛詩卷之十七 宜豐草 四

俱兒攜妻子至

爾歸授室去計日三周圍首春至報再來云子婦攜盼
盼夏已屆旦暮滋多疑爾母重惶懼將無風波危慰以
行李艱營辦或絆羈布帆果無恙小孫入抱嬉老姑始
見婦喜亟堂廚治小大由以禮拜跽隨參差老夫遂俗
累五嶽平生期嬌嫁未能割故重卑微辭屈心豈容久
抱子行當知天地大卵育覆載無兼資吾衰甚矣憊百
年能過之爾各自樹立吾行寧三思

鄒素亭從奉新來訪

何來席帽顏從解花落南屏感暮春別後十年君老
路窮五嶺句偏新論交海宇秋戲在應舊山堂笑語親

空怪揚雄玄尚白猶煩累藹問重聞

月夜有懷舍弟繩之子壻鄧永茲 舍弟適粵西三
載無報子壻下

第京師未
審去留

林樹刁刁疑雨響夢回新枕聞無聲三更霍爾海風捲
萬里晴空天月明西粵鴈回終絕跡南宮人滯枉糊名
燕山五嶺關懷抱漢轉樓危獨倚楹

聞會試消息

上計車偕梓報休不開身事也相謀牢籠智勇公低首
腐爛商周卒白頭幽士早思函鐵往故人尚幸握瑜售
時梅怡園未
雙龍報捷 雲馳雨散青天在南郭先生自豁眸

震雷

亦虛詩卷之十七 宜豐草 五

夜半起聞雷八荒同響奮盈空山空曉疑天鼓搥遠
猶撼臆靡迫欲鞭項背不知何損傷激擊聲破碎我思
天怒滋將無人怨倍 不 聲俾 心則瘳吾其
衣服冠破夢思修悔

雷雨

太空陰氣塞祝融失曜半夏雨沉綿連隴波奔峭涇
渭不分流牛馬莫辨貌螭上橫行蝦蟆逼陵跳禾頭
坐沒臧農夫仰天叫社鬼憐無靈豚酒毒報醺眼見十
室頽無由保垣壕

元坐

沉沉昏旦失兀坐守重關積雨朝崩砌霹靂夜破山書

齋悶不理花榭景方刪偶欲循關出歌巾已墊綸

送郭素亭歸奉新

歎子飄零舊空山歸岸巾眼青終悼俗舌在且安貧茅屋琴書古鄉田穉程新掩關如見月休暇計重親

次酬何浣村雨夜見寄

雨樹風愴攪夢思畫中人斗杓來遲看他石爛崖枯去痛汝天翻海濶時逆旅那堪諸惱結閭浮直任太空吹維摩法喜緣圓妙應向如來證善知

遣懷四首

平生竊抗懷希古尚直坦閱歷太行艱方嗟吾道反琴瑟勤更張默念卒不善歸來歲華遲微末事人覲所效

小虛詩卷之十七 宜豐草 六

致雲泥所信殊關鍵誰言博士冠死乖仲由免誰言強弩末區區匪席卷斯理不我証持用告同伴

我聞斷輪手又說閉門造誰知質死矣斤風徒嗟悼世

人寶燕石俗情薄魯縞夏蟲薦於時誰可以冰告況乃

海上夫追逐原異好皇唐去何遠桀犬狂吠噪滄海納

橫流惡穢歸銷耗牛馬一從呼狐狸何足道

少與塵俗疎青山逢性悅遂入廬峯幽矢懷道侶結夫

何妻子累踪境中乖絕夜夢九疊屏雲旁南斗揭汗漫

騎青牛疎身逼天關招邀五老人步虛鐫珮珞徘徊定

何年樗散終羈紲便把匡君衣踐夢今時發

晨朝天氣好濯濯露林迴汎灑室堂清幽懷遂閑領壯

年喜事心蹉跌挫豪猛尤責不滿世老散寧非幸圖書半失亡頻年收輯供一二好古士相期或造請匣琴一曲希籬花數叢靜素馨不飾容幽蘭益淡永

秋

即蟲吟砌翻翻葉墮樓涼颼振叢薄夜雨滴清秋稼西持干日余乙丑初秋到宜豐至今正三載官慚展一籌遠書煩問訊

只有雪盈頭

雨

鹽嶺癡雲匝冥冥畫不開雷驚殷聲上山起雨驟破江來七夕誰曾曝三秋似入梅農夫嗟刈穫狼藉委汙萊

月

小虛詩卷之十七 宜豐草 七

雞落暗螢出清秋落石闌月華澄永夜露氣香幽關世界羣音息天河一昶看乘槎今即是坐逼斗牛寒

閏七夕

星橋重駕月流天如此佳期非偶然烏鵲不辭毛羽殺但教秋閨得年年

秋日何浣村寄示一草亭落成讌集詩次和原韻

空山雨後濁暑收高崖石氣爽羣遊千巖亭虛清嘯答

萬壑葉下黃岡秋人笑散曹多浪舉誰知傲吏足風流

寥寥今古一相質長老東軒屹瑞州

去歲畫舸遊鹽洲高歌石門天地秋虎視鳳觀狂歌帽

酒池內林誰算籌鬢髮復驚年矢迫亭臺能敵洞天幽

題詩寄語留長柱乘興瀉汗漫遊

復次和七言古體

鐵綽板敲巖洞遙鹿承羣處巖官標科頭箕踞終日坐
坐視 凌層霄狂來自唱紫雲曲落梅調破西羌玉
泉聲夜靜空山心叩撥離鷺與別鵠西風颼颼號枯桑
木葉紛下黃岡涼孤亭卓立振嘯侶太清直指秋旻長
我老依遲數仞宮巔毛雪壓投閒中梧桐裁成招鳳集
鳳亭擬建臺高空登臨下視塵垢堞摩挲上暨天際穹
與君結識倥傯倫吐納風露更主賓誅茅獲心實先我
瀏瀏投詩吟楚蘋燭龍迴光照一切草綠霜白改寒熱
瞥見羲和浴東溟翳翳西墜虞淵城今古何棲一跌宕

亦廬詩卷之十七

宜豐草

中韋聖人中忘老壯若令韓子笑人癡不到此處增悵
悵吁嗟乾坤大宇籠神州蘧蘧何繫我思幽君不見鴻
飛萬里冥冥不可求偶遺指爪河之洲

送周蘊山明府歸西川

梅花香動輟征輪潘岳閒居遂所親路指三巴歸去晚
門迎五柳到時春世途耐可刻方合吾道聊從用晦伸
莫歎岷廬魚素阻大江西上有通津

亦廬詩卷十八

南豐湯斯祚行之

宜豐草

偶然作

驚綿桃樹枝三年氣滿盛夜夜東風吹好花霞錦映武
陵何足論勢與上林競貴人羨其然笙酒邀繁倩松柏
黯然青誰復顧高叟豈知妒花天不待秋風動繁華一
瞬息零落委坑阱始歎輕薄姿朝榮非善慶
漫畫啄尺長坑壤無不攪終朝冒污穢所得纔一飽張
口待魚鷹抑聞信天鳥勞逸理無違誰其定拙巧蠅營
而狗苟力命空昏擾人亦有恒言餓死事則小

亦廬詩卷之十八

宜豐草

大歲占高風乾鵲智輒先聲豈知巢枝低兒童乘窺玩
人生亦有然反以智計眩逆圖百年安已冒旦夕患漠
漠夷險途悠悠倚伏禪睨睨不自看默寧洞觀疇其
知來者將無昧往算

局鑄智云周大盜以為積輦賄計何勤違車卒不得塚
中含珠人死去懷封殖大儒控其願載歌青青麥世俗
不謂然多藏務崩迫猿孫罹檻檻所操未肯釋嗟嗟今
士夫龍斷方成國

章甫冠崔嵬適越相驚顧矧以服猿狙盡裂誰能護養
虎達虎心飼物時以度不敢予生全懼其決殺怒大人
與世遊元理妙和豫所以牙已琴能令魚馬悟

沉淵探龍珠珠得遭龍睡入穴取虎子子攜丁虎凶事
有萬一然胡可以常試大道維安全乾坤得簡易遊於
羿穀中不中理危厲君子保其和夷途躬自致福不越
希求功不貪奇異

雨露謂深恩嚴霜條忌妬萬物託其間悄悄懷憂懼弱
質不自保束輝豈常住惟有歲寒心無改松柏素涼暄
自不測貞直何今故

我有一張琴取材龍門幹虛籟神與流靈液精為潤大
匠斷削成斐質相炳煥園客手絲絃古人有體段拂拭
梅花紋枯腴積周漢成連試一揮萬壑松風轉太素發
元音箏琶靜江讚劫灰不可識龍尾焦於爨大路越席

亦盧詩卷之十八 宜豐草 二

偕沉遲清廟薦幽人具賞心從容得秘翫世有鍾期生
伯牙攘皓腕

春製青精飯餉閭齋詩落句有秋成玉粒滿致之
請謂秫米也頃承致精粳杭米拜受而秫米尚
希再惠貪則貪矣良由君誤致然作詩戲謝博

粳

粳精特為汰粒糠老愛真令飯不忘却笑西齋饒博士
漫貪秫米誤承筐

不分五穀蒙杭秫得隴休嘲又蜀期爾雅坐卿未熟例
誤將螃蜞認蜩蟬

有吏人持計典考語見及詩以謝之

散微何足計也復列名同才智森諸彥迂愚笑一翁自
教書下下誰與考中中多謝賢胥史勤勤意許通

病歎

混沌鑿無竅公然鼻觀休嫌猶判黑白喜遂等薰蕕蒙
儘夷光過居空文若留笑成洛生詠資竊附名流

苦雨

霜降不霜降滂沱水雨增連簷奔似瀑徹夜注如繩紅
葉薦山盡黃花委砌仍濁醪無可勸獨有畫關憑
納稼田家迫千村滯稻梁還愁換甲子已歎卧重陽鷹
隼飛排擊龍蛇混蟄藏晚聞雷更駭霹靂傷宮牆

雨晴毛遜學定甫受衡兄弟過西齋看菊留飯辱

亦盧詩卷之十八 宜豐草 三

詩次答

梧桐暑冷葉黃希倚閣雲晴對翠微恰喜孟家羣步趾
謬方董席媿披帷我生似菊無時艷汝輩能文見古肥
盡日笑談老不倦忘年相訂倍依依

寂寥千古寸心空那復鹹酸嗜好同篇海只飲老蘓氏
玉林森愛小安豐儘教朝日資卿銳不放衰顏仗酒紅
三百葩經邇原本自知松下有長風

題李明經康伯鶴亭閒詠圖

古來志士衷薄發厚儲蘊當其抱守年夫豈類石隱鶴
亭松下吟淵渟叩虛牝擬議梁甫篇膩香毫素吮經明
不謂明閔窘窮撫攢時哉玉人時會挾匣中韞著君嚴

聖神雲露法芝蘭

冬晴遣興

研硃磨墨坐晨朝
罷註義經篤稱燒
忍聽曲闌干外響
梧桐脫葉打芭蕉

暉暉遲日斜
臨砌暖輕雲
淡綴霄幻作陽春
春樣小翻翻數蝶舞蘭若

掉頭不整白綸巾
閑裏忙生作麼生
文事晴牕纔了得
如償夙負也身輕

天晴盆菊始盛
值一二知心過賞
有愜於懷得斷句四章

歸根復命始知真
萬卉凋疎不自親
只有黃花標晚秀

亦虛詩卷之十八 宜豐草 四

冷中精采淡中神

嫩黃玉白鶴頭紅
一種高閒韻不同
比似竹溪諸隱逸

招來吟笑坐西東

一二素心休言少
淡如菊人匪易期
頻臨對笑天宇淨

東風紅紫詎相知

晨興采采竹籬東
挹露餐英滿把風
方酒教酷好封貯

餘香添實枕函中

茶非池邀賞菊花未赴詩以謝之

水閣最愛賈耘老
況有新詩沈會宗
開禧此日如此佳典會存詩

會不得赴令人慚
倚菊籬節物外閒心似君少
君情多負漫生嗔
散員公自有拘束

難作尚書不顧人

裁詩不到君章宅
有興仍尋元亮叢
花老依然人健老
明年斟酒謝西風

羣公四章

寥寥周漢盛於斯
濟濟羣公贊睿思
六詔災授新入告
三吳瘡痍未全治
截留是處資輸輓
捐賑終年費度

支東國稍欣鴻雁
輯西川正苦甲兵
滋大金川虜虬蟬
耳四萬王師十百
旬小醜妄干天

討重上公專仗國
威伸郅支頭斬伊
何地老上庭焚此
及辰聞說廉頗今
再起聿昭聖武廟
謨神典常浪作尋
常視尊舊軍須名
例操首領幸存真
地厚

亦虛詩卷之十八 宜豐草 五

屬鏐悲賜亦天高
乾坤急霰雲昏黑
江漢西風水怒

號誰致平生蓋蓋
萬尋崩陀歎巖嶽

異代借才匪所云
百年休養况希聞
陳疏可少晁家令

破虜非徒霍冠軍
天地側身容老散
鼎鐘翹首上功勳

羣公努力承平會
宵旰粗紓聖主勤

戊辰冬至恭慶聖
節兼述臣懷

長始陸行北升新
晷至南天心當子
見帝道以元含

萬彙資乾一微陽
啓泰三郊壇祀琮
璧庫駕風驂驛

行幸祠官整鈞陳
法象參千秋禮樂
集四代典章諸上

稽古議禮今年郊祀一切異伏憑情
魏闕雙闕鳳殊方
八貢蠶書雲兆紛
郁視表占和甘淳
化衡平準洪庥海
濬涵無疆祝勿

替有慶賴之覃伊昔逢燔瘞維時竊負擔輝光 王國
近鐘鼓大昕眈亞歲朝維爾園邱事實譚輅驚班草玉
鉞象荷甄甄紫陌清飈緩 皇州瑞露酣賀來 恩正
洽賡載樂仍湛賦擬長楊獻花乖上苑探亨行羣志騁
旅處獨懷慙虎拜隨巖邑 龍蟠扈寶龕梅風飄馥馥
松雪灑甍甍心老猶依 哀頭童可任簪聆音候黍谷
講易擁山庵文教宣茶末儒林謝不堪徒從希淡際遠
識 聖仁函

冬興四首

寒事經營塞向周爐紅獸炭暖和柔薄氈久綻山公帽
厚絮初更晏子裘卷軸等身堪自予乾坤容膝更誰求

小廬詩卷之十八 宜豐草 六

獨憐卒歲無資者倍徙增添米價愁

亂唱樓雞欲曙天嗽嗽旭日布簾懸起時卯酒三鍾罷
飽去晨餐二脯便講揖魯諸生卓爾來欣楚太子霍然
兩寅春典諸子登南屏毛雪崖在 東風歸詠南屏夜醉
會後病還不復出今始痊見過

倒玉缸忽幾年

習家園館俯垌郊為借來回小葦茅霜淨林間鳥啄木
風高歲警鵲營巢新第臘酒封令密乍到春書看欲交
曲檻人希閒倚徙黃昏纖月上梅梢

二三老輩古歡加妙契相於意興遐拍案輒驚投好句
來伴旋喜致名花開齋每日出詩見質劇知少許勝多
許耐可無涯隨有涯絕寡逢迎成半隱依遲薄宦即為

家

至後天氣晴和過毛雪崖招閨齋壁龕生德輝同
飲次韻示龔

霽景歡臨古堞頭愛親趙日暖和柔冷餘大腹江看倒
病起長髯風轉流老子亦須頭項俯少年贏得古今詠
去來勝讀書多許粲粲梅香生楊裘

雷雨

大寒裘絮減雷雨奮非時陽氣洩殊早春生懼匪宜伏
飛怪蠅蚋蟄藏駭蛟螭莫測玄冥理高高問所司

雪

西風一夜緊欲翁改炎涼萬戶烟清冷干江路渺茫爐

小廬詩卷之十八 宜豐草 七

紅似不酸裘重等無裳雪額軍深阻征人指隨傷

大雪以炭米酒餽漆達菴

萬家凝凍合漆叟復何如無處扶筇杖應知卧雪廬聊
乘送炭裹真塊指因餘面冷中原熱牢騷一笑祛

立春

今朝蒞青帝昨夜逐勾芒柑酒香斟暖花繡春刻長共
欣晴一日行典慶千箱獻歲陽和德全家頂上蒼

雪月宿四春園

四春園館畫圖中雪月輝華天地空百里山峯虛縹緲
半江樓閣影玲瓏清芬老夢梅花微灝氣濃醺竹葉通
誰識霓裳羽衣奏仙仙人在廣寒宮

臘日移居西春園四首

浮生何處著園初四春宜燕任將雛寄蜩看負壳移柏
青森勃窣梅古半支離莫晒無家具饒存禮共詩

風光郭外異節景復芳新鹽額溫暉曉凌江活潑春飄
飄隔岸渡歷歷趁墟人倩與王摩詰將詩入畫頻

天涯度除夕廿載類形單薄宦仍羈旅全家頗聚歡今歲
兒地素交供臘品鄰舍助辛盤國入亦數小大由之醉

酩酊禮數寬

陽氣全衝宇熏風早颺帷照堂高樺燭然室暖松脂老
婦加餐起童孫學步嬉太和豈吾擅四海願恬熙

梅

亦廬詩卷之十九 宜豐草

江天玉笛倚樓初為就孤芳倩借居月上林枝斜出屋

夢殘紙帳時侵書相逢和雪吞寧厭付與張燈畫不如
堂靜山空罷讀易伴吟疎影立堦除

亦廬詩卷十九

南豐湯斯祚衍之

宜豐草

已巳元旦

獻歲 龍飛應已辰扶桑曉報玉雞春五雲向日傾

雙鳳萬國瞻天慶 一人椒酒堂對兒遞勸柏香鼎熱
婦同親詔華滿眼乾坤泰不吝陽和澤小臣

玉蘭四首戲呈玉蘭堂主人

臘底寒風乍送梅新年登望此初回不知春色誰催
兩樹玉蘭相對開

別枝含蕊待東風凝露纖纖玉蕊融似把筆尖效學究

亦廬詩卷之十九 宜豐草

毫霜咄咄誚書空

六郎粉面怪塗濃佛地蓮花淨吐重應笑騷人不相識
漫疑木末寒芙蓉

玉茗吾家貯瓣香誰知豫契玉蘭堂如蘭之氣如玉品

竊取於湯倍有光芝草先生自號玉蘭堂若士之常名
玉茗芝草之堂名玉蘭如玉之品將
母同如蘭之氣
可以觀云云

趨郡

岸草萋萋綠堤楊衰黃年華仍景象老鬢只趨踏花
熱擎拳客春盈獻壽觴不才叨禮數袍笏重輝光

筠州元宵戲作

元宵豫借錦江鷹兩岸喧喧擁髻鬟上橋下橋春載路

南城北城夜開關十三夜煙霞臺殿屋中閑燈火魚龍海上山誰測詰朝勝六卷連天白雪妒紅顏

元夕錦江舟中雪醉醒懷毛閣齋

漏寒燈火炮歌鼓兩城休不覺雪漫野時聞浪擊舟夢回驚見月詩就急披裘思質戴安道山陰何處投

堪嗟

量力物惟寶堪嗟智慮疏何能窺鳳穴不自揣鷄居相視無多子所求胡過餘怒強戒出技休矣黔之驢

界塢晚泊

人家根斷石潭嶂聚深幽古樹兩崖雪寒江一葉舟暮煙煨榼杜落日嘯鷗鷺繫纜沙隄客忘情狎水鷗

亦廬詩卷之十九 宜豐草 二

正月廿四譙廖力臣署暴雨賓衆驚還尋止卒

飲作

疾風破檻雨催室倒海排山訝衝突酒中失著賓筵興口吐魂落不知出雷霆所加有適纔咫尺佇立威顏開張燈安坐席復慙太空不繫人何猜乃知天心仁愛素飄風暴雨寧朝暮君不見古聖從來貴一怒

招何浣村毛閣齋小飲辱詩次答

百年粗糲頗教珍爲典論文到大醇何晏毛萇詩並佛不容尊酒屬他人

瑞香

紅露承銀盤東風首俯歲阿誰孽孽囊重破希夷睡

水仙

湘妃倦彈髮薄寒還掩袖不捲芝閣簾爲浴芳蘭臭

寶珠

卧起曉牕推爛然紅日映雪裏過高軒辟寒還照乘

玉茗

吾家貯玉堂此中有妙理誰識曼陀羅天花無比似

薔薇

風熏南陌頭雨歇春原上博望午天清連阡一時放

辛夷

誰擲采毫端疑入江淹夢綠萼點疏枝微風曉搖動

塢桃

亦廬詩卷之十九 宜豐草 三

社雨連暮朝春寒透羅幔不到芳華園塢桃開已亂

林李

春伴却鉛華明妝靚以淡落月在前溪芳林殊未暗

社予家達社令重

今前欣占歲村酒恰盈餅少女和風蕩社公宿雨零暫從孫學罷長笑婦針停誰計治聲輦法衰來許氣聽

步入西齋

遲日西齋步輕風稱袂衣砌花迎旂旒園草入芳菲池暖文魚泳林春白鳥依大生誰假借流盼一天機

春日同徐甫田東齋登大士閣

萬山拱笏白雲橫倚闌天空雨爲晴芳草遙連三楚路

春花半落五鹽城思鄉懷古老憐我作賦登高今仗卿
記得去年紅樹晚去秋從陳令尹登此亭諸君登眺綠楊彈指又啼鶯

花下對月

娟娟良夜月華采媚青春簾影斜窺榻花陰悄就人坐
吟銅漏晚醉倒玉壺頻永矢勿相失吾生何處國

花朝

冷宦甘衰拙荒園稱寂寥閒資十笏地老對百花朝天
地存詩卷行藏付酒瓢誰遮萬紅紫照眼一飄搖

倚樓

池草青侵檻園花笑對開醉回歌帽慣歌罷倚樓閒漠
漠鷗鷺岸棠棠雨過山鷓鴣呼起水荻笠聚前灣

眺聽

卑微遂情性眺聽足孤清灘橋春溪漲山光宿雨晴岸
高傾不測池淺浪微平日出芳林外綠蠻正轉鶯

清明思家

天開連雨夜令節副清明岸草無邊綠村煙特地生墓
田翁仲表山木子鵲聲姑孰青山路扶攜幾弟兄

春日因公至縣陳潤生令尹留飯

縣廳安古朴喬木老輪囷白鳥依仁逸應事前古柏數株每春夏白鷺至秋始去青山對面真鶯啼杯勸晚花落座移頻輸寫

一何罄儒衣覺倍春

水鴉兒

水鴉兒小小羽羣矜利便黑白空存豈今判騎危盡日
乘天陰斗晴斗雨隨風幻花時幾度圓鶯歌春曉常侵
冒春喚水鴉兒捷捷翩翩休背面王孫春遊防挾彈反
舌收聲爾當勸

聞八弟繩之自粵歸今春盡望報不到詩以寄之
家似蓬蘆歎轉蓬十年一面各西東三湘別有愁同在
五嶺歸仍問不通荀陸門庭看好好向禽昏嫁迫匆匆
一官我弗能來恨花落鹽洲春望空

午

曖曖春雲展熙熙午候舒大鈞觀誕播衆妙一乘除封
土今秧菊扶盆出子魚散閒足順化所愛吾廬

一笑

含沙射影悄向日吹聲繁鬼域不可得狐狸安足論
門人譚建以來學徂暑聞兄中以楚南病篤爲之

營辦奔視詩以送之

故人理不測肅志宦累遷大湖南北邑至今口碑傳常
念祥善降應收後起賢子生頗敦偉授書齋數年昨來
重累跼兒輩並磨研榮榮斐以質可待顧盼前夫何急
難報鵲原恨各天死喪不可知縮地迫無緣揮涕再三
別視天夢夢然阿兄果不諱汝方營養偏莫遲老母侍
血淚眼枯穿去去自愛惜冥漠理當還

夏日趨郡四首

谿雨百泉落灘舟一眨眼間雲峯青四面隴稻綠千灣官
事有奔走人家多散閒農夫既耘耔相對覺歡顏

綠楊陰可泊澗止咏蘋繁白鳥依沙嶼鳴蟬屬午村雨
來前浦失流入半江渾一酌山家酒風光思故園

城南城北曉舟檝錦江門競羨雙鷗得都爲一免奔炎
風波欲沸酷日地如燔自晒官冰冷仍隨執熱煩

回帆夜雨值寬大省淹留潭影淡蕭照晨光似早秋危
疑涉川者安定打魚舟開閣梧軒月幽懷許自求

再赴郡城趕出淺江口不及風雨泊陂堰作

惡灘似間阻而修伏雨開風驟報秋水轉轉曉聲徹夜
月臨松栝冷生舟公家再集有徵召職分三番散逸休

亦庵詩卷之十九 宜豐草

今歲三 入郡城 白髮蕭疎走牛馬祇應江浦笑眠鷗

舟中獨酌憶徐甫田東齋戲寄 徐時由陸

亂灘叢木繫孤舟泉落陂塘暑氣收松月入蓬聊對飲
筍與衝雨可曾休遠疑棠浦市中熱輸與淺江夜半秋

旦日期君爲君計衣緇全付錦波漚

秋日奉陪中憲沈公遊毛中翰園亭次和原韻四

首

哀然任謝宛流風師表人倫并在公三接溫清冰玉貴
一麾高大海山同握符中禁春生部拉笏東軒月印空

昨夜鹽城迎露朝山花含笑路成叢

曠懷蕭洒減形幢車蓋羣看曲檻降何氏園名係綠水

杜陵詩老破滄江吟殘蘋蓼秋歸座醉寫芭蕉日轉牕
誰似永嘉賢太守翩翩紫馬至今雙

鄭虔檇散老慚身寬大叨陪聽睹新直許百年微軼事
也期千慮證先民中論 徐幹傳薪夜 徐南田東詩傳

毛萇續緒春江微但酬添足思豈辭滴露與輕塵 時公

花石旋增一段幽山川今值醉翁遊十年真幸讀書勝
千古還令佳話留落日旁皇蔣訓徑行雲依憑李膺舟

陽春雅奏才難和不覺衣裘白露秋

秋曉

黃落園林迴微茫雁唳西朝陽紅半額秋水綠連溪稍

亦庵詩卷之十九 宜豐草

下煙中艇深傳殿角聲鄉田正收穫村日放猪難

西齋蕉梧下獨飲值月醺然有作

元坐夜涼秋寂寞顧余明月面東閣梧桐芭蕉醺醺
綠蔭清光吞吸嚼我神與超色界外直入五松深洞壑

又入龍宮寶藏藏幽琉璃屏疊水晶幕駟玉虬吾乘渺莽
攜汗漫遊徧碧落司然掉闔天閭開化人臺殿瓊貝錯

幾陣天風韻流鈴縹緲霓裳羽衣作仙仙屢舞神對影

下太空翩丁令鶴是時世界方夢酣吟嚙曉呼不諾

玉胎冰魄鎮投懷只有真宰盟歡樂

贈毛受衡采芹

年少周今古才高誰復倫舍人多美子吏部廣傳薪溫

飽原非志幽深雅有神疎林看鵲起刷拭羽毛新

昔人天下任懷抱託於斯萬事惟嘗膽蒼生可察眉杜用

文章漢代遠經術宋儒師三百源流古君家事是詩

贈別張殿初張上海人向在幕

惠華溫栗珪璋比冰雪清詩更罕齊千里聲名馳海上
幾年巨濟借江西陳蕃雅榻叨參坐張翰扁舟頓解攜
不識相逢復何處白雲紅樹萬行低

亦廬詩卷之十九 宜豐草

亦廬詩卷二十

南豐湯斯祚行之

宜豐草

悼故室蕭孺人六首

痛君息竟絕鳴鳥交號呼漏殘燈影地冥默不顧余拊
牀聞無視啟衾寂無獻南首易堂寢哀哉簪長舒奈何
人命促不得少踟躕

一昨天宇和自謂神較好免息勉扶持榆悅北堂造顧
余赴公家不用縈懷抱如何永訣絕三五致草草余頃
儒學返之日
孺人即逝棺蓋一朝冥長夜無復曉哀哉搶地呼豈
徹重泉道

亦廬詩卷之二十 宜豐草

長男喜却來幼男勉教去孺人命志
偶歸應試仲男杳不知十載

巴蜀路子壻望之勤頻月通書疏平生兒女哀何曾偏

喜怒寒余性下急窮老櫻多故嚙嚙家人屬酌理情道

怒乘間君一言令余寬懷懷永失閨中朋良言今誰訴

阿兄前月至顧妹八百里天涯垂白聚十日相歡喜生

別乍逾旬死別長已矣計報幾時通殯殮無由視慚慙

一官寒不早偕耘耔石家橋畔阡碑碣猶淹俟魂夢夜

知歸還疑依外氏孺人請撰外父
母碑碣未果

暑候遞即遠七日豈來復哀哀陳莫空誰其知餐屬釧

珥尚在奩衣裳尚在簾不忍驗絨封痛心輒觸目嗟余

老拙宜計窮如蜩縮參貴人命賤坐視爾顛覆孤死不

正首望邱何其酷

嗟君實薄命歸我值陽九賤貧家不造一世牛馬走絕
裾忍再三浣裙勞左右兒女生長成萬事代無有衰暮
就一官攜爾露升斗誰知病損神心血坐枯朽駢君且
來馨君年已中壽子孫事即難羅泣異無後會當抔故
壤歸爾耐姑舅崇石即三生精魂長聚首

深夜傷懷

歌鼓連宵喧市塵空園無倚背城闌低簷暮色雲遮額
局閣風聲葉下津落月楓林村吠犬隔河燈火夜歸人
總惟深掩鑪熏元獨擁寒瓊倍損神

望僂兒不至

下盧詩卷之二十 宜豐草 二

穿眼樓窗曉寒心血灑空山霜一夜白林葉萬叢紅七
日哀臨阻三旬凶問通如何單瘠路淹泊尚西風

登樓

風颯霜空怕舉眸那堪孤鶴唳當樓逝波寒日催何駛
落葉西風慘不留萬物終然老去息此情難與死前休
已猿腸斷不知處衰杖徒陳渺故邱

仲男志侃阻
蜀山閣不遠

月蝕感懷

乖蹇數當厄陰翳平夜氣攢團靈中道失殘魄五更寒
天上虧還滿人間缺不完徒勞候絃管吹斷碧雲端

寒夜

占枝鵲並宿孤月自翻江山翠暗沈閣空聲夜落聽撥

鑪全地火近巷悄停柳旅櫬一燈對潛然老淚雙

掩關

暮林歸鳥盡落日遠沉山古榭孤違郭寒江對掩關
肝邑豈累魚目夜從鯨簫鼓中城徹華燈方未還

書懷

樽散寒瓊擁自甘斗筲容竊又奚貪饒他世上虎憑乙
假我書中蠹食三吟伴開情寄紅豆

吳日賓自筠
州寄詩見憶

扶老釀黃柑嚴風吹斷惡溪渡古井無瀾夢得酣

冬日因公迎候揆勝毘盧菴二首

前驅隨負弩得假暫幽尋梵剎半峰出叢篁古逕深結
跏諸佛相離聲垢一禪心慚對菩提樹趨塵方未禁

下盧詩卷之二十 宜豐草 三

直窮最上頂煙火萬家瞻雲樹通三楚山川竟五鹽日
華暄午景春意動幽潛雪裏梅花路扶藹認塔尖

歎惜

茂林依倦羽急浪駭潛鱗竟不畏侯杖誰教束甯薪小
孤防濡首蠶象致焚身歎惜夸毗子方將羿鼓頻

竊喜

拂拂梅花香撲簾暉暉曙日景暄簷未容人信義皇是
竊喜身便平吏隱兼萬事肯違心不許中宵贏得睡常
恬明牕淨几端披易盟罷親教篤耨拈

雪中訊閭齋病

浙浙聲飄幌蕭蕭風撼林五鹽無辨嶺一夜怪寒衾問

渡梅花晚憑闌江路深袁安卧起否扶杖憶相臨

次韻酬閻齋見懷三首

關情灼艾只君長奉倩神傷代典傷誰念孤燈風雪裏

鯨魚永夜恨晨光

談笑三千未了通饒他大叫注金孤但憑快意昨宵盡

那問今朝破產無

無著天親妙天屬異他北秀並南能維摩法喜歸何處

老就先生醉枕肱

醉妙

雪屋寒林酒賞村醺然得醉妙無倫酡顏晚教還少

盎背溫磨鎮負暄哀樂一生渾不掛浮沉半秩又何言

卜盧詩卷之二十 宜豐草 四

睡中猶恨不知飲纔醒須傳被裏尊

雪中過閻齋戲贈

太原公子楊裘來病去經旬尊斷開走就閒軒三尺雪

醉吟大笑半空雷死詩死酒更無計生簡生狂豈受裁

惟我與爾能有是自從相視何疑猜

雨雪懷毛雪崖戲寄

雨隔寒城倚牖多玉蘭堂畔幾時過清談不接長髯久

善病其如大瘦何愁裏參苓開藥裏眼邊梅雪又詩魔

禪心欲就佳序室何肉周妻戒定塵

胭脂梅

玉質顏顏異艷挨星星紅綴越枝南寒禽驟啄丹砂擲

白雪輕封火齊含道韞吟來膚薄點袁安卧起臉初酣
赤心一片先春照朱紫紛紛詎敢參

玉蓮梅

冰魂雪髓渺遺塵木末芙蓉畫可眞復采名芳驗君子
相驚絕代有佳人慧花香舌印來異玉井泉心幻出神

誰把六郎面比似瑰姿清徹陋非倫

綠萼梅

肯帶雲藍世外幽黃昏疎影上簾鉤點枝苔蘚瘦橫月
抱雪珠光寒墮樓淨擬鴨頭濯漢水醒來翠羽悵羅浮
不知萼綠華歸去仙夢能尋遍十洲

玉蝶梅

卜盧詩卷之二十 宜豐草 五

關雪清標何栩栩臨風香翅宛翩翩魂來莊叟夢中化
眞付滕王畫裏傳瓊粉不教蜂鬧暖冰姿直映瓦澄鮮
美人欲出香環珮林下亭亭悵玉鈿

題雪

揮霍元工寫太眞謝家兒女費吟呻曹娥謾許衣裳竊
越犬相驚走趙頻空處轉增高閣夏淡中最洽老梅神
天花瑞葉乾坤滿不夜光華照世人

臘月廿八春爲故室蕭孺人百日性醺率兒息陳

莫

即遠駸駸百日遙招魂何計返重泉梧楸淚洒陳今日
腰臘躬親憶去年缺月傷心看朔始窮秋彈指悼春還

蘭絲盡處眠蠶老天上人間一泫然

庚午元日 本年恭逢上

麗漢重暉旭景遲太平午運際今茲一人有慶豐年兆
萬壽無疆薄海熙南幸翠華欣指日西征金甲偃良時
帝光文治宣微末也擬卷阿附矢詩

人日傷懷

眨眼韶光轉律新霜巔難改老吟身早聞花外啼春鳥
不見閨中剪勝人涕淚倍傷食菜日窮愁誰伴著書晨
順生永記生前事飭斷辛盤薦五辛 金家立春日教日
例不食生福人則
自元日至
人日皆然

送陳潤生令尹給假歸衛輝

亦廬詩卷之二十 宜豐草 六

百泉湛澄泚長源渺輸灌使君飲寒清斐然輝汲冠鹽
嶺叔度來琴聲妙舒胖古柏廳事青白鵬萬息翰 老柏
交蔭每春夏白
為翠葉即施幾度灌壇天郭門雲雨散春露雷若空
冬冰凝欲泮以茲播慈明士林齊曰善顧惟薄植材老
備師儒選謬假班匠斤遂資歐冶鍛 承以教學
課相屬夫何長
嘯心回首蘓門盼祖張蒞岐途醺酒握嗟歎 聖代三
古斯文特炳煥明堂清廟儀待公作珪瓊立起霖蒼
生百泉灑無畔

腊日子婿鄧永茲至開春歸即赴京候補賦別

六載燕齊夢辛盤乍醉歌君顏新怪白我老重嗟多十
日又遠別百年能幾何丈夫有行役去去慎風波

歸去高堂慈遙知別倍憐養親非苟祿強仕復何年楊
柳春風暖關山客夢懸寒余雙老眼能待錦衣旋

高安道上

移移逆埃柳絲勾路入高安界畔新十里蜩螗轆車子
半村螞蟻聚墟人紙燈簇簇元宵近畫鼓鼕鼕市晝頻
多笑冬烘鎮開殺却教手板慶忙春

所居

門開面壘頽院冷背孤城野鳥呼雞食山雲與屋平截
谿木堰阻下瀨紙船輕誰識漆園吏忘機許鷺盟

雨晴即事

峭寒輕減林煙薄啼曉山禽送好歌社雨不知春事判

亦廬詩卷之二十 宜豐草 七

東風已覺落花多買魚沽外行人渡鳴鴈沙頭曳櫓過
為愛夕陽芳草路晚來閒步狎漁蓑

春日感懷兼酬一二知己 時友人勸以
經學應徵

騰騰午夢醉吟餘花謝心情鬱未舒芳草園林人散後
春風亭館燕來初冷官自西無長策知舊誰煩問薦書
轉得頭銜轉頭責馮唐白髮久凋疎

春日徐甫田東齋攜酒饌招同諸公遊飲蔡氏水

亭

日華雲釀樹光和郭外青山入眺多不用看花煩主訊
儘攪醉酒從聲去君過塢桃待客春留醫林鳥親人晚助
歌自有亭臺頻閱歷徐公城北美無他

風雨遺悶

女夷無力百花飄十八封家勢大驕眼見激湍修過顙
心猜暴雨輒終朝流雲渺渺觀清漢瑞露濃濃遲暮
霄只有詩腸憑鼓吹放懷長與酒杯澆

春進值雨次韻

桃李園空可託譙且看春在步同遲主張山水伊誰待
變幻乾坤本不知八面催花教擊鼓百壺傾酒豈停卮
風雲一霎兼流散渺渺長江對詠詩

暮春招熊為城覺軒毛中翰聞齋徐東齋

明經雪崖何封人浣村廖司戎力臣袂飲南屏
庵分得南宇

亦廬詩卷之二十一 宜豐草

為愛南屏渡更南酒餅茶臼滿行擔新陰綠樹週遭合
午態青山懋對舍三月落花春正暮千秋勝引樂從湛
永和年記蘭亭事刻畫今須視昔參

亦廬詩卷之二十一

南豐湯斯祚行之

宜豐草

暮春傷懷十四日屬
七期生晨

絨裹春愁臥漆園重陰黯黯晝疑昏麥黃水漲看初度
花信風更已廿番旅櫬未歸寒食淚空山哭斷杜鵑魂
其教奉倩傷驚骨且效莊生醉鼓盆

憑軒今春穀雨後始聞
雷故有第六句

宦情無賴病文園溪漲晨朝汲水渾穀雨桑林鳩婦勃
麥風萍沼鷓鴣翻春歸只許留三候雷奮纔驚第一番
愁見落花江上寂萋萋芳草獨憑軒

亦廬詩卷之二十一 宜豐草

暮春同毛閣齋散步近郊

花林日寂靜春熙坐去迫猶有同心人青郊緩聯屐雲
光落東嶺村日半棠暮田家犁耜興溝水流激激曠望
忘登頓幽叢屢經歷芳氣襲衣裾可聞不可即乃知高
世士希淡抗遐蹟明德自流馨俗世安能識默默領此
意余汝視莫逆

春日何浣村訂遊昆廬菴濡滯不果詩以速之

昆廬春花已狼籍昆廬春望錦綉釋昨宵夢與此君遊
吟嘯琅玕影千尺君情早訂昆廬遊逝水春光眼見休
即今一刻春還留失千金價誰能求急急相追禁豫猶

次何浣村出郭韻

花謝空臨曉鶯啼急送春臥看桃浪捲愁惜柳陰新對
鏡傷孤影登樓愴別神物華行部整素爾從去光人

割瓊

甚矣一無術龐然大有餘弁纓原土木簷簷豈詩書敢
以儒為戲習知奇可居割瓊吾自愧長此慎相於

新夏

無定陰晴卓午暉黃梅迎候雨霏微恢台夏始新網立
受謝春遙昨令歸芳草池深薏聚重落花闌淡蝶留希
頑衰只笑痾瘳丈似歷株拘老不違

首夏有鹽嶺西二十里之役往還一路風景淑清

因憶浣村昨陪李明府歷郊省勸必有雅製以

亦虛詩卷之二十一 宜豐草二

倡導豐亭作詩訊之

曉踰鹽嶺渡鹽溪有象豐亭縣郭西雲樹數村煙火出
冰田千頃稻秧齊雨教清路疎疎點點鳥為催耕得啼
想到農桑陪省課幽詩昨夜入新題

題閨齋虛白樓次原韻

桐巢枝末巧經營四關牕疏天籟鳴生白與資堅白論
課虛直任太虛擎捲簾山水妙心性倚檻鰲魚真物情
自得倜儻倫所好笑凌倒景戲玄清

次和何浣村陪李侯勸農四首即簡李

蟄雷驚作始夜雨遍郊關四月人閒少三農令首頒
棠陰古社白鳥點青山迢遞風光滿桑田路往還

田鼓雲中答暗暗布穀催長官新戴杜少府舊資梅體
國民天敬為邦物土開熙熙羣孺雅竹馬埃亭來

壺漿易德澤撥使効歌初成理堪懸棒權興正下車梅

風輕偃處秧雨綠全餘要取夏苗植螟稂務去除

六龍所巡次明 幸大江南越瘠誠求切匪風進繪參

侯疆觀辟四 聖慶下施三井日豐亨連秋林社飯酣

同邑李篁穉招飲筠州西郭

石橋西渡柳陰垂背郭招邀遠不辭尚聽醅酬勸斟酌
晴論鼃龜為公私維桑與梓加恭敬問舊懷賢集喜悲
坐見江城浸江月鐘聲相送步林遲

斜橋舟次

亦虛詩卷之二十一 宜豐草三

斜橋雲物好麥氣湛晨清老樹千章陰時禽百轉聲
花風信罷桐乳露紋繁消長江谿路官舟幾日行

喜雨

駸車雲簇起應候雨奔騰慶園家相慶琴尊興與乘晚
林村裏鼓落月岸旁燈夜坐空亭寂涼風體不勝

夏日園亭臥起戲題

臥餘池館機陰清絕稱閒官寡送迎草長居人迷故路
日高啼鳥換新聲白肥蔭葡萄肥碧逆綠大芭蕉掌扇擎
學幻真嗤考成于此中冰雪足平生

遣興

代交不斷物流華寄儔園亭心迹遐金杏雨餘酣旋子

石榴春老臥開花藉糟醅從翻漢算海茫茫詎因沙
世事逢場聊作戲人生何處定爲家

爲閻齋題畫漁樵耕牧四截句

月暗聚蔭蘆晨光和鷗鷺得魚沽酒還觴亂無行數
腰斧入白雲雲深迷伴侶落日會前林歷歷林下語
牛力足飯新銛來酣坐土幕簷解掛開家人相勞苦
跨背散村光其樽耳濕濕扣角滄浪歌夕陽歸負笠

夏日閒居值熊覺軒毛閻齋同過

日永天臨閣門閒草長塔蟬聲厲高樹宦味冷空齋虎
鼠何心隔溜通重性乖園亭邀二仲畢景共舒懷

雨中李鶴軒招同諸子集問渠亭次閻齋韻二首

亦虛詩卷之二十一 宜豐草四

怪君真好事病起奏何方文字交偏熟號歎體詎凉水
亭聯肅咏慢雨急壺觴知有人傳去胡盧又笑狂

冒雨人同興懷賢水一方八牕空暑氣六月作秋涼談
笑吏兼行輸贏碁並觴蹇何漸履缺坐發牧皮狂

齋時

六月望日招熊覺軒毛閻齋李鶴軒蔡槐園李敬亭集四春園次韻

亭集四春園次韻

愔愔酒德閒琴心動處觀棋識靜陰天入水齋疑輟暑
人成竹逸迴棲林座共嶺雲生檻席同潤山雨過溪樓
欲沈誰道康駢談更劇夜明驚虎嘯龍吟

熊覺軒招同諸子集竹園閻齋投詩以脚齋辭次

韻謹之兼訊

竹裏楚然聽到園滄浪濯取自關翻枹成在感原爲淺
路盤於公匪所言風入蕭蕭踟躕坐雲生步步履堪援
遲君鐵拐籍中註把臂林前笑語喧

熊覺軒招同諸子集竹園賦贈

爲城縣尹性行方老健不樂居官場揮數千金了官事
陶潛故里歸倘祥竹園傍郊擬五柳矯矯龍姿萬瓊琅
伏天赤日不到地清陰襲我骨毛涼衆賓羅堂奏衆藝
書畫棋妙鳴琴張風聲竹聲合冥迴天地籍疇端詳
遠峯一塔文筆卓近檻數畝墨池汪怪底文孫器徵重
妙齡勃窣清眉揚爲城爲城公悠長善慶百里廉仁當

亦虛詩卷之二十一 宜豐草五

况乃靈傑應符券必然此理基機祥雷雨弗迷歸路康
衆賓且聽歌滄浪滄浪之水憑取將瀕行合止爲公商
簞皮亭子縛中央玉龍添韻秋聲鏘月出從公千萬觴

次酬漆達菴二首

瘦翁儒行九家間藜杖春風醉處板猶作商歌過槐市
側簷巾子認方山

長桑訣說通幽藏甘石學傳推大圜我老無心計歲縮
問他刀七駐顏顏

毛雪崖見惠雙魚賦謝

四腮呀呷尾雙銜銀雪鱗新網出凡笑想三鱣謝彈鈇
多情一頓飽貪饒

蔡漁谷得驚悸病每夜卧耳根若有人呼之醒則

愕然賦詩問訊

是誰噩夢攪華胥蔡少霞呼漏點疎學取至人無夢否
曲肱中枕問蘧蘧

閨齋脚瘡久不出作詩嘲之

英雄捫處有所託將軍割後自能伸怪君蔡智不如甚
馬語教通却怒嘆

贈李敬亭

李子堪為俗骨砭雅能衆妙指頭拈琴聲帶爽渺神智
畫格通書高簡嚴竹館清陰移晚晷水亭涼雨破晴炎
一揮老懶從人恨酸蔑交言却未厭

亦盧詩卷之二十一 宜豐草六

讀隱樵上人西廬詩滙感舊賦寄

心夢廬山轆轤轉憶四十年道侶善幾人社訂白蓮續
閱秀峯心木瓜尹余遊廬山契秀峯心木瓜尹法師我似宗之正少

年瀟灑顏紅雲髮髯功成濟世張邴期長揖歸臥志宏
遠余詩有濟世功成放浪郎汨汨白頭就散微妻兒累

墜塵鞅綰臂然心寂尹不知九疊屏懸負慚報昨宵有
客造門來手攜隱樵詩滿卷逼之光欲迸摩尼悅之味

實遺疏荀宗派西泚法正傳面目廬山真詎覲心師尹
友邈源流我既感愴情復衍君歸舊業定何時聞荆榛

徑莓牆鏤上人詩有匡廬拋舊業早曉開荆榛之句贊公土室已公茅杜陵
陽岡仗君選三笑陳踪事莫論二老風流傳未晚作詩

寄君就君盟我神已駕君無緩

頃讀豫寧盛水賓詩喜其情至適檢案值天若有

情天亦老之句因拈發端足成四韻寄之

天若有情天亦老我歎多情盛水賓無賴春思還秋思
耐可懷古重懷人海東青宛絕神俊日下鶴應誰等倫
西風彭蠡鴻鴈至思一見之吟白蘋

日午聞促織感懷

絮絮依簷隙幽幽哽日中幾時侵白露一院警西風誰
復衣裳綻虛催刀剪功寒瓊最感激休吊夜牀空

秋日同諸公過飲蔡非池有斐亭留贈

竹裏相攜步屨遲青峯入閣坐銜危秋花眼饒雲千態
亦盧詩卷之二十一 宜豐草七

時雖冠寒水心清鑑一規王內史邀頻換帖回山人過
合留詩憑君拄笏觀寥泬世享茫茫那復知

庚午南城余某過署尋歸賦別

冷齋觴酒再論詩憶別真憐雪點顛世不相知難足料
君猶未老且安卑黃花錦水臨秋路舊業姑山閉戶時

吁上白雲日舒卷呂南公伴合追隨

初秋往還天寶鄉即目二首

曉霽流雲薄秋清縹緲暑刑輕煙疎出樹小徑曲穿山樹
竹林密蔽畝田硤礪環橋迴散村落平遠豁心顏

閒心隨耳目幽意傍樵農鴉落驚危石點石境然欲落土人呼為危鴉
石虬蟠愛古松人情趨習尚官事稱疎慵鄉國雲嵐外

悠然見一峰遠望雲峰絕
似吾鄉荷竹

涼秋獨酌池上

空亭殘暑退默念坐跣趺池上涼颼來洒然清我裾靡
靡檻前草寒露相濡濡月氣湛空水幽聞古桂敷水深
魚潑刺得意忘江湖人生貴定分泰至何營謀嚴岍實
崇峻崩陷歟已虞薄薄尊中酒取醉聊自娛顧影月回
照觴盡繼以壺

亦廬詩卷之二十一

宜豐草八

亦廬詩卷二十二

南豐湯斯祚衍之

宜豐草

丹桂

搖落驚時遽丹心晚向榮天風吹正遠雲露滋逾清玉
宇秋中影銀河夜半聲無人拾種子香月步檐楹

拒霜

薄醉臨風雅輕妝傍晚晚宜洗心盟白露鑑影湛清池高
館迎涼處秋江返照時紅顏務春好誰識拒霜姿

霜菊

林花總零落籬蕊獨疎疎森高格何人傲秋山倚杖臨傲

亦廬詩卷之二十二

宜豐草一

霜非有意應節自輸心春色不相待西風怨豈任

秋蘭

空谷原無慕誰傳空谷音秋風王者思湛露美人心臭
許同巖桂聲應瀉玉琴楚歌重采采匆匆佩蘂幽襟

雞冠花

天雞豈受樊籠鎖幻出秋花雲朵朵養成木德寧關爭
林下何妨冠帽譚笑他五色不自存離披空向馬前墮

蘆花

西風幾夜鹽洲步蘆花如霜空鴈度明月記宿潯陽江
感慨匡廬矢歸路人笑蘆花早白頭白頭人笑微官誤
余舊別潯陽有歸來我自存
顏色不學蘆花早白頭之句

老來紅

花弄青春春浩浩霜落花林春似掃賓鴈南來帶海霞
和日烘上孤芳好人生贏得老來紅何事繁華矜驚早

蓼花

水蒨花開蘆藏鴈垂穗小紅珠弗弗十載蕭湘遲暮心
辛苦寒波秋重見引共幽人池館清霜天令伴菊花讌

遊詞派閣齋韻

木葉夜落閣風高甲子冬迴遡大撓若復逗留留斯提挈
楓柏於矣何須醪日者詩筒矜嚮答欲令坡老避錢豪
夷門監者今又至謂浣村石門遊可追前遭排當酒饌吐
嗟爾詰朝莫待霜披臯

曉思

亦廬詩卷之二十二 宜豐草二

寒燈耿耿燼嚴柝罷城隅起坐夜涼共河漢韜天衢春
露被百草榮澤纔須臾蘭艾一蕭槭凜霜戒前除後庚
續先甲昨晝今已徂今日又明日日日如追逋有物長
上古無終幹厥樞橐索天地籟憑一吸一噓誰能襲氣
母登彼崑崙墟肆偕之不老外此郭郭膚月沒蝙蝠入
我懷行悵如

登鹽臺書所見

我懷無由騁登城復上樓樓高山障之迺陟鹽臺邱紅
樹晚寂歷江山四望週誰知備閒散一臥成六秋遙看
帶日鴈高鳴諧匹儔老鶴戢雪翰獨立吐中幽白鷺性

匪白同羽不同修側身還却顧似欲防鷗鷺誰聞九臯
喚對之長歎

君不見一章簡閣齋

君不見河湟之水流惡穢清濟入之橫不匯誰從信待
一千年盡是揚波泥輩莫邪爲鈍鉛刀銛服艾盈腰
蓀不佩君不見古來聖哲不能歡醺醺糟諧衆愛是非
流俗君毋怪

頃閣齋贈人有癡絕襄陽羊叔子風流多寫峴山

碑之句人謂余此元凱事非叔子何錯誤若是
余曰詩家有趙文順韻一道未許膠柱此類昔
人儘有姑舉唐高王二公使衛霍事言二公豈

亦廬詩卷之二十二 宜豐草五

讀兩人傳未詳晰者而詩具後云云誠使靠實
隸事詩致殊減故不嫌遷就此惟解人能辨因
作斷句二章釋之並質閣齋以博听然

衛霍分明傳紀殊豈真錯逆學孫吳若教口實滋羊杜

應笑支離高遠夫不學孫吳史記漢書本霍事高詩却云李廣從來先將士衛青未肯學孫

吳

衛青不敗由天幸不合詩人事不區畢竟平章泥羊杜

更嘲摩詰大糊塗不敗天幸史記漢書亦霍事王詩却云衛青不敗由天幸李廣無功緣數

奇

送蔡文五大使之任蓬溪

朝衫北帶日光華西望蓬溪泛月櫺意氣舊聞傾四國

風流新興播三巴蜀山冬指千冰柱正峽春回萬錦花
兒內史能裁闊狹實人應仗課無加

冬日園居即景十四首

黃葉

清霜重信宿黃葉零如雨落日渡邊明歸人林外語

巖霏

際曉起鈎簾南屏觀面失初日淡巖霏樓臺影半出

山雨

山雨過迴溪溪煙瀟絕獻行人煙雨中濛濛辨笠纖

邪許

楫杜堰偏流流激不容禁日中邪許聞扁艇連挽上

亦虛詩卷之二十二 宜豐草四

水碓

停午步園池日寒山轉寂小雪夜添流村林春碓激

古渡

蒼然古渡昏高閣殘陽半一一濟渡人遵途魚龍貫

漁舸

喧聞紅樹林漁舸盪潭日無數水鷗鷗銜魚沒復出

松火

四山黑夜遙弦月西巖隨不知楓岬林誰照松明火

炊烟

朝暾樓櫓紅炊烟起林薄黃犢放南阡農家霜稻穫

池光

暮烟鐘磬發樵牧半依村棲鳥寒枝外池光對掩門

飛鳥

朝看飛鳥去暮見飛鳥還試証空山空飛飛者自閒

寒鶴

鴉鷗晨噪煩鴉鷗夜嘯惡松柏蔚然青相依見寒鶴

青林

巖壑資隱搜不覺百靈呵夜泣聽青林將無鬼胆破

一、綈几

蛭雞妙蛻伏鴻燕一託寄綈几見逍遙遐哉漆園吏

至後喜連雪應節次和閨齋

陽至後三白盈除瑞應看悄凌蒼柏迴瘦出古梅寒萬

亦虛詩卷之二十二 宜豐草五

壑凝飛瀨孤舟守舊竿嘯歌冰澗曲得伴碩人寬

雪中即日四首

冷齋更雪閒高牕眺以立不知歲欲闌但覺行人急

簷冰劃斷增饑鴉乾啄木雙烟凍不流雪林局古屋

山河萬里空羣動何處所凍羽戢寒條襦袂困三五

雪屋偃斜枝老梅疎欲辨寂靜萬花林天心朗然見

庚午冬日門人譚吳以過從少憩復往贛州感別

悽愴江湘聚散情艱難相見弟連兄時乃弟建以范張

最感垂存余留京不及奔奠遺適猶狀並老成鹽嶺

雪牕寒曉晚贛城春館舊逢迎憑將忠信滄波涉十一

灘高負米行

送熊式金孝廉公車北行

領袖江陵地望標世家大理署名義疏學見光三禮
通略文堪續九朝白鶴載鳴深障澤儀鸞齊傳慶雲霄
輕軺驛路梅花月天到皇州春色饒

送范郁公貳尹量移玉山

貳尹萊州人先任貴州正安銅仁等處

魁傑雄姿鶚掣籠起家滄海日華東黔中再紀安蠻績
江右三資攝縣功尊酒官梅催臘雪雲帆津樹緩春風
松廳好闢和光滿懷玉山娟曉黛融

簡李任齋令尹

雪花三白應時旬偏廬民依豫策頻時偶紳士相繼芝草復占聲新邑瑞宋令郎公治新昌重芝產崇陰舊編於便坐黃香直為之

亦廬詩卷之二十二 宜豐草六

古田春先帝詩中辨眼兼犀燭琴裏閒心看鷺馴潦倒
鄭虔居太簡却逢廉范辱知親

贈沈述谿貳尹

山春昨夜透鹽臺蜀錦江船畫楫催雪鶴羽隨官綬至
玉梅香拂縣廳開一行吏借匡時略八詠家傳作賦才
坐見松陰成對樹長風自有鶴飛來

毛閣齋臘日餽蘇州免維蟹雀諸品賦謝

食指驟動自忖量世界異味何緣嘗毛公朝來貺新品
姑蘇遠致殊承筐脰鳬脰短卧筐光斑斑文雉父如張
二十四跪八盤長鈞輶郭索筐中央臍團擘理通中黃
況乃膩黃小綿雀藉糟醢窖製精良廣文先生飯蘿荒

樓閣望近清齋忙十日肉魚相送似臙羹頗厭覓蒸腸
食經凡近公一洗如罷目觀波斯藏拜受顯若盟而薦
視餽車馬都尋常錯刀三歎美人贈愧無以報空旁皇
元旦朝賀雪中豐樂有象恭賦江南望 幸四

十韵

朝參嚴五夜鷄唱問闌間 帝座蟠螭嚴官聯序鷺循
無疆祝 聖壽有慶賴 王人瑞雪盈呈尺无陽失播
釣周郭梅訝國比屋玉成國鏹對巖雲接玲瓏浦樹遵
桃符門榜簇柏葉歲就新運泰剛逢午時豐樂建寅緬
維望 幸切恭具億安真日月光華旦乾坤錦組春龜
龍負圖識蟠公獻珠蟻聞說諸名勝增華絕等倫鬼工

亦廬詩卷之二十二 宜豐草七

陰設縮天正巧營伸舸艇黃龍集旂常白虎踐行軒金
了烏帳殿繡麒麟排浪玻璃瑤瑤瑤瑤瑤瑤瑤瑤瑤瑤
戒車戲僂童陳瑤瑤瑤瑤瑤瑤瑤瑤瑤瑤瑤瑤瑤瑤瑤瑤
幽枉地穿垠役使兼羣動鞭笞到百神顧惟崇典禮壹
是播絲綸法 祖由他日承 天敬此晨霞飛飛氣象
撒漬待精裡吳越車書統東南貢職均最多靈傑數第
一獻文齋星野全分斗江山蔚拱辰神阜連鴈齒古蹟
聚魚鱗大角臨淮海招搖帶浙閩經涂遶蕩蕩光甸辟
勺勺菑冷隨堤視心懸禹穴詢千花明遞驛萬柳陰通
津芝益流菑菑驚衛約隱韓省方稽叢制輯瑞應時巡
得木宵清路如酥曙灑塵樹侯原體 國設教特觀民

政俗維奢儉偏隅屢病貧禮加徐孺子秉載葉清臣壯
念三加首衰慚七尺身蒲編託盛世樗散沐皇仁
聽聲詔參扶杖爲儒老濫巾書言懷左史作頌謬崔
駟圖畫程王會婆娑竊搢紳

立春

青帝東臨木德榮蒼龍精戒旦郊迎逢年人兆三農占
積雨天開一日晴題署也隨官榜樣攤書不忘聲几箴
銘衰顏頻解雛孫笑丙孫育釀就黃村春滿觥

送黃漢人歸養黃工

江夏知名懷抱據眼中流輩一崢嶸美人烟水閒心妙
傲吏風塵宦意疎岐路柳青握別晚板輿花暖奉歡初

亦盧詩卷之二十二宜豐草八

吳雲倘觸鹽臺思尺素頻絨慰起居

次和申南畊韵

梅影

顛倒疎柯半壓攏角聲吹落畫圖中珊珊魂魄來仙媛
全脫胚胎上雪宮林下黃昏斜帶景夢回清旦悵臨風
最憐處士孤山宅水淺池塘新月隴

竹影

叢上牕疏閒窈窕散移臺沼默參差溪邊逸對翻身出
林下賢隨幻相窺老我驚顛綠玉杖阿誰妙寫籀龍安
森然與可圖中思月落空庭萬尺奇

菊影

丹楓庭院晚香翻三運新霜相映繁林月陰疎秋淡遠
竹籬光散景黃昏餐英信落風爲把擷蕊疑空露帶痕
懷望義熙人去遠壺觴滿引酌花魂

松影

十八公身化作奇蕭然要解舊官儀山空月落龍疑蛻
夜靜林翻鶴欲移白石清溪深杳杳夕陽嵐嶺半離離
長風絕筆天然貌神妙端從韋偃窺

亦盧詩卷之二十二宜豐草九

亦廬詩卷二十三

南豐湯斯祚衍之

宜豐草

賦得石磴瀉紅泉

限用紅泉二字韻

絕境靈源開榮光瀉磴紅層雲訝飛電數丈掛長虹濯
錦江支別桃花汎派通石紅涵紺雪湛映慶霄空
亂沫丹砂擲重巖絳帛懸灑來成瑞露響處答朱絃白
石含偏麗晨霞影更鮮自應感威鳳飲啄集神泉

鳳山雨霽貽諸同事

鳳山綠樹清天入江樓雨晴曉色分張筠嶺翠
日華浮動明花飛馬蹴高路春盡鶯啼南北城

亦廬詩卷二十三 宜豐草一

鳳山夜懷

雨霽鳳山晚連林紫翠重廊空新得月江靜遠臨鐘人
事多翻覆交情閱淡濃夜來清境絕花露灑疎胸
天宇清 宮殿雙城息市廛栖鴉翻古樹水蛤吠新田
春惜奔趨盡官慚俗累牽超趣臺畔宅松檟憶年年

從閱騎射出郭即自感懷

日白逢迎手板持又從郊郭同驅馳驚啼楊園春無賴
花謝筠城黯不知汀草長林青渺渺暮錢寒食白離離
殯宮歸對棠梨樹麥飯何人奠此時

從閱騎射

綏纓靴褲遲聲晨暉插矢關弓馬似飛山意環承使者
面楊花飄颻射人衣書生陪從慚何事武將傳呼大有
威江上晚霞雲錦散角聲吹帶暮鴉歸

斜橋舟次

輕櫂綠萍葉點溪鷗鷺舡傍柳陰西多情黃鳥聞關時
無緒班鳩急切啼千古文心默質對三春官事了勾稽
閒軒歸去狂呼酒爛醉芭蕉葉自題

小利害

時賢各才智道合相因依當其和同甚為謀率秘機或
附耳抱頭或把袂攝衣誰知小利害背面相乖違
便便智慧者應接計云多一朝小利害魂喪易中和畏

亦廬詩卷之二十一 宜豐草二

首復畏尾身其餘幾何

筠陽滯雨感懷

黯黯筠城暮蕭蕭錦水寒宦情雲葉薄花事雨聲殘絨
裏文章易低摧項領難東風作狡獪牢擁舊氈單

繫船

萬象畢春顧盼邀東風駘宕百花朝桃安笑媚專工醫
柳質姸姸那護腰白鶴青松雲嶠晚高山流水玉琴超
慢懷人物荊州論碧落峯前笑繫船

杜澹園書來感傷老而不過且為艱嗣忘家室志

睽寄詩慰之

眨眼同齟齬飄蕭素髮垂此生行復幾萬事那堪思寄

問石君美興懷榮啟期老余昏忘集只有日吟詩
曾默誰憑料胚胎理易常蝦蛇翻作孽破鏡豈為祥但
保殘年健莫教至性傷景風花裏好珍重滿壺觴

酬贈漆達菴

大箇高門姓簡通支離拐杖醉歌中榮琴自鼓便聲三
樂麈技周觀笑五窮霜電經天都志教風濤匝地定資
忠惠莊濠上重還往冰雪何論畏日烘

得家弟教授為之書寄示近刻賦酬

清嘯齋清嘯宛聞廉泉酌取日昕曛駢羅經貫劉中壘
蒼粹書編鄭廣文舊夢重提袁領雪為之教授袁州時
某還往宛期寄詩
有半夜秋風生下蒲隔年寒雪新絨喜拆額江雲寸心
憶西村之句來書中持取及

下虛書來之二十一年宜豐草三

自許盟千古雄飛莫復云

輓李鶴軒明經

一朝千古竟如斯末俗何人肯自持冷眼看君貧不取
素心於此今相知交親正訂重論地邂逅無端永訣期
君歸適余未值邇邇城北偶訂翌日同毛
君歸適余未值邇邇城北偶訂翌日同毛老母幼男須
料理西風門巷使人悲

下榻鹽城眼即青春風歌詠遍南屏雞壇老子漸推附
虎觀雄名早滿聽余入成均君先數
月朝考出京恰喜強神勝平服
政君今春五月初
度舊病正愈如何齋志負明經芙蓉館主仙才輯
應就當年石與丁

早甚陪構次韵

為民請命百神千儒素履從改服冠忍見野人傳餓死
誰投畀父廢晨餐黑雲興曉旋銷漢畏日中天轉倍盤
竭蹶桑林期感效畢箕星夜起頻看

初十日大雨詰旦從同城官謝壇作

亢陽閤五酷如燔忽睹簷泉萬瀑奔夜喜涼颼生衆賴
曉傳青稻起千村但從祈報公私今實荷成全天地恩
堪破巫風趨野誕擊潛封廟議罷喧時有議封神廟
打龍潭求雨者

賦得玉壺冰鑑懸清秋

玉壺朗朗中外潔冰鑑空空洪纖微況乃天高白日晶
萬里無塵清境絕壺光秋景一澄鮮鑑影秋輝相映發
此時毫髮憾無遺百類精華歸澡雪

下虛書來之二十一年宜豐草四

申南畔將歸姑蘇屬荔支圖率題長句兼志別悰

南畔曩客閩中吟生荔支思奉北堂不得圖此

歸博歡笑及太夫人逝對圖感慕見於題詠不

忘

殘暑秋亭困熱執粵雨閩風颯驚集側生欣見荔支駢
海山仙人絳羅濕賢君一物篤恩慈天涯圖畫言甘思
白雲望斷圖不掩髮蕭刻形對侍時與君歌厭性想入
相遇剛新別何急思君重把荔支圖別君三咏白華什

奉簡趙元任先輩時掌教陳
章書院

儀表人中仰歸然不親聞道幾多年花城舊戴鍾林處

皇座今尊董廣川豫木千尋培 國幹章江萬頃瀟文
淵辭香一縷南豐在滿把風流付後賢

辛未秋重訪王殿邦章門寓居

所居近市心偏遠門竹籬芭拊井闌持素通宵珠斗禮
焚香清晝道書看別思前度蒼顏改吟把新詩老力彈
十七年來幾興廢重論肯放酒杯寬

章江阻風

憲府六年趨候命滕王高閣擬登更平生悅對西山真
况茲潭寒潦水淨豈知風霾起障天隔面青山不相証
晚來惡浪苦顛翻客夢孤舟夜難竟不知龍睡醒何時
坐令鯢鼉鎮作橫

亦廬詩卷之二十一 宜豐草五

辛未仲秋過萬霖作師上高學齋叙舊抒情賦贈

萬教諭南豐學
余時在諸生籍

廿載經師弟子行冷官相顧却同方馬融近尚顏如渥
將醉先時鬢已蒼春雨筠城宵肅事秋風桂榭晚披香
梨花論許年前續玄著超超月入觴

輓朱惺齋即中

白雲司憲失秋網一夜西風颯瑞陽三 詔分衡文眷
篤百年清業相門光燕山月下懷明德鹽嶺花時重報
章頌承及嗟歎龍蛇厄歲會吹簫磨鏡阻倉皇

送何浣村奉公浙省便省山陰里第

楓葉荻花早戒塗君情合獲上心乎十年莫笑老監押

兩浙金甌會轉輸由木剡塔遠賦杓秋風去尚及尊鱸
會知勾當吟懷暇囊錦回開滿質吾

辛未初冬梅長樂怡園重過西齋辱詩次和

紙繪芻蕘閱陳陳無定宿陰晦曖頻表益近來惟 坐
巨卿別去復何人山仍對面顏非假月正當頭話愈親
萬里晴空鑿披豁蠟殘全倒壺中春

平生莫醒際天愁韋佩無能也自慚君永懷霜清露湛
我何心轍北轅南一行吏作智囊補千古功加詩魄擔
快指雪屏續勝概鹽溪重與渡樓警

郡中公暇蒙郡伯陳公留飯諸同寅復連日相邀

散步鳳山諸勝

亦廬詩卷之二十三 宜豐草六

扁舟十日繫郊關言笑叨陪尊酒間連襟重循赤土坂
看雲迴立錦江山黃花節應都舒岸紅葉秋高半下灣
退食同公託所事大夫賢與遂清攀

雜詩四首奉簡沈泊村郡伯

物有臂當車整粉悲一試人有血射天汚饑噬連甕俯
仰大圓方有萬焉倒置秋老百泉清鑿鑿白石礪靈犀
刷罔罔面目真相視繫虎豹陷阱奈何孤狸恣

蜂蠆尾藏蜚虺蛇口肆毒鴟鵂化為鵬萬事相倚伏驅
歎入棘藩歎急抵應感逐犬走窮巷犬急噬防速借問
朱伯厚已亂將無卜所以不惡嚴君子事三復

天地競奢華暖氣逼潛蟄豈惟挑杏花相爭媚原隰我

觀霜霰林萬紫颯然戢聚聚玉骨梅芳與白雪習亦有

空山松磔何相麗立但令輟其冬此情誰復及

龍身寧久藏虎氣必騰上杜君看巖下雲鬱鬱時舒放

豈言夸約股甚幸拯馬壯拂彼若木華天光登曠蕩萬

里平康循清飈破北塊慎言尊酒歡古人用晦養

毛閭齋中翰招陪沈泊村郡伯登南屏山眺飲即

席拈韻示詩次和

蒼崖石路不支藤萬舍平臨一嘯登為從仄醉翁遊賞

得玉壺春凍那辭朋

若耶溪水渡採藍雪嶺梅花索笑探勝擬春風問羊杜

依依故亭漢江南注遊楚從襄漢二郡伯登現山有溫和

亦虞詩卷之二十三 宜堂草七

緒風欽與破玄冥愛日暄如宿醉醒狂並毛萇賦詩罷

幙天席地更南屏舊與開齋公此有幙天席地一長前水靈山登鷲瑞講之句

支離肩頂笑顏顏著意宣城韻與琴傳取他年佳話好

風流伊古謝家山

從沈泊村郡伯言詩

別派遙宗魯風流近振吳山河周兩戒文物控三都古

有胸填史今堪掌示圖寸心并平介一魏闕與江湖

山雪寒城霽鑪鑪日幾巡書囊探靡底義海涉何津落

月投壺雅馳箋叩鉢神武康傳著作萬一後芳塵

別梅怡園

君來未匝月聚散萍漂流君別念三載後會難重壽人

生百年內憂樂經與糾金石有銷毀逝川將焉留尊酒
莫辭薄行當誰勸酬飛鳥復何所竟一夕綢繆丈夫貴
相照不在形蹟稠胡越起接膝肝膽成阻修慎保無疆
墓為不朽謀去去莫復懸天地一同舟

亦虞詩卷之二十三 宜堂草八

亦廬詩卷二十四

南豐湯斯祚行之

宜豐草

頃攜酒泛舟招閭齋陪沈郡伯西郭遊覽辱詩次

韻

破雪江春透晴嵐益欲流山邀謝傳展書載米家舟華

館誰長主時散步茶氏園清歌古即儔泛虛隨所泊真

作御風遊

陪沈郡伯過飲閭齋桐巢書屋

筆牀文几淨無埃從到桐巢坐不回幽徑自來凡客避
名花合向上賓開哨壺枉矢歡追古芍藥驚鸞異取材

亦廬詩卷之二十四 宜豐草

捷鬪新詩巧應手畫蛇著足笑非才時帖詩牌

送別沈郡伯四首次原韻

熊軾下江錦莎廳藝晚蘭懸魚一郡肅隨鹿五鹽歡王
與蜀安珍屏同燭湛寒寇公留不得維棹擁溪滿

為政無留牘攤書多滿牀師資能有幾怪變出非常天

淨秋臨者江空月照廊太虛何所滓雲路首高昂

鶴啄朝雙鬢鷄栖寄一區寵臨扉白版慚繫馬青芻雪

嶠巉蒼柏冰池守浴免古人斯可作吾道不終孤

公去青山在朝端見舊遊面真初不改身等又何愁客

散孟嘗館詩存謝眺樓塞鴻高望宵春草閉門幽

題閭齋古石山房

鮮花刊半出全身兀岸支離認始真古貌宜君揖此丈

無言於世質何人暗泉絡趾風清夜露竹抄顛月落晨

為笑羨溪煩曳置一卷天放妙輪囷

贈毛雪崖時沈梅二公先後留宿寓

富兒只解醉裙紅天下如君幾輩同捫腹書期死不負

君常云急須讀書君腹死始不辜琢肝句就病從攻高軒屢過遲留去

夜雪長歌藥器空最愜鄭虔吟伴老陸家居占解西東

送王漢章教諭歸峽江次韻王以內艱歸

錦水東風桂權飛旗亭厄酒愴依依江干雨落花兼落

天畔春歸君復歸馬季長留筵樂在何平叔去座玄達

白雲夢斷松喬挺珍重扶鳩侍寢闈

亦廬詩卷之二十四 宜豐草

寄石帝臣教諭贛州

刺字花前平把操鬱孤臺憶月輪高先生今日徂徠重

中允當年詩酒豪萬里滇黔省魚鴈三年章貢隔波濤

霜顛老向春風裏笑問滄溟掣巨鼇

送葉明府回任清江

保障才經久播聞家藏錄海本殊羣花城春接喬隆慮

玉宇秋臨范史雲班馬驟嘶芳草路居人重擁大江濱

長思閭皂峰頭月別夢何時酒再醺

送徐甫田東齋歸觀即赴公車

裝辦權辭經義齋景風吹權水之涯倚閭人悅斑衣侍

候館車迎計吏偕江路白雲看渺渺柳堤黃鳥聽啾啾

文章宮體春坊重七繪才知並眼措

奉簡中憲陳公魯齋二十四韻

海內文宗主名高百尺樓吳山標萬異湖水瀟清幽白
鶴凌空迴蒼松挺壑修吉光騰黼黻逸響戛琳球七友
全搜討千縑倍購求範疇龜瑞夏苞鳳鳴周黃甲登
題峻丹梯躋級道 詔徵鑒殿試 恩重石渠年策世
全超賈興時忽邁歐上林頒筆札宣室備詢詠 帝寵
崇何已班資擢屢優地官今左契 天府借前籌希古
思循吏爲邦簡大謀雙旌出 楓陛一繼蒞筠州再親
楊廷秀爭迎郭細侯錦江花發曉碧落月當秋風雅宜
城事農桑渤海歆義聲是勃率儒教半棚彪榜散懸凋

亦盧詩卷之二十四 宜豐草三

鬢青新鬢昨診懷河倒挽窮力齒孤拍鈍劇王方慶
迂過馬少將儀刑幸秉把匠石恆雕鏐陶冶金精粹詔
鈞玉振收潁川成理奏漢相待閣祿

簡高安縣明府

蘊藉風流吏以儒淵源河洛表新圖春明錦水范生縣
日帶燕山鳳起格范史雲歌魚釜播魯中牟化雉桑乎
頑疎老媿榮陽鄭許質水心近玉壺

送上高王明府調彭澤

漢南獨步久家聲理劇偏邀簡界榮作令誰如彭澤古
最書原占上高名錦江風送雲帆緩溢浦秋臨皓月清
父老一錢公豈却花枝紅衰若爲情

何浣村公幹浙省已及代期遲久聞到南昌杳不

接報戲寄

幾夜秋聲撼簷樹月斜稍聽南鴻度去年別夢憶君初
楓葉秋花渺何處昨聞君到南昌城情不報疑蟾又盈
白頭黃岡穿老眼嗟予季役誰留行吳山楚水亦襟帶
王事瓜期早及代樂新遺故理體然微歡豈忘慈侍快
鳳皇臺上碧霄虛霄露秋濃古桂敷巫來相趨揚荷發
爲君酤酒滿眼酤用杜句

白露前一夕筠陽舟中

雨過筠州郭青山爲外沉夜鐘敲月上船火射江深朔
氣忽生簾商聲悄度林詰朝白露降秋夢警單衾

亦盧詩卷之二十四 宜豐草四

夜漲

枕簟涼雲水風沙撼夢魂濁流喧半夜暴雨暗連村孤
艇長堤末青燈古樹根轉思葭外一葉洞庭翻

秋村即目

即目晴皋早秋村樹幾灣天清黃犢散江迴白鷗閒霞
錦龍鱗甲峯螺佛髻鬟瘡痍欣有起露積半開闌

輕舟適早歸

體樂無拘寧輕舟遂簡便晨餐剛一飽秋水出雙鮮散
櫟寧希世依喬得事賢涼颺祛暑毒卧疴公陶然

壬申秋重接熊渭源書寄答

廿載分馳道路仍緘書重拆字藏稜關山顏色思空結

龍馬精神老倍增富貴終輸人炬灼窮愁多剩句峻增
行囊簡點虞卿作秋鴈頻教附列膝

題熊少垣篆刻百壽印章君校羅經史百家旁及
龜島集壽言百句成篆

秋雨山堂空靜寂飲飲龍蛇蟠素壁劃然刮雷老眸光
丹砂雲錦相烜赫壽圖鐫刻百方奇兒曹大小呼冰斯
岫樓少頃以陽鼓仿象蟲鳥荒是非往者京師邂逅會
玉箸懸毫髮披對復驚截石如截泥鉄筆何年到森銳
鋒稜觸手手兼神心精辯眼百氏掄駢羅鑑鼎尊敦璽
天壽皇壽何涯垠君子長壽聰明許藏獻 君親莫浪
予只愁鬼哭栗雨天天遣六丁下追取

鍾一峯教授招陪諸子過飯時新納姬人戲贈

亦虞詩卷之二十四 宜豐草五

錦波秋港綠於藍放眼高齋萬木參快取胃中澆筍下
喜無座上礙江南纖纖涼雨催新句歷歷丹楓照劇談
笑觸紅粧頰薄怒劉楨平視漫狂酣

江上晚懷時會試報關于城
郭永茲復下第

寒林疎樹晚蒼蒼料峭孤帆接大荒霽氣天邊清破雨
朔風江上凜為霜丹楓數嶺攢秋色白鷺一羣翻夕陽
欲寄燕書北思悄捷音空聽鴈南行

江村人家

竹籬雞犬比鄰親不事桃源去問津簷壓白雲藏嶺屋
路穿紅樹起墟人醪醕店店平醅榼秔稻村村滿貯困
共說年豐足官稅槎頭縮項笑留賓

麥穗兩岐歌陳公賦

景風噓空麥揚波筠陽四月天清和桑林熟堪百村多
宛吹笙聽黃鸝歌農夫餉田笑相視今年陌隴常年異
離離穗儀岐支紵坐看原隰沃如雲白頭老公扶告報
此事漢廷昔曾聞太守張公妙為政福漁陽部民歌慶
無附枝桑兩岐麥天地人和成瑞應 當今天子循良
咨畀二千石勤民依女絲男穀勤太守漢治休符麥獻
弘 天子之德太守康會頒太史書農祥

上林鶯

上林花事盛淑氣盪流鶯綠陰栗留影紅樓載好聲翻
來宮柳弱柳微午門清漏箭催應急薰風送轉輕 龍

亦虞詩卷之二十四 宜豐草六

顏聽有喜鷄侶盼生情出谷身初致傾陽意久誠棲枝
欣借樹式燕答吹笙阿閣營巢近相於詠太平

題蔡非池小照

雪鶴寒標霜菊情課花盡日茗鑪清言逢飯顆山頭得
和是吟詩太瘦生

谷裏簫簫玉琢磨招邀有斐亭名抱琴過剡溪藤紙新書
就兼博山陰道士鶯

送何浣村奉公北上

馳驅纔憶寢門歸又著征衣換彩衣滿路黃花人北去
千山紅樹鴈南飛才餘所事吟寧廢信涉滄波理不違
倘到燕臺值遊舊為言擣散鬢全希

亦廬詩卷二十五

南豐湯斯祚行之

俸滿草

新昌留別四章

捧檄旃蒙赤奮秋空齋容記占東頭訓導無時東

十年真訝禽經眼一榻閒如貉睡止弟得言猥呂信

先生寡過只蓬羞石門鹽嶺諸賢俊轅轡襟題韻屢抽

鳳皇臺上鳳皇飛皇學枕鳳為構堂成署覽輝項建堂臺

輝毛羽為儀羣有象目近邑科梧桐經手半堪圍格拱把

上春風花裏論文細夜月秋中載酒歸漫說天功人敢

竊隨車真笑老頑非余乙丑秋七月蒞學時元陽數月

亦廬詩卷之廿五 俸滿草

兩推者

十番棘院禿頭鬚晚厠成賢備一官國子學顏已分成賢坊

生隨老學半誰知恩與對朝端眼明睹聖遭逢

異身健微才報効殫祇憶神京此去路驚花漸傷

上關看時直省公

梨花寒食度年年姑就青山曠墓田焚告一瞻芳草

地似裝九叩紫微天先考就恭達恩贈蘇蘇蘇蘇

秋水隨來鴈楊柳東風拂去鷓民社重司量聲平綆短多

情仍待盍簪還

奉和張學憲由南昌按瑞州使院作次原韵

廬山山根都湖穿大江南上西回沿天子聖樹人倫

表勅書眷命師臣偏按筠首去聲路南州郭掌手一把

寒氷堅紅燭三旬重校閱如鑑斯空衡斯平公餘懷古

大著述戒浮誇揭省山僊篇中標萬長公篇公語出當

萬壑應如振臂登呼峯巔春華競采庶子貴秋實殊謬

家丞賢虬鐘大鳴得大叩覺寐欲起釐三眼祚衰忝簡

師儒末際茲微見良奇緣十載官供異裨補蒲團死

坐枯僧禪庸疎已分自投効誰謂公忠不謂然送京

雙眸明措幸睹聖得不點罷隨飛烟廬山回首面尺

尺楚蘭江莖重披拳願誦公詩十百遍手攀百本交傳

焉

登望湖亭

亦廬詩卷之廿五 俸滿草 二

連橋夜雨守菰蘆際曉天清與望湖全納江聲輸左蠡

半開山翠認香蘊夢中觀去聲關方懷魏雲際風帆遲去聲

會吳四十年中感遊舊白蓮古社憶榛蕪

大孤山又名鞋山

達磨西渡江何年遺隻履投足抑渺茫或云汪罔氏三

百宮庭湖湖心屹礪砥巨靈狎水嬉割廬山半趾我昔

睹姑容重來故玳豸調笑嫁彭郎將無惡阿姊

彭澤縣

青山枕彭澤濱水帶長原石勢壓漁屋江聲趨縣門微

君居太簡刺使分能敦彌望柴桑里平生古意存

小孤山

大江螺黛點中央疑是江妃髻露將誰說小姑曾嫁與
須知居處本無即

泊安慶

決莽連吳會雄城據上將江聲揚子厲山氣皖公幽落
日依沙汭南風集舵樓龍眠看不遠居士緬清修

燕子磯

何年石燕子幻作瀕江磯客至憑長嘯風生欲上飛亭
臺倚崖石帆席亂烟霏飄撇皇天蕩思君羽翼揮

永濟寺

暫繫風帆問紫芝百年默默老僧期寺有默默禾安羅
法樹徵三界滄海禪心渺一危絕磴懸崖疑入畫方塘

亦廬詩卷之廿五 律滿草 三

曲檻總宜詩散閒却赴嚴程去繞樹聽鐘空爾為

進儀真口

皇天蕩已越風浪幸焉止攔江攸啟開真州四開起鹽
漕連大舶公家重輸委客行厥利涉孤裝片帆耳借問
揚子橋維揚距尺咫回首江漢遙河淮自茲通

通濟閣附漕艘達濟寧

極浦望清江水門天半倚神殿敞陸離神功稱瑰璋漕
儲百萬經舳艫一銜尾祭賽渡河淮第一保障恃胎簪
星海來各自判原委清濁不強同河紅淮白通濟則一
軌於廓坎德靈天人相贊社我謝自南船茲焉託行李
幸甚默扶持六勞羣提跋大哉帝力洪百靈効役使

雷動萬夫騰羣視建旂指何處急鳴鉦二十二間始

趙北口

趙北燕南燕去聲鴈逢浮雲廿載去來踪誰知九十從中
路皂帽官橋驅蹇重

甲戌夏來京讀曹給諫冰持七丈贈趙方白徵君
作書法並臻於神隨承留飲話舊因感激次和
奉簡兼乞刻石墨本

我聞藐姑射山之人僊飲吸風露充丹田納新吐故外
萬物無行地妙真精全公之斯文母乃是成雲噓氣縑
素聯趙王孫皮展一幅淋漓鬱攸幽思研智珠在曾九
弄手人事止矣天神傳記昔長安居不易公家文字猥

亦廬詩卷之廿五 律滿草 四

招延朝親蘭署漱芳潤夜傍木天窺瓊瑤國子學中旅
進退岐陽周鼓三暮鐫魏徵不鮮粗疎目雪幹寒姿表
其妍好等鼓瑟道終左所持於世多支駢白頭半瓊微
官就屈指十載飛光過吾衰甚矣重相見豈料披質忘
言詮人生百年常不滿中間憂患憂傾顛伊古德人懸
解得弗以外故中纓牽誰家九遷頭銜換誰家萬貫腰
圍纏旦日公來呼我飲為言三百贏青錢一石一斗甕
逕醉仰天大笑冠纓捐詩卷長留書不朽絕詣直造崑
崙巔墨本搦成公致我我當抱持不釋永日隨餐眠

夏日譚蒼亭主政招同家教授弟為之門人邱叔

輶過飲

曹務多才暇軒開小苑深朋知得古雋秦桀坐清陰落
日移樽晚長風掃石吟不嫌衰老子步屨許重尋

送子壻鄧永茲登第歸觀即訊稼夫親家

上國驚遷夢江干好報音揚開捷月當舒老眼天不負

卿心子壻留京六載始第皂褐今朝釋青箱古志深世情溫飽分

寧與紛孤襟

歸去高堂健龐耆喜笑餘懷將夏侯讚戲執老萊裾干

里秋光滿雙姑曉黛初白華笙奏好鳴鶴和相於

門人止叔韜成進士奉旨即用告養歸里

蓮種殊姿擬鶴鷗御爐香帶整歸鞍鳳凰詔下登

庸急烏為恩深矢報彈驛路春花紫帝眷故園秋菽

亦廬詩卷之廿五 傳滿草 五

奉親歡他時北闕南陔思忠孝經中事兩完

鄧悔菴即中招飲值病賦謝

元亞文章伯清聲粉署流漸推握蘭契即中與子壻鄧敦宗契睦承推

愛笑抱采薪憂赤管供題署青綾問浣休經厨飯芳馥

扶健擬重投

簡魏山璞侍御

石介銀臺範公祖晉華先生歷官通金和司馬風公封翁少

司馬步于先生宜名家真特達令德轉謙沖杜體全貽

愧公見某詩刻江才或未窮青箱掌故學四世問誰

同公哲嗣仁圖先生

簡饒齋南編修尊甫觀韓先生註諸經多

老去真成懶慢疎未通名重忝吟嘯與公世好却未通名近府屬陳燕

鄧極言獎借木天夢達音書昨蘭署香生笑語初學士

等身觀錄海故人泥首感經鋤懿公源委先河後稽紹

寧孤託寄於兒于志役曾從公遊

上楊大家宰四首時以左都署理

白玉環投探夙因漢家盛見十朱輪間時皂闥儲何異

徹底清江瀨更真樹德早兼才量業酬思只有粹精

純兩朝崇重風操平記喉舌今端寵任新

節旄楚粵令惟中帝眷炎州此要津徑瘴一臨山岳

靖璽天再倚斗杓循澄空浪靜三湘水際海花明五嶺

春共說羊公在開府蔭蘭桂亦精神

亦廬詩卷之廿五 傳滿草 六

總持國憲庶官糾肅靜三臺避絳騶占象直尊左執

法之綱全領外諸侯滿輪月稱中天望萬里風生白簡

秋昨夜玉衡端正眎山公啟事應優優

薄枝雕蟲詎足言傾懷一見即忘尊軒高誰分邀螭寓

歌奏深憐忝鴈門頃呈詩刻適傳尊臨陶冶洪看萬物

鑄滄溟謙與百川奔白頭私敢陽春竊為慶元調播大

坤

奉旨赴熱河引見出東直門以下出家作

散微希曠遇新恩更奉恩綸行在尊某至京恭逢

河命赴二馬東華紅土輦萬蟬邊遽綠陰繁南離景

行熙昌運北極朝瞻太乙門日角山庭欣喜近不知

關路阻重垣

密雲城

蛇蟠紅螺山葱蒨白檀樹堆堞排浮雲左輔神京固
潮河塞外來諸嶺相鈎互昔時爭戰區猶辨漁陽戍我
今朝天行出古北口路崖峪水雨滋驛跡艱屢渡
行殿俯旁趨欽惟警蹕駐觀聖幸眼明蹴躡重關
去

白河碕

峽險東奔淙淙落勢迸散礪礪白河石驛蹄不敢亂透
逆清泚泉淺映綠楊岸十里古墩臺潺湲聲不斷客行
畏日中息陰乘疲玩遙指塞垣端仰攀未及半一漱心

心魂怛然思江漢

南天門

已過石盤峪言尋鐵叢門連山中局竊阻隘但容軒絕
頂回南望雲天渺斷魂傳聞炎宋季二主茲北轅在德
不在險四譯本難藩當今天子聖戴長統一尊屬儒
陟幽還仰照光天瞰路有光天
化日坊

南天門至古北口塞垣作四十韵

渴日懸北指絕壁下天門疾流濟不載我馬嗟淪昏僕
夫懷往路摺摺扶完轅翳然林水思谷出隔重原仰觀
衆嶺轟始歎大塊尊屹然城郭壯雄堞排言言森然壁
壘立危甍戰幡幡几如孤羅坐羣如萬驥奔馴如騷象

伏怒如溟鵬翻如猛虎方搏如駭鯨欲吞如月塊罅下

如海樓空歎或如庫駕整前軫而後軒左肅黃屋建從
以千虎賁或如斗宿列次離而纏屯中星清漢定拱視
三天垣仗如表殿闕扇如閭閻閭如衝關鐵騎如貫陣
秦鞭魚驚塞高吳呀危圻重坤落落漠不睨油油比以
敦連連屬忽斷羅羅踈又繁偉矣鴻鑪撰神哉鬼斧捫
一夫有鈐鍵萬人無陵援天地險所設王公守斯存往
者五季降事感遼金元揚武谷南入長驅駭驍驍鷹門
虎北口趨捷窮飛猿幽燕并薊沒飲壯士精魂黃河五
日渡汴泗流交渾東南無地徙戎氣躡陵園颶風一振
海萬古冥昕瞰河山豈伊異介人失維藩固知大德

亦虞詩卷之廿五

休滿草

運形勝乃足論我行勞萬轉尚訝前驄躡偶逢負薪者
數家中有村井泉為我汲飲馬息其煩麥粟斤園廩瓜
實麗羅禁簷宇狎猶大春曰遊雞豚比隣各老壽為言
予抱孫不窮邊微阻誰知盛明恩行李再躡躡牛羊
半下墩

古北口

連山走東西削壁兩崖立駝驛隻中逼下慄奔礪入日
礙鳥却飛矧惟戎馬戢緬想少保勤規畫昔辨給羅布
聯星若千里勢呼吸開府稜威揚蒞關賞撫集懷柔大
一家於今又百十佳夷數萬
新歸附弱儒逢道泰不劍跨鞞
褶咫尺幸瞻天衣汗敢辭濕

出關

極北雄關古層層雄堞團火雲邊日御金戟塞峰橫
明盛何中外羌番歸治安儒生欣利見豈共棄繻看

關外

戍樓落天半環處見潮河喇嘛投關逸踪脫負帳多邊
聲聽威集朔樹認安羅關外樹間似安羅此夜長城月難廢塞
下歌

關外懷古六首

北口崖關阻西樓甲仗多三千矜不被十萬笑橫磨月
落飛孤嶺風摧拒馬河茫茫燕薊地終奈石即何
混同水深黑飛旆駭無前逕入黃龍府羣隨白馬鞭江

不廬詩卷之十五 倭滿草 九

山西戒盡車駕二君遷五國城迢遞當時悵不還
遼海彌東望雲沙朔吹多經開大定府猶指上都河萬
幕盧龍駐羣騎殺虎過徘徊遵故道遠戍聽鳴駝
兀良哈所國云此朵顏疆地控諸番險兵連三衛強山
河光 盛代封建憶親王感慨松亭路蕭蕭古塞荒
羽檄連遼薊狼烟警大宣誰將萬乘賂輕以六師捐日
月明三輔乾坤清九邊遙遙問瓦喇沙塞北良田
山海 王師乞 天人定一尊掃除新 鼎社建樹古
屏藩叛逆 思何負 君親罪可言斜陽西塞下一一
事誰論

青石梁

得得沿狼窩眈眈觀馬圈上礪塊青石梁乾坤鬱怒恣
羸驃憤不前蹶石困呼喘僕御慘加鞭催然淚落潛大
造勞其生敢辭服重遠我為僕御言聊庸息蹇蹇絃矢
忌太疾折絕翻乖舛落日寒垣陰屯烟望綿緬槽棧并
安排劬勞人餉歎

喀喇河屯

坡陀葦子谷喀喇河屯會列肆圍軍臺炎風颭大旆漢
家征戍勤從軍怨不代萬里月輪明天秋厲離塞我行
塞北道感古幸時泰彌望沙磧平統一無中外前臨喀
喇河黑浪逆砢砢行路難云艱生不躬胃介塞雨灑乳
埃晚涼靖衣帶

不廬詩卷之十五 倭滿草 十

熱河

峻嶺開關市紫紆一帶流源長來獨石地古本興州龍
虎排 宮活松樾夾仗幽陽烏回 帝德酷烈此都收

六月十四 行宮引 見

金鑰關開星斗踈挈壺催曉集冠裾仗頭公相將扶鳳
階下曹司引貫魚 天近紫微華蓋正日臨黃道慶雲
舒小臣報 國慚能事癡有文章百不如

亦廬詩卷之二十六

南豐湯斯祚行之

回任草

奉 旨回任入關

樽散 皇仁重簡汰任回昨夜 旨過班瞻雲蹴躡隨
鴻至戀 闕旁皇駐馬還將老此身奚報 主不才於
世早役閒塞垣監者勞相問頭腦冬烘重入關

過國子監感懷奉寄王白齋宮詹有序

宮詹為國子監學錄吾師主文山先生哲嗣某
在監宮詹以孝廉隨侍凡某所課詩文師錄拔
宮詹必亟獎賞自乙丑中春拜別宮詹及第隨

亦廬詩卷之廿六 回任草 一

聞師逝十年來以翰林學士歷踐端儲某至京
值宮詹隨 駕行在某引 見即奉 旨回任
造次宿寓竟不及一晉謁敬問吾師封墓所託
回京過國子監感懷怛然奉寄

坐裏熙春十間春青雲飛步即通津感懷怛然惟梁木
明德良然似達人零落山邛問不及蒼茫歧路老重遭
柏陰南北雍依舊為望宮坊意阻申

張栗夫主政置酒即留別

相見情長別思長叮嚀尺素屬南行百年不改書生面
再拜重升君子堂吟到百篇須刻燭飲擲一雅豈停觴
未知此別能重會楚水燕山付渺茫

與虞錦亭員外往還俱不值瀕行枉過隸人已駕
復不及迎待作詩寄謝

伯施名重麗如何品藻分任平聲雪鏡磨却歎鍾懸達大
叩更堪軒枉避高過人參玉筍班真幸門人出大英我
厠鹽溪宦與頗同叔近簡君歸見嗣宗持報謝玉河奏
水託微波

曹曙山先生招飲話舊留詩奉別時撰文

憶奉虎闌座國師維鄂崔昕旦月望朔大叩鯨鐘開擊
鼓集羣彥珥筆揚著類老鶴一清淚天聲聞去聲徘徊
石繩尺合引論升堂階大司成崔引論易大司成夫子持
延獎翰林眼高謂水持吹噓省寺徧唱和銜金諧而

亦廬詩卷之廿六 回任草 二

我難變化循就腐儒齋垂白見 天子邦畿望重來授
分湖疇曩許與半飛埃豈無高貴要未敢援賤類夫子
寶金玉敦敦重扶培款言割芳蠶漿酒陳清淮感慨意
加舊一傾累十杯當今 天子聖典選仗公才南宮有
眉目不寧前馬裴老儒何私覲所幸世甄壞日月不停
邁燕山秋欲催辟雍憶三老謂故大司成師崔故助逝
水傷人懷再拜自茲別後會茫難裁

題陶進士 蕭湘一葉圖即送行

畫堂怪底起雲烟一葉蕭湘圖畫懸何處人間著此客
風流宜占吏中仙
正是秋風起洞庭登艫七十二峯青送君轉帆隨處

不盡相思入杳冥

白髮行賡澤畔吟
荳蘭公子思難禁
別來廿載長沙客
觸撥江湖遲暮心

題趙方白徵君亡羊圖

六羊前進殊壯趾
二羊回頭戢其耳
肆二小羊乳哺隨
獨有一羊背立俟
人世作偽日心勞
旦飲其羊牽於市
千秦莫笑五穀非
大抵茫茫沈猶氏
老聶如戟者何人
長竿直拂青冥裏
藤帽撥鞋躑躅間
鞭其在後熟審視
嗚呼深山大澤蛇
龍藏澤中千足亦
徜徉胡廬大笑供
千場笑他博讀穀
與臧古青之子夫
何亡

天津府新設舊

亦廬詩卷之廿六 回任草 三

衛路會南北逶迤
注直沽奕然新大
府信美舊繁都海
船通諸市漕艘輓
萬夫無錢負美酒
自任旅情孤洋船有紅

白小魚

二寸天然小白魚
江南曾有當園蔬
却來廿四沽中水
絕喜清柔玉不如

紅鸚鵡

海外籠還路阻修
紅裳添帶海霞流
綠衣逢著含愁思
離別相於話隴州

比目魚

異體親於水得餘
江湖忘處意如何
風波有願不相失

翻怪人間反目多

舟過靜海有懷牛重菴師
師宰南城丙午江西
鄉試分房某屏首薦
薄宦仍三已
天邊信不聞
相思靜海月
徒汎潞河雲
一顧誰知已
三緘口舊文
百年異報効
慚有鬢絲紛

滄州寄戴東溟舊邑侯

不見東溟子滄州
海水深長歌擬成
紀妙墨思去聲雲林
別後琴臺月
花時滕閣簷
簷流傳大小
戴聲跡豈飛沈
德州寄禹城令韓介屏

畫堂今古事心傾
韓子蒼高日下名
折柳一吟河畔草

鳴琴幾臥祝阿城
括蒼鴻鴈春長斷
余舊京師南歸君
贈別詩有我家括
蒼鴻鴈屬好
相聞之句
泰岱蟾蜍夜
正清海內知交
今復幾思君

亦廬詩卷之廿六 回任草 四

不見意忤忤

過夏津令朱斐瞻
留宿兼得晤難兄
碧峯賦贈斐瞻

以翰林

趙晉臨盟會傳聞
此要津看花來古
地製錦得文人暢
以二難并懷哉十
過春穎川中夜語
重典發思神

武城簡邑宰

言子操刃邑清風
吹郭門林垌梁菽
熟牆屋棗梨繁曾
酒聊憑醉春詩相
與論絃歌古臺立
吾道此堪存

過臨清感悼冀雨亭師有引

從夏津陸路敬駐
臨清擬拜前江西
學政僉憲冀雨亭
師墓訪哲嗣無有
存者文孫亦各散
處

爰望空再拜斟酒焚詩洒淚而別

大夢茫茫四十春荒原何處認荆榛白頭弟子飄零日
華屋山丘感慟辰畢世恩私寧有豸自來知遇後誰人
一尊望洒黃泉達揮手雲天淚滿巾

魯連臺

白雲欲戀古臺端聊攝西風樹影殘個儻尚煩可畫策
賤貧真美不居官

掛劍臺

心不能違掛劍酬見微真有季風流却看臺畔長青草
為感姑蘓麋鹿遊

南旺湖 又名分水嶺

亦廬詩卷之廿六 回任草 五

衆水此會通環湖為肚脊七十二泉吞齊魯半天碧南
北俯分流轉輸利規畫汶泗不得東誰歟倒挽力前明潘叔正請築壩東平州之戴村遏汶泗入湖分南北流而前此海運之漕艘乃便我行自北溯
疑近天漢尺肅念拜崇祠靈風瞻有赫歆忽龍欲起潭
雲生不測深林宵冥冥怪魅之所匿仰惟神禹神重賴
莫逢或柔櫓循南下蒼蒼日向夕

仲夫子祠

夫子得升堂偉哉雷精篤難冠氣陵暴雄虎誰能伏一
朝觀設禮幡然就儒服即此勇從善百世師當爾拜罷
日垂西徘徊叢林綠

嶧山湖

駱馬南湖更帶湖嶧山中在宛葭蘆小船掉入荷花去
十里平雲點鴈鳬

漾漾湖水雲間對面晨朝不見灣絕似氣蒸雲夢水
廿年前泛洞庭山

環湖一帶剪茅居五百人家盡業漁逢著客船喚取好
賤錢買與替盤蔬

嶧山中斷赤山環楊柳中陰水湄間不盡韓莊百十里
征帆常在畫圖間

韓莊命兒子志信護蔡生啟文達維揚有引

生選拔入京朝考抱病羈留無與同南歸者就
附余舟投維揚余本訂韓莊別道事赴徐碭而

亦廬詩卷之廿六 回任草 六

生病適篤爰單騎赴碭命兒子護赴維揚以待
詩以囑之

蔡子濟陽秀吾遊愛念之奈何沈疴瘵慘慘路偏岐生
死不可料誰當重維持徐碭我來去相與七日期人世
無急難異以交遊為爾情頗敦摯知吾分不辭生當面
相見死當魂依歸去去維揚路敬慎無多詞

荆山橋

騰虹亘百丈驚訝荆山湖壯哉萬古津橋半身橫石誰鑄萬古津梁誰
為輦茲圖五丁鑿之出大力負之趨六鼇戴之重山嶺
從聲之呼大車噉日夜南北通中衢望岱朝宗去北頭
深淵我行亦于于飲水得寒泉息陰乘高榆三歎揭上

馬浩蕩 皇恩殊 有碑亭勒浩蕩皇恩大字

熱河歸途由韓莊過碭山令梅怡園不值留詩以贈

碭山古梁國為彭城要縣黃河西北來洪濤逼漢漫頃者連淮揚間闕大為患 聖主急瘡痍賑修資幹辦蕭蕭蕭豐間君來集鴻鴈我行碭山野梁積隴之畔老牛曳任車免羣秉把掾難犬不驚遊為言令尹善上堂君事出秋華滿披院四壁有佳言中堂清案硯不見主人行禮賓勞親弗 今戚舒劉二君代款殷勤 城隅繞長湖綠荷千頃衍猶餘白蓮花臨照水清渠

彭城晤怡園一宿話別感贈

亦廬詩卷之廿六 回任草 七

囊破三百金途經八千里長城古塞北謁 帝叨明旨彭城始見君哀顏笑未毀我為遊從難亟赴維揚邸離別不復論所重惟生死落日大河陰白露驚侵體江淮吳越遙我行方未已散材守命分一枝舊栖君具經世畧牛刀三奏矣民牧切 帝咨惟良不次起 頃命督撫保舉州縣府應堪勝府任者 要當為蒼生弘濟一成理努力崇明德相思慰河鯉

徐州泛黃河一日夜達清江浦就泊而船觸石壞

同舟李君驚失聲既定作歌兼以贈之

疾風浪捲黃樓上我斥鼃鼃持駕浪抵馬船隨狎浪鷗出沒高低與天盪皂河直河清河口一夜飛度不見呂

梁橫絕九霄狀那知傾覆存天意眨眼驚危臨汜濟劍佩琴書誰復論性命鴻毛方一寄君莫哭聽我祝人生快意多吁辱 用工卸句

重題露筋祠

桂寢蘭帷水一漬寸心全露豈徒筋祇餘甓社湖心月能照菱花影十分

過高郵寄前新昌宰李任菴

日暮江雲有夢魂清新昨檢篋箋存如何湖上秦郵月尊酒來尋阻細論

寄姑蕪申南耕

白雲縹渺認姑蕪一紙雲藍附達無幕府風流不重 去聲

亦廬詩卷之廿六 回任草 八

接新詩常憶荔支圖

登金陵報恩寺浮圖

突兀層梯清漢捫白雲頃刻幻蒼昏三山陵谷疑難定六代興亡更不論古寺鳴鐘天半出大江流水日東奔秋風并感離情動吹笛秦淮鴈影翻 與教授弟為之自韓莊別

泊采石

淮海揚州路蒼葭白露微清天一鶴喚落日萬鴉飛暮角江陵鎮秋燈采石磯謝袁千古事賞詠至今稀

太白樓

姑孰聲上深溪窈不測滄溟采石大江側古木中陰極古陰十丈樓危瞻太白寒泉遠對桓公井青山近枕謝家

宅憶昔開元全盛日翰林天仙眷持一朝白壁玷青
蠅魚水君臣路乖隔美人不察蛾眉情香草離騷怨豈
釋遊仙說劍匪徒然縱酒狂歌荒浪跡偶遇名山終年
留或曰扁舟千里巫萬首新詩咳唾成珠非亂洒天葩
拆范陽戰鼓潼關開青驛西幸九廟擲胡雛長嘯上東
門離亂衣冠失竄匿廬山絕頂待時清夜半水軍遭脅
迫尋陽連繫難釋因汚名卒以夜郎謫夜郎西上萬里
道放回已老桑景逼萬夫心雄氣蓋世一箭尚憶旄頭
射大鵬翔空終徘徊飄飄遠戢培風翼小謝東田一相
接埋玉青山恨終極我來酌酒公象前公本人仙世偶
歷十二樓中歸去來捉月騎鯨那可識揚帆不盡意悠
悠大江落日波壩濤

亦廬詩卷之廿六 回任草 九

宿池口

何處九華望清秋興阻乘西風吹石埭夜火辨銅陵客
夢鴻初覺鄉心月復稜入舟時序改前路水雲仍
泊湖口登石鐘山不及探聽石鐘聲舟發作
七君五老神搏壇宮庭湖下瓶口檻飛瀑懸巖淺不盡
餘技幻化鐘山石削成直上陡絕寸草不容附插入蛟
宮空洞那可測漁師如鳥架木末筍餌冒眾再半壁我
來登巔如睹山海神異經諸怪變相了不識獬獬狻猊
饕餮駭無狀鸞鸞狂往饒涎欲噉食或如君何翁仲共
以立又如畢方魃魍魎尅跳且擲是時落日下長江吳

楚蒼然天一碧深林冥冥鵲鷗鷺毫髮俱聳令我懷神
寒骨脊回船一夜風雨交舟子平明呼掛席四望千里
烟雲昏窳坎增吟聽豈晰何年逕掉小舟來逕須攜客
攜酒領取魏獻歌鐘周無射

左蠡遇風贈同舟者

廬山蟠根左蠡中白晝陰浪興無風我舟無根渺落葉
况乃風浪湖中衝罌子口懸望不到竟日升墜隨帆蓬
船頭三作浪鷗沒船中人命嗟今窮大家肅念濟川同
已入坎窞切神功一心轉旣寧非喜死去驚懼要無庸
可知人生忠信信不匱與人同生濟同世莫遣風波起
平地吁嗟乎莫遣風波起平地

回任草 十

亦廬詩卷二十七

南豐湯斯祚衍之

宜豐後草

回任新昌簡胡叔遠明府

足絹清聲世德操天中威鳳起豐毛文章似錦鯨波濯

甲第連雲鴈陳高明府難兄王政先公登第玉宇分宵秋湛定花

城宿雨曙周遭詩成謁帝歸來晚懷縣春多上采臺

重訪毛雪厓明經戲贈

離別鹽步春花飛昨來鹽步秋鴻唳極塞重關明命回

頭腦冬烘老謁帝籬下黃花欲笑人烏巾重拂天官

第怪君善病不自憐喜君詩力吟益至眼前名理妙萬

亦廬詩卷之十七 宜豐後草一

物惟有靜者心孤詣伊蜂舉國虫終身酣苦相趨各滋

味君詩有蜂酣舉國隨花去圓靈柔祇不能却却笑君

今何處置山空水落石鄰鄰雲淨天清無纖翳松南

華內外篇吟詩取酒從君醉

題毛閭齋中翰南屏耶溪圖

石林千樹疑葱蒼九面帆隨衡山旁洞庭秋毛一回首

畫圖宛矣窮三湘阿誰生踞巖腰傾盃似傾脂羊肪

重把綸竿珠貝拂六鰲髻鬚連潛藏世人那識棲蓬子

若耶溪水桃花香年少讀書東湖院文名一日馳豫章

南北雖趨大昕曉鐘聲吹笙簫聲將元白堅惡縮

道籍湜跑倉忙五噫篇擬掉頭過食魚豈必河之魴

宰相東林可腹坦學士北硯虞身妨世第天官行別業

南屏峯占雲為鄉月下投壺集賓友喧諧一醉萬形忘

洛生咏悶隨婢解楚狂歌嘯故徜徉草屋呼牛逐隄畛

蘆塘放鴨各邊疆數圻清泉紫下浸大塊古石卷中央

礪齒洗耳枕且漱松篁謾謾天風涼曉漏不追青瑣闥

是中將老居微郎塞北驃駝回謁帝征衫始拂離花

黃席幙地天追眺嘯三番披質神飛揚太守東陽昔遊

止壚邊思就投章長急殺中山老博士誅茅便傍能星

商漉巾於盤不餓馬終吾生兮言從羌

奉酬楊大冢宰示和張大宗師由南昌按瑞州試

院作仍疊原韻

亦廬詩卷之十七 宜豐後草二

梨花夜夢青冥穿雲衣濯錦河漢沿曉來飛章下天府

紅雪亂灑齋西偏清江尚書武庫仗玉骨潤重金精堅

莫左晉山誰比似鑄萬人物衡均平自中執法三節鉞

徑重蠻女騰仙仙銅柱紀功尸祝重窮江湘嶺粵涯巔

帝惟北斗天喉舌簡寄大任書名賢金口聲宣萬籟振

起苑中柳人三眠肆祚樸學謾聞媿一昨天假登龍綠

觀海登岱難為小參叢生乘斯知禪學者得者不同分

如牛毛尾麟角然使者提倡公答響青天豁曙竿披烟

大江西霸壇圯在歐曾王賸瓣香塞力袪浮偽衣即甚

從二公後何逃焉

覽輝堂述懷四首

三仁重簡汰老儒復訓授盼盼鳳凰臺覽輝依然就遂
素藉公成披斬臺左右櫨梃具間架手不辭皴皴何處
是吾壘容膝斯偃伏一夕郵置中昔人躬不宥伊余備
位祿芳皇奚報侑

荒塗天翦刺中除位佳花頗收勞勳效纖纖茁柔芽蘭
昨露下秀菊頃霜中華文鳥時栖蔭梧竹枝交加月出
觴詠繼遂忘天漠斜素心維古歡幽賞不我遐

晨興龍盟櫛廊廡清淨餘小几坐焚香披襟值異書玄
黃渺寓宇香海大州區章亥不到處鑿空櫨荒虛周髀
訖宣夜渾渾冥終初我觀几席前一物妙乘除蜩雞詳
蛻伏此意還徐徐

亦廬詩卷之廿七 宜豐後草三

隨紅蕩少女片片虛空飛瓊臺瀟瀟著不定隨參差大
澤起雲雷天條一涵滋雨露抑何言甘苦各自知生理
曹揣測節分不以移乾坤入吾室靜智何慮思庶其乘
化盡有酒斟酌之

送萬霖作先生北 觀

廿年儒行老名稱偉矣先生自此升詰旦廣文唐帝擢
蚤時廉孝漢廷興鴈聲柳市橋南水馬色桃花驛外陵
肆觀 天顏知有喜日華雲爛上觚稜

贈胡歸安明府兼送北 觀時註誤奉

十年吳越播循聲春露冬冰達 帝京伯始中庸萬事
理新安令德一家清謂小阮黃華赤鳥趨雲路紅樹秋

山載酒情識取丹徒 簡擢重渡江花柳待形旌

贈漆驪青中式即送公車難兄思

春 思去歲擢才先又見高秋阿弟聯文似海霞經洗
濯人如藍玉出雕鏤九華曙待從容對雙關臚聽次第
傳金馬君家前躅在機雲入洛並華年

贈毛定甫中式即送公車

造鳳徽即身手工謂蕭南桐巢毓采鎮冲融秋鳴復聽
于因起春羽先觀向日豐難弟思太守功名增顯灼
天官門第本穹隆 恩光三殿臨軒擢展布優優學外
公相國宋文端

贈署令沈述略

亦廬詩卷之廿七 宜豐後草四

著望吳興顧陸均雲卿才業本殊倫千金寶劍看冲漠
十丈玉山與照人馴鷺莎廳官樹古鳴琴芝閣縣花春
鄭虔老矣慚推分蒼萃書編論每親

贈任相亭少府

西安人堂前時大白洋菊殊新異設羊酪出碑洞古榻邀余識之

家善秦聲叩缶知鄉風羊酪手親厄吏才能淡仙非忝
官舍長清瘠不辭大白新標披射鴨硬黃古榻質扶危
蕪君交柱紅藤杖梅尉峯頭援紫芝

贈上高華明府

千青雲上飯香名華子魚看孰與京望蔡循良今召杜
晉陵文物舊冠纓鳴琴竹閣遲魚聽落月柴籬罷犬偵
鹽步風光與隣近老偷餘照笑匡衡

贈廖健庵

意氣樓高百尺看拂衣蕭灑謝為官但懷李布無留諾
不作廉頗復據鞍何處粉榆認雞犬逢場優孟看衣冠
婆娑偶記從軍樂醉小單于重笑歡

題蔡增可桐廬聽月圖

架上書憑小史抽閒心常待月當樓梧桐露下牕虛白
剩有新詩得聽秋

題壽朗川小照

顧陸何時筆春風披處溪倚江梅柳思坐石水雲心真
宰一冥契陳編豈跡尋不知海瓊子畫裏質蘭襟

胡昭亭縣尹折贈丹桂

亦廬詩卷之廿七 宜豐後草五

月中金粟天風圻碧漢俘來滿把擎十日香充環瑤舍
蚤時花偏五鹽城錢塘仙令披雲手漢代騷人作賦情
豈與投桃持報易玉杯承露滿懷傾

金貳尹孚中辦公北上便歸省親

新月玉壺朗映空世家令德倍冲融經綸盡有韓宗旨
淑慎能提考父躬謂尊甫勞國衣襟途雪載趨庭身
傍禁花紅藕絲菱刺來時候沽酒重遲語笑同

次酬魯厚畬跋遊草兼簡蘭齋

我昨兀坐覽輝堂忽聞鳴鳳下高岡開絨長篇故人致
淋漓大筆滄波茫茫往者吾鄉壇坫樹大家一代歐陽王
法派西江潯陽接韓陳並祖雙井黃平園道同

肆程山峙金精光逮今李萬中且正中間旁出嗟為狂
聖朝教典三五緝隸校序庠申旁皇伊余潦倒志泰大
懷愚公懷移山將數十祀衍鄒衍律欲吹黍谷回庀涼
南征北征飄落久詩囊數卷空梓浪頃者觀聖古塞北
塞垣驅蹇來悠長百里一賢公幸值落落大雅欣登牀
扣玉擬金鄰有德桐巢離老嗣飛頑聞齋書屋高安同
巢如此種種顧余髮臣今老矣徒悲傷願公倂莫香一
辦過雲大唱通舟梁十間京洛莫回首師丹自晒前言
忘

贈蔡曾可

亦廬詩卷之廿七 宜豐後草六

青山郭外住君溪手種孫松新擢林得趣不緣時論改
抗懷常與古人尋或言或默自真性一石一盆諧素心
昨夜甕頭春凍圻招邀老輩坐花斟

題顧雪莊梅柳圖

殘雪園林半樹圻東風門館萬絲垂何來別調曲中譜
似聽江城玉笛吹

江中流水觀生動江上行雲識卷舒放坐一竿濠濮思
牀頭新註惠莊書

送李立之教授之任南康兼訊匡山存舊

坐裏春熙徧魯生尚之門館風知名山張雲錦可經大
帝簡人師重學城瀑水千巖飛洗墨長松萬壑答吹笙
白蓮古社荒遊止仗語雷劉急續盟

送張斗臣教諭之任崇仁託求道園集

華蓋山高積美材南熏一夜雨時來天從木鐸聲中永
席傍玉蓮香處開兩賦京都衡最著一家孝友仲原培
邵庵訪有全書在爲託東風寄古臺

題羅西木裝璜遺象并序

羅君奎西木爲瑞郡學名諸生余蒞新昌君謬以
問學推契往來視邑諸生無間已而盡出其平生
應試文近百篇屬余質訂余愛其氣體安頽溫麗
清華不雕不琢而長短濃纖自然中度竊怪世人
卒不之知今老困棘闈擬爲作序未果既且評點
而歸之矣甲戌春余奉旨赴京引見君就別

亦廬詩卷之廿七 宜豐後草七

依依至垂涕良緣文章知己之難之感如此比余
回原任仲秋而君前數月逝矣嗟乎君之文非幽
突險窄諱詭卒老死不售命也今嗣子致遠能嗣
續先業余覘其氣度成就可待君不得於身宜有
得於後頃致遠出君裝璜屬題余不勝感愴爲題
此以志存歿之交於不替云

磨鐵更平穿供世論平生泥首証心魂帝京纔別三

秋夢楊柳依依恨思存

裝成遺貌宛然中坐石科頭手一通歸向木蘭身認取
韋家經在同時同

乙亥秋蔡漁谷下榻覽輝堂辱贈次酬

我室有清靜湛露秋空斯原圃列幽秀頗費芟刈為蜂
房螻蛄穴去之心慈悲禪客坐相笑將無懺悔孜
夜明壯觀闕誰其司神匠言執化人裾默存大清上回
頭顧左翁桂露擢幽曠願結玉杯盟廬頂酣天釀

寄辰陽曾太史

水天清望在京畿一聞高標憶見希步野客憑哀榮
退朝人揖趙文衣秋溪江市尊鱸出雨後湖田杭稻肥
門掩丹楓村抱橘洞庭霜落錦黃圍

乙亥誕日述懷四首次乙丑韻

又度初余十計年天時人事感條然寡聞夕未觀朝進
善飯今翻視昨賢託聖歌仍率府散來朋笑習孝先便

亦廬詩卷之廿七 宜豐後草八

百花倩對山山曉萬紫千紅憶往還
花貌青春相映眩幾番雞唱起婆娑坐窮軒吳三餘接
行極河山兩戒過一自積衰從得白十分乖粹遂遺和
風流得意頃都盡哀樂傷年往倍多

念昔先人務忠孝伊余不德愧培滋敢言宦味空親蠟
重戴官供足絜染一老叟昏幾歲月五男兒大若撐持
賢愚君取吾何與憂患初生晚詎思

馱鈴極北塔環雙塞外雙石插睡聽番兒夜半腔塞抵

丁零斯五額河臨喀喇失三江河固不甚廣奔浪天敦

老馬知頻鍊帝簡儒臣恩復降搔首餘生奚報效

摩挲古鏡重親睂

亦廬詩卷二十八

南豐湯斯祚侃之

宜豐後草

奉送陳魯齋郡伯請假歸仁和次留別原韻

歸航壓石浪花輕兩岸髮倪慨歎生紫馬一麾珠斗麗
錦江百度月輪盈懸秋玉尺衡平正映雪冰壺底徹清
廉叔度歌三縣洽春深到處水池平

讀書志業古相許為政風流今在茲唐卧理正聞崔

集郡行春真見雨知時不矜鉤鉅燃犀渚剩有醇醴湛

玉厄十載鳩呼無屋住分張大庇庇支離公徵修郡學宮核新昌

捐美進請發建西齋

亦廬詩卷之廿八 宜豐後草一

蜀棧連雲鐵絙牽使車詩就抵純縣公典試四川猥緣

歛乃南荆曲得証摩尼上乘禪近言詩引奚音賢能郭太

守流傳風雅謝東田綠筠堂陰花垂地碧落峯青鶴問

天公傍東軒小植花竹竹陰飼一鳴鶴

桑柘千村夜雨淫寇公難借恨懷侵但令平聲永夕甘維

馬其奈思歸急操琴此去慎珍無價玉重來即賜辦

裝金二千石重今仍漢故事三公屬組簪

輓毛定甫孝廉

袖裏雲藍詣我詩計偕歸乍錦囊披詎知絕筆而今是

玉樹西風一夜吹

白頭黃口重酸辛慟絕三生未了身但向生天得門路

須知忍斷世根塵

郭君某痛嗣子某力學作文生十七年以攻苦得

病天哀不能忘為作詩以慰之

慶促菌姑憮逝陰生擗大瘦苦呻吟喬高滿待鶯遷谷
風妒中摧笋出林謝樹不榮階寂歷鯉庭無語夜深沈
玉樓天上徵才美莫重人間痛嘔心

祝伯兄見山先生八十壽

八十吾家老儀曹司馬登人孰大耄踵兄慶秀眉增增家吾
自高祖禮部公曾伯祖大司馬公八十壽以來推兄繼武龍馬強神似冰霜茹苦
能杖朝今燕喜環侍笑孫曾

大故一朝憶風波起閱牆艱虞兄獨柱弱小弟方長歲

亦廬詩卷之廿八 宜豐後草二

子冠兩先考西園公顯變家庭難作時某方弱中讀書過不忘寸心家督係師友重文章

磨驢微粟繫盼斷里門中先兆仗惟孝雄才實亢宗考

瑩域祠堂譜牒兄頻年次第營修園廬託市隱魚鴨逐村翁富貴浮雲

共明經老籍通兄值今歲薦

霜林圖畫裏榮落酒初融天作長春好花於二月紅蒼

山終不改夜雨對還同河上僊人識青蓮授阿公

贈張介亭明府萬載縣尹因公臨況風雨留談竟日

麗秀江明列宿垂鳳音天畔起羅施相於春霽峯含黛

臨照秋清月吐規風雨有心遮趾玉雲山何意父眉芝

二千石詔伊誰任趣舉惟良慰帝咨

贈毛遜孚升太學

振鷺西離水風流步紫微專南中翰公起家選拔一庭真作述四

世重光輝梅柳臨官道鶯花待帝畿陸家文字友入

洛美連駢借難弟受衡公車

冲融國子齒懷策盛明遜王藻親周禮金聲叩夏鑄

嚴徐才詎厭董賈道為宗潦倒盟任昉臨岐執手重

冬雪閨齋過小飲辱拈魯直杯面春風透鼻香之

句足四韻以贈次酬

杯面春風透鼻香為來文若坐冬湯辟寒玉屑陽生頰

噓氣龍涎妙撲觴大抵蘭心辱共具相於檀口託餘芳

滿斟載詠涪翁句似徧離騷讀九章

亦廬詩卷之廿八 宜豐後草三

前雪書感四首

漫天連永夜冬盡逼春回飛鳥不知所行人安得來登

溪更斷鼓寒重卯前杯孤影那成醉銅鑪撥熾灰五男書末父不見到

已見全平屋俄驚重壁逢五更單枕覺孤檣萬山崇子內

歸懸厝猶薄宦雞栖裏羣兒星散中何時一杯土回首諷

西風

官供繁贍縮盡室遺柴荆頃遺長男志信揭眷屬歸未到憐衝凍初

歸莫定生山堂誰課讀田舍舊荒耕漫悔為儒左須知

患不精三男志飯秋闈落解

莫辨東西路淒淒一載塗蜀天消息斷閨海滯留孤男

志侃優入蜀三載無報四男絕似離弦箭還為繞樹鳥志與客聞書來尚滯旅邸

後雪書感四首

烟火虛寒望林廬高下俱空山斷蹄跡隔舍泣鰥孤何

處喧歌鼓華堂重笑呼夜深酣剪燭傳換錦襦襦

片片重鋪席霏霏密散散栖連江鳥榜失萬里玉關齊

恩詔遙馳北征人暫頓西薄言旋執訊且莫恨伊犁

聖主勤稽古東南重億安排當閑萬馬奉引急于官落

月郵亭曉憐颺浦帆去聲涼陽春纔咫尺花柳逐龍鸞

絕塞雲迢遞長江樹渺瀰須知望幸意故作此豐期

一豫原為度羣奔詎敢辭小臣默守裏無得效驅馳

亦廬詩卷之廿八 宜豐後草四

連雪騁望戲寄蔡漁谷

無邊汎瀾飄空出不斷連旬入夜仍世界一觀塵劫洗

神情直愜藐姑升踏呼鐵脚吞應去戲從天公醉與乘

借問避人東里子幾回撒手陟峻嶒蔡近作雪詩有一躍起呼噪繼手懸崖脊之句

雪中抱恙遣懷寄閨齋

浙浙穿牕局短問漫漫迷路偃空廬春愁有髣髴青鏡

多病無人問索居偶影不酣僕隸就衰顏索笑穉孫於

謝家樂事充庭好臨况安能一起予

毛雪崖示次和友人新作戲答

只是詩魔匪病魔霏霏玉屑恁般多定知太瘦園全減

借問長髯斷幾何春始寒山青寂靜雪殘冷暑絕經過
得朋賞事東南美尚記冬烘頭腦那

寄子壻鄧永茲

東風門巷柳長條應是閒居賦寂寥一第幸名人遠遠
子壻及第後即別多時無信應迢迢世艱漫歎諸為拂親健須
知百慶饒我此淵明重慚慙并無力遣助薪樵

雪崖作悶詩閭齋次和解之同和

滿懸圓大辟諸魔海上青山入眺多室不空中悲鑿攘
刃游餘地任軌何蓮花佛懺香清供貝葉經繡墨妙磨
共說無生無上乘從君攜手證拘那

初十復大雪作

亦廬詩卷之十八 恒豐後草五

平頭奴子報簷折一夕嚴冰萬瓦凝門巷忽深二三尺
山岡重塚百千層鶴聞訝雪今年異龜有言寒此度勝
昨夜天兵仍急調蠢夷何敢抗威稜

頃伏閱邸抄哈薩克汗阿布賴率部落投誠遣使奉
表稱臣貢馬征西兵甲既久不日可偃恭紀五言

排律八韻二首用投誠二字

哈薩伊犁外荒遐絕塞陬職方不志版博望偶通舟聲
教三靈洽車書萬國由風霆歸震疊雨露入懷柔臣僕
希光切尊親帥部投賀來八駿選慶備九賓儔宛馬空
傳漢西裝不羨周自今王會裏圖畫補瓊裘
叛服封狼濟三朝貫已盈包荒仍不拒逆德重之傾鷗

逐懷同憤禽逃許貫生天心端順正日角夙輸誠大漠
胡風卷長城漢月明夷音通上路膜拜傍西清執訊旋
歸醜於論蚤受成小臣希杜甫賡載洗兵行

酬白韞章明府

即席辱書雪松歲老丰標在海
鶴軒遺飯味開之句以譜

風雅如公潘陸曹傾人一見素心淘張燈灑翰流雲逸
妙醉清歌白雪操花縣名家新卓異棠碑相國舊勳勞
為前此撫西江
相國白公孫雪松海鶴吾哀甚慚愧瓊華持贈高

次酬毛閭齋雪中見寄二首

斷酒堂空三日雪號林且過聽號寒硯冰只作袁安臥
挫盡腸芒那琢肝來詩有因憶覽輝今鄭老
定應嘔出雪心肝之句
能事長眉箇箇良雪樓虛白聚生光君家玉樹三千尺

亦廬詩卷之廿八 恒豐後草六

枉羨枯除厄閨楊鬼子志偶坎珂
却屢蒙賞味

大雪復次韻

萬室散天花天風舞處斜言攜藐姑子重入玉皇家乘
蹻遺塵外添籌問海涯璇宮陳百戲九十九般誇

頃屏中南屏大尹題答鄙刻慚不敢當而知己之言
實平生得未曾有感激次和敬謝

忽逢搔癢倍忪然豈料相傾遲暮年舉世知疎甘我老
畢生交重託誰度衰情罷理穉蘭操舊恨聊存沆苴篇
無賴陽春白雪調枯腸索和聲難傳

毛閭齋拈藕長公不妨詩酒樂新年之句足四韻成
章見示次和

不妨詩酒樂新年宣灑年光赴大千造飲輒題陶令粟
百篇一斗李家蓮醉鄉遊涉春如海韻府敲開句語仙
成佛生天那先後歲時觴詠已忘禪

元夕雪次閨齋韻

揜抑姮娥天女花玉皇勅戲闌瑜瑕不矜蟾魄光偏皎
剪落霓裳舞倍加重堦五城春壘珂蚤連三素曙清華
六鼇海上瞻山駕却悞蕭娘抹髻鴉新昌路元宵前後
堂客觀燈成隊遍

遊官署
出者殊少

元夕雪次毛受衡韻

無聲天漢迴清寒歷亂葩華入此宵萬炬千燈渾揜却
玄光堆上玉刁調

亦廬詩卷之十八 宜豐後草七

百花心蘊待春開寒重春宵滿未催君此江南范曄好
一枝相趨隴頭梅

次再雪韻

奕奕浮浮點歲華維摩丈室要諸花曼陀羅雨無邊景
似占春歸玉茗家

玉戲天公匪大誇銷除都是鏡中花吾將不泛陽侯往
海上曾空印木華

次三雪韻

雲蕊無窮造帝家枝枝葉葉幻花花飲君采夢玄清戲
並御僊僊八景車

雪晴簡閨齋

眼看冷暖全無定脈脈渾忘厚薄情著處并將一夜冰
曉來都入大江聲遲遲賓日升金殿曖曖王春麗錦城
傳語風光弗留滯隨時相証泰階平

題蔡慎亭曲林垂釣圖

倉筥一曲釣竿於雞犬田莊風味餘絕肖孟家盤石上
水心得處欲忘魚

春日寄懷陳凝齋進士

北轅就別四三年簫曲峯高有夢懸潛浸古今心不競
君積書充棟陶鑄古今頃表章文獻意何偏吾江名下
對人猶有十年開戶之說文章文獻意何偏遺稿君多
為梓衣冠大學憐雲散花鳥東湖占月先與余遊國子
行宦惟君為問白沙伊洛業春風翹首倍顯然

亦廬詩卷之十八 宜豐後草八

輓鄧稼夫親家 年九十四正月初誕辰

南極星芒夜揜天春熙黯黯百花前詎言玉局人歸者
無復靈光殿歸然詩賦盛時泉社播範型晚節竇家傳
門風回首潘楊篤千古晨朝歎逝川

送熊式金孝廉赴選

蚤是鍾陵品目推十年託近結心儀文章經術古相許
吏用公才今復誰楊柳曉風官路上桃花春漲大江湄
君行正切惟良夢弘此謀謨答主知

祝大尹以前案牽待吏議作有感詩屬和次韻

十番花事一番餘眨眼春明隙裏驅鷗鷺逢秋風旋去
勁鞦韆整駕路非紆鯉庭夢愜拒衣過螭陛思多聯

步趨家 國不忘忘寵辱懿公德量世人無大尹詩有
憂無謂畢竟亡羊補或紆紫禁天高
 恩未報白雲庭遠夢難趨之句



亦廬詩卷之十九

亦廬詩卷二十九

南豐湯斯祚衍之

宜豐後草

羅浮雲鳥歌呈中憲楊公

羅浮洞天五色雲雲水相和太乙根有鳥沐浴慧以文
 一飛一鳴諧天鈞曾上阿閣鳴所瞰出棲八桂林溫存
 八桂林中何振振昨夜天聲建禮堂一片雲飛碧落端
 碧落仙人重笑歡笑歡雲鳥中天毓一聲雲盡錦江瀾
 羣鳥紛紛睹爭先五色筠州待被全十載桐陰謁蹕蹕
 粗分筠蔭亦檀樂覽輝有堂臺中間堂建鳳皇臺前列
 樹梧竹頗成陰
 碧落仙人乘雲觀言從雲鳥拂儀翰我聞泰山之雲觸

亦廬詩卷之廿九 宜豐後草一

石起輪囷東海南海通無垠羅浮一氣交氤氲君不見
 鳥秦虞韶天神訴雲作商霖不崇朝雨天下均

首夏從公休暇大夫中憲楊公命觴酒會寮采衍
 樂既醉命導登碧落山遍覽諸勝得所未經作

歌恭呈屬同人和

美人臨照筠州春四壤並飲春和淳嘉樂豈第宜人民
 宜惟其尊惟其親霹靂先聲震驚萬壑北來春澤浩
 圖書之府接遙青芙蓉亂落東軒曉一昨公餘花信晚
 鈴索風清從去游行山水相逢謝臨川一朝碧落開生
 面碧落峯宗古橡根前朝雨露喬枏均梓楸楓枯一輪
 因我來疑睹法王宮殿諸相變一一出見文六不啻羅

漢金罍身又疑雷風交咫尺虎龍倪象森擎吞杪春朱
夏是時瀕桑陰幕幕郊圻曠鳴鳩拂羽戴勝降蠶婦田
父忙歡奔袴襦來歌太守仁大夫賢我事富賓山澤之
氣地天通丹鳳靈芝待應重我歌一闕酒再中令聞不
已長春風君不見自古碧落有山不記幾過存幾誰者
化誰者神至今升馨九哲人文信國劉青田
凡九人詞病九哲 峯頭祠祀陶公二蘇子黃
諸翁米元章朱子揚誠齋

贈胡景方明經

錦江今雋調重彈家寄鹽城地一關持操每觀心似水
相於真覺真如蘭鑾盤弋重雙鷁發沈湛經須五鹿刊
臘雪春燈與先後幾回卮酒討黃韓

示盧詩卷之十九 宜豐後草二

古詩四章簡申南屏大尹兼志別懷

佳萬龍斯淑和聲天地元匪直鴻猷潤息之化所原穆
父簿領最妙茲風雅敦豈不貴電埽道於響答存安得
大神州絃斯古調淳
蘭筋天驕育神行電影躡偏於蟻封旋繁策意逾愜北
斗運天樞九野精相攝挾山超海晏微用秋毫匪詎言
正牛鼎而薄烹雞狹
我聞嗣宗眼不以青白遮又聞平生論臧否罕所加作
達固如此與世妙用奢圓靈水鏡懸萬象入精華誰是
妍媸遁或不廢矜嘉
人生貴相知相知良獨難接膝渺河漢常待曠世論得

一但不恨古來歎虞翻風吹野塘水流萍聚散端寸心
作之合千古重盤桓

次酬魯厚齋寄懷四首

歎息永嘉末雕衰正始刑元音遺數老大叩發羣盲
山易 異代青雲業當時汝社盟迢迢吾與爾晚近辨香
名

蘇家老古蒼述作翰林揚謂南風月標泉社儀刑署鄭
鄉懷過履道里悵罷拊琴牀伯道平前龍神交意最長

李舟名父子同杜臨況辱何親謂伯偏卑損冲融有失
醉踐盟誰嗣霸謀道自忘貧不覺吾衰甚悠悠任世人

示盧詩卷之十九 宜豐後草三

雖宮連壁夜謝萬厠同龕似爾官仍冷揆余老詎堪余
太學君昆季儲子謂齊永通事及今官屬耳猜行關
王公白齋臨場相切磨常出所作詩屬余論耳猜行關
蟻近病心恨繭纏蠶大合明堂樂遲君以雅南

奉輓掌教豫章前中憲沈公泊邨二十韻

問訊章江阻秋風颯報悲樟陰白日淡經文哲人萎苦
水靈源炳筠州治譜垂爭吟謝眺句不忘去聲韋丹碑南
狩 恩方篤公按東山起詎遲報章曾幾候哀真
遂移時舊屬微才忝哀遲異今知形骸慚土木禮數寵
賓師每公餘蕭灑投壺箭春容叩鉢詩醉陪
豐樂晚登並峴山期金石精堪貫雷霆銳欲追詭顛中
壘杖竟掩廣川惟硃墨錢編滕江湖旅觀迷一朝人已

矣千古事如斯白首復誰識青山空爾思朝中舊德在
江右古交遺列伯崇儒意諸生會葬儀白楊風浩浩丹
旌影離離李漢文當緝侯巴詎匪辭旁皇磨鏡具淚下
錦江濱

秋日陳建亭大尹特枉敝齋賦贈

葉縣仙人丹鳳姿古臺真觀吉光垂鳳皇臺牽絲蚤戴

喬隆慮濯錦今親陸浚儀白露半庭梧竹溼清風一榻
桂蘭吹不嫌居簡文重論有暇采秋款菊籬

贈別吳文山入京授選時除兵馬司

孝友人言第與兄乍看軒鶴起崢嶸十年名蚤賓卿寺

三選司宜輔帝城紅樹秋山馬去路黃花尊酒鴈飛

示廬詩卷之十九宜豐後草五

聲南雲寄指多嘉慶日下聞常附老僮

戊寅秋杪准縣牒移詳委駟棠浦監收漕糧賦詩

四首

歲輸公有分裝下古林端落日四山紫秋楓萬嶺丹監

司權借箸撫字豈微官幹當饒何補空知飲水寒

一雨寒蕪綠恒暢小潤餘三冬田尚治六種事多虛燕

牧歸依閑魚鹽罷背墟屏當孤署靜得暇亦親書

清饌人無欲便便飯一升言詩得里俊時戴王卿劉諸生指著言詩殊

致有理問字及山僧有太子廟僧德文霽景黃花晚高林

朔吹增不知開檻側開滿幾多層
隅取亦薄領所事匪蹠跼餉饋難容假膏脂豈任奸為

邦仗廉愛經世愧衰殘正憶淮黃運東南一路安

寓署書感

山楓落葉墊儒巾白髮蕭疎簿牒親來往忙邊蟻戴粒

朝昏聒處雀巢園笑看學究榮陽老忝作倉曹孟氏隣

敲扑喧囂與解免百年無計保斯民

書所見

大園方遠鎮量沙流水生趨各一家蝗向附隴都出陳

犬於投骨一相牙白晝夜印懸潭月霧若朝通上漢槿

誰挈軍持伴鉢咒曼陀羅淨雨天花

復往棠浦

乍回輿趁曉恩恩迫有勾稽未了公十日霜高山木落

示廬詩卷之十九宜豐後草五

一時稻穫野田空飛光警節渾流矢新月親人復偃弓

夜半杆擷罷巡徼遙遙河漢聽鳴鴻

回學

四句勾當拙前籌依樣葫蘆那自由本不私中誰任感

但持公處免相尤開軒客散尊須理繞砌人歸菊尚收

孫穉接迎老公笑棗梨排辦與摩頭

棠浦之役辱毛雪崖詩謂即鐫碑以示來者酬詩

力謝效俳諧體

不後民情見負擔也緣義舉便苦磨倉由君家倡建拙才那有

勞堪述曠百年稱只重慙來詩有儒門大政銷奸首
杓之人訝庚桑子竊竊欲逃畏墨民初却衆誦習為置

不合紫微大手措君家好事正無倫隨屏長公中翰為別與區聯力謝

章丹年祐重勳碑漢上江南足古思莫枉良工小龍鑿

石如能語懼於伊

魯論半部於何著自西冬烘空所聞多謝君今以儒戲

大張子曰與詩云東詩有論語果然還佐國黃經學究只之乎之句

王韓伯孝廉題答拙集兼示選刻西江詩古文徵

政次答

墨守枯窪碧半潭笑無敵帚亭千金青宜傍謝雲千呂

澤障鳴和聲鶴在陰江左風華別流論襄陽耆舊古知

心擅場吾老多君王去聲著意春熙惠好奇

己卯春謁郡羅西岳明府復疊招歌飲賦謝

示廣詩卷之十九 宜豐後學六

濯壇雲散曙清寧坐對芙蓉閣外青古調自流單父邑

令儀多在覽輝亭明府辟琴堂西偏構春風花鳥重吟

度夜月笙歌幾醉聽千古文草寸心事十年水鏡識圓

靈

郡回覽輝堂即事四首

廿四番花風信開塵冠落指響初彈枕邊綠葉嫩堪藉

几上青山秀欲餐一榻乍施甘曉夢重來猶擁怯春寒

醉頭老壓茅柴硬野蕨新道并上盤

鏡裏性松沐櫛過檻前倚鎮婆娑坐來東里漁者醉

謂源日聽南屏山人歌日故詩柱藪執蘭著意甚但

看插柳無心多霄高有羽不羈繼為起冥冥破雀羅

乳燕鳴鳩春寂寂日長人似夢中多讀書老去病吞炭

說事聲來癢隔籬兀坐好儕木居士淨根真作石頭陀

宦情不待秋光薄留參軍廢事何頃余以休老陳威中意意愛少待

笋竹孫桐霽景森掉頭輪吳轉光陰半規已稔乘除分

一寸寧忘雨露心低唱淺斟回首肯新愁舊恨匪眉任

無端昨夜曉槍見讓厭誰遺 聖慮深四月朔四日

次酬門人李荆山四首

吾黨能狂子歸思失記年篋琴懷遠道雲鴈有來箋所

歎還藏匣深知不改絃一燈長把握漏靜落花連

十年隨蠶蠹辱 詔重京師有遇躬 天簡無才副

主知龍媒足不忝樗散復何辭慚愧馳名士先生髮老

示廣詩卷之十九 宜豐後學七

為東詩有雲傳馳名士先生是我師之句

破山寺裏雪邨樹萬梅林月沒人聲渡詩成體一禁徒

子從遊崇異古寺嘗冒雪渡水為戲 切塵搔白首猿鳥

梅花數里峰作詩擬聚星堂白 時從遊九人免後

聯歸心莫論升沈事風流重且今 第二聯舉二觀

三開芳徑曲示和只羊何鄭老人從笑毛公世不多歌

長同感慨來詩兼致毛道在豈磷磨寄待尊鱸好投轄

早晚過休取次

己卯新夏閣齋招同諸公飲稼書邨舍賦贈

林郭景風扇新陰布崖厂稼書邨舍田古耕我思儼昨

宵致簡呼山中欣有滄觴酒集歡言與俗殊醺醺良苗

翠成行穉篁綠拂檻寂寂鳥休啼決決泉正濫摩挲蹠
古石坐臥縱不檢落日重登樓客醉我慮澹寥寂沮溺
心詎庸華數點接規邪溪潭放牛鹽嶺堪明年投劾來
拜君袍笏欲請學老農如勿棄樊須冉

夏日王韓伯孝廉枉過招同毛閣齋中翰胡景方

明經輯飯覽輝堂王即席辱贈次答

誅茅成堂胼兩手覽鳳凰輝聿矯首曉來天錦聚光威
信鳳鳴和堂不朽漢南獨步王公孫戴筆花生問花柳
黃緣博士河間長大揭致堂開雲嶺嗚呼千古李杜高
吟臺名登為臺有笑吟鳳吹我詩來當整雲車屬爾酒
時王即下章
江蘇志別

亦廬詩卷之十九 宜豐後草一

古歌寄答劉魯菴教諭為太母趙太君八十壽

我昔登覽匡廬峯尊甫中翰趨庭從余遊匡廬今祖在
星子學中翰君就
省相又昔陟攀衡嶠頂舅氏外翰過余遊衡嶠今
在清江學往塞垣萬里北逢君象賢似舅文章炳余出
近邇過從石鏡山前講席陳琴臺幾報春風
授武寧學相晤京師春藜閣高開歡慶奉起居大耋太夫人太夫人重德音
功中翰外翰賓友崇令妻壽母古姜匹內外名家源本
一宜爾子孫礪落騰驥競奔軼王璠韓緯鼓笳廿年
占秋實春華尺五天歸忝時論魁三象近屬君家余家
以
望推里中向來有東趙西湯之目而與君家
居址切近廿年來君家科第接踵余家替甚君歸為報
太夫人蓬頭之老老比隣即今百狀不足論徒能作歌

超凡倫取附麻源三谷之水晉朋鮒試聽何如大小珠
玑落玉盤

夏日毛閣齋餽那悉茗湖目賦謝

何處散疑蒼蘭林雪花六月上巾簪暑亭卧起煩驚釋

陳陳香傳是素心

美人湖上擘漪瀾曉露甘香雪乳餐不忘去聲老饕樂府

思去憐心憐子重盟歡

熊子信及與余說詩最早近擬擋衆務構小齋讀

書紫薇花時邀余過論今閏夏涼雨迎秋憶宜

有新得起余作詩寄贈

市井鴻溝一客任小園曲巷味書深紫薇花發從還往

亦廬詩卷之十九 宜豐後草九

羨爾翻然汲古心

唐漢千秋足令圖別流定論自堂塗小南大北孰強勝

賸與中樞執得無

秋雨寄懷魯遠懷教諭

伏雨關風秋淒增我思萬里愁雲層謝公山頭重回首
不見來鴈嗟升恒廣文從來飯不足何堪令奪先生粟
貧也非病道藜克豈莫能興遠蹙促一水盈盈望漢涯
我限往君不能來十年有臭終逼此人生賦命真艱哉
臣朔死饑耶巧哂八尺身算要重謹丈夫終莫生畦畛
用韓

寄高淳令梅怡圖

甲戌秋彭城晤君一宿而別
后音塵殊寂頃見抄知補高淳

秋風大河曲一宿五寒著不知碣山後悄悄復何許近
聞曙 聖回叨以僻簡補我思製錦才隨時具機杼繁
劇道合從瘠薄理寧迂顧惟江淮間瘡痍歲未舉上下
公私計安全費支拄蹴促寬政思君懷重蘊古相見定
何期美人迫日暮好在尚無忘因風託毫楮

新春日同蔡漁谷對酒試筆

雪滿空山夜圍壚獸炭紅醺顏酒對鶴髮復春同行
藥身強健銷兵世邛隆時西報長歌答德澤花鳥沐東

風

烹雪邀漁谷

雪深三尺許踪跡斷人經埽徑呼童僕開林對石坵藏

示廈詩卷之十九宜豐後草十

教封甕盎烹此潔鑪竈飲此君能味清歌一笑聽

題陳竹屏洗硯小照

白雲不住空天光相定宇徑尺含星芒摩挲認太古破

濯神淵深臨摹罷軒翥洗硯得洗心誰歟傳阿睹

庚辰元旦

大衍逢龍紀三庚鳥歷春今年恭逢上五十五歲無窮

基復建有慶命重申日月經雙鳳絃維頌一人西報

萬里二小臣懷利見得健擬恭循又當引見

旌表節孝劉母鄔太君建坊頌言

於戲 聖孝廣錫類推洪仁春茲節孝義采博重恩綸
疇忝小臣儒厥叙攸人倫繫顯微幽闡此事匪他存倚

嚴節孝母劉鄔氏堪論結念青春首白首終完純歎彼
柏舟流浪激風飛翻龍清畫騁危檣重碗昏如玉三
日燒貞白試乃真如松干霜寒蒼意歲逾新曙曙者厥
終呱呱者厥振半夜星斗落矯首朝陽暎惟是三綱扶
一髮繫千鈞幽潛不揚花風化罔由敦小臣儒稽首區
牘粵寅陳司憲上之朝 帝曰允若淳大書特書垂雲
漢章天紳鼎鼎閭閻內義聲永不淪夜來瑞露濡北堂
生歡春君看門開曙靈芝秀以繁

贈熊秉六

餐玉旁通大引年詩書嗣續付兒賢法從河上仙人得
經合周南柱史傳子夜笙歌歡按板元宵燈火恰張筵

示廈詩卷之十九宜豐後草十一

老余未就丹砂訣騰欲從君問求田

飲馬投錢限冰字五言八韻

清直斯無忝投錢事紀會馬寧虛飲水人重印餐冰焚
散隨鞭指蛺蝶倩鑑承柳邊聲落索花外影凌兢去矣
心如結懷哉愛莫勝誰論不識值欲笑永嘉矜鳴聽蕭
蕭路名垂渺渺稱 熙朝重敝吏漢治以時升

亦廬詩卷三十

南豐湯斯祚行之

致仕草

庚辰秋余謝病將去新昌劉子文可留館仰齋書

屋意篤至賦贈并別

家政觀君肅登堂慶有餘弟兄惟孝友齟齬盡詩書終

始情逾重聞知古不疎慈顏允福壽歡見拜嘉初

勢利人爭驚君情殊澹如偶論十載事誰共一朝居觴

盡宵燈永涼生秋雨初老余天幸假愛敬重相於

贈張松宰孝廉

先生敦古處廉孝世誰儔後學資成就先民務討求笑

亦廬詩卷之三十 致仕草 一

言親坦易飲啖足風流相視鵬冠子忘形冥耳謀先生失聰

余頃亦重聽

劉辰告以靈芝二本作詩贈行次酬

歸去來歌算菜期秋風一舸趁吾之多情為謝瓊華致

遮莫雲腴與療飢

鹹黃十載冷官羈夢裏商山探紫芝拾取晨朝偕負戴

不知綺里輩何之

庚辰秋如萬載省魯厚舍教諭信宿話舊感懷作

歌

磨驢行止窮年載百里園牢似天海一朝投効我能來

累輸重閨那復待歎我年來甚矣哀喜君顏色盛未改

慶患餘生黯何言十六年空皮骨在讀君文貫弗百家

怒發天葩滋蓓蕾大鵬允合天池翻胡為乎甘偃息六

月乃句聽君之論重唏噓茫茫何地著吾徒巧將心計

託陶朱君言俸滿當小隱販買千思萬想不如竟盡千鍾舜百壺

我歌一曲晉君爵清漏迢迢燈花落但使生前相遇相

歡且斟酌從他餓死填溝壑莫昌言且斟酌上帝高居

鬼神惡

送萬載令張介亭明府解組歸黔

茫茫宦海付升沉清畏知甘不改心官睹淵明賦處澹

人宜何武去時深三湘月白蘆花岸五嶺霜丹楓樹林

我趁秋風亦投劾鱸魚歸就愴分襟

亦廬詩卷之三十 致仕草 二

簡署萬載令章祖庚明府章由吾邑武川著集

石交曾共隱侯傾書翰中間託素誠注令中表沈君述漢北契因每翰往

還花下七絃新玉調吟邊雙幹舊松聲眼看碧落雲流

妙心識滄浪水其清坐見桑陰陽樂晚依依杉櫟故鄉

情某雜家十六載

贈沈昭華副府工詩

鵬鵬秋風萬里思相傾一見儼鬚眉自慚博士聞知寡

却怪將軍嗜好奇朔塞雲生章龍逸蜀江錦濯句成遲

杜元凱庫清霜闢漢上名傳古有碑

庚辰秋余將去新昌既辱諸公各詩文贈別越中

秋前三日余驥舟江上李子繼武元乃蔡子長

之襲于兄弟熊子信及復置酒酒半長之為彈
琴一曲余作歌敬答并致諸公

秋風吹空一色月明江上蘆花白我將萬里隨風之
月為留人重筵席昨夜清歌各執倫三解五解動梁塵
倚懷落駿千里一一天骨森強神今夕酣歌酒再中
彈琴為我呼松風一曲漁樵滿江水江水迢迢情無窮
我歌拂袖為君舞負道遙遊吾誰阻三命終窮隘百年
大塊人生曷千古我行重來為君期我心重在君應知
但看河漢不改色不用關山窮所思我心重在君應知
庚辰秋謝病離筠州述德感懷奉別中憲楊公二
十四韻

亦庶詩卷之三十 致仕草 二

薄植憐哀朽淵表賤貧無私知契理忘分感推仁一
顧尋常出層霄咫尺伸挈辦殊路分倒置重披與滄海
觀瀾閣瑤璫度德純鑑寧隨毫髮與埃塵政府東
軒暇書城南面親天開碧落曉堂靜綠筠春袖繭微思
縷千雲火叩鈞冲融標哲匠涵泳託羣倫山值謝靈運
人歌召信臣不才長耿耿延譽負津津憂患生多忝窮
愁學未臻懸頭徒苦楚點額只遠延表聖身占遊虞翻
骨識也慙惟竊升斗詎敢擬師賓莊鼓歌恭舊商明慟
屢新三男志似故於籍四男志似參軍留荷續工部恨
當陳公堅意留斯許從詳暑山色輸歸意秋光薄宦因
棧騎鳴顧重暮燕語辭頻別淚方霑賦前程欲墊巾自

甘終繭室誰分覬蒲輪蒙公賜慰有霸遂稽勳還循良
卜命申待公師相入漢治詠平均

庚辰秋謝病寓章門逢王少司馬典試暇晉謁感
舊陳情上四十韻

北斗迴元造南離衍化光仙京開玉白帝闕作金黃
維嶽精靈挺擎天柱石當握機觀世會典象占文昌卿
月西江麗王風上國颺五峯參盧岳九派接潯陽哲
匠今燕許良材古檣樟恢宏罔網絡辨別到毫芒鷹隼
歸條鏃羈騶隸服箱在田龍離聲隱向日鳳鳴岡伊昔
傳臚唱逢時大對揚一聲驚海宇連步上天閭金馬紫
微署銅龍青禁坊龍制存前問妙選副賢良製草頒宮

亦庶詩卷之三十 致仕草 四

錦書麻麗漢章江淹花筆並銜珎玉人方兩戒窮輪廣
三通括混茫登峯知低極觀海得源長藜杖更生火蘭
亭逸少香大昕清旭候上舍綠槐旁至教親周學醇儒
拜鄭鄉恭逢裴叔則感遇馬賓王草遊太學韓王文山
孝廉隨侍某課疏先鶴俸竊餘康輿供資奉嘗道南殊
縮憑轍北遂倉皇某就選新昌學先生錢別有竹林人
分宜學同每憶先生解深漸弟子行青山何渺渺幽室
欲依俚睹聖目猶炯瞻天首重昂塞雲騰似火邊
浸蹈如湯某休滿引見熱河回雁叨明旨歸驂戒
故裝趨塵時晚戀關鬢莊浪東觀人迢遞西州路
感愴末由追曳杖空自悶絨囊某引見回京不復再

計從奉寄公黃卷仍編纂青瑣舊守藏耳聾修恨甫明
行臺亦未達
喪疊摧商漏盡諸身止途危仗劍防謝歸荒白社淹臥
困清漳魏闕懷終結周姬夢感忘買山思舍魯抱病計
遊梁披豁逢重養支離幸再康倘蒙存老馬剪拂尚鳴
驥

擬上湯大方伯四首

峯高秦望雪松撐領袖誰儕於越名經國文尊山倍
峻致君心白水長清班資青瑣南林貴典握黃扉
中禁禁屏翰太江西顧望春臺崇起濯嬰城
潯陽九派滙淵淵重對匡廬面目真千里湖山修令洽
八州士女飯和均宛臨仁壽鏡中曉直坐樂遊苑裏春

示盧詩卷之三十五

禮樂農桑連井畝帝常時憩召公巡

豫章材古出洪都哲匠年時斤斧紆衡丈平於趙玉尺
照臨清徹鮑冰壺文昌被遠三台帶方岳歡重萬室呼
慚愧泥林託老朽采薪猶得廁樛茶

聲丞自免許情陳某縣縣轉請休致斷不為轉愛但具
文詳請奉批已詳請咨部原品休致

矣幾日西河勸楚頻乘化有居安俟命賦歸無業幸依

仁春蠶未繭絲終吐老馬或存智備詢田子方稱今盛

美餘生詎晚古人因

胡母雙節頌言

頽雪餐冰淚灑天花容鶴鬢幸依然一終向矢夫綱重
千古雙旌母道全馬角既生觀持足鳥頭垂白羨駢肩

懷清臺下長清水譜入琴聲大小絃

送唐步雲明府教授信州學

玉籍仙安列宿行世家瑚璉表文章農桑昨戴鍾林慮
笙樂今尊馬季長花徑分張春乍曉茅簷猶頌日初光
開唐治順義民開
自日初光之語鐸聲響振靈山答朱陸淵源性道昌

大椿花次家弟教授為之韻為戴思亭提典賦不

以花著戴君署今花
以丹桂但無奇云

上古春秋標幹老異時庭院品花希高枝紅揜江楓麗
冷露丹兮月桂肥笑指園扉清梅棘坐看銀漢轉璇璣
懿君永德梧桐茂翹羽當傳采鳳飛

題羅浮夢筆冊子

示盧詩卷之三十五

冷骨冷面冷肝腑冷官謝去梅堪伍昨夜南昌夢裏仙
似遣菲菲來襲予上畫圖開處曉驚情夢滿空山鶴未
語不能竹外水邊誅茅歸去老結宇辜負老梅誰作主
老畫圖中尋出處

章門遇王丈一峯招同閨齋酒家話別

生涯何處認頭童皂帽蒼茫岐路中不記青山幾離別
那期黃髮重西東夢周老我衰心甚興渭多君占過隆
且喜一時今夕會酣嬉莫放酒杯空君擬來歲赴
江南樓寓

題黃孝子祠堂

生死完生誓死真終天無恃恨為人萬千百水憑僧鉢
三十八年認母身造化有心通至性聖賢何道屬斯民

崖枯石爛從灰劫遮莫空山立鬼神

再赴新昌舟中簡毛中翰閣齋即寄胡景方明經

李繼武文學李元乃明經熊信及文學蔡長之

暨乃弟襲于上舍四首

再赴成都似歸休栗里垂醉來公作主攜就月開懷天
地吾安放行藏死即埋稼書村舍古耕讀况堪偕

落日西山色流嵐度夕陰嶺霞浮岸淺海月射船深邨

酒澹中味漁歌暝外音江湖知足樂魚水抑何心

夜遵潭浦宿朝近錦江隈水鳥依沙靜風帆擘岸開好

山隨意看雅譙稱情來時高安廖君魏席報道前灘阻吾當抵

曲回

亦廬寄米之三十 致仕草 七

仍上南屏客山桃待小紅翰峯迎面合耶水信心通學

謝湯莘叟詩歸毛大公為言吾黨子重友小安豐謂中翰李

氏時

疊前韻重簡寄四首

不棄樊須再寧教投効乖已卯夏六招飲南屏有明年

縹緲今重解田舍古長懷永矢金堪斷關心玉悼埋伯

兄病革 誰還論四海負戴合公偕

登陟年前事依依擬漢陰畫圖神絕遠太守趣相深從往

沈泊都太守登南屏有依故事漢江山水自餘韻聲

歌誰和音地天容傲睨幙席豈忘心懷天席地亦

汎影兼葭畔和光魚鳥隈難窮患氣積且辦笑容開日

月觀寒往乾坤占大來遲公牋詰暇三共絕編回

髮短資膏沐顏枯倩酒紅五窮卑鼠伎一點尚犀通相

得盛君子猥慙衰老公願言俱罷勉耕稼及年豐

同毛中翰赴熊信及招

為諸君重重開眉離下秋香已後期多爾芳尊老攜勸

傲霜雷取正黃安信及為言昔菊皆萎持雷此以待余詩

紫微即對紫微花老伴愁予負拜嘉紫微花昔信及招

紫微新痛今日城南疑城北澹如人餉匪掄掄用中翰前赴

之

仄酬閩德化教諭朱筠園見寄

元昨秋風吹我投効撤下覽輝堂梧桐葉落天青蒼逝

亦廬寄米之三十 致仕草 八

將乘蹻隨風往萬里江湖縱渺茫十日經過康樂廬飛

鴈天邊忽紙繭紙傳到蘭亭王余謝病過萬載於厚故

人思我千里月樓指七間霜楓黃余教諭來時詩餘故

難能話晨燈光去年谿音音別君近刻致我久不答厚

情何厚不遺衰遠貫我懶疎狂憂患吾生那從憂患死

謝歸無歸吾去何之豈旁皇冥鴻已幸樊籠脫任飛飛

空海天將柴桑處士居非遠南昌仙人跡未涼河上老

公富春叟夜一一夢化人裾執相與排雲間余離新昌

盧岳江荆那知河間博士三侯至滕王閣下尊酒酣嬉

長雲帆載我南屏返倒空星月臥連牀烟深夜漁扣舷

集宛和光魚頰鳥頰為報故人挈榼荷鋤今為政玉山

何處便埋夫何傷候潮汐信神為馬從他欲濟川無梁
與公等印寸心千萬古長留天地無相忘

李孝子詩 并序

孝子名大仁字存齋閩建寧巧洋里人籍郡諸
生澄心默照不屑屑制舉學事父母極孝教父
病百計求愈不得卒孝子擗踊無度竟以毀卒
臨卒囑家人麻衣殮被一犬以麻書己名姓俾
卒葬憾已不能終喪終母養自夷禽獸也及殮
母被以襴衫忽目張手強不得殮易之始殮
飲恨終遺恨不伸終喪終養兩銜辛須知奇行原庸行
自篤生身慟死身號彼襴衫堪被大問他甘食夫何人

懦夫可立千秋志

聖代綸章褒勸新

題李翁介人遺照

李翁式文學元乃
明經再上庠生

宛矣衣冠古社賢卜居護水帶藤身晚間閨里蘇羅可
蚤說江湖妙計然振秀機雲輝華鏡損芳儀微推技駢
禹鈞老正靈椿大原自蟠根李是仙

除夕更深閣齋籠火顧余感賦

舊雨今誰至天涯感歲徂趣聲燈喧偈側判漏省鰥孤
香施鑪添炷厨寒酒重呼交遊傾世上爛熳慨公無

庚辰冬余再至新昌蔡子長之館余紹芝亭閱辛

巳春將遷毛氏南屏稼書村舍留詩四首

之子賦酸外耽情戶鎖為執花蘭九晚滋餘柏雙青汲

古披蟬快論詩坐醒庭孟家兄弟好款我紹芝亭

曙軒迎旭蚤

軒名

且景透相簾烏作春聲弄山為畫

意添臨書移曲几得句步回檐老古何朝木長懷借助

淹臨端老樹蟠幹
荔殊競古致

冥命烏新致精教白粲春

屏厚給木炭
上米諸物

老添香飯輾墟

暖凍春釀別意琴三疊來詩鴈一封不知存疾疾酩酊

生雪大寒

熱悶心適親仁雅意真醉歌忘去聲除夕卧病到花晨

上蟬梅梢臘海棠枝上春南屏待夫杖絕頂造知津

亦廬詩集二十八卷

江西巡撫
採進本

國朝湯斯祚撰斯祚字衍之號亦廬南豐人雍正中
以歲貢生官江西新昌縣訓導是集以編年爲次
其居家則有超遙書堂草茗柯山房草遊楚則爲
匡山草沔陽草泊歸而復出則有茗柯山房後草
崇真禪院草沅湘草充貢以後則有北征燕山南
轅諸草爲學官以後則有宜豐草俸滿草回任草
宜豐後草其詩筆力頗爽健惟功候未深耳

慎獨軒文集八卷

〔清〕劉青霞撰

河南省圖書館藏清乾隆刻本

附《四庫全書總目·慎獨軒文

集八卷》提要

慎獨軒文集序

凡道有異端而功無異端道本一故有異功殊途同歸
異聖賢之所謂異端道也非功也後人之所謂異端功
也非道也未爲其功不識其道烏知所謂異端也乎夫
子曰索隱行怪中庸曰上下察察者是道則隱者非道
楊氏爲我墨氏兼愛孟子曰爲我善仁兼愛善義仁義
是道則楊墨非道昌黎關佛爲其去父子君臣朱子闢
佛爲其近理亂真夫去父子君臣是離五達道矣近理
亂真則言性而非喜怒哀樂之未發也安得不謂之異
端也乎中庸曰自誠明謂之性自明誠謂之教誠則白

慎獨軒文集 陳序

明德無不照明無不誠積漸貫通故中庸有會德性道
問學孔門有知十知二顏淵問仁夫子教之以乾道仲
弓問仁夫子教之以坤道乾道者直截了當坤道者謹
守持循佛家有宗有教有頓有漸儒者一本萬殊萬殊
一本均之此道安可謂之異端也乎世以言心爲禪言
虛爲老言照言悟言靜言知爲雜學夫傳心始虞廷虛
靈不昧朱子以解明德如果妨於大道朱子當遠如鴟
毒矣肯以之釋聖經乎余官京師知中州濬縣之官
至今不泯家有塾黨有庠郡縣皆有書院名公卿賢士
大夫朝夕論究躬行實踐故俗地醇風地厚欲識聖賢

之書傳非中州莫屬然信道篤則衛道必力衛道者當
從徑外之寇不當岐門庭之人今有人欲適 京師或
從吳楚或從齊晉其徑不同其爲適 京則一也不從
京師論是非但欲路之出於一將終日言路終身不得
至 京師矣於適 京師奚當乎劉子嘯林中州之信
道者也余過襄得獲展晤其貌溫然其氣肅然其動止
儼然其先世則以理學世其家叩其學則天人經史之
書無不究貫其授受則以四書反身錄爲之宗讀其所
著慎獨軒文集昌明正學發揚微言則皆信道篤而衛
道力者也非所謂躬行實踐而得聖賢之薪傳者歟雖

慎獨軒文集 陳片

二

然他山之石可以攻玉余讀朱子之言曰人心之靈莫
不有知天下之物莫不有理又曰用力之久豁然貫通
以人心之靈對天下之物則知物非大而知非小矣用
力久而豁然通則所通者何物且全體大用不屬之物
而屬之心則所謂體用者將得之格物之後乎抑具之
格物之先乎劉子將有豁然貫通者矣試再舉其說以
釋之

康熙四十六年歲次丁亥元旦後二日海昌年家弟陳
說寶齋甫題於黔陽之陽明書院

慎獨軒文集跋

此襄城劉嘯林所作也劉氏爲襄城義門嘯林又年
荒桂中一枝也世以忠孝名家自其先大父 文惠先
生於勝國將滅時率二子孝翁友翁贊畫汪軍門帥師
討賊乃天厭火德殘明將熾徒揮魯陽之戈而不能回
虞淵之一綫大功不成汪戰死而襄人殲矣當是時襄
禍最慘而劉氏一門幾幾玉碎則又慘中之尤甚者也
君子觀於此幾謂世無天道矣由今論之世當鼎革禍
福倚伏之機尙可以常格測耶夫 文惠先生與孝翁
友翁兩先生忠義之聲滿天地其所取於造物亦奢矣

慎獨軒文集 鄭跋

三

而 恭叔先生承父兄家學以率諸猶子嘯林五六昆
季玉笋烏衣姓姓濟濟於孝友堂中談道著書去制義
古文辭擲地輒淵淵作金石聲學術之正才識之雄將
來成就顧可以衡石斗斛計量耶予嘗取 文惠先生
贊畫軍門事載之豫變紀略矣適遊梁得晤其文孫嘯
林讀其著作爲之心醉恨其相見之晚且不及蚤登其
堂而親覲兩先生音徽誠憾且慚因書數語於簡末其
亦識予感也夫其亦識予陋也夫

康熙壬午秋日雪園鄭廉介夫書於大梁旅次

襄城嘯林劉子別傳

鄆縣 王心敬爾編

嘯林劉子余盟弟而襄城六劉之一也劉於襄城爲望族至孝友先生兄弟三人以節義文章名其家君羣從六人而君於行爲次卽孝友先生仲子也年十四而孤鞠於季父中翰恭叔先生先生慈護如子而督學殊嚴君亦念早孤而父志不竟也卽知恪遵季父教喜讀史漢百家以倡和羣從間於制業藝不屑屑也嘗曰士愧不學無術耳科第視遇合何如役役奚容同列或譏疑之不恤故君當未籍庠校時卽獲博雅之聲羣從亦皆

慎獨軒文集 王傳

四

於制舉外各擅其長鄉先生籍籍推譽而六劉遂名襄邨數百里間矣然以數之不偶也羣從中連發三人獨君年踰三十始受知鎮江張公補博士弟子又十年始食餼於江右湯公自是僅十年而不幸以五十八歲亡當余甲申之赴楚也將先師二曲子李子命道出襄城恭叔先生時養病家居先生見余不啻見子李子之子弟卽余見先生與君羣從不啻見子李子與伯敏昆仲故承恭叔先生命仍與君兄弟誓心而盟以續子李子與恭叔先生舊好蓋子李子生平不與人盟而獨盟恭叔先生兄弟卽余年且四十六未敢妄盟一人而獨盟

君羣從嗚呼是可以尋常締盟論哉而當是時也則與羣從並盛年高才會不余迂咸欣然視余如兄自余庚寅再赴湖北甲午夏赴姑蘇返皆道襄信宿每相見必劇談連宵無言不盡至歲時音問未有逾二歲不彼此及者蓋君性孝尤善處道與母子間於季父事之如所生事兄嘯廬則儼若嚴父於羣從則昆季而朋友切磋之誼爲篤至於好賢樂善則尤出自天性故其於孫季義林之表章祭祀先慈教子之獨行數十年中皆孜孜揚扆之不替他如慎獨軒文稿中闢忠揭孝慕義崇操尤不一而足也故余與君相對則永嘗不面期以

慎獨軒文集 王傳

五

古處書牘往返尤未嘗不以千古相勗蓋余心之望於君並諸羣從者別自有在又非獨文章聲氣之末契也嗚呼孰謂君遽止於斯耶天可問耶然如君孝於親友於兄弟善讀書能文章氣誼肝膈不愧士君子之行無論世之區區顯通者是在所難卽卿大夫好學長年亦未必一一能至而君無慚焉嗚呼君固自知遇合之有數卽壽年之短長不亦有數耶君尙何憾獨是君羣從六人自甲申來二十年耳遽已凋謝者二人而君又溘然而逝豈僅劉氏之不幸而余也知已零落之慟尙可言歟聞君之病得之於酒居多嗚呼

姑寄諸酒以洩其不平而不覺其毒之遂至是哉然君
既信命自其壯盛矣豈將老而抑鬱遂至於是耶酒亦
何罪焉命也夫命也夫歲之初秋偶檢秘笈見君手書
十餘紙墨蹟猶新不禁淚之潛潛盈襟也因憶君之聲
音笑貌並述君之梗概爲別傳以寫余隱慟焉若君之
細行則君從弟青蓮之行略具矣不備述君名青霞嘯
林其表字也所著有慎獨軒稿史論詩稿藏於家初娶
井氏繼陳氏子三伯陽伯朋俱諸生井出伯梁陳出孫
男三嗚呼將來繼君志而善述其事者不在是耶

慎獨軒文集 王傳

六

襄城劉嘯林傳

長洲 彭啟豐翰文

余與襄城劉芳草爲同年友因知其從兄嘯林君之事
特詳君生十四歲而孤勵志力學補博士弟子員有聲
庠序顧厥棄世俗所爲科舉業酷愛司馬遷班固書精
研尋玩未嘗釋手熟悉歷代帝王將相世系典制升降
聖亂原委有叩輒縷縷陳細大無遺讀書刻苦每當隆
冬渴下衆人夢覺猶聞占畢聲或達旦不休嘗應試大
梁值霖雨旬餘始達駕牛車淋漓泥濘或困頓終日眠
君把卷坐蘆葢中歌聲與雨聲相雜笑謂同志曰風正

慎獨軒文集 彭傳

七

帆懸一息千里恐無此樂也夫人之嗜好各有所寄惟
靜且專乃能相習而不去昔高鳳讀書雨流漂麥李密
騎牛讀漢書史冊皆以爲美談諸子百家之言日傳萬
紙後生多束而不觀其精神意氣與卷軸不相浹洽又
安望其造詣有所成就哉君博學篤志如此雖遭遇厄
塞而晨夕間有以自樂不可爲進學者勸歟所著慎獨
軒文集華萼園詩史論若干卷應有可傳者

太史氏曰予過襄城謁漢司隸李元禮慕清風謾設生
拱木中未嘗不慨然興龍門之思也生其邑者多隱君
子以積學力行爲務劉子其輩流歟夫孤行一往抱

自芳獨行傳中可以紀矣豈必以榮名表見哉

從兄嘯林事略

從弟 青蓮撰

余同祖兄弟六人君其仲也姓劉氏諱青霞字嘯林父諱宗洙子二長青駿次卽君適母張氏生母畢氏君年十四而孤先子育之雖憐愛至督之學則嚴甚君亦自知奮勵然不屑屑從世俗爲科舉學獨酷愛司馬遷文寒暑不釋手一日同塾皆執兔園冊子相競君抗聲高唱史記一篇指輩行指畫而口解之且贊且詠衆竊泥笑終不顧尤熟歷代史帝王將相世系典制升降理亂忝原有叩輒縷縷陳細大無遺漏老學如方庵先生嘗稱曰吾閱人多矣博學強記未有如嘯林者余輩從頗好讀史又好臧否前代人物舌鋒鋒起議論橫出至顛末瑣碎姓氏名字間有遺忘方想像不能猝得君從旁徐道之初疑未必然已檢舊卷果然下迄百家雜說裨官野史當代名賢爵里譜系其不經意而無不誦者類如此

君有至性適母病藥必躬養饌必手進及歿三年如禮至平日委曲周旋適庶母子間有人情所難處者不可言詞狀也嗚呼可不謂孝乎事兄如嚴父有命無毫髮違已之私衷百無一敢違或將出而吟嘯不語或語

未竟伺其顏色少不憚則半其詞或詭他端以竟至
羣從弟則怡怡如也嘗曰兄家督伯也道宜然吾與諸
弟寧復爾爾

君性寬緩有雅量余少時偕應試大梁駕牛車出門即
雨途僅三百里行十餘日如達方在淋漓泥濘中同載
者或困頓終日眠或大叫發狂君把卷坐蘆葢中且行
且詠笑謂同載曰風正帆懸瞬息千里恐無此樂也其
他事無鉅細衆所驚愕惶急者君獨鎮靜處之從不見
有疾步遠色

慎獨軒文集 事略

十

君體貌豐厚微髭腹三壬肌膚白肥喜賓客善談論尤
工文乃困小試中凡二十餘年年三十八始受知學使
張公補博士弟子又十年學使湯公賞其文拔置高等
食廩餼張公諱仕可湯公諱右曾皆名流號知人云初
張公得君卷遍贊幕友曰童子中乃有此作乎召與語
奇之及索所著古文詩歌益大驚曰此國器也而郊邑
全軌車同贈詩亦有平津晚達之句豈意遇止於斯而
年止於斯也嗚呼可哀也已

君讀書強有力尤善夜誦臥床上袒而把卷隆冬孤燈
漏鼓三四下衆夢覺猶聞其呬呬聲慙甚撲燈眠寤復
燃燈讀每至達旦工行草架上卷快首尾言幾遍晚喜

飲酒無虛日竟以是卒惜哉所著有慎獨軒文集若干
卷史論若干卷詩若干卷余羣從六太乙之亡也年四
十六嘯林之亡也年五十八餘吾四人者長年幾七十
幼亦半百矣且各善病豈能長久人世耶追憶平昔文
字酒食歡會如昨而兩兄墓木已拱曷勝嗚咽余齒少
君十一歲頭禿目昏鬚莖莖白較庶常公卒過九年距
君卒僅三年執筆撰君遺事不覺老淚潸潸被面也悲
夫

慎獨軒文集 事略

十一

君初娶井氏再娶陳氏子三伯陽增廣生伯朋庠生井
出伯梁女一陳出孫男三孫女四生於順治庚子卒於
康熙丁酉得年五十八

古汜城志傳

從弟 青芝撰

劉青霞字嘯林耽勤讀誦自少至老雖隆寒酷暑未嘗一夕不燃燈燈著幃依床置小椅上床頭舒書伏席床上祖而誦更深矣稍倦撲燈眠頃之復燃燈每至達旦於書無不窺尤熟歷代史興亡理亂賢奸得失以及歲月姓氏名字爵里系謚充口談一一如數家常康熙庚午先君舉於鄉是科直省題名錄嘯林會手繕一過吹甥易與衆會偶語及江西闈牘甚激賞第幾名文忘爲誰氏顧而急叩曰阿舅必知之嘯林微哂曰得非某君

慎獨軒文集 記志傳 主

耶舉座闕堂一噓其憶識之奇如此少知名嘗著史論十卷慎獨軒文集十二卷行世京江張仕可視學中州讀而嘆曰是尙困童子試耶遂以第一名入縣學仁和湯右曾來視學食餼六踏秋闈不獲舉卒年五十八從弟青芝曰鄆縣王徵君心敬傳稱嘯林好賢樂善出自天性於二曲師先公義林心敬先慈母教孜孜揚扈不替慎獨軒集中闡忠揭孝慕義崇操不一而足相對則面期古處書牘則以千古相期勉長洲彭殿元啟豐傳曰嘯林博學篤志雖遭遇阨塞而晨夕間有以自樂可以爲進學者勸又曰績學力行一往抱璞自芳

獨行傳中可以紀矣豈必以榮名表見海寧陳尙書誥序其集謂嘯林中州信道者也余過襄復展晤其貌溫然其氣肅然其動止儼然叩其學天人經史無不貫其授受則以四書反身錄爲宗從弟華嶽事略謂事兄如嚴父有命無頃刻違已之私衷百不一敢違或將出口吻噤不語或語未竟伺其顏色少不懌則平其詞或詭他端以竟至御羣從弟則怡怡如也噫諸公之論詳矣余故獨揭其學之精而不問於忘者以傳焉

慎獨軒文集 記志傳 主

賀劉嘯林

邳縣 全 軌車同

槐庭春色鬱蒼蒼喬木城西二里庄三世弟兄俱有集
一家父王信無常蹤跡已覺心情嬾遭遇猶當努力剛
不見平津終晚達強年親策復何傷

送仲兄嘯林應試大梁

從弟 青藜

仲兄醇儒姿雅意絕塵器讀書與身等辛苦忘昏朝口
折五鹿角筭逾孝先腰風雨集腕下鯨魚掣海濤嘆息
南溟翮終歲阻風颺誰使百尺松蒙蔭徑寸苗桑間曲

慎獨軒文集

詩

古

盈耳靡靡臥簫韶信陵如可作夷門早見招行行屠肆

酒塊磊且自澆

文學劉青霞傳

儀徵 方 鴻踐思

劉青霞字嘯林先世確山人明初始遷襄之西岡曾祖
柯七品散官祖漢臣庠生總制汪喬年督師勦流寇署
贊畫以撫按薦權襄城令里人德之立廟祀父宗洙例
貢生以孝友著聞青霞其仲子也十四歲而孤事敵母
張生母畢妥婉承權門內無間言從季父宗泗學率教
惟謹伯兄青駿性嚴重凡所命無毫髮違少聰警工文
然不屑役志舉子業每宵分伏床榻篝燈講古達旦不
厭故於諸史百家稗官雜說罔不強記貫穿九酷愛馬

慎獨軒文集

方傳

選心摹手追所著慎獨軒文集八卷史論十二卷皆卓
然成家其評騭人物要必權時勢徹始終揆心迹度義
理至成敗利鈍則置勿論雖古昔令主名臣不免責備
賢者然推勘詳審褒議確鑿使逝者可作亦當類首折
服實有知人論世之識匪徒呈其才辨而已晚得關中
李中孚二曲集反身錄益潛心理學粹然爲儒者預知
石極登而遇合較遲年三十八始補弟子員又十年食
餼又十年而遽卒士論惜之娶井氏繼陳氏子四伯陽
增廣生伯誠出嗣青駿後伯朋附學生伯梁太學生好
學嗜古有父風

方鴻贊曰嘯林羣從六人皆績學砥行時有中州六劉之日廼登科第者三且兩入詞館嘯林迄以諸生老謂非命實不猶歟然其人其文固是不朽奚必以科名重哉獨史論僅存四卷餘悉燬於火後世莫覩其完書爲可惜也

慎獨軒文集 方傳

襄城劉嘯林傳

華亭 王丕烈東贊

余自束髮時卽聞襄城六劉名嘯林先生其一也後與其從弟芳草爲同年友稱莫逆交謂余曰吾兄嘯林性嗜書博綜今古中州稱學者焉數奇不過卒以諸生終所著文集若干卷讀其文可想見其爲人余唯唯讀竟喟然嘆曰惜哉先生之富於學而窮於遇也顧其人可傳矣蓋劉故襄之右族也其先爲確山人明初始遷襄城之西岡至孝友兄弟三人以節義文章著嘯林爲孝友仲子生十四歲而孤季父恭叔先生鞠之如已出

慎獨軒文集 王傳

而督課特嚴嘯林方弱冠器宇嚴重且聰穎痛父志之未遂也恪遵季父訓勵志讀書雖隆冬酷暑未嘗少休或中夜聞占嗶聲達旦不輟好史漢百家科舉業不屑屑也尤熟悉歷代帝王將相世系及興亡理亂賢奸得失淵源委靡不貫徹晚年益潛心理學學者宗之事母孝善處適庶間家庭內藹如也事伯兄嘯廬如嚴父於昆季羣從友愛其篤時相切劘其好賢樂善本之天性云先生當末籍庠校時已馳博雅聲至年二十八始受知鎮江張公補博士弟子又十年始食餼於江右湯公又十年而亡年五十八其生平苦志力學至老不倦

立身砥行爲完人而不獲一售鄉榜鳴乎惜哉顧其人
可以傳矣所著有慎獨軒文集華萼園詩及史論行於
世

慎獨軒文集

慎獨軒文集跋

右慎獨軒文集八卷襄城瞿林劉子書霞所著也甲
辰春抄余以年至乞休過邑生常紹齋於架上抽閱
之學正理醇各體皆備顧余於集中諸論尤繫節不
置蓋論古人於千百載後何所折衷諸道而已道
明而人所是者我可非之人所非者我可是之乃自
有往者以來非不各矜絕識標新出奇然縱橫馳騁
則有之求其如的之破如覆之發撥之事勢而無岐
質之聖賢而不謬者不概見何者其於道未始有合
焉者也今劉子集中漢高樊噲范增張良鼂錯諸論

慎獨軒文集跋

老泉東坡皆有之久已膾炙人口而劉子毅然奮筆
而伸其說其見道爲倍與耳不然致堂胡氏講明斯
道非一日矣猶爲豫讓所惑謂讓所爲大學之道不
是過微劉子孰知其罪之無所逃耶至程嬰死於趙
孤之既立幾疑傷勇自劉子言之嬰死而趙孤之立
始固故孤未立則立孤難孤立則死又爲難嬰蓋始
終爲其難者是皆有功世道之文非其析理之精而
文筆又足以大暢厥旨不能若是快人心目也賢從
芳草先生所擬明史列傳法老思精態閒意達而瞿
林以諸論匹之卯金氏誠著作之藪哉乾隆十九年

甲戌六月朔秀水盛支焯貫園跋

慎獨軒文集盛跋

慎獨軒文集目錄

卷一 序記

四書反身錄序

梅節婦輓章序

重刻謝上蔡先生語錄序

贈莫將軍序

送陳實齋先生巡撫貴州序

二曲集序

學憲湯西崖先生壽序

爲趙生寄雪生序

慎獨軒文集目錄

送湯西崖先生還朝序

中丞瑞雨記

重修邑城隍廟記

卷二 傳

明殉難督師軍門忠烈汪公傳

明教諭安公傳

明孝廉喬公傳

任孝子傳

節烈趙淑人傳

陳留三忠合傳

馬維善妻劉氏傳

明西平令張公傳

樂安令黃公傳

青田令耿公傳

賈君珍先生傳

卷三 傳

王將軍傳

談真谷傳

節烈符氏傳

樊烈婦傳

慎獨軒文集目錄

一

義士劉翁傳

處士張君傳

王孝子傳

監察御史劉公傳

貴陽府同知祝公傳

房堯第傳

卷四 書

上關西徵君李中孚先生書

上撫軍李朗庵先生書

與關西王爾緝先生書

答黔中丞陳實齋先生書

答黔中丞陳實齋先生書

上銀臺湯西崖先生書

答大司空陳實齋先生書

上大宗伯陳實齋先生書

擬遼天祚皇帝與宋徽宗書

擬宋徽宗自五國城與宋高宗書

卷五 論

殷紂論

程嬰杵臼論

慎獨軒文集目錄

三

豫讓論

荆軻論

侯生論

范增論一

范增論二

漢高帝論上

漢高帝論下

蕭何論

留侯論

淮陰侯論

卷六 論

彭越論

王陵論

樊噲論

昆錯論

張釋之論

張鎮周論

狄仁傑論

明讓帝論

卷七 墓表 誌銘 狀 考

慎獨軒文集目錄 四

義林雙忠墓表

華陰蘇節婦墓表

歲貢生方庵劉公墓誌銘

文學井公墓誌銘

顯續井氏墓誌銘

張老僕墓誌銘

張都憲公遺事狀

太子少保辛肅敏公遺事狀

河源考

卷八 議 跋 書後 祭文 詔 啟 雜著

廣復贊議

恭跋 御製昇平嘉宴詩後

跋宋梅聖俞矮石榴賦後

跋明劉文烈公手書後

恭跋 行在 存問 召對紀事後

恭跋 御書詩後

書趙松雪畫後

書華陰王山史先生日省志後

祭京江張太母何太夫人文

擬明惠宗賜燕王棣詔

慎獨軒文集目錄 五

為仲男聘張婚啟

讀梅節婦傳

木叔傳

伯誠

曾謙

姪 伯敬 伯仁

曾啟

伯魯 伯川

曾佑

伯吉

曾德

慎獨軒文集目錄終

慎獨軒文集卷一

襄城 劉青霞 嘯林著

從弟 青芝 芳草編

男 伯朋 伯陽 伯梁 伯校

四書反身錄序

關西徵君李中孚先生昌明正學爲 國朝巨儒康熙
癸丑制府鄂公上言於是 天子特 旨徵先生先生
稱疾不就杜門靜居日於四書考究聖賢精義反身而
實體之久之其門人王子心敬輯其前後問答之語遂
成一書名曰四書反身錄今歲王子特郵寄示予且囑
爲序言蓋予與先生有通家好又佩先生之教甚久故

慎獨軒文集卷一

一

見委也明崇禎末督師汪公喬年討賊至襄先王父文
惠公以軍門贊畫與先生先子忠武將軍同佐汪公城
守城陷忠武以身殉國而先王父亦遭剿刦之慘康熙
庚戌先生過襄招父魂以葬時予家拜予王母於堂
上如家人禮先大人爲經紀其墓事割地營宅兆起邱
壠復樹碑表於道題曰義林旣畢事先生乃與先君爲
昆弟交留旬餘始歸時予尙幼大人命之出拜嘗侍立
左右云先生旣去歲以所著書種種見寄大人亦以著
述相酬答雖千里睽隔而音書不絕歷數歲以爲常泊
先君捐館予亦稍長知向學復蒙先生不棄以正學相

屬望而王子復以序委其能已於言乎蓋四子之書乃

聖賢內聖外王之具明體達用之學而古今常存人心
不死者恃有此也以故國家設科取士特重經書蓋欲
學者實踐力行而體用備具之士得以羅而貢之大廷
是則聖賢之所以垂教萬世與國家之所以儲養真儒
惟篤行是尙而不在乎辭章句讀語言文字間也而今
者求其紹聖賢之學以慰國家之望者抑何寡之邪豈
非以窮年誦讀者僅視爲口耳之事進身之階哉噫此
先生反身錄之所由作也人而不知反身雖日事讀誦
終屬浮涉斯錄一出世之學者將不徒事咕嗶而聖賢
立言之旨庶幾昭然復明於世自茲爲理學爲名臣爲
窮不失已達則兼善之儒吾知其將接踵而起矣其有
功於聖賢有裨於國家夫豈微哉泚水四山許公視學
三秦讀而好之爲授梓傳布焉予雖固陋受知於先生
最深故爲序之以告世之讀四書者其各反身自省而
實踐焉可也

慎獨軒文集卷一

二

梅節婦輓章序

黔陽梅孝廉懷芝與予季弟太乙友善康熙甲戌予以宅憂絕知交不與人世太乙爲予言懷芝每當置酒高會賓朋歡噱雖握手極笑語而獨坐凝視輒淒然不樂晁後乃出節婦傳相示且具道其先子江津公死城守及母夫人苦節狀因欷歔流涕而徵言以不朽其親予聞而悲之嗟乎懷芝可不謂孝乎哉語云不知其親視其子今觀懷芝卽江津公與節婦可知矣按節婦江津公之配也明崇禎末江津公官於蜀時流賊鴟張秦蜀間節婦赴任至中途聞變則江津公以城守死江津矣

慎獨軒文集卷一

三

節婦仰天哀號欲以死殉時懷芝尙在襁褓顧而嘆曰梅氏一脉祇此耳吾死將誰依遂抱之避山中相從惟一老婢宵行晝伏奔竄於豺虎出没人煙不至之地以圖存久之返黔則黔亦新被寇家業蕩然節婦紡績自給縞衣糲食有人所不堪者安之若素也顧獨抱其子日夜涕泣及稍長就學午夜篝燈督課甚力泣而教之曰吾曩者徘徊荒山窮谷間備極艱苦以有今日子不學吾何望懷芝泣而受命下帷攻苦者數年中式康熙補辛酉科鄉試而節婦疾作家人以藥餌進却之曰吾忍死至今者爲梅氏宗祀計今子幸成立吾將下報夫

予矣言已泣下尋卒嗟乎女子不幸以節著難矣而經滄桑兵火爲尤難世有負七尺丈夫軀慷慨論列真若六尺可託及一臨禍福死生乃至有不可問者節婦中惻一女流耳經大變歷艱險流離竄走脫萬死於一生卒能全貞保孤以令名終是豈僅僅誓守柏節者所可同日語哉今懷芝行將以得之母訓者出爲循良更其所以光顯節婦者尙未有艾節婦爲不亡矣太乙請於予曰願輓之以言予曰節婦有中丞爾錫衛公爲之傳四方學士誄詞連帙盈牘予棘人也復何言顧以節婦所遭備極其難而獨能爲其難者且友之母猶母也安敢以服爲解遂書之付太乙俾弁於卷首以慰懷芝顯揚無窮之孝思焉

慎獨軒文集卷一

四

重刻謝上蔡先生語錄序

聖賢之道昭昭天壤間備載於六經四子之書後之學者惟是熟讀精思以窺大道之要領而究聖賢之精義可已尙俟語言文字之煩乎哉然開發昔聖昔賢之微言奧旨以貽我後人又不能不借於語言文字此先儒語錄所由作也猶憶余兒時先大人嘗手一編示小子曰此謝上蔡語錄也其詳玩之余受而卒讀未能深究其義蘊因不識上蔡爲何學稍長知讀書頗究心儒先家言因歷考先生之生平先生少博洽初見子程子純公於扶溝從受學語次舉經史無遺失程子曰賢記得

慎獨軒文集卷一 五

許多抑可謂玩物喪志矣先生慚汗浹背程子因教以靜坐質少魯然誠篤每理會未深徹則其類有泚久之恍然有得後卒業於伊川正公孜孜於克省甚力其言曰克已須從性偏難克處克將去而內自省大患乃在於痛克之是則先生一生得力於程氏兩夫子而其所爲學則皆篤志力行聖賢切實爲己功夫故其見之論說無非由躬行實踐體認而出其足以發明聖賢之旨而爲六經四書之羽翼者固不徒以語言文字求者稱於後世而已夫乃恍然於先大人授書之微意也語錄爲紫陽子朱子所編定分爲上中下三卷明正德間刻

於南都者歲久漸就模糊今康熙丁丑邑令豹南劉公慨然出貲以雕工既竣命霞爲之序霞追憶庭訓深愧服膺之未能也聊識授書巔末以冠其首云

慎獨軒文集卷一

六

贈莫將軍序

設兵於有事之日易設兵於無事之日難有事之日營
陳疆場外謹斥埃嚴刁斗正部曲行伍已矣無事之日
坐鎮都邑與民間處無私庇無侵擾撫循而安戢之不
綦難乎嘗考三代盛時按賦出兵有事則戰無事則耕
兵與民一也後世井田之法不行兵與民判而爲二民
以養兵而民勞兵以衛民而兵驕若統御非人則其害
滋大我國家承平數十年矣雖已弛弓解劍而陰雨
網繆安不忘危凡海內阨塞要害大者雄鎮小者專城
莫不設兵爲防而選將統御焉苟非才猷素具豈堪與
茲選邪右肅將軍駐節於襄襄巖邑也四通五達爲中
原重鎮彈壓鎮撫厥惟艱哉將軍初學書已而學劍識
者已知其爲萬人敵矣歷試行間所在有聲康熙丙辰
以裨將進勦夔東遺孽及茅麓山賊葉稠然環甲率衆
先登親冒矢石自以大黃射其裨將斬數十級大小二
十餘戰戰必勝事平露布以聞天子嘉悅論功行賞
不次擢遷此襄城專閫所以推轂而寄將軍也將軍起
自部伍素嫻司馬兵法月令五戎以時訓練而又備知
士卒艱難分甘絕少與最下者同苦樂所頒糧餼悉給
戲下人以此愛樂爲用至軍法申戒則又凜不可犯以

慎獨軒文集卷一

七

故兵民雜處一域之中而百姓安堵者皆將軍之力也
然則將軍爲將之略不又於太平無事之日而益見乎
方今天下治向文明息兵罷關然而搏髀賢將之思
當宁不啻三致意焉以將軍之材武將來佩虎符高牙
大纛開鎮秉鉞且爲國家屏藩固非僅保障一方已也
將軍勉乎哉

慎獨軒文集卷一

八

送陳實齋先生巡撫貴州序

康熙乙酉黔中巡撫缺 天子若曰是惟予西南要地
其擇宿名重望文武備具者以往於是 廷推實齋陳
公以都察院左副都御史開府黔中 天子臨軒以遣
給 誥勅公卿 命而往道經襄予以所著慎獨軒集
質公於旅館至則公握手如平生歡杯酒盤桓流連繼
綫至夜分不忍釋且不以予學術空疎謬爲推獎又擊
節嘆賞鄙作許爲文以序余乃知公之折節好士不耻
下交殆出於天性而固陋如余特非其倫也公通籍後
由中翰改諫垣歷卿貳所在有賢聲立朝丰采正直不
阿公餘卽杜門著書慨然以正學術紹微言爲已任伯
氏以少司寇致政家居父子兄弟同時任於朝者十餘
人皆居清要一時人文之盛海內無與比今者 天子
倚用公特暫爲還方計而虛席注意且將有以大用之
也方公之初膺 簡命也輦下公卿大夫士僉曰黔地
僻遠爲荆楚要衝滇南門戶而又谿洞維處號難治非
公不足當其任而公感知遇亦幸借外任安撫綏戢舒
天子西南之顧以圖報稱蓋其期許者素矣酒酣公
引卮而言曰余行矣後會未可期子何以一言送我余
辭謝不獲作而曰昔漢文翁化蜀起學宮造士每行縣

慎獨軒文集卷一 九

勅經明行修者與俱聲教大洽比於齊魯唐常袞以宰
相出爲閩觀察使閩人初未知學袞興學校延師領袖
諸生而人文與中州等今雖當重熙累洽之世而黔去
京師且萬里公至其所以興除利弊安戢而休養之固
矣惟是 天子文教覃敷公更宣布 天子德意立學
校延名儒無異於文之化蜀常之治閩則三年報政銅
鼓南明間人文蔚起是則 天子所以倚用公與公之
所以仰答 聖明者將不在是歟公笑而拱手曰善敬
聞命矣公既行遂書此以爲序

慎獨軒文集卷一

十

二曲集序

二曲集二十六卷關西徵君李中孚先生著而司寇鄭公學憲高公刻而行世者也癸未冬先生高足王子爾緝過襄先生以書來並寄二曲集諸書爾緝曰子其校而序之先生崛起西陲昌明絕學慨然以紹微言正人心爲己任康熙癸丑軍門鄂公以當代真儒薦屢奉特旨徵聘皆辭疾不就 天子心重其人嘗書其名於御屏以誌不忘癸未 駕幸秦中駐蹕西安遣官以安車致之先生復以老疾辭於是 天子益賢之 親瀛 宸翰以賜且有操志高潔之額又復 召其家嗣

慎獨軒文集卷一 主

伯敏於 行在問其起居徵其著述伯敏以四書反身錄二曲集進 呈 天子覽之稱善俾侍從之臣公閱僉曰此學術正宗也二曲集舊爲二十餘種今彙爲一書總名之曰二曲集余反復讀之竊嘆先生羽翼聖學真爲中流砥柱其有功於世道人心爲甚大也蓋聖學不明至今日而極矣既誤於異端之猖狂又誤於偽學之流弊然異端者判然兩途較若黑白雖公然與吾道爲敵正不難顯攻而力排之此所謂門庭之寇也惟偽學假之學術以爲緣飾聖賢道學名目刺刺不去口而異同紛紜或互相標榜或互相攻訐卽不然模稜其間

爲之調停要皆偏執拘曲而聖賢同歸一致之理大中至正之道遂湮沒而不可問此則所謂腹心之害也先生正學術紹微言其所以闡異端辨邪說者不待言矣而大要在於折衷異同力挽流弊近述諸儒遠宗往聖務期躬行實踐明體達用使聖賢之道煥然復明於世卽日用尋常亦皆有近裏着已切實要指不啻於世之學者開其愚而啟其聰指其迷而使之歸也昌黎謂孟子功不在禹下先生其庶幾歟先生與先大夫爲昆弟交故先生每以子弟蓄余共勉余以學也書疏無間歲者因得竊窺先生生平學術之大指略爲序述不知爾

慎獨軒文集卷一 主

緝視之以爲有當否也

學憲湯西崖先生壽序

康熙丙戌春會試天下貢士得人爲盛甫撤棘值例更學差上命卽以會試分校諸臣往視學所司列名以

上而湯公西崖先生以都諫拜命於豫比至冰潔之操藻鑒之明聲著兩河間多士沐其教化共製錦爲壽屬霞爲之序公浙中名賢成長登制科受庶常珥筆史館時時從遊南苑賜召見給筆扎鼓吹風雅對颺休命入之改詠垣掌戶利印公咸知遇條陳時宜皆切國家大計而又性廉介不妄取予方嚴毅直歷官二十年人未有敢干以私者上眷注優渥數年間鄉會兩試三

慎獨軒文集卷一 三

司文章之任至今而復有是命先是學臣未有用諫垣者上加意文教用新例特簡公輦下公卿大夫爭榮艷之而公則曰任重責鉅厥惟艱哉某幸遭逢聖明無以報稱今卿命而往興學造士弘宣天子德意惟有飲冰茹蘗精白乃心不敢敗壞名檢上貢朝廷下負多士此則所自矢也及至豫刊布學規與多士約端品行正心術務期敦實行人重脩修至其校士也焚香告天絕路遺禁請托爲誓詞若干條榜示各郡縣以示公聽並觀不背初盟抑且身任校閱口吟手披一昏且竟六百餘卷積勞至於嘔血或謂公曰公持廉

隅不名一錢已足上告當宁何自苦爲公曰不通貨賄職耳是非軒軒妍媸顛倒則士氣結而不揚矣吾爲此懼仍力疾視事甲乙去取悉合輿論由是援取者榮其遇擯斥者亦服其明也蓋公秉公執法除奸剔弊略無寬假而天性和易行部所至多士時被容接汲引教導辭氣溫藹且曰吾奉天子命日與多士品題文義更期檢身制行通經學古處則爲醇儒出則爲名臣異日者徽黼皇猷多所建樹方不負予而予亦得借手以仰答聖明於萬一耳於是兩河之士顚願向化爭相磨勵文風士行爲之一變也予觀國家慎加遴簡視學之任蓋綦重矣履茲任者不乏名公巨卿而求其如公者實難多覩則所謂上不負朝廷下不負多士不信然歟霞以文字受公國士之知目覩公之德教又重以多士之命誼無所辭因爲之序

慎獨軒文集卷一

古

爲趙生寄雪生序

雪生子明篤行之士也少孤事母以孝聞予門人趙生者與子明善嘗爲予言其大略未詳也今歲丁亥趙生乃爲予道其孝行甚悉且求予爲文以致子明趙生之言曰生交子明久其平居事母旦晡自上食家雖貧甘毳必備及母卒絕葷酒破家營葬廬於墓側負土成邱種樹爲林服既除猶宿墓下里人高其行延爲塾師館於汝上去西山墓處約六七里暮往朝來雖風雨寒暑未嘗間也形容枯槁面目黎黑或慮其勞且病勸之返於室而子明弗從夫子素明先王典訓而號能言請爲

慎獨軒文集卷一 五

文以諭之予心嘉子明之孝而又迫於趙生之請遂不能已於言也自世風不古三年之喪率不及焉無或過者子明孝行若此誠足挽頽風而勵末俗矣雖然禮有之三年問曰三年之喪弗可損益無易之道也二十五月而畢哀痛未盡思慕未忘然而服以是斷之者豈不以送死有已復生有節也哉檀弓曰喪三年以爲極而終身之憂亦第曰忌日不樂而已非必日日而悲痛也今子明除喪矣猶哀慕無已獨不可少自慰解邪且子路嘗笑魯人朝祥暮歌而夫子曰由爾責於人終無已夫三年之喪已久矣夫又多乎哉踰月則其善也由此

觀之三年之外雖從吉而歌常亦聖人所不責也子明不幾於終無已乎子夏旣除喪彈琴而不成聲曰哀未忘也先王制禮而弗敢過也若然則除喪而哀忘焉亦可也且子明不當求其可繼乎夫子於弁人母死而孺子泣者曰哀則哀矣而難爲繼也又曰禮爲可傳也爲可繼也故哭踊有節是有節者聖人使人可傳可繼也若無節則不可傳而繼矣今子明於其親誠可云厚但先王制禮貴適於中有其過者必有其不及者此所以限以三年也自今以往子明其抑情節哀準於禮而無或過焉是則孝之大也趙生曰善遂書以付之子明問

余肯其以爲然否也

慎獨軒文集卷一

五

送湯西崖先生還朝序

仁和西崖湯公視學吾豫之三年事既竣豫人士沐公之德教不能忘乃相與謀所以留公於是兩河之士幾千百人咸詣撫軍汪公請具題留任撫軍素推服公遂以公之政教及多士留公狀上聞天子動容嘉之下部議旋又以公才可大用視學不足久羈公特召內陞豫人士既留公不得於公之去也共祖帳於汴河之陽置酒觴公霞以文字受公國士之知誼不容以無言竊惟國家慎簡學臣臨軒拜授原欲搜羅宇內奇文卓行之士貢之大庭以待用甚盛典也而學政至今日

慎獨軒文集卷一 七

則有不可問者矣司衡者持朝廷名器或以媚權貴或用營苟且凡案臨所至鬼魅隨之莫不啗賈行而市心也抑且所在皆然即聞見者亦恬不爲異如是而望登進者之皆賢足爲國家異日有用之棟幹也烏可得哉公持清操於舉世不爲之日一錢不名至於薪水不繼而賞鑒拔取悉皆單寒知名之士豫人士不下數萬公一見其後無不識者或歷時最久猶記憶其文口誦之人益驚以爲神公清癯善病而又不自暇逸久且增劇多士驚惶失措各持瓣香額天禱神又且餽藥獻楮流涕而問所苦者不絕於道夫公德澤入人之深而爲人

之所感者至於如此則公之所得以較世人不既多乎方公之奉命出都也矢澄清以圖報稱聞者或以爲迂或以爲難而愛公之深者又且爲公慮以爲不可繼今者三年報政復命闕下乃知曩者公之所期爲不虛而以爲迂以爲難以爲不可繼者皆淺之乎窺公者也酒半霞避席執盞而言曰公行矣然霞竊有望焉昔楊文襄徐華亭之視學也或於陝或於浙各著賢聲其後皆由學臣召入累受殊擢位首揆贊機務立朝正業炳炳燁燁公今膺上召入都主聖臣良遇合之隆千載一時從此駸駸大用即以公之視學者行於朝廷政績赫奕無令文襄華亭獨光史冊是則公之所以報稱聖明而亦霞之所深望於公者也敢以是酌酒與公別

慎獨軒文集卷一

大

中丞瑞雨記

康熙辛巳夏五中原大旱大中丞浩輔徐公憫我農夫設壇步禱已而甘霖立沛天人感格捷如桴鼓響答一時父老歡呼載道拜惠食德不忘所自因以雨歸公而名之曰中丞瑞雨霞目覩盛事以爲可以告當宁而傳後世也乃爲之記公天性廉介不苟取予自通籍已來立朝丰采論者以爲有包孝肅海忠介之風及奉命撫豫秉公率屬澄清吏治常以一夫不獲爲慮焉以故數月之間洪綱細目俱已次第就理乃天災流行旱魃爲虐幾至西成無望公又憂行於色却葢揮巾步禱

慎獨軒文集卷一

於紅塵烈日中一念精誠遂至格天不浹旬而大雨傾注四野霑足於是匝地歡騰商賈相與歌於市農夫相與慶於野僉曰是雨也惟中丞公之賜霞竊惟民之以雨歸公也蓋出於感激愛戴以誌不忘而考之載籍亦可知今古民情不甚相遠也昔漢鄭洪拜淮陰太守行春大旱隨車雨至宋陳戢知處州時旱甫下車雨霑足人皆以爲隨車雨漢百里嵩爲徐州刺史大旱嵩循行境內雨卽至號刺史雨唐顏魯公眞卿爲御史決冤獄而雨其雨遂以御史名又唐京師久旱李德裕拜相卽日大雨京師喜曰相公乃李德雨也今公焦勞爲民禱

輒應則民之以雨歸公而名之以中丞也豈不猶是也歟方公之初膺簡命也天語諄諄眷此窮黎公叩命而來憂勤惕勵有加無已而至誠回天中原千里共慶年豐不惟足以仰答天子之休命卽載之史冊傳之後世抑且與淮陰諸公並成千古美談猗歟休哉霞以文字受公國士之知延入大梁書院肄業而又謬加推許逢人說項會吳江潘太史稼堂貴筑劉侍御道閭兩先生客遊汴皆因公言枉車騎而交霞備述公稱道之意稼堂因出其喜雨詩十首索和且屬霞爲記以傳霞躬逢美盛又重稼堂之命旣和其詩復爲之記

慎獨軒文集卷一

三

重修邑城隍廟記

康熙庚辰春有老人踵門而請曰邑城隍廟傾圯不治久矣今者募衆貲以理幸工告竣願有記也余考古禮記百神之祀山林川澤罔有勿從未覩所謂城隍者唐李陽冰禱雨於其邑城隍神既感而雨爲記曰城隍神祀典無之吳越有耳宋歐陽永叔曰今非止吳越有之天下皆有而縣則少始知城隍顯於唐未達於天下也宋達於天下之郡未徧達於縣也至明縣各有廟以時祭祀洪武元年戊申詔封天下城隍在應天府者曰帝在開封臨濠太平府和滁二州者曰王其餘凡府州縣

慎獨軒文集卷一 三

曰公曰侯曰伯有差而襄邑之城隍神則所封爲顯佑伯者也二年己酉改正城隍神號題木主去肖像其時定鼎初天下尙有未入版圖者則肖像如故焉四年辛亥特勅郡邑里社各設無祀鬼神壇而以城隍神主祭由是終明之世饗祀不絕 本朝因之載之祀典數十年來宋之有異大抵有城有隍則必有神主之此城隍之神之所以徧於天下也夫禮諸地祇之當祭者悉有常典蓋生物養人以云報也若夫壘土爲城掘土浚隍何所於報而廟祀之與然其義可得而推焉或曰王公設險以守其國或曰鑿斯池築斯城或曰楚國方城以

爲城漢水以爲池或曰秦城百二斬華以爲城因河以爲津皆所以捍外侮而衛生民也後世改列國而爲郡縣則不以封內山川爲險而專倚城郭池隍以爲固是其高深擬諸山川固國之險厥功爲最若然則今之奉而祠之者固其宜矣老人亦鄉曲之好義者其請不可拒也故不辭而爲之記

慎獨軒文集卷一 三

慎獨軒文集卷一終

慎獨軒文集卷二

裏城 劉青霞 嘯林著

男 伯朋 伯梁

從弟 青芝 芳草編

明殉難督師軍門忠烈汪公傳

公諱喬年字歲星浙之遂安人性骨體廉介言動取平
悉合道義尤以忠義自易天啟辛酉舉於鄉壬戌成進
士授刑部清吏司主事歷員外郎郎中恤刑江南八郡
丁卯內艱歸居常深念以四方多故臣子當戮力王室
匡濟時艱遂馳騎習弓刀擊刺夜葉露以宿不敢少自
暇逸已已補工部都水司郎中出爲山東青州府知府

慎獨軒文集卷二

興除利弊禱雨立應而又聽斷明決案無留牘時人有
汪不解擔之謠言其猷決迅速不俟信宿弛擔也庚午
上計會舉卓異第一時監軍大璫體擬督撫公獨與抗
禮璫不能奪癸酉擢山東布政司叅議分巡登萊以親
老乞終養外艱起復備兵河東陞叅政視學陝西秉公
掄選不名一錢校士必焚香告天誓無所私援取盡一
時寒素卽津要有所請托輒嚴拒之以故津要諸人皆
銜公刺骨欲有以中傷公以名高不果辛巳陞陝西按
察使朝廷知公名未幾特簡巡撫陝西提督軍務都察
院右副都御史公履官不携家室性儉素布衣蔬食澹

如也其以按察陟秦撫略無囊橐惟圖書數卷衣被一
襲而已見者莫不感嘆值關中饑公多方安撫親赴市
中均糴糶勸秦藩督撫以下及巨室協助以賑關中賴
以全活當是時流賊蹂躪中原不可撲滅朝廷議督師
難其人津要忌公者遂交章薦公有文武才可大用名
爲尊顯實欲假手於賊以快其忿於是陞公總督三邊
文武事務兵部右侍郎兼都察院右副都御史赴援河
南公受事卽發闖賊父墓示誓不俱生時於墓中得一
蛇公手斬之以徇於衆曰某以書生受閩外之寄惟有
捐軀報國滅此朝食諸君當同心共濟如二心者有如

慎獨軒文集卷二

此蛇隨督總兵官賀人龍鄭嘉棟牛成虎暨副將張國
欽黨威馬某賈某率三萬騎而以西安府同知孫兆祿
爲軍門監紀隨征義勇李可從爲標下材官出關而東
時賊圍左良玉於郿城公聞之遂留步兵於洛陽率輕
騎萬餘兼程而進至於襄蓋欲約良玉夾擊使賊腹背
受敵一鼓殲之也公至予王父漢臣率邑人出迎因爲
公畫賊之虛實及賊可破之策公喜曰賊在吾目中矣
一面檄良玉通聲援卽傳集賀鄭牛三帥各率所部分
三路進勦賊撤郿城之圍迎戰時賊憚公威名又恐良
玉尾其後惶懼甚乃三帥久蓄異志比接刃各鳥獸竄

而郾城圍甫解良玉南奔襄陽無北顧心於是賊勢益張而我軍大失望或諫公曰大勢已去盍姑去襄以圖再舉公不許曰三帥雖士尙有勦旅四千合以土著同心滅此無難卽不然何妨盡瘁以死且吾奉命討賊特賜之勅曰進則戰退則守今以三帥故輒去是違天子命而棄國家一塊土也頭可斷身不可移吾誓與此城終始矣敢言走者斬爰命四協分守四面擇邑紳士負氣節能幹濟者六人予王父漢臣耿應張何懌張琇并良田張和聲隨署爲軍門贊畫官各給印劄令箭命何懌等監紀四協而身自當敵衝以孫同知兆祿李材官

慎獨軒文集卷二 三

可從予王父漢臣耿應張參幕分汛而守竝立如山賊環圍攻城公坐矢石間指揮設法防禦擒殺者百端斃賊無數會天雨雪公色不懌予王父漢臣進言曰賊鋒已挫出奇制勝正在此時胡以雨雪故自擾壯懷乎公曰善微子言幾亂吾意時賊攻西南隅將覆於隍成者以告公曰衆志成城無礙也命取荆園實以土築而完之守如故賊覘公纛所在以礮擊公公前雉堞盡毀神色不變自此攻益急我守亦愈堅閱五晝夜矢盡糧絕城陷公手提兵符驅兵巷戰兵無戰志猶手刃二兵斬三賊北望稽首曰臣力竭矣不能滅賊而反爲賊所敗

慎獨軒文集卷二 四

死固吾所也拔劍自刎未殊賊執之見闖逆左右喝公跪公大罵不屈曰吾朝廷大臣奉命勦汝恨不生焚汝肉吾死當爲厲鬼滅汝以遂報國之心賊怒遂割公舌擊公齒公以血噴賊罵不絕口遂遇害時崇禎十五年二月十七日也事聞奉旨護喪歸葬賜祭一壇公狀貌魁偉膂力絕人尤洞悉兵家言故其將兵也號令嚴明雖誓守孤城猶能奮勇殺賊惜兵單援絕徒手莫支僅以身殉爲可哀也公一子早夭先是公之守青州也有愛在民去後青人尸祝之時公尙無恙民有疾病疑難以及水旱籲之輒應如響庭植槁木郡有大慶則榮祀公之期花且疊疊人益神之公在秦適子病青人聞之登泰山祈禱者數千人其得民如此至其視學也身任校閱無入幕賓絕賂遺杜私謁每試士畢集諸生於城隍廟持竿牘數十百通不敢封悉投於火以爲常至今關中猶稱道之殉難後予王父漢臣以過害復甦強起裹創收公屍而殮之權厝於殉難地並撰公殉難紀事數千言訃詳而悉厥後公門下孫汪幼步來迎楓啟公柩面如生襄人高其義私諡曰忠烈復建忠烈祠歲時邑令長暨邑人士奉祀不絕

劉青霞曰昔文文山起兵復宋其勢已不可爲然文山

忠義自與日月相照映公以數千殘旅討賊於賊勢鴟
張之日卒以身殉嗚乎功雖不成節乃見矣彼忌公者
特借以殺公耳由今觀之豈公之不幸邪倪文正公鴻
寶曰小人之謀無往而不福君子是之謂歟

明教諭安公傳

公諱定別號新麓襄城人也世居邑城東之慈溝鄉性
孤介寡交遊爲邑諸生博學授徒張憲副公寧其弟子
也萬曆壬辰憲副初成進士往謁公公遙見之語家人
曰此張門人來見也命童子候門而憲副越其門而東
意欲歸而久留公第也公慚恚杜其門已而憲副來呼
門不應長跼請復因長老肉袒同請罪公峻拒終不一
見其後憲副官京師爲刑部郎而公亦由歲薦任湖廣
漢陽教諭適憲副同年吳公視學於楚憲副以公屬之
及至公謁吳公吳公曰君門下生謹候君公愕曰誰邪
慎獨軒文集卷二 大

一無所受

劉青霞曰公予同里人也其他行事不少概見卽邑乘
所載亦第曰制行方嚴士多出其門而已然學者往往
稱說其孤高介立操若冰霜至不容口嗚乎楊誠齋所
謂清標勁節焜耀千古使人景仰清風如見其人者公
之謂歟

明孝廉喬公傳

公諱騰鳳字逸集孟縣人也其先世居河東明初遷孟之荀村累傳至諱羣者公之曾祖也羣生東田公祖東田生三槐公父儒官受五品冠帶數舉鄉飲大賓生三子公其仲也公天資穎敏讀書過目輒不忘非時屬文有聲既長丰采峻偉雅尚名節爲諸生頻受知於督學使者試輒冠其曹崇禎壬午年二十七舉孝廉癸未一上春官不第因寇亂奉母避王屋山既歸會甲申國變公慟哭不食者累日誓以死殉念母在未果 本朝定鼎一時故國遺臣多應運而起公時年纔二十九絕意仕進薙髮令下號哭不從所居村後有竹數百畝於適中建斗室寢處其中悲感淒愴絕跡不出歷十餘年蓄髮如故久之乃爲怨家所脇與大獄必欲置之死勢張甚且不測事具總督劉公清泰滿洲大司馬出爲軍門人益爲公危公處之怡然已而劉公廉其故顧獨推重公曰一孝廉隱居各行其志可相強邪且高風勁節因此具獄非盛朝美事置不問事得已於是劉公使人寓意公公感其意乃祝髮時 本朝御極十有三年矣方獄急時或勸公急投名吏部願就職事當解公曰死者吾之本志何事此或又勸公請人居間委曲一詣怨家

慎獨軒文集卷二 七

慎獨軒文集卷二 八

門以紓其禍公慨然曰乞憐求活固不如死卒不往獄解公自是幅巾野服冬夏不易蓋謝絕人事杜門著述其學無所不窺自六經性理子史百氏以及天文地理律曆卜筮諸書無不精徹淹貫或有以隱僻事相質者不假思索卽舉其顛末歷歷如指諸掌海內之士聞其名往往羸糧徒步以造其門又時共孫徵君奇逢講學徵君亦明萬厯庚子孝廉隱居不仕者也至達官貴人概不與通臺使者及視學諸公修式廬禮峻謝之終不一見康熙中 詔舉山林隱逸當事以其名聞公以死自守當事知不可強乃止其執大義持名節清操刻立終身不易歷五十七年以壽終年八十有五嗚乎予讀明史靖難時崑山龔詡爲金川門卒見國破慟哭遁去隱居耕讀德業日進宣德中周忱撫吳具疏兩薦皆辭不就曰恐負往日城門一慟耳竟隱終身年八十八卒門人私謚曰安節先生詡門卒也非居官任職者比而仗節高蹈若此彼胡楊楚夏受殊恩降清華爲天子貴近臣乃甘心回面狐媚新庭其視詡賢不肖何如也公之生平與詡相類賢書之薦未爲顯擢而黍離麥秀隱慟無已霞舉高標不降不辱真西山採薇之節也耶壑尊於廊廟布衣榮於繡裳豈佩紫懷黃建節乘軺者

所可望歟噫以周武之聖而有夷齊以漢高之雄而不
屈四皓然則我朝寬大之恩抑且與周漢比隆矣猗
歟休哉公所著有嶧山文集詩集若干卷藏於家兄起
鳳字九六明經弟翔鳳字紫庭丁酉孝廉陝西洵陽令
子四皆諸生以文名

劉青霞曰聞之君臣之義有死無二然人臣不幸遭鼎
革或死或生各行其是亦可也彼殷微箕比干以遁以
狂以死而夫子等之曰仁豈有異邪公執義五十餘年
亦惟求無愧於心以成其仁而已夫亦奚必於死也哉
康熙庚午公遊襄館於華萼家園相得歡甚閱月而歸

嶧獨軒文集卷二

九

既去音書不絕後計一年而公卒予知公慈詳故爲之
傳

任孝子傳

任孝子名養志別號少津葉縣人也父病齊而額天請
以身代父以熱症思食米孝子星夜赴汴購之往返七
百里負以歸時方溽暑而水堅未鎔父食之立愈人以
爲孝感初孝子受室病不能爲人竊自痛之而不忍言
迨年幾四十無子而又鮮兄弟每讀詩至豈無他人不
如我同父則流涕嗚咽乃請於父爲父更置側室時父
年六十餘不許曰吾老矣無以爲也孝子泣陳其故父
感而納之越數歲生子二曰傑曰倬其後子孫最爲蕃
衍父歿時傑倬尙幼孝子備極友愛撫育教誨迄於成
立其因孝爲友如此天啟間巡按御史邱公兆麟上其
事詔賜孝行之門四字以旌表之襄大司空井公濟誌
其墓

嶧獨軒文集卷二

十

劉青霞曰孝子性醇謹已然諾積有厚蓄而尤好施予
明末歲大侵嘗散千金以賑饑人皆德之流賊之亂孝
子毀莊爲砦聚丁壯以捍禦以故兵戈間一鄉不及於
難云

節烈趙淑人傳

趙淑人者陳州人明參政禹州陳經濟之繼配也累封淑人生而美儀容明大義父愛之令與兄同學博極羣書善屬文而尤長於詩父難其配及笄禹參政陳公方弱冠成進士有才名會其元配死通媒酌求婚父乃許之淑人少有足疾不良於行尋亦遂愈不知者妄以跛告參政參政戒焉適出宰江南竟去閱數年不娶其父欲謀改適淑人聞之毅然曰吾受陳氏聘已爲陳氏婦矣必歸陳否則死耳尙誰適於是父買舟南下令母嫂與俱既至使人通於參政說之者百端參政終不聽淑人乃代父爲書數千言遺之參政覽書立感悟謝過使人通殷勤納采問名擇良日娶焉淑人既歸參政伉儷協和甚相善也淑人性勤慎有識量內主壺政而於參政多所贊勸參政凡事議而後行久之遂以循良膺上考其後歷官京師淮安嚴州終湖廣參政所在有聲至其居常燕處輒相與討論墳典或分韻賦詩唱和之作合而成集然皆交相敬戒語也參政卒淑人持家嚴肅內外僕婢數十百人循循奉法一切錢穀出納皆有職掌以時會計無敢舛錯有過則淑人朝服坐廳事垂簾以臨命以杖俯首懾服莫敢仰視歷四十年以爲常天

慎獨軒文集卷二

十一

慎獨軒文集卷二

十一

啟辛酉少子篤睦舉於鄉初參政有五子皆淑人教之嚴於師傅至是爲詩寄篤睦有數載熊丸一朝虎榜之句又常爲文社集成黨子弟數十人爲之考課辛酉同社得第者三人皆淑人所造就也崇禎初四方多故盜賊蜂起淑人憂之常有不及木蘭之恨意每形於篇什辛巳流賊攻禹淑人年已七十餘誓死報國城陷淑人冠服望闕再拜復題絕命詩於壁曰身受國恩四十年肯將鸞誥染烽煙兒孫欲覓魂歸處梅月罪微竹影邊蓋淑人素勵貞操常自號梅竹道人故臨難而猶以爲依也端坐中庭賊見之固識其爲命婦也索金不應且以大義責賊賊怒奮刃斫之遂遇害先是參政之卒也諸子皆幼淑人益以禮法自閑率子弟謝外事勤耕讀卒皆成立家業幸不中落嘗有營兵侵其產淑人欲爭之不得因爲舊庭吟以志嘆而備兵使者葉公雅知詩讀之愧赧於是除兵舍以原產歸之其平日教諸子婦亦如其教諸子者諸婦佩服惟謹篤睦妻韓尤賢篤睦卒韓哀號數日遂自經蓋所聞於淑人者素也淑人嗜學雖主家務手不釋卷所著有大中解及事親從兄修身齊家萬單等篇各若干卷崇禎間詩有刻本全集孟津王宗伯覺斯與篤睦同魁辛酉一經於淑人爲年家

子有詩名爲之選定授梓也遭兵燹俱燬獨所書秋興八首尙存筆力古秀家孫龍震藏於家康熙乙丑禹人劉蒼佩於密縣故人家得淑人詩抄本七十餘首約同里出貲刊刻行於世

劉青霞曰予聞之康生曰叅政卒淑人創一樓列圖書寢處其上殉難後子孫零落諸甲第俱被兵火而樓獨存禹人卽樓中奉淑人主而以篤睦妻韓配額曰雙烈樓以時奉祀康生禹人其言當不虛

陳留三忠合傳

明崇禎十四年辛巳流賊李自成犯河南十二月二十三日抵陳留典史邵公大濟禦之大濟陝西人崇禎中授是職捕蝗弭盜多惠政賊至會縣令以事罷去署某者爲旁邑佐貳慳慳不任事大濟乃與訓導楊公共謀城守楊公名道升安陽人明經素以忠孝實行勗士子至是與大濟率諸生鄉勇登陴誓守經畫羅察防禦悉備賊攻之急城小糧絕力不措越二日遂陷大濟被執大罵不屈賊怒斃之妻子俱死道升同子某抗聲罵賊賊縛於市父子同時併命先是賊之初至也揭榜城下招降攝令者集衆議力言衆寡不敵欲納款有高生者從衆中奮臂大呼曰國家養士三百年仗節死義正在今日奈何蒙面迎賊貽羞士林邪卒與大濟道升攖城固守手發大礮擊賊及城陷猶率衆巷戰力竭突陣死生名雲鵬字搏九陳留諸生也

劉青霞曰明末流寇之亂勢若燎原烈皇帝神聖英明焦勞惕勵而公卿大寮惟以重科目立門戶爲急甚至賜劍印擁大纛委靡退縮者衆矣而三忠或以散秩微員或以文弱書生卒挺挺執義殺身報國其峻節高風炯炯上貫霄漢矣猗歟烈哉

馬維善妻劉氏傳

劉氏者襄城武溝鄉人農家女也邑人劉貢士万庵生與氏同鄉氏父與方庵父同耕塋上相善方庵少數往來其家以同姓氏兄事方庵方庵亦以女弟待之崇禎辛巳氏已嫁夫適歲侵閭家就食秦中癸未流賊李自成據西安僭帝號更定官制一時從者雲集卽故明臣叛而就官者不可勝數方庵時被虜至秦氏聞之乃使人邀至其舍相持而泣曰兄宜速去吾居此久備聞賊壁中曲折雖僭號署官終賊耳行且滅亡矣彼官其官皆頑鈍嗜利無耻者兄讀書識節義幸勿自汙方庵曰

慎獨軒文集卷二

五

吾亦欲東耳氏遂脫簪珥爲道里費趣之歸且曰歸語家人勿以吾爲念吾亦從此逝矣後賊敗自成走死去氏言時纔一歲

劉青霞曰有明義士幾三百年泊未造遭流寇之變一時名公卿負海內重望輒叛去稽首稱臣於賊庭者比比也氏農家女耳乃能引大義以名節相規勉且於賊勢鴟張之日而蚤知其必亡彼稽首稱臣者非惟不仁亦且不智矣

明西平令張公傳

公諱琇字聰宸襄城人也高祖淮明弘治間以進士累官左都御史風力矯矯爲名臣曾祖祖父皆諸生公生而瓊異狀貌魁梧嗜讀書弱冠補諸生以文名試輒甲等爲人好奇偉倣儻之畫策談論風生聞者傾靡以此久爲里黨所推服崇禎壬午流賊李自成犯河南制府汪公奉命征勦屯於襄公往謁和門數以策干汪公汪大奇之署爲軍門贊畫官用佐城守城破汪公不屈死公亦身罹鋒刃鼻耳俱毀當是時流賊蹂躪中原所過無不殘滅守令或死或遁比賊退而撫按覈實始以上

慎獨軒文集卷二

七

聞乃簡新任或道遠不能卽至或視爲賊窟逗留不敢前以致州縣數月無官廷臣條奏乃詔不拘省分資格但有德望才略堪爲民牧者撫按不及奏上輒以印檄便宜委署然後以聞時西平新破公以前守城著名撫按乃劄委攝西平縣事時殘破之餘公多方安撫招流亡勸農桑一時賴以小安又繕城池修戰具練丁壯千餘人以捍賊賊以故不敢犯甲申 本朝定鼎 豫王統大軍平定中原分布貝勒諸將略定各州縣至西平公誓以死守或勸之去不應或云削髮以從益怒無何被執磔殺之卒不屈竟死先是公之至西平也撫按趣

之急公跳驅而至未携家室死難時髣髴城頭雜於骸
骨撐距中事定家人至西平求遺骸不得乃招魂東萊
殮衣冠以葬焉公博極羣書爲文章雄壯豪邁故屢爲
司銜諸公所賞拔其後學使某拘謹喜繩墨閱其文排
之第居下而邑令某頗素知公持其文爭之急以爲此
名下士學使怒堅不從令慚恚曰以子文終當遇於是
延爲上客數推與千金又爲置田園營甲第而令子從
學焉弟瑞字信公以詩名年九十餘吟咏不絕子孝蘭
有萬才善文爲名諸生嘗先後應撫按監司諸公試皆
捷第一同日而至里人至今艷稱之

慎獨軒文集卷二 七

劉青霞曰我世祖章皇帝初詔修明史時國史院檢
討臣湯斌疏言宋史修於元至正而不諱文天祥謝枋
得之忠元史修於明洪武而亦並列丁好禮普顏不花
之義陛下應天順人而元二年間前明諸臣有抗節
以死者似不得沒其忠義概以叛書乞頒寬大之詔
俾史臣得免瞻顧世祖嘉納仰見我世祖德侔天
地量同覆載不以抗順違命律臣職而以旌忠表烈勵
臣節亦猶漢帝拜季布斬丁公意耳由是觀之西平死
守義不容泯已但其死難時家人悉不與以故傳聞不
詳康熙中霞友人趙君爲西平學博霞屬爲訪其殉節

始末其得之長老所傳大略如此公爲霞外王父其生
平所爲詩多至萬餘首遭兵燹悉燬今所存者乃霞母
所記憶嘗口述示霞命霞錄而存之者也

慎獨軒文集卷二 八

樂安令黃公傳

公諱甲雲字唱韓別號蘆船襄城人也世居邑之班城鄉父三應通岐黃術施德於人不貴報人稱黃公長者嘗夢有達官名甲雲者至其家已而生公因以名焉公生有異才尤喜讀異書作異解髫年力學下帷工苦足不履城市人無有知之者久之邑先達諸公稍稍聞之因造訪探其所學大奇之諸公以名宿負一時重望更推遜自以爲不及也名遂大譟年二十許補諸生時有諸生郭甲爲胥隸所搆以死公義不憤糾衆爭之縣庭語侵令令大怒更執囚公欲置之死會城破以免亂後

慎獨軒文集卷二 尤

家鮮藏書公多方購求深加探討爲文日數十藝才氣橫軼好爲異格別調不蹈尋常蹊徑然每出而人以爲高文典冊焉公旣以文名於時試輒高等乃三試鎖院皆以病不終事順治戊子學使某奇其文復嘉其書法精嚴拔置第一遂舉明經高第吏部選格需次司理改縣令當是時朝廷留心吏治至規民長吏皆加意簡簡詔銓部差次天下繁劇僻易略爲三等做唐制以爲書判四銓而程材第其最者得陞見給筆札海內謁選者咸集闕下與是選僅十人而公特膺上等遂除山東樂安縣知縣時當改革地畝不副舊額廷議遣官清查

公因創爲邱田法手繪其圖上之 當宁名曰邱法圖

天子嘉之詔曰可圖留覽特設屯田使遣一御史往卽依邱法圖查勘御史至山左延公至日與公悉心經畫次第具有成規會 世祖升遐事遂寢撤屯田御史而公亦爲權貴所忌喉巡按御史劾公以其才長性刻具獄竟以足報罷人以爲未竟所蘊咸爲公惜云公歸年方壯絕意仕進益肆力於詩古文辭及書畫音韻皆加意討究同里有無賴子與大獄公爲所搆勢張甚公至會城求昭雪而大司寇瀛洲劉公汴人也公持詩書往謁之司寇驚喜因爲具召公留至其家司寇客以百

慎獨軒文集卷二 予

數顧獨推重公相得歡甚爲直其獄其誣遂以解公於書不事浮涉每讀一書手自校讐必朱黃鈎貫參酌評注絲分縷晰而後止其爲詩專師少陵文則不事窮神構思而灑灑千言頃刻立就不起草尤精於字學著有字母圖解四書文字義二書其真草書法獨創一體大或徑丈小若蠅頭皆造極精妙一時學其書者謂之習黃體有求其畫者率不甚應故其平生潑墨揮灑者人得之皆藏弔以爲重公生平篤於友愛撫兩弟養且教者數十年無間言先是公自樂安歸囊底蕭然屏居班城舊廬引流種蔬布納草履出則乘蹇驢或徒步泊如

也晚年構高岡亭數楹列圖書寢處其中口吟手披至夜分以爲常益公性舒緩而又甘澹泊節嗜欲安居養生故學問之事老而彌壯也公無子年七十餘卒所著有椒馨堂詩集班亭文集字母圖解四書文字義諸書共若干卷所畫幽風無逸成都草堂工部復愁秋興八首共若干冊付其姪華藏於家

劉青霞曰公與先大人同學以詩文相唱和遭喪亂依倚爲命厥後締婚姻公從子爲予姊夫予數往來公家公不以予年少輒握手道故以文章相推許以故知公昆稔嗟乎公以曠世奇才假令得盡所長其所樹立應不在舒王下而乃止於斯豈抱絕異之才者天必有以摧抑之歟悲夫

青田令耿公傳

公姓耿氏諱應斗字樞宸別號臥月襄城人也嗜讀書有苦思其爲文刻深峻峭窮日夜乃就及出人爭傳誦之明崇禎間公方應童子試而東鄉艾千子南英司選銜負盛名於文少所稱許見公文深爲嘆賞刻入定待選中以此名震一時爲諸生日過市見一童子械繫問故曰縣尉令充門役不從故繫治之公大怒曰安有讀書童子爲刀筆吏作奴才乎即毀其刑具令之去聞者義之明末流賊李自成破襄以佐督師汪喬年城守賊怒截其鼻耳國初總兵高第鎮襄聞其賢使人通殷勤

欲延致公令子從學乃奉白金百鎰束帛加幣以聘公曰爲語大將軍束修非所計師席之禮不可棄也使者以復高曰何以教之公曰相見之儀每至必親迎送出門且師嚴道尊然後敬學弟子當執禮惟謹不可有綺紈習至於應酬書啟文移不得相擾三者不如約則立辭去不然是奔走將門作幕客也高悉如命然有難色使者居間再往還公窺其意竟却其聘不就當是時國家初開總鎮以開國功加宮保安撫中原至貴重矣而自公視之藐如也順治辛卯奉恩詔舉明經高第赴闕試上等當得官不受辭歸至癸卯起家青田縣知縣

好清靜不耐繁劇臥閣中其邑政清數月卽解綬謝事
先是公不願就職未嘗需次銓部至癸卯春公夢劉誠
意伯基持刺來謁心異之不解其故已而會有詔悉
罷諸選格而以恩選貢士充任守令故公方家居教授
而青田之命下乃知曩者之夢蓋有由也公自青田歸
屏居城東之幕陵鄉茅屋數椽僅蔽風雨瘠田百畝以
供饋粥足不履城邑閉戶著述其古文辭倣公穀足稱
作者遠近學者從遊者甚衆年八十餘卒所著有捫心
集棄翁集若干卷藏於家弟應張字覲宸登壬辰進士
善屬文與公齊名當時中原所稱二耿者也子煌吳以

文名諸生間

慎獨軒文集卷二

三

劉青霞曰公與先子相善以文行相切劘者數十年無
間公任青田旣罷政貧不能歸里寓居蕭寺者九載先
子每惻然憫之至康熙辛亥先子使使往迎公復爲書
徧告里黨曰樞宸文行一代典型乃五斗青田竟至九
年不歸孰孰蕭寺粒米爲艱勢必沉滯異鄉永斷家園
夢思也吾黨有無可通緩急與濟參舟之義寧讓古人
但令樞宸得遂首邱以終餘年雖貧老餘魄未能相報
然持鉢人卽酬德人也里中得書復錄若干金以助公
遂歸里與先子相持而泣曰微公吾死他鄉矣至今里

人相傳以爲美談云

慎獨軒文集卷二

三

賈君珍先生傳

賈君珍先生諱國璧襄城班城鄉人也家世業農無知書者先生年二十餘輟耕之壟上聞里塾誦書聲心竊好之然以貧不能從塾師受書乃從人借書讀之略無所指授亦不能自諳文義但誦讀晝夜不絕聲越數年忽若有得者曰文章固如是於是學爲文問以質諸老先生人人皆稱善遂以文章名性孤介寡所交遊會應童子試邑令王公褒得其文極爲稱賞時邑人賈公壯以平陽兵備使家居令持先生文問之曰生非君族子乎平陽亦重先生名因曰是從子也幸善遇之令以問先生曰平陽爲若叔父行邪先生曰不也平陽方貴盛有勢吾家世寒素同姓耳非一家也令默然已而同舍生或望曰平陽尊重益貴君何不自喜夫以平陽爲同宗反不重邪先生曰扳附權貴吾不忍爲也崇禎拜墓古今之耻君獨不聞乎吾生長窮鄉竊欲自好豈遂效之同舍生曰善已而平陽聞其言益賢之使人通殷勤願與交又以其家貧好學遺以金先生曰吾修身潔行食貧自甘終不以困故而受公財卒却不受

劉青霞曰予少時從先生遊其爲人坦平樂易寬然長者然遇義所不可則堅不可奪嗜學博覽載籍以及星

命醫學地理皆能通曉與樂安令蘆船黃公文學伯玉劉子齊名號班三奇然終以困頓不遇而死悲夫

慎獨軒文集卷三

襄城 劉青霞 嘯林著

男 伯朋 伯陽校

從弟 青芝 芳草編

伯梁

王將軍傳

王將軍名天錫字曰跟公宣化人也生數歲而孤育於兄天健天健登進士官副使以文名於時而天錫好挾弓矢習射獵天健怒之授以書輒去不肯竟學遂以武起家以武進士任襄城營都司天錫性驍勇治軍一以嚴為主而又剛直好勝見人在已之右不欲加禮必陵之在已之左雖困窮尤益敬與均其至襄也襄之士卒

慎獨軒文集卷三

一

舊屬總兵高第戲下高第以明之故將降本朝素寬綏故其舊部皆驕悍不可制或三數輩橫於市中少忤輒肆毆詈或羣起而噪襄人苦之兼以承平日久斥堠都廢得月饌則聚而飲博至於弓矢甲冑刀劍鞍馬之屬皆缺壞不治天錫既至慨然嘆曰此豈國家設兵意哉朝廷歲以數十萬金錢顧養此豺狼構柢於腹心之地邪於是明約束申軍令一切武藝部曲行伍營陣以及鳴金擊鼓之類皆親身教之以時操練凡軍器殘缺者馬瘠者武藝不嫻者杖無赦又設巡哨軍吏布於街市有橫肆者以軍法嚴治之不數月悉變其故當是時兵

不忘戰民不知兵而襄之士卒遂以紀律勇健稱天錫亦以此名動中原天錫狀貌魁梧膂力絕人善騎射常曰將兵如掬水稍傾側不可收矣敢縱之邪人以爲名言其治軍所戮笞無不當其罪然不明言或以游戲出之或箕倨嫚罵衆辱之人多不堪久之覺悟則皆伏罪不敢仰視每坐武幃中軍吏侍立終日雖盛暑汗淋漓下無敢跛踣者天錫雖以嚴厲聞然其爲人性廉介不妄取予所支軍糧悉給麾下毫無所侵漁或士卒有死亡者其餘金陳之廊廡下軍中裁取爲用無入家者人亦以此服之其事兄如父或怒有所譴讓必免冠請罪

慎獨軒文集卷三

二

長跽至日中不命之起不敢起時晉人張允中少年登制科爲襄令嘗與飲輕重不得天錫醉推案起徑批其頰會有解之而去或有儒生相過從者天錫則逢迎却行爲導伏而蔽席絕無驕人色其謙抑自下又如此先是康熙己酉天錫之初治軍也時潯陽人柯鐸爲南汝總兵官亟稱之以爲名將越三年壬子方以其治狀人告而襄之部下兇悍輩二十餘人者終苦其約束乃迄不奉命且挺白刃相向於是一軍大譁鐸遂劾天錫久之獄不成詞偶云受諸將金致軍變下吏以是坐法去當是時人皆惜天錫無不罵鐸也天錫既去士卒感繼

至者益追思天錫至尸祝不替云

劉青霞曰天錫雖武人然亦向文學雅重儒術關西李徵君中孚父信吾公明末死難於襄康熙庚戌徵君過襄求遺骸不得招魂以葬時王予家天錫日往迎候蒲伏稱弟子又貲助其葬事徵君高其誼卒與交驩而去一時聞者莫弗稱之至其治軍方略雖古名將無以加焉予心重其人故爲傳以傳之

談真谷傳

談真谷名長發字孝源遼東人真谷其別號也家世爲將父某起卒伍以斬級功任游擊將軍坐法失官順治辛丑徙居汝州遂家焉真谷嗜讀書有才藻豪邁負氣不可一世旣至汝汝人士雅重之真谷高自崖岸每賓朋高會輒爲大言醉後使酒罵坐指目衆人曰如彼等無足與言者人以是畏其口多遠之獨與所善數人遊論文賦詩交相唱和然數奇屢試不過屏居山村其牢騷悲憤之氣一發之於詩又嘗遨遊四方歷吳楚燕趙以及寧夏榆林諸邊塞久之乃歸益落魄不遂丁卯學使者王公書年來校士讀其詩警曰有才如此尙淪落不偶乎欲召與語而真谷病且殆不能起王公以千金爲壽且令善調藥餌蓋欲俟病良援之以冠多士而真谷竟死年三十餘著有夢餘詩藁一卷真谷負才嗜學積書甚富而生而坎壈迄不得志以死噫可哀也真谷旣死家本軍卒無知書者其所藏書並所作藁俱燬於火康熙戊寅予於其故人家搜得遺詩三十餘首皆可傳者

劉青霞曰齊子韓石前爲洛陽學博士識真谷歡甚真谷病延之於家奉湯藥歷數月不倦及死又爲經紀其

墓事每爲予言及真谷輒歎不自已予惜真谷之才而又重韓石之爲人故並及之韓石名懷瑜臨漳人亦知名士與予善

節烈符氏傳

節烈符氏者長葛人庠生程憲妻也性端重居常不聞笑語聲歸憲八年克執婦道憲病侍湯藥扶掖食飲罔歲餘備極勞瘁無怠容病篤氏泣謂夫曰妾必不負君請以死殉夫曰吾病而死職耳若年少當自愛何遽死爲氏曰惟妾年少故耳君死妾安歸乎且妾終不忍令君獨死妾獨生願先自經以明妾之不負君也言已流涕長潛忽承眈如是者數矣夫輒勸阻之及夫將屬續家人環守氏仰天哀號悲悼欲絕已而乘間登樓閉門自縊先走夫之病且殆也氏每夜焚香籲天求以身代及與夫約必死或暗泣欄前拭淚山室家人莫知也至是變出意外驚愕失措欲秘其夫不得於是夫曰若矢死久矣今果然也且喜且悲輾轉移時亦死一時遠近聞者爭爲弔挽知縣事蔣公給匾表其閭

劉青霞曰或曰節婦殉夫夫未死盡少待先夫死是爲賢智之過予曰不然婦之事夫猶臣之事君彼忠臣義士固有國未亡而自盡身死而君尙存者亦可謂爲賢智之過歟符節烈矢志之堅殺身之勇惟欲令垂死之夫監此衷耳於戲世之人臨難而猶遲回審顧卒以苟免者不知凡幾也視烈婦何如哉

樊烈婦傳

烈婦姓張氏襄城人也曾大父寧萬厯壬辰進士官副使阻建生祠忤魏璫大父永祺天啟辛酉舉人明末諸師討賊事載明史父煥諸生家世忠貞節義聞於遠邇烈婦生而婉嫕貞靜明大義及笄適同邑樊廷柱生子二曰盛曰茂而廷柱卒烈婦撫二子誓守益以禮法自閑足不踰戶廷柱父沒與廷柱弟宜同居以養其姑已七年矣同里有王荊州王習武者皆兵家子素無賴兇暴橫里閭間聞烈婦美色艷悅之不得間康熙壬申四月宜與姑同赴村穫麥二子方就塾師因與二子居城

慎獨軒文集卷三

七

中二十四日已刻荊州窺二子人塾知其家無他人乃與習武直入其室烈婦大驚急走避曰若何爲荊州直前持之烈婦大呼且罵習武扼其吭嚇曰從則活否則死烈婦曰死耳強犯之時惶急烈婦取菜刀搥其面荊州奪擲地烈婦疾入寢室合扉不及乃抽牀頭刀刀長操其室方出鞘而習武從後掣其肘又奪之於是兩賊共曳烈婦伏地伏輒躍起屢伏屢起猝其髮髮縷縷脫而烈婦呼罵聲愈急輾轉愈時終不得犯將舍去荊州固恨甚又恐洩遂以所抽刀奮力斫其額血迸出淋漓徧體倒於地猶罵不絕口習武復以菜刀斷其喉烈婦

慎獨軒文集卷三

八

死且走恐或復甦更以巨石壓其胸踉蹌出門去時日方午二子自塾歸見母被殺狀號哭奔告地方曹青雲來驗視青雲亦知其被殺而恐累已遽以自刎鳴於官時令襄者爲金溪許子尊遂置不問事且已宜歸與烈婦兄本訟憤其事訟之至五月四日令乃率伴作至其家檢驗距烈婦死旬有一日矣天且溽暑啟其棺面如生鮮略如新額上刀痕直貫其頂喉橫斷深寸餘決非自刎者令不得已乃令青雲踪跡賊方烈婦被殺時其隣人有見荊州習武身帶血跡倉皇自其家出者然不敢訟言攻之而里巷間嘖嘖私語咸指目兩人以爲是殺人主名實不枉青雲乃以荊州習武供比逮訊兩賊各不承將刑而荊州父故悍卒突前瞋目咆哮以爲無端誣其子擒荊州去令無誰何也因罷訊自是營弁都司康宜壽守備劉伏振力持之曲爲庇護加以囑助令素休營弁不彊爭久且依倚爲奸於是宣本訟控於各上憲檄下嚴訊令乃定訊期約在十餘日後邑人咸計日而望不能待比及則改期又十餘日期凡三數易而詭變百出矣及訊忽有戍卒黃應魁四人証習武是日同在靈樹堡戍所去城數十里又王雲等五人証前數日與荊州同持羽檄赴南陽在三百里外宣本訟力辯

其許青雲亦詰習武荆州言是日與兩人凡數見在何處作何語皆鑿鑿有據兩人語塞而應魁等九人聞於堂上會日亦暮罷訊令遂以靈樹南陽及應魁等姓名具詳於上宣本公益不憤而烈婦英靈不死風雨晦冥家人恍惚若見其出沒或時聞其嘆息聲後昏夜無形有聲與家人述其過害事甚悉且言賊終必正法宣本公志益銳屢控屢奉嚴檄務期得賊令乃與營弁謀不坐張氏及宣罪以杜其口則控不已於是令颺言曰此必張氏有淫邪行故致此且殺人者非他人必宣也已而訊於城隍廟邑縉紳若士聞之大譁數十百人共前

慎獨軒文集卷三 九

爭之令仍執前說衆曰張氏累世忠貞節義且烈婦貞潔之操里黨所共聞知安得以此相汙假有是何至殺身之慘吾等願各以百口誓神白烈婦冤令漸汗不能答衆又曰坐宣殺人何據邪令曰按律有叔殺嫂罪則爲宣殺無疑衆曰律之罪何所不有律無強盜逼奸殺人罪邪律無故縱強盜逼奸殺人失出罪邪如此是賊殺烈婦而令又殺宣非爲民父母者也語侵令令惶謝曰公等退行爲緝賊自是不復爲此言然每訊營卒必羅列公堂以聽令但旁摘迂詰避實擊虛甫罷或營弁過令或令携其案卷赴營弁而營弁以案卷付其掌書

記令爲昭詳看語以申上如是者遷延二歲餘縉紳若士或懇請或憤爭令惟以婉言相應然卒牢固不可破自此獄益解荆州習武且釋去兩人共設戲場於通衢慶其無辜得釋招梨園部爲大會與其儕伍聚飲歡呼徹三日夜其後令緣他事被劾以罪罷署篆承審皆以事不由已一仍前轍及黔中劉公子章來令襄則事已四載且注銷矣常憾其事欲復理之會河道周公銓元署臬司事翻閱前案曰此事何爲疑獄城中殺人非荒郊比且日午非昏夜比賊有主名非撲風捉影比種種弊竇置之不理令死者含冤生者漏網邪遂檄縣嚴覈

慎獨軒文集卷三 十

劉公立逮諸囚而荆州前兩月間忽發狂大叫歷言與習武逼奸殺人事已遠曰天殺我遂自經死獨習武就鞫劉公方嚴殺直久爲營弁所憚不敢以私干及廷獻營卒亦無一人敢相窺者習武勢孤氣懾未及刑一訊卽伏一一具道與荆州同謀逼奸不從交相橫殺狀纖悉無遺獄具巡撫都御史上其事得 旨爲烈婦建貞烈坊以表其閭而斬習武於市遠近快之

劉青霞曰劉公初受命爲襄令也夢至一村鎮前枕大河設公座於道旁方理事聞有婦女呼譽者聲悲哀命之前未至忽覺公疑之入亦不復記憶比至裏因督工

築堤至邑城東慈溝鎮方就公座於河濱宛然如夢中
所見處烈婦固慈溝鎮人也蓋事有前定云

義士劉翁傳

翁名毓英字瑤函大梁人也家世業農以謹厚稱翁生
而狀貌魁梧慷慨識大義而尤以孝聞明崇禎末流賊
李自成寇大梁翁年二十五被執迫之降翁罵曰我義
民豈從汝反邪頭可斷不汝從賊壯其貌不忍殺乃以
棗木梃榜掠百餘折脇掄髀幾斃終不屈會賊饑道絕
倉皇拔營去旬旬至家得無死後又與賊遇其輩十一
人皆被殺至翁賊見其偉軀幹饒膂力令爲前驅翁不
從且以大義數之曰若非朝廷赤子乎乃甘心作賊王
師旦夕至碎汝爲糞粉尙我迫邪賊縛於樹引弓欲射

其賊長義而釋之先是賊之初至也家人爭謀入城翁
曰城爲賊所必爭巢覆卵豈能完家人不聽翁獨奉繼
母韓鄉居及城陷家人悉沒而翁母子獲全人服其先
見云後賊再寇汴而母韓病且殆翁夫婦侍左右不忍
離及卒以亂故榻柩未備用板扉渴塋於園中亂定破
家營塋拾秘棺梓備極豐美觀者嘉嘆焉翁常念早失
父母未得奉甘毳博膝下歡每言及輒淚下年逾九十
距親亡已七十餘年思慕之誠往往形之夢寐方熟眠
或嬰嬰作孺子泣或啞啞咽不已長號而覺又嘗夢親衣
襤褸隨製新衣陳於墓哭而焚之蓋孺慕之懷至老不

衰也至於歲時奉祀每朔望前一日必躬至祠堂親灑掃齊沐宿於別室至日五鼓起整衣冠捧盃上食垂涕肅拜以爲常雖風雨寒暑未嘗間也翁有兩胞兄一從兄皆沒後翁經紀其墓事又有女弟早嫁陳氏經冠亂流落河朔翁爲迎歸衣食之歷數十年不懈其因孝爲友如此居家勤儉身親耕桑久之其家益饒然好施予周急恤危輒出貲營解不少吝又嘗斥數百金以修橋梁之傾圯者歲饑則爲粥以賑遺及旁郡多所全活見孤嫠窮餓傾囊棄毀質劑病者注藥亡者給棺以故無遠近咸稱劉翁長者平居遇人無少長一接以誠里

慎獨軒文集卷三

三

開間或以曲直就翁平決鬪爭斷然翁徐出數語折衷愧屈過於要質各俯首稱善去其教子弟也語多質大要以學好人存好心行好事爲訓目覩曾元一堂凡五世每朝夕聚於庭中無敢房中私食者延名師教之學盛其束脩膏火之費常篝燈宿火聽其夜讀諸子孫多列膠庠焉翁生於明萬曆已未至今康熙辛卯年九十有三子二孫五曾孫八元孫三

劉青霞曰往予過汴主友人齊子韓石家韓石爲祥符學博士與翁善數爲予稱道翁嘗曰翁里人某素健訟與大獄搆翁勢張甚幾不測會當事廉其誣獄以解其

人瀕死願以子孫屬翁曰知公長者不我校翁卒善遇之噫可以知翁之爲人矣

慎獨軒文集卷三

古

處士張君傳

張君名本沅字元三別號員嶠襄城人詩人太阿先生之仲子也生而環異嗜讀書治舉子業絕工以數奇終不過君累世宦裔自曾大父憲副公以清白起家而大父孝廉公又請師討賊破家財以佐軍以故產更中落其刻廉無異寒素攻苦茹淡或家用乏絕炊煙中斷而君處之泊如也性至孝早失母念父獨宿因不入寢室與父對榻臥呼則輒應聞欠伸中夜常至起立如是者十餘年與人交抒心爲腹不侵然諾然不妄交與合已者善待之不合已者不能忍見素善病考方書調藥餌

慎獨軒文集卷三

主

由是通五色診視決死生百不爽一然不肯以醫市嘗有富人病使使延君君曰吾豈以醫輕身奔走豪門邪謝不往富人厚以金相遺且約立至君愈怒遂與終絕待御豹南劉公爲襄令有賢聲聞君名願與交君亦雅重公遂應其請及至口不及政侍御愈賢君且加敬禮焉其他雖達官貴人欲邀君一見不可得也晚年於故宅旁構屋三楹題曰乾初草堂閉關却掃笑傲閒適以自娛又闢園圃風日晴美課童僕蒔花藥陶然自得也家固貧不能治具晏賓然晏賓必備極豐腆每發書招二三故人滌器剖牲置酒張晏酒闌燈地矣猶把袂投

幣必罄其囊自以盡歡其天性然也君一子珍補諸生以文名

劉青霞曰予與君有世誼予王父文惠公與君祖孝廉公相善締婚姻敦世好君長於予予兄事君君亦以弟視予又相善也康熙壬申君客大梁病臥邸中勢且殆會予亦以事過汴聞之往視君問所欲言君曰吾客他鄉其後事當累子予力任之君喜曰子在吾無憂矣尋愈蓋予與君相關切者如此君生平修身潔行予知之最稔而君又以文推予予故略次行實爲之傳云

慎獨軒文集卷三

夫

王孝子傳

王孝子名勲字殷侯丹陽人也生有至性方數歲遭亂父母携之逃竄途遇寇父母被掠勲孤哀無依號泣道左適有鄧翁者見而憐之鄧無子遂收而撫育以爲嗣相依二十餘年鄧愛勲勲感其撫育恩亦備極孝謹然勲雖育於鄧顧時時思其父母恒飲泣悲憤自誓不娶不仕不肉食及鄧卒旣已葬乃間關跋涉脫身尋訪無慮數千里逆旅道路中輒舉其縣名及姓以問人言已涕泣隨之久之忽夢一人導引得侍親側旣寤猶記其音容廬室狀及至某郡或言某山某村落間有老翁夫婦操南音家本丹陽勲當遇寇時雖小識其年月處所用爲符信及見具言其故果是先是父母之被掠也爲人所略賣傳十餘家卒流寓山中求勲數歲不得以爲已死遂絕念至是亦夢勲述其夢與勲符於是相與抱持痛哭已而歡甚越旬餘奉迎歸里勲至是始婚娶生子二其一爲迪功郎時携子依依膝下爲斑衣舞父母每顧而樂之父年八十餘卒勲哀毀骨立幾至殞生旣塋廬於墓側孝感多異徵邑令各監司爲給匾旌其門劉青霞曰予讀陶南村輟耕錄所載元末有祖浩然者棄官尋母與朱壽昌事相類今勲早失父母能孝感鬼

神致父子離矣復合豈不可與壽昌浩然並傳邪予友人與勲善徵予爲詩以賡之復求作傳以傳予因卽以所聞者爲之傳云

監察御史劉公傳

公諱子章字道間別號豹南貴州貴筑人也生而岐嶷五歲就外傳書不再授朗誦句讀如成人卅時屬文有聲年十五補諸生試輒甲等爲人骨鯁正直不避權要每遇義所不可輒力爭之必求直而後已其天性然也康熙辛酉以第一人舉於鄉兩試春官不第會黔初恢復教職需人遂授鎮遠府教授嚴操守不肯承望上官風旨時有學使寓意公爲營苞苴公艷然怒目視面折之學使恚甚推案起公卒不爲動已而學使內愧笑謝之又鎮遠守素貪婪公時相規勸守怒以上官相陵公

慎獨軒文集卷三

九

遂絕跡不與通守不能奪久之督撫交列薦剡擢襄城令省耕開渠捕蝗弭盜多惠政而又建書院造士割俸置田以爲贍養襄舊有營伍駐防兵民雜處營弁偷安縱下而兵丁皆強暴不可制前令懦怯率遜避之以故兵益橫羣聚市中強奪民物不與值少忤輒鼓噪而起弁伴不知卽爭於其前亦置不問襄人苦之公至義不憤嚴戢之有犯者輒拘治且以其狀上聞升憚公嚴正立置之法且戒曰劉公威嚴勿犯也於是兵皆斂跡數十年之害以除先是有樊生婦寡居營卒王荊州王習武白晝強犯之不從竟殺死前令怵於營弁不敢理越

四年矣公至慷慨曰豈有貞烈若此而冤不爲之伸者立逮鞠之賊震懾一訊而伏公奮筆定爰書事聞烈婦得旨表閭而罪人正國典當是時公以此名動中原大河南北因有白面龍圖之稱報最徵拜監察御史未幾以外艱歸庚辰起復補協理浙江道事山西道監察御史隨命巡視南城公屹然以風紀自任論罷新設豬圈米店立法請禁私錢並請復飯場銀米而又上封事請復恤刑請限官員隨任家口時上御澹寧居召至案前面與商確公具陳所以奏請之意敷對詳明曲當上心皆蒙嘉納上知公才可大用眷注優渥諸臺

慎獨軒文集卷三

三

臣無與比壬午特命公爲江西正考官先是臺臣朱有典試事者而公又以鄉貢士膺上命蓋異數也公矢公矢慎務絕弊竇以拔真才榜發翕然稱得人舉子例有牌坊杯盤銀兩後取爲二考官路費公峻却悉召諸生面給之事竣復命方在道而監試會場之命下公入都憫士子場屋食用艱難下令供給官儲薪米潔食飲勿令侵蝕以致困乏而謹飭防範尤爲時所推重甲申奉命巡視河東鹽課抵任卽革扒子銀八千餘兩及諸陋弊一切可以裕商利民者無不力爲表奏司馬溫公范蜀郡公墓明講學曹都憲公殉難汪忠烈公

祠定其奉祀同年楊芳公與公素不相能後卒於京師
妻子流落旅邸公惻然移貲使使往迎之界櫬歸葬聞
襄城歲饑捐三百金檄縣爲粥以賑皆義舉也已而以
內報歸丁亥服除將赴補忽遭疾遂卒年五十二公生
負軼才側儻有大志遇義勇爲不以好惡爲是非不以
利害爲勇怯立朝丰采屹然名臣以故受主眷最隆駿
駿大用矣而公遽卒人以爲未竟其才深痛惜之方公
之初至襄也興除利弊慨然以古循良自勵憤襄之將
驕卒悍爲民患痛加裁抑弁若卒咸側目公杜門辭舌
卿之刺骨久之見公持議平未嘗文深小苛則又感公

慎獨軒文集卷三 三

公至以父呼之蓋公雖以嚴正聞其實秉公持正務
極平允初不以悻悻沾直爲名高樊烈婦之獄公既執
法不撓營弁人人惴恐且慮公並擠之以罪罷也長跼
乞哀公曰罪人斯得已矣何波及爲於是營弁感激流
涕曰公長者也有時有農夫貸銀於兵越數月見公素不
直兵欲以重息訟兵惶恐使人居間第勿訟願却其息
其人卒訟之公曰息雖重如不貸何既貸之復訟之人
情乎卒令如數相償杖而遣之人服其公舊例營兵給
發月饌守土官鑒放出結相延既久前官率不往於是
營弁多所停漁公曰吾遵功令耳親至驗實而士卒所

得倍於前皆歡呼相慶曰劉公所賜也丙子冬襄兵奉
調北征公市牛酒犒之或諫公曰往年征楚兵執許令
索金錢大肆辱詈公幸閉閣勿出公笑曰吾天子命吏
奴輩敢相犯邪至日公肩輿出兵遙望伏謁道左公命
之前人給以賞且曰若殺賊立功報効朝廷勿忘平日
養恩有吾在卽妻子勿慮也兵皆叩頭伏地至有泣
下者其嚴而有恩又如此公少貧讀書蕭寺中炊爨不
繼常從僧寄食飲益發憤工苦博極羣書久之其學益
進經史大家外以及星命地理皆能通曉所著有同聲
堂文集耐堂詩集若干卷藏於家子二復向復股皆諸

慎獨軒文集卷三 三

生以文名

劉青霞曰癸酉冬公令襄公枉駕下交余詩文相唱和
者數年流連繼絕謬加推獎予實竊自愧然未嘗不感
公高誼也今者濡墨傳公而公不可復作矣噫嘻可勝
嘆哉

貴陽府同知祝公傳

公諱復奇號大崖其先江西清江人後徙河南之南陽父興祖由鄉薦任湖廣嘉魚令生二子次即公年十四父母相繼卒孤子無依又值鼎革流落楚郢者數年年二十餘負才幹好奇偉儼之畫策嘗鞅鞅太息曰世不我知也會本朝續順公統大軍南下開疆公仗劍往謁和門居戲下數以策干續順公公壯其貌奇其言大悅之曰若立功授若職及平定湖南遂以籌策功授安化縣知縣安化僻壤兵火之後人多流離公多方安撫招流亡勸農桑民賴以安後以事罷去適友人有官

慎獨軒文集卷三

三

宛南者招與俱乃至南陽未幾友卒不能歸遂入籍南陽復應童子試不遇入貲爲國子生考授州牧康熙元年除貴州麻哈州知州州漢苗雜處號難治且不事詩書公恩威並濟修學宮延師儒期月間遂變其俗癸卯鄉試內簾員缺撫軍具題以公正途用爲分校官榜發稱得人麻哈旁縣曰清平奉詔裁其地歸併麻哈公一身兩地撫治綏戢游刃有餘報最陞戶部清吏司員外郎未去因野苗肆逆望誤羈延困守者十餘年會吳逆兵變盤據黔中公竄逃山箐搜得之授以官辭不就辛酉黔地恢復公率三土官投誠又招安永寧州南安衛

二處總統貝子綏遠將軍嘉功題敘授永寧州知州調改貴陽府同知已而以年老遂罷政歸先是公之守麻哈也有惠政去後麻人思之數以書相侯公答以詩有政云事業傳碑口利有餘思在故人之句麻人至今稱道之公生平卓識俠氣植於天性能於風塵中物色人物又好汲引後進俾有成立至於周急恤危不惜傾貲營解而無幾微德色人亦以此服之所著有黔南詩集一卷藏於家年七十有四卒子三萬章諸生次萬石萬嵩

慎獨軒文集卷三

三

劉青霞曰丁丑冬公過襄以世誼枉顧予公偉軀幹善談論時公年已七十杯酒盤桓徹丙夜不倦越四年而公卒予同里雪生者公門下士也屬予爲傳以傳其生平行實予閱之雪生云

房堯第傳

房堯第者直隸某縣人明新鄭高相國拱之僕也性機警多謀略而尤尙氣節居常鞅鞅以世不我知也客遊都下久之無所依歸是時爲隆慶丁卯新鄭公方柄政堯第造其門下請焉新鄭公召與語奇之遂事新鄭公於長安邸中克稱任使多所籌畫居歲餘會江陵相攬權專政與司禮太監馮保內外交通新鄭憤欲誅保江陵乃與保謀逐新鄭新鄭遂罷政踉蹌就驛車出都門門下吏士趨勢利者皆去新鄭歸江陵堯第獨不忍去隨之歸里萬厝癸酉無鬚男子王大臣獄與江陵恐新

慎獨軒文集卷三

三

鄭復起將借以殺新鄭於是陰囑大臣令稱高拱主使行刺厥校縱騎數十人至新鄭舍傳舍聲曰逮河南高而不名新鄭公聞之持鳩步於庭中欲自殺堯第覘知之乃作欲附公耳語者稍前以手擊鳩至地新鄭公驚叱之堯第跪而流涕曰此何事也而公遽死邪今但曰河南高而無名且縱校至此十餘日未嘗一至公門此不過借以恐嚇公令公自殺耳公死則天下後世此事將歸於公矣誰爲公白者新鄭公亦悟掖起之曰若言是也會京師厥衛鞅大臣忽有風靈晝晦之異問官皆惶恐而大臣亦詰保曰汝囑我言誰識高老於是斃大

臣以滅口其獄遂解縱校亦去而新鄭得免以此堯第遇堯第自是江陵權移主上愈益橫新鄭公遂杜門稱病會江陵請假歸迂道往候新鄭公新鄭公命駕欲往迎之堯第持不可曰張公必欲殺公不已今之臨況公者徒以覘公之病豈愛公者新鄭公曰然則若何堯第曰公第堅臥稱病爲堯第請往投刺於是灑掃張具新鄭公臥曲室以待家人吏卒悉令避匿勿出堯第獨留候伺已而江陵至堯第前致新鄭命曰吾公與相公仕同朝歡甚今病已革其後事一以累公江陵曰高公果病邪爲語高公復能作楚語誦我乎堯第入伏枕言出

慎獨軒文集卷三

美

曰吾公敬謝相公今且旦暮死即不死將復爲公作楚語江陵喜大笑而去以爲新鄭公良已病且死不復以爲意矣當是時微堯第深計遠慮以紿江陵新鄭公幾殆新鄭沒後而江陵備聞堯第謀乃使使者召堯第堯第欲謝不往度不可乃至都下江陵曰若爲高公謀吾固知之今可從吾遊乎堯第曰老僕事高公且久高公甫下世而輒易主吾不忍爲也僕死何面目見高公地下且僕背高公以從公公又安所用之江陵義其言遂不强堯第卒歸新鄭公家以老死子某在直隸登萬厝間進士第

劉青霞曰予讀史記列傳見武安之傾魏其竊嘆濯大剛而無術未嘗不以爲禍所從來也江陵新鄭兩相國彼方剗刃此猶坦腹堯第調護其閒卒能保全是其智略有過人者至對江陵數語義氣凜然嗚乎此十大夫所難也而得之堯第豈不異哉予見新鄭人爲予言之若此云

慎獨軒文集卷三

三

慎獨軒文集卷三

慎獨軒文集卷四

襄城 劉青霞 臨林著

男 伯陽校

從弟 青芝 芳草編

伯梁

上關西徵君李中孚先生書

前兩書奉候並寄拙著其間浮沉尙未可知悠悠此衷殊悵悵也先生以當代真儒姓字久達 天聰昨 駕幸秦中 天譴存問且有操志高潔之額是固 聖朝崇儒重道盛舉然非先生德高望重恐不足當此也

義林雙忠墓霞言於邑令晴峰陳公以封植修葺之事相托陳公慷慨好義卽同霞出郊瞻拜捐俸重修封墓

慎獨軒文集卷四

一

除道設石几種樹木立豐碑二座嚴禁採樵煥然一新矣霞久沐大教奉悔過自新之訓以爲千聖進修要訣下學入手門徑竊常用自策勵然而過日滋多雖過而知悔悔之何及且過亦不在大也一言一笑一喜一怒不中其節罔非過也當境殊不自覺時過而思甚覺於心有不慊處總由學問功疎涵養未到過不能改自善不能遷窮理盡性以至於命尙復何望此霞之所以愧悔無地也惟先生矜憐愚迷指示津梁幸甚幸甚霞又見近今講學者大約純盜虛聲故嘗妄有論議謂人之爲學當志在經濟務求實用處有守出有爲方是大儒

本傾夫子當日視天下一家中國一人時時欲得君行道非僅欲師弟子傳授已也故攝相甫七日卽誅少正卯又墮三都却萊兵此等設施豈是虛談性命便了却學者分上事大學明德卽當新民中庸中和必至位育可見聖賢作用原自體用兼備今 國家大政如屯田水利賑貸積貯錢穀刑名之類此皆學者所當經理胸中確有成算然後身任其事自游刃有餘至於選將練兵防禦戰守車制火攻亦宜精諳勿執佳兵不祥之說勿持承平偃武之論蓋文事武備原來並用兵戎雖國家不必有之事而儒者不可無其略自古未有大將不

慎獨軒文集卷四

二

通儒術亦未有大儒不善用兵者夫子之行軍所與懼事謀成由求之有勇知方戰齊獲甲何嘗不長於用武倘置此勿道惟傳道著書是有體而無用豈足語於聖賢之學也邪敬質先生以爲然否雙忠碑記墓表及義林圖並呈覽

上撫軍李郎庵先生書

丁丑春老夫子閣下撫豫之明年觀風下邑椒取兩河人士會集梁園經書之外復命詩題霞以凡驚謬承賞鑒拔爲兩河第一復蒙過爲揚譽格外垂青布衣韋帶之士幸逢賢公卿大人之知遇知已之感死不恨矣霞何以得此於閣下哉嘗聞之昔人有御李爲喜識韓稱願者閣下一世龍門文章司命令今之元禮今之荊州也固陋如霞砌下牛衣竟容一坐堦前尺地直許揚眉今歲當大比復召入大梁書院肄業諄諄訓誨真不啻開其愚而啟其聰指迷途而使之歸也霞何以得此於閣下哉士屈於不知已而伸於知已自古爲然韓昌黎曰身在貧賤爲天下所不知獨見知於大賢爲可貴耳正霞今日之謂也今刊刻書院同學齒錄一冊以見一時作人之盛並誌大德於不忘焉又霞所作吹簫懷古詩一並上呈祈賜覽觀

慎獨軒文集卷四

三

與開西王爾楫先生書

甲申乙酉兩書奉候並寄詩文語錄各一冊皆未見來音或其中有沉閣邪大兄德業文章樹望海內得二曲先生真傳真聖學之羽翼而吾道之主盟也弟夙承提誨又幸兩遇草齊聯床把杯傾傾塵談以開茅塞別後典型日遠不見以度鄙吝復生矣弟邇來學業荒疎略無進益間有論著殊非近裏着已竊念繼往開來責在吾輩日月迅速會不我留思之悚惕言之愧悔大兄汲引情深視此倥傯蒙寧不爲之惻然心矜邪千里睽隔不能時親道履惟冀近有新著種種見示用作指南

慎獨軒文集卷四

四

之引矜望矜望浙中陳實齋先生今之理學名臣也著有四書述易經述諸書今春以副都奉命撫黔道經於襄枉駕下交弟與晉接之際言及徵君先生洎大兄理學正宗中丞極爲傾心且曰黔地僻遠宜延名儒振興文教欲敦請大兄過黔主陽明書院昌教化於黔中又不可造次命弟爲之先容如無遐心然後以安車奉迎或終一歲或數月而歸但令西南遠人一親丰采一聆訓誨則聲名文物不難一時丕變此中丞公所以殷殷上怨翹首西瞻不啻如渴之欲飲勞之欲息也黔爲陽明先生被謫地當時黔人爲建龍岡書院中有何陋

軒君子齋玩易窩陽明究心聖學黔人心悅誠服以至水西外域皆遣人致債是可見人無遠近皆可與爲善而陽明先生之教澤感人爲甚速也今書院倍加修理規模弘敞前撫臣張具題請匾皇上御書文教遐聞匾額特遣內閣中書前往懸掛大兄一至其地儒化自行此實黔人之幸而吾道振興之會也大兄豈有意乎中丞公取進止倘或許諾弟卽據以爲復序文二首雙忠墓表一首並呈覽

慎獨軒文集卷四

五

不能無辨欲其約而同歸於一也竇難學者於此其皆隨聲附和唯諾因人乎卽或爲調停之說恐亦不免駢牆之見耳此儒先門戶所以不得不分而意見之偏要亦其所不獲已者也鄙見若此敬質閣下以爲何如刪集卽俚不文乃謬承推許慨賜序文在閣下指示後學愛忘其醜而聲聞過情恐不免君子之耻耳附具詩文各一冊將意

答黔中丞陳賓齋先生書

七月中一函奉復又辱惠書謂不靳往復賜之教言實何所知識卽有狂瞽之論豈足仰贊高明乃承謬稱益友諄諄屬意下採芻蕘區區之私益增愧赧四書述大著尙未爲完書而閣下乃云抵黔以後鹿鹿簿書云云將此書遂中止邪惟望閣下撥冗卒業刊布流傳以慰海內懸企之思幸甚幸甚然霞尤有望於閣下者敢再爲陳之大儒千秋不朽之業旣已責無可諉且坐而言起而行正當見之實事講學之舉不知者視爲迂闊其實明道術正人心培真才以學術而言由是進僞而真進偏而全進駁而醇以治術而言由是進亂而治進否而泰進霸而王先民所謂爲天地立心爲生民立命繼往聖開來學萬世開太平者莫要於此也伏願閣下於陽明書院登壇開講集寮屬以及多士聽其素學整躬以倡則正學彰著人心丕變立見今日矣况書院近又增修加盛蒙 皇上賜額自是吾道振興之會閣下開府其間仰體 皇上興學右文之意以助成 聖朝一道同風之盛庶古大臣風烈炯炯天壤不亦大慰平生堯舜君民之志而快當世賢士大夫喁喁仰望之思乎至於書院學規講語統希種種見示霞雖相隔遙遠聞

風神往亦景行之一助也不宣

慎獨軒文集卷四

九

上銀臺湯西崖先生書

霞以固陋謬承賞鑒以庸人而愛國士之知得被容接
溫語藹藹又且逢人說項推許溢情殷殷注存之意誼
則師生情同骨肉霞何人斯乃克當此知己之感終身
之榮竊念霞自束髮受學以來私心自命意欲顯名當
世卓有建白爲國家有用之人樹千秋不朽之業而抑
鬱困頓不獲一過此固時命所遭無如何也惟是遭逢
聽之當代行止安其在我縱不能達則兼善要亦欲窮
不失已此霞所以淡然於遇合之際也獨是繼往開來
責在吾輩竊不自量用抱杞憂常惴惴於心而不能自

慎獨軒文集卷四

十

已焉敢爲閣下陳之以求指示誠以迄今之世先聖先
賢不作異學之說日熾意欲遠宗孔孟近紹程朱而更
叅以諸儒先之言彙成一書大要以正心術端品行絕
浮名爲急務左道之說闢之非聖之書火之庶乎顏風
可挽學術可正但霞賦性愚騃學力荒疎雖粗具一葉
而考據未詳發明未的則又惶恐焉不敢出而問世也
伏望爲之指引示以學術法程進取規則則管窺之見
可以少闕而編纂書成亦不至大有背謬矣詩文二冊
附政

答大司空陳實齋先生書

辛卯春關西王爾緝先生自楚過襄接手書具見注存雅意及與爾緝聯牀道故又備述閣下昌明正學謙抑善下景仰之餘深爲嘆服昔新建開府豫章軍務倥傯不廢講學閣下封疆任重加意興學理學名臣與新建先後同揆求之近今之世誠空谷之足音也及閣下奉詔入都道經臨潁距襄僅百里耳霞以病未得親炙道範後會之期又未卜何日思之懊悔言之悵惛且區區之心有不能已於言者欲以達之閣下也人生過合誠不可必自古聖賢德備厥躬弱而在下此所謂無如

慎獨軒文集卷四

十一

何者也今閣下遭逢聖主枚卜指日明良之盛千載一時惟願閣下以夙所學者展布設施從容於皇扉綸閣間繡黻皇猷霖雨天下上不負主眷之隆而大儒作用亦見之實事而不僅托之空言也幸何如之快何如之霞庸拙固陋竊不自量嘗欲顯名當世卓有建白然坎壈蹉跎略無表見幸得佩服閣下之學術瞻仰閣下之政治使天下後世知吾儒本領有體有用非特靜坐高談迂疎寡效已也則霞雖終身伏處草茅欣慰爲靡窮矣向讀二曲集質魯心粗茫無頭緒閣下提出以靈原爲宗一經指示路徑顯然而大著又舉仁

義禮智以實之質實切當銘佩銘佩課黔題旨聖經解義二書發前賢所未發堪補注疏傳布海內以惠後學功莫大焉拙著二冊附政

慎獨軒文集卷四

十二

上大宗伯陳寶齋先生書

前辱惠書兼示大著匆匆歲餘音問疎闊侍在愛下雖或見諒於形跡外而鄙意悒悒不能不爲之歉然也來示云明善誠身體之身心合之程朱將見千聖一原後先同揆鄙陋如霞何足語此惟佩服明訓仰企誕登道岸然而嶺嶺萬仞踰躑蹉跌恐不能期望萬一耳閣下德隆望重朝野仰瞻北斗喉舌賢於夢卜竊念宗伯之職在唐虞曰秩宗成周曰春官掌天下禮儀祭祀封建朝賀宴享貢舉諸大政任綦重矣閣下以卓夔之才膺周召之任藹藹聖治一代典禮燦然明備此由平日

慎獨軒文集卷四

三

有體有用之學胸中確有成算故施之當官展布設施取懷而予莫不咸宜古所謂醇儒名臣閣下一身備之矣竇學業空疎不堪自問雖期望有心而迷途莫識伏願閣下開愚啟鈍示以大道之要領正學之旨歸是則閣下不忍鄙棄之虛懷亦汲引後學之盛心也願望願望

擬遼天祚皇帝與宋徽宗書

大遼皇帝敬問大宋皇帝無恙昔我朝太祖皇帝建國五十餘年而大宋藝祖皇帝新立遣使來聘時我先君景宗皇帝在御亦遣使報聘此兩國相交之始也嗣後岐溝沙河定安五臺數相搆兵宋屢敗績迨澶淵之役宋遣曹利用來請平許歲幣交誓約約爲兄弟和議旣成載在盟府若曰子孫世世相好無相害也由是南北彌兵通好之使不絕於道我朝又嚴戒戍卒勿侵宋境雖馬牛逸於北者悉還之及大宋真宗皇帝升遐使來告哀我先君聖宗皇帝率蕃漢大臣舉哀后妃以下皆

慎獨軒文集卷四

古

爲沾涕又設奠宗御靈建資福道場百日復勅沿邊州軍不得作樂時方除官見有同真宗御名者怒叱令改之當日情誼親切至於如此自此百二十餘年和好無間比者吾遼家遭多難金人叛逆忘累朝庇養之恩藐君臣上下之分此誠名義所不容王法所必討凡有人心莫不痛入骨髓乃大宋不聞有問罪之師恤隣之義反遣武義大夫馬政浮海使金約夾攻遼朕平心稱量自以爲未有過舉不虞君之攻吾遼也何故已又遣馬政趙良嗣一再佯請報師期許歲幣如遼數夫仍納歲幣是以遼易遼也庸何益且稱之曰聖人自稱曰下邑

卑屈若此其長逆伏之勢而喪中華之氣抑又甚矣或曰欲圖燕雲六州之地故不惜重耳卑屈苟利所在罔知禮義固也雖然卑屈亦期有濟耳金人臣服吾遼二百餘年而一旦敢於犯順金與宋何親也而肯以燕雲六州之地畀之縱令得如所請而乘人之危幸人之災亦爲不義而況未必然邪若曰金借力於宋甘以相報抑思金之攻遼屢破勦敵其兵強將勇正不需宋彼宋童貫蔡攸以十五萬衆來攻一鼓敗績於白溝則宋之將卒可知也果可與之共功乎然而金人許之者則亦假道滅虢之意遼亡宋必隨之而宋不悟也遼宋之表

慎獨軒文集卷四

主

也遼一日不亡猶足爲宋屏藩輔車相依唇亡齒寒獨不慮及此邪近聞高麗主王楷使人致意於宋曰遼兄弟之國存之足爲邊扞金人虎狼不可交也由此觀之遼不可攻金不可盟卽高麗遼邦亦知之豈堂堂天朝識解反出高麗下邪嗚乎哉暴除亂王者之盛心也惟難拯箇中華之義舉也四國同災許人不弔君子以是知其先亡春秋凡赦皆書凡書皆善此無他王者之事聖人之心大抵然也今射一時之利棄百年之好結豺狼之隣啟他日之禍竊爲大國不取也朕願寢兵除前事復故約世世平樂未得皇帝之志故使使奉書請幸

察焉不然金何仇於遼何愛於宋恐將來視宋如遼且更甚於遼者悔無及矣惟大國歲之幸甚幸甚

慎獨軒文集卷四

主

擬宋徽宗自五國城與宋高宗書

昔朕崇奉道教仰期皇天眷祐故上玉皇上帝徽號而道錄院方士亦冊朕爲教主道君皇帝至重和元年朕欲闢土開疆故遣武義大夫馬政約金攻遼豫請燕雲六州之地方謂滅遼之後與金歡若一家不謂金人長驅南犯直逼京師九廟邱墟社稷淪沒亡國之慘百倍於遼及被虜而北金將幹離不驅朕及太后親土皇孫駙馬公主嬪妃由滑州去粘沒喝驅靖康帝桓及皇后太子嬪妃宗室由鄭州去跋涉萬里踵繭趾裂而且冒雨衝風艱楚萬狀流遞至遼東三萬衛廢朕爲昏德公

慎獨軒文集卷四

七

廢靖康帝桓爲重昏侯徙之韓州今又編管於五國城此地距遼東三萬衛又千有餘里一望白草黃沙豺虎虺蛇相爲雜處饑不得食寒不得衣而強敵又時爲推枯拉朽困辱百端於戲中原萬里人絕路殊生爲別世之人死爲異域之鬼此等情況誠何以堪回思昔日艮嶽花石窮極淫巧今且求爲中國編戶民而不得於戲痛哉前朕夢四日並出密謂闔門宣贊舍人曹勛曰此爭立之象未知中原之民尙肯推戴康王否竊出御衣絹半臂親書其領中曰便可卽真來救父母助問行南歸至今逸無音耗及洪皓白雲中密遣人來奏書朕始

知康王卽位已四年朕喜極而泣默祝天地祖宗以爲歸還有期但不知四年中何無一使相通一字相寄邪朕如在水火而竟不我念邪不然以天下至當竭天下之力以報君父之仇豈徒盜得陰據云爾乎後聞曹勛建議募死士入海至金東境奉朕由海道歸因此謫勛於遼方矣獨不思朕縱或得還亦惟優游歲月以終餘年斷無復辟之理又何必假金人而違拒之邪近聞定都江浙僻處海角一隅偷安祖宗陵寢但遙而望祭若然卽位何益於朕朕亦何望於卽位哉爲今之計正宜枕戈嘗膽選將練兵修軍馬備器械以宗韓劉岳爲將

慎獨軒文集卷四

八

大舉北伐敵雖強亦必氣懾志阻欽袂遠遁則祖宗之大業可復而朕之歸期有望豈不快哉乃不此之圖畏縮退避棄汴京而至維揚又棄維揚而奔臨安抱頭鼠竄將何所底止邪乃諄諄以講和爲言夫所謂和者兩相平之謂也勢均力敵言歸於好兩各罷兵耳今大仇未復大耻未雪而顧與之和乎且金人講和以用兵而我國欽兵以待和是金以和愚我而我亦以和自愚也烏乎可也况金人詭譎奸詐卽和亦不足信當日約金攻遼海上之盟旋卽背之和豈可久邪至於卑辭厚幣通金之使則曰稟議金使之往則曰宣諭固已儼然有

上下之分矣而更奉表稱臣去尊號甘爲臣妾又致書金將粘沒喝以乞哀卽逆賊劉豫畏金而亦以齊帝稱之於戲卑汙甚矣中興若此朕復何望哉而乃作大宋中興玉寶獨無媿於心邪朕身墮苦海望救如焚惟大奮乾綱矢不共戴天之心糾合義旅懷滅此朝食之志故以書賜王王處深宮之安試一思朕韋韞毳幕之居享珍羞之奉試一思朕羶粥酪漿之味服輕煖之衣試一思朕窮邊絕塞之寒操生殺之權試一思朕語言動作受制於強人羅縶御之使試一思朕胼手胝足操作之勞苦思則痛痛則憤憤然後痛哭誓師督軍鏖戰庶可滅敵如草歸還宮闕展覲陵寢幸何如之喜何如之卽不然未能一戰破敵而决意撻伐寧死不辱亦不至長敵人之氣而笑我國之無人也朕死亦瞑目矣若仍前偷安君父事仇朕縱不復生還異日地下何顏相見於戲已矣言盡於此惟王三復留意焉

慎獨軒文集卷四

元



慎獨軒文集卷五

襄城 劉青霞 嘯林著

男

從弟 青芝 芳草編

伯朋 伯陽校

殷紂論

紂十有三祀西伯獻洛西地請除炮烙許之遂賜弓矢鉄鉞使專征伐劉子曰紂淫虐不道以亡其國論者謂其自絕於天故天棄而國亡予謂紂之無道固也然其天性之明尙未盡泯假令內無姐已外無費中惡來之輩奸宄女寵不至於前自無以導其淫而資其虐其亡猶可救也卽如炮烙之刑自紂創之以爲娛樂者乃一

慎獨軒文集卷五

一

聞西伯之請爾遽除之亦可謂尙能從善矣以亡國之君而能割所欲以從善庸可及乎且洛西之地何地也普天之下莫非王土洛西非帝之有邪而受地而除刑且賜弓矢鉄鉞以旌賢臣此又昏王之所難當紂之殺九侯醢鄂侯也西伯聞之竊嘆崇侯虎譖之曰西伯欲叛斯言旣已入帝耳矣而帝卒賜弓矢鉄鉞使專征伐而曾不之疑不意亡國之帝而尙能若是且尙當享祚六百餘年之後而權猶不下移誅戮諸侯罔敢逆命彼周文武之後纔一二世而衰微不振甚且不得與列國等以帝較之徒擁虛位者不猶爲勝邪史稱紂資辯捷

疾聞見甚敏智足拒諫言足飾非是其天資亦非庸庸者苟其親賢遠奸寧遽至於滅亡善乎端木氏之言曰紂之不善不如是之甚夫豈以紂未嘗不善而虛被惡名哉誠以其不善猶未爲其甚焉者也秦漢以來亡國之主大都皆昏庸下愚之資而又具窮奇褻狎之性其驕奢淫佚殘刻暴虐亦若無異於紂而千古所稱無道主動以紂爲口實者蓋以三代以上皆賢聖之君故詭以爲異耳後世比比皆是習爲固然無足怪者豈紂之無道實冠百王也邪

程嬰杵白論

屠岸賈攻趙氏於下宮程嬰與公孫杵臼約死易立孤難杵臼以難者讓嬰而自爲其易其後杵臼果死而嬰卒立趙氏孤殺屠岸賈滅其族兩人之信已全在嬰可以無死然終自殺以下報杵臼是亦不可以已乎曰不然下宮之難趙氏閭門皆死於賈杵臼其客耳尙以死報况嬰爲朔之友乎嬰死決矣所以不卽死者爲趙氏孤也因與趙孤俱匿山中賈一日不死孤一日難保十五年中日日皆嬰効死之日彼杵臼不過一死耳故曰死易嬰日日死而日日不敢死故曰立孤難既已爲其難者而終舍其易智者不爲也况嬰又不得不死也何者嬰對武之言曰彼以我爲能成事故先我死今我不報是以我爲事不成由此觀之嬰而不死立孤之事尙未成也蓋立孤與死兩人分任其事杵臼既死則杵臼之責已謝嬰不死則孤雖立恐無以堅景公之意而繫晉人之心孤之成敗仍屬未定卽嬰立孤之事尙爲未成然則嬰之死正所以立孤於不敗也而豈若傷勇之死哉况未保趙孤時死易立孤難既立趙孤後又似立孤易而死難嬰之跡無以暴於天下後世則嬰之心亦終難白於杵臼杵臼能信嬰之心於地下而嬰不能信

杵臼之心於人間此嬰之所以不得不死也夫

田光以死送荆軻程嬰以死謝杵臼論者或皆以爲
過讀此文乃知光尙可生而嬰必不可不死貴陽劉
豹南

豫讓論

豫讓爲智伯報讐伏劍而死可不謂忠臣義士乎哉而
太史公列於刺客與聶政同傳何歟蓋豫讓刺客之靡
耳非忠臣義士也豫讓臣事范中行氏智伯滅中行而
讓遂臣事智伯固已忘君事讐爲人臣而懷二心矣及
襄子滅智伯而讓爲報讐詭曰中行衆人遇我故衆人
報之智伯國士遇我故國士報之嗚乎君臣而可以報
施厚薄論天下豈復有倫常哉彼夷齊叩馬餓死首陽
不聞殷以國士待之也何以獲夷齊國士之報邪且智
伯待以國士其實誠不可知卽有之亦在旣臣智伯之

後耳當中行方滅讓遂屈膝反顧此時智伯待之厚薄
尙未可必又安得逆料日後國士之遇而先忘君事仇
哉於中行則漠然至智伯而始爲報仇讐之有女早寡
再適於人而夫更死於是始誓守柏節可乎不可乎况
當時智伯之惡稔矣與韓魏趙比肩事晉名爲晉卿實
爲晉賊未拜威烈之封而勢已倖於諸侯繩以周法皆
在所當誅者也而智伯之驕較二家爲尤甚讓旣愛國
士之遇卽當忠告善道以消患於未形不然或痛哭流
涕以死相爭亦可轉危爲安而智伯之死不幾挽回於
萬一乎乃不此之圖坐視其兩地無厭縱欲荒棄而曾

不之救一若聽其死亡而漠不相關也者由此觀之知伯之死讓殺之也夫人以國士遇我而僅待其既死之後而爲之報仇是猶夫操刃殺人其人既死乃怨其刃而毀折之耳忠臣義士之用心詎云若是尤可詆者智伯之滅雖襄子滅之實受霍泰山三神之令而滅之者也而襄子又賢主也能識高共之忠於危難中而不忘報又傳位於兄代成君子浼而舍其子不立可不謂賢乎方獲讓於廁中時亟稱爲義人爲賢人夫人方殺我而我釋之且揚其義其施恩於讓者實倍於智伯而讓添身吞炭慘父母之身必殺襄子以報智伯亦謬矣縱

慎獨軒文集卷五

六

以死殉然輕於鴻毛耳是以太史公不以爲忠臣義士而與刺客同傳也太史公良史也後世致堂胡氏論曰讓非特爲委贄事人之法卽大學之道不是過也然則委贄事人法其事中行乎事智伯乎且大學之道何道也孔氏之遺書而格致誠正修齊治平之道也讓反顏事仇陷君危亡其與大學之道何居使九原可作吾將起胡氏而問之

荆軻論

言天下事易行天下事難卽行天下事亦易行天下事而能成天下事則難是以共大事者必求所謂勇沉智深豪傑之士而後可無敗事不然鮮不資怨而速之禍也予觀燕太子丹使荆軻刺秦王且喜且憐之而獨惜所用之非其人也太子質於秦秦王遇之不善遂怨而亡歸圖所以報秦王者夫不爲社稷計徒以見陵之故輒欲得而甘心亦已過矣雖然以虎狼之秦蠶食諸侯固人人所欲刺刃腹中者果得而報之亦云良快獨是太子之爲此舉也事成蓋世之功不成滅亡立致此何

慎獨軒文集卷五

七

事也而顧以付之荆卿卿豈智勇備具豪傑之士者邪其取亡之道固已不待智者而知之矣方太子之因田光先生而見荆卿也卿而果爲豪傑之士也者卽當如太傅鞠武之謀以消其不忍忿忿之心卽不然謝而去之使之他有所屬則燕雖小弱亦可延旦夕之命而荆卿竟身任其事矣於是太子膝行流涕尊爲上卿舍上舍日造門下供太牢具異物而又問進車騎美女以順適其意嗟乎可謂殊遇矣當此時者尙復何所顧慮何所遲回而荆卿乃久之而未有行意則何說也太子不得已以爲請荆卿又怒叱太子曰提一匕首入不測之

強秦所以留者待吾客與俱夫秦之強誠不測也既以
刺客往卽不當畏其強慮其不測且隻身可往又非若
多多益善較勝負而決雄雌也則客何爲者且何不從
容論道而怒之而叱之吾又不知其何說也觀此則荆
卿之怯亦明矣沉於勇者當不若是追其去而之秦奉
千金之資幸而得見秦王幸而匕首見幸而把王之袖
幸而羣臣不持尺寸之兵幸而執兵郎中非有詔不得
上殿幸而王拔劍劍長操其室堅不可拔此千載一時
也刺客於此易若反掌耳卿於此時乘其便宜執而刺
之說殞其命然後以身殉之彼秦之大將擅兵於外而
內有大變則天下諸侯合從以破秦此功在當時名垂
後世矣乃智不出此當環柱時不思一決至左股既斷
而始撻以匕首晚矣詭曰欲生劫之夫以秦之強秦王
之暴生劫安所置之嗚乎是豈深於智者之所爲乎雖
身被八創會何足惜適以趣燕之亡速太子之斃而督
亢之圖反用爲滅燕之何矣庸碌無識之人其敗事一
至此哉或曰曹沫嘗劫齊桓公歸魯侵地荆卿得毋類
是曰不然桓公方以信義霸天下故可以劫秦王豈其
比邪秦吞并天下其惡方張縱生劫之能制其死命保
其不肯盟而負約乎是生劫之謀可一而不可再可行

慎獨軒文集卷五

八

之他國而必不可行之秦也然則無卿之往燕可不亡
乎曰諸國見滅而燕隨之是俟其自亡也吾無責焉耳
樊將軍烈丈夫也拔劍自刎以其首付卿卿卽死何面
目見樊將軍地下而冥冥中不負太子與田光先生乎
是以太史公傳之刺客比之諸政論者猶以爲幸而綱
目大書盜劫秦王以正其罪也豈不宜哉豈不宜哉

陶淵明咏荆軻詩有曰惜哉劍術疎奇功遂不成觀
此可知此論非刻

海寧陳寅齋先生

文深有惋惜意非徒怒罵荆軻 蔡感荆軻事當作寶
劍歌有云三彈劍兮劍欲哭荆軻不刺秦王肉正與

慎獨軒文集卷五

九

此論同意

弟太乙

侯生論院試作

魏公子無忌以好士名天下時侯生爲夷門監者公子問其賢枉車騎虛左以迎夫以侯生之賢隱於下寮爲夷門抱關微矣而公子能知之不耻下交且執轡愈恭顏色愈和知遇之隆於斯爲極嗟乎天下之大山川靈秀所鍾不乏嶽崑崙之士而知已無人與袁艸寒煙同淪沒無聞者何可勝數侯生得公子而名益彰可不謂厚幸歟及公子之救趙也意侯生感其知遇抒其謀略必且爲之籌策以圖百全不一失之計爲趙慮實爲公子慮而侯生竟無一言半辭以送此何說也夫救趙

慎獨軒文集卷五

十

何事也公子之過侯生何意也秦師壓境危若壘卵趙有不保旦夕之勢公子以義氣之故奮身而往亦有九死一生之慮而侯生視之漠然公子去而復反侯生乃曰臣固知公子之必還也夫侯生既有計畫卽當盡言以告之矣亦何必還回頓挫而始爲竊兵符舉朱亥椎晉鄙之說假令公子不還以身赴難侯生雖有奇策何以脫公子之難解趙城之圍而報公子知遇之隆哉尤可議者侯生數公子至晉鄙軍之日北鄉自剄夫古人不愛其死而亦未嘗不重其死知已之威豈必定然一死况此舉雖急於救趙而矯王命盜兵符擅殺大將竊

人臣子而爲此種種不法之事將置魏王何地以故解王之怒救趙之後公子棄父母之邦以身留趙十年不敢復魏凡此皆侯生即之也吾意救趙之後其爲公子計處者正復多端乃慮不及此而僅以一死謝知已竊爲侯生不取也然非侯生之死公子亦公子之有以死侯生也公子亦賢矣哉

論古有識能折得倒 劉艾堂先生原評

慎獨軒文集卷五

十二

范增論一

傳曰以道事君不可則止又曰陳力就列不能者止蓋以主臣之相遇也合則留不合則去楚漢之際若范增者可謂知所去就矣史稱居鄒人范增年七十素家居好奇計夫曰年七十則其歷練老成非少年輕銳之比而素家居好奇計則又隱居自重計畫僞儻不肯輕事干謁苟且一試者也及項氏起江東一時陳嬰黥布蒲將軍輩皆望風歸附秦嘉景駒敗死并其軍沛公亦起沛往歸焉項氏英風所推遠邇響應若此故增於此時亦往而說之項王尊之爲亞父遇合之際可謂極盛此

慎獨軒文集卷五

三

所謂合則留者也迨沛公入秦宮拒關收寶貨美女欲留居之項王大怒欲擊破沛公軍沛公震恐增勸以急擊勿失及鴻門之役增數目項王舉決以示而項王不應遂致坐失事機觀增監于不足與謀之言增之去志固已決於此時矣迨少奪之權遂請骸骨歸此所謂不合則去者也去留之際增蓋兩得之而或者疑其不當事楚夫事楚何足爲增玷當是時逐鹿方始項王以蓋世英雄所當者破所擊者服三年遂將五諸侯滅秦分裂天下而封王侯其功偉矣雖沛公亦屈首受封何況范增若必以其事楚而賊之彼韓信陳平英布季布之

屬皆嘗事楚矣况增亦非始終事楚者也當項王方盛之日固已脫然而去而論者必追咎之何其恕於韓信陳平輩而刻於增也如必貴以歸漢漢之斬丁公者謂何會增也而亦效丁公邪他日陳平對漢王曰項王恭敬愛人士之廉節好禮者多歸之大王慢而少禮士之廉節者不衣然大王能饒人以爵邑士之頑鈍嗜利無耻者亦多歸漢卽此而觀增蓋廉節好禮而非頑鈍嗜利無耻者也又寧可以歸漢繩之邪乃人猶切切然議之者據成敗而論也抑知增固置身成敗之外者邪

陳平對漢王曰項王骨梗之臣亞父鍾離昧龍且周

慎獨軒文集卷五

三

殷數人云云亞父爲人至爲敵國所推服若此其賢可知明人徐孚遠曰周殷後降漢有媿此三賢不可以當骨梗之目據此二說亞父之賢尙矣於楚旣急流勇退豈於漢肯屈節反顧文秉公持正看得明說得暢

華陰王山史先生

范增論二

子瞻蘇氏論范增謂增之去楚當於羽殺卿子冠軍時又曰項氏之興以立楚後而諸侯之叛以弑義帝劉子曰不然宋義之死增之所快也而謂增以此時去何哉當楚之救趙也以宋義之庸鄙而爲上將人心固已不平矣縱彼有將驕必敗之論夫將驕必敗亦誰不知之豈遂爲宋義之高議邪然旣已救趙則救趙爲急姑不具論乃宋義憊怯偷安留四十六日不進又遣其子相齊飲酒高會天寒大雨士卒凍餓夫不恤士卒而徇其私此豈大將所爲邪增時與共事其心果以義爲吾所

慎獨軒文集卷五

古

勸立之懷王孫心所遣而私愛之視義所爲盡善乎項王斬之差快人心故一時諸將皆瞻拜下風增時爲末將亦與其中而謂增於此時去邪且項氏之興與諸侯之叛總無關於義帝項氏起江東何借於義帝彼渡江而西曾未幾時而海內響應諸將皆以兵屬卽沛公亦往歸焉此時未立楚後也豈以義帝之故哉况義帝以牧羊奴而擁虛位卽不立之項王豈遂不能滅秦分裂天下而封王侯邪至於諸侯之叛大抵皆因多寡強弱以起爭端如沛公不欲居蜀田榮以無功不封陳餘以封三縣故有善地惡地之爭原非爲義帝故而有不共

慎獨軒文集卷五

五

戴天之憤也假令不殺義帝天下諸侯果翕然奉以爲帝沛公安居巴蜀田榮陳餘不復懷怨相爭合從而背楚乎由此觀之是諸侯之叛非爲義帝也且義帝之存亡又何關乎有無其始增之勸立者不過以起兵之初楚以無罪爲秦所滅人或憐之聊借此以鼓舞人心非爲楚必當繼秦爲帝而懷王孫心遂可爲天地神人之主也又安可以弑書後世如元末劉福通紅巾兵起迎韓林兒爲帝改元龍鳳明藝祖時方起兵固嘗奉其正朔隨時朝請越數年劉基撤其主曰牧豎耳奉之何爲遂絕項王可以弑書明祖亦可以叛書邪蘇氏謂弑其所立增必力爭而不聽羽之疑增必自是始義帝縱爲增所立以增之明哲豈不知其庸陋而必力爲之爭縱力爭不聽以項王之剛強豈遂有憚於增而至於相疑况項王徙之長沙殺之江中增曾無一言而當分封義帝與諸將時項王固嘗與增陰謀矣又何力爭之有又何相疑之有增祇知有項王耳卽如鴻門之役增曰奪項王天下者必沛公也此時義帝尙在而謂爲項王天下此其心寧知有義帝邪蓋增固非以義帝爲吾所勸立而尊親之必欲強項王以北面之事而項王亦不以增勸立義帝視增與義帝爲一吾去義帝因疑增乃曰

增與之同禍福殺其所立疑增始此當不其然又曰非羽弑帝則帝殺羽項王以蓋世之雄而云義帝殺之非惟不能且不敢也蘇氏爲想當然之言吾故著論以辨之

漢高帝論上

三代而上其得天下也以德三代而下其取天下也以力蓋求德於三代以下既不可必得而有力者亦足制人而不受制於人其有天下也亦徃徃然矣若夫德力一無可恃而卒有天下則漢高帝一人而已蓋高帝非能有天下也乃拾人之棄餘者也何者高帝多大言少成事自爲亭長時庭中吏無所不狎侮而又好酒及色聞詩書而罵遇儒而溺其冠然則以高帝之爲人卽奄有海內守已成之業亦未或不亡乃逐鹿方始而欲以是而取天下豈不難哉當是時楚強漢弱項王以蓋世英雄所當者破所擊者服而高帝以不智不勇之身遇事輒束手動曰爲之奈何其不敵也明甚所以百戰百敗室家喪亡卽如彭城靈壁之戰爲項王所破虜其父母妻子又被圍於滎陽城臯間僅脫萬死於一生如是而謂其能制楚死命操可以取天下之具握可以得天下之勢吾不信也縱其後楚卒以亡漢遂以興然垓下之圍亦未若高帝彭城滎陽敗衄之甚者也其時項王麾下壯士僅八百餘人尙能直夜潰圍南出馳走平明漢軍乃覺以視彭城滎陽高帝之披靡逃竄又何如者及至東城止二十八騎猶三戰三勝斬漢一將一都尉

殺數十百人漢軍人馬辟易數里此時項王雖時窮勢促亦可以無死乃其賦性壯勇不肯摧剛爲柔遂拔劍自刎竟以垂成之天下拱手而付之於漢矣假令項王東渡烏江江東地方千里衆數十萬詎不能整旅以圖再舉轉敗爲勝轉危爲安哉彼漢尙且蹶而復起者數矣況以援山益世之神威何至遽亡嗚呼楚不亡漢不興項王旣歿天下乃歸漢故曰高帝非能有天下也乃拾人之棄餘者也

子程子每讀史到一半便掩卷思量其間多有幸而成不幸而敗者今人只見成者便以爲是敗者便以爲非不知成者煞有不是敗者煞有是的程子此言不以成敗論得失也此論深得程子讀史法 郊邑全車同

慎獨軒文集卷五

大

漢高帝論下

項王殺義帝於江南新城三老董公遮說漢王於是漢王祖而大哭遂爲義帝發喪後之論者推而美之謂仁義之言一出使天下知帝王統緒如日月之不可掩嗚乎高帝之大哭發喪適足彰其醜態耳豈出於忠義之誠然哉君父之仇天不共戴爲臣子者果以君父爲心則痛心疾首應時而發亦何待三老董公之陳說而始祖而大哭哉況義帝牧豎耳其去秦之二世有幾天下共起叛秦而乃奉義帝爲君使尊居九五爲天地神人之主其何以服天下如必奉以爲君則綱目卽當系之正統繼於秦亡之後而綱目不然則其不可以當帝王統緒亦明矣而乃爲之發喪耶當項梁之起也因陳勝之敗而立楚後梁死其後慶鉅鹿入關中定天下項王力也何借於義帝縱不殺之不過如木偶已耳卽何得指此以爲楚過假令義帝不死迨烏江旣亡之後高帝能歸帝於楚北面而臣事之乎吾有以知其不然矣縱謂一時君臣義不容已然君之視父奚若楚置太公姐上不聞祖而大哭且曰願分杯羹是高帝棄其父如路人矣於義帝何有而爲三軍縞素殆誰欺乎且董公之言曰出師無名事故不成是發喪非爲義帝也欲成事

慎獨軒文集卷五

尤

也成事者欲取天下也然而取天下不在此何者高帝
既爲發喪徧告諸侯吾未聞天下諸侯千里響應羣起
擊楚也亦未聞項王束身歸命也且發喪未幾而彭城
之敗隨之項王大破漢軍喪十餘萬人太公呂后皆爲
所虜而一時諸侯皆背漢與楚既曰仁義矣何至此是
可知發喪之舉固不足以鼓天下之氣而使之生其怒
又不足以服項王之心而使之落其膽安得借此以取
天下也且高帝既袒而大哭發喪討亂乃乘項王擊齊
入彭城收其寶貨美女日置酒高會夫當臥薪嘗膽之
時而所爲一至於此不與祖而大哭大相刺謬乎故曰

慎獨軒文集卷五

三

高帝之大哭發喪適足以彰其醜態耳非出於忠義之
誠然也或曰高帝欲取天下特借義帝之喪以假出師
之名其心之誠僞事之濟不濟可勿論此其說固然而
吾獨恠後之人妄爲推美加高帝以仁義之名而因奉
義帝以帝王之統是以不能已於言也

蕭何論

漢蕭何治未央宮上見其壯麗過度甚怒何曰天下未
定固可因以就宮室天子以四海爲家非壯麗無以重
威且無令後世有加也上說劉子曰史稱蕭相國何始
爲刀筆吏錄錄未有奇節及漢興依日月之末光位冠
羣臣是何固漢功臣之首也當國家創造之初宜崇儉
節用以垂法後世而宮室之制顧窮極壯麗哉按西京
雜記未央宮周廻二十二里九十五步五尺街道周廻
七十里臺殿四十三宮池十三山六門闔九十五噓侈
靡亦甚矣當秦之亂楚漢相拒五年民皆用腦塗地天
下甫定瘡痍未起而遂大興土木勞民動衆何獨不慮
及此乎高帝怒其過度此猶高帝與民休息之意而何
又文其詞曰天下未定固可因以就宮室夫民幾經勞
苦其力幾何而乃乘其未定以就宮室乎且天下未定
則人心未集財賦艱難安在其可以就宮室也又曰天
子以四海爲家非壯麗無以重威王者以仁義道德撫
綏天下而顧惟威是尙乎卽曰重威亦不以宮室重也
唐虞茅茨土墼而天下治夏后卑宮室而垂統者數百
年豈以宮室壯麗之故哉秦之阿房伏壓三百餘里可
謂壯麗矣會未幾時而兵戈蜂起遂以滅亡此何所目

慎獨軒文集卷五

三

視也壯麗可恃乎不可恃乎又曰無令後世有加夫人
王示後世以儉猶恐其流於奢况導之以奢乎使後世
而有聖子神孫恭儉節用自不求加於此或驕奢侈大
之主必且曰此祖宗之貽謀也因之加甚焉壯麗寧有
窮極邪其後孝武帝栢梁建章之作以宮室罷傲海內
致令上卜之精曰藻廉者見人形爲一老翁長八九寸
走於梁棟間以訴其苦其視未央果無以加乎雖然何
之言非其本心也特遁辭耳元城安世劉氏乃謂何欲
帝都關中故大建宮室又不欲帝窺其祕見帝在何術
中帝前因妻敬言已西都長安至是越三年矣何又爲
也

留侯論
漢留侯張良佐高帝定天下論者謂漢家勲以良爲最
又謂其有儒者氣象予謂張良烏得謂之儒者哉斯卽
依日月之光微倖成功亦罕罕不足道矣方其遇老人
於圯上授以太公兵法其事之有無未可深信大抵良
欲借此爲進身之階故假鬼怪不經之說以駭人耳目
昔陳涉之起也嘗託鬼神以威衆或丹書魚腹或鵠祠
狐鳴良之託言黃石亦此意耳不然良果命世之英遇
五百之期亦何借於圯上老人且王者師不須兵法又
何必珍惜矜重而後相授受也其後良聚少年百餘人
道遇沛公遂屬焉是其出處固已異於三聘三顧矣儒
者氣象斷不若是然既已委贄於漢時時從沛公乃高
帝聞詩書而罵遇儒者而溺其冠而又好酒及色卒無
一言以匡救其失以致敗於彭城困於滎陽成臯瀕於
死者屢矣吾不知其於漢家何勲其所受兵法何用也
且借箸八籌支離漫衍且限高帝以必不能爲王者之
事是何異謂吾君爲不能者王者師固如是乎方是時
項王急圍高帝滎陽酈生進策復立六國後以撓楚蓋
謂秦滅六國漢復立六國後其君臣百姓必且戴漢之
德鄉風慕義願爲臣妾此有見之言也良故深阻之謂

天下遊士各歸事其主陛下誰與取天下良之此言力
自背其本心矣良本爲韓歸高帝卽微酈生之策亦當
請立韓後况高帝旣已刻印反勸之銷印乎所以爲漢
則得矣不知何以報韓也而乃謂其始終爲韓也哉且
旣不能始終爲韓卽當始終爲漢高帝西都關中一切
創制立法概未修舉良從入關卽當竭其智力以酬報
仇之恩可也以答國士之遇亦可也乃又杜門不出偽
云學辟穀道引之術欲從赤松子遊此何說也論者強
爲之解或曰良不爲高祖臣非沛公用張良張良用沛
公耳或曰良始終爲韓事漢非其本心故定三秦討項

慎獨軒文集卷五

五

氏之策無一言及之然旣無心事漢不盡一策而顧自
擇留侯之封又何說也良之一生旣曰爲韓而乃阻立
韓後及漢立故韓王信良又不歸事其主身列漢廷封
萬戶位列侯而又不欲事漢是不忠於漢亦不忠於韓
進退無一可者也雖然漢初諸功臣多被誅滅良托名
而逃卒以自全其亦可謂知幾者歟

昔人謂良早年頗類荆軻晚年頗類魯仲連斷非儒
也文論其事韓事漢兩無足取雖人有百口口有百
舌不能爲之辯

睢州鄭介夫

肥上老人太史公以爲鬼物人皆信之而子瞻蘇氏

以爲隱君子足破世人誕妄之見此文又以爲假托
鬼神與陳勝同則並其人其事而無之文人之筆其
挾摘古人處愈出愈奇千秋疑案頓釋

弟 芳草

慎獨軒文集卷五

五

淮陰侯論

淮陰侯於漢有定天下功後乃以叛逆被殺且夷三族嗟乎淮陰以命世之英其心如青天白日而謂之叛逆何哉方其登壇拜將首建大策其於天下形勢興亡成敗之數歷歷如指諸掌此殆所謂五百年名世應運而興者故其胸中成算條理井然非特長於將略而已也及其定河東破趙代引兵擊齊敗楚龍且軍二十萬功高矣漢王於此裂土而王齊既偽詐多變南邊楚卽以鎮之不亦善乎亦何待其自請爲假王而且怒而罵之哉迨既立爲齊王矣若有逆謀異志此天假淮陰以便也當是時楚漢相守於京索登雒間楚不能西漢不能東鵲蚌方相持中原百姓罷極怨望容容無所依倚四方豪傑觀望不前天下人心尙無定屬淮陰生負雄略爲兩主所畏而又擁甲兵之衆南面稱孤吳越燕趙之人誰不歸心於是傳檄諸侯各王其土昭示封建大義漢王固無能爲卽項王亦且遜而讓之至於其餘諸侯又誰不戴齊之德畏齊之威而共歸帝於齊哉乃淮陰忿漢王解推之誼拒武涉蒯生之策且曰人深親信我我背之不祥雖死不易又曰食人之食者死人之事吾豈可鄉利而背義乎噫亦可見其心如青天白日披心

慎獨軒文集卷五

毛

慎獨軒文集卷五

毛

腹輸肝膽不忍背漢一片血誠矣卒之將兵會垓下滅楚此時微淮陰項王不亡蓋漢業之成始終皆淮陰功也而漢王畏惡其能於其下魏破代輒使人收其精兵已而軍修武則馳入臥內奪其印符至項王已破又襲奪其軍此其傷功臣之心亦已甚矣抑且無故而徙封楚王爲遊雲夢械繫至洛陽以爲淮陰侯乃飾曰人有上書告楚王信反其人無名其書無詞此莫須有也其實淮陰不反高帝亦自知之漢廷臣皆知之使淮陰果反雲夢之遊是趣之戰耳豈有已反之人而肯郊迎謁束手受縛哉亦豈有已反之人而君相畫計猶望其郊迎謁掩而襲之哉况高帝至楚淮陰自度無罪故持昧首上謁豈有已反之人而反身自度爲無罪者由此觀之淮陰之不反斷斷然矣總之高帝素梟雄少恩而又畏惡其能欲除滅之而陳平迎上意遂進此權譎詭詐之計嗚乎人主不以至誠御下以至於此君臣之義漸滅極矣以故淮陰居常鞅鞅耻與噲等爲伍而又羞與絳灌等列彼噲與絳灌皆奴才耳攀龍鱗附鳳翼以成名而淮陰以蓋世英雄束身帶罪以列侯奉朝請怨望則有之叛逆則未也不然方握重兵屢經挫折猶恪守臣節至威權已去無尺寸勢而乃於此時反雖至愚者

不爲也縱謂與代相狎挈于相約此亦未爲確據謀反之舉斷未有於漢信幸臣偶相過從而遽爲言之且疑之反因周昌之言不關淮陰此必漢廷諸臣迎合上意詐爲此論以加之罪耳然既殞其命又何爲憐及三族使苗裔無存彼有定天下功而報功酬德者顧當如是乎哉漢之慘忍負淮陰矣故曰淮陰之心如青天白日而綱目大書后殺淮陰而不去其爵正所以深明淮陰無罪被誣而特著呂氏之慘賊克毒也夫

劉青霞曰廣南有韋土官淮陰嫡裔也當鍾室難作淮陰客某匿其三歲兒知蕭相國與侯善往見之微示侯

慎獨軒文集卷五 天

無後意相國仰天嘆曰嗟乎冤哉朕淫淫下客見其誠以情告相國驚曰若然中國不可居矣急作書遣客匿兒於南越王佗佗養爲己子而封之海濱賜姓韋用韓之半也今其族繁盛世聚於海濱間有鄭侯所遺書尉佗所賜詔勒之鼎器此載周元亮所纂書中予既作論附記於此用以誌快嗟乎淮陰之冤千古同恨乃生被族夷而後裔至今蕃衍孰謂無天道哉南越王與客存藐孤於既滅皆古之賢人也卽程嬰公孫杵臼何以加哉

慎獨軒文集卷五終

慎獨軒文集卷六

襄城 劉青霞 嗜林著

從弟 肖芝 芳草編

彭越論

男 伯陽校
伯榮

漢初功臣淮陰外以梁王彭越爲最故昔人有言曰張漢家之勢者信之功多於越破魏取代仆趙脇燕擊齊滅楚是也困項氏之勢者越之功多於信焚楚積而項氏敗擾梁地而項氏急是也由此觀之梁王可謂大有功於漢矣乃天下已定而三族是誅不亦甚哉方高之擊陳豨也徵兵於梁梁王病使將其兵詣邯鄲而高帝怒使人讓之讓之可也然觀其聞言心恐欲自往謝其將扈轍說以發兵反拒不聽則其不反亦明矣而梁太僕以私仇誣告漢遂使使掩梁王梁王不覺捕而囚之洛陽有司治反形已具請論如法梁王實不反而曰反形已具則有司之治承風旨以誣之也既誣以反廢勿王赦爲庶人傳處蜀青衣夫梁王席卷千里南面稱孤一旦罷廢挫其鋒銳折其羽翼亦已足矣亦何必誅而滅之或曰梁王於此不無失計始之徵兵病不能往當見讓時既無反心執扈轍以詣行在庶可以告無罪而呂后之惡不亦無可愆乎曰不然梁王縱以自白而

慎獨軒文集卷六 一

梁王之死終亦不免當有司請論如法高帝固已赦之矣而卒見誅滅則呂后之爲也越道逢呂后泣訴無罪第願處故昌邑詎不望呂后見而憐之諒其無辜存其餘生乎爲呂后者念其開國功從中曲全復其爵邑可也不然高帝既已赦之置而舍之聽其之蜀可也乃詐爲許諾給至洛陽令其舍人告以復謀反請帝誅之誅之不已而族之而三族之而醢其肉徧賜諸侯而梟首洛陽詔有收視者輒捕之嗚乎慘哉夫以罪廢之人流離播遷何能復反復反之告呂后令之也故曰呂后殺之也呂后以一婦人而具豺狼擣杓之性肆其克暴殘

慎獨軒文集卷六

二

忍之毒致使漢庭功臣如韓彭輩無復遺亂其後呂氏無少長皆斬兇悍嗜殺之報也韓彭英魂應當稱快於地下矣唐太宗長孫后性仁孝節儉好讀書常與上從容商略古事因而獻替裨益弘多上或譴怒宮人后亦陽怒請自推鞠俟上怒息徐爲申理由是宮壺之中刑無枉濫嗚乎豈非聖后邪其視呂氏爲何如也

王陵論

漢初諸臣所稱剛方毅直守正不阿未有如安國侯王陵者也史稱陵沛人始爲縣豪少文任氣好直言高祖徵時兄事陵夫以高帝之慢而侮人而獨兄事之則陵固已不凡矣及高帝起沛陵亦自聚黨數千人不肯從沛公其後陵遵母命乃從高帝定天下陵本無意從高帝以故晚封爲安國侯高帝創業之主陵與有舊宜其首先歸附而乃無意從之者蓋高帝輕佻嫚罵頑鈍嗜利無耻者多歸之而廉節者不附陵剛方毅直人也其不肯從漢固其宜也然既從之則必不肯背負故其爲

慎獨軒文集卷六

三

右丞相也呂后欲王諸呂陵獨持白馬之議呂后不從陵怒謝病歸杜門竟不朝請七年而卒其守正不阿豈不可與日月爭光秋霜比烈哉而平勃竟阿呂后王諸呂釀此大患幾亡漢室陵質責之曰始與高帝燒血盟諸君不在邪今王呂氏縱阿意背約何面目見高帝地下平勃不能應乃謬謂定劉氏後姑勿論其後呂氏爲變幸有朱虛斬呂產呂更始而天下定平勃固無功也縱有功禍自我收實自我發也會足以掩其誤國之罪哉譬之醫之爲道貴乎知患預防於人方病之始不教之以調攝保養而先以鴆毒攻之使潰其臟腑損其肢

體然後待他人以藥救之以圖微幸於萬一幸而不死
輒詡詡自以爲功可乎平勃何以異是若王陵面折廷
爭正所謂知患預防而教以調攝保養者也當是時陵
既仗義執言於前假令平勃繼之於後亦以高帝舊約
相爭則呂后之心可以挽回而諸呂之王可以中止固
非必有刀鋸鼎鑊之加也何者呂后雖惡猶懼人心弗
平朱虛言耕田歌而呂后默然追斬諸呂亡酒者而呂
后驚懼初何嘗遽肆其惡乎且諸呂之王呂后畏大臣
弗敢發還回顧慮者屢矣先追王酈侯父以王諸呂爲
漸欲侯諸呂先封高祖功臣欲王諸呂先王孝惠後宮

慎獨軒文集卷六

四

子此其首鼠猶豫亦知呂氏不可王而不敢訟言封之
也乎故曰陵既言之於前平勃繼之於後則呂后之心
可以挽回而諸呂之王可以中止也乃平始則請立呂
台呂產呂祿將兵居南北軍諸呂皆入宮用事呂氏權
由此起至是又請王諸呂致使欲危劉氏而自立嗚乎
春秋不貳貳重以弑君而況舉國家大柄拱手而奉之
賊邪由此觀之平勃之罪可勝誅哉而子由蘇氏乃推
美陳平詆議安國謂陵迎禍亂之鋒欲以一言折之幸
而不死亦廢不用陳平待其年衰惡稔而徐正之故身
與國俱全且引老氏言謂將欲弱之必固強之將欲廢

之必固興之據此而論夫子攝相甫七日而即誅少正
卯未嘗待其年衰惡稔是除惡爲過急邪迎禍亂之鋒
身死不用是保身無智而龍比不爲忠邪且待其年衰
惡稔必將靜以聽之而成敗可坐觀邪蓋平之請拜爲
將請立爲王不過阿意背約搖尾獻媚耳豈故欲強以
弱之興以廢之邪且既已強之興之社稷危亡在旦夕
間可易言弱之廢之邪况爾時附陵一言固可消患於
未形又何必待其既強而後弱既興而後廢邪嗚乎美
平抑陵是非倒置甚矣率天下之人臣而羣趨誤國者
必蘇氏之言夫

慎獨軒文集卷六

五

樊噲論

樊噲於漢諸功臣中最錚錚者也噲初從高帝起豐其攻城掠地摧鋒陷陣此特戰功耳不足重噲也卽鴻門奔營亦因時急勢迫欲與之同命耳幸而俱生否則俱死非能制楚而保漢也蓋噲之可賢者以武夫而能深謀遠慮忠君憂國且適介於興亡成敗之際則漢業之興實式賴之矣方高帝之入咸陽也見秦宮室幃帳狗馬重寶婦女欲留居之而諸將又皆爭取金帛財物君臣貪縱若此其敗亡可立待也噲於此時勸沛公急還霸上曰此奢靡之物秦所以亡是以秦爲殷鑒也此其

慎獨軒文集卷六

六

上獨枕一宦者臥噲激切流涕數語感悟此其忠君憂國又何如也其後噲將兵擊燕人有惡噲黨呂氏滅戚姬如意者高帝怒命平勃卽軍中斬之蓋帝寵戚姬常欲易太子立其子如意至於擁戚姬楚歌楚舞而又以呂氏嫉妬克悍憂戚姬如意萬歲後不全獨心不樂悲歌曰吾私憂之不知所出此時而聞惡者之言安得不怒而斬之而老泉蘇氏乃謂帝不似一女子斬天下功臣特欲削呂氏之黨而損其權史稱帝好酒及色而又梟雄少恩太公祖上可以分羹韓彭功高至於烹醢於此時乃能割戚姬之愛而惜樊噲之功邪則帝之斬噲非爲削呂氏之黨而損其權亦明矣夫以噲之賢其深謀遠慮忠君憂國可謂大臣矣而必以此誣之無乃刻且偏矣乎且噲豈不知天命之不可倖得取天下於百戰之艱危哉當秦之末豪傑並起莫不身爲薑粉卒踐天子位者劉氏也噲蓋嘗目覩之而乃叛附逆賊以圖大位雖至病狂亦不爲矣噲也斷不若是又曰產祿庸才獨噲豪傑諸將不能制後世之患無大於此姑勿論噲必不黨呂氏以反也又勿論產祿奴才非帝王之器也噲果欲反其後呂氏之爲亂也內有朱虛東牟之親素爲諸呂所畏憚外齊王襄舉兵入諸不當爲王灌嬰

慎獨軒文集卷六

七

兵於齊趙和共誅呂氏太尉以一節入北軍一呼士皆
左祖爲劉氏卒滅諸呂噲縱豪傑諸將不能制於此遂
能輔呂以滅劉邪產祿奴輩遂可以朝諸侯有天下邪
卽不然產祿不可輔噲旣豪傑遂自取之卽天子位邪
又曰使噲尙在呂祿不可給太尉不得入北軍呂后且
崩時祿產祿據兵衛宮勿爲人所制其後卒皆棄軍噲
縱不死其言寧重於呂后邪產祿能堅守南北軍不以
將印屬典客邪太尉不得入北軍遂以終已拱手而聽
其所爲邪又曰椎埋屠狗之人見其親戚爲帝王欣然
從之噲起屠狗位列侯於分已極於願已足縱與產祿

慎獨軒文集卷六

八

叛未必成功縱倖而成功亦不過封侯已耳帝王爲呂
氏寧異於劉氏坐享已然之侯封豕更微幸於未然之
侯封哉而況於噲之賢又斷斷不出乎此邪噲不幸死
於惠帝六年假令噲而不死本其深謀遠慮忠君憂國
其定呂氏之亂必與朱虛同功而漢之爲漢且倚之以
無恐也乃不此之思而強加之罪嗚乎古人往矣亦曾
度其時勢按其生平考其居心行事而爲之權衡也邪

鼂錯論

古大臣身任國家之重處一骨肉之間其調停設施惟
明與公明則能審時而度勢公則能當理而無私於以
處天下事無難矣不然徒一其奸險慘刻之性致發大
難而更欲嫁禍於人以遂一私相仇怨之心適足以殺
其軀而已矣漢鼂錯孝景中時擅權用事侵削諸侯曰
不如此天子不尊宗廟不父迹其意蓋欲尊君抑臣強
幹弱枝可謂忠於漢矣而卒以身受禍竟被顯戮何哉
劉子曰錯死不足惜也東市之斬錯有餘罪焉當孝文
時錯之爲太子家令也上嘗言削諸侯事書數十上孝

慎獨軒文集卷六

九

文不聽夫以孝文之明固嘗奇其才而卒不用其策則
諸侯之未可遽削也亦明甚矣及孝景立錯爲御史大
夫請諸侯之罪過削其地諸侯皆諂譁疾鼂錯錯之死
蓋已伏於此日矣昔高帝初定天下昆弟少諸子弱故
大封同姓而一旦削之而盡削之而搜求無已加之罪
過以誅之則諸侯勢難以相安且此時何時也孝景嗣
位之初恩義未洽德威未徧則時有所不可也諸侯南
面稱孤坐擁富厚自開國迄今五十餘年矣忽然加以
誅鋤欲俯首而聽其削奪則勢有所不可也錯概置勿
論明於謀國者然乎哉錯誠有忠君愛國之心謀弱諸

侯以安宗社則宜徐圖之使天子無薄待骨肉之嫌諸侯有畏威懷德之心然後相時而裁因事而抑不數年諸侯以弱自無尾大難掉之患此所謂消患於未形圖治於未然而措國家於磐石之安也不亦善乎即不然或時至事起公爾忘私以急國難甚至以身殉國而其心亦自可諒於天下後世也乃錯則積怨諸侯追究往事爬垢索瘢不留餘地楚王趙王膠西王皆因前年過失使吏劾繫訊治罰削東河間諸郡因削吳之豫章郡會稽郡羅織之密殆無虛地日削奪之加且無虛人爾時諸侯王誰爲無過可摘者寧得安枕乎夫子曰人而

慎獨軒文集卷六

十

不仁疾之已甚亂也大亂之端勢不旋踵矣以故吳王濞合從諸王發兵反其遺詔曰侯書曰漢有賊臣侵奪諸侯地以修辱之爲故不以諸侯人君禮遇劉氏骨肉誅亂天下欲危社稷故起兵誅之當是時處勢不兩立之勢與其坐而待斃毋寧起兵以圖微幸於萬一此七國之兵所以一時並起而錯之斬所以不能免也錯之爲人史稱其隋直刻深則其奸險慘刻所固然矣而又爲申商刑名之學幸而擅權用事逞其窮奇構柁之惡以致海內騷動兵戈猝起於斯一不斬錯其何以謝天下或曰錯之斬由袁盎之言余謂即無袁盎亦必斬其父嘗

曰吾不忍見禍及吾身先飲藥死死十餘日吳楚七國果起兵誅錯是錯之應死其父亦早決之矣嗚乎錯發大難以誤國則不忠陷父於死則不孝錯於此時既不思釋人主東顧之憂又不痛父避禍之死反急急於報復私怨欲假此以殺袁盎故太史公論之有曰諸侯發難不急匡救欲報私仇反以亡軀而乃歸過於袁盎可乎雖袁盎先發制人亦不免挾私然其言切中事機斬錯宜矣獨恨其不早耳當七國發謀之始彼既以誅錯爲名即斬錯以謝諸侯彼將何所借口哉縱吳王有反相削亦反不削亦反然不迫之過急如文帝几杖之賜

慎獨軒文集卷六

十一

其反謀可以解或於斯時即斬錯而返其削地亦未必不可挽回而六國亦不至合從西鄉也何者始吳使中大夫應高誅膠西王王駭然不從及高再以討錯爲言而膠西稱善即此固知誅錯可以罷兵而特斬錯時吳楚已攻梁壁勢難中止此所以謂袁盎之言誠善獨恨斬錯之不早也不特此也錯凡事更張所更令多至三十章舉朝集議故諸大功臣多不好錯丞相申屠嘉賢嬰之賢皆與有郤亦可知非獨袁盎與爲作難史公斷以變古亂常不死則亡是錯之應斬又不特創奪諸侯已也故曰東市之斬錯有餘罪也子瞻蘇氏據漢書謂

錯欲使天子自將而已居守其死也以此予謂不然以
帝之斬錯原非憚於自將也亦非憤錯發難而反居守
也但以七國反勢張甚恐宗廟故誅錯以圖息兵豈
得謂天子難之而又重違其議邪至謂錯自將擊吳楚
未必無功是又不然錯果長於將略耶以七國之雄恐
適以滋其敗耳蘇氏之論雖突然不中其罪故因論錯
並及之

準情酌理搜剔無遺卽有愛錯者亦不能代辯世間
際刻一輩人讀此應驚江浹背太原武劭孟

慎獨軒文集卷六 士

張釋之論

媚嫉之人爲仁人所爲深惡者以其非特一人之私而
妨賢病國其貽患將無窮也故宣公陸贄有曰進賢援
能諒君子之事遇惡揚善非小人所能是以大道每隳
於橫議良才每困於中傷善哉宣公之言也若漢張釋
之阻拜喬夫之官非所謂良才困於中傷者歟方文帝
登虎圈問諸禽獸薄於上林尉也豈不以上林尉實司
其事哉乃尉則身其事不稱其職至十餘問尉左右視
盡不能對夫不能對而至於左右視則其尸位曠職亦
可見矣於時虎圈喬夫從旁代尉對甚悉文帝曰吏不

慎獨軒文集卷六 士

當如是邪尉無賴乃詔釋之拜喬夫爲上林令文帝此
舉援擢以旌異能黜罷以糾失職蓋鼓勵微權也而釋
之竟從中阻抑之且其言曰周勃張相如稱爲長者兩
人言事不能出口豈毀此喬夫喋喋利口捷給哉周勃
身爲右丞相問刑獄謝不知問錢穀謝不知惶恐汗出
沾背其爲竊位何如而釋之以爲賢乎周勃自知其罪
謝病免相初不聞有以言不出口美之者上林尉之不
能對非訥於言也蓋其平日未嘗盡職故茫然耳豈居
其位任其事熟悉於胸中而緘默持重不欲自見者乎
卽然帝既殷殷下問此時不言將奚待之古所謂利口

者諂佞辯給顛倒是非者也以嗇夫之敷奏詳明而謂之喋喋利口哉況言及之而言又非以言語爲干進之階也且釋之更舉秦之敝謂秦任刀筆吏徒文具耳以故不聞其過今超遷嗇夫恐天下隨風靡靡不知有如嗇夫之數奏夫亦何過之不聞又曰下之化上疾於影響舉錯不可不慎倘一時臣工見嗇夫之超遷皆循分稱職亦勵精圖治之良策也又何患於從風而靡邪卒之文帝惑於其言不拜嗇夫而上林尉亦安之如故嗚乎人主賞罰黜陟之公壞於一旦豈非釋之蔽賢之罪哉問考釋之生平以貲爲郎十歲不得調欲自免歸

慎獨軒文集卷六

齒

袁盎薦之得補謁者釋之寧忘之邪釋之朝畢因前言便事文帝乃拜釋之爲謁者僕射又爲上參乘言秦之敝上拜釋之爲公車令是釋之兩遷皆以口舌得之獨不畏天下之隨風而靡邪世苟無論古之議其不爲釋之利口所欺者幾希

張鎮周論

唐張鎮周以舒人奉命爲舒州都督到州就故宅市酒館召親戚與之酣飲散髮箕踞如布衣時凡十日旣而分贈金帛泣與之別曰今日張鎮周猶得與故人歡飲明日之後則舒州都督治百姓耳官民禮隔不復得爲交遊自是親戚故人犯法一無所縱境內肅然劉子曰善哉鎮周之於鄉黨於官常兩得其道也不有十日歡飲則無故舊之情不有執法不縱則無朝廷之法無故舊之情非所以待父母之邦也無朝廷之法非所以盡臣子之職也鎮周始則散髮箕踞如布衣特欵曲浹洽略無尊大之意若不知其爲舒州都督也後則故人犯法一無所縱方嚴正直略無曲徇之私若不知其爲舒州人也嗚乎舒情明法鎮周於處鄉蒞官之道兩得之矣後世命官恐其以鄉曲故法令不行例不用本省人除武弁學博外輒引嫌迴避使爲官盡如鎮周亦何必引嫌迴避哉而明人丁南湖奉乃痛加謗毀曰鎮周欲治故人犯法而召與酣飲散髮箕踞凡十日是非真情待舊特侈其富貴歸故鄉之志耳大既奉命爲舒都督則法公也情私也自當以公滅私而置鄉情於不論尙可以待舊之禮貴之乎如必繩以待舊之禮則枉法徇

慎獨軒文集卷六

五

情何以奉君命治百姓邪况鎮局待舊之情亦未爲不
真也不然方且陵轢一切而顧與親戚酣宴乎方且矜
高自恣而顧散髮箕踞如布衣時乎方且洋洋意得而
顧分贈金帛泣與之別乎如此而謂侈其富貴還鄉之
志平允之論當不若是又曰故舊無大故則不棄犯法
者罪無輕重一無所縱乎南湖亦安知犯法者之無大
故乎又安知無所縱者之皆小故乎罪有大小法有重
輕無所縱者罪大而加以重法則不縱罪小而加以輕
法則不縱豈必無論重輕概加以重法始爲無縱乎觀
其境內肅然則令行禁止自可刑措不用也又烏得以

慎獨軒文集卷六 六

一無所縱而責之又曰始則過和以要譽於鄉黨終則
過刻以要譽於朝廷史稱其不私故人吾謂其只私一
己南湖既責以富貴還鄉之侈而又謂之過和侈則不
和和則不侈其言不自相矛盾乎至曰要譽於鄉黨彼
其法在必行則非十口酣宴之可要其譽也况南湖既
責以非真情待舊特侈其富貴還鄉之志如此方且歛
怨不已而又何譽之可要邪而要譽朝廷之云則凡代
天子分理若皋陶之典刑柳下之士師秉公直道以行
朝廷之法者皆爲要譽朝廷乎且柳下仕魯亦父母之
邦也亦可謂之非真情待舊慘刻故鄉乎史稱其不私

故人是已而反謂其只私一己吾不知南湖有何怨恨
而痛加謗毀以至於此大抵惡其異已故不惜顛倒是
非豈大公至正之論哉按南湖常熟人假令奉命爲常
熟令則以責人者責已必不要譽於鄉黨無十日酣宴
之事而故舊之情失亦必不要譽於朝廷無犯法無縱
之事而朝廷之法壞可乎不可乎嗚乎論古無識而敢
於評史多見其不知量也

慎獨軒文集卷六 七

狄仁傑論

是非較若黑白而褒譏因之亦異此古今之常道也若世之論狄仁傑者吾不能無憾焉唐興六十餘年而遭武氏之亂當斯時也牝雞司晨天地反復此忠臣義士所飲泣切齒不欲並生者也而仁傑以幃幄親臣乃委身而推戴之乎當仁傑之初爲冬官侍郎也在周之垂拱三年祖宗艱難締造蓋欲傳之萬世一旦易唐而周易李而武仁傑若不與聞也者獨不思此冬官侍郎爲誰氏之官也而安然受之其後又爲河南安撫大使兩同平章事至周久視元年而仁傑死其間相距十有五

慎獨軒文集卷六

六

復帝室推原所自東之爲仁傑所薦舉卽此亦不當以反周爲唐歸之仁傑豈有不共戴天之仇而我以身事之俟身死之後乃倩他人而使之圖報者哉由此觀之反周之功仁傑不與焉况東之此舉但殺二張而置武氏弗圖三思承嗣諸人封建如故未幾東之等各貶遠州司馬爲三思所殺武氏燎原之勢復熾是反周之功卽東之且不勝其任安在歸之仁傑也邪或曰當日之仕周者衆矣何獨一仁傑然要成其爲周之臣未嘗假存唐之名也吾故無責焉耳仁傑有盧氏堂姨家貧仁傑爲相憐之欲官其子姨堅不受詰之姨曰吾子不欲令事女主仁傑慚而退觀此則仁傑之委蛇僞朝者其有媿於婦人女子多矣至若素爲婁公所包容而擯忌擠斥不遺餘力此猶其小者不論第論名義所關使後之爲人臣者無效仁傑也

慎獨軒文集卷六

九

明讓帝論

建文元年己卯燕王棣殺掌北平布政事刑部侍郎昺都指揮貴發兵反事聞於是惠宗讓皇帝遣長興侯炳文將三十六萬衆往征燕誠諭諸將曰與王對壘勿使朕負殺叔父名二年庚辰復申諭諸將如前旨劉子曰噫甚哉帝之仁柔也篤親親之誼以厚骨肉善矣然而帝王之孝在於保社稷豈顧區區之私親哉燕既稱兵而反固已置君臣之義叔姪之誼於不論則興師問罪不爲無名乃帝則不欲負殺叔父之名誠諭將士至一再再春秋之義絕不爲親彼而安守臣節也則叔父之彼而叛逆也則誅戮之夫豈過哉蓋不爲帝也臣則不爲高皇也子不爲高皇也子則不爲帝也叔斯卽獻俘闕下大奮乾綱以正典刑誰曰不宜而何帝之汲汲焉叔父之邪如必叔父之則命將出師以三十六萬衆弟欲與燕相遇拱揖而退邪抑欲其釋甲受縛自安於臣罪當誅邪卽不然欲盡斬其衆若士獨留燕王曰此帝叔父也不可殺送還北平邪言周公誅管蔡以安周不惜破斧缺斨帝誅叛討亂儼然以天子專征伐又何必顧忌也况兩陳相臨兵刃既接亦復何容姑息而必以叔姪之分行乎其間則我將果手受縛而被固操乎必

慎獨軒文集卷六

三

勝之勢也烏乎可也自兵興已來王師或以叛降或以

敗北者無論矣卽如東昌之戰大司馬鉉歷城侯庸痛哭誓師激以大義於是人人思奮三戰而三敗之斬其大將張玉北平震動王亦幾不免然恃帝禁錮以單騎殿後諸將不敢飛矢相加後營於夾河斬其驍將譚淵董真保王以十餘騎逼庸陣引馬鳴角穿營而去諸將相顧遲疑遵帝旨莫敢誰何嗟乎軍法若此雖將益銳戰益力斬擒益多然以王之勇悍一日不死詎不能擊旅以圖再舉是我無以制其死命而彼得以肆其克逆如是而欲安社稷於磐石也難矣豈天心在燕不如是或有挫其鋒者故以此牽而制之令其如入無人之境長驅南犯直逼金川乎噫帝之仁柔甚矣此乾綱所以爲君德也雖然帝卽有禁將在軍君命有所不受失機而縱敵其亦當時諸將不善奉行之過歟

末路歸過諸將此至論也易曰王用出征有嘉折手獲匪其醜使當時諸將不奉明詔雖殺其身實裨國家乃竟不爾文以此歸罪允宜

郭縣王爾

慎獨軒文集卷六

三

慎獨軒文集卷六終

慎獨軒文集卷七

襄城 劉青霞 嘯林著

從弟 青芝 芳草編

男 伯朋 伯陽校

義林雙忠墓表

邑西郭有壇埠樹木者曰義林監紀孫公材官李公招魂墓處也明崇禎壬午流賊李自成犯河南督師汪公喬年奉命討賊死難於襄其監紀孫公兆祿材官李公可從同遇害兩公遺骸莫知其處康熙初始招魂而葬題曰雙忠表於道曰義林云方汪公討賊之命下也欽大振軍威滅此朝食乃募將略可用者請以隨征時孫

慎獨軒文集卷七 一

公兆祿任西安府同知有文武才汪公與語兵事大悅之於是授軍門監紀且令舉所知孫公乃以盤屋李公可從薦署材官李公有知略素以勇力著及應募將行扶一齒留其家曰我此行不殲賊不生還此所以識也及抵襄分汛而守孫公叅募軍中設法防禦汪公倚如左右手李公每戰先登奮不顧身閱五晝夜矢盡援絕城陷汪公罵賊不屈死兩公與之俱死當是時予父漢臣以軍門贊畫佐汪公城守與難復甦強起裹創收汪公屍殮而權厝之爲文紀其事至兩公死狀則未詳也 國朝順治初修邑乘第曰孫同知李材官與軍門

慎獨軒文集卷七 二

汪公同殉難亦不載其名字康熙辛亥李徵君中令生尋父屍來襄始知兩公名字籍貫云予嘗訪之長老邑貢士孫嶸曰當城破時見孫公立城上狀貌魁梧面白皙秀爽或指曰此孫同知也賊脫其冠繫而牽之驅之去公徐步行其色不撓又老校吳姓云公之被執見逆聞也以刀脅之不肯屈有李材官者聞而急趨以身翼蔽遂同死焉然後兩公殉節始末乃可得而稽矣是時全軍覆沒橫屍遍野予王父捐貲盡瘞之長坑胥井問蓋不可辨識矣及中孚先生之來也長號五衢不得先大人孝友公宗洙以兩公與先王父同城守同與難又憐中孚之孝因捐西郭地一區爲立塋兆鏞兩公姓字庚甲於石招魂殮衣冠而墓之歲時率子姓奉其祀事世令張公東峯表於道曰義林嗣後叔父中翰公宗洙又爲種樹成林以時拜掃願以歷時既久或多傾圮今歲丙戌予言於邑令陳公公卽偕予出郊瞻拜捐俸重修封墓立碑環植樹木且禁居民勿得採樵焉安有忠魂風勵末世誠盛舉也或曰兩公之生西北各異其魂魄猶戀故鄉未必泯依於是予曰不然兩公慷慨從軍視死如飴齒髮髯髯啖烏鳶豺狼而不自惜其清英昭爽依暹場之故地附衣冠之潔莊不第視俯首全歸

爲可耻卽草裏還葬者亦不免爲兩公之所笑也孰謂
義林抔土非兩公魂魄之所棲止也哉義林之修塚墓
巍然林木蓊蔚過之者廉頑而立懦爲政敷教卽在是
矣不可沒也故並著之陳公諱治安字晴峯山陰人

華陰蘇節婦墓表

華陰蘇君澤王山史先生同里人也康熙己卯過襄持
山史先生書惠顧予予以山史故數相接見然觀其狀
尚悽然不樂若有所欲言者已而乃具述其大母陳苦
節狀並其家聚散離合之詳越二日復排積其事實爲
狀跪獻覽於予且泣且拜曰先人節行若此今下世且
將卜塋慮無以垂不朽欲以文請爲泉壤光寵山史先
生之教也惟仁人錫之以言鐫於墓石則先人雖死猶
生予心高節婦之行而又嘉君澤之孝乃刪取其狀而
敘次之節婦陳氏華陰人也年十七歸同里蘇弘典生

子二曰良璧完璧而弘典卒二子方數歲氏撫孤誓守
會崇祿間流賊起關中華陰城破完璧爲賊所掠氏獨
携良璧居每念其少子則憑其夫遺榻仰天號哭晝中
夜不絕聲聞者皆泣下初完璧之被掠也雖小議其縣
名及姓歷秦而晉而豫卒流落燕趙間爲人傭保且以
家遺張亂母兄存亡未可知遂不作歸計 國朝順治
中有張翁者氏之舅父也官直隸巡檢司過於途次異
其貌而詢之則完璧也相持而泣因爲言其母相憶狀
完璧乃知母尚在決意歸於是張翁爲治行使還其家
既歸母兄歡聚久之而其家頗不相容蓋當是時良璧

已授室家人不復知有完璧者歸里之後遂覺參商氏乃復爲完璧畢婚置田完璧亦最孝事母惟謹而其妻李尤善承姑志蠶筐紡車無間晨夕不數年而完璧遂以貴雄於其鄉其經紀指畫皆氏力也先是弘典之卒也其父啟忻尙在指良璧兄弟而嘆曰長而壯者且死此二孫方呱呱成立寧可冀邪遂棄家出亡不知所之氏徧覓不得以爲已死痛哭率家人成服至是聞啟忻在洛南無恙乃迎歸朝夕奉養以壽終嗟乎氏早失所天備歷艱辛卒能全貞保孤致蘇氏祖孫父子間離而復合絕而復存噫可不謂賢乎考諸令甲是當請於上

慎獨軒文集卷七

五

旌而表之予故敘次其事刻於其阡以俟他日樹楔表閭且備史官之採擇也氏生於明萬曆年月日卒於康熙年月日得年八十又三孫男若干人君澤氏之長孫而完璧之長子也

歲貢生方庵劉公墓誌銘

於戲此方庵劉公之墓也公與先子生同里少同學相善後同補諸生同以文行著名公長先子四歲從遊如昆弟歷四十年無間則予與公固有子弟誼也先子捐館舍予時尙幼泊少長知讀書從公遊每與公上下今古往復論辨又數以文相質輒謬爲公所推許蓋予之交於公者又十有四年矣公嘗謂予曰吾與而翁善子博學能文章吾老矣卽且暮死子其誌吾墓今歲丙子而公以疾卒卜葬且有日冢君晨乃件排公之行實以誌銘見屬遵公之遺命也其奚辭公諱珽字君指別號方庵其先北直長垣人始祖某從明太祖起兵陣亡喪其元太祖命鑄金爲首以葬所謂金頭劉氏乃是也數傳至諱强者始遷於襄是爲公之曾祖祖文道父有源生五子公行四公生而狀貌魁梧嗜讀書能強記其爲人醇謹誠篤性直諒好面折人過其中寬然長者也少從學於伯兄瓊才氣卓犖伯兄奇愛之伯兄卒適歲侵遂廢書就農已而父教以算法從人沽酒然而讀書之志未嘗忘也時有方生者通相人術於市肆中獨視偉公曰子狀貌非凡幸自愛何廢書邪於是復從塾師張斗學久之塾師避席謝非所能誨乃去益發憤工苦役

慎獨軒文集卷七

六

不設榻誦讀之聲至達旦不倦如是者數年爲文雄麗
典贈往往驚其長老邑先達傳夢翁先生索其文讀之
駭然稱善公之名遂著崇禎壬午流賊李自成破襄人
皆驚擾奔竄公讀書不輟已而賊大至公爲所虜至邾
邨會一賊長見公携書袖中異之分與食縱之歸癸未
年二十三補諸生當是時大河以南爲賊所蹂躪日無
寧晷又兵火之後繼以凶荒於是携家赴河朔因而就
食晉中雖播遷流離手未嘗釋卷也順治庚寅充嶺縣
官辛卯中副榜康熙壬戌以歲序成貢生豫備兵使者
佟公聞其名適行部至襄寓意縣令願與交公携文往

慎獨軒文集卷七

七

謁之相得歡甚歲時饋遺不絕公旣以文名於時屢舉
於鄉不第乃益肆力於學然釋氏黃老以及一切非聖
之書概不入目而於六經子史太極西銘正蒙律呂皇
極經世程朱遺書則考究精詳悉得旨要是以一生之
學至博綜矣而又確有源本非漫涉也一時學者爭師
事之出其門者多知名士又好薦寵下輩稠人廣衆中
游揚後進至不容口或爲文社第其文甲乙之因之多
所造就與人交坦平樂易不佞然諾然過義所不可則
正色譴讓質責其非雖豪右貴人無所鯁避其剛正不
阿又如此因喪禮久廢取家禮記禮採錄若干條而折

衷之名曰大事定編凡持喪者皆折衷焉其爲詩師陶
古文辭雄博有經術氣尤好持論上下千百年經月
緯政因事革無不絲分縷晰若指諸掌聽者驚悚莫敢
奪嗜酒每晨起酌數杯微醺卽止或與賓朋譚集高談
雄辯輒浮大白徹丙夜不休間與二三老友登高臨流
掀髯長嘯時人莫能貌也蓋嘆大志未酬云於戲公積
學砥行中原無與比彼世之號宿學負盛名者其中未
必有也詎能敵公萬一哉乃公淹蹇棲遲竟以終老噫
可嘆也夫所著大事定編一卷文集四卷摹陶詩集一
卷藏於家公生於明萬曆戊午九月日卒於康熙丙子

慎獨軒文集卷七

八

五月日得年七十又九元配徐氏早卒繼配王氏亦先
公卒子四長晟邑庠生次景次昂次嗽以丙子十一月
塋於武灣之舊阡

銘曰山川靈秀鍾而生公博學高行德積厥躬置身廊
廟禮樂生色胡爲抑鬱垂老家食學有根柢堪爲世師
不憚一老吾道之衰維茲幽室哲人之藏後有過者瞻
拜傍徨

文學井公墓誌銘

文學井公予之妻父也歲已巳以疾卒其子焯欲圖所以不朽公者乃排纘公之行實屬予銘其納窆之石予與公有子壻誼其奚辭公名見田字德普小字鉅野其先山西洪洞人明初始祖其遷於襄數傳至諱源者宣德乙酉舉人任天香教諭又三傳諱震嘉靖丁酉舉人雲南廣南府知府廣南生鳳翥貢士房山縣知縣房山生濟崇禎辛未進士累官資政大夫工部尚書是爲公考資政初任山東鉅野生公於署故以鉅野字之公生而岐嶷資政公視學秦中公方八歲日記數百言聞者

慎獨軒文集卷七

九

異之以爲非凡人也後資政公遷粵西累官大司空會國家喪亂流離播遷資政公勞瘁成疾以卒闔門百口寓居桂林公年十有七以一身總家政條理肅然家僅數十百人皆奉公約束無敢隕越者越數歲携家北歸問關萬里始抵里門先是資政公歷宦既久第宅壯麗田園膏腴乃宦遊粵中十餘年與家門音問隔絕又值鼎革第宅假爲官署而田園則諸族姓已瓜分無遺公歸於是田園稍復歸公屏居山陰村中顧念先人以文章陟通顯非讀書無以繼家聲於是延師受學年二十二補諸生博通歷代史談論古今人物歷歷如指諸掌

其爲人性醇謹遇人無少長一接以誠雖農夫野老特共杯酌未嘗有疾言劇色與人交抒心寫腹不侵然諸雖傾蓋之際有如久要之慷慨好施周急恤危輒傾囊無吝色至於諸從昆弟子姪凡十餘人友愛尤篤有求於公公無不悉給其欲或割田以濟貧乏或出貲以助婚娶尤近世人所難者嗜酒賓朋歡聚至數石不醉或花朝月夜對景獨酌亦陶然自樂也公生於明崇禎丙子十二月日卒於康熙己巳五月日年五十有四配曹氏辛未進士兵部尚書大梁石帆公女有賢行先公卒子焯業儒娶姚氏女五其三子妻也

慎獨軒文集卷七

十

銘曰奕世簪纓兮綬若印累哲人挺生兮後先繼美世變滄桑兮崎嶇嶺表北望中原兮煙雲曠杳携家遄歸兮問關萬里棲遲園林兮首山汝水修身潔行兮爲世作則天不憖遺兮年不償德我刻銘辭兮藏之幽宮後千百世兮猶見遺風

顯嬪井氏墓誌銘

康熙己卯吾嬪井氏以疾卒越一年始卜塋予念嬪之內行甚具不可以無傳乃略次行實爲之誌而銘焉以饗諸下綽之石而納之幽宮庶有以示子孫而彰女訓也嬪井姓裏之名族高祖震丁酉舉人廣南府知府會祖鳳翥貢士房山縣知縣祖濟辛未進士累官太子少保工部尙書父見田諸生嬪生長名門性恭順貞靜不妄言笑母曹爲大司馬石帆公女嬪奉母訓惟謹年十四侍母病齋而餽天祈以身代母病以愈年十九歸於予時先大人捐館舍已七年事吾母及吾生母克執婦

慎獨軒文集卷七

士

道七箸必親酒饌膳洗趨代勤勞母嘉之每與人輒道井氏婦賢而生母性方嚴或怒有所譴讓對案不食嬪承志能得其歡生母喜爲加餐也母遘疾嬪侍湯藥浣滌中裙廁膾友不解帶者二旬餘及老母生母以天年終予以哀毀成疾不能視事喪紀一以付嬪嬪哭泣之哀至廢食寢而經營喪具悉有條理其處娣姒尤和協嫂萬亦賢與嬪相善如姊妹凡事相議而行推賢爭勞從無一語相參商也會母喪未幾而嫂卒嫂遺有三女皆數歲嬪撫養鞠育如已出時予以宅憂居倚廬未入寢門嬪與女同榻臥涕泣而教以女紅相愛也越三年

慎獨軒文集卷七

士

服除予將歸寢嬪聞之淚承睫向予曰吾與女同臥起數年女依戀吾至悲泣不自止吾何忍置女乎君仍宿於外可也予聞而且喜且泣爲從其言繼嫂李子女俱患痘殤嫂感痛而病幾殆越數日嬪幼女亦以痘亡予戒之曰若無哭嫂病甚勿助其悲哀嬪曰善自是絕不開哭聲且以笑語相慰解已而諸姑伯姊謂嬪曰若女亡遂忽然邪嬪曰吾豈能忘之顧念嫂病強忍之耳聞者稱其賢嬪性儉素自奉蠶蔬無兼味綦縞澀服之不厭以是爲家人倡家人奉其規程無敢有僭侈者有潔癖居室勤於灑掃几席衣服拂拭無纖塵簞簋盤盂必數滌人多厭其煩然終其身不爲改以至爐茗藥裏印章皆嬪爲予經理備極精潔復篝燈宿火以籤初縫紉佐予夜讀伯兄年幾四十未有嗣予憂之戊寅嬪有娠予祝曰生男也以嗣兄已而婉身生男予適他出比歸嬪指兒謂予曰此兄子也遂以兒爲兄嗣略無難色其箴管蠶絲紉製絕工予自壬申以後病胃者八年藥餌皆嬪所製必親嘗中厨躬自烹割必致其潔予又以火症時多暴怒常至投箸嬪默受不敢置辯少間徐出婉言解之予笑而釋嬪一生無纖毫病症已卯病脾胃至冬遂革於十二月六日卒距嬪生庚子六月十一日

年僅四十生三子長伯陽邑增生居嬪之喪哀毀盡禮人稱其孝娶馮氏癸酉舉人諱世顯女次伯朋娶全氏乙酉解元諱軌女三伯誠出繼伯氏聘耿氏歲貢生諱哭女鳴乎當明啟頑間先王父贊畫公與嬪之祖資政公友善欲通婚姻未果而先大人與妻父承先志握手定婚自庚申於歸以來前後二十年間余仰事俯育咸資嬪及老母見背嫂氏云亡以一身撐拄家政勤慎節儉祭祀以時婚葬以禮其有功於吾家者甚大今且爲諸子畢冠婚長子孫而吾嬪年已不待鳴乎歸窆在即其忍弗銘

慎獨軒文集卷七 三

銘曰木脫風高兮颼颼怒號皓月當空兮膜腴天高人生如寄兮過隙白駒淑媛云亡兮百年須臾聊述懿行兮用垂永久非爲誕譽兮嬪不任受刻茲銘石兮芳名常存後千百世兮永示子孫

張老僕墓誌銘

張老僕事吾家歷四世七十餘年今歲戊寅以老病且死予親臨視問所欲言老僕涕泣交橫下但俯首感涕而已及死予又臨其喪賜之茶酒令其子奠於柩前將卜葬其子來請命予曰若吾家四世醇僕也可無銘乎其子拜以爲請予爲之誌其墓而銘焉老僕名福字東海小字甲襄之西村人年七歲其母死無依家又窮困其父偕之市賣於人爲奴予王父贊畫公憐而買之時先大人出就外傳老僕日携書卷侍從因更名書童崇禎壬午流賊犯襄城贊畫公佐軍門汪公城守老僕年

慎獨軒文集卷七 七

二十許常侍左右城破贊畫公遁剗刖老僕亦身被數創當是時人以銀鹿稱之其後老僕被虜去歷汝洛至秦中乘間復逃歸事大人治家嚴而有法老僕奉命惟謹或怒有所譴讓老僕惶懼不能置辭大人憐其狀亦笑付之蓋老僕木強椎魯言訥訥不出口大人獨以爲可供任用無逾此僕以故凡錢穀出入一以任之老僕會計無所舛錯目不知書然善記憶或指問若項所費幾何所貯幾何雖歷時最久輒條舉縷陳甚悉略無遺忘大人喜賓客四方賓朋至者無虛日飲饌帳御皆老僕措辦歷四十年以爲常老僕娶楊氏無子大人

每言及輒憫焉康熙癸丑老僕年五十餘矣大人召而命之曰若老矣可不爲生子計乎適有趙氏女新寡爲老僕娶焉趙氏既歸老僕而楊氏不能容捶楚唾罵徹日夜老僕無如何乃跪大人前請出趙氏大人不許罵曰若老而無子故娶趙氏今更出之何也老僕曰用不相安故耳大人復罵曰若甘以終身無子易一日矣邵於是大人爲約束楊氏切責之楊氏乃惶恐伏罪趙氏餘而楊氏死趙氏生一子是時老僕年五十有八里巷間持羊酒賀老僕老僕且喜且悲抱子跪大人前曰大人所賜也後復舉二子初老僕積有厚蓄以無子故焚其券散其財且盡而三子生人以爲施義之報云

慎獨軒文集卷七

五

銘辭傳永久

銘曰爾生年七十九稱醇僕享大壽生三子嗣厥後錫

張都憲公遺事狀

明吾襄都憲張公諱淮字邦鎮別號襄野登成化己丑進士授山陽蕪湖令擢監察御史巡按蘇松山陝出爲江西按察司僉事陞四川按察使再陞陝西布政使晉都察院右副都御史巡撫順天終都察院左都御史掌院事公歷官成弘正三朝剛正方嚴稱名臣自宜載明史然公生平行誼之可稱者恐未能盡悉茲於公裔孫於箕家得家傳其事頗詳因叅以予向所聞於故老及有明諸書所載者雜綴之公少貧炊爨常不繼取水中浮瓜食之而讀書不輟及登第出令山陽數載以外艱歸棲止無所依其友李選以居其巡按蘇松也所寄家書有云聞吾鄉二麥豐收可裝一布被令來子秋後負來來子者其備也公手扎其裔孫至今猶藏之再巡陝西時有富室爲權貴所構誣以罪鞠者承風旨煨煉百端遂誣服父子皆擬重辟獄具公至燭其誣立直之其人德公甚以千金爲公壽公謝曰吾辨誣耳豈有私耶後公以內艱歸其人製錦自陝遠遺於家字悉以黃金侍公卒不受其人私念曰張公厚德吾何以報哉乃卽首山麓建亭以誌不忘曰却金泣拜去明末其亭尙在後邑人某毀之故老每過其地猶指以相語曰此張公

慎獨軒文集卷七

六

却金亭也弘治中辛憲副公訪與公同官御史其廉潔與公埒時大計京朝官署吏部門有云廉明如辛訪清正若張淮蓋實錄云皇明從信錄云正德丙子武弁馬昂爲右都督馬氏一門無大小皆賜蟒衣金錢累巨萬上數幸其第宴飲徹宿舉朝呼爲阿舅公援祖訓上疏極諫略無顧忌雖未見納然直聲震一時矣說郛云公巡蘇松時有大璫摧折學校甚士子不能堪衆大譁毀璫門巡撫某竟欲戮諸生以媚璫公力持不可璫亦不能奪也其後官總憲值大比其門下某奉詔典祿試密謁公曰欲有以報公語未竟公大怒推案起曰高皇帝

懷獨軒文集卷七

七

定制獨此事於今尙存公道子復欲壞之耶其人踰牆去公遂與之絕而急使使歸令其子無得與場事其謫雅州判官也寓蔡山聚鳳堂夜臥聞呼邦鎮者三公驚趨出山崩堂覆矣溫陵李贊紀其事公兒時尙未受室父巖偕友人過瓜田中市瓜獨一女子守舍年十歲許遙謂之曰止吾父家食未返但取瓜已計瓜授值女弗受巖不肯女曰必欲留置道上巖驚曰此女非庸人也乃命媒灼爲公聘卒佐公主家政累封夫人焉公居朝特立敢言所上章奏多載實錄嘗奉命稽察寧夏邊防經紀遼陽軍務其邊功尤著歷官四十餘年致通顯矣

而卒如寒素霞外王父琇爲公嫡曾孫公及夫人遺像先太夫人幼時設祭猶及見之嘗語霞又命霞爲文紀其遺事今霞據所聞見者摺摭作繫之如右

懷獨軒文集卷七

六

辛肅敏公逸事狀

公諱自修號慎軒曾大父訪弘治間以進士任監察御史侃侃剛直爲名臣大父慨諸生以詩文名父繼先明經兩任學博皆爲德化公年十二補諸生十五舉於鄉明年成進士授陽曲令擢吏科給事中歷卿二巡撫保定陞左都御史掌兩京都察院事由兵部右侍郎晉太子少保刑部尙書改工部卒諡肅敏公生有奇質美儀容而性尤端方數歲時過其姻家姻故欽其凡以試公必正之乃坐長老目而異之年十一卽以文名時例守令非由科目不得與試事士就試旁邑故公以襄人試

慎獨軒文集卷七 九

於許許刺史讀其文大奇之召與語動止談論一如成人面試之立就凡三試三稱善以此名震一時初任陽曲陽曲吏役迎候者至家人或以公年少不習吏事恐不足懾服公冠服出儀容整肅吏役以次拜謁公問邑利弊數事外不溢一語吏役情服不敢仰視巡撫保定時有里人過其地欲一候公遂巡不敢前如是者累日公聞之延入款曲倍至留數宿署內有隙地畝許里人見公衣褐衣與夫人引流種蔬其清苦如此當是時俗尙儉朴人持清操吾鄉前輩居官者類無囊橐而公性更廉介以故履官數十年致通顯矣而田產尙不及中

慎獨軒文集卷七 十

人也其以兩京臺諫予告歸肩輿過市鄉人遙望皆避匿或側立道左公惶懼甚自是出駕牛車入里門必下歷終身以爲常又惡鄉俗侈靡著一鄉雅言列冠服宴會掛拜稱謂十餘事歷舉成弘前勿穆醇樸之風相勸戒鄉人化之公居令武山下令武將軍景缺者故楚將殉節於此舊有祠毀矣公爲新其祠宇落成設牲牢以祭欲延諸生爲祝史邇回旣久因爲具召飲終筵無他語如是者三戚黨怪以請公曰令武祠成欲一祭愧不聞於禮耳衆皆曰願爲公贊之然後投刺焉公一日行道中見一負擔老翁蓋吳姓少與公同學者公下車立語邀與共載歸更衣衣之爲置田焉又以吳無子爲買妾卒生子今吳翁子姓晁蕃衍云江陵相請假歸也道出襄公往迎之江陵下輿握手步行二里許語言姁姁且曰枚卜指日耳幸自愛必爲救時賢相其門下掾私語人曰吾公出京二千里諸大賓迎候無一得望顏色何獨予幸公綢繆如是哉公嘉靖末入朝爲諫官歷慶曆三十餘年受主眷特隆上倚用公公亦以天下爲已任前後所上章奏多著爲令甲以病歸不竟其用朝野惜之嗚呼公居官剛方不撓爲給諫有破柱風以左都掌京察絕請托別賢奸黜陟曲當以此忤時宰人爲辭

舌側目公不顧其執法不回若此然其居鄉也坦平樂易恂恂謙退以其貴下人客無貴賤無留門者公歿至今已百餘年矣里人猶以大人稱之而不名非甚勝德何以致此耶予爲同里後學聞公之風心切嚮往因雜紀所聞件繫之如左

河源考

禹貢云導河積石至於龍門是禹之導水但自積石積石乃河之見處非河源也予嘗歷考諸書皆謂河源出西域崑崙山禹本紀云河出崑崙去崑崙五萬里爾雅云河出崑崙色白並千七百川色黃水經云崑崙山去崑崙五萬里地之中也高萬一千里河出其東北陬山海經云崑崙之邱河水出焉淮南子曰崑崙之墟河出其東北陬康泰扶南傳曰恒水之源出崑崙洛書曰河自崑崙出於崇野經積石爲中國之河九河考曰河源發於崑崙積石乃其見處博物志引河圖括地象曰崑崙廣萬里泉南流入中國曰河古書所載皆然則河源之出崑崙無疑西域傳云漢張騫使西域謂河有兩源一出慈嶺一出於關之西水皆西流注西海其東水東流注鹽澤鹽澤潛行地下其南則河源出焉唐薛元鼎使上番得河源於悶磨黎石山後世多本二說已與河出崑崙之言不同如此至元世祖十七年遣學士都實往窮河源乃得之土魯番朶甘思南曰星宿海並圖其城傳位置以問歷代訪河源者大略如此而元人之說較漢唐爲詳益漢唐之世外域道未盡通每迂迴艱阻故語多恍惚至元而方域輒廣薄海內外人跡所至皆

置驛傳故使驛往來較易而其言爲詳然明人王守溪
鰲著有河源辯歷歷駁之以爲元使之言不可信予採
訪考究嘗讀元史及元學士潘昂霄所撰河源誌又見
臨川朱思本從八里吉思家得帝師所藏番字圖書與
未明宋潛溪濂邱瓊山溶所作治河議皆祖元使之說
又文獻通考所載治河羣議亦皆與元使之說同豈古
河出崑崙之說皆不可盡信歟予謂古書所載千古一
律則河源之出崑崙決不可易元人之言雖詳然非河
之本源特於中道河之發見處見之故遠近難易之間
不無可疑不得執元人之言而盡廢前人之說也於是

慎獨軒文集卷七 圭

備稽諸書參互考訂斷以鄙見以爲定論云河源出崑
崙墟縱廣萬里高萬一千里去崑崙五萬里青河白河
黑河赤河環其墟其源出其東北厥屈向東南流爲中
國河此自古諸書所以有河出崑崙之說也河百里一
小曲千里一大曲由發源入中國大約常望東流時或
潛行地下至於闕國復分流岐出合而東注鹽澤經積
石漢使於闐遇河之見處遂以爲河源出於闐而不
知由崑崙發源至於闐而再見也蓋河之潛行地下由
於土有虛實堅脆故時隱時見堅實則水浮地上虛脆
則水入土中其隱也暗流地下潛伏無踪其見也突出

奔放駭浪崩濤窮河源者忽然遇之以爲河源之出在
此如唐薛元鼎元都實或得於悶磨黎石山或得於朶
甘思皆職此之故與漢使之得於闐一也不然禹本
紀言崑崙去崑崙高五萬里外國圖云從大晉西七萬里
得崑崙之墟而漢唐及元所經則不過數千里耳河源
斷不至近且易如是鄭樵謂河有三源一出於闐一出
慈嶺而正源出自崑崙此說近是而猶未當也其實由
崑崙而於闐而悶磨黎石山而朶甘思元使所履止此
故言之詳且悉而自朶甘思以上元使固未之覩也朶
甘思在中國西南直四川馬湖蠻都之正西三千餘里

慎獨軒文集卷七 圭

雲南麗江宣撫司之西北二千五百餘里帝師撒思加
地之西南二千餘里水從地湧出此所謂潛行地下至
此發見也有泉百餘泓沮洳散渙弗可逼視方可七八
十里履高山下瞰燦若列星以故名火敦腦兒譯言星
宿海也自火敦腦兒流奔轉近五七里匯二巨澤名阿剌
腦兒自西而東連屬吞噬行一日迤邐東驚成川號赤
賓河又二三日亦里出忽闐也里米三河合流入赤賓
其流寢大曰脫河尼譯言黃河也此中國黃河之名所
由起也然水猶清人可涉又一二日岐爲八九股名也
孫幹論譯言九渡也又東行五百餘里始漸渾濁而其

流益大河上多高山大陵遞相夾束廣僅百餘步其深
叵測行入麻哈地有大山高峻非常綿亘五百餘里四
時皆積雪名亦耳麻不莫刺又曰騰乞里搭譯言崑崙
也蓋崑崙原非一處如山海經註曰海外別有崑崙又
張騫渡西海至大秦烏遲國海濱有小崑崙又漢永平
間寶固出燉煌崑崙塞擊白水鹵於蒲類海上又佛圖
條謂鍾山西六百里有崑崙又郭璞謂別自有小崑崙
由是觀之此之所謂崑崙固別一小崑崙而非河源所
從出之崑崙也自九渡東行二十日乃至小崑崙南與
懷里火禿河合隨山足東流又四五日過闊即闊提二

慎獨軒文集卷七

奎

地與亦西八思今河合行五六日有水西南來名納隣
哈利譯言細黃河也又兩日有水南來名乞而馬出二
水合流入河河水北行轉西流過小崑崙北約行半月
至貴德州地名必赤里始有州治官府州隸土番等處
又四日至積石即禹貢積石積石下有石門河水冒
以西南流禹導河但自積石者以積石以上地處遐荒
故外之也過此五日至河州安鄉關一日至打羅坑東
北行一日洮河水南來入河又東北流過達達地凡八
百餘里過豐州西受降城折而正東流過達達地古天
德軍中受降城東受降城凡七百餘里折而正南流過

大司路雲內州東勝州與黑河合又正南流過保德州
葭州及興州境又過臨州凡一千餘里與赤那河合又
東南流三百餘里與延安河合又南流三百里與汾河
合又南流二百里過河中府過潼關太華大山綿亘水
勢不可復南乃折而東流大概河東北流所履皆西番
地自朶甘思至蘭州凡四千五百餘里始入中國又東
北流過達達地凡二五百餘里始入河東境內又東
流至河中凡一千八百餘里由崑崙發源至朶甘思其
道里之數莫可稽其自朶甘思以來通計約九千餘里
此河源之大略也至若崑崙數萬里外人跡所不到准

慎獨軒文集卷七

奎

南子十洲記及山海經漢書崑崙山註或言其上有木
米珠樹玉樹五城十二樓或謂面有九井以玉爲檻旁
有九門開明獸守之或謂弱水繞之上有金台玉闕之
類皆神怪恍惚未敢深論謹考究河源所自出博稽諸
書刪繁闕謬加以斷制彙爲一篇如右

慎獨軒文集卷七終

慎獨軒文集卷八

襄城 劉青霞 嘯林著

男 伯朋 伯陽校

從弟 青芝 芳草編

廣復讐議

予思中有李孝子復新者嘗殺人以復父仇隨自白於官請就罪時山左公君家珍爲裏令憐其志爲親故釋勿問且以其事入邑乘以旌其孝一時論者以褒以譏言人人殊嗟乎復仇之論昌黎柳州荆公皆嘗言之每讀其文未嘗不稱善然至於今迄無定說予於是獨排衆論而颺言曰復新之復仇與縣令之所以處復新者

慎獨軒文集卷八

一

皆是也是當着爲令以爲後之斷斯獄者作定律焉或曰殺人者死律令昭然若復新者詎不當律以三尺之法按而誅之卽縣令之所以處復新者亦豈不干夫入之條哉曰不然曲禮曰父母之仇不與共戴天檀弓子夏問曰居父母之仇如之何夫子曰寢苫枕戈不仕弗與共天下也遇諸市朝不反兵而鬪聖人之爲此言也殆已許其殺而莫之禁否則戴天而何以不共邪聖人旣教以弗共天下而又誅其殺人之罪人將何所適從哉孟子曰殺人之父人亦殺其父殺人之兄人亦殺其兄亦未嘗謂殺人之父兄者遂不許人之殺其父兄也

蓋其父旣死於仇爲之子者呼天搶地莫可如何惟有得而甘心庶以慰死者於地下此仁人孝子之心有所不能自己者如必接而誅之則仇旣已殺其父而官又復殺其子是以兩人而抵一人之命矣平允之論當不若是况孝子之必復其仇者固已無生之心有死之志旣獲手刃其賊雖死無憾所謂死者不寃生者不犯正不在乎此又何容執殺人之律以責之且仇之復與不復亦顧其人耳世之有父仇者不乏而恬不知報且與之共閭巷者比比也春秋不討賊書以弑君不嘗藥書以殺父執此以斷彼不復仇者卽謂之獄父當不過矣

慎獨軒文集卷八

二

又豈得謂之凜凜奉法也哉昔子路之子子崔因蒯瞶之亂衛人狐驚實殺子路旣長往復父仇與嚴約於城西決戰厲心服其義故持蒲弓木戟戰而死君子謂子崔不負子路之孝子而嚴甘一死以成孝子之名並稱之伍員之鞭荆平以匹夫而報王侯殆如公羊傳所稱父不受誅子復仇者矣論者咸以爲快東漢和帝永元間有人侮辱人父者其子殺之朝廷赦其死因定議以爲輕侮法而張敏駁之以爲開私殺之路除其令論者憾之唐張瑄張琇殺殿中侍御史楊汪以復父仇執杖殺之論者又以爲過而惜瑄琇之死衢州余長安父叔

並爲同郡方金所殺長安復仇大理斷死刺史元錫上
言余氏遭橫死者實二平人蒙顯戮者乃一孝子詞甚
哀切竟不行時論歸罪執政裴均以爲失刑至於徐元
慶梁悅皆爲父報仇殺人東身請罪或則殺之而旌其
閭或則杖而流之夫應誅則不必旌旣旌又何以誅之
且非父仇正法可也寧止於杖不然旣服孝死義猶杖
而流之可乎此皆黷刑壞禮之甚者東漢司馬叔持手
劔父仇視死如歸明帝命史臣班固爲之誄聊慰孝子
之心明弘治間蕭山令鄒魯殺御史何舜賓賓子諸生
就復父仇毆魯瞞其目奏上以魯造意殺人論斬就毆

慎獨軒文集卷八

三

傷職官至廢疾論成此案魯旣論斬足抵賓命則就雖
論成亦所甘心於人情差得其平惟漢淮南厲王報母
仇誅辟陽侯審食其於都下孝文帝傷其志爲親故赦
弗治後漢和帝時董黯因隣人王寄毆其母致死黯手
刃寄以祭而自詣官請死和帝釋弗誅且加旌焉又辟
爲郎中不就此二者庶不乖先王之法不傷孝子之心
而情禮與法爲兼得者也大抵旣有殺父之仇自其子
視之則賢愚尊卑皆仇也卽賢而尊又何恤焉而况乎
平人之相殺也邪或曰許復仇則人將轉相仇殺無已
時余謂不然孝子不少概見而國家每歲決刑獄應死

者甚衆彼豈由於孝子復仇之所至哉以爲宜定其制
曰凡有復仇事發官執而問之但究其仇之有無無仇
可報是橫暴之人也殺無赦果仇也則仇之死適足以
償之徑釋勿問正不必以殺人爲嫌而令孝子含冤且
令天下不孝之子得以借口也書曰與其殺不辜寧失
不經元人成遵曰寧失罪人不可使天下有無親之子
聖王以孝治天下不當如是邪予故謂復新之復仇與
縣令之所以處復新者皆是也卽著爲令爲後之斷斯
獄者作定律焉可也

慎獨軒文集卷八

四

恭跋 御製昇平嘉宴詩後

康熙辛酉冬滇南蕩平明年春正九日 皇上傳漢九卿翰詹科道至內閣滿大學士臣明珠傳 旨云海內蕩平欣逢上元令節朕欲於十四日召漢官諸臣於內庭賜宴可使得否諸臣回奏君臣相悅滿漢一體此皇上特恩也次日吏部臣以應與宴諸臣九十三人列名請十四日申刻諸臣至乾清門序坐內直學士臣張英傳 旨云 內庭賜宴歷代所無上下泰交古稱盛事今日之宴各宜盡歡以副朕意少頃宮門開侍衛十人各持豹尾鎗從兩旁門進諸臣序入閣 御樂作

慎獨軒文集卷八 五

上御寶座諸臣至宮內候齊皆跪一叩首座上重裯細旃羅列俱就惟宴席則坐定後設閣臣尙書二人一席餘三人一席有梨圓黃幄在焉時宮內張燈無算宮之正中有 御書匾額正大光明四字 御座周圍方二丈許列珠欄高三尺前有中左右三門門各三級級盡則 御座前鋪裯地也 上用御饌先以兩侍衛捧二盒向 御座前跪又二人啟盒捧饌至 御座上兩級又二侍臣捧置 御案凡三易人而饌始至案四進饌而 御宴始畢焉滿大學士臣明珠出班行進酒禮上飲畢另換金杯賜臣珠酒臣珠叩首飲畢還座候

上持箸諸臣皆持箸飯一湯一蒸食二高碗四平碗八又另設黃魚鯉一銀盤 上宣慰諸臣期於飽飫食畢徹 御饌並諸臣席侍衛各送清茶設果棹復以金瓊進 上果棹大學士臣勒德洪臣李蔚臣馮溥及諸臣以次進酒 上以次賜諸臣酒是時諸臣祇肅寂靜上呼學士臣張英傳 旨云言笑弗禁 上舉箸諸臣皆舉箸食元宵粉團及諸果品侍臣執壺以建磁盃就席酌酒梨園始作 上復賜諸臣酒漏下二鼓閣臣率諸臣起行一跪三叩首禮謝 恩出至乾清門學士臣張玉書傳 旨云著與宴諸臣做栢梁體用七陽韻

慎獨軒文集卷八 六

各聯詩一句用昭昇平盛事明早諸臣入 朝恭請皇上首倡賦詩 上有麗日和風被萬方之句諸臣聯續成章命曰昇平嘉宴詩 上復御製序文以誌一德同心之雅焉時檢討臣潘耒獲與茲宴以詩示臣 青霞且命識之臣 青霞 竊惟三代而下君臣相悅未易多觀欽惟我 皇上以上聖之質統御海內深仁如天厚澤如地凡在覆載之中莫不仰沐洪庥咸遂生成而百爾臣寮尤爲向陽草木義本君臣情逾父子昇平之宴天恩遽加上下一體君臣道合宣揚美盛歌詠太平卽詩書所稱鹿鳴天保元首股肱寧多謏 是載之史

冊傳之異模允稱一代盛事千秋美談而一時與某
臣躬逢 聖明獲茲殊寵其所以勉思奮勵而拮据
効者不知更當何如也臣 青霞 草莽微臣遙聞美
禁舉手加額謹拜手颺言漫識於其後云

跋宋梅聖俞矮石榴賦後

宋宣城梅公聖俞堯臣寶元中知襄城時縣治庭下生
矮石榴一本密葉如蓋繁條如織若屈若鬱偃盤盤
幹不足攀蔭不足息公目而興感爲作賦以寫其狀焉
按公令襄多惠政康定庚辰秋汝水暴漲溢岸壞廬舍
千餘公親率里民以土塞郭門水不得入免致漂沒其
被災者加意撫綏民賴以安襄人至今祠祀之賦凡二
百三十餘言古穆蒼蔚先以自寓後以自警其卒章歸
於戒懼用以自勵前有小序二十餘言筆亦疎古明嘉
靖初襄學博當塗林鸞撰邑乘載入詞翰門而新誌反
逸去余謂梅公之詞可寶而於新志不能無遺憾也故
命兒輩楷錄出而復爲數語識於其後云

跋劉文烈公手書後

右七律一首明杞縣劉文烈公湛麓爲吾襄馮文谷先生禱書崇禎甲戌公狀元及第授翰林脩撰左中允丁丑文谷舉歲薦廷試入都以鄉先達謁公公欸曲備至爲詩且手書以贈越八年甲申寇陷都城烈皇帝殉社稷公遂自縊死妻萬妾李子聖錄聖符及僕婢十有八人俱同時自盡今史冊所稱臣死君子死父妻死夫僕死主闔門盡節者也公詩深渾雄麗超邁絕倫書法亦方嚴邁逸清剛義烈之氣勃勃毫墨間馮氏什襲珍藏已歷三世矣今文谷孫孝廉世顯以書示霞且求題識

慎獨軒文集卷八

九

霞特爲焚香濯手以讀讀訖謹識馮氏獲茲文烈手書之由於其後云

恭跋 行在 存問 召對紀事後

先是康熙十二年秋 皇上以總督臣鄂善奏 特旨徵陝西處士李顥先後凡七次顥皆稱疾不就 上心重其人久矣及癸未冬 上西巡至山西界總督臣華善巡撫臣鄂海接見 上卽注問顥近狀且 諭曰至陝必於相見臣善臣海承 上旨敦迫甚力顥復以老疾辭 上諭以年高有疾不必相強越翌日 上親御翰墨書操志高潔四大字又書 御製金山詩一幅以賜並召其子弟徵其著述於是顥長子貢士臣慎言以顥所著四書反身錄二曲集進呈 上手親檢閱閱畢問曰爾父何病行年幾何又問所讀何書臣慎言一一具對甚悉回鑒臣慎言送至臨潼縣 上溫綸蒞謁又以善事父顥爲諭 駕至潼關又 特召整屋縣知縣臣張芳細詢顥體貌奚似及家計子弟良久 駕旋後臣慎言修茲奇遇乃歷敘 上始末 存問 召對之詳爲紀事一冊將以傳示子孫永佩高厚以臣 青霞與顥有通家誼特寄臣 青霞請識其左方臣 青霞竊惟自古哲王莫不以崇儒重道爲尙故昔人有言曰旌德表賢化道所先崇表殊節聖哲上務然遐稽前代或有徵書下賁寵及巖穴要不過修舉故事而已然猶載之史

慎獨軒文集卷八

十

五十餘年深仁厚澤淪骨浹髓其巍然之功煥乎之文直可比續唐虞至雲漢之章輝映日月特餘事耳然遊天戲海虎臥龍跳亦非前代諸君所可髣髴其萬一也臣子章遭逢盛時踐履清要望清光而蒙 恩遇豈非幸哉詩句有曰除將供養白頭親子章有母 聖意及此殆寓教孝之意焉臣子章宜仰承 聖君之訓下慰白頭之親更望移孝作忠庶不負 聖明之教誡矣此卷尙其藏之於廟顯示永裔俾世世無忘 上恩云

書趙松雪畫後

人有以技傳者技有以人傳者予家藏趙松雪畫一軸闊二尺許長倍之村落相望雲樹蒼茫一老翁昂首植杖散步閒適一童子左携琴右提胡牀一具步其後氣韻生動細入毫芒而結構精密天真橫逸殊有澹雅清遠之趣以予所見畫家諸名筆如唐李思訓王摩詰宋董源李成郭熙范寬輩皆以工巧勝小慎大幅峯巒疊翠樓觀延袤濃淡遠近位置適均以奎毫髮面目歷歷可辨松雪之源流蓋出於此而間出獨拗又可上無古人卽元人以畫名如任月山錢舜舉雪牕和尚以及大癡黃鶴皆未有過松雪者嗟乎松雪之技昔人謂其書法上下五百年縱橫一萬里而畫名又復譟甚假令松雪於崖山舟覆之後如文信國謝疊山挺挺抗節卽不必以畫名而後人之仰止者當復何如乃竟以天水王孫視顏異姓耶今特以其技傳耳固非以其人傳也余覽斯畫蓋有餘惜焉

書華陰王山史先生日省志後

華山王山史先生以文章名整屋李徵君中孚先生以道學顯二公並著稱關中相友善壬子癸丑間山史先生嘗爲予王父贊畫公作傳自書之中孚先生裝潢成卷寄余恭叔叔父叔父感先生高誼致書以謝卽假中字先生轉致之自是遂訂交郵筒往來嘗無間云近又以所著書數種及明善堂日省志見寄志凡七十六則防嫌於微杜邪於漸內而家庭外而接物立心制行時時省察大要爲忠厚不爲刻薄爲謙謹不爲疎放以至言動視聽謹小慎微罔敢稍有疎忽先生斯編益印顏

慎獨軒文集卷八

圭

子之克己曾子之省身反之於躬而日以之自課者也以此見先生暮年留心聖學鞭辟近裏着功夫而不復於文章末技爭得失計工拙也余叔父日中孚讀之應無總孤之嘆而自慶其有鄰矣爾小子其書一通於座右余亦將朝夕省視以自勵焉

祭京江張太母何太夫人文

京江張太母何太夫人卒於京計聞於豫吾夫子學憲公爲位而哭中原士大夫爭相赴弔其門下士襄城劉青霞舉酒以奠爲文而祭日於戲惟靈韻乾道之炬彩秉坤德之煒煌天孫誕其懿秀嫠女煥其禎祥垂千秋之母訓著四國之表坊配安貞於地理擬臨照於月光既淑且靜自熾而昌事翁姑以至孝行顯相夫子以克順名彰初起家乎選部繼視學於吾鄉振斯文於八代相牝牡與騶黃教澤永留兩河沒世終以莫忘所以成其大業夫人爲之勛勩尤傳孟母之範堪續柳氏之芳

慎獨軒文集卷八

圭

五雲布其絢爛六鳳聯作翔翔漸長發於科第因樹望於圭璋烏衣填巷牙紛滿牀爲清時之良弼燦天予之陰陽占濠洲者文學擅美司粉署者政事優長至吾夫子既姬荀庭之下食尤如馬氏之最良紹家聲而出典文衡嗣清白以大其輝皇雖由挺生之不偶亦資乎過庭訓誨之義方而且矜文孫之濟美重累葉之餘慶几杖下積生蘭桂盤盃間森立琳瑯四世付元成稱國瑞兩朝歲月福履康彊踰毫而耄松翠栢蒼屢蒙皇恩優渥寵錫龍章爰頒鹿尾一函兼賜御書金剛總緣碩德之卓越故承天恩之湛汪豈期一夢未

純黃梁赤燄白鶴縹緲徜徉雲葉澹黯星影蒼茫計育
上達天聽漣醑頒自尙方遣官致奠聖恩無量痛
苦雪於蕙草懸總帳於高堂親手澤而零涕撫柩捲而
慘傷九原不作百身難將青霞庸拙固陋忝列門牆春
風許坐尺地眉揚驚聞金縷凋謝涕沾衣裳常灑滂沱
之淚實切如妣之喪悼慈顏之幽翳聊申奠以椒漿炤
吐雙燭煙裊一香其儀不腆伏惟尙饗

擬明惠宗賜燕王棣詔

建文元年

制曰太祖高皇帝統一海內三十餘年一旦新棄羣臣
朕以嫡長孫承大統諸王皆朕叔父最賢而長其各仰
體高皇帝意夾輔朕躬朕之願也前周王構齊王棣湘
土栢謀反危我王室朕甚痛之王高皇帝嫡子皇考孝
康皇帝母弟也與朕最親今亦發兵反聲言朝有好臣
欲清君側倣漢吳楚誅鼂錯今大司馬泰太常卿子澄
皆受高皇帝顧命輔朕未敢輕誅且爲高皇所簡用未
可指名爲奸前王來朝由皇道入登陛不拜廷臣幼王
大不敬無人臣禮朕念親親置不問或以王陰蓄異謀
請留王三子朕不聽悉遣之歸君臣叔姪間朕過不先
乃大喪未終稱兵犯闕王縱快快非少主臣獨不念高
皇帝邪朕不得已素服避正殿祭告天地宗廟社稷命
長興侯炳文駙馬都尉堅都督忠帥師北征然猶下令
軍中與王對壘勿使朕負殺叔父名於戲國有長君社
稷之福王誠登大寶鞏固皇圖朕不難拱手三讓顧念
高皇帝付托之重恐諸王有聞而效尤者其何底止且
高皇帝王子弟以燕近邊設壯王以鎮之故以王王燕
豈欲王背德反義蓄士馬養奸人爲反虜邪夫高皇帝
艱難百戰以有天下時值元室失政人人解體猶且經

營十有五年王自料神明英武孰與高皇今之天下較之元末又何如哉乃敢大逆不道竊窺神器以致賊殺大臣迫劫萬民甚爲暴虐况高皇帝服御圭璋具在儼如式臨王竟視之藐如元有遺孽寧無竊笑天下後世以爲何如故以書賜王王其仰體高皇帝意念骨肉之親君臣之義罷兵歸藩朕赦王無罪不然朕大張國威破斧缺斨以高皇帝長養三十年將士與王從事王之所統不敵天下百一漢之吳楚可鑑也王其體之勿忽

慎獨軒文集卷八 九

爲仲男聘張婚啟

竊念某質本驚駘運遭坎塲方數歲而失怙僅六尺而遂孤望斷白雲恨音容之不再朝晞殫露悲瞻依之無從幸而金縢未老慈幃堪倚稱未亡人殫心撫育念孤苦兒加意矜憐朝倚門暮倚閭母子相依衣可解食可推饑寒與共三冬宿火和淚以丸熊五夜篝燈灑泣而晝荻義方訓誨詩禮嚴於過庭三遷督課父師出於北堂及某已冠而娶頗列成人雖無捧檣之足娛幸有含飴之堪笑方謂洪恩罔極久承膝下之歡詎意大年告終遂抱終天之恨悲慈顏之幽翳重外家昆弟聊以愛其所親聯戚黨之纏綿更重加婚姻底幾如生事死是則殷殷之微意區區之寸心也適承蹇脩來臨因而商確婚媾謂表兄之次女允稱好述吾家之仲男可爲快婿伏思設延明於別席擇婿匪自今朝効楊玠之藏書捫腹已經先世况先王父抗節故國之日嘗同患難於外公而先君子樹幟文壇之時尤共筆墨於舅氏時切斗山之仰幸托肺腑之親良史堪比馬遷表彰魏非楊惲勲猷遠邁羊叔外家賴有中郎敢效老泉之重母黨遂爾錦箋相通雖非陽元克應宅相料許片言之諾抑且念骨肉之雅中表更通姻聯外祖父應亦首肯仰慈

慎獨軒文集卷八 三

顏之志外兄又作親家先考妣懇知心慰喜聯婚之何
幸倚其祖復倚其孫豈後來之多秀有此甥或因此舅
從此昌熾預肇伉儷允協中饋維勤奉祖母爲祖母
禮祀匪懈半子克盡事表伯父爲岳父恪恭彌寧指海
山以爲盟與天地而並久光添里閭喜溢門楣謹啟

讀梅節婦傳

劉青霞曰節婦事載之傳序詳矣守節大義也保孤倖
烈也然而難矣方江津之難作徘徊荒原進退維艱節
婦詎不能扼吭絕脰以謝所天然卒隱忍圖存歷艱辛
而不辭者彼審於所處誠重其死也不然死於三十年
之後與死於三十年之前其難易較然矣何舍其易而
強爲其難者哉太史公曰感慨而自殺者非能勇也知
此者可以讀梅節婦傳矣

木叔傳

叔姓木氏字花蜀郡人也不詳其氏次所自出周成王時封弟叔虞爲唐侯唐帝堯舊都也叔遊於唐因家焉子孫蕃衍詩人咏之有盈升盈掬之句言其盛也後徙陳陳人悅之至不容口交好者轉相推薦如餽貽焉叔爲人溫中下氣與人交無論尊卑貴賤調和其間各隨其宜人以是稱之曰飽醅芼羹無不中置此調羹手也色紫赤生子蔓延醜莖纍纍如貫珠其種茲殖遂徧海內然清剛芳烈之氣逼人與之遊者邪氣頓消一切濁穢負氣之輩皆望之遠遁以故上自王公下及里巷爭

慎獨軒文集卷八

三

爲延致凡有宴會叔莫不與焉荆楚間除夕元日置酒高會以叔佐酒共盤餐比之無公不樂漢初高帝崩孝惠帝立無子呂太后爲娶宣平侯敖女爲后欲其生子萬方終無子太后憂之不知所出會有言叔性溫多子粉其身碎其骨以塗壁最宜男於是太后下詔召之叔至語之故叔慨然曰臣生長草野略無實用徒以虛殼望人齒頰不敢比於鹽梅鼎鼐佐國和民今陛下幸召臣臣何愛沒身之誅不裨國用哉太后大喜用之自是遂爲定制終漢之世凡皇后宮皆然至以叔名其房晉石崇家富聞三堂壁用赤石脂乃聚叔子姓無數

爛飾壁以相軋叔亦怡然就之其爲人用不自惜如此叔累派疎族有華澄茹者居佛誓國族不大繁又有名味履支者亦其族類生天竺交趾及摩伽陀國隨番舶來占籍滇南海南諸處其貌與叔類而辛烈過之好趨權要赴勢焰唐元載盛時履支聚族附焉載以其遠人也厚蓄之載敗乃散去叔以其黨奸鄙之不與通也至於秦中所產者曰穀非木氏族以色赤多子亦附叔得名然卑賤不堪共檣俎爲農圃所栽培好與村氓遊嬉毒暴烈以此士大夫多遠之故獨以叔爲貴品云

慎獨軒文集卷八

三

清剛爲世所重亦其類也叔雅與二氏遊而叔特著其闢邪除穢往往令人欽氣屏息不可狎也謂有端人正士風者非邪賈子忠嘗著論以叔之開口合口比監察及御史裏行訖員外信夫

慎獨軒文集卷八終



慎獨軒文集八卷

浙江巡撫
採進本

國朝劉青霞撰青霞字嘯林襄城人雍正中諸生是集皆散體雜文前有王心敬所作小傳稱其酷愛司馬遷班固書未嘗釋手今集中有小傳二卷史論一卷蓋亦留心史學者也

孱守齋遺稿四卷

〔清〕姚世鈺撰

北京圖書館分館藏清乾隆十八年張四科

刻本

附《四庫全書總目·孱守齋遺

稿四卷》提要

序

吳興姚子玉裁與其弟秉衡並負俊才好讀書工詩歌古文時人以雙丁二陸目之爲家翰林太史之甥翰林嘗曰此吾家師川駒父也秉衡前沒玉裁繪夜雨傷神圖題詩哭之語極悲楚已黯然神傷矣性嗜友朋山水於其鄉與厲太鴻金壽門稱莫逆過江則交西秦張詰士及馬嶢谷佩兮昆仲其老友則宣城家棹崖翁氣誼學問相與劇切興到嘗扁舟泛苕霅登妙山觀潮錢塘挂帆度京口上蜀岡攬平山諸勝登臨憑弔友朋贈答一一見諸詩文其詩初則才情雋麗格合聲諧中年悵

序

悵無所遇加以鵠原痛切後更凋喪弱女多激宕淒清之音擬之哀猿啼嶺秋蟲鳴夜然亦不戾於和平所謂備文質兼雅怨者非耶爲文章貫串經史旁礴閎肆有所考訂必詳核精當而一嫻於法別於厲秦漢而失之襲贗唐宋八家而失之庸者蓋卓然成一家之言者也予交玉裁垂四十年雖南北離合不能久聚然重其文行時往來於心已已歲乞身歸里經維揚過諸士家時玉裁爲西賓相與劇飲呼嘯訂卞山峴山之遊乃別不一月而玉裁遽成古人矣悲夫悲夫天生玉裁之才當置之石渠金馬潤色宏業不然假以歲月使優游煙

水鳧魚之鄉得竟其名山之業乃年不老壽而相匿之詩無人承受玉裁可謂窮矣今詰士梓其遺集問序於予回念舊遊益深感惻讀其詩文不啻重與晤言也雖然士窮愁著書劇心鉅肝不自愛惜者冀以所作傳之身後耳然往往身沒未幾而殘編斷簡漸化無餘何可勝道乃詰士欲不死其友俾藝林共知其人玉裁有知其亦可自慰于黃墟也夫

乾隆十八年癸酉秋八月長洲沈德潛題於紫陽書院

序

二

屏守齋遺藁卷一

吳興 姚世鈺 玉裁

古意

鵝雛長羽族萬里高頰頰偶思覽德輝翾飛露文章百鳥本非偶驚顧疑不祥甘心黨譽斯絕意從鳳凰兮斯已而丹山歸路長安棲百尺桐和鳴千仞岡寧因鴟鷲嚇而隨燕雀翔寄聲喧啾羣勉而勿亂行

德清舟中望吳光山懷古

生長木精宮百里臨溪縣數典富遺蹤夙昔曾夢見言乘春水船屢機平洲飯餘不信清澄坐我一匹練回山

卷一

紛倒映靈秀不敢咽三宿對吳光蓬頭見其面吳光一緬彼古賢踪閉門樂嘉遁文冕生匪榮勤書老無倦嗟哉惠反凶誰歟企立散千載逸真風清暉滋慕戀何處識簾祠香蘋未遑薦

德清縣齋苦雨有懷諸遊好

茲行爲看山離居闕良覲感此坐沈吟空簷雨聲滴紫燕坐簾櫳青苔緣階石濛濛遠烟暗黯黯重陰積既阻竹林遊還辜阮生屐排闥獨吳光朝朝似留客

庭樹有序

余家書舍前木蘭一株大盈抱相傳 先曾王父方

伯公手植蓋百年物也往余童騃時尚見其花最盛時家君每與諸父率二三親串併小子輩命酒賦詩其下甚樂也敝廬四面多陂澤地故窪下自康熙戊子遇大水根浸傷嗣是風雨作幾爲所拔者屢矣迄乙未五月復隕於水十餘年來爰益凋瘁夫甘棠見全于召伯古柳興思于劉尹遺蔭清風彰彰經史至白公居易之記養竹則於寓廬故相之手植猶謂其曾經長者之手而見賤俗人之目芟除封植惓惓愛惜矧余小子目擊此樹之生意將盡而大懼先澤之斬乎作爲詩謝以示昆季且貽來者

卷一

二

庭樹號木蘭種來凡幾年都忘種時節但記花開繁花如雪山白皚皚一年一度來傳杯紅燈皓月助顏色花時曾作數十小紅燈懸樹間清吟妍唱相追陪其花既可食其葉亦可悅綠陰滿徑無六月樹根累我坐屹屹金風披拂飛復墜策策鳴聲寫秋思羸金經籍等雲烟老樹空庭獨蒼翠豈知花葉不長好風風雨雨漸欲倒根本先撥枝爲摧誰從攀折勤栽培種花欲開難必得看花當思種花力樹猶如此人何堪對此婆娑三歎息

臧丈道山歸自金陵以詩奉訪

皓首尚飄泊窮冬且倦遊人歸番畫曲詩卷秣陵秋禪

喜清涼寺閑情十六樓調饑慰今夕別緒話從頭甲子休虛度斯言果不虛人謂甲子休虛度讀盡諸書便是仙先生句也窮能拋一切老更惜三餘破矣盧全屋翛然玄晏書忘年荷投分肩負識韓初

題亦諸上人遊黃山圖卷

白雲翳鬱山疊重峰巒湧現千芙蓉一峰藏一罅一罅踞一松松根清淨石作土見虞山先生初學集垂崖點綴青蒙茸何來奇觀落吾手卧遊已到黃山中風流白足者誰子疑是作詩僧道通烟霞語氣絕疏筍滄洲逸興羅心胸打包自恃腳頭穩誅茆擬傍浮邱公吾聞黃山號奇絕二

卷一

三

十有四溪三十有六峰硃砂石笏處處留勝跡珠雨玉壺渺渺空遺踪大千世界一彈指何況沉雲海原空濛雲山一卷游戲入破納住山不住妙諦誰能窮吟成吳會意愴怳彩虹可躡期相從

寄西岡先生

三伏一相見迢迢踪跡疎閑門久羅雀秋雨又生魚去魯罷行役時遊山左歸僑吳無定居更憐子魏子汗漫復何如

門

後湖

淥淨後湖水逐門多種淺娟娟扶翠竹纚纚縛胡繩弱

女或孤棹單舟時共乘比鄰來往熟掇拾故相應

池塘

秋聲一蕭颯幾日到池塘向覺失天影今看多水光稀疎輕減翠掩冉未消香半月繞池樹荷風記納涼

鶯脰湖

鶯脰湖邊趁夕曛湖烟湖水晚氤氲分明碧浪城南路只欠茗山似畫雲

錢謙詩若山似畫雲

寄錢景泉

相從無幾日談讌復迢然良覲不常有蕭晨多可憐竊紅城北樹浮白水東

橋名

船食籍噉貧士何由共溯沿

卷一

四

寒羸宜我輩君亦病狀狀傾倒非無謂酣嬉了不嫌避喧營丈室畏冷下重簾料得多清舉沈吟側帽簷

寄秉衡弟

忽忽不知樂終朝獨張軍新詞愛朱老

竹北先生

謎語托紅

病中大惠圖見懷韻奉酬

搏沙聚散渺無因一病歸來已浹旬念爾獨聽深巷雨題詩重憶苦吟身有書不讀真堪惜同病相憐覺倍親安得頭輕肌骨健布帆無恙趁青蘋

送立甫往桐鄉因寄霞山弟季

遠夢寄西風孤帆一夜東遙憐秀溪水清與鷗波同秋艇破平碧霜林題冷紅知音倘相憶爲說半焦桐

秉衡從家舅溯西江往長沙歸以所著浮湘集見視中有寄玉裁豐萬詩讀之泣然感賦

生衣纔拂熟衣塵簾笈徐開涕淚新詩句早宗山谷派鄉愁遠送洞庭春離家容易一百日慰我只須強健身兄弟幾回穿望眼莫言無復倚門親

山中看梅花二首

芒屨衝寒盡裏身意行一笑野梅新石橋茅店春山路可少先生一幅巾

卷一

五

林下風標玉雪姿更憐一樹淡胭脂端相好向冰壺貯弄影明窻看折枝

竹外梅花二首

連篇累牘賦梅花叵耐陳言憊物華拈出坡公寫生句依然竹外一枝斜

鸞尾修篁數百竿年年翠袖倚天寒算來合是林泉伴莫作齊奴步障看

白石道人過苕雪有詞云甚日歸來梅花零亂春夜燈下讀此有懷秉衡凌湖雕六字詩四句寄之梅花零亂春夜春草池塘又生低唱新詞白石便夢解

顧阿衡

乙巳春日留滯梧桐鄉感念亡弟秉衡代書寄孫

五季靈三首

燭醉琴歌憶昔遊朝朝衣帶緩離憂暮雲樓閣春窓月
歸夢與君相對愁

四海當時一子由感君末契託朋儔而今夜雨真蕭瑟

一慟人琴萬事休

篋中散失訂遺文恨唱淒涼忍再論留得王融白團扇

夜臺何路與招魂去歲春秉衡有怨詩一章錄識也君曾言及之便面
今方與賢兄健亭商刻亡弟遺集故感而及之

甲辰三月諸弟作玉湖送春詩客牕翻理箱帙吟

卷一

六

牋觸手不能展讀歎逝傷離口占絕句一首寄念

慈敬直兩弟

二郎吟苦竟長眠謂秉衡也三筆枯來亦半年謂豐也水嫩蘋

香玉湖口傷春誰上櫓頭船

偶成

平蕪處處落紅飛鄉思欺人減帶圍夢裏道場山下路

潑天晴翠瀉春衣

吳象西稱吾州城南之勝感賦

不待君言笑我頑城南烟舍竟忘還家家花竹藏春隲

朵朵雲峰著色山過客行迷圖畫裏羈人歸去夢魂閒

水苗三頃談何易塵土生涯只厚顏

鄉心

三十六陂千萬春鄉心一寸繭絲愁水精樓閣開寒鑑
浮玉峰巒疊畫雲柳惺汀邊應繫馬西施廟下慣瀟瀟
田衣山屐都無分輸與故林鸞鶴羣

寄懷諸庶常襄七三首

曉晨謝公墅曾泊孝廉船意外笑攜手飲中勞贈篇因訪家舅翰林先生
于竹墩與余定交分張更歲序榮落阻風烟綠綺塵埃裏

何人試拂弦

沈郎勉之傳欵語勸我入長安米貴居何易鷗盟幸未寒

卷一

七

揭來侯喜釣因話杜陵官飛動平生意沈吟清夜闌

奪我鳳凰池襄七先于禮閣前御試第一
授中書舍人歷試始入翰林翻成際會期白藤中

禁詔銀管史臣詞風月三千首飛騰四十時童蒙采芳

侶恃舊敢相思

出城看花中途雨阻口占示同遊諸君

一生不帶看花福試舊句纔出城來步步愁料得花前惆

悵在索教風雨破除休

題城北徐老家

陽坡一片背烟郊接葉車枝逕欲交縛箇香茆小亭子

便勝徐老海棠巢放翁詩徐老
海棠巢上

坐汪氏園水邊

平橋曲渚小坡陀楊柳陰中日影趨自笑來從山水窟
濯纓長此弄微波

汪園隔岸見叢竹數百竿猗猗美盛因憶歲辛丑
同立父過錢塘汪抱樸言詩引梧借竹之亭今不
到五年矣作二絕句分寄抱樸立父兼示金壽門
厲太鴻諸子

隔水茅茨擁翠筠林塘巧補一園春徑來竹所容高嘯
真箇何須問主人

一飯曾留借竹亭秋聲五稔不同聽廊腰記得山肩聳
一段清光冷畫屏

寄立甫

侵嶺樹邊雙蠟屐書旗樓上小瓠壚憶君獨往青山日
悽斷黃公舊酒鑪

雨中薔薇

壁挂芒鞋倚畫叉病夫無味正天涯坐聽三日垂垂雨
惱殺紅薔一丈花

題朱□□繡經小像二首

弱齡慧業圖成佛近歲思維欲出家箇裏不離文字相
凝神一卷妙蓮華

落花風細颺茶烟徙倚相思古樹邊唱出江南斷腸句
傷春不數杜樊川

君送秦詩綠陰如幄花狼籍千
古樊川是恨人時悼亡日近也

桐鄉歸舟夜泊南門外二首

晚天孤艇載愁還暫借清溪照病顏決起瞋禽啼不住
和烟飛過謝家山

水國烟汀暮靄微隔城殘漏聽依稀一宵篷背鳴蓑雨
猶擁春寒酒病衣

舟行見牧牛者偶憶東坡人牛相對閑之句賦一
首

村抱清流屋抱山吳牛雙角飲池邊絡頭多少黃金貴

可得與人相對閑

頻年

頻年小別輒神傷誤說他時好對牀轉眼不堪尋舊約
破窗風雨讀書堂

象西□□見過招同立甫小集孱守齋夜話感賦

蓮葉東西路尋詩艇子橫茅亭來舊雨花嶼放新晴延
月話方狎盟鷗夢不驚回頭三里霧翻覆作麼生

暴書有感

遺書一櫃費儲藏兄弟頻年檢校忙補敗每憐魚蠹字
貪多爭効鼠銜薑貼平腦角餘千卷賸摘丹鉛尚幾行

莞枯空堂無恙在獨看手澤掩殘陽

沈蕙圃養痾靈山秋日過訪話舊有感次見示韻
并視二孫君健亭季靈

石泉松栢古雲門蠟屐依然識舊痕初地清涼便臥疾
勝遊俯仰黯銷魂曾吟紅雨巖花落欲采明珠淵道存
小住茶杯成小劫壞牆殘墨不堪論庚子辛丑間履與諸君遊
此山後石壁有古藤花最
盛山僧以識鑒石作牛月形引水注之
如乳泉漫流至今余兄弟題名尚存

送蕙圃之松江

海天搖落雁初飛渡口輕帆趁夕暉好去松江尋蟹舍
恰逢孤脆與鱸肥候潮浦懷黃歇聞鶴華亭弔陸機

卷一

太息持螯風景近爲言者舊一霑衣時開單衣
雨稼之計

示家人二首

候蛩吟穩西風岸來雁驚隨八月槎辛苦烏衣舊時燕
已涼天氣獨辭家

熟衣單袂費裁縫愁對紋疏燭影紅好待吳縣一銖辦
薄寒寄我鯉魚風

寄□□平湖二首

閨紅一舸橫塘路花底新晴記擘牋料得二郎吟更苦
薄帷明月已涼天

一點秋燈耿病魂水嬉春夢去無痕何時共飽江湖味

題徧西風白下門向與詩
遊金陵

題汪丈碧巢思女軒詩卷二首

染根應是倩韓湘小名杜姑以生時有牡丹之
瑞故借用韓湘君牡丹事錫嘉名壓衆芳底事優曇剛一現

也同桃李殺絲霜瑞故借用韓湘君牡丹事掌上明珠最後仙生來合得謝公憐白頭吟望金鑾子
腸斷春風小墓田

□□見示題秉衡浮湘集詩泣然有作并視霞山
端友二首

憶從南浦盼歸航出手新詩泣數行但以散蓬悲道路
可堪埋玉哭文章空傳寶氏聯珠集愁探王孫破錦囊

卷一

憑仗清篇當臯復吟魂合得向瀟湘

自憐漂泊動經年長美君家伯仲閒侍酒嚴賓同上壽
讀書精舍對開關機雲分住東西屋點眉羣推大小山
我亦天涯思令弟中宵風雨憐朱顏

舊館

扁舟風露近黃昏舊館人家早閉門忽憶春頭沽酒店
澹烟隴月木瓜墩

橫塘

橫塘秋意正清華岸嘴風輕漾釣查誰放白鷗三四點
避人爭入水荻花

寄懷陳授衣揚州卽題其閉門覓句圖

閉門覓句陳無已宗派圖中又之子夙世應號黃絹辭
故園生事烏皮几小弟辭家正賣文三生還憶杜司勳
江湖載酒吟成後好兒揚州夢裏人

賦答沈丈子慕再過桐鄉見訪不值留贈之作

君吟烟山春父史名山草新綠我來顧況臺黎天逝黃
鵠蕭辰秀溪渚秋艇載尋菊良覲展素心雲莊雲莊遂
留宿弦琴向遙夜重奏相思曲太息東籬花仍負西窓
燭瑤華一相遺歡讌逸難續芳序入羈裛離騷紛極目
悵望餐英人風烟滿幽谷

卷一

七

同諸君飯清河菴

出郭散愁疾招提恣遊行經聲知院靜鳥語因風清
泠淨池飲香美齋厨飯蕭瑟修竹林低徊夕陽晚

臨平湖曉行

霜蓬壓曉寒風帽披敗絮凭舷感目成一笑如有素醞
簾百烟鬟微茫數紅樹愛山如愛色脈脈欲與語一生
幾兩屐奈此臨平路

題趙贊善執信封溪集

落托江湖載酒時數篇真見古人詩登壇幾許風騷將
細膩風光知不知

雨中同沈丈樗崖

閒來烟舍坐題詩有約尋芳共一卮一雨花朝連上巳
醉吟直待牡丹期

雨中題樗崖畫贈別

帆濕暮雲邊春愁帶別顏近遊多刺促衰髯獨閒關三
月桃花水期君西塞山披圖羨漁父簑笠一生閑

冬日留梧桐鄉有懷樗崖雪上

俗眼白逾窮襟期顧盼中因依三伏熱流轉九秋蓬旅
思看毛褐鄉音聽夜鴻懷君歲寒裏何處賣松風

寄懷儲翰林畫山先生

卷一

七

榮名以爲寶多文以爲富敝帚享千金而此遺不收藏
林盛人物突起尤天秀經訓悉蓄畚史書皆苑囿指掌
方丈圖羅霄四七宿冥搜洞今昔閱議包廣袤詞林足
模範著錄多成就顧已詎朝餐憐才急哺啜一篇三致
意反覆誰勸侑曲高和彌寡貧古今難售吁嗟無雙士
五十猶稱少叶一第愚子耳柴墟映先後玉堂札甫給
金匱書行紬底事脫朝衫無心舞長袖空勞秉筆徒深
望延頸脰舊事憶武林看山對靈鷲快雪正時晴冷泉
泝寒溜木屐穿空嵌筵輿閃颺馳茲遊冠平生卽事誠
馳驟先生臨立夫論西湖詩篇未有見及語方儼龍召雲依然箭離殼歲月坐

驚韓相思日成瘦斯文寶金玉循誦絲綃書感激肯姸
姸山川忽通透行行入番書歷歷記經觀懷靈玉女潭
延賞銅官岫一壑占風烟九峰名樓環架構樓居謫仙人
碧眼宛如舊道妙聽颯縷瓊丹欣邂逅艷艷夢却醒熠
燿燈如豆起把牀頭書沈吟轉心疚束髮抱微尚遺經
亦纔究名卿難借勢聳悅恥學繡知希漫矜貴見少唯
曰陋親見揚子雲敢輕太元授逝將尋昨夢識路進可
復肆志排閭闔萬里不宿留常新日月光永刊是非謬
須富貴何時盡暮任相闕

題書櫃

卷一

五

家資無甌石遺此一櫃書先人留手痕兄弟夙卷舒骨
肉半死別千卷伴索居稱載將焉往苦被飢來驅真飢
定何物經訓唯舊畚我豈梁黍蝗得飽不願餘我年未
四十未死寧棄如含悲憶存歿視陰惜居諸生死文字
閒吾甚懸蠹魚

官米

西蜀千石米東吳萬里船南風玉湖口五兩翻其翻老
少起奔波典衣嚮釵鈿官家許平糴升斗爭相先持籌
縣小吏工數青銅錢十十與五五先取肥要纏孰誰致
剖析應手提擲還百呼不領頭垂囊路旁邊歸來兮曰

暮覆金仍空然黠者補不足欲辯非忘言仍將沙參粒
得米聲暗吞頗聞官長怒示辱加蒲鞭小懲無大戒益
喜恣欺謾北里霍家奴瓜葛多結連指麾市兒輩轉運
如循環販賤即騰糶白粲唯紅鮮餘糧到賒貸子母生
絲絲少已變丹砂富將鑄銅山問渠那敢爾乃吏蠹其
閒此曹亦赤子本庶人在官平時雀鼠耗坐倉飽窺緣
一朝豺狼橫擇肉剗心肝朝廷需德澤賑卹哀榮繚
忍教絕人命資汝生財源百姓無唯類咨汝何利焉何
當戶諸市使民不逢旃不然天雨粟豈穀盤中餐

吳興太守行

井序

卷一

五

丁未春上憫湖州百姓之被菑允大臣請緩漕運
船粟往哺以活之而民閒自穀菜不熟繼無蠶麥夏
稅期且失限未免煩有司者徵求異時縣吏催租多
持酒食顧金錢相饋其尤貧力不能者或踰牆走苟
免須臾今一呼罷民輒蹶蹶焉奮其憊延頸就鎖紐
至提以大杖不顧民非不欲走大杖以爲杖而死庸
獨異乎飢而死且旦且有是哉知府事江都唐公惻
然有感誠恐緊絕百姓以負

天子命乃磨丹灑翰下令停徵民交走相告欣然
去大熱來清風不啻矣時六月廿四日也嘗讀唐杜

工部同道州元使君春陵行竊念今代漢官良吏爲
邦伯益不止結輩十數公要公茲事不可無一矧小
生繇籍學官弟子業在讀書著文沐膏澤咏勤苦其
能無辭爰依二家體製作吳興太守行直歌其事以
俟采輿童之誦者

唐公多美政第一是停徵能將一葉蔭遮徧湖州城湖
州本水國旱潦頻相嬰上司入奏報

皇帝蒙嗟矜救災議留漕賑廩開常平奈何春夏交雨
點天瓢傾二麥悉爛死原蠶又無成縣吏夜催租打門
雞狗驚不食三日矣失限罪所丁民實畏官府民豈甘

卷一

去

敲榜可憐飢僅迫始覺性命輕是時三伏熱觸暑如遭
烹甍羸縣門暴狼狽堂階撐仰視所坐官寶飾冠朱纓
羽扇平頭奴動搖風冷洽翠瓜切水玉甘蔗噉甜冰胡
天帝魏我鞭雷車砢砢不敢略吐氣況乃求無刑何來
朱書符傳自太守廳吏胥捩眼闔顏狀變生惇逝將焚
如死豈意脫然生退衙遣歸農閭里歡逢迎忍飢辛少
安兩月寬作程鉏耒分辛苦補敗期秋成何以報太守
請歌吳興行不願公三公不願公九卿願得長借公流
澤蒼溪清五風卅六雨婦子同康寧千倉萬斯箱府庫
儲充盈百姓樂復樂受福唯 王明

選舉 并序

四年春 詔所在州縣學各舉送生員一人引見備
用而乃聞見之閒頗有違 明詔失 聖意者卽不
敬莫大是若夫儒效濶疎人材放失又其次也知我
者勿謂是區區不余畀故云爾

吏部限資格科場衡時文學校兼選舉取士良慙慙胡
爲廣文官若據要路津曰師曰弟子便坐時相親宛轉
行束修僂僂踏破紳眼不判黑白氣唯識金銀或美如
冠玉或髯兮軼羣酒肉屠沽兒悉充席上珍三物向誰
教四科今誰陳九品誰上下八行誰僞真誰何評月旦

卷一

七

孰誰鑒人倫一與世抹撥公道奚由伸吾聞虞審訟太
學升舍偏竹簟與陶器受賄猶停官使之蒙顯戮莫若
清其源潮州師趙德鄞縣請杜醇陽城爲司業諸生薦
何蕃遊學得張耒時蘇轍在陳師儒慎簡擇白足資陶
甄矧昔胡安定規矩傳循循庶幾復湖學賢才會說說
方今設天網舉錯該知仁明明揚側陋多士胡憂貧先
生勿欺余唯 帝其知人

題閩古則橫琴圖

三尺枯梧枝中有至音注絙以七條絃冷泠諧韶濩古
聲味真濫無復識琴趣夫君抱綠綺惆悵空在御高山

流水閒知音邈難遇舉世徽黃金誰將子期鐫

安定胡公墓下作

茗之山蒼蒼茗之水清清中有一抔土萬墳壓孤撐
昔禮遺像書院莓苔青茲行何山原再拜涕泗零經義
委蔓草治事虛簷楹誰修歐陽表空掩君謨銘千秋仰
湖學豈獨當時榮九京如可作吾師胡先生

眺硯詩爲沈東甫賦

老兔周天欲西匿影落媧皇鍊餘石阿誰巧匠斲山骨
似環非環缺非缺恰與沈侯供磨墨東林東老志博物
羅心胸宿二十八涵星之泓修綆汲前經舊史恣編削

卷一

六

作唐一經心獨出劉宋歐陽成合璧東甫方合抄新舊唐書煎膠大

異黏日月吾聞水精光受日團團輪郭無虧蝕就人所

見分盈闕沈侯著書免蹶蹶譬月行先日行疾只今纔

逾年四十研凸成凹冢埋筆虛心猶自忘腹實焚膏繼

晷如不及顧籍餘光比眺末東甫銘研辭後而顧學如月在晦餘光幾何欲與眺類吾徒

羲娥遺掄撫經營地上佔簡畢榮枯萃沈空擿坑坐對

生明又生魄何當相從飯瑤屑玉斧工夫試昭揭手摩

月鏡照八極研田方寸何足食

次韻答沈東甫乞書眺硯銘二絕句

瘦硬通神莫漫誇生憎餓隸出巖家入懷大有輪囷句

只欠書銘蔡少霞

倚撫羲娥到列星併光全耀益生明研池膽欲分傍照
也比傭工寄姓名劉夢得詩昔日傭工寄姓名

頃以拙詩夜雨集就正東甫先生猥辱長句品目
輒依原韻奉酬

誅茅錯比蘭成宅黃絹空題子禮辭愁苦幾曾言易好
尋常直是看無奇掩扉蓬蓬翟生涯晚夢草池塘得句遲

何似蘇家老兄弟謂令弟釋旃幼牧對牀風雨夜吟時

秋杪奉同舅氏脩翁先生入妙山途中作

謝公山澤儀兼抱烟霞癖多病常畏人蒼苔闕行迹興

卷一

九

言向山路一笑失愁疾蕭晨宜坦步十里杖輕策澗流
清若空篁深翠如積尋壑多縱鱗投林少羈馭試問玉

堂眠何如踏泉石

宿呂氏風雨菴

深山遙夜清復清閑階荇藻浮空明明孤月不開口

作去盡滿林風雨聲孟東野詩似開孤月口

妙山石壁下臨青山潭是山中第一境二首

斗起蒼崖根純漫碧潭吐蒙茸懸厓花冷香被烟水遊

魚若乘空獵影戲紅藥從從忽驚絳沈沈翠微裏殊絕

畫屏風金碧收不起

妙山呼不來隔水立突兀問渠笑不言留我坐盤石撫
琴弦清商秋思滿巖穴石邊紅楓樹脫葉如脫髮境清
難久留林端已明月終擬結茅齋臨流面青壁

上強山訪上強寺趾懷白公

白公遊南州遺恨上強寺公歸兜率天彈指八百禪山
水正堪遊還求布金地但留兩句詩清音結林籟故知
象教力不得掃文字

山中有懷朱霞山兄弟戲簡二絕句

風雨菴前小步廊故人仿佛讀書堂十圍斫卻杪櫨樹
空想當初一味涼

菴中舊有杪櫨樹今
歲呂氏後人伐去

卷一

主

諸公昔與雲俱出共說山中不可留今我愛山看不足
石泉芳杜動離憂

得棹崖翁書卻寄

并序

歲丁未棹崖翁別余歸宣城與余有渡江之約余不
果往頃翁書來言家遭火盪滌無餘儲今方賣畫江
淮閒衰殘蹇剝生意可知子知我者其爲我悲也余
三復感泣翁每痛祖父徵君父處士君兩世之喪貧
不克葬用是未能無求於人今余既力不足以振之
爰寄此詩弔其災而憫其志且冀以遺餘年扶壯心
亦贈處之義也翁名廷瑞以畫山水鳴蓋徵君家訓

云

去春君駕琴高鯉巖扉歸掩松風裏約我揚州廿四橋
淮南木落趁寒潮故園我爲蘋花住鶴背腰纏真夢耳
江湖白髮渺經年歡喜開書淚盈紙陶潛屋宇本不豐
抱朴經箱并遭燬錯教回祿相參元安得義財助章子
剩水殘山未足貧囊中留得敬亭雲清門文采看無恙
坎壈窮途莫更論

卽目

犖确坡頭落木風一川秋色夕陽中誰將慘澹經營意
添染青林幾樹紅

卷一

主

雪中得董訥夫吳江書

夢想吳江楓落餘雪中歡喜得雙魚相思字數無多子
不是傳詩便借書

時以呂和州集抄本
并自作題詩見寄

春夜過蕙圃

雪徑風廊舊履綦春泥滑滑又牽帷平生著屐常幾兩
鎮日借書真一癡金玉文章搜糞土寒暄禮數去毛皮
夜深不斷蟬聯話記取君家蠲熟時

聞雁

淅瀝秋聲赴曉陰燈前遠雁度哀音稻梁枉是饒雞鶩
夜夜星河萬里心

蔣四康民索贈因出舊扇見示是余十年前所書

曾經半面十年前淮海重逢記宛然偶爾維摩同入座

昵他定子共當筵愁看被褐偏懷玉君誠士多周漢時物話到窮

交始愛錢如故深情期白首肯隨秋扇一齊捐

得丁霍菴先生見寄詩力疾成四十字奉懷

一醉步兵厨

先生六月歸湖州詩中多言家叔招飲時事

仍飛葉縣已經時唯藥物

遠夢又江湖玉唾天風落茅檐病骨蘇殘生仗知已未

敢哭窮途

詩又有君輩尚泥塗之句

秋杪舍館杭大宗松吹書堂逾月臨分留贈

故人鳳口別三年猶喜秋齋一榻懸竟詣德公呼作忝

卷一

還攜李白醉同眠布衣兄弟偏多難清鏡功名互見憐

輕薄紛紛那在眼爲君頻纜下河船

送立父北行

一年兩度送君行

立父欲就京兆秋試于春未入都病瘧還歸

此去嚴風朔雪程

聖主自寬鉤黨禁良朋猶媿在原情力疾同行離腸但逐

車輪轉歸信寧須馬角生早向深閨占吉夢梅花香裏

待春畊

末七字家姊夢中句也

冬日客江都與太鴻會宿閔蓮峰書齋太鴻次余

贈大宗韻見示重用韻答并示蓮峰

客中對客互留連竹屋青燈坐惘然潦倒何堪中散病

飛揚空忝少陵篇

來詩有才大君須杜老憐句故借用少陵贈太白詩意

武林舊事衝

杯問漢上題襟借榻眠不是良知心鄭重幾曾輕喚渡

江船

江都寓齋得金壽門平陽消息因寄

病榻勞存問分攜箭在弦天涯方遠夢書札又殘年汾

曲秋風雁西湖春水船近遊何日共漂泊易華顛

晚步莊上

塵土生涯歲又闌意行偷得小盤桓低迷晚黛當牕岫

掩曖殘蘆釣雪灘高樹露巢栖鳥畏荒陂叢木聚魚寒

年來漸識江湖味祇覺鄉州不厭看

卷一

冬暮過霞山新居閩南歸有日喜而賦此

故人小築讀書堂約我秋鐙對置牀巢覆豈期收北海

時賢尊令弟俱被收

魂來何處遣巫陽近聞紫鳳銜天語待放金雞

出帝鄉無恙門庭文獻里

霞山所居里名見桐鄉縣志

春風盡醉一千

場

長興道中曉行

十二月十八日曉月霜林景致奇絕舟行口占

若溪歸棹破寒雲月墮霜林尚滿輪無數烟霞弄明鏡

不知誰是畫眉人

戴于庭僑居亡友錢景泉左林右水書堂冬夕過

訪酒閒感舊兼悼亡弟秉衡因示北川蘭佩二錢

君作

一自花時賭酒巡海棠無復惜餘春十年重醉書窓燭
不獨浮生哭故人

景泉有惜海棠詩云海棠一樹似人面
華大半今爲風雪折芳春何日自怡然
之刻
集

早春泛碧浪湖

如此溪山不易哉紅亭白塔恣沿洄夕陽古岸明翹鷺
春草閑房見落梅他日蹇驢馱夢去余將有開
中之役幾時烟艇
載詩來風前我亦忘機客鷗鳥沙頭莫漫猜

揚州道中戲贈同舟越客

萬壑千巖境過清憐君拋得事孤征試看十里揚州郭

何似山陰道上行

揚州客舍期太鴻不到

故園千里隔春蕪越客吳船得到無我有鄉愁向誰說
如君苦死戀西湖

自瓜洲渡江颿風一日夜抵無錫踰時不見吳中

山水攬結無已行舟薄遽未得試泉聽松修山閒

故事戲爲短歌聊以誌倦遊之意時庚戌立夏前

二日也

昨載愁心渡揚子健席高檣三百里九龍山下片帆遲
風軟波平客懷喜山空滿腹乳泉流釀得湖光尚清泚

澄明一鏡照鬚眉懊惱三春在泥滓阻風中酒長落拓
泊宅浮家合料理生來野性狎鷗鳬夢逐東風泛蘋芷
忽看清境近吳興烟浦畫船如屋裏競粧絃服惜餘春
綠樹長堤枕烟汴船頭未了酒旗招塔頂生憎暮
雲委故園地近足留連況復鄉州誇信美自今不待有
田歸不學蘇公誓江水

白蘋有序

吾郡白蘋自柳太守著名今年移種盆池春暮著花
經秋逾茂花徑寸許樣如白蓮綠萼檀心晝開夜合
葉徑二三寸有一缺而圓如馬蹄爾雅萍萍但言其

卷一

五

大者蘋郭注亦不詳其形色而明人李時珍本草綱
目謂四葉合成如田字者蓋荇之誤也又誤分其葉
爲蓴花爲萍蓬草不知合而言之元是此花身矣余
客授郡齋辰入酉出每逢花時咫尺如萬里頃得敬
直下若書言縣齋蘋花盛開閑庭晝靜玉英點點浮
水面籠鳥池魚未嘗不翹首林泉神往白蘋亭畔讀
之悵然賦此卻寄

採得汀洲日暮春盆池秋老色逾新白蓮比貌差相似
本草呼名卻亂真清晝盈盈工出水黃昏故故惱歸人
美君一樣傭書苦猶占看花自在身

索高西唐畫

西唐畫似倪高士著墨無多趣不同清遠溪山疏瘦樹
道人元住水晶宮

冬日答陳楞山寄畫白蓮

白蓮塘外冷雲清一笑開緘妙寫生宛是含南池上見
水花風葉月朧明

方回弟有長崎之行賦此爲贈

負米將焉往迢迢海外行臨深非得已送遠倍含情積
水連天濶中宵見日明白頭倚門望風便趣歸程

寒鑑樓雨後看山

卷一

圭

小閣疎窓面碧峰雨餘濃翠出晴空大姚村畫看來久
始悟容臺設色工曾見董元宰做高尚書大姚村
關山頭濃綠如濕其神品也

初夏雨泛橫山渡口因賦卽目

畫師懵懂寫雲巒潑墨淋漓膽最豚安得丹青三昧手
細撫著色雨中山

黃梅

水雲城郭數吳興曲港重湖一碧澄添得黃梅三日雨
家家門外有魚簪

題汪近人梅竹水仙三首

今年寒甚勒春遲一幅繁花見折枝幾度南窓捲簾看

雪晴先被凍蜂知

斜拂疎簷四五莖烟梢葉葉起秋聲憶君點筆茅堂靜
風竹影搖簷月明近人自題云夜半草堂添
畫稿月搖清影上紅闌

白描能事世應稀冰雪肌膚狀總非苦爲寒花寫生態
靈根抽盡玉苗肥

寄陳楞山并乞畫水仙花二首

繡鈇清吟句句奇碧天縹渺鸞笙吹心花意蘂抽不盡
餘事溢作無聲詩楞山詩有
繡鈇集

寄我雙頭玉并蓮墨痕輕染五湖烟若爲寫得寒花樣
體素含香亦可憐前年曾以
畫蓮見寄

卷一

圭

戲賦六客堂雙鶴送觀三北行

六客堂前雙白鶴高籠三歲同依泊瘦軀對舞笑矜矜
清夢誰知在寥廓一鶴春來羽翼長拂烟霄去恣高翔
迴看一鶴空軒翥猶向官厨戀稻粱

郡圃芍藥

猩血紅絨細剪裁中秋下種殿春開道人詩思同簪井
無奈花光亂眼來

雨夜欲過授衣館居不得戲柬

尋君思冒雨深巷怯衝泥同此一方地偏令寸步迷涼
堂少蟲聚默坐類雞棲想對簷花落沈吟夜燭低

題舊作白蘋詩後寄敬直

池上秋聲攪醉眠起來重拂舊吟牋
官厨竊食何時了不見蘋花又一年

用韻再題蘋花詩後寄敬直

吟罷新詩一惘然除君同病孰相憐
何當占斷滄波濶卻對蘋花說舊年

聞雞

喔喔鳴聲續續傳攬衣臨起且慵眠
琴雲心事聞雞舞不到先生曉枕邊

李長吉詩少年心事當
拿雲雄雞一聲天下白

閨八蓮峰聞余病不就試寓書見存感而賦此

卷一

壬

早噉虛名畫餅如年來妄念總消除
無端撩起閑愁思新得蓮峰一紙書

九月甚寒賦示家人

閨歲霜寒九月天幾家未辦一絺綿
夏間驟雨多懷所收絺綿甚少耐他風雪三冬過轉眼新春入舊年

十二月二十四日明年立春

和壽門斜陽次韻

西風庭院日荒荒繞遍闌干一寸腸
解道不愁明月盡玉溪何事惜斜陽

李義山謝河東公和詩啓
云既惜斜陽聊賦短什

戲題壁間影

粉堵燈光雪色新山肩鶴骨聳嶙峋
破除水墨丹青手

別現維摩丈六身

送壽門往四安鎮偶憶舊遊

夜帆燈火雪溪灣明發千峰紫翠閒
憶我秋風廿年夢隻輪車上看尖山

郡齋久夜月色甚佳授衣見過余已就寢口占示之

貪看霜月影娟娟生泊風吹擁被眠
一段清光遮不住照人直到臥牀前

郡齋偶成

經諷楞嚴朝一卷湯傾般若夜三升
誰知畫戟凝香地

卷一

壬

著箇雲堂粥飯僧

挽朱嘯巖有序

王兄立夫錢兄蘭佩亟爲余言其同邑朱君嘯巖者
嘯巖亦雅慕余然余未曾一面嘯巖也而嘯巖死矣
作二詩以抒余哀

叔寶神清體更羸纔年二十死堪悲
眼看長盡團團面偏是癡頑木石兒

曾聽蓉裳立夫談絕倒也因蘭佩寄相思
如今空妒王錢輩看殺羊車入市時

書羅烈婦李氏墓表後

今烏程明府羅公係其孫也謁文於關
學方公位立石表墓因以拓本見示屬

余賦詩

良金鍊不銷真玉燒不熱吁嗟巾幗徒與此金玉質兵
聲沸淮瀆殺氣漲烟塵上堂別君姑入室離良人妾在
難兩全求生多辱身高樓青雲端抱火厝積薪義風扇
勝婢枕藉崑岡焚事去近百年賢侯誦清芬龍眠能刻
畫樂石鑱雄文春秋書共姬萬古同悲辛我題黃絹字
何許招貞魂中天一片月長照西華門

四十初度辛浦先生分俸見遺并贈長句依韻奉
酬兼呈改堂先生

剪拂徒勞廿載強祇今一顧負孫陽飛騰暮景心先淡

卷一

手

哀樂中年餐已蒼祿俸割分蒼員藥詩篇邀和賞成章
餘生檢點耐知地贏得虛名翰墨場

歲暮舍館郡齋寫懷并簡諸同志作

老樹空庭葉脫疎寂寥官閣卽吾廬清時自棄須知命
痼疾初平且讀書少日嗽名成畫餅故人待詔滿公車
漢家聞道崇經術靡麗休教獻子虛

汪近人畫梅見寄并自作長歌題其上賦此報之

筆端誰攝梅花魂江都汪郎能偏真逃禪煮石不復作
汪兼二子成三人珍重新圖錦繡段素壁懸來百回看
玉容粉澤艷而淡萬藥千花繁不亂縱橫屈鐵蟠蛟螭

幹真是幹枝是枝思君疑到窓前見憶我還題畫裏詩
小園一樹跡如掃幾度巡檐惡懷抱瞥眼榮枯莫更論
草堂自此春長好

次韻授衣

賓館遊從六載餘隔牆來往似貧居偷閑貪趁蟬連語
作伴同攜蠹損書梅雨乍晴風入室柳陰新漲水平渠
物華撩亂羈人眼佳句煩君一起予

楊吉人以重摹嵩山漢柏圖摺扇見贈請余作歌

楊郎手攜舊京扇上有嵩山漢時柏栢高三丈間稱之
縮本重摹不盈尺爲言吳郡默成子親向伊川踏泉石

卷一

三

驚見千年萬年物擁腫離奇圖不得經營十日五日程
歸示朋儔譚在昔傳聞孝武方登封此樹非常被恩澤
三呼萬歲栢豈知甲帳神君同授職生異北平猿臂侯
死免文成馬肝食茂陵烟草久無愁王母蟠桃猶共實
乃知人君先慎德多欲紛紛竟何益五松不洗鮑魚腥
孤栢難仙赤龍骨當時偶棄棟梁材異代因逃斤斧厄
詞流附會本無稽蘇子由樂城集有嵩山十詠其一爲將車栢樹山志又載明厲仲彰區大相袁宏道諸家詩也時施尚白亦有
詩見全鄉里祈禳尤戲劇古人所開於張感君持贈廣異聞插
葉中袖不障西風塵數寸乃有千丈勢三花二室交氤氲太
古精華猶在眼茫茫元氣無邊春求福休題木居士祠

官莫舉前將軍只防妙畫通靈去好附狂歌寄嶽雲

六月十五夜六客堂對月招授衣

池館清涼夜未闌林風吹上爛銀盤秋來豈少團圓月

難得同君一處看

時改堂先生
將調官京師

丙辰七月自京口溯江抵金陵感賦

揚舲直溯大江流萬里風烟指顧收極目西來岷嶺秀

驚心東下海門秋幾回沽酒尋京口一路看山到石頭

曾是先公持節地自傷卑賤此閑遊

先曾祖方伯公順治
間司聚南江治江寧

水流雲在圖

有序

改堂先生將自吳興改官京師瀕行以此圖命題

卷一

三

因以志別
閑閑川上雲澹澹川流水任運兩忘機澄觀悟淵理先

生辭丹陛專城職十祀守轍但勤民抱經庶遺子家庭

自師友言笑隨杖履

國中兄三
即君侍立

小子忝升堂館置參多士

七年郡齋榻坐臥春風裏雙旌方首途戀嫺胡能已要

和賢達懷去留奚愜喜出岫本無心流行亦坎止斯意

誰爲傳披圖一迺爾

耕巖草堂圖

有序

耕巖草堂明徵君宣城沈先生讀書處文孫梅崖丈
手寫爲圖索余賦詩墨其左

麻姑山下讀書堂共識徵君舊隱場一代清流讓明哲

三間老屋閱滄桑於今草木猶堪敬好是兒孫篤不忘

尺幅畫圖陳世德莫將輕比輞川莊

題汪學山桐華書塾圖二首

森疎百尺桐下廡香茅屋几閣積羣書時來樹根讀

讀書匪撫華樹桐求可用莫剪最高枝留教宿孤鳳

長興縣圃雜題爲明府鮑公賦

坐樾軒

彭澤扶疎樹陽山松桂林一編時宴坐千載此同心

博山臺

卷一

三

方臺面遙山雲氣冉冉墮疑是韋蘇州掃地焚香坐

鑿環洞

達人遺世榮一官偶然寄嘉遯慕鑿環何妨心跡異

俊逸亭

俊逸鮑參軍流詠吳興作亭上一題詩家風宛如昨

前度軒

廿年感陳跡夢事經千變惟有軒中人常存本來面

宛宛正

孤嶼水中央花枝繞岸香朝朝對明鏡面面映紅粧

停橈館

隔水見茅茨延緣去無徑何來韶濩音偏許停橈聽

萍牀

朝狎白鷗眠暮同明月坐縱權信風行時穿綠萍破

木偶峰

槎枒老樹根單椒儼孤峙寧爲木偶人不作木居士

秘查

枯楊尚生稊瘦影臥春漲翠碧有時來窺魚古楂上

太鴻授衣寄示話吳興舊遊倡和之什清詞麗句

詩中有畫吟翫不足斐然繼聲二兄久客揚州因而嘲及

卷一

五

山水吳興爲第一昔賢題目不容刊浮空螺髻層層碧
入市鷗波岸寬素友頻申結鄰約新詩先作畫圖看
却愁拋得杭州去欲下揚州鶴背難葉水心北村記天下山水雖質文異態而吳興特爲第一

題沈樸翁長江萬里圖二首

樸翁八十不稱老五丈橫圖信手爲更將筆力破餘地
寫盡江行滿篋詩

吳頭楚尾昔曾經咫尺今爲萬里行不盡大江東去路
海天空濶有蓬瀛

早秋西湖舟中望斷橋陳氏莊傷故友朱霞山作

段家橋畔好家居山淥湖光只似初剛美故人三歲佳
便拋白日一牀書悼亡誰復吟遺挂霞山先於去年喪婦今尚殯莊中陳氏其婦翁也
垂死君猶返舊廬新在雲山歸省桐鄉旋遇疾卒迴首樓臺夕陽裏那禁清
淚濺芙蓉

戊午八月初三日錢唐觀潮有懷江上故人金壽

門陳授衣江臯久客

浙河秋氣清索漠侯潮行津步舟將檣波心路轉平浮
天流汞白翻海游雷轟萬馬銀鞍驟連鼉雪嶺傾越山
低欲沒吳榜避偏迎勢突披裘瀨聲吞衣錦城按時分
晝夜隨月驗虧盈故友臨江宅他鄉信客旌酒同京口

卷一

五

飲謂授衣江臯魚厭武昌羹謂壽門安得如潮信聯翩歸計成

題徐昭法隱君自寫澗上草堂圖遺跡

南州高士宅圖畫自經營門掩羣峰靜泉喧一澗清息
身知有地遁跡肯求名想像旌麾出如聞歎息聲康熙中葉開府江蘇屏騎過訪不得見歎息而去

授衣詩來訊余近狀次韻寄答

煩君念我寂寥身算得行年敢厭貧自分形骸同土木
休將烟水換風塵聯吟溪館眞如夢環飲窪尊不記巡
二語追述舊府遊從之好依舊吳興清遠在後期莫忘採汀蘋

次韻寄答陳三江臯見懷兼訊梅泚之作

季虎頭龍總擅才雙魚遠遺雪溪隈論心半是烟霞侶
落筆全欺錦繡堆談鑰志亡多里語時余與梅分修府志來詩及之杜陵
客到少新醅王郎對酒長相憶那得閑鷗立載來

寄懷汪近人二首

未須傾蓋方如故千里論交展寸心幾度江南望江北
相思深比大江深
生香活色吐天葩伴我離愁玉畫叉安得歲寒尋舊約
小春風信又梅花

卷一

三

屏守齋遺藁卷一終

門人張震校字

屏守齋遺藁卷二

吳興 姚世鈺 玉裁

次韻答沈丈樺崖

梧桐鄉裏雪中別春晚重逢若雪閒惜別每貪長見面
相逢又勸早歸山天邊獨鶴方求侶嶺上白雲都未閑
自笑羈栖類窮鳥不曾飛倦已知還

桐鄉客舍題樺崖翁畫聽松圖時翁客吾鄉

敬亭山下蒼髯叟望望樺翁策杖還我亦舊林頻入夢
披圖總讓兩人閑

余往來京口未及一訪米公遺跡偶見友人高西

卷二

一

唐爲余書扇頭海嶽紀遊之作愛其清逸乞作

小圖因題四韻和之

新詩愛詠高生句遺恨翻增米老庵好繼阿章傳畫本
便教彌勒與同龕齋舡如見迎風快庭樹猶疑溫露甘
二句本米集從此臥遊吾亦得藤枝木屐不須探

桐鄉客舍喜晤汪近人卽書其移居圖後

相思行十載相識始今朝夢已登堂數愁兼讀畫消卜
居更爽塏閉戶絕塵囂先插書連架仍留樹挂瓢東廂
糊紙閣丈室做茶寮養目簾櫳密娛情物色饒桐陰深
院靜梅亞短牆嬌粉本無須借朋簪不待邀便成三逕

計堪謝小山招記取揚州郭尋君第幾橋

題畫孟襄陽松月風泉詩意圖

深山得秋早勝事成獨往潭窺松際月林結流泉響不遇孟亭人幽期共誰賞

馬秋玉佩兮昆季寄齊刀及吳淞張氏雕本羣經

音辨字鑑二書賦此答謝并索其新購常熟毛氏所開說文解

扶風兄弟今原父遺我錢刀寸徑五函封再展得新編墨彩銅花互吞吐文存半體辨齊公字鑑羣經分帝虎恭承嘉惠心語口覆取翻看指畫肚勸我爲文宜識字

卷二

爾雅由來先釋詁我古貨今難賣懷寶無妨不售賈自慙報贈乏英瑤轉悔畚經徒莽鹵我不美君家牙籤氣壓鄴侯架亦不美金錯刀羸廣川譜只羨公是公非兩莫逆風雨對牀同汲古小學人方昧六書圖法誰僧窮九府大小二篆俗益訛眼學惟存永元許始終一亥最初作次以四聲非舊部隱湖鑄本早流傳聚木欣聞入藏弄何時濡紙脫其文鶴背重煩附囊褚

題程友聲畫

愛畫松門子雲烟長道情楓丹受霜飽風翠偈冬清沽酒前村近攤書夕照明眼中茅屋趣何路遂巖耕

飲茶懷近人桐鄉

城中旱乾惟金北湖水清深抱人爭道汲實賴口蓮花莊水價輒倍他水余病忌茗飲時從桐鄉歸莊上適家人煎水試雨前茶愛而嘆之惜汪君之酷嗜不及同品故拈此作

蓮花莊水雨前春盃面輕浮瑟瑟塵我欲毀茶猶強啜那能寄與愛茶人

余病不飲茶近人以煎茶圖索詩走筆戲成

儂家二陸園邊住曾讀茶經詠茶具眠雲跂石緣未慳瘠氣侵精心所懼巢林嗜茶同嗜詩品題香味多清詞

近人有試茶雜詠吟肩山聳玉川屋風鎭烟裏青杉枝自笑真成

殺風景欲論毀茶防齒冷若柯儻得富金匱君方奇句還堪聯石鼎

卷二

焦五斗之襄陽索詩贈行附訊余叟叟白

正喜題襟乍偏逢解纜初帆隨彭蠡鴈盤膾武昌魚荆楚歲年晚江湖朋舊疎倘尋濡雪交葭白著有濡雪堂詩問訊比何如

馬秋玉佩兮兄弟街南書屋雜題

小玲瓏山館

吾州小玲瓏飛來此庭院它日倍相思窓中見青弁

叢書樓

積卷叢高樓縹緲籤碧牙忽忽不能讀空到鄴侯家

透風透月兩明軒

虛宇滿清風層軒度明月風月浩無邊沖襟坐超忽

覓句廊

深竹長廊靜行吟引步遲偶成春草句不限豈其詩

紅藥階

階看紅藥翻地異彤庭敝應使謝元暉羨此中園賞

石屋

構架因空嵌中宜息心客我欲掃巖扉長茲面青壁

看山樓

憑高一曠望嵐彩紛無數指點江南山憶著江南路

七峯草堂

卷二

四

窗戶盡空翠數峯方悄然還從竹林外望望嵯峨巖

梅寮

幽人著書處繞屋梅花林與花獨晤言時見天地心

清響閣

清響出靜佇山虛水泠泠祇應松頂鶴踏閣來同聽

澆藥井

穿井藥畦成春苗鬱翹秀藥潤井泉甘飲之宜老壽

藤花庵

藤走翠蚪龍花垂寶瓔珞宴坐古先生忘言對開落

題陳丈澤山諸孫受經圖

不獨園林比鄭公韋編錢摺見家風禮堂寫定寧嫌暮
且喜傳經到小同

程文石出其妹叔貞墨梅索題

幾點疎花墨暈成居然林下見神清前身可是邢慈靜
能事還看不讓兄

鏡裏二首

鏡裏朱顏變不停未秋蒲柳卻先零頰豪漸有兩莖白
雙鬢原無萬古青莫向蒼華悲種種也休側室染星星
饒伊皺盡觀河面還我靈臺一點靈

卷二

五

勲業從看杜少陵燕領虎頭終奮迅鳬眉火色總飛騰
一般身畫凌烟閣不畫鬢髭有髮僧

夏日客中遣興

過鳥流光獨客知亂蟬聲噪夕陽移扇拋白葛涼生處
書掩青天露坐時菱葉荷花水楊柳豆棚瓜架竹笆籬
故園頗自宜消暑歸及秋風起未遲

桐鄉客舍苦熱有懷漸成草堂荷花奉簡按察戴
丈并視公子光林令姪闇成

日陪文字飲瓊荷初發池竭來談醺闔玉井想華滋世
界妙蓮花雲錦爛澤陂懸知謝府暇暫向葦園窺泛舟

共褰裳登嶼各賦詩遙山羅步障城上互蔽虧游鱗闖
風簾葉中獻淪漪清飈滌煩暑景相娛嬉行杯折翠
蓋譚塵揮松枝末座念羈旅隔湖望茆茨誰令逐穠穢
客舍同蒸炊仰見東南雲因風西北馳苟秉丹石心無
畏紅芳萎憑公酌花語良覲秋爲期

叢蘭一章題棹崖翁畫松兼送其溯江歸宣城

叢蘭本香草風雨或敗之豈獨顏色改所性從此移
翁抱松心身如青松枝分身入畫圖輪囷而離奇不施
寫女蘿何論蕢蕢施極知持贈意肯肩錢刀爲修來兮
忽去秋氣方變衰心驚木葉零目送江波馳山中有靈

卷二

六

藥茯苓胃免絲資君後凋福寄我長相思

吳江道中晚泊

纜船青楓岸林寺帶暝色鐘聲飄暮雨響入湖烟溼猶
送遠江帆茫茫去安極

答近人寄畫

客從淮甸來遺我雙立幅峭蒨凌風梅脩纖冒霜竹猗
蘭不紉佩抱質在空谷云誰羅衆芳臭味原一族伊人
判年別騁望千里目想見高杉陰棲遲數閒屋染翰寄
相思開緘吐餘馥非非偏襲余采采難盈掬秋草溷芸
黃春華賁寒木懿此貞秀姿中林伴幽獨

題學山所藏徐幼文畫

幼文元末避地吾州築蜀山
書舍其作山水往往似之

鄉思忽無際徐公畫有靈林巒戴顓路雲水柳家汀孤
權自容與清暉何杳冥望中精舍近猶似蜀山青

題獨上江樓圖爲程軼青悼亡作二首

悼亡詩續定情篇半載齊牢了百年剛道圓姿能替月
不爭一十二回圓

水天閑話更誰酬惆悵吟成趙倚樓亦欲忘情如太上
滿江風月喚人愁

清明前二日過按察戴丈漸成草堂留飲看花時
梨桃盛開有梅花一樹臨水獨放感而賦此卽呈

卷二

七

按察

百五春園節候佳寒梅剩見後時花自綠冰雪開遲暮
不共梨桃鬥物華結實會先張谷樹成蹊還讓武陵霞
謝公若倦登臨賞誰與孤芳到水涯

題畫松

百尺蒼頡澗壑深屈盤孤抱歲寒心縱然材大難爲用
不庇山苗徑寸陰

揚州馬氏小玲瓏山館詠荷竹有懷故園二首

客睡起常早曉園風露香翠翻歌曲檻紅潤艷涼堂目
翫盆池種心隨鷗鷺翔蒲蓮正如海歸夢水雲鄉

吾州下若溪夾溪饒碧簾翠羽滿林飛清流一道貫沈吟故園思徒倚幽亭畔便欲揀漁竿不是江南岸

題馬佩兮桐陰小像

斫斫窮年萬卷餘偶來蕭灑送居諸樹根片石能分我恣展君家未見書

初夏薄遊揚州馬秋玉佩兮兄弟爲余置楊叢書樓下膏馥所霑丐藥物所扶持不知身之在客也秋杪言歸又以紅船相送渡江所恨者京口勝遊尙負山靈諾責耳途次有作聊抒別懷

自嫌觸熱走殊鄉只爲春明別有坊作客渾如在家好

卷二

八

款門不厭借書忙沈絲痼疾三年艾安穩歸人一葦杭迴首離情滿江上寒山千疊正蒼蒼

半舫

錢大復姑夫題

陸居舟是屋池畔水連階側置觀魚檻平分畫舫齋風波容穩坐湖海入奇懷余亦航遊釣終期泊宅偕

哭董氏女子二十二首

有序

董氏女子名益敬字元吉生於康熙丙申十二月初五日於乾隆壬戌二月十一日挽身得男墮地而母子俱殞余無他兒子獨此女聰明仁孝不啻陶公所謂弱女非男慰情勝無者今已矣割慈忍愛觸類增

悲豈能備辛酸之苦言聊以寫荼毒之極哀云爾是歲十二月孤獨生世鉅書

天桃穠李近花朝二月繁霜一夕飄枯樹固知生意盡中庭不分蕙蘭凋

端操幽容眼見稀吉凶影響杳難知棘心瓦質多全活枉殺吾家好女兒

早嗽虛名不療飢一瓢顏巷日趨西祇應我愧爲人父嬌小何曾索飯啼

十歲言詩有性靈木蘭愛說替爺征黃泉不是黃河水聞否爺娘喚女聲

女幼時誦木蘭行竊問曰朝氣傳金瓶索光烈錢玄此一聯著色實爲大雅若鋪排過多恐近於小說者存余

卷二

九

抑哀強自拭啼痕病婦悲號似斷猿欲道情鍾是無益轉喉嗚咽已聲吞

硯匣終朝傍鏡奩繡牀長自挾書函非關無子偏憐女還笑陶家有五男

弱女非男已自悲笑言聊共一編開幾時寂寞燈牕下重見殷勤問字來

愁別年年少在家累渠吟望向天涯關河羈旅今猶昔誰復哦詩念阿爺

去年憂汝病支離藥裏關心不廢詩斷紙零牋付夫壻

綠牕遺稿忍重披

牽蘿補就小茅茨喜氣門闌彼一時不料三年光景促

歌於斯卽哭於斯

結綯仍不出門庭女母相依影共形七十里程愁遠別

夜臺何路望歸寧

黃氏家南潯墳之就聚
余宋三年女尚未願見也

貧家生小儉梳妝竹筴練裙少盛裝繡得羅襦幾回著

送終猶是嫁衣裳

衫袖時因戲墨烏誰禁東抹又西塗擡頭添得傷心淚

牆角塵封放鶴圖

女嘗以尺幅紙戲仿
沈石田晴江放鶴圖

新種寒梅傍石欄巡簷幾度小團圓花開未落人先死

卷二

十

憐汝何嘗子細看

銅瓶折貯小梅枝正盛繁花忽變衰妖夢六年今是踐

禍來端被鬼神欺

歲丁巳余客桐鄉夢女手折梅花一枝俄頃盛落此釵
意頗惡之今女死之前一日房中瓶花正盛運明而稀

疎無幾若有物摘去者
感憶清夢殆魄兆也

汝母驚呼入戶遲形神奄忽欲相離但留一點辭親泪

萬恨千悲永訣時

玉芽旋折珠沈顆歡喜生男命共捐縱有白家文集櫃

也無談氏外孫傳

傳業今方美蔡邕慰情那更比陶公明知此恨古人少

哭女偏當無子翁

上書贖父有緹縈刺血牋天鑒汝誠疾痛汝還呼父母

籲天無路可憐生

余嘗患危病女刺指血爲書以告天已而病漸平
有人有知者向余太息言其事女終不自明也

未敢輕身犯科戒或因遺行負神明省愆補過吾何及

慙痛無辜喪爾生

王右軍帖官奴小女玉潤病來十餘日將忽發病于今
轉爲良由民爲家長不能克已懃修身犯科誠以至於

此

我憐有姊停喪久汝念諸姑每涕零後死可辭爲弟拙

一杯終瘞謝山銘

壬子六月遭王氏姊之喪時立甫方策則部獄既歸不
數年相繼天歿草殯山開女每與母語及輟獻歎曰安

得善父稍有餘力使諸客畢舉始亦免於暴露乎其於親愛倫理
開存心類如此友人全吉士紹衣先爲立甫撰志謝山其別字

廿年骨肉半幽淪未死重消九逝魂地下還哀此焚獨

相逢冤怨更堪論

卷二

十二

卽目

成子朱櫻映戶屏引雛紫燕拂簾衣柳花如雪無人管

任爾漫天攪地飛

題姜學在雙幅小畫六言絕句二首

幾畝離離淡墨滿林謾謾清風不到崢嶸野次誰知工

壑胷中

身世耗磨酒棧襟期瀟灑吟筇莫道空山無伴結交自

有青松

錢唐客舍與汪君別

情過數面親無計留君住後會更何時葉落淮南樹

歸家悲女

久客歸亦好何爲轉悲酸頻年賦近遊預恐歸期愆入門問無恙弱女迎堂前起居安否旅食倘加餐次第啓箱篋先索新詩篇頗復能賞會吟翫開心顏亦有小碎詩遲疑出袖閒把筆請點竄雜語方更端囊空忘羞澀大家喜園園茲來獨不見惘然淚闌干

去年九月初三日秋玉昆季以紅船送余歸舟渡江今重往淮南阻風京口亦正是九月初三日即事感愴賦此遙贈

去年今日送將歸今年今日重尋去盈盈一水望瓜洲

卷二

三

西北風來橫斷渡客愁滿眼大江流誰障狂瀾不東注但得君家紅板船不怕金山塔鈴語

秋杪客中病瘧

客病三秋候根從春種深猿枯失子泪雁背去鄉心地主勞相問謂馬氏兄弟醫王須自尋天和如善養六氣可能侵

過馬力本所居時下第留京師

何處孝廉船公車又一年文章無得失時命有哀憐飢索東方米潮荒下潁田經過問消息直北路三千

旅病初起偕文石鳳岡秋玉授衣過寒木山房值近人振華方清齋禮佛因留蔬飯卽事漫成

病思羈愁兩不勝相逢且任運騰騰鈍根未許皈依佛浪跡聊同雲水僧風味齋廚餐杞菊威儀像設炷香燈若爲圖出蓮花社上箇籃輿似我能是日獨余坐肩輿往返

秋玉買天寧寺後廢院數楹葺作別齋署曰行菴初冬招同人契集卽席有作二首

到寺滿霜葉入門先竹林羈懷散晴晝勝引愜幽尋行竈傳吳味登樓動越吟庵左有某氏小樓可登眺縱非吾土美徒倚夕陽沉

天地本蘊廬行窩樂有餘未妨三宿戀還讀十年書鄰樹枝頭烏朋簪花外車打鐘兼掃地常住竟何如五溪生常欲打

卷二

三

鐘掃地爲清涼山行者巖余病困亦懷斯志今乃自悔其牽于俗而決之不早也適感秋玉之言輒爾申意

昔歲庚戌余客揚州曾主方兄右將許經月辭去一紀于茲頃辱見和拙作贈秋玉佩兮詩歎鬢髮之老蒼惜聚會之難得感念陳迹疊韻奉酬

遊展頻經獨此鄉十年陳迹記西坊春鶯出谷匆匆轉秋燕辭巢故故忙憂患偪垂知命歲飄零愁問渡江航何當鄭重邀佳句衰髯翻添一倍蒼

黃山周君仁質僑居廣陵與余未曾相識而因鳳岡近人數君以知余去年始晤於青杉書屋輒出所製墨見贈且先之以詩余遲久未和而仁質已

以病歿於舊山會余重來廣陵聞訃感歎不足賦
此以代紼謳

數面成親舊況茲情更多贈詩猶未答遺墨忍重磨扇
愧延陵劍余試所贈墨書一扇神傷蒿里歌與君皆丙子逝
水感前波

余將去揚州既與佩兮別後聞其生子作此寄賀
并視令兄秋玉

天道寧難問如君合有兒祥熊夢來久仙果子非遲同

類聞之喜全家樂可知架書三萬軸好付鄭侯窺王厚齋
困學紀

聞李泌父承休聚書二萬餘
卷鄭侯家多書有自來矣

題聽秋圖

卷二

古

熱惱初除炎景移颼颼便發感秋悲昏昏靜俗誰同聽
警鶴飢鷹共得知

歲暮同江臯歸舟渡江因憶己酉十二月與太鴻
江臯同舟遇風事有作

萍蹤偏殘臘瓜步又歸船迴首風波事驚心十四年夜
燈京口酒寒浪海門烟差羨南湖隱能求負郭田太鴻自
號南湖

隱花

吳敦復於京師書肆買得宋板許用晦丁卯集乃
其尊府君繡谷丈舊藏本題詩索和感賦五言長

律一篇

吳生閱燕市買得許渾詩乍見心疑夢先人手澤遺傾
囊寧自惜朕篋竟誰為竊玉書歸日亾弓憶失時天涯
神物護家世子孫貽故物君能譜新篇我和遲一經淪
質庫撫事慶兼悲先考所遺石經舊拓本壬寅
歲歸與庫中不可復得矣

甲子二月董壻堅之客授崇明余女之喪已再期
矣頃續娶倪氏即余妻之姪也又抱篤疾因書所

感并以贈

幾載同歌哭茲辰又別離海城輕遠客鄉里賤經師
瘠瘵伏生傳堅之墓向書
大傳方成乘桴博士帷嚴君歎行役新婦病

卷二

五

傷悲去住俱無那飄零也自奇人烟連蜃氣溟漲助文
辭書札春潮信歸來秋賦期山中桂花發遲爾共銜厄

青山白雲硯詩有序

廣陵程振華蓄端石厚盈寸脩咫微精鱗鱗然山骨
露青其平處紫質而白章類雲氣氤氲試以墨真合
前輩所說如熬釜塗蠟者余薄遊淮南購硯未獲遂
蒙輟贈爰乞高西唐篆銘曰青山白雲銘以詩

敝廬青下陽白雲護柴門雲懶不出岫請我旅淮濱炎
官行夏令火傘方策勲傾蓋子華子清風隨故人憐我
石田荒賞我墨花春攜持端溪璞知是心所親天然謝

雕鐫佳氣騰氤氲巉巖紫翠屏
藹藹銀色雲條若夢中山移作席上珍
妙手銘其背朱書小篆文金星難比並
紅絲寧等倫曰歸借石友雲山永爲鄰

方環山寫山水橫卷付令子孟徐白題一詩索和得二絕句書卷後

成都桑樹橘洲奴何似林亭枕澗隅
應有滄江虹貫月米家書畫付於菟

君昔看山到浙西蒼清霄綠路猶迷
怪來篁竹烟沙岸偏似儂家罨畫溪

題環山仿大癡畫卷三絕句

卷二

六

江南宗派漸消訛畫手甜邪俗賴多愛
爾新圖師法古前身應是大癡哥

紅亭白塔簇岩巒飛瀑危橋隱樹閒
最好川平林斷處隔溪無限夕陽山

一重一掩我肺腑某水某邱吾釣遊
客裏貪看畫中景舊溪閑卻幾漁舟

沈蕙圃六十

兄事十年長交親二紀餘餘生飽憂患
舊友漸凋疎弟子居成市諸郎花外車
春風一杯酒投老幸相於

題近人花卉畫冊十首

水仙花

華裾青如蔥衣被金玉質坐對小牕中
誰知此愁絕

桃花

桃花紅勝錦桃葉盛宜人一送劉家女
心傷萬古春

梨花

百五春來期花與月同色題詩禿鬢翁
惆悵東欄雪

藤花

峭壁靈山寺藤花綴細紅廿年巖下夢
都逐酒杯空

芍藥

紅藥當階翻迎風復含露留此表餘春
無爲惜遲暮

卷二

七

蘭

生爲王者香級作騷人佩不採亦何傷
無取人服媚

黃葵

金釵新花樣黃羅淡粉痕饒伊能衛足
猶恐刈傷根

石竹花

初卉南階下娟娟幾穗紅自知明艷好
何處買春風

雁來紅

廣庭秋意深春榮暫時好何如託豪素
長年不知老

桂花

連螭桂之樹宛在山中見秋風日日吹
遮莫花如霰

竹下菊

蕭蕭數竿竹下映一叢菊展卷倍相思佳人在空谷

水仙花

結交他山石心愛寒泉食只合餐霞人忘言兩莫逆

傷足不出門忽焉春半聞山中梅花正盛因憶西

塞舊遊賦寄西岡先生於嘉興官署并舍弟敬直

索共和之

東風吹和解寒沍日見華滋發庭樹芒屨挂壁翹足眠

夢到溪山舊行處繁枝宛插水邊籬疎影猶橫松下路

提壺半醉宴未闌喚起一聲鶼正曙可憐幽鳥盡情啼

卷二

六

似爲梅花惜遲暮憶初竝載出春城廿里輕橈尋野渡

摘蔬燒筍傍行厨芳草如茵敷坐具晴雪漫川蒸白雲

明月千林散香霧傷心哀樂曾幾年迴首登臨已前度

詩翁理劇叢簿書倦客懷鄉託豪素項得破直書南湖倘復勸

農出西塞何緣結鄰住敬直有西塞山居圖羈愁病思阻攜手瞥眼

流光又飄絮天上元知無塞人林間尙想客徐步及時

杯酒身後名移尊試酌尙書墓西塞山有鄉先生明尚書墓公處直墓今人猶號名山爲嚴公墳所

前多
梅花

亡女舊房牕前兩梅樹今年一枯死一無花泣然

成詠

荒庭剩見兩梅栽一樹先枯一懶開花意也應愁獨活
不教春色入門來

題聽鶯圖

二月江南烟景和嚶鳴出谷感人多不知深柳龍池上

誰賦新鶯百轉歌

因樹樓詩有序

韓江洪軾澄祖母馬孺人嘗於舍傍構小樓種杏庭

階爲諸子讀書遊息之所既歿而其子頻齋翁感念

手澤逾益封殖茲樹已枯而復榮并擴大其樓題以

因樹翁卽軾澄之考也余交軾澄感其事爲賦此詩

卷二

九

洪家母子堪矜式不事依鄰斷機紵小樓架購見詒謀

仙杏栽培猶種德開花成果年復年孫枝出屋高連天

傳經鶴髮褰紗幔把卷佳兒讀樹根霜風摧林木葉隕

庭樹婆娑生意盡板輿無復周家園慈竹終當抽孝笋

新茁瓊枝紅破萼重喜茲樓增式廓憑闌添得望雲愁

分甘尙想含飴樂吾廬病樹俯西軒搖落空悲手澤存

陸賦慚余陳世德青衫羨爾讀書孫吾家病樹軒有玉蘭一株是先曾王父方伯府君手植屢經風雨所漂插口就凋落矣

植屢經風雨所漂插口就凋落矣

六月旣望雨中秋玉佩兮昆季招同文石鳳岡投

衣集小玲瓏山館以雨檻卧花叢風床展書卷分

韵得鼓字

連陰盛暑雨嘉會欣相同依然文字牕宛是菰蒲叢客
愁聽易起炎景坐來空不有盈尊酒何以慰飄蓬

秋夕寓叢書樓同人各以事散去獨坐有作

鄴侯插架最多書假我閑房作蠹魚解話愛傳何氏學

時借佩今宋鄂州官書公羊解詁與義門手校毛氏刻本註疏對勘寂寥堪比子雲居誰家今雨仍

來客別館同人似趁墟賴有一編相伴住緩尋歸夢夜
牕虛

秋夕旅情

隋苑鐘沉暮靄微短檠獨夜思依依雨昏羅逕蛩吟苦

卷二

三

風透紗幮蚊聚稀三伏幾曾捐羽扇一涼且莫棄絺衣

由來寒暑成時令未必空山便息機

飛鴻響遠音

何許輕鴻度先傳空外音河秋天肅穆雲靄路深沈響

異于達羽哀非集澤吟張羅徒視藪聽奕不專心楚越

因聲辨烟霄卽目尋謝公高唱在欲和愧鳴禽

秋柳

隋隄一望暗魂消烟柳枝枝漸欲凋樹老無花猶拂馬

月中疎影不遮橋露涼賸點將枯眼風緊羞誇舊舞腰

莫向江潭歎搖落春來還擬惜長條

重陽後三日集行菴適大恒開士自西湖來遂邀
入會同賦

涼風過吹帽文譙開精廬閑雲靄雙林秋花澹廣除巾
冠素心侶瓶鉢緇流俱清秀霄之畫大恒本善州施氏子故以畫公相日舊山
形跡疎欣逢蓮花社同載三乘車妙句吐湖淥我愧詩
孟徒蕭晨易爲感聊遣羈懷抒

題徐念詒藝經圖

故侍讀壇長先生子

夙聞韓子言經訓乃苗裔時學本先撥枝葉空扶疎甫
田莠驕驕窮大失其居前輩李安溪六藉搜根株及門
稱入室何楊張蔡徐何學士此題楊尙書實寶張翰林長史蔡侍郎聞之及侍讀尊府魯南翁

卷二

三

文稿味道腹手錄榕村語侍讀纂記安溪先生榕村語錄三十卷已刊行後生資範模

美君家有師日向親闈趨宵播兼宵穫耘業勤詩書在

昔沛陽間傳經盛諸儒于今得嗣音帶經而荷鋤我愧

不殖落曾不稊稗如何當手一卷相從稻田隅

復翁屬題舊隱圖

玉關曾是舊元戎歸傍淮南桂樹叢剩有餘情寄圖畫

九龍山翠五湖東

杜老成都舊草堂歐公思穎見篇章釣游公有難忘處

不獨桃源是故鄉

紙牕竹屋圖

時余將歸里秋玉屬題

凍雲壓屋冷吟身寒夜迢迢客夢頻想見故園風雪裏
一燈燈火話歸人

陸淳川有卜鄰雪上之約詩以堅之二首

最繁華地好抽身清遠溪山擬問津君愛桃源在入世
隔牆我願得芳鄰

桑苧依稀舊址存更留顧渚水邊村他年掌故添流寓
好繼君家二陸園唐陸鴻漸有桑苧園陸魯望有顧渚園皆吳興富賢君家舊聞也

十一月十一日小玲瓏山館對雪聯句

子月尚暄和陳章丙夜忽淒欬初爲雨脚凍屬突作風色
惜寒柝聲漸沉姚世荒鐙燄頻颭撒沙響虛牖張積素

卷二

三

耀危檻被池生廉隅章枕角冷圭琰曙早起猶怯氣
嚴出未敢庭空亂回旋世石怪竟粧點綠隙胷若塵增
堆簷覆成廣禽饑難啄章兒戲手欲擊眯目疑復墮
失足防入坎毀茶多懶掃世惜竹重宜撼飄瞥竟聯
聯增紛糝方冉冉有客船阻歸章相與祛再摻遙思大
江白鵲但見同雲黯交飛射鵝鷺世急陣灑葭菼玉峯
迴可畫增銀浪疊誰犯匿影閉閑齋章促膝探秘檢宛
然鶴延望鵲儼爾魚聚慘得酒歡喜生世開爐噤瘁減
地主獨能賢增羈人自多感急景憐崢嶸章長年抱顛
顛劉冰待過淞鵲鼓柁擬入剡何當問郵籤世陽烏放

朝昌增

看山樓雪月聯句

雪既晴月復清屬氣最凜光晶瑩陳登層樓幽情姚
炙水硯溫酒鎔馬日澄萬象增雙明馬日廣寒府白
玉京鵲竹聲碎松影橫章天籟寂詩思盈世剪殘燭戀
深更日歲云暮志合并瑤

五十初度寓馬氏書齋秋玉佩兮昆季爲余招集

詩社諸君觴詠竟日賦此志感

行年忽五十栖栖爲旅人暑雨渡江來雪華霽通津君
家兄弟間地主宿心親招邀四三賢文宴展慙慙中厨

卷二

三

飭甘腴明燈燦重茵憫默竊向隅念我生不辰少壯叢
憂患垂暮百酸辛迴頭望故園萬感集茲晨諸弟屈指
期病婦愁眉顰朋歡固堪戀鄉夢亦已頻曰歸又遲遲
此意將誰申哀歌激凍弦聊爲知音陳

八赤道中舟行阻凍

五湖寒浪高於屋元冥令嚴澤堅腹行舟銜尾剪吳淞
剡木斲冰如琢玉川途通塞匪由人會待東風解凍辰
試看挾柁開頭去此地還成要路津

歲暮雜感二首

幸有蝸牛舍歸休蟋蟀詩眷言五世澤難用一繩維破

尙遮寒暑將壓棟榱栖栖門戶計俯仰涕交頤
急景風吹舊窮陰雪壅廬融融出後視澗東消初無
女誰傳業餘生自寫書來春過半百終分老蟬魚楚辭賦將出兮

早春雪後泛夾山漾

羣峯繚西南玉立一色淨寒溪何泓崢舟逆風力勁微
和開新霽百里見澄瑩雲陰復干陽湖天杳然瞋巖壑
無春姿松篁自幽映戢翼方戀巢隱鱗未窺鏡望岫心
暫息臨川淚潛迸故人同逝水悵望茅堂近流澌塞斷
港積雪沒荒逕蘇東坡吳君之表是日欲往莫庚却以舟阻凍不果空感喬公戲重類林

卷二

五

雍鑿浮生良局促塵夢幾時醒山中負長錢江上理孤
榜余將之揚州何當謝翫紛彌年遂清興

書吾炙集後

明季詩多派虞山任別裁列朝方撰集餘論倍憐才嗜
異秦人炙辭同庾信哀百年殘蘖在撫卷重低徊

次韻張詰士春夜聽余閑話舊事之作

簾外春霜夜思清閑追憂患感餘生七年卧癖寧非命
三木囊頭坐有名時及已庚間親故遠繁事摘句尋章窮活計傷離弔往
病心情勞歌可待尊前續烏鵲風枝未定驚

客中得綢文兄書言將有汾晉之行計日當過江

淮間待申面別賦此寫懷

病中時序客中身一雁南來說苦辛兄弟可堪垂老別
齋盟只願在家貧風花二月又三月籠鳥依人還送人
迴夢玉湖新柳色并州無此故鄉春

題馬士英畫

剩水殘山信手爲百年留得墨離離與人家國渾閑事
那不常稱老畫師

題方君松陰獨坐圖二首管子幼字耳

物外烟霞託契深松根一坐日移陰若從胸次論丘壑
把臂何人許入林

卷二

五

我愛丹青管幼字爲逢佳士寫爲圖分明瓊樹風塵外
可是尋常山澤臞

詰士移吳中白蘋種盆池作花邀詩友同詠

別花例待能詩人君愛汀洲采白蘋盆池滿汲蜀岡水
貯將一簇江南春儂家柴門五亭渚每惜此花棄如土
鳬雛鴨子爭唼喋菱角雞頭誰比數當年曾識柳文暢
天遣張郎愜微尚移根終異橘踰淮託跡寧同藻打浪
碧葉團團散馬蹄文鱗游戲隨東西檀心綠萼晝初吐
長空莫放金鷄低主客閑庭日延佇猶嫌未得浮家去
我更沈吟惆悵多故園不爲蘋花住

五月晦日榮木軒觀趙承旨番馬圖聯句

溽暑如蒸炊齊月令當房馬尺幅展虛堂竹萬里見朔

野顧此渥洼姿田審是魏公寫傳神形權奇井落筆勢

豁間飄蕭風髮披川慘淡汗血漉連錢散滿身鳴踏雪

沒半踝低頭受羈絡竹逸足困跨跨天廐羣早空意龍

種世本寡一匹意已足玉千金價誰捨奚官磔髯鬚漁

胡服飾帶銙凌兢面色鰲鳴蒙茸裘緣藉豐貂護耳垂

短策裏袖把冰堅長城窟意草白陰山下衝寒欲何

之玉適遠任牽者遭逢哀王孫漁劫運屋宋社豪素託

深情鳴鈴印記大雅畫殺事或真竹形化語豈假伯時

卷二

其庶乎意聖予非敵也拂拭搢玉父玉賞翫行翠竿移

曝向西廊漁凍雨忽鳴瓦鳴

夏日登釣魚山憶與王隆起鄭觀三及族弟示周

遊集今鄭已云歿愴然感舊

連峯根水西中流聳磐石陂陀稍南迤北枕澄湖碧近

治早能遊名歸釣竿客憶昨秋正中天高氣沈寥野艇

兩三人延緣此投跡遙挹左相尊便坐劉靈席臨潭翫

魚藻捫蘿踐苔壁離會參與商存亡今異昔圓魄幾盈

虧孤行倍悽惻運往彭殤齊愁來天地窄城昏山烟凝

漁散川光夕林籟遞叢蘆荷風薄粗綌落景趣迴橈汀

洲數聲笛

夏日蘇州道中卽目

大溪橫入小溪幽夾岸清陰冒碧流知有柴門深樹裏

桔槔船上載歸牛

雨中著老書堂聯句

炎景氣齊蒸田虛堂地幽閒熱客謝能藏田情話悅親

戚苛禮刪毛皮齊忘形任袒裼赫曦忽焉藏川玄雲謁

以霖入室風調刁意著樹雨浙瀝聲希疑少休勢勢猛

遂無敵笑電閃暗窓鳴狂飈撼堅壁盛怒翻淮江漁餘

勇戰霹靂直注決懸泉意斜侵射鳴鏑倉皇護床書詩

卷二

指顧浸堦碱渾渾曲池盈鳴活活陰竇激陡覺秋意生

頓爾煩襟滌團扇卻蒲葵意單衣理阿錫拂簞定佳

眠詩對酒便能喫柳梢明綺霞鳴荷葢剩銀礫低何竹

林閒意延賞待新感意

詰上邀遊淳川環溪莊余懶不行歸示新詩因亦

戲作

不到環溪整一年更聞添得好林泉山因池位增加峻

水繞花陰屈曲穿陳迹定淪書竹墨聯吟空負泛湖船

重遊正恐多惆悵先是輸他二頃田

題邵陽車生槐陰宴坐圖二首生名莘字聘賢善權拓碑書

白石清泉孰與同消搖坐受綠槐風秦吳萬里茫
可閑身似畫中

關中金石富遺文好古難從缺蝕論碎壁斷珪彌可寶
賴君精意得長存

叢書樓下井

叢書樓下多時住長照澄明一鏡涵冬滌硯辭龜手藥
夏浮瓜愛沁脾甘灌花老圃無晨暮抱甕鄰人或兩三
到處交情還似水就中性淡是街南

送全紹衣歸寧波

武林談舊事淮海共飄蓬相索形骸內頻逢羈旅中一

卷二

末

官君落魄多病我成翁珍重南雷學離心源浙東余復紹
交於大宗座間今君方續成黃梨
洲先生宋儒學案故起未及之

瓊瓏館主分餉于酒與詰士對酌率賦報謝

少誦虞山詩頌贊于家酒美人與君子比竝未曾有沈
吟欲垂涎安得嘗旨否昨聞渡江航好事餉吾友分甘
憐渴羞滿甕忽入手侑以嘉餽膜并惠
美炙芬香盈牕牖色
清味更正釀法宜傳久想像百年前風流逾篤厚馨逸
勝越中澄泓冠京口迴思故鄉味醇粹較堪取英氣此
未除稍落烏程後其餘杯中物甜濁俱卻走地主南董
流頗爲有首病夫稱小戶亦酌以大斗三蕉誇嶢谷

五字愧蒙安嶺谷飲于酒詩云五字
與山老三蕉嶢谷生醉筆掃寒愁一笑當鼓岳

與詰士別後歸舟夜宿京口對月有懷

昨夜西窓照別筵今宵獨對月嬋娟故人把酒還思我
一舸寒江宿鷺邊

冬曉望下山雲氣

寒雲晴鎖最高峯不見崇朝雨意濃直待盡驅山下虎
斫頭驚起洞中龍吳越旱乾近
山多虎食人

寄懷潯州戴三丈大夫十六韻

祖席三年別川途五管經驂鸞新記錄冠豸舊儀形將
底金隄續俄揚桂海舲大夫以江蘇按察丁憂起
復辦運河工旋拜今命柳烟霏綬溼

卷二

末

桃雨帶旌零別墅王孫宅西莊給事局魚梁仍對字詩
嶼亭名冷孤亭野艇憑誰買大夫有漸成草堂與敵座相隔一水嘗
欲造小舟繫難易以便往來迄今未果園
花笑獨醒有懷充水手無計伴畦丁飫眼江淮白懸心
嶺嶠青潭消嗜慾寡峽靜里間寧臥理綏南部搏扶起
北溟公子世林鹿京兆甲
子秋今觀省在滄清篇岳州詠才子孟陽銘悽惋江
山助相思蘭芷馨園園悲且慶頃蒙垂寄六十餘祝詩
四章中及愛女之盛徵召下
還停鄉思峯頭鴈官情閣下鈴戀思難便老堪謝草
堂靈

正月二十五日小泛城南

力疾出春城溪山到眼驚畫雲嵐翠活鋪殺水紋生沙

際仍莢柳林間未囀鶯風光何負我聊復摘船行

將之揚州與家人病中別

暮齒千行淚新年百病身自然憔悴盡何待別離頻樂
裏關心勸衣裘倩手紉平安早相報江上有春鱗

吳江舟夜聞鴈

春江霜重月華清嘹亮燕鴻逐櫓聲辛苦天涯羽毛薄
可憐北鄉是歸程

題程文石自寫還山圖卽送其歸休寧四首

淮海論交二十年客中分手惜華顛臨岐且欲留君住
一展斯圖意爽然

卷二

手

汉口圖經幾臥遊其從文石借看汉口志其所居正山水故佳處茂林脩竹又清流夢

中我亦能知路何況君歸是故邱

移將生計未爲貧收得天涯健在身去冬君患疾幾殆一片鄉心

先去鳥窠成山水亦精神

飛絮飛花似廣津江帆牽引旅愁新憑君擬畫家山好

白石清泉笑殺人

秋玉佩兮昆季招遊黃家園率題四首

冥濛池館傍江沙伊軋肩輿十里賒不是故人情爛漫
誰能冒雨去尋花

入門處處碧波涵一一牕扉面鏡潭柳綠桃紅水光上

滿園煙景似江南

貪看江上數峯青平地爲山更置亭一廬烟雲遮望眼

別饒詩思落空冥

故里春光未有涯鄉愁浩蕩白鷗知可能補貼看花眼

一飯然忽掃跡時因雨卽行過秋玉南莊止宿

題山谷氏小畫

林壑蕭寥石氣青風泉互答響泠泠七條弦外知音少
彈向空山獨自聽

題鄭翁褒文小像二首有序

鄭翁名鍾蔚字褒文儀真諸生友人汪辰垣張詰士

卷二

三

咸稱其家法自明季迄今同居八世矣平生多手寫

五經藏弄爲一櫃今年踰七十尙無恙也余聞風欣

慕會翁介辰垣持畫請書輒爾題贈

開來一丈自攜扶後鄭儀容想像餘聞道五經多寫定

問誰傳得禮堂書

箕帚鋤也出分同居幾姓到兒孫浦陽江上留家範

給復重看表義門

右將購得明邵文莊硯爐索賦

嗜古稱方子遺銘識邵公高層安片石匡郭範精銅坎
上湯泉潤離初火炭紅元冰池面半子墨筆頭融點易

懷前哲文莊有勤書賴巧工臨摹追魯國部學衣鉢受涯
翁製器宜冬學揮豪對朔風消寒隨雅集十手不愁凍

題方洵遠寫照

一邱一壑胸次不巾不韞形相自在烟雲供養誰知鬚
鬢蒼浪

蘆葦至傷山東流民而作是詩也

蕭蕭暮雨梁溪濱沿溪背郭多飢民一竿竹插城根石
蘆葦蓋成人字文蝸廬隨身不盈咫尺肉都蘆聚於此
踣高踏厚敢怨嗟上漏下溼可奈何監門舊圖未曾繪
杜陵廣廈誰爲遮君不見前年江海上萬姓魚頭魚腹

卷二

三

葬龍宮貝闕收不訾蘆葦一方官掩屍卽今逐食江南
行猶勝盡室填滄溟但問后土何時乾但願皇天趁晚
晴 聖恩指日卹流穴爾田爾宅仍歸耕篷窓感歎轉
自笑沽來泉酒醉復醒故園茅屋秋風破三族寒飢作
麼生

次和劉丈補齋留別詩社諸友韻卽送歸白田二
首

蜀岡初木落風枝動離聲忽聞河梁唱霜月同淒清辭
榮稱寓公養病具深情方興舊園思猶狎羣鷗盟追游
未云足淮舸當風橫

賤子此羈栖悠悠背時者明公畧年輩揖客高軒下招
邀文譙頻慰藉遭逢寡譚藝源淵源冲襟見蕭灑南北
一乖睽何時我心寫時余亦將南還

杪秋送淳川重遊攝山

淮南古落木高典復登臨潮熱孤帆影雲開遠岫心石
泉新雨洗鮮壁舊題侵別夢愁生客迢迢楓樹林

題于湖垂釣圖二首

水天風物近蓬萊近苦泥沙塞不開爲語漁師且收釣
此中安得大魚來

無意臨淵更羨魚閑身只願住菰蘆最憐春水方生日

卷二

三

天上扁舟屬釣徒

遊方園夜歸述夢有作

桃李誰家園物華撩愁思羈栖仗朋歡語士兄子延賞竟

成醉歸來夜堂靜酒醒不得寐忽如行到家誰謂夢相

值春衫山南小女阿賽妻着羅睺小姪戲諸弟怡怡如問我花

遊地覺一聲雞依然客牕睡

淳川招飲紫藤花下卽事感賦三首

城裏芳園幾處開每因弱足去遲迴兩三坊地君家近
不待花時步履來

紫氣濛濛冒屋山清香入饌記加餐尊前從道花長好

也只三年兩度看

丁卯三月會同宴賞
橫花案酒亦爾時事

陵波塘外懸崖紫
畫溪邊映水紅
兩地景光拋擲久
天涯惆悵對春風

菱湖臺山寺長興觀畫溪俱吾州縣花辰
處不到踰二十年矣菱湖一名陵波塘

為詰士悼殤女三首

羈髻前年見出房
看渠學語看扶牀
寧知小病剛三日
無復尋兄同學堂

花紅雪白迎三歲
辜負恩勤望長成
若使長成仍早夭
更添幾許淚河傾

痛如截指誰長短
淚到窮泉孰淺深
我意君家癡叔會
料君都似一般心

令叔嘯齋有愛女十二歲而殤
所為哭女詩亦與余有同恨也

卷二

答詰士病樹之句

切君和余詩云嗟我與世
同病樹更無生意向春風

一枝摧折掌中瓊
來歲春風吹又生
我意婆娑類枯樹
與君同病不同榮

秋玉以无妄牽率北去
令弟佩兮趣裝待行
闕為面引悵然賦寄

昨日邀花伴高館
吟將離韻頃昆季招集小玲
雅山館賦芳索詩心聲豈魄兆蒼

黃走京師君家老兄弟
行坐長相隨不忍千里別
夷險唯所之颿風源淮駛
交手臨河遲羈心有南夢
為爾直北馳時節猶清和
關山自逶迤姜被共店燈
吳霜增頽髭雖占无妄爻
還歎急難詩雙雙歸飛鴈
先秋以為期

題樵隱圖

吾鄉多青山無邊白雲養腰鎌
入榛叢林風近猶唱暮歸蓬
屋底茅柴煖邨釀豈不勞筋骨
聊以絕塵妄忘機麋鹿羣任運
羲皇上病來艱食力萍梗恣流
浪一對伐檀人披圖愧青嶂

卷二

三

屏守齋遺藁卷二終

門人張震校字

屏守齋遺稿卷三

吳興 姚世鈺 王裁

陳竹町十九秋吟卷序

甲辰冬姚生負病梧桐鄉友人竹町氏自揚州寄視秋吟卷凡今體五言十九首於時朔風正嚴同雲樓閣開緘引讀倏忽如次寥天氣見曉山高樓結寒浦澹激飛霽蟾孤白曳銀河幅練葢秋之明潔其格也沈吟緬懷則又搖落變衰登臨送歸短檠遙夜空館啼嗒風聞夕杵有美獨處怛怛兮覺秋氣移奪者姚生曰氣之感則霜鐘鳴而稱詩者必窮乃工生幾年來恒寒無燠寧獨

卷三

悲此廩秋今且棄鄉離家久居鬱鬱而暗無詩歌愁苦之言殆於難好竹町瘦吟心苦如奏金石破蟋蟀之聲正坐其窮不極耳雖然竹町之詩既可謂善鳴者矣窮不窮復何所損益書來告我歲暮歸錢唐開春期我若雪閒萬一踰城南煙舍聞有歌聲滿天地者生病行瘳乎抑聞之哀人易感夫孰使予奮迅而鳴鏗然如豐山之鐘者耶有同病者吾欲問之

施竹田詩集序

滄浪詩話云詩有別才非關學也然則不學博依無害安詩哉夫學不可已三才萬象得一以貫學則惡可已

然而朱子固云漱六藝之芳潤更須洗滌腸胃閒夙生輩血脂膏通其意則二者之論正互相發也西施病心而曠其里曠之所以美焉學渤海蓬萊方丈瀛洲去人不遠嘗有至者諸仙人及不死之藥皆在焉然且至則船風引而去故杜詩曰神仙才有數而法言云綠衣三百色如之何矣葢才之不可以已如是閒嘗竊取以評吾友施君竹田氏之詩君總引學誦詩輒工詩俯拾卽是功謝鉏耜而神明清澄縹緲陵雲蘭鮮月映粉黛無色是固不待更洗腸胃而有別才者非耶鄙夫自三五少年時東塗西抹年長多病換骨無方芳潤不入然且

卷三

膠漆附離塵淫桎梏是不乃經營地上而欲虛舉而上昇而醜人捧心里之人見之而去之走也才之罪非關不學哉舉似施君相視而笑因拾諸編簡以志余媿而自謂獨得朱子之說詩者以通滄浪之意非不說學而見才之不可以已如是

送沈棹屋歸宣州序

棹屋翁非畫師也而畫品神妙與余接歡然俄聞語離因遠想感喟唐閣立本戒其子曰我少讀書文辭不減儕輩今獨以畫見知與廝役等若曹慎毋習顏氏家訓曰王逸少風流才士舉世惟知其書蕭子雲著齊書文

章引義自謂可觀唯筆迹得名王褒地胄清華才學優敏猶以書工辛苦筆研之役又曰吳郡顧士端父子並妙丹青每懷羞恨彭城劉岳爲陸護軍畫壁與諸工巧雜處使三賢都不曉畫直運素業豈見此恥嗟乎此所謂木石之量以取妍爲病者耶余學畫不成而常用自警翁其慎之雖然翁老矣林泉高致丹青不渝如前所陳雅不足爲翁病翁其適有天幸哉而余獨有感於士君子無所用其能至執一藝以自蔽而坎壈盛名古今相望於以見審所處之爲難而獎鑒人倫者又母以文墨几案淺事相量以一槩也

卷三

贈新昌梁先生詩序

昔文翁守蜀起學宮於成都市中安定胡公亦於吾州自立齋舍教學者時郡縣學皆未建也而朝廷遂下其式令天下舊史至今以爲美談今國家無不設學之郡縣然且以官爲冷官視學舍猶傳舍凡有興造苟非上關度支下割廩餼則雖以先聖先師安神告虔之所將聽其鞠爲茂草自謂無與吾職卽人亦不以其職責之其力之不能弗論也其在官固然其居於鄉更弗論也新昌梁先生訓導烏程獨捐己俸暨束脩所入以繕學舍之頽敝三年不有其宮一錢余頗聞先生能舉

職之所不及或疑其力有餘也而吾友吳兄大文言先生攝蔬對客安步當車求其繫馬堂階不可得特視飯不足者差勝耳異時居新昌乃獨出家財修孔子廟廷計其費五百金不啻嗟乎先生官安定友教之鄉而無文翁之位使生漢宋時所謂謹身率先居以廉平者略視文翁何遠而經義治事之齋方且偕湖學以式昭令典無疑矣余雅未獲遊從竊慕荆公贈翼之先生之意爲詩假大文以頌先生庶幾他日傳儒林循吏者驗白於幽鄙

玉蘭堂詩集序

卷三

新安文石程君工書畫兼治古文旁貫仙經祕典不專以詩鳴也而詩特擅場其詩原本性情務去彫飾自容授四方淹留京口廣陵閒兼得江山之助每當登高望遠懷土思親嗟歎詠歌以寫離騷之極目其正聲所感令讀者三復殷勤不能已焉余自庚戌識君於揚州別去十年復與相遇於馬氏玉山堂連興接席契集彌月益得徧觀君所著古歌詩文而君以餘閑驅染烟墨爲余製吳裝小幀見者咸謂金盞玉湖宛然在目夫君固未嘗往來茗雪卽余亦未曾爲君言而胸次止壑妙契天繪殆所謂仁智之性共山水效深者卽其詩又烏得

而不工君既以詩擅場視儕俗卑論不出柴煙焚火邊一切不以屑意常思簪冠芒屨歸尋軒轅浮江遺跡陵峰採藥揮手以謝時人雖白髮江湖扁舟未返然且所在必焚香掃地靜坐讀書或入定出神跣跡終夕在昔味道宗玄之士多瓊思瑤想文詠可詮又如魏伯陽張紫陽諸公更叶諧韻語覲縷道妙余支離多病欲從君遊盡叩金碧潛通之訣而書難倅受換骨無方凡區區所不足以盡君者卽詩又烏足以知之君辱謂余學古文授簡徵序勉塞君請綴諸篇端并視玉山主人或不以余言爲妄歎也

卷三

五

石貞石遺詩序

曩余初冠遇金壽門自杭來示余以其同里厲太鴻泉陳石二子詩陳謂授衣石卽貞石也時未識面而郵筒唱和締文字交歲庚子始晤太鴻於錢唐湖上丙午授衣訪余蓮花莊居久之同爲郡將江都唐先生所館置計七易律灰乃散去而貞石已前數年死方是時授衣旣爲詩哭之今復以太鴻所撰貞石遺稿謀合錢壽梓而以序見屬嗟乎余固貞石未亡友也雖不吾面其忍無辭貞石詩寒似孟郊怨恨悲愁似李賀而其窮且天亦如之自昔稱詩能窮人豈更能死人耶余平生親故

如王立父錢景泉朱霞山胥以坎廩失職死其詩亦屢有存者余兩弟秉衡豐萬愛吟共苦死尤早而太鴻門人符聖幾詩雅類太鴻余曾與之遊今死亦踰年矣二紀咄嗟交遊零落收拾遺文伊誰之責如貞石者獨可使其無傳耶玉樹土埋秋墳鬼唱若有人兮吟嘯於悲風白楊閒者焉知非貞石耶試誦我文以招之

道腴堂詩抄序

康熙中有崑山盛侍御江陰曹祭酒仿宋天社任淵選黃太史集例撰其師漁洋王公詩爲精華錄候官林氏謄寫鏤板海內多呻吟之明府雲中鮑先生哦詩三十

卷三

六

年三熏三沐率在漁洋自牽絲解組暨今再令長興憂悲夷愉咸用以資爲詩不下五千首篇什富有視漁洋殆過之顧其自視欲然閒論小子曰余自少年塗抹雅慕漁洋癖性所耽紙墨斯積然而蹈常襲故則屋下架屋奇外無奇稱心而言則享帚徒珍披沙難揀護短憑愚我無是也知過必改病未能焉夫敬禮佳惡自得敬之是非自任有公鑒無姑息惟子其爲我訂之小子前讓不敢旣念久舊遊從辱知最厚且申之以話言爰偕從弟世鍾理詠宿讀三復殷勤一韻之諧一字之安輒緘札商榷雖文書堆案絲絲縻沸先生不以細碎爲辭

既卒業拔其尤得九百十首中閒數詩如江郎山猶陟岡之瞻望也瑟居卽衡門之棲遲也記事猶雲漢之兢業也論詩未覺國風遠黃太史固當相視莫逆其餘模山範水感物造端大都宗派漁洋而不必形似漁洋喻如漁洋瓣香在山谷而未嘗貌肖山谷善學古人者當如是矣顧慙愚謫子淵累寶之識奇玉特珠保無遺棄卽視盛曹所擇猶有惡焉區區抄撰竊比於謏寫之役其庶乎附記卷末俾海內知先生之勤學虛受又自有作詩之本而非徒以多爲貴也先生道腴堂詩全編已開者二十有八卷今類次古今體爲六卷方來所

卷三

七

作俟續錄之

石川詩鈔序

石川詩鈔者故陝西西安布政使贈太常卿江都方公諱觀字近雯之所作也公少爲諸生有聲康熙中聖祖南巡召試行在稱旨無何聯捷成進士入翰林屢司文衡督學政雍正初改侍御史宣力南北才守尤焯著己酉按察浙江時總督彭城李敏達公深相器重薦公可大用甫期遂遷任西藩公故清羸善病加以積勞盡瘁未上道卒年纔五十初以疾聞詔太醫馳驛賜藥藥既不起

世宗傷悼咨嗟賻贈逾常禮人咸惜公之逢時而未竟其道而其詩之工則稱之者或寡矣夫詩本性情之教不可以爲僞故誦詩三百必達於政登高能賦可以爲大夫公精於吏事廉不傷物慈不貸奸其司臬也老胥巨猾相顧不能名一錢甚且戟手詬詈以祝其去而小大之獄人人得自盡其情平居洞朗軒闥遇內外族屬與凡後門寒素之交胥有恩意益自家形國施於有政往往默契夫性情之教者如此故其詩質而不俚麗而不淫周流於親愛倫理之間纏綿悱惻猶有溫柔敦厚之遺風焉一時江左勝流非無烜赫名家者正未知與

卷三

八

公孰先孰後也庚戌首春公將往關中求士於同里同年唐先生將聘爲掌記唐先生時守湖州輒以愚賤姓名對公脫略勢位因緣文業推獎逾分申之以語言曰吾察子殆不苟譽人子視我詩何如因出所著石川詩稿見示余三復殷勤賞其筋力成就雅在大歷元長諸作者間公亦欣然以爲得一知己也然不自滿假從容商榷謂子建之定文士安之序賦吾惟子之託余方辭不獲命俄而哭公於里第余亦臥疾家閭星紀已周宿諾未踐頃訪舊淮南則公伯子孝廉君仲子太守君三數年來相繼淪沒幸季子柱山永懷先志克荷素風敬

捧遺文咨余論序余謂公生平不欲以詩人自域而實深於詩矧疇昔知音之厚孝子錫類之仁是胥不可以無傳爰手自抄撰得詩二百五十餘篇勒爲上中下三卷以歸柱山方氏望在歛公以所居地自號因號其詩亦小雅桑梓必恭敬之義也其世系官秩景行之詳請俟唐先生之志公墓茲不具論

陳竹町詩集序

徒法不足以言詩而爲詩不可以無法在昔虞廷賡歌以洎三百五篇其編爲詩書曾經聖手者此豈屑屑焉執一法以爲之哉周漢之間騷賦遞興蘇李更號下逮

卷三

九

魏晉風氣漸殊然緣情綺靡猶未大遠於言志永言之義亦未嘗研揣聲病雕篇琢句句字刻而鏤之也自四聲八病始創於齊梁唐神景變律而詩法逾細自時厥後李杜勃興爰暨中晚殫極工巧無以復加矣夫詩之爲教將以脩身及家平均天下其體大其用宏然而古者農歌輟詠有應風雅晚近世學士大夫尋行數墨句櫛字比如老吏守三尺金科玉條豪髮無敢出入而性情之教逾益衰國家卒不收詩之效若是乎言詩者之不徒恃乎法也明甚而苟欲舍法而言詩則又如適莽蒼汎溟渤而不知東西南北之何向其能免於迷惑沒

溺而往而不返者幾希矣此言詩於唐以後者所以憂憂乎其難之也竊嘗與同志講論斯藝而心知其難者殆無幾人若陳兄竹町其一也曩與竹町同客郡將唐公許晨花夕月往往一譚一詠唱予和汝竹町賦才敏捷揮豪落紙濡染淋漓余每自愧其拙遲而辱不鄙棄閒使商榷所未安其後散去閱歲踰時相見則必出所得商榷如故而其詩之不合於法者益寡矣夫惟竹町之精於詩之法而後不敢恃才而易其所難然則苟有同志將由漢魏以上溯虞夏商周言志永言之教其姑務求之聲病格律之間而無遽舍法而言詩也哉

卷三

十

錫穀堂詩序

乙丑秋日余客廣陵白田侍郎劉公過友人馬嶢谷昆季日聞有姚生者方主君家可得一見乎余遽巡未通謁而公輒往訪舍館語更僕然後去自是觀遊宴賁率參筆硯之伍公若許其可與言詩也因出平生吟卷俾受而卒業焉余惟詩言志不可以爲僞古者小夫賤婦稱心而言矢口而歌凡是且非一不以自掩故誦其詩雖去之千百歲一若身出於其時目擊乎其事爲之觀感興起不能自己此無他動以誠也後世學士大夫挾其聲音笑貌謂吾力可以操文章之柄而伸紙放筆有

識者從旁觀之已索然不見其所有益中則無是而塗澤藻繪以爲之辭辭雖工苟類之風雅弗善也公弱冠登朝敷歷中外方其光華遠使升高能賦有每懷靡及之思焉迨未老而懸車日與同志者棲遲林壑吟詠性情則又忘其年輩爵德之閒而不遺夫羈窮瘁之士故其詩不尚夸飾而片言隻韻自然刻畫警絕動人以視夫挾持浮說而其志之不足觀者相懸遠矣小子學詩不成自愧無以辱先達之託抑重有請者望溪方先生於今爲海內文章鉅公昔受業於門其於九德六詩之旨宜得而聞焉公尚勿靳爲我告也爰記卷後

卷三

十一

申以問之

琴語集詩序

香溪先生早入翰林退修初服家居三十年惟好學問文章於凡填詞度曲字畫圖繪投壺激矢醫方地理園藝象戲九流百家之術靡不旁推博貫而尤耽於詩其詩佇興而就不事鉤棘人皆劫劫我獨有餘余客揚州每逢契集題襟輒自愧思苦言艱如曹鄴陋邦悉索幾疲於奔命彌歎先生之汪洋恣肆所謂吞雲夢八九者不得不屬諸大國楚也丙寅三月行菴文譙授簡分題茶酒閒多追悼南軒唐丈之不復與斯會也先生因以

餘力賦詩自晡時迄高春而五言百韻成又嘗分和元微之解秋十首人占一韻獨先生卽席遍和焉時刻燭未盡一寸也閒嘗與朋儕竊語今朝廷右文栢梁之聯句龍池之應制富不乏人要如香溪者恐甚不多耳乃僅使之憐風月狎交親心力長注射閑處耶顧先生淡然忘懷不聞有玉堂天上之感寧齋其遇而昌其詩是則賢遠於人又非獨文墨几案淺事而已先生自編其未刻稿若干卷卷別爲集而以所名琴語者徵書首簡其爲昭文之鼓耶泉明之撫耶聞弦賞音豈無牙曠愚蒙非其倫也

卷三

十一

閔節母姚夫人六十壽序

曩武林諸友之客揚州者多盛稱閔蓮峰母夫人姚之賢謂今人中有古人也已酉庚戌世鈺兩過邗溝輒主蓮峰許命酒賦詩相視莫逆時金壽門厲太鴻陳授衣江阜數輩先後契集往往窮日達夜不少休夫人主中饋落然不聞人聲而賓來如歸余謂夫人賢固然尚疑其力有餘耳旣乃稔知夫人初未嘗饒於財而爲婦與母無違行迄茲逾三十年其事多人所難能者蚤喪夫子撫其二嗣君一女子家徒壁立或諷之奪志輒斷髮毀容以堅其節已而君姑卽世仲子復殤所遭益困

然且事生盡其孝既歿盡其誠滑甘葬埋不以貧廢禮可不謂賢歟蓮峰言少時不能就外傳夫人親授句讀夜則織紵以佐其讀書如是者十餘年夫人能爲詩蓮峰遂工詩嘗述夫人佳句云一影一燈茅屋裏晚風晚雨小窗前又云居賤且爲句踐臥食貧原似太常齋觀其詩卽其慈惠可知矣而夫人猶謂是不足以成吾子也凡爲蓮峰友者苟德行藝有一可師資無不爲之除廬舍旅肴核惟恐其去而蓮峰又能順親之志經營措置常多所儲藏以待之而母夫人之賢愈著古之傳烈女者如陶侃母湛則剉薦截髮以待客韋逞母宋通周

卷三

三

官音義教其子拜及諸生史氏兩賢之惟夫人實兼之然且獨挺霜雪之操於豔陽桃李之晨萼茶如飴多歷年所而後乃今得以開口一笑也豈非尤難能者歟越來春甲寅正月十七日夫人六十生辰蓮峰鄭重寓書屬余爲之序世鈺固稔知夫人賢行而夫人系出新安爲前太史霞澈公女孫又吾同姓也誼不敢以不文辭憶主蓮峰時太鴻和余七言云地主能詩欣會宿遠人貪話廢高眠一觴一詠情事的的敢並舉爲夫人侑觴焉若夫壽母燕喜美其黃髮兒齒而祝以無疆則吾友多能言者當更爲道之

史安人八袞壽序

吾友張君詰士閑居奉母讀書繼言早著能詩聲於朋遊閒自余客淮南誦其詩接其人始與之定交而詰士亦似以余爲粗有知者延主其家於今四年矣九月三日實太安人八十悅辰懇請一言以爲壽余惟人子之所記憶而弗克忘者親之年也而親之所願望而不易得者子之賢也昔潘岳之賦閑居首敘以母病去官旣述太夫人常饒載加舊痾有痊御板輿周家園席長筵列孫子獻觴稱壽起舞高歌方是時岳年涉知命計其母殆逾七望八矣賦自謂人生安樂孰知其他信矣而

卷三

古

究且乾沒不已其母徒數謂之而於門閭之訓竟何如也若乃皇甫謐博綜羣籍不榮軒冕爲有晉之高人而其初實感激於所後叔母任氏流涕之言史雖不著任氏年壽所極而傳其事亦可見子之賢未嘗不成於母焉太安人外內家胥由關中僑廣陵秉性敦厚勤儉自爲女與婦不以生長最繁華地而移其素尚暨封儒林公捐館太安人操持門戶式克代終凡所以撫爲後之子與支出之諸女同仁均養無異我生而詰士亦能承顏頤志夙夜左右太安人小有疾疴在視湯藥輒憂形於色每聞人言吳越山水鉤絲秀絕雖神游心賞而

卒不敢以宿齋糧輕適數百里外推其愛日之誠有
不以三公易者是則慈孝兼隆和氣召祉惟時珠露晨
湛鏡月開明酌長生之瓢餐延齡之藥彼士安瓜果曾
無足進豈況紫房頰鯉來自潘園者哉昔東晉之補笙
詩有曰馨爾夕膳潔爾晨飧又曰鮮侔晨葩莫之玷辱
詰士方將繼南陔白華之篇以發慈顏之笑粲顧如余
之驕遊窮悴亦俾執簡操筆效綰綽以廁工歌之末蓋
不視名位有無爲重輕是猶太安人之教也爰不辭而
爲之序

織簾先生祠堂記

卷三

五

康熙己亥二月余薄遊來德清望吳差之山想織簾先
生舊隱處未獲一拜祠下僅賦懷古詩一篇而去今茲
游至問縣人以祠所在無知者偶有耆壽能言者多指
土地廟以實之以祠故附於廟耳夫修吉悖凶之理顯
微一契世方據微秉機鑽隙抵牾一不見其義之務而
偏惑於鬼神機祥之說所以神林佛刹雖險且遠皆將
輕千里赴之其不能至亦能舉其地與名而心向往之
若乃玄悟高節生無文冕之飾歿亦不欲假威福以疑
世惟是一二畸人靜者從百千年後希企於雲嵐礪谷
閒主大夫之得所願爲於時者尚或擯焉而蠢蠢者竟

日接而罔聞如先生之祠之托土地廟以著固然無足
怪史稱先生隱居講經諸生數百人各營屋依止時爲
之語曰吳差山中有賢士開門教授居成市是知當日
邦人之尚德而今不若古豈真秉彝之好有不同也耶
小子州鄉末學自維有生遇不能平輒多疾言遽色蹶
蹶然思奮其憊以爲學問之民而又苦塵俗之牽率先
生笑還納履老更勤書采道希風方且顙泚背汗而不
容已已吳差山一名吳羌祠踞山麓康熙甲寅縣令侯
君元棐修屋刻其讚於栗主土地廟以比正尼主之時
與同里倪燦拜祠下并索齋厨杯水薦焉蓋亦取先生

卷三

六

薄葬之遺意而燦者疇曩偕遊猶能記憶余詩者也

蓮花莊圖記

吾家居蓮花莊涉四世蓋本南宋莫氏宗子趙氏之故
址其名載倪文節周公謹雜志厥後松雪翁暨明莘野
叔耕先後居此野亦工畫然迄茲未聞有圖之者余維
圖畫之不可以已如大姚邨水邨會稽書屋師子林向
徵元暉文敏叔明元鎮諸公則清境罕耀而如摩詰輞
川盧鴻一終南草堂李伯時山莊顧仲瑛玉山草堂陶
九成南邨雖人境胥勝而流傳斷素彌使獵精藝院者
澄懷臥遊焉梓厓先生驅染烟霞雅愛吳興清遠與余

顧不獨稱山水友近寓慈感寺時來坐余寒鑑樓謂見金蓋道場輒思小李將軍着色暇更尋梁契集肆聯城隅益渺然有山林陂澤之想顧恨不及荷花盛開如錦雲百頃時因復與余雜舉經鉏堂癸辛街所志園圃去處城內亦幾三十許而余兩人步履經過如文節就月河爲園傍水成趣橫塘買耜老水閣二閒胥已臺池板蕩卽湖中小洲余童時釣遊猶見百年前朱氏所聚太湖石虎門鳥厲最屬蘆漪烟浦閒今亦漸正夷淵實摩詰孟城坊詩不云平來者復爲誰空悲昔人有蓋俯仰陳迹惆悵極多矣余幸托先人之敝廬曩所稱天開圖

卷三

主

畫粉本宛在先生獨無意一點筆爲松雪拾遺且使來者得與輞川終南龍眠玉山南邨諸圖並冠清賞耶棹屋迺爾曰諸慈感寺亦文節記遊之一余每從舍北水檻望見橫塘外林表殿角突兀輒感靈光歸然語并乞綴諸卷中無俾倪迂師子林遠擅場也

月湖丙舍圖記

友人平望王君親庭旣葬其親於月湖之上爰作丙舍於墓側以寓其無窮之思蓋將藏修息遊於其中而庶幾無忝所生也庚申冬日余訪君於平望讀其所爲丙舍雜詩暨諸朋遊題贈篇什大都仿其家右承輞川集

體余方欣然規往因問得去月湖道路則不數里而近而以事阻不果行獨尋繹其題目佳境則有深柳讀書堂有微尚軒此君之所學古訓而期前修也有金石局此君之所徧參博考而多文以爲富也墓田傍湖畦畛交錯名曰爰田而飲犢有灘稻香有亭觀穫有所此君之所自給而不外求也月湖之外繞以龍溪架溪爲橋曰偃仰橋而如磬池如簣壑胥資木成趣隨勢窪隆而又有松閒草屋風樂亭棟花阡凡若干楹若干步此君之所俯仰眺聽而自適其適也有菴曰指月有塔曰清涼此君之所清齋習靜而非以香火祈福田也若乃升

卷三

太

高望遠優乎如親之見於前而益勉爲孝子之潔白此白華堂瞻雲閣尤丙舍之所以志而余猶恨其位置次第之不能詳也頃之君以圖來索余爲記惟平望在震澤吳淞閒爲三吳孔道故其外烟波夷曠而其中一閤之市塵囂壓水君所居掃除一室截然斗清固已抗心埃瑱之表逮其暇時泛舟褰裳棲寄丙舍良朋萃止尊酒論文顧視林壑縈帶禽魚飛沈與夫洪川之渺茫遙山之彩翠寸妍尺媚如身在畫中唐書稱右丞資性孝友別墅在輞川地奇勝母沒表爲寺而其圖今猶有傳者又稱王無功有田在河渚奴婢數人種黍釀酒養鳧

雁時藥草以自供而無功答馮子華書自言孤住河渚
傍無四鄰每聞犬聲望烟火便知息身之有地矣家風
世德君殆兼之此雖君家偉元旦夕墳壟猶以身世厄
屯視君有幸不幸焉豈況託言養拙而乾沒不已馴致
亡身而辱其先者吾知閑居之賦良難與內舍之詩同
日語哉余夙遭閔凶一坏未築飢來驅我不知所之即
欲從君於東臯南垞寄目一償所願以自比于仲長先
生裴秀才輩而亦不可得此所以展圖而爲之愧歎也
越來春辛酉二月書

驛西橋重修牽路記 代改堂師

卷三

九

安吉長興孝豐地處上游諸山之水合流而下至郡之
西門折而東驛西橋當東南要衝水至此湍悍尤甚每
遇洪濤泛漲時舟之逆流而上者惴惴焉惟懼溺是懼
橋傍向有隙地可以牽舟居民覆以簷瓦翼然臨水際
而榜人無所施其力余按求故道亟命居民撤去一椽
而牽挽有路矣稍西有晏公廟水漸緩地勢亦平潤而
岸久傾圯不治予命工人輦石畚土築八丈有奇而停
泊有所矣又於廟前立石柱二橋東監巨樁三繩以大
索而舟之播蕩於波中者有所憑藉矣庶幾轉危爲安
而不致以覆溺見告是亦利民之一術也雖然索有時

而朽木石有時而破壞也此吾之所不及知者也後之
人因吾說而留意焉則斯民其終幸矣

新修六客堂記 代改堂師

湖州府治六客堂始於宋李公擇守郡時與張子野楊
元素劉孝叔蘇子瞻陳令舉會飲碧瀾堂號稱六客越
十五年子瞻復過吳興適張仲謀知州事而劉景文蘇
伯固曹子方張秉道同會于是子瞻賦後六客詞以子
野先有詞名六客而後人遂以名其堂云夫何地無堂
即堂亦何代無客而此六客者至今望之若上界真人
然豈非以其詞傳耶雖然使徒以其詞而已則歐陽子

卷三

手

所謂榮華飄風好音過耳同歸于泯滅焉耳惟有不隨
世爲磨滅者而文章言語之妙附之以俱傳於是英舍
可思草木可敬而斷井頽垣猶令人興起于百世之下
乾隆元年某忝沐

殊恩被濯殃咎來守是邦幸時清平百姓安業暇日周
視池館庭荒草交喟息吁嗟節倭增葺陳石舊木洗剔
呈露如點頭而向榮焉閒與寮屬暨邦之士大夫游息
于其中自念憂患餘生年運而往雖欲追古人文章言
語之妙且不可得其隨世磨滅奚顧問哉惟是指前修
勵晚節詎諒善道龜勉後事縱不能比並良二千石庶

幾無俾客羞重遺斯堂辱則今日四三賢實聞吾言三年夏五月五日記

西唐山人書餘說

余友西唐山人自題所作畫曰書餘語人曰吾之畫吾書之餘也猶之詞之爲詩餘云爾客曰詞後於詩而源於詩雖變其音節固詩之餘也書之與畫曾若是班乎余曰昔南唐李後主作鉤勒竹謂之鐵鉤鎖自言柳公權有此筆法唐希雅又仿後主金錯刀書一筆三過法作顛掣畫吾鄉趙文敏公以飛白寫石以籀與八法寫竹樹柯博士論寫竹幹用篆法枝用草法葉用八分法

卷三

三

或魯公撇筆法木石用折釵股屋漏痕法此猶分而言之也上古之書有如龍爪者虎爪者蛟脚者如麒麟者如鸞鳳者鴈鶴頭者見龜負圖作龜書因浣蠶作蠶書飾科斗形作科斗書又如八穗書因禾八穗英芝書寫芝三莖倒薤書因薤葉倒披鳥書紀鳥雀二祥紀卿雲有雲書寫熒惑退舍如蓮花未開形曰轉宿書采日辰禽獸屈伸升伏之狀爲氣候書胥依類象形合同而化沿及後世以分易篆以楷易分然猶有左畫圖右畫方之意故廣韻畫字注引劉熙釋名曰畫挂也以五色挂物象也而卦字注引易疏云挂也懸挂萬象於其上也

論者因謂伏羲氏畫八卦卽八卦字雖其說頗經奇要之殊途而同歸則卦猶畫矣畫猶卦矣今山人之言曰吾以山水鉤勒爲奇以皴皴渲染爲耦蓋將離絕遠去于筆墨畦畛之外以上溯巢燧以來倉頡史皇書畫之權輿以觀其會通而客猶剪剪拘拘執唐宋作家院體筆虛筆實六法六病之常格以繩之是何異守神景以後之變律下逮花間草堂金元南北之詞曲以上規風薰雲爛之操宜驚怖其言若河漢而無極也已山人爲甘泉高氏名翔字鳳岡耽吟詠工摹印皆不肯蹈襲故常又喜禪悅嘗倩人寫小自在圖約略如韓子所謂浮

卷三

三

圖善幻者余因記山人語并余答客語以示山人及余雅素遊從諸君之工於畫詩書者資一笑粲

梓崖道人畫松志

天地爲窯草焦木渴堂上松樹欹何從生突兀見此疑蚪龍鱗紱之而活動岑立注視見直幹拔地脩柯憂雲皮朽節見鍼攢翠濃承翳曦景結響林籟自張環韋偃王宰剎廉劉商畢宏程伯儀王墨數輩長夜神妙誰嗣盡得松趣實維道人道人自號梓崖家世宣州沈氏祖父徵君耕巖先生當明季殄瘁以諸生應直言裁量執政不幸持水納石終焉折覆厥後邪枉熾結蔓衍善士

徵君乃採藥不反遺安子孫昔漢宋黨禁諸賢之後如李宣程暘輩並文采不耀晚近世清門率又蘭棠蜜漸柯葉改易道人雙鬢雪然於今爲庶而正性不辱松心猶存固宜毫飛墨噴輒使炎夏滅胸滿堂動色余向手徵君劾武陵三疏希風也熟頃與道人相逢梧桐鄉自言曾以兩髦侍先徵君筆硯目擊其羣行焯焯然且不願以辭賦陳世德寓言山木揭揭焉提筆稱老畫師殆庶幾無用之用以不材終其天年者請無以郎中松樹庶子松根溷道人新畫雍正丙午夏六月大暑書

瘞蓮香文

卷三

重

婢蓮香松江產雍正癸丑六月有人攜小女子走烈日中踵吾門告曰是吾甥也不食三日矣苟得喫飯地斯活耳余視其面有餒色以千錢買之性慧不好嬉戲有問之曰汝欲歸乎曰不欲也因自言其父飢而死其母買一炊餅納諸其舅之懷中而俾攜蓮香走四方以求活聞者憐然松江自前年海潮大上流屍塞川繼以饑饉疾癘其幸存者方且轉徙呼號以乞須臾之命而旋起旋仆者滋不可勝數蓮香故以飢虛致疾郡又無小兒醫卒爲藥所悞一日忽號泣曰吾將死矣吾不能舍某某益余夫婦憐而善視之故其言云越日家人方早

膳急呼水饋面整衣履遂絕臨絕眸子炯炯音詞琅然若無病者余爲買積瘞於城南九里山之麓時甲寅九月十有八日距其生六年耳嗚呼天實生之且智之乃使之不得有其父母而遽以強死是何爲耶

怨雨師文

乾隆二年閏九月暨十一月末雨不止田穀熟而不克升大雪震電平原出水民將爲魚王立父寓余詩以爲天意欲殺人余謂是特有激而云爾夫天以生物爲心而日月星辰雷霆風雨則有司存譬如國家建官分職以行君之令而或反其令以虐民而謂君欲云云是使

卷三

重

方命圮族者胥得歸過於君也堯之時十年九潦百姓不以病堯之爲君而咸服於羽山之殛然則今之欲殺人者非雨師歟余因爲此文以明吾所怨不在天且自以叫天無路不敢倣昔人之訟風伯庶幾言之者無罪焉其辭曰

天生萬物兮雨以潤之胡不仁之官長兮乃反時以爲災三日爲霖兮矧三冬以爲期微陽來復兮積陰蔽之玉女粲然一笑兮鞭雷車以載馳霰雪紛紛以交集兮川原浩浩以流斯滯穗橫畝兮年豐而啼飢尺薪如桂兮析骸不能炊謂人言其不足恤兮胡寧不畏天之威

吾欲叫天兮天路無梯維皇有赫兮聰明照徹下見戢戢之魚頭兮惟曰怨咨忽震電以含怒兮孰罪之魁爾雨師則殛死兮雖悔奚追

賈公彥周禮序所云官者皆是官長故皆云師以目之

叅議陟山姚公家傳

代

公名淳憲字子瞻號陟山烏程人也家世所傳具公所撰皇考方伯公年譜方伯公六子公行三五歲就外傳讀書目兼行下束髮應童子試學使奇其文以爲是宿素也及覆試見總帥驚歎曰神童神童轉眼掇上第如拾地芥耳二十舉於鄉康熙丁未成進士授內閣中書舍人先是方伯公按察江南值海寇颺起俘執滿狂淫

卷三

三

當事多刻深方伯公平反冤濫全活以萬數大拂勢人意後敘城守功陞河南右布政使適丁外艱未赴任而勢人忌之甚遂鍛鍊承審前事陷重法時公與諸兄弟徒步縣宵晝走數千里呼救不可得及是詣

闕上疏辨謂臣父延著歷任危疆累著勞績只江臬任內輕擬史記青管得勝二人罪又有王天福韓王錫二人未經擬罪查例承問失出止降一級調用如廣東按察使余應魁廣西按察使畢振姬亦以承問叛犯失出降級調用因事在順治十八年正月初九日赦前免議在案臣父與應魁等官同事同遇赦亦同不幸遭

世祖章皇帝賓天之後

皇上未親政之前有司因緣上下其手九地含冤百身莫贖今

皇上離照當乾冤枉昭雪如原任直省總督朱昌祚直隸巡撫王登聯皆冤枉處死伊子朱紱等告訴俱蒙存錄臣夙夜愁痛疚心疾首在世無以爲人居官何以盡職

聖朝以孝治天下定復不遺微末鑒此幽魂疏下刑部部議以姚延著正法似稍過然既經正法無容議覆上公悽愴遲迴終晞一雪未幾由戶部員外遷刑部郎中

卷三

三

戊午分校順天鄉試壬戌會試同考逾年出爲湖廣提學副使下車見學舍頽敝卽捐俸修理又題請濂溪周先生後裔世襲五經博士衡文專尚經術而每詔諸生以三德六行凡立學之本意楚材鬱奮故事學臣自歲科兩試後卽候交代公獨

朝命留再任時論榮之自鄉會同考及督學前後所得士如尚書張公廷樞故翰林張公希良中丞屠公沂汪公隆輩皆赫然成名當世稱公爲知人而公雅不欲以文字自著見也楚寇夏逢龍者本去籍卒與其黨踞山而要餉巡撫柯公永昇易之遣十餘騎往繫鋌而走遂

叛柯公及叅政葉公映榴同日死妖燄縱橫連破二十餘城而逢龍故素聞公名逼致之時公方宿留武昌旦夕不測因顧謂幼子德柱曰死忠與死孝一也顧我所以至今不死者實思有以標白其先人今若此命也賴天子神明狂寇不久操絕汝幸得脫歸當與諸父諸兄共勉之或諷公以事竣直非守土臣無爲與死公正色曰安得稱此言者吾向者奉

命而來坐高堂絳紗帳出白入黑惟吾意夫寧非王臣而乃治平則公卿變亂則蛇豕卽所以詔諸生者謂何矣會賊平巡撫丁公以抗僞全節事聞於

卷三

三

朝初公已以誅誤遭吏議及是復職丁丑補授湖廣分守岳常道己卯赴高堰河工工完優敘加一級久之以王事勞憊乃鬱鬱得疾卒於里第時康熙癸未年七十二公嘗築神游閣於宅東偏上設方伯公及母吳夫人像供養如生時每家居朝夕瞻拜輒泣然流涕臨終之數日猶嬖跚登閣上歛歔語諸子曰吾聞活千人者子孫必封姚氏高曾積德累仁汝祖更捐軀活萬衆惜吾老不及待抑猶幸不至失大節以下見先人汝輩當念我百歲後汝祖父魂魄長依此也故自號陟山亦以見志云公所著錄自方伯公年譜外有充菴全集若干卷

遺命勿刻藏於家子四德基海豐知縣繼公仲兄後德堅柳州知府德奎貢生天德柱貢生

贊曰子於公爲通家後進公子伯仲與先君宮贊公稱執友嘗視予方伯公年譜及辨冤疏彙讀之爲掩卷太息公遭遇過李燮義烈似甄濟而曾不獲比濟子逢之追尊其父公殆不瞑猶視耶他日遊襄漢閒見一二老校退卒猶能言公拒賊時事頗備具乃知公不獨天資忠孝抑智略有過人也公爲善於鄉如廣宗祠置祭田卹姻黨昭昭吟口矣非公之大者多不著

御史沈公傳

卷三

三

仁廟有御史曰沈公愷曾字虞士號樂存浙之歸安人沈故吳興著姓元至正閒有名子敬者實始居歸安之竹墩是爲竹墩沈氏沈氏自明迄今以甲科躋顯仕者相望明萬歷庚辰進士歷官兵備副使名子來者公之高祖也子來生儆烓歲貢生仕華亭縣訓導儆烓生燕卿庠生贈文林郎燕卿生鉞歲貢生封奉直大夫公之父也公少瑰偉絕特語出驚人年十七中康熙丁巳科舉人就會試以從兄宮贊三曾開學涵分校例引避壬戌登進士第選授翰林院庶吉士辛未改山東道監察御史御史有言職自明設爲十三道亞都御史而本朝

因之其爵秩不甚尊然稱是職者率難其人若公者乃所謂真御史矣

仁廟時朝廷清明官事無闕然公於其時疏慷慨數十上語皆切直其最著者辛未喀爾喀內附車駕親巡邊邑公上疏曰臣聞

皇上有巡行口外之典無非爲蒙古諸臣定賞罰編戶口安插新附此誠

皇上如天之仁欲使百萬生靈無一夫不獲其所但

聖躬遠出開關崎嶇且其地風土迥異服食起居未必與時順適乘輿勞頓於外羣臣宴息於家臣心何安

卷三

三

況近命部院大臣先行料理止須逐一奏聞於紀功錄過之中寓慶賞刑威之意仍與

皇上親行無異叩乞傳旨暫緩此行疏入一時大小臣工俱爲震懼後駕還頗思公言召對賜晏又丙

子

上親征噶爾丹歲暮以餘黨未靖駐蹕塞上公請

回鑾疏曰欽惟我

皇上親政臨民膚慮周詳雖最勞最苦之事莫不躬親身歷寒暑備嘗今聖躬親臨沙漠功成奏凱猶以小

醜游魂未盡殄滅

皇上綢繆布算摠爲蒼生計出萬全但邊塞沍寒十倍內地萬乘至尊一年之閒戎衣弓矢數歷奇勞在廷大小臣工莫不引領乘輿不遑寢處敢請

皇上俯允回鑾庶臣等負暄獻曝之私得以稍慰安溪李文貞公督學順天時母憂有旨奪情自陳請給假九月公拜疏劾之又劾閣臣票擬不當科員封駁不聞謂臣思父母之喪天下之通喪也

皇上以李光地文行素著特爲簡拔原從維持名教起見方吏部題請終制爲閣臣者職司票擬理應委曲奏請始不當有在任守制之票既不當有仍遵前旨之

卷三

三

擬試思學臣關係唯名教爲緊要

皇上方以禮義廉恥難進易退之義鼓勵再三而閣臣身居密勿正宜以此爲進退百僚之準豈親喪大典反不爲緊要乎至於科臣職司封駁閣臣有所未當科臣繳旨覆奏固其職也乃科臣亦復默然臣不知其所封駁者何在也臣不敢以妄擬閣臣爲嫌劾奏同列爲咎又請免富民納品疏曰國家設官分職量才擢用下至吏員一官亦必三考稱職然後予以一命之榮所以慎重官方者如此其重也自事例既開遂有八品頂帶榮身之典此不過暫假微末之虛名以資鼓舞近者廷

臣議覆陝西提臣孫思克請開事例一疏內開一款富民捐米若干與六品若干五品若干四品三品夫四品三品之官皆係大僚品級乃以目不識丁之鄉愚忽而紅頂錦衣與九卿巡撫大臣混淆無辨雖屬虛銜似與慎重名器之意相合臣請 勅部停止未必於國體無少裨益他如假監之株累則請嚴局騙之棍徒而無知被騙者許以自首逃入失察之處分過嚴則請仍准功過相抵之條以明激勵北征大兵糧餉總督于成龍不當遷延輸運違誤軍需廣東撫臣高承爵已請離任守制不當於一切人命盜案仍然照常具題忘哀戀職其

卷三

三

慷慨切直無所瞻徇多此類其請疏太湖淤滯疏則極講詳究於宋元明已來諸家如單氏鄭氏蘇氏以暨夏氏原吉歸氏有光海氏瑞徐氏獻忠之議而分析條理窮竟源委以折其衷當時雖部議格不行然公所著東南水利議一書至今論者與公子世棟等所編西臺奏疏並稱碩畫焉蓋公官御史凡七年嘗以山東道監察御史協理陝西道事巡視中城旋掌山東山西事其明年督理寶源寶泉二局又明年掌江南道事值 東宮大婚監禮 賜蟒是年又管理登聞院事申戌監武會試今閱卷分南北試期各以三日准文闈公所請定者

也尋又掌浙江道事越丙子監順天武鄉試掌京畿道事明年丁丑充 殿試監試官掌河南道事加三級覃恩授奉直大夫戊寅又加四級及己卯巡視兩廣鹽課巡鹽例一年而代公獨留再任辛巳復 命掌山西道事丁外艱歸會以運使某呈誤辭連及罷其視鹽兩廣也多惠政設拆舊完新法清積餉五十餘萬兩積引百萬餘道商困以蘇復兩疏請免漁引鹽耗商民俱德之故有再任之 命其在臺中也憲長遂寧相國以屬禮繩諸御史公抗言臺臣無屬禮援引侃侃不屈遂寧為改容屢薦於 上時同臺當湖陸公正色立朝不少

卷三

三

假借與公雅相推重而河臣靳公入覲見公於班聯屬目久之揖而曰是沈御史耶真御史也其見重於當時諸名臣如此乙酉歲 聖駕南巡召試 行正稱旨賜御書戊子己丑開歲大饑議設賑賑粥然飢民旬旬數十里僅一飽及歸而飢如故或更有老弱不能偕來且來而不得飽者更或有飢極而恣飽飽而反致斃者公按期給發計口授粟子弟持籌人無中飽惠均而全活者無算遠近效之至其敦孝友恤宗黨祠宇置墓田居鄉諸事都有可傳詳見家乘公狀貌魁梧遇事敢言節槩凜凜及其與人則躬躬謙下雖淺夫孺子如貴

客然平時詩酒自娛然與親朋談讌或至竟日人未見其號呶失度者詩有來雨吟稿若干卷四書義名蘋洲偶存長洲學士何公選入行遠集凡若干篇四方傳誦焉卒年四十九子九人皆以文學世其家

贊曰昔歐陽子有言司諫七品官爾而天下之得失一時之公議係焉故學古懷道者任於時不得爲宰相必爲諫官官雖卑與宰相等如沈公者庶乎不負其官者歟

史宜人傳

宜人史氏 勅贈奉政大夫候補府同知宗庇張先生

卷三

三

之繼配也父諱所稟母趙氏卅爲三原著姓宜人五歲隨父來揚州自幼靜專耐淡泊稍長執女事縫紉澣濯多身親之能得父母歡心張氏亦僑揚而著籍臨潼與史爲姻連稔聞宜人賢淑遂請婚焉比歸奉政時重親在堂而舅姑每以事還秦中率委宜人代子婦之職宜入上承色養內助家事無絲毫違行嫡媵輯睦勃谿之聲絕無聞焉自尊嫜先後背棄偕奉政慎持三年之喪喪未除而奉政復捐館舍自時厥後張氏多故矣宜人閱默代終內言不出卒使奉政門戶日益振說者謂賢子薪南景程昆弟之善繼先志實宜人督率教誨之力

爲多奉政生三子長宜人出卽薪南次景程又次詰士胥朱宜人出宜人撫之平均如一初不知嫡庶爲孰誰也自詰士出嗣叔父而伯仲暨兩婦且先宜人卒宜人以撫諸子者撫諸孫以長以教咸俾成立馴致開譽焯著或連舉甲乙科第人謂張氏昌熾方未艾而宜人自如也每晨夕進脂膏滌澣之供隨命撤之語御食者曰昔吾家儉約惟祖姑楊太夫人生辰壽筵特設燕窩今乃用爲常膳耶揚俗靡靡婦女逾甚新妝炫服專以此爲能宜人獨心厭之故不食兼味不喜華飾自奉薄而遇貧乏者施與略無所吝尤篤於天性痛母趙早世善

卷三

三

事外祖母扶持抑搔手奉湯液以終其身外家趙氏無後倩人行求歷年僅得遺家一於臨潼櫟陽鎮凡族屬入關者必丁寧往省比聞無宅而後卽安葢數十年如一日云宜人人生於康熙乙巳正月十九日卒於乾隆戊辰閏七月十一日享年八十有四女六人皆適令族孫男五人霽早天霞名諸生蘭候補府同知馨舉陝西甲子鄉試第一乙丑進士翰林院檢討坦同榜舉人內閣中書舍人女一人曾孫男七人女三人

贊曰吾友詰士爲宜人庶子之降服者於其歿也流涕悲哀述宜人之懿範乞爲家傳惟古人有言福之興莫

不始於室家宜人生平無苦節奇行而壽德考終餘慶後嗣本其淳厚勤素有以致之余故質言大略俾今之爲母與女婦者可以觀焉

通奉大夫陝西西安布政使贈太常寺卿方公墓

志銘 代改堂師

余與同年友贈太常卿方公稱兄弟交踰二十年比公莅浙而余方守湖州公脫略勢分相好加焉嘗戲言曰吾死子必銘吾墓未幾公遷任秦中薨於六合之旅次計聞余爲位而哭孰謂魄兆之遽驗白耶今星紀終矣余白頭郎署撫存盡往卒徇其子之請以應公識悲夫

卷三

墓

公諱觀字近雯其先由歙遷江都故爲江都人家世承傳其公兄襄城令所撰皇考贈編脩府君誌銘公卽編脩第五子也少爲名諸生乙酉

聖祖南巡試詩賦

行在

欽取侍直

賜監生中京兆試式明年聯捷成進士實康熙己丑選翰林院庶吉士授編脩纂脩

三朝國史諸書分校萬壽恩科會試提督四川學政回京分脩大清會典考選改浙江道監察御史協理河南

山東道事陞戶科給事中歷署吏戶禮工諸科掌印給事中巡視船廠管理戶部坐糧廳除浙江按察使署理布政使鹽政印務陞陝西西安布政使此公所歷之官也公故以文藝進而爲政多惠愛於成都捐俸脩文翁講堂擇學官之有行業者俾聚羣士而誘進之每親臨講畫士胥鬱奮船廠西接盛京東界黑龍江三伏如冬公不以邊遠自弛置所陳地方便宜十二事

俞旨議行異時糧艘橫通州率十抽一二以槩其餘公閱視無漏略者而特詳請江浙被水涸爛之漕米分別存放漕卒乃無乾沒賠償之累其提刑兩浙也獄無大

卷三

美

小問對如家人三數隸旁立拱默不得作聲勢以非法虐使富家有塾師逮詔獄吏具文書請行查留貯之箱篋公曰罪人已得顧欲利主人之所有耶切責之既而聞吏果僞爲漏言於富家謀以賂解而竟不果賂蓋不事搏擊刻酷而剔削宿弊吏畏而民以不冤類如此至於藩庫嵯務填委糾紛公操刃決滯不遺豪末於是大臣慰薦將不次顯用公亦慨然欲有所爲而精力殫矣公秀羸善病念西陲用兵軍需旁午自西安命下力疾賃驛車就途隨具摺陳奏

上爲馳醫賜藥病增損輒以聞乃卒不起

世宗悼歎賻金贈官超常等且聞有子適就禮部試命榜發視中式以否又命覆閱所遺卷否異數也蓋公以勤慎劬主知以清白貽後嗣自官俸恩賜外室無美財通州有茶果銀四萬五千餘兩公一無所取護鹽政印有養廉銀一千二百兩猶奏而後受自傷祿不逮親而友于兄弟暨兄弟之子念襄城君有才未展曰吾敢以親故使朝廷失士遂保舉授今職人不以為嫌與人交洞朗軒闢不可干以私而款曲盡意性嗜學問文章故遇賢俊尤所託契往往形於詠歌歸安姚生世鈺抄公遺詩為三卷謂其周旋於親愛倫理之間纏綿排

卷三

側有溫柔敦厚之遺風焉纂脩諸書分條析理同侪有疑義總裁率曰盍問石川石川公舊里名因自號也其見重如此公卒以雍正八年二月初八日春秋五十配洪氏封安人先卒贈夫人方貧約時嘗脫簪珥以資公宦學婦德母儀親族稱焉生三子夢騶康熙庚子舉人揀選知縣後公數年卒次夢騶歲貢生部選雲南澂江府通判

憲皇帝篤念先臣特旨授江西建昌府同知推陞陝西漢中府知府未上亦卒次夢筆太學生考授州同出為季父後將以乾隆某年某月某日啓殯歸葬於歙某鄉

某里某山編脩公之兆以洪夫人祔而謁余文以志公墓者夢筆也嗚呼余於公諸子俱見其幼而長以有成謂公之不充大潤澤於天下者庶有待於是乃伯仲相繼奄忽且無男子子獨其季有子華孫福孫安孫者因以福孫安孫還後其兩兄以奉公祀其尤可哀也銘曰有美太常聲施業光惟內行之仁厚故其文學政事於時為循吏於朝為名卿胡遭時遇主而壽命不長知吾所以為天下惜者千齡萬代視此銘章

叢書樓銘 井序

卷三

三

牧齋錢氏曰有聚書者之聚書有讀書者之聚書其說既美矣蒙竊以為未盡也夫聚書而弗讀猶弗聚也讀而不能行亦猶弗讀而已矣今夫書者三才萬象之郭郭也古之聖人窮理盡性坐言起行篤其實而書之如周公之為政登龜取菹攻臯去鼃之說無不備孔子之論禮至於千萬而一有者皆預為之說所以待天下後世之無窮使讀者求無不獲也大賢以下諸子百家其書有偏全純駁之不同而要皆著其所自得猶使讀之者博觀約取而引為己助故學記教人一年視離經辨志離經者離絕經書之句讀是即讀書也而必辨其所

趣嚮是故多識所以畜德也多聞見所以爲言行也推之格物致知必要諸脩身齊家治國平天下學問思辨必繼以篤行博文必約禮博學詳說必將反說約而所謂化民成俗者固不待期之九年大成之後而鼓篋孫業亦非徒呻其佔畢之云爾已矣後世書日益多士大夫好之而有力者往往爭相藏弃然而牙籤未觸束閣不觀南面百城貽譏書肆其聚而弗讀者既如彼其或手披口吟旁搜遐覽而撫華棄實聖讀庸行甚且飾六藝以文姦假詩禮以發冢於是高明之士借而反之糟粕古人謂六經皆我注腳荒經蔑古道術遂爲天下裂

卷三

完

庸非讀書而不能行者階之厲乎夫因病其不能行而轉謂書可以不讀因其不能讀而并欲舉書而廢之此非聖賢以書教天下後世之旨也廣陵二馬君秋玉佩兮築別墅街南有叢書樓焉樓若干楹書若干萬卷其著錄之富丹鉛點勘之勤視唐宋藏書家如鄴侯李氏宣獻宋氏廬山李氏石林葉氏未知孰爲後先若近代所稱天一閣曠園絳雲樓千頃齋以暨倦圃傳是樓聯書亭正恐無所不及也而二君奉母閑居兄弟自相師友定省餘暇閒出而與四方博雅君子稽經諏律篤文字之契好意懇言下缺然若惟恐類於誇多鬥靡者之

所爲而以不克體夫書之所以云之意爲己病余訪舊廣陵坐臥樓下者踰月乃去旣自恨力不能聚書然且居春明之宅叨別院之饌目擊白石菴之所藏又不能拾其餘棄以自補是欲僅爲讀書之人而不可得而竊有感於人之稱馬氏者徒以爲藏書之富甲於江南則二君之志荒矣輒復覲縷陳言以引伸錢氏之說且爲海內之聚書讀書者勸爰爲銘曰

重屋聯榜叢書於閒經史子集搜羅駢闐學古有獲非託空言維孝友于奉以周旋三才一貫百行同源讀書種子此爲最先仰瞻高樓遙睇陳編我揭斯義如日中

卷三

罕

天慶雲所護過者式焉

璋硯銘

玉作半圭禮南方赤精之帝宣文章

山行木拐銘

以輔吾進徐則不困毋爭捷徑毋行險以徼倖

端石病硯銘

并序

友人贈余端石硯溫潤宜墨面背有白道如瑩或曰惜哉此石之病也余卽以字硯爲之銘曰如玉如瑩天何與病不掩瑕瑜苟全性命

方鏡銘

寧貌不揚母易心之方

又

無取面團團方爲圓

陳授衣四十像贊

授衣出於揚州時方客郡將唐公官署

寫正鋒字吟中唐詩窮年矻矻一卷是披或以爲齊贅
增淳于髡或以爲王儉府庾杲之要非竹町子本來面目請視此大布之衣

鮑辛甫先生像贊

撚鬚微吟脫巾散步孤雲騁風獨鶴警露其斯爲神仙
中人現宰官身而仍不改乎此度者耶

卷三

聖

從弟敬直讀書圖贊

一卷之書飢不堪煮味於無味如衰得乳口吟手披博
觀約取撫華食實書不負汝

屏守齋遺藁卷三終

門人張震校字

屏守齋遺藁卷四

吳興 姚世鈺 玉裁

念慈經義題辭

科舉文之一體八股文科舉文之一體而通經釋義
其事優大故令甲首庸焉自棄者以少爲貴拘儒高談
稷契下視服鄭其實蕪穢非瞻俗語類俳譬如懷腐欲
香見黑稱美正與夫束書不觀唯阿相去總無與天下
文章之大觀耳邇日州鄉綴文家合譟吾弟念慈八股
文念慈不色喜曰萬物之郭衆說之郭是何等事古之
通經者擇焉精語焉詳追而從之終身於是譏諛者又

卷四

多乎哉抑懼夫無所挾以希有司之品第而妄意戰藝
者之可以虛屈也遂乃證嚮今故抉剔英華自鼓篋孫
業不數年而雄傑老成之風筆端卓爾庠齒驚爆微特
自棄者胥詘也昔段師授康崑崙柅曰遺昆崙不近
樂器十年忘其本領然後可教凡今剽竊場屋矜執本
領如女巫所授之邪聲念慈一無有而猶咕咕文念慈
何哉雖然千里百里名士碩師寧無以文律通流當世
以念慈之欲相振以進乎古而後已而卽其科舉文之
一體不以時然而然自足而務得當於令甲首經義之
意則孤進之苦心亦可推見七八矣丙午七月立秋日

船過臨平山下書

書申培舅送朱端叔會試序後

端叔會試北行余族舅沈君述其所聞于吳兄大文者爲文以贈謂^{世鉅}與大文相知爲深蓋有以徵吾言乎余謂大文坦直無他腸而嗜義若嗜慾嘗自號古愚誠古之愚也抑古之疾也然而其愚不可及也客曰如子言將端叔與吳君必不合矣夫端叔固聰察人也應之日惟余亦正以端叔爲聰察人也端叔素工博士家言年來務爲有用之學鬱而未試大覃思三世之書余嬰沈痼疾行十年矣不知者率曰是邪氣也宜攻之端叔

卷四

二

日惡是何言與我方憂夫元氣之不足而培之恐後豈况攻之則元氣或幾乎息矣蓋自吾友王隆起獨持此論而端叔遙和之余養痾桐鄉再期端叔每爲余診脉治方書暨一切魚炙咬咀之法良具而損其疾者十得七八夫人之難知也猶疾然人藏其心猶天陰陽虛實之在人身不可測度也然而有見垣一方者往往卽容動色理閒而盡得五臟之癥結古之善知人者猶是矣今卽未敢謂端叔之於醫遂克同乎長桑^者流要視世之自號爲知醫而邪正虛實之不辨者則有閒矣夫端叔能知余之疾而有不足以知大文之疾者乎且

向者端叔固嘗因余一識大文矣今如京師縱微吾舅言吾知其必有合也惜乎端叔行而余疾未盡瘳而元氣之論還使隆起獨也土有特立獨行側身天地閒者益宜其寡和也哉乾隆戊午十月書

書朱霞山小傳後

霞山嗜書喜交遊而愛余尤厚癸丑六月歸自京師過余莊上留三日飲閒謂余曰我求友於天下凡若而人然自始相識迄今歷久而不改其度者獨惟吾兄嗚呼今觀余族舅沈君所述霞山臨絕之言所謂他人尚不忍聞者況僕耶猶記甲辰乙巳閒余與霞山昆季齋中

卷四

三

讀書霞山以悼亡日近多居外每呻吟交內夜率儲酒菓噉余時同館吳兄象西樸誠士也性不善飲然見余飲亦復欣然舉杯作蟬聯語倦然後寢而余姊壻王立父閒從吾鄉來與三數人者高談雄辯意氣橫出初不謂此樂之不可常也十年已來夢事千變矣乃今春二月余方視立父舍殮於下若里越三日旋哭霞山於桐鄉霞山諸弟如[□]端叔輩既能坐致青雲或搏扶搖而上卽當時所從余與象西受書者亦胥角立傑出獨霞山資志入地象西且墓有宿草此優施所以歌苑枯平原所以賦芝蕙也憂患餘生心氣虛損俯仰存歿未

能爲文以抒余哀而霞山平生梗槩傳既語焉而詳聊復掇拾叢脞附諸卷後以誌余之悼歎於無窮也悲夫乾隆戊午十二月

書錢安伯時文稟

表弟錢安伯弱年志學不幸短命死矣料檢遺文得如千首其辭彩斑斑然而從順識職無一字亂雜有老成之風其志蓋將進乎古而於今或無所用之夫誠無所用於今則雖使安伯充其志切磋究之亦將持此安歸耶乃并其人而遽奪之速於以見天之生才之難而成之尤難是區區者所當惜錄而存之冀傳之親故有徵

卷四

四

吾言者庶幾安伯爲不亡也

書馬氏古印譜後

小學廢而六書失傳獨摹印尚存八體之一昔吾鄉趙魏公曾摸古印文三百四十枚集爲印史自序謂漢魏典刑髮鬚見之近代篆刻自文何而降體製漸乖流俗既以新奇相矜其高者又多襲古滋謬譬如書八分而缺折其鋒鏖斷爛其波畫自詭漢隸不知漢碑歲久剝蝕非遺法固然也以此摹印是且不知有文何何論漢魏友人廣陵馬嶢谷半槎昆季出古印譜示余以枚數之視印史三倍不啻皆趙公所謂以印印紙可信不誣

者其文字工整完好若新鏤然閒有剝蝕亦可從金銷石泐之餘想像典刑朴質之意許叔重有言文字者經藝之本韓子記科斗書亦云凡爲文辭宜略識字使由是脩爲考證之文以上溯八體之法則豈獨成舉諸印同異可釐保氏六書形聲可講將見文章盛事且與三代同風孰謂斯譜非始基而蠱篆爲小技乎請與海內嗜古搜奇之士一商推焉乾隆己未十月書

書奉母圖後

淮之南有二馬君焉曰秋玉佩兮余得與之交昆弟閒怡怡如也既聞其有異母兄開熊孝於親友于弟年四

卷四

五

十早世閒以訊二君則戚然有感一日出奉母圖一卷見示曰昔吾先兄開熊自幼爲伯父後伯父故未婚而歿而伯母汪孺人實女而不婦而能守貞逾三十年撫其所後之子以有成旌旌於朝矣不幸孺人棄養而開熊旋亦賁志不祿吾二人者常恨想吾兄不克相守以老獨記憶孺人母子一色笑一話言依依然未有忘去願有述焉以慰吾二人之思此圖所以志也余惟君臣父子夫婦昆弟朋友之道缺幾疑古聖人之教以人倫多有不宜於今者不知倫之根於性者未嘗變則盡其道焉今固無異於古所云也以孺人之苦節而能慈

於所爲後之子則必無不慈於我生者可矣此可以
勸天下之爲人母者矣以開熊善事所後之母則必無
不善於生我者可知矣此可以勸天下之爲人子者矣
秋玉佩兮不忍死其兄而追念於兄之所後之母則其
厚于仁而篤於親又可知矣此可以勸天下之爲人弟
者矣古有畫列女于屏風而圖孝經爲橫看者以視茲
圖其歸于輔教警世寧有異哉馬氏籍祁門與孺人父
母家故同里今僑揚州其詳具旌表貞女錄暨開熊小
傳乾隆辛酉六月

書程氏古印譜後

卷四

六

廣陵程君振華曾蓄古印如千枚既散去獨存其譜序
以贈余余惟古印有官私用有緩急故或鑄或鑿或以
錐畫每工拙不齊苟非銷爛齧蝕而兼得其工則淳古
端麗近代雕鏤罕儷焉其文時與說文小篆異蓋鑿印
自爲一體固然也然間有疑者漢舊儀稱印有黃金蒙
駝鈕者曰璽其次黃金印龜鈕金印龜鈕銀印龜鈕文
胥曰章其曰印者惟千石暨二百石以上乃銅印鼻鈕
耳師古謂但作鼻不爲蟲獸形今銅印而亦多龜鈕者
何也百官表爵二十級徹侯之下卽關內侯後漢因之
宜金印奉車都尉駙馬都尉騎都尉秩胥比二千石宜

銀印文胥曰章今不曰章且胥銅印何也孝武紀數用
五師古注謂印文也若丞相曰丞相之印章諸卿及守
相印文不足五字者以之足之今五字者甚不多也豈
旋廢不行耶又何也斯譜自秦漢迄魏晉官私印頗存
大都而漢特備余襲藏珍翫未能了然於心因書以質
之振華嗜古成癖今夏友人從廣陵來言有客攜售安
陽貨布以千計有力者已負之而趨君幾廢寢食傾囊
買得數十枚其所見古文奇字當益富尚爲我析其義
焉乾隆癸亥十月記

笠澤叢書跋

卷四

七

康熙己亥從知長興縣雲中鮑公鈔假抄此書脫訛實
甚往往多不可句蓋錢唐吳氏繡谷傳抄本也如新城
王司寇跋中所舉寒泉子一篇脫落仍舊予因取文粹
戊籤及御定全唐詩諸書補定繕寫攜之行笈值本
便校頃又從友人架上見甫里先生集舊刻本并假覆
審是正良多庶幾完善惜無好之而有力者重刊行之
雍正
丙午

又

雍正初年吳門顧氏開笠澤叢書紙墨精好而警校之
功闕如後廣陵陸氏重刻此本悉仍其舊頃戴兄光林

歸自淮南贈余一冊云陸氏近得錢牧翁校本追改十餘字余因取覆審一過頗有是正然陸本視余所抄疑誤尚多亦未及盡改也其卷首有樊開序一篇卷丁後續補遺賦四篇并十一世孫德原跋當補抄增入姑記于此以見校勘書籍之難如此

又

乾隆乙丑秋余寓揚州馬氏鼓書樓因從陸二守淳川訪牧翁校本其書抄寫筆畫偏旁頗不草草朱書校勘亦詳審卷首有牧翁印記卽未知果出老人藏弄以否然余已獲于此書有是正之益且因後跋得推見元人

舊刻之次第彌可喜也

又

此敘嘗本列在鼓書補遺陸龜蒙傳後序後接續補遺列微涼秋蟲塵尾幽居四賦前有小注云四賦蜀本有之今添入賦後接三山王益祥跋已殘闕十一世孫德原跋於是鼓書終焉按此當是至元仍紀元五年德原刻本之次第其後又有都穆及曹氏虛舟子護淨居士并無姓名字共五跋內曹氏虛舟子居其二其一云琴川之有是集實自余始余從姑蘇舊家抄得其刻本尚在云云則此本爲嘗熟藏書家對舊刻抄謄之本流

傳有緒雖校讐猶有未諦處要可愛玩正不必專取牧翁老人印記爲重也

又

友人淳川二守旣開笠澤叢書復從虞山收藏家購得此舊抄本頗資勘改猶恐其不精不詳也屬爲覆審而余巾篋中適攜有少時手寫之本遂取三書參相校讐互有是正余自寫此書值本便校自謂不苟而此本於字畫偏旁丹粉點點俱不草草其據以釐正者數家內稱馮注者尤審諦竊疑卽出於已蒼定遠二先生都未可知觀曹氏虛舟子跋謂渠川之有是集實自余始從

卷四

九

姑蘇舊家抄得其刻本尚在云云則知此書流傳有緒固不必據卷首牧齋老人印記爲輕重也其中間有點畫未正及章句脫誤處輒就余本補訂一二附記於書之上下方以歸淳川俾陸氏子孫永寶之尚勿以余爲妄下雌黃見棄云爾乾隆乙丑秋八月記時寓揚州新城馬氏鼓書樓

安溪先生墨蹟跋

吾師江都先生以康熙己丑成進士總裁李文正公初得先生卷欲元之後竟不果屢有樊川第五之歎頃歲世鉅朋試未及貢先生悵然如已失之世鉅向固未嘗

通名於先生卽先生亦僅從曩昔朋遊中見世銑所學古文辭輒用是爲惓惓雖其得失高下區以別矣抑古大人君子之獎鑒人倫惟恐有一士感不遇者其用心一也此冊乃文正自書以贈先生歸省之作趣味澄復視專門名家無惡德焉世銑因念少習文正之書刻心悚慕未得爲徒今幸聞緒論於先生式瞻手蹟承命跋尾竊取私淑諸人之義雍正八年王正人日謹書

卷四

丑張公實副李公爲總裁得人尤盛當時閣中拆卷將填榜凡雅素知名獲售者三十餘人李公特揚言於衆曰區區自謂平生關節不通今諸君得無有未信於心者耶因取三十餘卷合前後場覆審之乃曰畢竟名不虛立嗟乎文章如良金玉市有定價然非有公鑒而無私心如李張二公亦安能暗中摸索以庶幾貞元嘉祐之風哉此語頃聞之江都先生先生聞之文正後有撫言文場盛事以補國史者願并論之不敢私爲家乘之美談也

安溪李文正公送改堂先生南歸詩 附抄

綠浪漾麥華之子循陔去白頭望斑衣應倚庭前樹巧匠忽袖手遣誰實館署舉世但奔波豈憶南山霧此行盛所業來只光文部況是古人心不以三公顧柳雨湖邊舟花風塢上路無窮惜別意轉作羈人慕投老負君親素食已孤露慰薦賴友朋栖遲付良晤愁人兮奈何風萍擬離聚微恩抵故止去來幸一遇事業付後生鼎鼎方未暮振刷步清夷甘使流年誤吾歸山之阿寓我以佳句

陳竹町詩跋

余與竹町同丙子其遊處蹤跡率多同者竹町出贅揚

卷四

州于今餘十年而余亦嘗一再遊其地歲庚戌余爲江都師館置郡齋竹町則已先余入幕頻年以來聚集逾密惟竹町歸里觀省渡江寧家或越月移旬不見否則無三日不相見也頃詔舉博學鴻儒吾師以余兩人名附薦書余既病不成行竹町亦謙退辭不就讀竹町初度感懷之什不能無槩於中者顧竹町詩日益工每善自道其羈愁感歎之思長篇短詠方將追貞元元和諸公而尚友之如余之偷惰無聞正未可同年而語矣時雍正乙卯中秋月書於六客堂池上南軒

戴剡原文鈔跋

乾隆乙丑余在韓江見義門何先生手寫剡源文六篇
上有朱書云非汲古閣所藏抄本則幾亡逸矣今此二
冊爲吾友詰士所購蓄雖非足本以校明萬歷刊本獨
增多十有二篇而何抄六篇胥在焉且其字畫偏旁無
不符契然則此書卽毛氏舊抄無疑矣清河子孫當世
世寶之丙寅仲冬月朔旦書於麗澤書堂

戴剡源文集跋

余少時讀梨洲黃徵君所撰剡源文鈔每恨未獲見其
全集去冬客揚州遇吳趨薄君自崑出示何義門先生
手寫剡源文六篇上有朱書謂得自汲古閣所藏抄本

卷四

三

余時方束歸裝未暇謄寫僅記其目於巾櫥今年吾友
詰士購得此集因出家藏貞山草堂舊抄本屬爲對勘
後有無名氏跋似是同時人所編次分甲乙丙丁四局
并補遺三篇共七十篇有文無詩其爲近刻遺逸者計
十二篇而何抄六篇胥在焉初有客見義門字畫偏旁
不依說文疑是小年筆跡余輒謂此殆仍元抄之舊正
前輩矜慎闕疑之意今按之果然乃知此抄本蓋卽汲
古所藏而明陸氏子餘號貞山或係陸氏舊抄流傳有
緒彌可珍重余遂據以訂刻集之訛兼記其得失互異
者於邊闌之下詰士又屬陳子以東抄補闕佚庶稱完

書顧余私愧習復戴先生文幾三十年了不長進執簡
操筆露汗盈握乾隆丙寅九月記於韓江張氏麗澤書
堂

虞秘監汝南公主墓誌草槁跋

永興真迹在宋時好事家已絕無此汝南公主墓誌草
槁宜爲前明諸公所珍賞愚獨以初唐風氣淳古虞書
尤內含剛柔今體稍瘠薄有時代昇降之殊特其鋒中
意正無一筆隨手搨放且氣韻和雅斷非元以後書流
所及故竊以弇州所疑米襄陽臨仿者爲近之買王得
羊詰士亦足以豪矣乾隆丙寅陽月炙硯書於韓江榮

卷四

三

木軒

董思翁書卷跋

明萬歷中董宗伯以編修充皇長子講官因事啓沃坐
失執政意出爲湖廣副使見於橫雲山人史槁本傳觀
此書跋語證之印記殆卽其時益託意東坡之譏切時
宰也此卷桐城方邵村先生舊藏先曾王父方伯府君
與先生進士同年吾家多有其書大都專仿宗伯故於
此卷珍賞如是今歸西疇二兄其嗜好雅類其宗老因
歎宗伯與方氏殆有夙世翰墨緣也坡公二詩後一首
視集中少一連未知何據更可爲注蘇者廣一異聞乾

隆丙寅九月記於韓江寓齋

宋刻公羊傳跋

友人半查四兄見示此本宋刻鄂州官書公羊解詁復出義門何先生手校毛氏汲古閣雕本注疏屬爲對勘大抵何据石經及宋官本與此同者十之八而此書異處并灼然訛誤別以朱牋標記其上卷尾脫去一葉計傳注約三百餘字余卽据何校本抄補重裝於是邵公解詁人閒尚留此完善之書蓋不獨馬氏子孫永以爲寶儻質諸前賢嘉惠來學之意亦弗嫌其妄作也已

徐幼文師子林圖跋

卷四

西

龔讀元明閒吳中先賢詩知有所謂師子林者聞倪迂曾寫爲圖未之見也頃張兄詰士購得徐公幼文此冊每幅後係以無名氏一絕句陸詹事子淵據姚榮公跋謂詩當卽是姚作也夫師林一浮屠氏之宮久已堙埋委翳於閭閻蠹塵之中而數公辭翰閱四百餘年而收而寶之者方未艾也然則文墨非淺事而脩名之立不誠可懼哉幼文於元末避地吾州之蜀山築書舍居焉故其所作山水雅似吳興乃其自製書舍圖則求之不得附記於此以諗觀者乾隆丙寅十月書於韓江寓齋

何批唐三體詩跋

乾隆辛酉雲中鮑公方官長興買得三體詩舊刻是吳趨書賈勝寫義門校本汪學山適有此書屬余對勘一過今年初夏從馬氏叢書樓見新購江村高氏所開係何批真跡因復爲詰士兄校此自顧年運而往於詩學了不長進惟於何先生書雖屢寫而不厭手抵是亦執鞭欣慕之意且以知書賈移勝訛脫可笑未必非一得云爾丁卯五月十三日麗澤書堂記

自書冊跋

卷四

五

古人書法皆有口訣面授自元以前雖時代升降不同而考諸古法無有不合者泉明中葉祝文既往法漸消訛近時義門何先生獨得虞山馮定遠氏父子之真傳魯南徐公又從義門得訣師友淵源旣以流傳有緒而復濟以人品學問故成就卓然其餘非無烜赫有名者試以古法求之未必是也余少喜塗鴉苦無入處頻年以來每從朋遊閒竊見元以前人墨迹及宋搨善本稍知用筆結體之一二而憂患疾病斂我歲月未能殫心一力以竟斯事落筆未嘗不內慙也葑田良友兄持冊索書乖多合少乃米元章所謂慙惶殺人者要其不敢自信之心或不見絕于有道云爾

答沈勉之表弟書

五月間使廻南得書知弟以修書留京師甚慰薪出餘生重荷遠念并傳襄七惓惓之意三復感喟夫何可言僕不肖於先人無一日之養卒焉降割過死未暇頃六月初祖母又見棄矣人情痛定思痛謂爲難堪況其方痛而又甚之也弟謂僕將何以處此耶弟留京師僕初未得信時意亦以爲應爾非謂留此可以得進士邀祿位也夫祿與位庸者所待以爲榮者也賢者道弼於中而禪之以藝雖無祿與位其榮者自在也顧道藝不皆生而知必學焉獨學則陋必資於人以輔而進之夫子

卷四

七

謂子賤魯無君子斯焉取斯言此以見魯之多賢而子賤之能取資于人也方今海內宿師碩士多聚於京師記向者常與弟相處輒言某所某先生當師之某某將友之不得至望見之未嘗不以不得師之友之爲恨也今弟固有以見之矣見之而弗能師之友之猶弗見也師之友之而惟其名猶弗師友也夫見猶未見師之友之而猶弗師友之此今之邀祿與位者蓋有矣獨非所擬于弟也弟聰明而銳於學問家雖貧賤父方康強仰事俯畜尚可紓南嚮之憂在京師又非比羈遊者多僦屋賃僕之費苟能專心致志以相從問道藝爲事則所

見宿師碩士卽不必一一盡師友之而薰蒸漸漬將必有大異于曩時之所云而不自知其益者縱不得進士視僕之抱愚守迷一物無所見其得失已自有辨矣况又時有兼得者耶此僕所以謂弟宜留也僕則不然僕命窮而性拙拙故於道藝少所見而於世之致祿與位之術亦且擇焉而不精每提筆試有司其朋試者往往得意殊自訟以爲不能及及就視其業若未見甚盛於僕而僕之所爲以爲或當更進於是故其業雖似難工而有所不喜然猶未敢決然舍去者自念幼失母吾父又不樂與時從順俯仰居窮守約惟日夜望其子之成

卷四

七

我既不能以道藝榮我親而并此庸者之榮而失之是爲不肖滋甚故竊不自量其命之窮而嗥然思自暴於世以爲進此道藝可以徐圖之未晚也今已矣年未三十生我俱盡莫大之喪未期再遇上之則兩世之殯葬無所營下之則諸弟之餐鬻莫可繼跼天踣地戚戚焉方抱無涯之悲尚未可以安命知止而欲與羣士爭名競得失邪抑僕之拙有不可變者孟子謂天將降大任於是人必先苦心勞身以動忍增益之然後生於憂患韓子曰斯道未喪天命不欺行之以不息要之以之死不有得於今必有得於古不有得於身必有得於後老

蘇自言二十五始知讀書僕讀書未逮古人年已與之齊矣而勞苦憂患之於斯極殆天之有意於生之以增益之耶如韓子之云云要其誓心云爾其能不能未可知也默計州鄉數百里閒所當師者何人耶友者何人耶末師陋學接鄰皆是求其志於道藝而能不以飢寒亂心者自容裳一二輩外同類殆絕如弟方遠隔數千里而宿師碩士尤卒卒無由見之則其究能免爲鄉里汨沒之餓民者幾何此僕所以自恨其不能奮飛而進退維谷也憂患以來略無述造惟春閒曾撰先君行狀一通文不工但謂粗得先人生平梗槩見者羣以爲怪

卷四

太

蓋先人行既不合時宜僕又據實書之遂以見怪宜耳使就正於弟當許其不誣奈道遠未便將寄如何如何僕潦倒龔疎其性之拙如前所陳卽凡吹彈棊博談嘲戲謔可以接羣居之歡者無一諱而弟廼謂文采宜入時或弟之愛僕故不以規而以諷倘竟以此稱之過矣襄七於僕偶因一二朋遊阿好之言過聽之去冬特枉見存贈詩茶酒閒更以道藝相勗虛懷循誘不遺幽鄙在襄七無愧古人顧僕則何以稱也柯先生舉進士不得進實堪張目顧今之進士多矣如南陔者果多耶不多則先生亦奚憾也胸中有萬萬欲與弟言者未能詳

聊因舅父家書附答區區朔風早涼起居珍重聞見之餘可以助予不及者幸示一隅容裳并諸弟書扇俱收到屬謝不宣

答沈蕙圃論行狀書

壬寅六月

前辱書諄諄以適庭先生行狀見委續勉之書來亦云尋又承與霖洲姨夫見過面論再三聞命感媿不敢當不敢當古文之衰久矣時之爲言者以爲禽犢耳而古人則有不朽之事焉至行狀則尤孝子之不欲死其親者之所爲也其在上則如太常之議謚史館之列傳胥視乎此其在下則如家乘之紀載廟墓碑誌之稱述皆

卷四

九

不過準此而增損之要其大槩不易也古之人大懼其親之泯滅往往銜哀結思以自爲之狀或假手于人以爲之狀其人之足傳者則因文而益傳卽其人未足盡傳而其辭之工則世猶得因文以見其人南豐曾氏有言非託道德文章兼勝之士則不足以行世而傳後其論銘誌之難如此而必準乎狀以立言狀不基重歟今之爲行狀者不然不知其文之所以重而以爲居喪之儀不可闕奈何人云不亦云乎其文之作又輒稱其家之有無貧者他物且不能具固無有區區於是者矣逮其靡則自公卿大夫至於市井屠沽莫不有狀敘祖

宗之世系宛然行卷之履歷也列孤哀之姓氏不過報謁之名刺也當其籤題偉麗紙墨鮮好之時識者已惡其臭腐不可化而其子孫視之亦且漠然無情竟不知所指之爲誰也於戲古人不朽之盛事今人直用爲交際之世情焉苟且偷託相沿成習至所以事其親者而亦若是是豈特文字之衰而已乎今者姨夫勤勤懇懇思有以標白其先人是誠得於孝子之心矣而足下輩復憊憊贊之以下問於不肖甚盛甚盛顧猶恨所託之非其入也不肖時過未學加以疾病憂患吃不得暇逸由前之說既有志而未逮由後之說又恐其背時戾

卷四

主

衆而重貽孝子以生今反古之請至欲調停於二者之間而爲非古非今之語此其勢更有所不能所以承命旬時遲徊而未敢屬筆以此也見示藁本大槩已具惟中閒語句之疵及時文排比之習當爲刪去其云云者無足爲足下所知恐縣望先此具白有未盡處幸賜垂教餘俟就正面商不宣

與楊筠谷

春中得書兼拜篆刻之賜泥塗名氏過蒙榮造前輩以爲勝於玉版金鎖者也感謝感謝大小篆之學不講久矣其法僅存于摹印顧愚不能遠稽唐宋第就所見自

元代以泉明朝嘉靖以前其才子鉅公之所傳摹印記無不確守說文參以斯冰筆意故皆工妙絕倫古韻可掬自文氏既沒法漸淆訛往往斷爛字畫缺損邊角號爲仿古夫印莫古於秦漢今世所流傳之秦漢銅印或真偽未可槩論亦每有極工者因悟其斷爛剝損乃歲祀久遠所致非當時真面也如必執此以爲古此猶習碑帖者捨唐宋初拓完好之本專取近代斷爛缺損者心摹而手追之豈非笑話耶愚於國朝諸名手雅愛虞山馮補之其工妙殆不減文氏恨生晚不及見其人今得先生不獨元明摹印之遺法賴以復振即大小篆之

卷四

主

學且將由先生而知所趨向此愚之所歡喜無量不徒以得妙製爲私幸也拙書惡劣向年東塗西抹與人一無所惜況先生尤執鞭欣慕者奈久病不瘳頃連日寫數種并紙扇擬奉教都無一筆是處雖已署尊欸亦匿不敢獻授衣兄最爲知狀故於其歸託便申意俟稍有可觀一兩件當補送不必定以冬日爲期耳專此順候願賜清誨不宣

與陳竹町

契濶談醺便已逾時迴憶玉山草堂樂數晨夕雅爲頻年以來快意事恨牽牽過歸江山勝遊既乖始願雖布

帆無恙而風凌雪厲際無一語賞之直是未能免俗宜乎識者笑來也抵舍後方知學使者已移節溫台彌增憐憫臘月望前接讀手畢兼誦新詩健筆縱橫令人氣懣故遲久未能嗣音不獨爲強韻所壓而已斷碑并小字蘭亭因桐鄉無拓碑人擬今春覓好手揚出奉寄學山先囑道意附去拙書集聯一副敬祝賢尊老伯新歲開八表之慶弟本領固不濟又所製新筆甚不中書遂益增醜怪取其意可矣蓮峰北行弟竊欲尼之或渠自有主張則非局外者所能料也巢林貧病弟曾言于學山歲杪又有札申意未知壽門使者從桐鄉回揚時得

卷四

三

少有潤澤否此恐非汪先生本懷然我輩相憐共濟之情亦烏容已也聞程元兄渡江之便匆匆附報並候近履及玉嫵安否不盡

又

歲前有淮陰人便從巢林先生許附去小記并拙詩一紙計塵清照矣履新想動止如宜欣賀欣賀粉箋一條是舍閒廳柱所待用者求大筆作壁窠書畫了仍付董舍親囑渠覓便信寄來千萬千萬專懇兼候不具

又

聞小玲瓏山館刊閭校困學紀聞已告竣弟不及專札

二馬先生煩爲我轉索一部桐鄉汪學山亦新開何校本歲前始完得第一卷若得閱書見兼足爲嚮比之助俟汪氏書成亦當乞一部奉報也千萬千萬

又

首春奉記嗣後消息茫然踰半年矣頃十七日將自望門來長水訥夫郵到程軼青兄攜歸手畢歡快如面相語知寓公意況尚不寂漠欣慰欣慰弟過四十無子此事看來只好望諸舍弟輩然頃爲小女贅壻經營拮据偏不免向平之累且前途渺茫息肩何日託契如大兄固應爲我喚奈何耳頃於百忙中料理街南筆墨舊逋

卷四

三

幾件鄉州無便可寄意謂學山正值多事亦未必有閒情商量及此及昨到館中猝有汪兄玉峰還淮上之便發將滿遽不及向舍閒追取前件只行篋內帶得文石先生詩序草槩一紙塗乙混并僅口授館人錄一草本姑取其可以句讀又印譜一跋雖同是槩本差覺行墨分明謹同觀潮舊作送呈一笑知己之前無所藏拙若程馬三先生處且不必視之容歸舍將淨本續寄請教可也幸先爲我申意鮑公格于例不獲卓異僅得副薦所喜循聲達于上司將來或有好消息亦未可知渠新製竹詩箴託送一枚兼有詩索和伏乞檢入壽門語竟

不相聞昨見訥夫述所傳於松陵友人者究未詳悉但只據云云已非吾輩素心所願望如何如何蓮峰入都想確耶諸交好俱乞問訊樊榭聞久回杭此得之學山傳聞當不虛爾冗次草率不備

又

貞石詩無論刻以否拙序當決作之雖其言不足重輕然竊附昔人挂劍之義少盡平生之分不敢忘也弟又許爲松逸先生敘其玉蘭堂詩歲前已曾艸得數行甚不稱意擬改撰一篇託便再寄今先從辛浦翁乞得道腴詩一部奉送松老煩告此意冗次未及惠札也館中

卷四

寄

中純于湘并良書吉人諸先生唐氏昆季王紹老統希寄聲外有吳兄索書一幅便中乞致之

又

三年不見交手匆匆想同此悵惘也別後聞尊體偶失調到揚州當卽時安穩耶訥夫書札各件并弟春閒奉寄託分致馬閱各件今仍將原封送上煩勞神檢發弟賤軀小極又不比會面時近人先生自能言之渡江之約擬在八九月閒若果斯遊則良覲亦不遠耳玉眷上下多佳諸惟慎夏自愛不盡

又

分手經年相思之深可勝勞結聞舍館扶風旣得賢主人又諸事近便意興定佳妙也月初董舍親歸書來傳道安適館事極荷愛厚無已因此閒主人倦倦之意未能決然辭去頗用惆悵惟謹志良友盛德于弗忘耳弟病軀粗遣但讀書寫字之緣只好推讓與二三朋好矣令弟三兄想勝常墳簞酬唱必多無由一讀爲恨前有數行奉候計收入耶冗次草率不備

又

家姊丈王立甫詩古文經義絕出輩流弟實不如遠甚年來閉戶著書所見尤卓若主人仁賢亦可強渠一行

卷四

寄

也弟既虛盛意故輒及此惟留神是荷

又

去冬弟歸自長興值尊匆住省會旋聞藩幕不果卽時北首目想心馳未嘗不與渡江之舟共搖搖也入春來動止何如賢嫂夫人暨令郎諸兄定多增勝爲賀設帳何許嘯志歌懷能不寂寞否念切念切弟客授桐鄉所訂傭書之值與舊館亦略相符契惟是離羣索居迴憶六客堂中連牀談醺頓成昨夢時復黯然銷魂不止一日九回腸矣舍親董兄訥夫因改堂師相招往教薄遊邦上久欲一識紫芝眉宇今趁便奉訪百凡幸推愛

左右之感荷尤不淺也令弟三哥筠谷香梓西唐巢林
扶風舅友俱煩道意新詩必多有便望錄寄一二以慰
思渴不盡

又

前託訥夫攜去小札計早到矣四月閒曾有奉和一詩
以其劣得宋人獐面目故未敢輕肆唐突今此稿尚留
篋中輒復將寄轉一笑榮良以知己之前無可藏拙也
樊榭先生許均此申意不備

又

夏杪有筆客陸君往揚曾奉小簡未知到否中秋晤樊

卷四

三

榭兄得悉賢昆友卽次消息稍慰懸懸頃重舍親寄來
手畢兼辱佳篇彌見千里故人鄭重之心不獨其詞之
工可與華萼聯珠相賡續已也弟今吾猶故吾多無足
言者汪先生清詞麗句讀所示大集正欲與白石玉田
把臂入林惜亡弟不及同賞令人感喟乃齒牙餘論下
逮鄙生枯木朽株又堪與天花比竝耶慚媿慚媿玉湖
漁唱一冊乞轉送并爲我稱謝盛意拙惡二首歷於強
韻聊復嗣音定然噴飯滿案也城南諸山真面如舊西
塞扁舟何時入手爲語厲先生勿徒令腸中輪轉也梅
泚徵士探簪頗忙未及作荅屬筆問訊千萬不盡臨書

悵悵

又

見樗厓丈煩索秋山小畫兼問玉几詩松門畫晤蓮峯
煩問訊并以拙評連老詩示之兼致傾倒之意蓋不欲
以尋常詩人處蓮峯也嶢谷涉江葭白試巖西唐七峯
諸先生均幸代問便中乞書渠起居是報

又

頃勉之自江北歸尚未入城先遣一舍表姪到舍持示
尊札惓惓之思溢於豪素兼聞動止宜適慰浣何如弟
春頭卽擬出門因學山有沒緊要事在下若里牽率逗

卷四

三

遛迨三月初辛公書來促衰并述梅泚兄語稱竹西文
藝之盛倡和題衿爲數十年來僅事因私念酒軍詩敵
雖未能執鞭弭周旋或從諸君後作壁上觀亦是平生
快舉方欲輕舟徑渡不意舊疾又發藥物支吾生趣都
盡比旬日間眠食幸漸就安穩藉庇可冀復常然梅炎
藻夏病軀遠道恐非所勝屈指西牕剪燭聽雨深譚又
將秋以爲期願承愛厚殷勤彌使別腸輪轉矣家庭傳
習自相師友令子姪輩文筆定爾日新講授之餘希爲
申意光林兄便草承附候不宣

又

初五日有丸藥從虎丘萃古齋寄陸淳老附去數行託轉送已收到否昨勉之又傳示初七日手翰并悉動止宜適爲慰啓者舍表弟沈振之公車北首久企勝流專誠走謁且長途脂秣所需不無希冀弟知此邦近局難開頃刻之花因振之誣諉輒代爲申意大兄平素每相戒以盡忠竭歡非全交之道今復不得已有再三之瀆想當於言外諒我也賤足漸愈并此謝縣綢別寄不宣

又

新歲上旬小壻北行奉寄數字知久蒙照鑑矣弟足傷頗爲醫誤既而覺悟始圖改療則已耽閣矣故今尚未

卷四

天

能健步須少遲出門也縣綢收得日內將從舍親村居取來但未敢竟付瘳船轉從吳門郵寄同郡有販繪往來揚州者容訪的確人託帶庶幾無他慮耳若并不可得弟自家攜上亦只在月杪月初諒不嫌太遲何如何如冗次草率

又

去冬別後歸途數百里間便有水陸跋涉之苦想令弟三兄到揚已備述也抵舍後債負填委傭書所入暨扶風投贈約償其半辛翁學山又仗助其半之半卒瘁拮据之情狀當不待言而知矣比審履新侍奉如宜內外

禔福天倫樂事固非弟瑩獨餘生所敢希冀於萬一然亦不能不奉助慶幸也諸處札翰已分致俱屬道謝辛翁承制府燭其沉抑去年十月按部浙西面加推獎許以題留將來屈伸正未可定曾問及壽門行止因述其除夜不渡江卽泊瓜洲之語頗悒然不樂也所委筆墨尚未了理索居無俚二三月閒或重續舊遊尚俟手繳訥甫隆起暨諸舍弟並屬候不宣

又

臘尾家舅沈申培將北轅索弟致扶風札弟念嶰老昆季方居廬謝客而家舅無因而前弟又助爲之請謁殊

卷四

天

非情事所安不得已因渠并索書致大兄遂作數行付之計不日入覽矣去年水災鄉州凋敝彌甚開歲兩日大雪盈尺或者麥有望民困稍蘇乎然寒冰凝沍凜冽異常於病體不宜未免加意調護耳小壻暨之兄弟公車過邗上馬太夫人喪期未遠理應進弔運司衙門兼有些子規例客囊羞澀欲藉以供脂秣之費停泊一兩日卽行其餘雖與弟契好諸公恐彼此徒勞往返不敢驚動或有思議所未及而稍稍可爲生色者惟冀長者指引前途俾免岐路之惑則感荷愛厚豈獨在後生輩哉唐先生已抵家未弟恐到揚期緩先有安稟付暨之

帶投如尚未歸姑以小稟存尊處早晚致之何如絲綢年節前後少出須從客方便宜今已託鄉友留心弟若二月初出門便自家帶上否則另覓的當人寄繳想弗遲也呵凍草率不備

又

九月望後因戴光兄處便人連附小記兩件未審曾達否近惟孝履如宜玉嫵上下增勝爲慰弟病體自入冬以來稍蘇但貧甚不堪其憂耳檮翁詩信究竟得轉寄去否此鄙心所最拳拳者有便尙冀示復也光兄藉地渡江省覲匆猝奉訊諸朋好祈爲一一申意頃病起試

卷四

三

筆作古印譜後記一通草稿就正覽畢并希交程振老同發一笑開歲續舊遊天氣正寒諸幸珍攝不宣

又

戴光兄歸接讀手畢並悉孝履如宜尊幼清勝殊慰遠想但五月間聞有託樊榭兄見寄手書卻未領到而弟於七月初頭曾因雙林凌君之便附報數行今渠尙留滯吳門想亦未達耶弟痼疾雖少差然寒鄉歲晏情緒煎迫不堪其憂知我者固可懸揣而得也辛翁題補嘉興縣頌先署事矣聞學山有十月間北轅之意若此行決定其所寄物件當仍令自家攜上弟亦或乘便渡江

作幾日周旋否則晤期大約在來春矣檮翁詩棠得確寄否此鄙心第一拳拳者幸示覆爲荷三兄尙留揚希道念餘諸交好並煩申意不宣

又

第二十日於京口換船一路天氣晴和廿三高春抵舍舍下幸粗安穩惟弟足傷未愈尚在醫療雖無終身之憂卻不免幾回悶坐也伏計新歲孝履已涉大祥內外平善可勝欣慰啓者家舅沈申培宅心忠厚學問淹雅與弟忘分契好其欽佩大兄有年所矣今因公車北首於韓江有數日逗留專誠造訪扶風昆季方廬居謝客

卷四

三

弟不敢率爾奉記有可爲指南者祈明教之冗次艸艸附候新祉餘俟便再報不宣

又

辛翁北行不入城屬弟申意并先所留一書呈上學山屬謝并言有一硯須弟渡江帶上也大兄命寫一聯一幅繳上并孔堂文兩冊三兄一聯一幅弟又送一幅并孔堂文一冊令姪一幅去冬臨行上店魯管家有冊子一本交小价收拾歸舍後問之云無有弟亦記不的未知曾交否乞問聲今有字一幅乞付之外檮翁處要緊書一封煩託吳周老或另覓的便寄宣城以必達弗浮

沉爲妙聞翁令郎樹旃兄仍館儀真此則託寄尚易也如無的便或暫留尊處或仍付還皆可

又

手畢初到卽與漁川看過此本真實語故無用掩耳盜鈴也昨走晤恬齋不值今晨始得排闥一面正將往儀真云明後日歸當過館中計處恐兄盼望先此覆餘俟再報不宣

又

春初奉記想早達矣三月中弟將出門因病而輟棹迄今尚懨懨也聞月朔旦壽門來猝聞賢尊老伯遽棄榮

卷四

三

養驚悼異常伏計賢昆仲孝思肫摯何以克堪旋聞歸葬湖上此則慈孝之心可以兩慰弟情事未申彌復感愧交集也重以采薪之憂有違執紼之禮已逾卒哭未奉生芻所冀知己察恕爲幸二兄想廬居大兄三兄恐仍須往揚州耶令子妹諸兄都安穩否舍弟輩均囑道唁諸惟節哀慎夏不勝馳戀不宣

又

頃張璜客兄見過有萬不得已急需託弟轉那十金弟一時無以應之而璜兄頻年契好又不能坐視其皇皇之狀然賤性又不欲向交游有力者代作微生計惟我

輩窮儒不妨甘苦與共而大兄適值多費之時私擬向松逸先生一商煩爲我轉告此段曲折璜兄有屋契暫作左券明年正月准當加利取贖不悞松老還山期也未及走晤代面不盡

又

初六日有泛舟之役因主人速客甚急遂不獲如約走畚經也連旬閒闊兄亦不一見過何耶偶有人向弟借銀二兩無以應之又勢不容已只得暫作微生高特此奉商卻恐尊處未必湊手或轉問振老一聲何如八月中當送還專希不盡昨詩定佳得一讀否漁川屬申意

卷四

三

并及

又

弟有一札欲煩交方柱山兄并索渠家集如有回信更希確付戴光兄管家當不患浮沉也只此

又

連日涼雨暑退想動止增勝所懇額書已寫未初七有鄉友南還倘得帶去甚妙也如無暇及此不妨遲遲勿煩促迫專此奉訊後日清晨一過畚經卻未敢說定不悉

又

賤體自兩日已來標本之症齊發疲憊實甚不但不能應酬而已汪勝老處弟擬附分想無不可煩兄爲我代去并同作一封各自包開未知何如一二日內勢不及往拜若相見希道歉意前後分金容總納完力疾草草不悉

又

羣公勝集日承中丞丈面訂昨嶰老見過又再三云已決意趨陪無如病體支離夜閒腹痛發作約三更餘晨起脾瀉兩次委頓實甚在寓亦只好喫粥也所代申諸老先生并致不安之意閣學丈垂索拙序雖不稱不敢

卷四

書

辭卻須暫緩幾日俟心氣粗定便當報命耳均乞轉白力病草草不備

與程松門

十九日午飯後專誠趨謝兼道別意適台從他出未及晤語此刻授衣兄來館中言途遇先生行旌已指白沙遂不敢重訪尊寓賤子明晨准渡江矣望風戀嫪未盡欲言不宣

與余苗邨

先生高情勝氣鄙夷塵俗賤子獨荷忘年之契酣嬉淋漓傾倒不厭未嘗不恨相見之晚也比想起居康勝新

製連篇濡雪之編殆將續刊矣弟痼疾支離不堪告語順候近履伏惟爲道自愛草率不盡

與余視南

聞今日啓行未及趨送心殊悵悵恃在知愛想恕其懶慢也時有便風登覽題稔之作幸寄一二以慰馳情餘惟遠道珍重是祝臨穎戀嫪不盡

與陸南圻

連日聞總在環溪花光水色中知嘯志歌懷愈增高興羈旅顛顛之士不得不歎羨神仙中人也保胎丸藥頃寄到恐新製之藥尚未乾燥須趁風日一曬晾爲妙草

卷四

書

草不宣

與張漁川

昨脩候未及晤訊梅竹兩兄知近履增勝爲慰行笈中攜得小畫一軸是麓臺小幅與老友沈樗崖丈手跡合裝聊供高齋遮壁又漆紗一端則土宜也伏冀笑納勿以遊客套禮卻之幸甚幸甚餘面悉不宣

又

經旬違晤知調膳如宜昨者簡棄塵務草就大集拙序作者以古人自期待故弟亦不敢學時俗夸毗諛語然立意則爾究不敢謂果能爾也稟本送去尚祈明眼是

非之勿吝爲荷餘俟面悉不宣

又

別逾半月想動止輕安侍膳宜適吟花嘯竹又討得幾許新篇也弟於二十晚抵里門正值賤累舊病大發連投麥苓重劑數日稍有轉機而寒鄉僻左百物昂貴麥價尤重於揚旣非貧士所堪兼之家叔衰病沉頓旦夕叵測以故未能作近游鮑公處特將書畫各件并尺牘一封同寄去矣朴山先生想不渡江初歸時卽寄書與吳敦復尚無回札知未得消息也寶閣堂扁聞已賣與淩上富人石柱記板鄭氏押在一姻親開南貨大店者

卷四

毛

其家不知書驟索之恐視爲居奇愈益難購今姑商借板到彼刷印幾冊若不見拒則紙墨無多當攜以奉送也弟視家叔病勢定過望卽束裝極遲亦只在月杪抵揚偶因陳友行便先此具報諸朋好統希巾意餘晤悉不縷縷

又

昨辱手畢下問昏黑未及卽荅又荷盛惠以故人情重不敢堅辭然祇受彌切慙惶也足傷今晨覺稍愈感諸公惓惓雅意遷延未能捨去少緩一兩日擬於十九買舟渡江若十九不成行則姑遣奴子歸耳力疾報謝見

同好幸并申意不宣

又

惠讀盛製秦川集如見太華三峯潼關四扇真覺字向紙上猶軒昂也拜服拜服昨走候不得而先此申意外附到石墨一種刻集三種并惡札橫卷一自鑄方鏡一拙劣可笑聊資撫掌惟勿見鄙爲幸不備

又

別來忽又改歲適惟太夫人常饌載加玉嫵上下禔福先生長筵新喜樂事殆不可悉數也欣賀欣賀舊冬感荷高誼銘膺鏤背固難以一二言語稱謝但貧家舉事

卷四

毛

大難歸舍後又累親戚釀金五六十兩粗得了理殘年情緒可以想見獻歲發春率應酬絕無興趣遙憶行菴讓圃閒勝友過從更倡疊和正如望海中三神山也雨澤愆期溪湖淺涸頃聞無錫常州一路漕艘阻塞行客艱辛弟准擬於廿五六日束裝計來月初頭可以把握恐水陸跋涉或有遲滯耳昨接重舍親札言沈紉佩兄處收得義門手批戊籤開卷數家係是真跡弟已託舍親借看并屬問若可割愛售去便當挾以渡江也茲沈耿堂兄先赴羅公之約先此附聞諸朋好統希巾意冗次草率餘俟面悉不備

又

昨猷擾謝尊作日新委撰拙序頗滋佛頭撒糞之懼當留細讀從容奉報弟於詩文雖略聞前輩之緒言稍知途徑然二十年來多病斂之未能磚心畢力追古作者而從之每用自恨尊兄不鄙索觀小筆行篋所攜適有十許篇聊博噴飯幸勿多示人流播醜惡千萬千萬餘晤悉不宣

又

別來俄復改歲想履新侍奉如宜尊幼禔福曷勝慶祝弟去冬自京口漕河直達里開布帆安穩連旬已來杜

卷四

美

門養痾藥弗離手時或飲酒看山以破岑寂餘外略不關心故賤體稍勝在塾時幸勿煩良友榮念也啓者家舅沈雨蒼早擅出羣之才其四書文尤有國初名人風度曷曾爲兄言之今偕計入都聞匣上公贈一項不無少助脂秣敢祈代懇恬翁轉致管月者俾得即日首途免于逗遛便是弟身受嘉惠矣恬翁處未及專札并同好諸公統希申意不宣

與汪巢林

耳香名久曩過邗上未得面先生每從寒枝凍蕊開未嘗不想見冰心玉貌也今送去紙扇一件敢托吾友竹

町爲介仰祈驅染餘閑略一點筆亮先生不鄙其無因拒我於千里之外爾力疾率佈臨風馳戀不盡

又

過半年不通聞問思緒勞結如何可言比想七峯堂上掃地焚香吟詩讀畫劉彥和所稱貧賤易安幽居靡悶殆爲先生題目矣塵土勞人能無歆羨春頭承命書牋聯久遲奉寄佳紙留箱篋中藏弄不謹悞傷摺疊痕妄以龜牋替代殊爲可笑要之惡札總不堪供清鑑耳向從壽門乞得墨竹畫扇與先生寫梅花水僊將合裱立軸名歲寒三友圖因未署款特托竹町轉懇知區區傾

卷四

美

倒之私正不止好事而已臨風翹企不宣

又

秋杪竹町來湖接手書並妙畫梅蘭兩幀發雨伸紙粉光香豔郁然滿室不覺狂叫欲絕時壽門在座先托渠以梅花付武林好手裱褙裝成之日張之素壁適沈丈樽厓自宣州來亦讚賞不去口謂頻年在揚見尊墨妙甚夥要未若此幀之尤入神也題畫長歌淋漓酣適雅與圖稱但媿盛意不敢當且才思短淺屢欲一酬高唱而苦無好句尚俟來年此更不得以巧遲藉口矣尊目疾自入冬後能全愈否深切馳念聞欲覓桑葉茶春閒

此物最賤過時卽難得石柱記鄭氏後人頗零替刷印甚難弟僅從同學鄭觀三見得一部蓋卽其族人亦不易致因竹町語及輒用移贈惡札醜怪塗壞佳紙年來於古人用意稍有窺尋及下筆則無一是處亦緣久病廢學自爾難進易退耳欲多寫數幀呈教而輒止其方寸自知之明或轉爲尊賢所不棄耶專此報謝兼候近履不宣

又

猛相思裏忽枉良書副以妙墨國香氤氳浮動紙上千里神交殆與如蘭之臭有符契耶先生與授衣兄無忝

卷四

早

素心石友側聞申以婚對屬託末契彌復奉助歡喜也甚善甚善草堂之成想見胸中正壑殊勝適感寒不能以數言申意惟容嗣音專此報謝不宣

又

春杪壽門兄北行奉報小簡數月以來不得忌耗未知尊用何如目疾全愈耶時切懸念頃作得奉會題畫七古一章旣難爲妙畫傳神更被高唱壓倒索索無氣竊取無言不酬之義率爾寫寄定不免噴飯滿案也謹此附候不具

又

去冬辱翰教過蒙虛獎逾涯可任顏厚又拜賜八分心經一卷熏沐展誦不獨書法之古且能以筆墨作佛事尤令人生無量歡喜心也感謝感謝歲發春伏惟道體安和意興增勝爲祝弟今年客授桐鄉飛鳥依人摧積可想遙思巢林堂上吟詩作畫散慮逍遙超然如天際之冥鴻翹首遠望羨慕何已尊目疾定已全愈偶集杜韓五字句聯竊寓區區善頌之私奉貢一笑筆畫鈍滯若以法求之則無一是處也舍親南溟董訥夫古歌詩文傑出行輩頻年受知於改堂師最深徐壇長先生尤極口其制義以爲今時莫二茲客授唐氏欲一識紫芝眉宇輒敢以數行爲介因便附候並希時惠好音臨風馳仰不盡

卷四

早

又

二月中得手書並蒙惠讀新詩妙畫昕夕吟翫時時如面先生也邇日秋氣涼爽想尊用增勝佳製定復日新恨無因緣快讀爲悵拙惡一紙是春初舊稿詩不足言特申傾倒之私輒錄就正外倭紙五十枚質頗脆聊備文房起草並望笑納授兄歸便順佈區區臨風翹企不宣

又

前月授衣兄來得悉尊候平安兼承手教欣慰彌甚桑茶本非精品因敝地須此絕少故近年製者寥寥頃遍訪始得少許先托壽門兄送上容續購覓便再寄也去冬承惠三絕名蹟每風日佳時略一展挂欣然靜對如見顏色常擬以數言仰酬高唱俗冗碌碌迄今未了宿通殊可一笑率此具報附問動止不宣

又

闊焉聞問遂已經年延望白雲我心蘊結弟春夏閒留滯里閨七月初始到桐鄉貴族學山出觀先生妙跡並傳道雅意荷記憶之勤固知懸懸之心彼此共之又幸

卷四

望

見所未見如挹高寒眉宇於水邊林下而愬契闊也歡喜讚歎殆難名狀比聞道體咸宜幽居之什當如束筭矣拙惡一首不足稱詩亦見千里相思不在形迹之疎密耳學山感佩嘉惠喜出非望適有俗累未及裁報外具微物將敬特托渠令舅孫先生持上自言物輕意重勿嫌輶褻並屬轉致冬寒伏惟起居調攝不宣

又

數日前始接首春翰教兼誦新篇三復殷勤知天生好言語定非柴煙糞土邊所能辦也弟詩乃巴濮下里過蒙虛獎俟強勉嗣音以附高唱即日春暄想幽居清晏

眠飯安穩爲慰外小簡煩送扶風弟友淮上人還并望索一回字見付冗次草草授兄處亦未及附箋統希申意不宣

又

玉峯先生來備聞起居之詳展讀書畫尤歡喜無量既而沈丈樛厓從吳門胡君處攜到先生三月中見寄手教快慰逾甚卻不料弟初春所奉小簡乃托平望程元舒兄轉送抑何遲滯許久耶玉峯言尊目疾較舊年又差觀與西唐先生唱和諸篇并妙書題署筆跡想見興會不淺甚善甚善煎茶圖拙作殊不稱意凡弟平日拙

卷四

望

惡每多如此總是難得妥貼以先生考詩之嚴而獨於不肖多恕辭非所望於三益也外附草葉一紙不足以酬嘉惠但知已暱好如先生不敢藏拙耳茲因孫翁歸淮附訊近履同好如竹町輩當續有札具報此不備悉

又

先生方百忙中不揣以筆墨屢瀆可笑可笑弟望日准行未及過別附上綰悅香纓二件不堪爲愛女添妝聊以將意知弗鄙我也管幼老承畫扇甚佳晤時亦乞道謝并告不敢勞動往還總俟來春相見傾倒也呵凍不備

與王梅汧書

月朔奉報數行想早徹几閣越日展墓繼以鄉間有破屋數間爲耕田侵佔雖是不毛之宅却不能竟置不問因往荻港留滯經旬日對無意人作無味語私念小簇園中賓主倡酬推袞送抱殆如天際真人矣昨暮抵舍知高軒尚駐下若十二景詩勉強嗣音舟中不攜筆研今早始移書冊上醜詩惡札無一是處定然噴飯滿案也扁聯適有高麗陳紙輒爾易用但邊幅窄狹又不能聯作橫書未知合式否今同冊葉一并馳奉幸檢收大集挹之不盡兼恐郵寄有摺損之患故尚儲篋衍俟託

卷四

墨

的便再繳率此奉訊明府師前不及具稟并煩申候不

又

弟初一日到桐鄉初七日到杭州越日移寓西湖寧峰菴菴在靈隱右側冷泉驚嶺俱在跬步閒因主僧與汪氏有香火因緣故借居頗適意巨耐微軀多病不能消受清福進菴後服人蔘兩許夜睡稍稍得安一寤可交三鼓過此依然清醒然視在館中光景已爲難得不意目疾又發旬餘停藥仍舊困頓醫友劉兄以試事同寓湖上時蒙渠入山一看劉苦語相規謂喫藥不如養心

眼前一切病證總由心虛火熾弟感其言用是不敢開一板書惟終日枯坐全似頭陀行徑只欠打鐘掃地耳回憶與大兄聚集之樂無可告訴者又未知比日採簞之餘意與何如不禁迴腸輪轉也敬直札來極荷先生愛厚此豈可以尋常筆墨稱謝然感被則已多矣弟爲性命計諸事只好倚闕若復陽貸其勞而陰收其利則是乾沒無恥固非不肖所以自處亦非師友玉我於成之道也區區愚衷敢向知己一爲傾吐并覩縷山閒眠食消息以慰垂念鮑師處弟附有安稟相見兼希申意臨紙目昏草草不具

卷四

墨

又

昨擬過館中值五舍弟病又發捱到薄暮痰喘尚未平本欲卽令六舍弟遞代又弟有入東之行貧士出門幾許沓拖不了事今日家中又有魚菽之薦弟輪值主獻凌雜瑣屑之事愚兄弟須身視之故弟竟不及趨造然違離要不過兩月歲晚言歸尚得流連契集也辛浦師暨敬直相見并望申意日內且令六舍弟校勘或今晚或明晨準入館先此道歉不盡

又

客中送別便欲經年每從詰兄處得知京華消息藉慰

懷仰然當素心契集琴歌燭醉未嘗不歎座無車公也
去冬沈閣學歸辱手畢見及時弟因舍弟姍事早歸新
正始在家下接讀頃過平望訪令耶世兄輩傳道台命
據云秋冬之交曾寄三信豈俱不達耶又徐問潭府近
狀雖歲事窘迫卻喜嫂夫人而下長幼平安數千里外
奉報此吉語亦足抵萬金值矣吟卷想益多無緣一諷
誦爲悵諸惟珍重臨書增戀不宣

又

闊焉聞問動便經年懸懸之私但與日積舊冬臘尾敬
直歸自禾中從晚農許傳道嫂夫人凶耗深用驚恒頃

卷四

哭

二月初旬買舟來揚亟欲一唁賢郎輩於廬次是日風
橫船人取道梅堰出吳江遂乖始願伏念大兄京華旅
食豈復堪此悼傷因憶去秋見西疇奉寄長律一詩雖
似近於不知痛痒者其言亦殊可味也弟病思懣懣強
勉客授託便附訊書不盡言

又

春杪曾以數行奉訊雖未蒙賜答却聞從諸兄處得知
息耗爲慰也西岡先生遂爾千古傷悼諒有同心然臨
終頗了了自閏月朔旦患瘧卽上乞休文書命辦凶器
比十二日午睡醒後若有朕兆然者遂飭斷一切家事

家人環向悲泣特諭止之自言來去尚明白無用怛化
又口授訣別之語令爲書與平生厚善者凡三四人而
大兄與弟各得其一所與弟書大都託爲身後作一傳
欲刊置詩文全集之首彌可歎也其令姪詩兄七月間
入京弟九月初往哭先生於海寧尚未來南其蟬蛉之
子則去年有族屬發其假託之事屏斥久矣今自耿夫
人而外猶有八旬庶母暨一老妾戮戮三孀婦惟書籍
幾簾衣服數笥可以變賣若扶柩北行則掃地盡矣先
生病發卽招敬直往署故喪事皆渠一人始終經紀爲
弟言其曲折惟相對歎息而已家眷迴京要在開春正

卷四

哭

二月間小傳亦未脫稟茲錄見寄原札呈覽尊處一札
當是令耶世兄輩收貯也臨紙氣結餘不多云力疾草
草

屏守齋遺稟卷四 終

門人張震校字

跋

慧田與余定交十年而主余家者四年己巳冬以痼疾歿當病亟時舉他文彙悉燒之獨以詩冊見屬曰平生學詩思苦言艱了無成就若六詩之教可講或亦不大背謬子似知我者幸爲我藏弃然勿以示人也余泣而受之後十許日遂不起哀傷之暇方擬稍爲綴葺而先夫人疾作越明春棄養爰置篋笥閒三載於茲今年令弟山甫抄得雜文一卷至因益以友朋所收拾及題跋手畢復數十首勒爲詩文各二卷授諸梓嗚呼余烏足以知慧田而訂其詩與文哉然時聆緒言略識嚮往

跋

卽其詩品之清華文格之簡潔求諸近代未易其人而至死不自滿假則其有得於斯道之精微也深矣聰念故人垂歿之言慚愧敬禮論文之託附名卷尾能無泣然乾隆癸酉十月旣望清河學侶張四科謹跋

屏守齋遺稿四卷

江西巡撫
採進本

國朝姚世鈺撰世鈺字玉裁號蕙田歸安人平生學問以何焯爲宗故全祖望爲其墓銘曰蕙田之學私淑義門義門之徒莫之或先人亦有言墨守太堅蕙田不信禦侮兀然每逢異幟互有爭端焦屑敝舌各尊所聞紀其實也祖望誌又稱馬曰璐馬曰琯張四科收拾其遺文開雕又稱所著爲蓮花莊集八卷此本書名卷數皆與誌不合末有張四科跋稱勒爲詩文各二卷則又無所闕佚不知何故也

翰村詩稿六卷

〔清〕仲昂保撰

北京圖書館分館藏清乾隆十九年趙念刻

本

附《四庫全書總目·翰村詩稿

六卷》提要

序

詩以道性情必知其人而後可以論其詩其人偽而巧其詩則輕以浮其人真而醇其詩則沉以摯其爲人精爽豪邁卓犖不羣則其詩必俊逸清新復神變天矯而不可方物持此論衡猶操左券近日詩家幾多於郡林之木其能本諸性情者概不數數見吾友常熟仲翰村先生其詩其人固非偽巧輕浮者所可幾及也先生以江左軼才博學矯志深造自得不求知於人而人亦不知之知平日抱膝獨吟詩篇頗富其中吳廣陵懷古詩久已膾炙南北余敢云知先生之詩哉請言先生之性情

序

先生外耿直而內和易落落焉有先賢仲子之風故其處世盡人可與而涇渭秩然遇同心合志相與論辨終日無倦容卽田夫野豎一言相得亦可共杯酌恣歡笑苟非其人則緘默不一語雖貴介顯達晨夕晤對亦祇我行我是而已故愛者愈親之畏者愈忌之遂有謂先生絕人過甚者烏知人之見爲耿直正先生之和易也本之以和易出之以耿直此先生之性情也此先生之所以爲詩人也先生遊於余舅氏館山先生之門有年矣故於文酒之餘謬相引重稱忘形交因以知先生之性情殆精爽豪邁卓犖不羣者則其詩可知已先生病

中自刪訂其詩爲行卷者五歿後其友人趙在軒又補
次其遺詩一卷今合刻焉余蓋因先生之性情以知先
生之詩世之讀是集者亦可因先生之詩以見其性情
也是爲序

乾隆甲戌八月旣望博山同學弟南溪張竹拜識

序

二

翰村詩稿總目

第一行卷辛集

律詩四十五首

第二行卷壬集

古律詩四十一首

第三行卷癸集

古律雜歌詩五十二首

第四行卷甲集

律詩四十五首

第五行卷後甲集

總目

古律雜歌詩三十三首

第六遺集

律詩五十四首

翰村詩稿校閱姓氏

畢海璵河津

張希尚公望

馮愿柏村

趙須待行

張杰邁萬

趙顧東象

張樞雨師

趙順問亭

高允緒去非

趙領海引門人

趙作甘稼亭受業

趙顧昌年

趙憬師憬受業

趙胎斗山門人



一

歷城劉人傑

徐得安刊字

翰村詩稿行卷

青州趙怡山先生鑒定

常熟仲是保美梅自訂

第一辛集

江梅

墮白飄紅一種材青青我獨愛江梅等閒莫道酸如許
幾見和羹用杏來

偶作

樹底濃陰蔭綠袍枝頭雀舌奈嘈嘈無因得借翻雲鶴
縱入深林逐伯勞

第一辛集

漫興

隋堤柳上弄機聲楊帝來靈倍有情怪底至今烟樹裏
年年戴得一雙鶯

燕

澤國春深土穀肥定巢猶在思依依梁間敘別頻頻語
簾外重來故故飛求食每衝寒雨去點波時帶濕雲歸
烏衣舊主今何處空向郊原悵落暉

夜聽屋漏聲

響滴清宵欲斷魂明朝停雨得評論芭蕉葉上成行字
筆法何如屋漏痕

代答關鏡詩

手掬冰光玉匣新
樓什襲勝藏珍
乍開雲氣初三月
早占風情第一人
秋水點晴迴電疾
春山壓額畫眉真
朝來見說親磨得
豈待儂家拭細塵

昭君怨

一憶君王一點然
此行誰更惜芳年
儂家自悔驕顏色
若箇丹青不計錢

宮人斜

荒原何處是家山
隔斷寒溝御苑閒
依舊泉聲流不住
更無紅葉到人間

第十一幸集

答馮芥舟山人

計拙方知吾道非
丈人今日好忘機
梅開驢向雪中過
鶴起棹從湖上歸
種秫甕多黃菊酒
釣魚身稱綠蓑衣
何須更覓南華讀
不學莊生夢亦稀

題秋風歸棹圖

風趁中流一葉乘
綠蓑斜掛暮雲凝
芙蓉影裏秋江上
認得休官是季鷹

苦寒喜友人饋酒至

萬樹風聲鳥不鳴
冷威侵骨最堪驚
驚籬邊凍葉冰黏就
窗上寒枝日積成
却喜故人憐范叔
生憎老婦勸劉伶

憑將鄉律吹白谷
何似陽春在酒罍

大寒

不周風急轉如雷
羲馭紆威凍未開
雪作玉山驚鶴宿
水磨冰刃截潮回
齊竿韻細憑窗發
寒管聲高傍樹來
日南村醴望青帝
幾時春信到寒梅

漁家詞

春水乍添三尺餘
漁家結網聚族居
燈前商量疎更密
一網打盡江中魚

雨多浦口聲潺湲
中有大鯉衝流泉
明朝捕得好沽酒
不怕爲龍更上天

第十一幸集

絕句

爲貪柔滋味淹立酒樓前
一醉拚埋我金貂不直錢

憶陳時夏奉寄

與余同學於簡緣馬先生

當年房杜志難酬
空見元經載筆修
半世風花驚客淚
一宵春夢酒家樓
功名有底鐫金版
心事無如付水鷗
明日五湖烟景好
休教倒泛釣魚舟

薄暮

遠樹低烟截孤山
落照烘鳥歸新月
後人過亂霞中隱
隱三聲角微微
一陣風江頭明不定
吹火老漁翁

席上有答

酒意闌珊火半明仙姑鳥爪著身輕不知柔海看多少
却認王君是何兄

明皇

年少伶官衣淡黃馬蹄旋轉踏層牀元來四海烽烟熄
賸選驂騑入教坊

知馮山人近況有寄

身隱應知不用文數椽猶與比鄰分餅無學士三升酒
字有羊欣一幅裙戴笠入林惟拾栗捲簾舒眼只看雲
生涯賸得清吟在倘寄詩來盡和君

立秋宮詞

第十一辛集

四

夢回宮漏過三更金井遙知滴露明却擁羅衾怨桐葉
半珪輕月落無聲

七夕宮詞

今夜星同昨夜輝銀河惟見白雲飛可憐烏鵲知何事
宮樹明朝報喜歸

久雨懷馮山人

白露藏駒影昏昏直到今風聲寒石墮簷溜碎蕉心久
困登山屐應多苦雨吟慙無九節杖負篋一相等

題某扇頭小照

雲外飛泉一望低懸崖絕壑與身齊松間便可攀明月

冷笑他人欲架梯

早梅

未吐寒香雀未知歛霜涵雪隱疎籬君看一夜春風轉
便是江南第一枝

春夜詞

燈掩更闌夢未成玉爐微暖麝蘭輕梨花庭院深深鎖
不那東風作雨聲

楊花

十里隋堤似雪深因風撩亂過園林無端謝女輕相許
一任顛狂直到今

第十一辛集

五

夏半寄馮山人

春來復春去轉盼又如今花落不經意鶴鳴常在陰
象六初學吟溪風行睡鴨梧雨潤焦琴此際尋詩者應雕賦
物心

自題新居學劍南體

養高雖遜買山居也自羞來使者車一逕特開疏亂竹
半間先葺頓殘書梅添狎客憑吟雪地識閒人許種蔬
猶怪臥龍名未僻試看誰箇顧吾廬

看蟻移苔穴章莊句

柱隙謀新穴槐根別故都戴糧逾檻逆抱子暎增蟻陣

接君臣在封堆郡國俱不知牀下圖能得似牛無

月中兔

俯瞰東門劇可憐桂官何幸獨昇仙揚揚莫笑秦丞相
祇恐淮王犬在天

潛龍

噓氣成雲遍九州未當行雨且藏修憑將燕脯投淵底
自愛明珠不上鈎

雪夜

平鋪一色少人過宋帝微行映玉珂西蜀南唐渾不覺
曉來猶對舊山河

第一主集

六

雪消

曉壁初疑月在空眠沙鷺鴨色相同無端一夜書窗雨
洗盡淮西蓋世功

武林志感二絕句

蘇堤南去白堤東烟火曾經徹夜紅千里河山果能守
賈公何必不英雄

山口相銜鎖禁門建瓴湖水勢平吞康王不爲徵欽計
却與錢鏐護子孫

早發寧陽縣

野店雞初唱孤城漏未殘出門移步澁上馬放鞭寬縣

小官街隘橋空水道乾柳梢斜月下贏得五更寒

過汶水

褰裳欲涉畏狂瀾攬轡徐徐瞻尚寒駒踰溝浮半渡
官蛙出井噪前灘風吹雪沫雙鷗遠日曬銀沙兩岸乾
魯道遊遨在何處空勞回首向南看

泰安州曉發遇雨

膚寸雲連屋牒牒四望平劍光銷逆旅雨意注嚴城獨
樹疑人立迷途信馬行遙遙秦山上曙火滅還明

道中書所見

白楊多事弄風聲酸棗無情壓徑生魚子飯香依樹賣

第一辛集

七

肉虎人健逐隨行筐盛馬矢乾爲嬰手斲慈苗淪作羹
莫問孟嘗門下客笑他四野盡雞鳴

下青石關

臥壑蹲邱似隕星回頭突立霸陵亭將軍若到山中獵
醉眼驚看盡虎形

將次顏神鎮

特謁節
山夫子

日日勞形連問津一谿行過一番新前頭已是安心處
野店何須覓主人

趙藕亭以鷺屬題

爲換黃庭浪得名時時拗頸作長鳴如何不向官池宿

却與淮西獻蔡城

山行出益都境

曲嶺行初盡長途望正遙境分蛇勢轉人倦馬蹄驕破
寺僵殘碣燒畝雜野苗幾回思蔭渴村樹半蕭條

填橋鵲

奮翼冲霄會有期迢迢銀漢更難窺人間莫道無消息
已向驛官借得枝

翰村詩稿行卷第一辛集終

第一辛集

六

翰村詩稿行卷

青州趙館山先生評定

常熟仲是保葉梅自訂

第二壬集

館山夫子來吳謁見志喜

岱嶽清光遠入吳講堂貧窶疾趨開春回南國梅先笑
水陂西江鮒不枯已覺別開新酒戶似因債過宿詩連
絳前傳語頻相慰恩露朝來借獨殊山谷詩桃李終不
朝露清恩光

館山夫子見示贈王紫詮紫詮詩繼觀扇頭酬答

有出世之約欣呈四韻王寶城人曾官溫處
道觀察時居吳已久

第二壬集

一

舊交重見結新知文承風流各自宜官女索題飛鳳早
郡民求判畫眉遲王初守
惠州共憐楚客吟香草相約黃公
抹紫芝肯許不才居下坐藥籃詩老日追隨

六月似深秋

六月似深秋寒光帶濕流不應陰驟長却訝暑全收槐
雨迷鴛沼蕉風撼竹樓亂螢方縱火羣鳥欲藏羞早動
休官羨空教懶歸愁五行如作志當笑祝融柔

險而發可
稱健勝

村居

市廛無處到林幽小築三間枕淺洲一徑曉風舒鳳尾

半塘伏雨長雞頭從人乞食呼名鴨就墮眠雲觸字牛
最稱年年田事罷蘆花雪裏漁舟

璚陣爲風雨所藏慨成一絕

爭獵龜山陣乍交一庭風雨國全拋生靈億萬皆塵土
瘵信人間有宋郊

佳

閏六月望後

寶鏡麗中天今宵異昔年平分十二月多此一回圓

陶改之內翰宅門間一新再過呈賀

杏花時節上林遊信手能修五鳳樓十里家山儘解組

第二十五集

二

五株溪柳待歸舟親朋不礙簷前雀風雨何關塞外秋
莫怪重來門戶改于公陰德正須酬

寄微
遠矣

夢中怡山夫子座歌遊仙詞二章醒能記之

朝遊西極暮歸東來跨青鸞去御風不是使拋塵土世
祇緣身在紫微宮

朝罷元君出大羅雲中獨唱紫芝歌滄桑也是尋常事
爭遣麻姑見獨多

中秋夜友人席上爲罵坐者敗興

結綺成雲片片新萬家香燼暖如春樓中飲興羞絃管

席上征旗關越秦休道灌夫偏使酒可知錢鳳是何人
廣寒冷笑還長歎多事宵來現一輪

讀史六絕句

鴻鵠高飛在碧虛楚歌聲歇轉歎虞商山不爲留侯至
守籥蕭何看易儲

枚卜書名御墨芬開元天子最崇文不知新製霓裳譜
可爲梨園作八分

鴻都門下錦衣鮮高爵紛紛萬選錢自有漢家新制度
等閒難惹御爐烟

書生投筆志偏驕絕域終令服漢朝生入玉門元不易

第二十五集

三

封侯莫漫羨班超

劉項爭雄戰百回到頭逐鹿屬高才尉佗南越成何事
曾是秦家故吏來

三山神藥欲親求警蹕年年海上遊若使祖龍能算事

阿房端合在沙邱

六詩不愧風人。老夫每
不以此種推人今乃屬子

孤雁有感

每疑孤影過寒沙江北江南底處家夜夜朔風歸不得
滿身霜雪宿蘆花

直是
唐賢

送趙在軒歸青州應舉兼憶藕亭西陵兄弟

斑衣堂上暫辭親北海空尊待席珍踏月馬蹄尋舊路
檢囊關吏識前人文章有命心何壯烏兔無情歲易新
距來時日歌罷驪駒獨惆悵紫荊花盛羨田真

有所示

輕似春風叩竹扉驚鷺無迹雪痕微梅花自愛羅浮月
肯遣飛英點客衣

詩人

戲題龍鳥

片語蟬聯學未明枝頭調舌便和鳴呼來繡閣如無意

第二子集

四

引到書窗似有情幾欲放飛憐困頓每因求食笑縱橫
機心太解憎鷹眼鶴過堦前亦帶驚

晚唐
台作

做鈍吟翁風人體四首

試聽湘靈瑟絃多意已傾空彈不知和始欲待吹笙
寒雁能何字水鷺別有絲既喚簷雀關布網却求鴉
共繡雙鴛枕添菱未見蓮情知弦外月不在望前圓
杏雨空相濕春宵枉自啼並頭休取燕領下已懷泥

可入松
詩集

夢人贈篆章其文爲愛吾廬三字感成絕句

片玉題名篆製新夢中傳示笑無因元來風雪蒙頭處
堪與陶家結比鄰余廬殘敝不蔽風雪

有慨寄馮芥舟朱綺霞

牡丹香豔蝶蜂窺澹紫籬邊麗上枝不是南風熏不到
梅花開早菊開遲

寄託
微遠

聽雞鳴

驚回旅夢倍淒涼喔喔連村滿地霜半夜自開秦鎖鑰
五更誰惜晉封疆亂催茅店燈花落預報書窗日影長
唱徹數番天欲曙依稀殘月下西牆

第二子集

五

領聯
舊句

陶朱公

又經歸印出齊關從此居陶絕往還三變姓名人不識
故鄉空表會稽山

道者王豁然過寓園賦贈時仲山夫子留余在寓

花徑陰陰獨叩關講堂霞舉識童顏麻姑滄海看三變
勾漏丹砂到九還驢背藥籃分綺里杖頭詩卷出香山
談玄心契追陪久政晚雙鳬是等閒

馮代公以畫絹竹扇題

澗流清影綠相勾千畝何如尺幅新屏上不思文太守
座中應許管夫人林銷臘雪遶前嶺簾捲秋風過比鄰
幸有王猷破青眼筆端從此好傳神

工而不纖大
家舉止矣

戲題癡犬

怖頭狂走怒張牙不辨機雲是一家客過暗惜窺雪賢
鬼肥空想載鸞車縱然曳尾搖仍急偶爾聞聲吠便譁
欲逐雞羣覓仙路准王祇恐愛丹砂

通真昭諫矣
亦不失雅道

和涇陽王慈峨寄飴山夫子次韻

第二壬集

六

鬢絲新長賦閒居玉樹常懷倚太初箭躍年光過半夏
蕉絨書札付雙魚非關江上風情好祇恐山中相業虛
得傍河汾共酬倡題橋何必問相如

和飴山夫子書懷答馮太守

協一次韻

日影輸他健力追五陵年少已先知不教丞相輕揮扇
爭解仙郎易入賞徑長野蒿扁戶早碁看殘局出山遲
傷鴻未必堪增徵莫訝垂頭惜羽儀

可爲七
言韻將

飴山夫子寓園構齋爲樓舫奉題四首

斗牛馳彩映浮家長泊不隨星漢斜白髮園碁爭謝墅

漫勞支石寄張棧蓬窗暮雨調眠鴨桂棹秋風掃落花
莫向門前還載酒已將身世付南華

一盂清碧柳陰疎不落風波穩自如漫道思光居是星
安知莊叟樂非魚憑舷滌硯雲生際擊楫催詩月上初

可入能
品矣

百尺桅竿百尺樓不須渤海抵中流橋心人影歸帆脚
牛背蓑衣立渡頭城塹隔村饒載寶烟波滿眼絕拋鉤
登臨自與塵寰遠一葉何曾減十洲

大力

第二壬集

七

誰許登瀛共濟川芙蓉影裏拔飛仙米家短纜維今夕
傳相空舟載昔年雪笠五湖非有意蓴羹千里是虛傳
追隨杖履行吟慣爲誦逍遙獨扣舷

唐人所謂健舉者殊不嫌
而思地覺更細入于前

遊王紫詮寓園獅子林

窮工壘千壑度地僅三畝米老肯分瘠宗生恣翹首初
行凌魚梁左轉得山口却恐便迷路天台望吾友俯身
入洞門幽邃如懸斗恍忽二仙人前迎欲握手軒更出
潛谷曲折上層阜古木爭蒼柯時花開妍醜豁然別一
天王屋分小有飛磴臥空澗垂牙嘴擎肘分明立峯巔

倏忽墮巖後峰戶聯羊腸驛旋復驛走二三小亭榭參
錯隱屏右慙慙那力舒圍看厓壁陡雲林積烟靄仙掌
豎指拇翠蓋披龍麟青羊服獅吼石鐘起鸛鶴華岳登
蓮藕莫訝遠且深穴穿十八九中阿架高閣四面關松
牖登躡一舒嘯巢鳥驚失偶俯聽人語微轉怪秋雲厚
風淨爽石脂地靈活矯紐吾聞此崗嶺出自元人手傳
閱四百載園蕪石不朽滄桑有代謝終竟誰長守當笑
鵲蚌爭何如釣魚叟

偷兒誤瞰余歸雨夜至無所得而去

壁破龍應趁雨飛太邱梁上漏痕肥不知藜藿吾家物

第二十五集

八

錯認朝來負米歸

大佳真
詩人矣

冬至後閒眺有感一百韻

冬至陽生後晴光滿四陲舉頭舒眼處散步出門時東
去孤雲沒南來數雁悲陽烏牆隙過藏葉耳根吹積雨
初收凍嚴霜正結嘶寸陰天局促八幅景淒其帝德思
顯頊人情愛趙衰老梅萌白雪幽谷困黃鸝爐冶惟憑
鑄水輪屢見紛洪釣挽昌泰大地望難照紅萊留新園
青楊勝舊枝草枯跳狡兔路淨躍輕驂雉飲毛九澤烏
樓哺更慈山中欣縱獵桑下忍啼飢野燒浪烟盡寒林

凍葉衰麥芽渾不耐竹實却相宜荒院深聞笛長松老
折皮勢卑懸斷岸形聳列橫坡杞梓宜堂構荆榛待斧
斯盤紆樵徑仄突兀豹岩危靈洞攀巢鶴平坡逐友麋
障屏雲黯淡圖畫雪離披僧轉松陰遠猿尋果實遲輕
霞泥飛磴倦鳥集殘碑寺靜磬聲出風高幡影移曉經
閒袖手捫蝨苦攢眉果腹猶添笈春糧但煮糜跑泉街
澗落闔鼠竄梁窺清境塵氛隔迤村屋宇早瘠田依北
郭枯菊倒東籬寂寂柴門掩蕭蕭竹塢欹犬獐多吠寶
雞勇競棲塒背日挑魚網圍塲菜豆其負喧扶老病索
笑說新奇臘酒家家釀厨烟處處炊枯棹支甕臘鰯鱖

第二十六集

九

出水池戟手朝迎客烹鮮夜祭尸兒孫羣攘攘婦女共
嘻嘻簪雀爭遺粒籠鵝乞籓糗此鄰分餽既稚子買鰂
怡稅畝官惟謹勞形足盡賦催租殊未已抱布欲何爲
無處安鴟舍伊人在水湄鏡湖尤浩渺沙樹影參差櫓
定船浮葉竿收釣漾絲鷗眠雙鸞狎牛飲一童騎渡口
停商舫橋頭酒旗漁翁折洲荻騷客味江蘿蟠屈蛟
龍蟄朝陽鵲蚌持驚鴈利如劍怒海吼同獅沉壁波恬
靜浮金浪陸離鳬飛過羣鳥帆揭鼓長竿身并寒泥破
停家短棹維賣魚揭鼓逼呼鴨戲鴛隨準表衣冠墓碣
垣土穀祠葦芽愁伏虎掘地喜蹲鴟蓑笠還親理汗萊

敢不治老農堪健羨薄俗甚委靡未覺山川改終憐草木萎酒思陶靖節塵惡庾元規陋巷偏蕭索高城亦喚曦東南雖地角萍梗總天涯都會笙歌沸名家語笑癡輕裘爲上客奇貨是佳兒市肆環千堞樓臺遍九達冶容迷下蔡樂事頌西施白面拋書卷青燈遞酒卮超羣忘躑躅附尾慣嘯咍耽癡錢神笑崇巫瘡鬼欺挈劬微宅相生女著門楣剪綠花盈樹塗朱口滿脂圖奢然石顯習智食哀梨照影都忘我依聲便得師病因來晉豎藥奈召秦醫救粟饒私蓄魚鹽足國資上方供美錦下澤納元龜世治容朝隱年殘絕水嬉濟川求汝楫協夢

第二十五集

十

祝非罷祭臘時依漢回春律屬夢巖疆司耳目棘道問狐狸決獄知三數傷賢憶五噫頓教風土異忽睹露華垂國老推人瑞賓鴻用羽儀四郊齊挾纊萬井盡關頤傍海嗟余僻飄蓬笑客羈一寒憐范叔五夜怯封侯有疾寧從古無名獨守雌才慚賦神女憂解弔馮夷落落難因熱騰騰易入賞長城洵可恃大厦豈須支覓飲非貪酒甘輸合讓棋蜂屯任推擁蛙噪孰官私賁遜占周易離騷感楚詞孤懷發遐想小築動幽思得醉休辭獨餘生莫問誰山林添逸趣車馬息奔馳待柳垂青眼和雲唱紫芝身從蘭結友心與月爲期節候今須換盈虛

昨已知愁憑誰遣興三復杜陵詩

千美至後詩愁極本憑詩遣興

鼎湖詞

紫氣鼎湖生鈞天奏樂迎龍髯攀不得號哭望雲京

翰村詩稿行卷第二十五集終

第二十五集

士

翰村詩稿行卷

青州趙館山先生評定

常熟仲星保葵梅自訂

第三癸集

元旦

海雲遙散日華鮮
便覺朝來節候遷
春逐土牛回昨夜
曆憑蠶室紀元年
深杯醉酒寒應減
陋巷停車地未偏
傳說惠風天外轉
不知能到竹籬邊

土牛蠶室
巧而拙

衰楊復榮戲占

第三癸集

未霜先落葉
爲容得傍山
窗隱過冬糧
猶御圍春一線
便翻白眼看長松

風箏

別奏新聲調亦分
憑空爭響各紛紛
因弦上無流水
特倩東風送入雲

漫興

風起滄江月乍升
一波將定一波興
飛鴻目送歸關塞
誰抱絲桐問廣陵

題海上翁壁

渺渺波光萬頃開
漫教精衛日飛來
烟銷雲散滄洲遠

又看桑田變一回

直題
曉唐

無題四首學李玉溪

宋玉牆頭月半明
花陰獨立不聞聲
慣窺青瑣熏香久
偷避烏龍躡屣輕
簾外露寒爭半臂
夢中雲斷過三更
朦朧勝把蘭缸照
忽聽荒雞作鳳鳴
枕邊啼別淚
雷衣密約重重在
繡幃青鬢曉梳雲氣潤
黛眉春掃月痕肥
魂依舊夢知誰是
書發空函覺事非
獨抱孤衾病無奈
春心應逐杜鵑歸
一緘顛倒刺雙鴛
欲識相思看淚痕
阿母絳桃今傳粉

第三癸集

二

小蠻春柳昨銷魂
花間喃喃大鈴空
帶竹裏藏鳩舌漫存
好向桂堂東畔待
玉簪輕叩已開門
團扇輕遮出洞房
蓮花低襯繡鞋香
賺將玉鏡調溫壚
奪取金錢泥沈郎
光管兩眸波渺渺
影吞錢壁月蒼蒼
幽情莫託珊瑚枕
祇恐秋宵易斷腸

四篇可
稱合作

禿筆不忍棄口占

十載門庭塚一園
管城空藉月分輝
當時也道中書老
却爲三都不放歸

堪贈
唱歎

長枕歌

長枕復長枕金寒飲雲錦帳外五更風誰同止息處
在詩人之上矣

天寶詞

穠李參差間綠楊樓中花萼自芬芳君看宴罷誰先醉
不是岐王即薛王

二詩去義
山不遠

題友人佩劍

不惜千金買太阿肯教食客和長歌舊嫌取次水消盡
作麼王孫著意磨

第三癸集

三

養猿

果散庭前日數枚一時爭躍各分開狙公秘授朝三術
只是能調去復來

此種自
是擅長

驢蝟

細影盤旋半菽輕飛揚撩亂學經營先迎曉日懸當戶
獨占晴簷伏傍桁花底突來驅宿蝶髮根危立待飛蟲
春登止竟輸多少不似柔絲織易成

落二
句佳

江頭女子倚閭而泣爲作古別離

春江泊輕舟春岸安高樓美人出樓下相送來船頭船

頭何所有一樹柔絲柳不絆解維人偏繫牽裾手美人

心骨驚無語尤分明含悲故低首歛歛循堤行行來不

復見隔絕春風回開戶捲簾看祇有雙飛燕燕歸空梁

花雨香鴛針刺斷江流腸風行南浦雲無跡數點殘紅

落滿牀

謂口
便合

淮王大

搖尾鱸邊日幾回一朝雲路輒仙材分明同祗靈丹杵
却吹旌陽拔宅來

第三癸集

四

鄧通錢

十萬何曾得一看銅山無分鑄應難漢家從此公天下
泉布先生盡在官

羊公鶴

雪壓元裳露頂紅華亭應不讓遼東輕裘緩帶尋常見
肯爲飛聲到碧空

意隱
謂適

謝公墅

王氣雖存晉已東山中歌妓酒顏紅不知有底圍碁手
却把蒼生問相公

詞乎不愧
詩人矣

悲彭城

悲風吹大旗戰馬迎風嘶項王立臺上叱咤如驅雞須
臾雲騰日無色漢軍四面歌聲逼美人霜劍映燈紅父
老空舟傍江黑江頭回首漢兵多臺前戲馬今如何空
餘睢水成渠血散作黃流盡入河

入格。美人
二句尤健舉

東海

東海風高漸漸寒鯢魚齊上富春灘侍中獻替無餘事
只博君王大笑看

第三癸集

五

海神廟題壁

金鼓旌旗動地來水精宮裏却銜杯鯨波撼舶蛟門閉
發氣吞城海市開待看越裳遠獻雉不聞秦吏舊登臺
長年三老殷勤祝祇恐威靈醉未回

白馬驕

白馬驕白馬驕前驅弓刀後擁旄大軍久出今還朝漢
帝下詔推勳勞軍中威名誰最高少兒有子通龍韜九
重顧笑開東交呼之來前寒賜袍北門鑰鎖教親操歡
樂與共分嬌燒將軍下拜意氣豪策馬歸第心搖搖心
搖搖馬蕭蕭行人走避霍驕姚東交門因董儼得
名見東方朔傳

題淮陰侯廟

明月入淮水秋風生釣磯樹頭千騎過岸脚一竿歸報
飯黃金盡欺弓白鳥肥何如赤松侶不著漢王衣
極力烹煉故爲保
攝。似劉夢得

莫浪傳

莫浪傳東湖多稻田朝移桔槔去暮移桔槔還漫彼田
中禾羔酒祈豐年南山猛虎何能蹕越汗淖而來前使
爾棄田散走如雲烟丈夫愚可笑阿婆愚可憐慎勿聽
阿婆言阿婆顛

諧體
入格

第三癸集

六

出塞吟

獵獵秋風漢騎輕賀蘭烽火息邊城單于十萬兵皆散
惱亂明妃馬上聲

入塞吟

無定河邊戰馬肥受降城外健鵬飛軍門夜半胡笳動
賸得文姬數曲歸

末語
佳

蒲劍行

鴻門風蕭蕭項莊拂衣起跳躍如兩丸意在赤帝子赴
赴樊將軍切肉咽未已飛光驚藏此迴鋒割流水似堪

彈薛門便欲育燕市恐經延平津龍騰不能止豈知平
牛氣乃爲亂螢使空有杜郵心當無刻舟理賢哉吳季
札千金見生死銛鏢非所惜脫之等草耳

磔鼠行

咄哉鼠乘屋未熏汝胡爲喧然格鬪于牀頭捧首索索
若相語吾不愛塵跡輒來食我黍溷廁亦可羞光天不
伏處緣臺越壁何縱縱郭侯架上如游龍攘奪故紙恣
饕餮未州某氏心悸難相容我爲迎貓來鼠益不爲恭
施腸出堂下追逐雞犬白晝穿我之垣墉吾心實惡之
呼僮來前撲殺此穴中獲肉鞠于張倉中食粟歎于李
罪已著爰書事尤彰古史忌器乃不投貪心更無已速
磨厲以須法當論以死

第三卷集

七

感洞庭傳書事

數尺銀鬚蕩漾輕水晶官外看分明風波恐是錢塘怒
叱起雷半聽雨聲

題辭漁

獨伴烟波理釣絲醉歌祇許牧童知怪來常掛蓑衣臥
半是青天白日時

用意深婉過
于江東矣

孔雀

毛羽絲絲錦色新翠屏遙隔寶夫人朝陽乍開丹山路
多少金鈿貼火輪

齊雲道人傳上帝宮多瑞應屬詩林紀之

雲鎖層巒展到難豈知瑤草遍星壇天書夜降金門靜
神雀朝飛玉樹寒磨轉紫樞憐驥走珠懸丹闕喜龍騞
等閒誰與傳青簡合借詩囊錦繡看

題稱

咏葵

一片嬌黃一樹陰滿庭秋色爲誰深也知衛足非無智
祇恐虛懸向日心

第三卷集

八

可爲
慨然

漢文帝

日昃回車問疾遲未央前殿草離披孤燈夜冷親嘗藥
好是淮南未得知

魏文帝

銅雀歌塵繞殿飛東阿鞍馬掛征衣宸門風靜官鴉亂
恐是君王問豎歸

別離

異日留金杜當時失玉環月沉昏霧裏何處識紅顏

貞觀半視詩爲王文恪
商孫題

詩人高吟銅雀臺，拾片瓦爲詩材。豈知文皇亦有視，棄擲千載埋塵埃。掌峯旁摧壁中削，曾與蘭亭作殊否。吳門寶器日夕新，古物于今竟何有。舊家天篤寧馨孫，獲此破石同瑤琨。顛狂襄陽御前舞，洗拭積墨接雲根。興來臨池欲揮翰，拂落輕塵認貞觀。褚公虞公莫漫驚，李白杜甫無由見。

八月五日雨過快飲卽景口占

紫禁槐花落人間，不道秋新膏一簾。時值早人故態數升

爲仙掌樓珠露天，心下玉鈎遙憐失羣鳥。未解北溟遊

意格俱老詞亦雅極

第三癸集

九

中秋月

萬里清光澈九重，團圓遙映玉芙蓉。秋闈夜半將成夢

寄語詩僧好撞鐘

虞琴二首

情融有圓響，意適無煩聲。運手中理解，不調絃自平。

一彈萬物送，再彈天地和。始知有虞治，乃在南風歌。

佳二首

只道二首咏鷓鴣

只道多新語，移籠近畫堂。如何渾不解，隨燕說興亡。

只道能言慣，何曾辨是非。隴山歸未得，白雪點毛衣。

唐通

自十月至十二月桂花復盛開

萬木凋零臘雪催，更無人爲採花來。不知秋桂貪誰折，重向梅前菊後開。

除夕遣懷

盡道明朝歲又遷，一燈寒閣影翛然。鬢看花令添絲未，術怪壺公縮地偏。祇恐獨醒還強酒，擬教誰和欲安絃。今宵有夢休嫌短，直待雞鳴始隔年。

作合

從飭山夫子北發止京口待霽呈朱筆溪都統

第三癸集

十

剛知已之言都統名剛

杖頭挑篋雨中來，鈴閣殷勤爲客開。電起投壺停薛顙，風生作賦擅荆臺。知名可謝青蠅恨，長價何疑白雲才。明日扁舟渡揚子，還從牛斗望三台。

秋日山陽程遠復置酒吳丈郊園讌集卽事四

首園在揚城東郊

爲選東郊勝，秋晴促駕來。主人天下士，尊酒客中醅。應腹欺鯨吸，荷衣敵錦裁。放懷飛逸興，相得笑顏開。半醉情逾洽，高談味轉深。婆娑憐老樹，格磔怪時禽。盤落片螢手，鵝生請炙心。翛然庭際鶴，遯影就松陰。

信是園林僻紅塵隔短牆駭雞喧狗吠鼠圖書牀十
畝桑招隱千竿竹送涼祇因梅未發爭賞桂花香
傾蓋苦難記暗中疑姓名心雄驚座易耳熱按歌輕賀
老船相待山公馬自行回頭望林月遠照最多情

翰村詩稿行卷第三癸集終

第三癸集

十二

翰村詩稿行卷

青州趙怡山先生評定

常熟仲昱保義梅自訂

第四甲集

上沙竹枝詞二十首

上沙吳郡城西之村名也支硎分勝仙尉留
蹤時時禽鳥依人面面雲山入畫廬家少婦
燕棲玳瑁之梁金谷名園頭照珊瑚之樹諸
雖興於贈勺巧或乞於牽牛雲斷巫山自續
逍遙之夢鶯啼蕭寺誰傳快絕之詞才人懷

第四甲集

洛下之吟君子恥桑中之喜不辭歌雪以待

采風

野陂三面接名山取次登臨動笑顏白日黃雲是天上
鷄鳴狗吠且人間

竹樹相連別一村家家飯菜酒盈尊阿翁賣屨歸來早
怕見漁郎畫閉門

剛到桃源此地求隔溪先撒釣魚舟數椽割得秦人屋
牆下商量學飯牛

小婦新粧出採茶香迷砌磔鬢邊花吳歌自爲西施唱
却似前村築館娃

傷

兩兩三三逐暗塵小郎休看月中身殺饒一刻千金價
肯把春宵賣與人

微

占斷前灣水一篙艇艇綠草纖牛毛芳郊不會留晴鳥

送入春雲語漸高

更

清境紅塵立地分佛堂飛劍割香雲燈昏夜雨誰吟弄

辨得風聲是此君

未免
過矣

第四甲集

二

北里家貧累小姑小姑春米值催租偷呼阿嫂殷勤語

一粒香粳一粒珠

想見語
雙時

嫁得商人載寶回青趺子母簇成堆暗中最有錢神喜

南面登壇正殿開

神廟恐
不少

羅列珍羞奏管絃每逢佳節待茶筵深深拜罷神祇飽

風落香爐散紙錢

佳

禮佛辛勤住碧峯梵音磬響日從容主人中酒醒方熟

暗語山僧罷午鐘

雖嫌求雄屋上棲家雞幾伏鳳冠低年來為怕驚同夢

樹色朦朧不敢啼

匪夷
所思

湖上新晴白鶴飛林間向暖伯勞肥風鳶有線空牽引

幾見絃聲到翠微

日邊車馬片雲輕飛過茅簷燕子驚直入杏園尋舊約

一枝紅豔正多情

花滿林塘陣陣香彩雲低護翠鴛鴦雙飛雙宿綠何事

不管東君欲斷腸

第四日集

三

得此種之
神理矣

柳陌藏鶯直到今巧傳新語報知音東風欲遣遊人醉

爭忍尊前獨抱琴

清溪肉鴨大于鵝引頸呼名撒白波馬上王孫休挾彈

主人相識貴遊多

絕

前人臺榭後人看兩度秋風骨已寒零落殘魂招不得

空遶明月照欄杆

荒坡相望冢累累貴賤同歸莫問誰白髮到頭公道在

也應惆悵畫蛾眉

種作桑麻與世同市城遙隔不須通子規啼血休相戀
三月烟花轉眼空

傷心語乃是道言

中吳懷古詩序

常熟仲生羹梅始學於其鄉馮寶伯先生近歲從余遊
余久爲馮氏之學者也故生之學未嘗岐于俗其詩深
有根柢尤長于七言今體余謂絕似羅昭諫蓋負性堅
正有其先賢之遺烈焉出而爲詩磊落而英多今中吳
懷古十章風氣彌上矣或怪其不似寶伯亦了不依傍
于余余曰是乃深可貴尙也輒爲評點之以問諸世儔

第四曲集

山友人趙執信題

中吳懷古十首

密雉重城二八門千秋霸業幾多存槐花秋點官前雨
薺菜春生郭外村紅日靜憐供白醉青山長見送黃昏
漫勞父老談陳迹贏得清吟伴酒尊

題聯空雋第五句爲吳地寫照

春老粧臺散綺霞滿城偏羨舊繁華笙歌大抵無常主
風月從來有底家笠澤曉帆仍說浪靈巖秋草自開花
南園本是開田地賸長寒松集暮鴉

韻餘可參妙悟

百畝苜蓿放紫韁路岐何處是官牘滄浪紅粉新亭麗
臨頓層沾故里長蓬艸數堆埋劍氣昆蟬千點散螢光
爲陵爲谷空惆悵江上橈歌付女郎

使文人豪士一特氣盡可稱悲壯矣

官綬歸來錦一團朱門蓬戶訝爭看伯通掃屋留春易
季札剋車掛劍難春晚綺羅維玉樹早秋菱茨簇金盤
舊家名姓知誰在肯爲鱸魚把釣竿

千古同慨於吳焉發之

朝據名山暮截流錦帆何必遜驍驄應知短簿令公喜
未必貞嫌遺客愁漂梗裏冠迎社鼓乞糧歸路汎鄰舟

第四曲集

五

短絨不解秋容淡猶放寒光照虎邱

三四韻藉懷新結句不厭其熟斯爲能手

擲盡金錢恨見遲西施舟向五湖移殿頭歌舞吳兒熟
海角興亡越燕知長袖入官雖有路好兒歸國竟無期
百花洲上曾遊處空羨鴛鴦兩兩隨

通前天隨子得意處。第四句驚絕

南郭撈魚北郭耕滄桑指點笑平生走看牛馬風興急
步算樓臺燭照明犬吠寒星喧鶴市鼓過殘月唱雞城
年來莫問離官樹種得成陰鳥又鳴

曉雞之聲光茫不可逼視

城上紅雲接遠山，
禪牀天女散花還。
鷹先偷眼翻嫌俊，
石早低頭正喜頑。
拾宅不因新鬼大，
禁鞋偏是老僧閒。
三生辦得誰成佛，
却羨長康畫壁間。

古底
瀾翻

簌簌炊烟透碧空，
軒車雜運往來通。
三千珠履齊歸舍，
數寸魚腸獨出宮。
短髮鏡中卷似蠶，
長蛇杯底曲如弓。
春風見慣渾腸餒，
悞恨韋囊曲未終。
吳髮短吳爲封豕
長蛇並見左傳

未免不合時宜
正足快人心目

膽把陳王一斗分，
誰堪本領冠南軍。
槽邱夜卜吹龍火，
書稼春耕祝硯雲。
檢看茅蕘侵穀種，
放教鸞鶴壓鴉羣。

第四甲集

六

漢家不用覓見錯，
賜杖從來羨孝文。

蕭慎氏之若其末愈強。
又似玉溪生矣可謂遠想。

廣陵懷古詩序

仲生以癸卯之歲館于余望齊門外之寓居，
賦中吳懷古詩，余爲評之。既播在人口矣，明年甲辰，
偕余北上，留滯揚州者數月，又爲廣陵懷古詩十首，
體格益以成就，與象益以深遠。交遊中咸稱之，
而實無以知之。余曰：生奇進矣，問者曰：生之詩，
由其才乎？殆兩地有以助之君何許之過也？
余曰：然昔者二陸之入洛，意者洛之地有以助之，
則洛中之人士多矣，奚助不于他抑生之詩在？

廣陵者又奇，
建于中吳，得無江北之助？
詩人有勝于江南者乎？
請諸君擇而處焉，
遂書其詩卷之端，以質世之有知者，老友趙執信序。

廣陵懷古十首

不減揚州舊日名，
風光歷歷動詩情。
幾家雞犬雲中住，
滿目烟花鏡裏生。
銀燭映簫春夢短，
玉樓分月錦香輕。
橋烏也惜繁華地，
飛上重城夜半鳴。

含吐高華典奇深
遠。落筆全別。

霧散荆溝開郭門，
橋開鐵鎖靜苔痕。
行人人去逐歸鴻，
遠買客來憑跨鶴。
尊燈市夜寒憐賁，
酒歌臺春賤憶銷魂。

第四甲集

七

生涯笑看朝樓露，
橋樹長期蔭子孫。

類聯以香盤爲悲涼令人不堪多讀。間情點醒妙妙。

社燕年年戀繡幃，
相定巢無恙。鎮相窺星幕，
布局開爭墅。

袍草生香，
癩下唯煮海飯。高居貨易拂塵僧，
老拜官遲。

漫開東閣添詩興，
却恐梅花未必知。

枋揚盡致足
爲水部雅座。

漠漠平川起蜀岡，
棠陰蔭渴井泉香。
山橫劍脊磨秋雨，
地盤樞心轉去夕陽。
同傳韓非欣附驥，
生天靈運笑升堂。
空樓目斷江南路，
丁卯詩人各一方。

領聯雄秀惟劉賓客能之。後四句美微有情。

帝子曾於此地遊，量才聲價足千秋。騰蛟選客迷烟月，錯認浮槎貫斗牛。鴻寶著篇藏吉羽，兔園遺冊築荒裘。怪來惱亂書窗火，多少流螢入選樓。

落句爲之叫絕

柳巷清溪駐畫橈，捲簾遊女識紅橋。風驚鶯語三分怯，水暈荷花十里嬌。金谷歷城臺榭在，玉鈞連塚粉香銷。王孫猶惜空歸去，月下下來聽教洞簫。

奇麗而饒風骨，笑川玉溪台爲一人。

鑿地通流入汴河，長堤官柳聚情多。千年魂魄依風草，一代英靈伴雨蓂。星落故宮螢苑火，笛吹殘月竹亭柯。

第四甲集

八

遊人愛說江都好，試聽當筵水調歌。

故是本色到家

趙女燕姬隱翠微，迷樓晴日見依稀。烟深芍藥臨粧鎖，雨細鴛鴦上舞衣。白骨漫拋孤夜聚，青茅滿把雉朝飛。不愁無路探遺蹟，自有僧從提徑歸。

領聯清麗，落句偏寫到僧一句，蕭瑟。

蟋蟀吟秋四壁聞，古原荒草待耕耘。錦帆浪湧蛟吞壁，華表塵飛鶴入雲。自挈蛾眉唱清夜，誰驅石馬汗孤墳。一抔乾却雷塘土，野老持籌計畝分。

荒宮隔水情事殊繁，寫來超異，使我意消。

落日蕪城野雀譁，市門雲鎖碎驚沙。不辭錦帶輕辭殿，應笑淮王早棄家。得失榮心由塞馬，官私聒耳奈池蛙。空留杜牧風流在，數筆經過感歲華。

領聯佳語是現，何身而爲說法耶。

記夢詩五首

自是名花不易開，東君珍惜莫相猜。紛紛蜂蝶空撩影，惱亂春光爲底來。

朱玉牆頭一樹紅，東西飄墮只隨風。從教散作高唐雨，記取行雲是夢中。

第四甲集

九

誰道天台路最長，仙風徐引藥苗香。胡麻肯向人間泛，何必同來定阮郎。

眉柳初藏一線春，繡牀低映若含顰。無端鷓鴣先偷眼，飛出金籠說向人。

明月無心水有聲，波光掠影不關情。葦蕩他日皆黃上，羞與燈前鬼魅爭。

翰村詩稿行卷第四甲集終

翰村詩稿行卷

青州趙怡山先生評定

常熟仲星保美梅自訂

第五後甲集

松濤

竹應虛聲振落梅奔騰偏是信風催寄書童子雲中過
鼓瑟夫人月下回秋壑漱寒行看雨春山熨殘坐聞鶯
如何歲久龍鱗老只閃殘陽作浪來

自是
痕場

笑多蓄蜂者

第五後甲集

比前結蜂屋紛爭處處衙都緣數升蜜那得許多花

計偕吏

計偕吏東行李上堂辭父母下堂別妻子妻子重丁單
父母不語悲中庭吏言行當拜官爵旦夕春風透簾幙
父曰嗟母曰吁豎子欺余而不見夫故事乎孝悌力田
應徵辟山林隱逸爲先驅郡縣頻勸駕授館餐天府爾
有田廬弗耕弗居爾有詩書弗獵弗漁乃棄爾倉箱冀
獲升斗稻金九彈飛鳥得失爲何如吏愧伏再拜且言
不如是倉箱傾于家取足在閭里金九墮于林責債在
河鯉京閭國可惜桑榆亦復喜側微必登庸胡爲桑樾

蓬戶中尙有臥雪之袁公逝將去兮策我馬佇看金章

自天下

咄復咄

咄復咄名馬不愛愛死骨北邙秋曉草兀人鬼捐金溝

葬殘月

亦
妙

逐鹿行

逐鹿逐鹿攘臂闢關八千子弟皆少年貪財好色先入
關亞父怒氣撲酒筵龍蛇莫辨誰升天誰升天赤帝子
諸君徒能得耳沙中聚語詎盡然功狗何嫌數雍齒

第五後甲集

在楊鐵崖李
西涯之上

聞何翁在揚州時事翁善景
絕術

耳角分龍技亦孤舌存金盡鬚毛枯從教指與東南路

抵得盧江散豆無

李將軍

將軍盤馬獵高秋箭撒摩弓石亦愁夜宿霸陵空有恨

功名終數樂安侯

程將軍

耳屬西宮語並肩武安春酒送前筵當時霜月侵刁斗

只道將軍直一錢

灌將軍

謾把交情與世爭失歡杯酒死生輕年來額水清何許
仔細候門訪寶嬰

三詩皆佳
去時遠矣

假寐

日逗書牀夢未醒槐根牛健園中庭饒他腹笥通周孔
那得便便盡五經周孔見
邊韶傳

以惡酒邀賞者謝之

的的平生酒最親拍浮劇奈飲河身爲清爲濁知誰是
爭遣劉伶頌聖人

第五後甲集

三

遣興

沁骨清涼喜獨分面山長嘯隔谿聞扇揮野馬迎朝日
鞭叱癡龍送暮雲把盞照花丹入手引流穿竹綠成紋
金籠不解調鸚鵡自在松陰狎鶴羣

七言律益佳
吾不如也

題山前破屋

破屋破屋折高棟支朽木井窺天光水一掬炊突出火
烟滿谷雀羣洩洩鼠流流翠微仙館松徑迷俯身下瞰
愁雲低鵲鴉夜叫風影黑山雨打門聲隔谿

調石

新蟬

乍閃矢光尙帶驚托身槐柳便先聲冠籠露殿簪綫細
鬚掠雲屏片霧輕風影壓枝吟未穩露華棲草吸宜清
飛檐自喜涼秋遠不解墮跡並候生

飼雀

漸覺朝來野性馴也緣求食肯相親見拋玉粒心偏喜
恐置巾箱眼便瞋集掌啾啾喉舌健翔蒿貼貼羽毛新
黃衣他日知何處贏得如今戀主人

八月十五夜過半雲開得月

雲散獨圓團清光子後寒萬方寂絃管却是爲誰看

第五後甲集

四

秋夜宿田家卽事

婆娑槐樹蔭吟蛩種豆園基屋一重小婦剪裁刀似燕
衰翁撐拄竹如龍瓜瓞劍氣和星摘粟泥天香帶月春
任是烏啼過夜半地無僧寺不聞鐘

何必玉
溪生

秋意

一陣蕭蕭起風阿健雕天際御風過山人回首看林木
黃葉亂飛秋意多

因園代示遊者

曠道風景好豈知林泉靈無魚不字乙有鳥亦姓丁樵

月夜泛泛亭雲曉寘寘能從赤松子爲寫黃庭經

傲脫有
深致

臨洮兒

二十出臨洮心雄愛帶刀射爭爲子鵠功許若臣樊四
地編錢埒當官慢馬曹哥舒試老將其奈少年豪

唐通

與人論前朝名輩意不直小生所銜竊恨之

河流東注日深沉梓路若爭勢見侵信有樹鬚甘刺孔
知無膠柱不調音臨門星火蛇安足落地風雷豈貫心
倘解靈均問天意何容皆醉到如今

第五後甲集

五

示不直余所銜者

今日淒涼昨日炎風花無定阿誰拈咄甘吾炙邇俱好
割借人刀利亦嫌祝本是雞思德亞叱芻爲狗欲功兼
饒將公道推鬚髮陸展星星肯放添

陸展染鬚髮
詩見宋書

小童聚雪作獅戲題

豈子翻嫌積雪明耐寒搏得一獅成平摹西域商胡笑
陡踞南山霧豹驚鹽撒水精神抖擻石雕雲母狀猙獍
變來毛骨瑱霜月額兔空疑有吼聲

已酉元旦言懷

幽棲無用記年華春去春來總是賒竹馬兒童從處處

桃符門戶自家家詩窮不泣山君鬼鈎直空驚水母銀
曾見仙人殷七七等閒也可幻梅花

同人集海棠花下卽事口占

一樹霞光照酒卮嬌嬈欲語正開時輕雷細雨微風後
相對酡顏也自宜

偶作

山口雲歸雨乍晴竹簾斜捲晚風清時將簷角栖塵掃
不欲蜘蛛結網成

魚鷹

小艇羣棲待指揮一驅爭向水中飛臨頭總把銀鱗吐

第五後甲集

六

瞪看漁師放棹歸

口吃

片字牙間譯幾文舌上迴未知卿幾艾却似帝重來意
可琴聲會詞須諫草裁偏嘲守默者不語豈雄才

甚工

韓公子

韓公子騎青驄銀鞍鞭押珊瑚紅玉鈎帶繫春衫鬆鞢
尖帽鈴符約弓弦月入懷環佩虹行人辟易驚游龍橫
披突過震牧童牧童鞭似梗驅牛上高嶺嶺上白雲深
嶺下孤城靜城東華表鶴乍歸似作人言說仙境忽聞

雲外飛絃聲金丸正落丹砂頂

驚起

題明妃出塞圖

雁送邊聲到賀蘭漢官秋月照人寒明妃却有安劉策
只把琵琶馬上彈

秋盡憶歷下亭

蘆花欲雪蓮渚冷可惜此亭風月虛杜陵佳句足千古
濟南名士今何如

日去

日去西崦暗四郊陳窗光短手書拋僅頑苦約出耽酒

第五後甲集

七

鳩拙倦飛歸借巢天網寒潭漁白小月鎌荒嶺雜黃茅
慣來寂寞形兼影獨上空亭誦解嘲

除夕憶吳中

時光狎遊客歲盡又今夕吳中人家當此時燈火雜還
官街馳鬧雞一唱迹始稀婦子拈米炊寒灰雖然食糜
亦自喜門外催租吏休矣

翰村詩稿行卷第五後甲集終

翰村詩稿

第六遺集

博山同學趙念在軒補次

病中有感

水簾生寒一枕風十年秋雨滴梧桐渴憐司馬文章在
醉想中郎狀貌同紗縠霧輕蒙錦瑟斗牛星小注熏籠
昏昏成夢是何處目漸遠山雲帖空

避人

避人羞應馬牛呼獨對梅花醉百觴香雪滿身和月笑
漆園蝴蝶見來無

第六遺集

一

壬子清明後二日因園見大雪二首

簷前挿柳綠猶肥書案風迴訝絮飛有數春光商改火
無憑天道促添衣幾回飄瞥窗暗萬片繽紛著地微
料得武陵今日路漁郎空棹小舟歸
紅紫紛爭錦上機一時相向顛寒威燕懷白玉甘營壘
鸞揀黃金苦刷衣夢化哀公僵蝶宿吟成孟叟東蜂歸
使君底處迎春獵膝六多情阻合圍

見青鞋戲題

乍離仇寵躍青苔賸與蝦蟆圓一回從井窟深頭縮
在官戎老背懸點吹聲驚座草間出怒氣逼人轅下來

莫怪高僧懶持禁春池見慣聚成堆

題田文墓

月落秦宮狗盜回河山未改骨先摧可憐狡兔營三窟
不把姮娥藥竊來

初識紅媚時衣綠色爲歌柳枝四章贈之以辛

亥歲過此不值者兩度曾作贈詞
記之其事迄今癸丑三年于茲矣

風前濯濯憶當年拂面虛傳兩度綠今日攀條識青眼

楚官春暖恰三眠

輕絲無力展西東陌上烟濃好趁風逗得流鶯弄春色

金衣撩亂綠陰中

第六遺集

二

碧玉光高向日親年年一探渭城春銷魂橋畔舒眉處

見慣驪歌送別人

萬縷黃金裊裊垂章臺含笑賣相思清吟若直春宵價

爭忍韓胡不贈詩

趙師退誤以楮爲合歡移植庭際成二絕句謹

之

春庭新樹感相知別樣抽條葉定奇祇恐忿來獨不得

夜深微雨怨花遲

蔡倫當日看分明崔豹今朝笑失聲從此午窗江夢醒

憶花須探楮先生

穀雨後七日遇雪口占

謝傳庭前樹接空春殘玉葉忽成叢因風畢竟誰爲絮
好把寒溫問相公

往事

往事遙從隔世推幾多成敗鎮難窺鷹揚甲子興周日

兔脫丁公厄漢時賁塔舌輕憑炙輠中書頭銳稱臨池

悠悠于載求公論地下修文近屬誰

見何鵝鴨者戲題

驅向淮西一飽回牧羣未了主人催休嫌對食多閑眼

雪夜能看李愬來

第六遺集

三

飴山夫子作長短句贈紅媚書於其乞題之緣

首余和贈者趙在軒爲書八分於縑末尋爲人

購去近聞不識所作字裁去余調矣

一縷秋風逐綉生筆花吹散機材輕牆西宋玉雖留賦

市上韓娥只賣聲載酒字憐藍尾薄墜銀錢喜鳳頭橫

青衫不直紅顏笑怪底賢豪割姓名

雙燕來巢未就忽去閱數日一燕獨返視其足

有組維之矣自此日來止其所止其一則否感

而賦之

香點春泥杏雨微小簷風靜好相依賓同人幕揚聲去

官獨司分給綬歸涇涇疊歌憐赤鳳翩翩空巷歎烏衣
多慙得脫爲龍餌敢向花間逐伴飛

燕友五德詩九章 并序

孤燕日來若以余獨處寡交與爲儔侶窺其
情殊有隱德焉夫其食不啄蟲蟻仁也失偶
不妄匹義也集處無糞污禮也獲所安而止
智也往來有常候信也有此五德人或不如
不得以凡鳥視之矣因而友之友也者友其
德也自來詩人每以燕爲春閨點染余獨反
此亦頗有此友耳

第六遺集

四

丹山鳳一鳴此鳥心先化不向漢宮飛却來茅屋下
爲與孤情合空梁任獨栖自今相識後德不數談雞
蟲蟻遊庭柯夷然不啄取荒郊野麥黃剪濕銜絲雨
望門投處誤同出不同歸只合如孤雁天邊逐影飛
溪光刺羽毛濯濯知心喜終恐汚琴書居停若秋水
主人無機事所止饒吉祥可有韓公子金丸落屋梁
巡簷敘語頻訂有來期在日日高時呼僮捲簾待
有德卽堪友都忘物我分不煩通應對高坐意何云
僕處蓬蒿間願偕好鳥樂寧知漢代人集屋須神雀

寄題馮太守園林

聞道郊園位置新洛陽名勝遜清真東臬攬秀溪山近
北苑爭奇屋樹勻雨後朝川容野老酒中蓮社許賢人
遙知日涉殊成趣自有烟霞爲隔塵

咏新月

青海珠光在玉關蚌胎微吐老來慳字將心寫三星遠
彩得眉分一筆彎魚怯釣徒沉北渚鳥驚弓勢落西山
輕霞散處舒龍爪依約邊城夕照間

見白雁一羣南去詠之

晴浴昆明漾水光匹飛江練接衡陽山青陣轉行園玉
月黑書投字挾霜潔立鷺洲標獨得盟依鷗海狎相將

第六遺集

五

上林天子知珍重北嚮何嫌雪羽傷

冬夜致永四更寒迫不寐口占

北極星迴斗柄移衾寒無夢到龍池霜華滿樹啼鳥起
正是鷄行待漏時

郊行遇舊

今日天氣好出行逢故人相知不相見屈指十三春

事事

事事如人意乾坤本自寬定波魚不躁恬木鳥多歡便
得春臺北寧將夏日看出門非有礙行路那愁難

感興

鏡裏山雞舞未停，鰓魚滿盞出滄溟。黃金買骨真千里，閒煞孫陽相馬經。

客中守歲

斗東迴處一星明，北望遙將酒向傾。但喜春風生水國，何嫌臘雪滿山城。炮銷檣柁青雲澹，燭剪珊瑚絳蠅輕。誰解清光底照照，今宵只是爲昇平。

忤俗見詛反厝之口占二絕寄慨

鵬翼羊腸兩渺然，無端風馬屬虛船。春宵三宿燼烟暖，直欲熏回尺五天。

雲中君謫作緣情，鼠尾拖腸墜地輕。却是布帆無恙客，

第六遺集

六

秋江還見大夫清

夜間復噪

東郭先生枕上驚，偏身騰吼括囊輕。知他夜半同誰語，不似中山遇獵聲。

蠅

此集何嫌遠，當生乃藉灰。狎聲容即逞，舐味逐還來。故

賜臨池興，虛銜弔客哀。營營渾不定，如聽教書回。

淮南子蠅

雪後訪有道者

明光出壁背林際，人境絕一徑白雲開。山家才掃雪，

雪庭戲置冰椎數枚，謂人曰：是真玉筍聯珠也。

齊行立深雪，白地出琅玕。脆骨通心易，虛根衛足難。日烘如厄閨，風戛似饑寒。門下森森見東君，一笑看

就人語言請避鸚鵡口占示意

欲言避鸚鵡，不是怪禽形。爲喜傳人語，如何說向聽。

豬龍

龍遊興慶本非魚，天寶君王自躍如。宮裏祿山渾不覺，始知垂腹是真豬。

漫吟

幽棲稀見眼中人，客裏悠悠十六春。贏得白雲知嬾性，

第六遺集

七

綠蘿門外截紅塵

谿西柳

到日谿西柳條才數尺，長老人編棘護稚子摘芽嘗。久住眼相習，新來眉忽揚。繫情留憩處，多見少年郎。

過漢萊蕪縣故址

漢縣今雖廢，湍流蹟尚同。數家殘堞遠，一路斷門通。咀絕山來束，懸虛谷到窮。迴思水經註，點首草萊中。

自題雪龕并序

欲築室名雪龕，取方干詩句也。適吾友馮柏村見贈雪龕圖一幅，喜先獲我心，題以實之。

梁園積素泥林端嚴築如僧席地寬繭室裏雲柔下暗
蛸廬黏月壁間寒瓶翰香糯新中酒釣引水絲直上竿
便欲閉門兼作賦料來彌勒笑相看

方詩雪龕中
酒不開扉

有村中學究貽禁烟詩戲贈

春草萋萋綿上田介推情事更茫然偏緣半部輕天下
作得新題是禁烟

初夏喜萬鎰姪逮至

頻年槐絮老青衫知我萍踪有阿咸盤馬自憐癡未死
入厨渾笑醉爲監客中守歲儂家驀墅上圍碁憶布帆
却到深山正新夏竹林抽筍遍幽巖

第六遺集

漫興

閱世澹無交空林竹放梢不分青白眼看燕補殘巢

飴山夫子命和春曉卽事次韻

十洲見慣上林春肯爲花忙不惜身暖漸入帷虛卯酒
塵將拂面足途人雞慚劍靜聲多惡糜總談深味轉新
但得冥心歸湛寂眼前常有總非真

花茵

積寸嬌紅布地平層陰欲展落霞輕坐時藉藉綠襟發
臥處溫柔觸腋生貼席移尊通酒氣襯杆爭劫失若聲
謝公倘過知憐取肯放登山展齒行

感興

日照長安雲漢開頻將霖雨望三台君王側席求賢急
會石人從夢裏來

翰村詩稿第六遺集終

第六遺集

康熙庚子之秋常熟仲翰村先生來學於先君子之門先生幼學詩於其邑馮賓伯先生先君子私淑馮氏者也以故片語相投終身莫逆先生胸懷磊落情性伉直其學問博洽先君子嘗謂及門一人而已是歲冬先君子將有吳門之行使之先歸明年夏復相見於葑溪寓舍遂留止焉甲辰偕歸山中與余兄弟讀書因囑余家中外輩從多從之遊丁未暫歸先君子爲詩以送之至癸亥先生年六十遽以疾歿於余家之別墅同學及門莫不悲之踰年其子南雋來力不能奉柩南還遂以歲之十月留葬於博山城南巖嶺之陽亦先

跋

生素志也時先君子顧余兄弟曰當立碑於其墓次題曰清常熟詩人仲翰村之墓老夫將爲之文焉未踰月先君子遽捐寶客嗟乎先君子以文字表彰人士指不勝屈先生處門下二十餘年生於斯卒於斯藝於斯乃不得一言以爲身後名文章有神交有道顧若是耶南雋將歸手斯編請余曰先人一生精力惟此恐力微不能流傳敢以奉託余受而藏之十年矣前年刻先君子詩集欲并付諸剞劂未能也今年秋同人謂余曰盍共料理之余唯唯因相與校閱以授梓獨是余受南雋之託乃藉諸同人力以成其志早夜思惟未免

顏汗然因以流傳宇內使騷壇之上咸得讀先生之全詩益以見先生之篤於師友也刻既竣南溪序之余因次先生北學之始終與斯集之所由成附諸集後俾讀先生詩者有所考焉至其詩格之造詣五見於先君子之評論余固不得知之也甲戌重陽日同學世弟伯山季子趙念在軒跋

跋

翰村詩稿六卷

編修周永年家藏本

國朝仲昱保撰昱保字羹梅號翰村常熟人是集前五卷爲昱保所自編皆題曰行卷第一卷曰辛集第二曰壬集第三曰癸集第四曰甲集第五曰後甲集按唐時進士以所業投贊當路謂之行卷見於摭言等書者頗詳昱保終老山林而名所作爲行卷未喻其說又文集以甲乙標自始於文選諸賦其兩集分甲乙者爲李商隱樊南集一集以甲乙分卷者爲陸龜蒙笠澤叢書然皆以十干爲次是集獨以辛壬癸甲爲次亦莫明其故第八卷題曰遺集則乾隆癸亥昱保族卒於博山其友趙念所續編也是保初學詩於同里馮武馮班從子也故其詩格律色澤皆馮氏法康熙辛丑復北至益都從趙執信受學故其詩運意鑱刻則純用趙氏法云

樸庭詩稿十卷

〔清〕吳煥文撰

北京大學圖書館藏清乾隆十二年刻十八年續刻本

附《四庫全書總目·樸庭詩稿十卷》提要

原叙

蕭次漁舍春波曲繞青門野笋詩莊山路斜連黃
琢彩雲五色骨舞榭之寒苔靈鶴雙飛認隱居之
古木裝垣左右巷陌交通堰水東西衡扉互向身
將隱矣菟裘營福地之林泉彼有人焉蠟屐送元
亭之帆甕紅箋署姓山陰則客是吳融綠樹移家
溪上則居分項里左原誌癖燈若金燈飲亦疑仙
皎如玉樹齊祖之百函暗記不遺陀寺之碑王仲
宣七子交推解覆車箱之局談雄桂苑篇妙竹林
醇醲薰錦暉於樓臺旬磕撼緇帷於風雨然而子

樸庭詩稿

卷一

一

安注易祗命騷才袁朗工文偏稱詞客烟籬土舍
非無獨立之吟峽寺江船時有登高之賦松陰黃
刻或做蟲書柳外青旂竭題馬射廣筵迅脫寫團
扇以彌工古壁淋漓貯山瓢而易滿帙裝玳瑁硯
餉琉璃獨尋花徑之潛夫乞序樸庭之別集嗟乎
吾越江通珠浦舊築文臺鎮帆瓊樓原封詩窖遞
從擁檝始自藏書襄陵韻創稽山占米誦權射的
羣臣江上質妃白犬盟詞木客溪中愁絕烏鳶窠
曲下迨公回虎嘯內史鴻飛戶生苦筆之花人唾
斑藤之玉石門築舍謝公揚初日於芙蓉出水傳

觴逸少叙清流於修竹黃雞秋黍秀詫嚴維白鶴
幽扉逸傳顧況素琴花落方雄飛卷疊醉吟石研
苔翳秦高士亭標麗句乃至柳姑祠畔范蠡巖前
項臺雄鐵笛之孤吹劍閣富木枝之萬首類皆情
深旨雋上逼澧蘭語樸詞醇遐追山木夏乎南弄
麗矣越吟恢登六義之堂允入九歌之壘既自西
崑乍變磨礱誇玉虎之輕柔南部翻新狐穴逞篠
騶之險怪清矜竹雪芒惟則半入覆窠銳擬花潭
粉面則祇成依樣陋惟買橫虛甚鏤冰炭藍石其
將頽悵綠文之寡色而君則精思杳杳天然庾信

樓庭詩集

胡序

二

之清新別趣洽洽宛爾蘇公之宕逸明珠夜照記
假雕鏤生翠春飛寧由絢繪纂蘭亭之絕唱大雅
奚慚續草市之佳篇正聲猶在則使畢綜四部徧
歷千門騁銅九陣馬之離奇探石粉癡羊之瑰異
取精既富便役龍蛇用物能神自成麗需將健賡
相去何難據五字之長城奧踵若何端可作三江
之一柱也又況才人瘞筆之倉文士藏書之館橋
接平霞池通洗鉢短垣翠雨小松已過人長仄徑
蒼烟古榦全同蓋偃皇墳爰語板皮如雲漢鼎泰
鐘植牀若海千峯對戶依然紅樹孤邨一曲浮家

仍傍黃冠舊宅斯則移堂就樹借景題編逸才更
易於追仙細律尤宜於入聖嗟乎中庭敞潔漫誇
別墅之幽篁此樹婆娑何似小山之叢桂瑣應咏
碧含毫奚羨五城石路歌青好事合宗一體雲根
臥讀雪後閒評金精騰柳癭之芒石葉馥韭花之
氣君誠號傑詎曰嘔心僕未能豪但應拭目從此
林間雅集無異添裴潭上偕游怡欣得謝一垣東
郭數武西鄰持布鼓而誰喧投錦囊今甚便綠楊
沐月寧辜靈汜之橋碧玉酬山重振少微之閣搜
驚春卉纖訝秋蒲自慚老不如人彌愧倡難和汝

樓庭詩集

胡序

三

如從謝墅已知算九等於局中比値邯鄲且幸觀
五花於壁上同里竹巖胡浚撰

余少不自揆好爲詩歌所歷詞壇謬推敦槃主奄
忽垂四十年矣嘗欲以言詩之旨授諸及門而卒
不易得既乃得吳生璞存夙慧績學枕經靡史旁
及諸子百家究心禪典間以餘事上自漢魏六朝
下至唐宋元明中州海外 本朝諸大家詩集靡
不窮流溯源反覆研討故其詩不苟作作則不蕪
於傳不止曩者樸庭摘刻如千卷吉光片羽世已
有寶之者無俟余之論定也今年春生謁余南宮
官署至則出其全稿請余選定爰爲汰存十卷序
之顧璞存生平雅嗜余詩自丙戌迄壬子歲稿皆

樸庭詩集

三序

繕副本茲復請自癸丑以後作續書之藏諸篋衍
將叅訂焉嗟乎可謂不忘所自矣吾聞水深則迴
木落冀本弟子通利則知師余方切冰寒於水之
懼而生猶勤勤若此此康成之所以宗主扶風而
子雲之欲復生子雲爲多事也昔元季黃柳吳三
君詩集皆其門人宋濂爲之編集余詩雖遠不逮
三君而璞存以方剛之歲負奇遠游異時致身清
要如潛溪學士於紅燭脩書之暇編定老人吟稿
則今日之一序余於璞存有厚望焉

乾隆昭陽大淵獻歲中秋日山陰弇山老人王霖

書於南宮官署

樸庭詩集

三序

僕詩自丁未至癸亥凡十七年壬奔山師選定十卷迨丁卯歲友人嚴海珊爲合後四年作共輯六卷付梓忽忽又十六年矣方覺少作可悔敢謂老而漸細顧年來所歷之境及離合悲喜之情畧見于斯聊用紀年不忍割棄續成四卷命兒子璜錄而存之黃琢山人吳煥文

樸庭詩藁

序

樸庭詩藁卷一

會稽 吳煥文 璞存

登會稽山香爐峯

性本愛邱壑況居雲門東出郭六七里徑造香爐峰五年三度至驚羨百歲翁如觀已讀書歷歷知前踪飛泉出高峽怒吼兩白龍山山互響應萬籟喧笙鐘履石蟻轉磨礮支枯筇須臾造絕頂蒼茫混太空俯首瞰城市羣動如蠛蠓鏡湖縹緲洳釜棟塌術封始知天人眼所見真無窮

石屋小憩

樸庭詩藁

卷一

縛草依巖壁雙扉一竇開路從平楚轉山自望秦來問法石應語投香龍正迴東南遙對處明滅認蓬萊

六陵懷古

紫霧沉峯石馬頽園陵蕭瑟盡蒿萊黃塵漸向滄溟渡玉匣誰從雪窖回羊月六年餘舊淚金燈銀海認殘灰冬青不見花開日寒食春深杜宇哀

敢宮雨中探梅次韻

嵐光水色共霏霏小艇烏篷疾似飛乍可暗香寒壓帽敢辭疎雨畧沾衣數重綃帳誰橫笛一帶茅

莊正掩扉翻悔夕陽明處見每逢花信夢依稀
冬青交映淚爛熳懷古探幽共入山金盃不知何
歲月玉奴空鬪好容顏鶴依處士難爲配酒蕘麻
姑未肯還莫問興亡無限事且將勝會博清閒

採桑詞

一眠食葉葉尚小兩眠食葉葉苦少三眠食葉如
捲風摘葉似蠶春起早纖纖素手提懿筐鳴鳩拂
羽高梯張斜隔綠烟傳細語明朝同賽馬頭娘

採茶詞

穀雨濕天天糲糊山均飛出青鵲鵲愁坐十日不

樸庭詩藁

卷一

二

得動官府連下催茶符今朝晴起梳雙鬢東鄰姊
妹行相趁採茶歸去還喫茶滿頭分插山櫻花

保定廻羅井明御史鶴冲金公一家十八人

殉節處也後人以其事類屈子顏之曰廻

羅己酉年正月二日余游三皇廟過而拜

之慨然作歌

困上反下受以井待御金公古骨骸深明易理得
全歸識破死生同泡影一門赴難十八人有男溫
恭女豐觀身騎箕尾歸白雲忠烈全家星日炳億
昔屈子沉汨羅紅絲玉米秋沱冷公從之遊作水

仙呼以廻羅誰獨醒暫聞此井今見之叢祠草深
叫蛙隴以人爲鑑卽水鑑扣門夜語敬元穎咸池
飲馬步後塵懦立頑廉發深省石久則泐海或枯
一勺淵泉千古永

次韵寄祝王古草

城西書屋隔天涯一別繩床幾歲華五夜寒砧敲
木葉六時清課禮梅花傭仙本異陳安世奇策虛
埋李左車久識靈臺生寶燄漫勞縑裏寄丹砂

山林踪跡與時違肯復垂頭受馬鞭自具深心常
讀易何須今日解知非瑯華縹緲原無館采石分

樸庭詩藁

卷一

三

明別有磯廻憶當年好風月欲隨羣鶴望南飛

都下晤商寶意卽以志別

陸機猶滯洛王粲忽思歸白社風流盡青山舊業
微鄉愁濕春雨邊色上征衣雙鳥盤旋地應教接

翅飛寶意有後
雙鳥詩

懷道圓長公

西林瀟灑似東林花木禪房曲徑深惠遠當年曾
結社客兒何事阻幽尋連邨燈影千帆落半夜江
聲一月沉相隔恒河多少界空中梵韵靜惺惺

題思齊上人淨土詩後

寒山露葉遠松枝定後禪心亦有詩麟角曾藏衆
香國馬肝別湛七珍池波旬殿響摧應早般若舟
深渡未遲肯使石門留和句何如一笑虎溪時

荅商寶意

念我自艸角與君攻文章鞦韆鼓鐸鑿鑿齊相
當憶昨賦北征分途至漁陽是時天地閉冬日朝
在房負逋類楚囚南音多慨慷窮臘度獻歲愁目
無春芳君得馬當風一舉排天閭余復混泥塗雲
路無由望歸帆轉蕭瑟烟樹含青蒼入門喜無恙
斑衣謁北堂結茅樛櫟下擁腫如人長灌蔬依野

棲庭詩葉

卷一

四

圃種花綴山莊忽悲春暉隕素衣皚若霜形毀骨
竹立啼血枯青眶計拙等畫虎岐多徒亡羊羨君
冲霄漢玉蕊開唐昌澗松養千尺一朝任棟梁僕
本不材木難爲榱桷襄譬彼鷗與鳳安得齊翱翔
詎意青雲客未肯忘故鄉瑤華寄所欽字字璫璣
裝執書大咀噉喜起眉間黃和詩寄謝君幽志通
絲篴

冬雨歎

三秋烈日枯田禾辛苦作粒餘無多入冬正欲勤
刈穫雨工挾海傾滂沱坎離迭運有休王可惜陰

晴雨無當豈其欲報陸渾仇囚死女丁長不放農
人樂事役車休賃棄於地嗟難收珠玉盈田等砂
礫勤民不若游民游我有負郭田二頃無術謀生
指空廩何從乞米續晨炊空效魯公濡墨瀋忍飢
僵臥度黃昏欄溜終宵擾夢魂床床避漏無乾處
縣吏衝泥又打門

偶過金氏園見梅花盛開主人他出留題而
去

兩樹瓊華壓衆芳檀林游戲晚蒼蒼跣跡不見維
摩詰枉造天花作道場

棲庭詩葉

卷一

五

玉蕊分明爲寫真琉璃淨界絕纖塵看梅看竹何
曾異不用殷勤問主人

劉君曼山以文章名里中少工吟咏近歲忽

廢作此勸之

詩者天地心權輿上古時耕鑿歌帝世五子鳴夏
衰宣尼事刪序始頌終黍離濫觴及後代分派而
別支杜陵詩似史昌黎文爲詩苟具大手筆元氣
皆淋漓亦有理學儒陶寫補絃絲至今紫陽集名
與猗蘭垂劉生出羣才汗漫窮軒義萬象羅香冥
九鼎播珥奇少年負詩癖翠色分雙眉胡爲專進

取棄此忽若遺聞之再三嘆爲君起陳詞明堂清
廟篇功烈咸在茲嚴朱璣騷賦漢廷揚光儀清平
奏絕調謫仙受帝知屏書水碗句亦有楊徽之此
匪覆車轍復蹈何足疑期君如長城願我效偏師
負弩厲前猛捍彈千熊羆

雨夜獨坐

清尊此夕與誰同錦瑟華年類轉蓬小院燈明人
定後寒塘草長雨聲中白華夜讀餘哀重黃豕春
歸舊業空但使據梧真有悟榮枯何必問天公

寄商寶意

樓庭詩藁

卷一

六

衣上豐臺舊酒痕花時那忍尚關門七真高會無
人見三調清歌信手翻回首觚稜曾入夢故鄉櫻
笋最消魂珠園已罷玲瓏曲何日同浮五石罇

遠樹

野樹澹無際迎人瘦影來低垂帶烟霧遠望點莓
苔天濶青如蓋山平綠有臺依稀摩詰畫椒柳費
疑猜

雨帆

春帆懸五兩纖雨不留行湘水幾千里巫山無限
情歌櫓兼浪濕遠影入雲平悵望前途渺滄波隔

數程

和寶意土城山房詩十首

脂粉塘

千絲網越娃遺跡留香土烟波泛五湖金翠照千
古東風兩岸花尚學吳宮舞

衍波書屋

金粉六朝人羅綺三春夢含情托佩阿玉冷蟾蜍
凍苑草憶王孫碧色凝愁重

香光閣

琳宇金爲闌晃晃菩提世頂禮無量光胸前出

樓庭詩藁

卷一

七

字明鏡本無臺照山河大地

小浣紗溪

越山兩苧蘿紛紛日聚訟溪邊一片石何足關輕
重請看小浣紗亦有香風送

南華亭

北溟義取陰南郭義取陽作經號南華陽盛陰則
藏吾以名吾亭逍遙問蒙莊

拾翠橋

鴈齒壓長波雜遝衆靈下命儔而嘯侶悵望飛龍
駕春風宛轉來芙蓉未肯嫁

平遠臺

東坡登妙高自起如意舞不見空中人但聞空中語
高處夜驚寒罡風拂仙侶

策策廊

當年魚子泉廉士曾避世荷藻影交橫愛此悠然逝
騰騰人繞廊浩渺江湖意

採桑陌

誰繪幽風圖遙見提筐女柔綠上春衫時聞隔烟語
連蜨千騎行夫婿在何許

橘鄉

樸庭詩葉

卷一

八

不欲喚爲奴亦不尊爲叟朱實滿南園秋霜長嘆手
含笑問吳姬三日猶香否

踏燈歌

巨鼇不戴蓬萊島游戲人間勢天矯萬叢火樹欲燒
天滿掛珍珠光百寶米家新樣巧工夫錦繡天開似
畫圖金絡頭穿青玳瑁鐵如意碎紅珊瑚豔歌一曲
羅襦解不數孤鸞與大蟹欄前環珮夜如年屏上鶯
花春似海月光浮白輕風和太平況復豐年多枹鼓
無鳴士女樂踏燈寧畏金吾訶平橋西畔尤奇秀幻
出神仙共鳥獸誰將靈氣結樓臺

簇簇青紅弄新皺銅漏聲低緩玉繩高梯更上第三
層寒梅萬樹杳無影但見若木燃春水歸來夜半人
微醉空齋寒擁黃絲被書簽寂寞對孤檠臥看燈花
結雙穗

邢靜山數搜予書次東坡仇池石詩韵嘲之
新杭翻雪白陳醞開蟻綠君來輒相留於君亦云足
胡爲意未厭搜索及予腹就日曝中庭豪奪何太蹙
豈其恣佃漁抑或伴樵牧一瓶吾不吝再三毋乃瀆
有時思獺祭忽若失美玉翻覺借觀難茲說誰能伏
平生闕疑事恃此得言卜勝負一戰成

樸庭詩葉

卷一

九

中原羸鹿逐忽遇肱篋盜黃金擲虛谷久假竟不
歸煮字飽所欲懷璧懼虞罪紿城責秦曲詰朝君
埽門吾亦來不速

樸庭詩

我生於俗殊嗜好讀書之外無他求自知窮達會有
命目耕手校無時休空庭就蔭得老樹軒牕欲與扶
疎謀徙南而北一位置綠陰滿地如水流散材似樸
詎非福天全可免供薪槁擁腫直與樗櫟等正宜共
我逍遙游以茲名庭殊不惡拂雲千尺高無公琅琅
金石激林際時來唱和晴雨鳩與鷀

亦復自斟酌琥珀滿碗濃香浮人間迴首增歎息
楚弓秦鹿徒悠悠金珠布路裏不去華屋零落歸
山邱莧裘送老願粗畢豈有地下堪埋憂鼻魚風
木已無逮翁子道路空長嘔不如枕樹企雙脚吐
納河嶽輕王侯

奉東桑菴甫設帳姚江

暫隨虞國鴈雙翔長奉南豐一瓣香墳典碧繁書
帶草管絃清供束脩羊山中馴鹿歸墟墓水面游
魚集講堂自有文章千古事怪人輕薄慣雌黃
連日病泄飲食俱廢作此以遣

樸庵詩集

卷一

十

腹底紛紛起輾轉窮窮麥麴有邪無廉頗一飯空
稱善孫皓長籌竟欲輸香棗不堪經屢試河魚豈
忍與同枯絕憐三日形神隔藜莧腸空飲興孤

閱桃花扇傳奇成十二截句

朱絲新樣寫新詞圓海前身是總持小部君王看
一笑白袍玉帶誓師時阮圓海以吳綾作朱絲欄
書燕于箋諸劇進宮中
當誓師江上素纓圍碧
玉見者詫為梨園裝束

法古虛將四鎮憑梅花嶺外竈初增如何仗鉞臨
戎日不及揚州一老僧廣陵梅花嶺史可法點兵
處可法傲南宋文文山
議增設四鎮不能制一高傑後傑見一老僧求佛
法僧曰將軍能敬正人猶之敬佛也如史閣部是

已高遂帖
然心服

瓊筵高會倚江開擬學風流宰相才若到六朝歌
舞地蕙娘爭得及陽臺瑞草亦有為君子當其
出劉入阮時賦詩曰蘇蕙
才名千古絕陽臺歌舞世無多若使同房不相妒
也應快殺賣連波蓋以若蘭比劉陽臺此阮也
青溪春色總堪愁慚愧王孫覓伴游夾道朱樓如
夢幻辛夷桃李一時休侯朝宗與香君定情詩夾
道朱樓一徑斜王孫初御
富平車青溪盡是辛夷
樹不及東風桃李花
黃鵠磯頭楚兩生梅邨漁樵相對不勝情秣陵唱
出秋風曲似聽淋鈴第幾聲蘇州蘇貞生善歌維
揚柳敬亭善談皆客
於楚為左寧南幸舍重
客吳梅邨有楚兩生行

樸庵詩集

卷一

十二

湘蘭沅芷碧迢迢統扇無情怨寂寥蛛網燕泥逢
蝶叟焚香掃地染冰綃李香君所居姓樓楊龍友
顏之曰如香後香君避難
遠出為畫
士藍瑛寓

黃絀絳帳道家裝流水高山意渺茫便與鹿樵生
斷絕法華細字刺千行卞玉京善琴嘗屬意鹿樵
生因為若弗解者後生
梅欲求之十賦四詩告絕遂專意入道晚依良醫
保御用三年力刺舌血為保御書法華經既成自
為文
序之

關節誰傳七字詩牧齋收卜阻前期白娘老去風
情在忍學香山遣柳枝寇白門本韓求仲愛伎為
寇白門詩問名欲傍香山卿得姓還從萊園桃
遂有一朝平步上青天之語為枚卜玷牧齋

渡河兩疏更奚求勇冠三軍奈寡謀一夕女戎能
誤國月明腸斷廣陵秋高英吾幸數丁八州城
以二妓偶一丁夢及
殉發竟收揚州遂危

一生多愧蘭相如猶勝劉永小丈夫泉下精靈如
不味負荆應與謝英吾初靖南與與平爭功不服
客書曰或二十一投筆三十一登壇四十一列土
不知二十年中所作何事僅僅以富貴自誇小丈夫
劉良佐俱降

玉帳牙旗鎮上游夜深兵火滿江州寧南死去無
寧日枉為袁公涕泗流左崑山為王之明與兵袁
兵諫非正晉陽之甲春秋所惡可同亂乎及兵入
城崑山望火光大哭曰余負袁公嘔血數升而死

樸庭詩藁

卷一

三

後先二十七年中白馬青絲識早同流出秦淮宮
內水不須鳴咽怨田雄崇禎卽位日殿柱上見黃
一還有福王二十七蓋妖書
也中軍田雄以洪光降

寄懷黃公旦次韵

野色如人遠何時共一堂相思疑隔歲欲涉蹟襄
裳奇句留團扇閒身惜晚涼海山雲影斷西望迢
蒼蒼

歲事詩三首追次東坡韵呈王弇山師

饋歲

書生窮事業終歲賴師佐推敲不厭煩禿盡文章

貨眇然天地小那及詩眼大二豪日侍側但見瓶
屢臥歲事忽已闌何以供孔座長鬚一額珍重
勝紫磨十萬八千杯瞬息白駒過新詩束筭多醉
吟遣誰和

別歲

少小願歲速壯大願歲遲遲速任意見俱是不可
追今年窮無奈何以度生涯惟有杯中物差足消
日時換字驚掌嫩負塗豸腹肥佐飲已有具把盞
可無悲東郊春事近行與殘臘辭杖觀太平勿
推筋力衰

樸庭詩藁

卷一

三

守歲

歲盡如野燒喬木上窮蛇恨未能速去誰復以手
遮但恨少壯改時復喚奈何攔年灑微雨獨酌且
勿譁七寶珠絡鼓畏聽兒童搗飛騰杜陵叟驚心
暮景斜分陰誠可惜努力無蹉跎當立千載業莫
將文采誇

同王弇山師古草芝亭暨陸辛崖杜思齋重

過敢宮看梅感念先子舊游泫然有賦

宋代衣冠落荒阜愁魂不向冬青守寒林化作萬
梅花刺與松筠結三友寂寞空山過問稀杜鵑啼

血毚毚走冰肌雪貌淺淡堪人所棄置我獨取憶
侍先子履杖行歲紀旃蒙月建丑愛山已勝悅醇
醪況有冰林抵鰲珠鳧玉鴈感唐林指點前朝
知八九雪湖煮石洵無雙袁墓西溪那得耦是時
同游者爲誰瀟灑風流曰王某點水虛同拋石漚
牽絲幻似移場叟感慨重泉消息無祇剩澆愁一
尊酒春風今日訪舊游繫船已換新楊柳修禊蘭
亭記右軍吾輩何爲獨否否矧復新詩束筍如業
已流傳遍人口六陵義不委荆榛諸公此會垂長
久感時懷古共歎獻玉奴顏色何曾醜驚溪一幅

樸庭詩藁

卷一

西

費追摹好付雲間寫生手

辛崖
善畫

探梅回棹宿曹載安宅

山徑藤深客叩門梅花林外近黃昏圍蔬入饌周
陋宅文采驚人魏武孫小隱莫嫌他日訪乍交便
識古風存回思芒履探春處月挂寒梢又隔邨

題古草梁父吟後

奉君乘鸞明月之紈扇耶溪赤堇之寶刀紫府琅
函之秘笈捷武流波之洞簫萃取篋中和梁父易
將慷慨凌逍遙磻溪一老長垂綸清風碧水幾度
春熊羆何意通夢寐誰知渠是功名人丈夫奮志

各有偶尺蠖詎必求長仲扶杖獲觀太平樂自甘
屠釣終其身我欲爲君叩天關狹獮磨牙不可越
寸鐵難獻血肉軀舉觴離離對秋月望舒爲君爭
先行手排閭闔通精誠雲霓爲裳霞爲佩夕餐玉
屑朝金莖成敗俱出英雄手忍使南陽臥野叟梁
父吟聲孔急敵軍胡爲甘巾幘出師未捷空沾臆
君不見淮陰王齊拔趙幟鍾室且墮娥姁計

樸庭詩藁卷一

樸庭詩藁

卷一

五

樸庭詩葉卷二

會稽 吳煥文 璞存

若耶溪泛舟次孟襄陽韻

葭莢滿蒼蒼白雲含靜渚浣紗人已非好風仙所
與丹楓綴青山掩映如處女世無襄陽翁臨泛當
誰語

送陶孟李北上

天南羣山雄竹箭森巖岫惟君盛文詞蒼萃鍾其
秀馳騁出百變造物難爲固觀星占防件寒餓出
傑構大塊一積氣呼吸變昏候指或失其背踵或

樸庭詩葉

卷二

一

高於脰形骸豈土木不自飾固隨君本莊嚴身寶
髻光靈寶五音繁會時似聞黃鍾奏鄙哉箏笛耳
反以天刑詭神物自有真寧復誇急就蓬萊萬樹
花待子聽鳴漏

臘日邀同弇山師史石帆鄒亦范岑春江游

禹廟

冬煖如回寒谷春勝游得此卽良辰亭荒茗塢苔
初合龍去梅梁迹已陳山店似嘗干日醞川靈猶
護百蟲神餘酣細漱峯雨瀨吟坐蒼崖岸角巾

次日春江復邀集倪園卽席分賦

書藏宛委涉難求別向雲泉取徑幽勝地不嫌三
日宿名園況復五人游斜陽影裏翁孫竹橫笛聲
中子母牛荒塚麒麟堪對飲劉伶墳上有誰酬

祭長恩歌

窮鬼不須送結柳爲車托巧弄厲鬼何用驅縛竹
爲爆非丈夫我有神人司二酉滿架芸香本良友
使我手披目曠無日休何以報之曰瓊玖勿爲春
水祭勿爲豚望宅殷勤保護又經年玉軸牙籤羅
此夕相對以臆長嘆吁勸君不必藏奇書人皆飛
騰君獨躋窮年屹屹胡爲乎長恩長恩爾太癡讀

樸庭詩葉

卷二

二

書何必求人知若向此中尋捷徑直可燬盡皇墳
詞燈前醅爾一杯酒似見椰掄齊拍手數點梅花
歲癸丑

岑春江邀同葢官探梅預會九人有懷古草

天津

微雨初晴釀早春平臯細草漸成茵一番芳信催
寒去幾度名園載酒頻岩壑多情如舊識禽魚刻
意解相親尊前悵悵交枝影欲把生香寄遠人
雨後出郭同許蘂子鄭雲叟商寶意響意丁

翰發作次響意韻

喜值黃梅一日晴，急收野景泛舟行。
秧針刺眼分張綠，山翠撩人次第迎。
欲遣炎官驅熱客，不教溪鳥怨寒盟。
殷勤雲液何時飲，早有前期指赤城。
時雲

晨出東郭

萬籟忽已動，晨光猶自微。
市人空際語，樹影望中稀。
秋入雙蓬鬢，寒生短褐衣。
釣徒棲隱處，惟見水禽飛。

九日西施山

重巖菊細點寒莎，蠻榼都籃載酒過。
四野風霜凋

樸庭詩藁

卷二

三

短鬢九秋天地入，高歌美人脂粉歸。
黃土山鬼衣裳曳，綠蘿對景莫疑惆。
悵易五湖一望浩，烟波

龐公殉節詩

銅弩妖氛捲地來，全家碧血滿黃埃。
甘爲厲鬼除餘寇，誰與蒼生釀禍胎。
寶幃依然周六詔，英靈從此貫三台。
青蛉塞上應祠廟，不逐昆明化劫灰。

苦旱行次元人吳正傳韻

旱魃肆虐何時休，大火餘毒威新秋。
升斗無從活涸鮒，況復米貴從誰謀。
張公胡不上封事，百尺空湫只酣睡。
乞靈妻子已可哀，敢竊兩符從天來。

自夏不雨六十日，唯有北海尚餘溼。
羣山蒼翠變成赭，綠野葱蒨化爲赤。
田家仰天嗚嗚泣，淚枯血盡不成滴。
一片黑雲頭上來，轉眼白榆明歷歷。
水鄉八百誇鏡湖，積藁一望全焦枯。
不止膏腴絕灌溉，還悲菱芡亦已無。
吁嗟造物不惜物，將無人罪膺天誅。
安得舉瓢挽銀漢，傾河注海盈長途。

投壺歌

珍珠紅滴銀絲落，當筵細雨紛簾箔。
主人無語客，妙歡啣壺枉矢相。
爲樂司射進度前，致詞二矢以半實。
間之順投爲入比，不釋從馬釋算無差池。
平

樸庭詩藁

卷二

四

空矢落瑤瑤響，四座無爭齊拍掌。
計籌浮白安足辭，勝固爲歡敗亦爽。
倚竿帶劍真騰超，就中尤妙蓮花驍殿上。
舍人善激越，軍中名將能逍遙。
古人尚德不尚巧，射禮投壺本同調。
專精一技通神明，天帝開顏亦爲笑。
彈碁公子妙角巾，蹴鞠之戲徒勞人。
魯鼓薛鼓詩可補，咽咽催出壺中春。

賀王芝亭移居

十年幾度賦移居，又見圖書載一車。
正是晚花紅意瘦，瀟湘簾卷燕來初。
小巷槐陰高士宅，雙橋虹影麗人船。
知君本是神

仙侶來傍丹砂葛稚川與葛明府爲鄰

寄懷鄭月三

長者今誰是鄉人識鄭公有懷書帶草欲借若耶風高座春空滿幽林信未通草玄真寂莫載酒可能同

剡溪舟中次韻

爽氣迎人面羣峯變旦昏寒光落帆影靜境聽禽言潭黑龍耽睡沙明月弄痕興來逃出處思與戴逵論

題資國寺壁次寶意韻

樸庭詩藁

卷二

五

擬向魚山聽梵音真成彈指去來今莊嚴妙相原非相文字明心卻有心寶鐸無風棲鴿穩香池似海躍魚深人間亦種菩提樹何處招尋優鉢林

游東山寺

仄徑深松遶上方謝公遺跡半荒涼薜薇已老題詩洞蒼苔重開選佛場一代流風餘片石千秋明月冷虛堂劇憐泥水功成後強擬東山在建康

經蘭風山下卽王方平釣處

江迴山路斜日映楓林赤渺渺釣魚磯突兀標欄石垂竿事已遙清風餘舊跡苟無伊吕功輕出究

何益晒彼賭墅人偏安折戶屐遐睎懷之子悠然如可卽獨咏寄蒼茫孤鴻隱寒碧

游羊石山

巨靈隻手萬鈞力以斧劈開雙峽石黃羊化去黑蛟蟠百尺古潭深莫測棧道何須數劍門玲瓏直欲伴靈壁乾坤定位良爲山攪土搏沙匪旦夕六鑿毋乃損天和千椎亦憂傷地脉從來術士談陰陽金神歲煞滋繁析省山前後盡壓廬按宮豈皆無順逆東家利應西家殃彼此胡爲安厥宅可知凡事習其常術家之言真可闢我來登臨日已斜

樸庭詩藁

卷二

六

摩崖穿穴驚魂魄就中劉楮具莊嚴超出天人與帝釋牟尼五色寶珠光攝取蛟龍同蜥蜴晚風吹衣人下山明朝芒履留行跡

過厲太鴻樊榭山房追悼先耕民兄

西湖載酒幾清明揭鉢題詩感舊盟蘭蕙依然香滿徑芙蓉何處碧圍城九原路杳思隨會一畝宮卑割郿成我痛人琴君憶笛平泉木石最傷情有先兄題揭鉢圖詩及過墓門小令皆藏集中今諸孤棄舊宅附君同居

桐廬

桐君采藥處高壁壓清溪帆飽風加健雲深徑欲

述荒祠孤塔迥小碣數松低差與嚴陵似孤臺瀧水西

蘭溪

澱溪上下水潏洄疊疊連山一線開紅雨千林歌撲棗青旗五尺賣新醅危磯繫纜鴉初集落日關門虎欲來遙望鷓鴣峯色好松梢隱隱露書臺

暮秋同施竹田家盈川遊博山時陳雪槎太

守適以行部不與

自我來信州坐愛秋山翠攬勝誰最佳惟數博山寺歡言命駕游一徑入深邃巖然花林香金繩啓

樸庵詩藁

卷二

七

大地鈴響驚乳鴉塔迥俯叢桂山僧翬衲古义手迎道次坐石不設席茶瓜談往事攜筇探西峯縹緲蹟尤異池寒龍抱珠奇石互位置有此好山泉何妨日月至念我雪槎翁秋前曾訂使匆匆行部遙勝游缺莫遂懷哉塵鞅勞何似諸天閤鐘磬有清音軒窓饒幽意蕭蕭落葉鳴斜陽映歸騎

過玉山寄普寧慈引上人追用 先大人送

別原韻

淨因何處悟真如勝業猶存手澤書一粒金沙全夢幻卅年賣樹牛扶疎老僧灰筴留殘芋鈍鳥空

園啄野蔬遙望城南烟數點碎蘿長護舊精廬寶池碧繞萬頃田瑣碎迎風未忍殘摩頂文殊原瞬息同龕彌勒本艱難腸如厓雪何堪熱盟比溪鷗肯使寒我有夢我餘痛在期師爲向定中看

從天竺至靈隱

我來天竺遊大士葺新殿紺碧奪山光蒼鼠屏跳竄方知象教宏木易言詞贊靈隱古招提奇峯對人面一勺冷泉亭相看亦不厭盤旋歷翠微眼界隨時變腰包任所之是處無留戀安得大願舟隨風泊彼岸

樸庵詩藁

卷二

八

鹽官海神廟歌

海於天地物最鉅王封品秩高公侯鹽官適當江海滙怒潮歲歲漂蘆疇草壩石固盡無濟天吳嘯擲同輕鷗 聖朝建策禦最險巨塘橫截尖山頭釜沉石絡不計數厓空龕赭茭翁洲丈鯨徙穴老蛟去桑柘乃獲豐春秋保恤自來蒙至意疾威肯霽終垂庥塘成宮殿不可廢湫隘毋乃貽神羞詔令擇地建神廟百夫指役千曳牛金錢囊載出少府程工襄事無取休 宸章紀績署歲月飄鸞泊鳳蟠螭中央憑席神所在左爲靈胥右則鏐

其餘川靈列兩廡儼如十哲相朋儔或爲狎狎或
眈麗摹神取狀各不侔庚辰同律亦位置馬銜最
屬皆雕鏤欄簷上下燦金碧未央長樂差堪公綠
窓失戶文玉礎水晶簾掛珊瑚鉤維神受職當禦
忠要令溟渤長安流鳳笙鼙鼓相間作嫖女起舞
變重謳秋稌春韭永無極精意所感神當酬雲車
風馬忽擁至龍袞象笏垂冕旒掀髯一笑神醉止
四海永莫環金甌

同施竹田黃筠邨游曹山

翠壁鬱蒼烟深潭小有天玲瓏藏日月慘澹費雕

樓庭詩藁

卷二

九

鐫不數金庭穴頻傾藥主船擬將一長嘯裂石醒
龍眠

徐青藤舊宅

古藤高百尺曠世憶初栽着土皆奇幹斯人本逸
才龍蛇居粉壁風雨養蒼苔彷彿臨江宅誅茅動
客哀

七星巖

白榆天上種歷歷落巖端嵐氣滴空翠春陰生暮
寒草深應沒屨僧定不驚湍疑有朱衣隱然犀莫
漫看

寓園園爲祁忠
叔殉節處

春雨空濛外青山隱寓園孤忠半碣冷老佛一燈
昏莫數恆河劫重招楚些魂空餘新漲水沉恨送
潺湲

項里

抵掌論前事英雄尚避仇生曾輕萬乘死亦冠諸
侯逐鹿原先得亡羊詎失謀空山遺廟在蕭瑟暮
林秋

送別竹田筠村

春波無限綠況復雨冥冥別酒不成醉啼鶯聊共

樓庭詩藁

卷二

十

聽小山憶叢桂帶水惜飄萍何日彈朱瑟同歌帝
子靈

自平水至傳燈寺宿

城南巖壑美溪行趣樵風新篁密如織鷓鴣鳴深
叢探奇寧憚遠水盡山無窮捨舟旋理屐初覺行
徑窄豁然得平陽表道列松栢空林絕人踪老僧
出迎客浩劫悲滄桑紺宇銷金碧龍髯不可攀蟬
蛻空遺跡指點說因緣蔬笋費香積聊擬匡廬游
灑煤記崖壁

夜宿平陽傳燈寺懷家兄蔡照寓天童

沿溪沙路覆深松歷歷虎模似出東望指何難悟
泡影拈花自識震百壘登山蠟展輪康樂藥雨聯
牀少阿同遙想今宵滄海月懸巖題徧碧玲瓏

化山

攜將筇竹杖來叩化人居石氣東西合泉流上下
疏幻曾傳白鹿靈豈待文魚我愛山田好春陰擬
荷鋤

明覺寺

杖藜踏徧萬芙蓉深掩精廬竹翠濃密網聞鈴知
化鴿孤湫咒鉢久降龍燃燈乍畢傳清課燒笋纔

樸庭詩藁

卷二

士

香報晚鐘寶掌千年靈塔在欲從初劫問禪宗

雲門寺

憶昨經行地蹉跎十六年鶯花如隔世露電問枯
禪掃徑非延客烹茶得湧泉溪雲猶五色小坐話
因緣

經秦望山麓望何山秦碑

會稽山水東南奇祖龍親軻窮險巖中有一峯最
突兀下窺東溟如盤厄遐覽八極厭王氣羣臣頌
德存豐碑巍巍我直與之罍匹李斯古筆蟠蛟螭我
遊雲門遍六寺跋涉頗覺形神疲擬登絕頂訪模

製欲上不上徒遲疑筇竹已拋屐齒折況有豺虎
兼蜂鴟遙從想像當遊覽上窮岷嶺中屢屢神興
尻馬莊所說心遊萬似堪娛嬉或云娥避有石屋
一碑插石尚可窺或謂何山藏古蹟畸人南宋曾
見之風雨剝蝕久漫漶真偽莫辨嫖與施劍苔剔
薶揭紙本模糊一片無文辭當時目擊尚如此況
今千載經遷移集古金石不見錄紙漏徒令後世
嗤昔人已與不傳死紛紛鐫刻徒爾爲咸五登三
亦易事超前何用燔書詩秦人豈不重文字但憂
墳典難爭馳法律欲創一代制未必遂恐黔首知

樸庭詩藁

卷二

士

推陳致新有深意醫卜種樹皆虛靡改絃更張大
不易權將法吏爲人師豈知鬼神有呵護六經終
不隨磷淄茲碑縱在亦無補直與撼樹同蜉虻但
從好古求往昔唐碑漢鼎猶自怡斯篆直當三代
末隸先籀後絕等梯亞駝詛楚亦見重矧從南狩
紀六飛摩之不得徑歸去空山欲下還遲遲芙蓉
萬个列青嶂夕陽回首烟迷離

道園上人買羸蛤於月夜放生賦贈四截

羸蛤蠕蠕似有知極憐生意嚮漁師口中殘汁還
堪護細和岐亭五字詩

風月交清水不波一時撒手湧摩訶從今身入琉璃界細網千絲柰爾何

菴鬻何處可求涼極樂無如水一方蠢動亦知含佛性滿池藥餌不聞香

慈悲願力不嫌遲重見天台智者師安得平原今日在含毫爲寫放生碑師欲購置菴前爲放生池於今秋舉行

過綠蘿山莊呈胡竹巖先生

日南愛結松栗里傳種柳永懷處士廬嘉名乃足久洛陽諸名園廣似九州藪轉眼曲池平主人忘誰某地以人見靈奚必戀微帶土城東門東碧石

樸庭詩集

卷二

三

壘瓶缶古譙記鶴潛大澤經龍吼賀監及齊唐隱跡互于隅蔚然喬木中神支劈西坳是名曰綠蘿實冠天洞首闕晦榛蒿間千載鬱奇秀山靈久徘徊始畀隱君守我我竹巖翁汗漫窮二酉童年妙遐悟集古悉蝌蚪萬象役毫端點金化腐臭棄官賦歸田盟山肯長負擇勝築幽莊林泉繞戶牖名花錯綺羅怪石立瓊玖孤亭翼廣池見鷺拂菱藕迤西聳高臺錯落見諸阜玉筍香爐峯相看厭否中堂極軒敞密室殊深黝砂版繪方壺高壁摹岫嶺几上無纖塵圖書雜敦卣亦有精廬深幽闕

壓石紐傍樹支丹爐隔花響茶日透迤度板約修竹森子母長嘯綠雪中但覺風颼颼參差位置佳經營諒非苟吾廬隔匪遙歎屏時一叩坐我瘦木牀儼若飲醇酒快論颼風生頗得未曾有幽貞抱素履長與泉石偶繞澗采秋花鋤園摘春韭書倉辨魯魚學圃去根莠綠蘿長青青名山金石壽

王余名輯其令祖少保介菴公傳畧屬余作

詩勉賦二律

閩粵標雄鎮功勳迥不凡厦門通一線庾嶺劃千巖海嶺今猶靖山牛昔已剗相傳星落夜太息啓

樸庭詩集

卷二

四

金函

將種原無愧何須汗血如風流剩裘帶世學更詩書遺卷傳金鑑山花奉板輿鄴侯他日傳看爾載公車

東劉曼山行皆兄弟讀書東武山房

翩翩二妙隔牆東古寺蒼藤一徑通鰻井雲深金版篆龜臺樹響石幢風定從遺霸哀勾踐可有前因問許公冰柱雪車才異甚肯教箋註到魚蟲

題趙文敏昭陵六馬圖

虬髯天子真英雄橫戈控勒皆飛龍掃清河朔定

隴蜀中箭歷數流汗功兩馬驟黃一馬赤紫騮獨
伴烏蹄白柳堤樹密草如烟指點官奚坐磐石就
中青驩尤異姿橫蹄一丈耳竹披當時斷石今見
畫巖然如觀驚沙飛王孫刻墨擅今古龍種淒涼
委塵土靖康泥馬夜曾嘶不向江頭寫風雨

曹江觀競渡

越俗善水嬉綠舟習相競曹江五月天澄波皎如
鏡巍巍孝娥祠高桷壓沙徑松杉濺銀濤丹碧交
流映鄉人重舊典俎簋列爛腥不忘拯溺哀祭船
理輕榜繪畫爛五彩儼作鱗甲瑩昂空尺木高牙

樸庭詩藁

卷二

五

簪互相掌旌幢何紛沓錦綵左右稱鼓聲雷闐闐
細樂雜笙磬懸繩爲挽輸建標決負勝大魁立分
曹勇士各獻勁疾如馬奔樞躍如虎出奔或矯翔
若鳧戔戔奔若境或如遇大敵姑緩待傳今或如
刻師期疾足爭先命相厄如秦楚交盟若晉鄭兩
龍奪一標揮竿握權柄勝者喜登天敗者愁破甑
相持不相下水花剗然迸驕人或轉敗雪恥或重
慶變幻乃若斯世事真莫定亦有乘怒潮憑虛棄
纜釘捷漂素車帷雄壓白馬鐙萬夫齊噪呼實足
破悶悽傳聞句踐時創此逞游泳厥後沿荆楚汨

羅拯同姓濫觴及後代拔河戲猶橫東西列兩朋
鬆船令其輕驚沒者何人沉淵不辭病流沿雖弊
俗亦足表至性大孝通神明曹娥女中聖如伍大
夫忠如屈靈均正肅讀黃絹碑千秋起遐敬娥也
負父屍人亦爲娥迎士女出傾城往觀交預訂是
時天氣佳紅榴拆綉凝高旻本無翳白晝忽如暝
魚龍沓莫分但使雙眸瞪百戲雜沓陳衆約不待
請只闕自能移文鱗何須賸我來理輕橈試與邯
鄲虞湘妃渺杜舟米許陳確証碧血揚舜水庶足
當代更

樸庭詩藁

卷二

六

樸庭詩藁卷二



模庭詩藁卷三

會稽 吳煥文

璞存

大閱圖歌 并序

明神廟初從江陵相國請大閱於京營教
場時先高伯祖兵部尚書環洲公實典六
營禁旅扈駕從行進陣圖兵畧俾作畫以
傳諸子孫 煥 于公五世孫 大畧 處拜觀幅
長三丈有奇內自宮闕外至陵寢極于沙
漠形勢畢具其士馬旂械以及御仗百僚
皆精彩煥發如見王會職貢諸圖因作歌

模庭詩藁

卷三

一

以附卷末詞意蕪率不足表揚世德彌自
愧也

先朝大閱已陳迹後人但見大閱圖十三陵殿久
寂寞舊社已屋高松枯滄桑變盡尚餘此摩挲
軸空嗟吁有明神聖相繼續神宗出震膺乾符百
官稱賀受朝貢混一六合同車書是時民安物豐
阜烽煙無警安儲胥江陵猶笏攬鈞軸弼予正在
勵治初紀綱振舉百度肅鑑陳秦漢書唐虞圖丘
定祀耀圭瓚太僕溢金蠲豆芻太平不敢弛武備
持盈保泰誠非迂土木殷鑒事不遠徹桑寧待陰

模庭詩藁

卷三

二

雨呼斯時誰掌大司馬維我族祖環洲吳京營禁
旅受節制六軍操練皆貔貔上書拜手口臣兌敬
從大閱陳兵車陣圖戰法秉周禮虎賁盾威馳
驅白貌八面喧朔鼓黃龍三丈飄罕弧天閑選騎
一萬匹鞅勒盡是桃花駒前衝後隊有定制進退
不敢違錙銖游軍先出兩端定雲附地軸風天樞
金牌傳旨騁左右烏翔蛇變紛戈殳軍容整肅武
功振犒酒澠似綈山如韎輪應同瞻洛水車攻無
異田東都天顏有喜誇鉅典特宣畫院當揚鋪良
工吮筆呼萬歲經營慘澹心踟躕蜀統幅長三十
尺先定遠近規方隅始從城闕寫形勝三條繡陌
通清渠鸞臺鳳閣互虧蔽圍牆歷歷森槐榆蓬萊
左掖更奇麗露盤突兀齊風烏彫欄曲折瓊窓靜
晶簾高捲鈎珊瑚北邊洪池渺太液垂楊低映紅
芙蓉粧樓縹緲接瓊島鰲鰲竦臥疑方壺尤工遠
勢作連嶂遙看沙塞通羌胡黃花鎮壓古北壯白
檀山東居庸孤當凹葱鬱饒王氣似有銀海藏珠
襦此外微茫復何有雪山蟲蟲連穹廬松林一抹
極千里不止雄鎮醫無閭彷彿苾芻食處海天
混色皆模糊廻環倚伏護殿闕直如星拱天皇居

就中數尺列方幅教場正對西金吾前阻水澤後
倚堞四盤樹柵嚴中區旂彩飄揚各異色人馬正
面勻密疎金銷鎖甲長鍛白粉疊繡鞍垂纓朱似
從寂聽待傳令屹立不動如朽株復有超躍逞雄
武橫矛反射金僕姑兩行尉吏更嚴毅各事銳角
輦錚于內壇九級最高廠上張雲蓋下翟毬千官
扈駕立大仗太師頎然髯且癰其餘侍從多吉士
花金橫帶垂瓊琚中央笙席至尊坐隆準日角天
人殊綵旒十二袞龍賸寶簪光射圓盤孟羣旄雉
扇沓紛沓或隨殿幄或階除背後蟒貂羅中使若

模庭詩藁

卷三

三

姝若媼皆無鬚悉隨毫末露精采恍疑與會觀
徒四廂歷指積金幣八門猶似喧征袍傳聞當時
宣勅命畫師兩本均描摸一賜首相一兵部傳家
恩許侔璠璣江陵未久遭籍沒第還遼邸勘畝蕪
圖歸大內遂無迹飄零流落同江湖此卷流傳已
五代錦幘檀板無纖汚我公功業垂國史要知積
厚慶自餘昔年北部猶未靖俺答黃台悍且狙犯
邊直入震陵寢焚廬縱掠無歲無宣府曾人譁馬
市朶顏衛卒空軍需自公開闢制九塞談笑立使
瘡痍蘇王封順義受金印止求鍋布遵廟謨欵

細騎給珠鉤慕華并亦化其孥肯嵐一帶烽火息
但聞邊人時獻俘雁門豈止軼飛將維州自合超
名儒以茲勲畧典九伐何難暗記屯與儲允宜董
正拜鉅革悉率左右天子娛數典徘徊不忍釋祖
功帝德兩所俱蒲林萱鷗總無價敢儕他本輕卷
紆維公少年亦遇困孤兒淚咽途崎嶇炎炎骨肉
薄貧苦秦人憂瘠越肯趨入門家人悲躡屨出關
候吏訶棄繻羣擬枯鱗恒涸轍誰知翮羽終天衢
入典中臺出旄鉞元曾襲金仍紫紵始知憂患得
大奮玉成於汝言非誣迴看儕輩真鸚鵡識直當一

模庭詩藁

卷三

四

笑付揶揄卽今見畫尚赫赫大司馬公誠丈夫
送別王弇山師岑春江歸里

相見須臾耳燈前萬里思每於分袂處憶得共遊
時瑞室山中井樵頭海上祠定知卸帆日到處並
題詩

歸去山陰道清尊互唱酬林泉都入畫李郭況同

舟何處堪消夏南湖五月秋相逢老摩詰一問落

伽游指王
古草

同萬循初過訪杭堇浦

松吹圖中客隨風落軟塵巷居春樹小外語夏蟲

新落拓天難械光芒席自珍相逢湖上伴頓欲乞閒身

留別萬循初

殘月盧溝曉題詩送我行澆愁唯綠醕惜別有黃鶯
草萊鄉心重楊花世事輕南湖瓜蔓水思爾正
盈盈循初擬秋中歸禾

柬余楓溪

浣花溪上舊詩翁閉戶閒吟老更工愛士近無嚴
武貴卜居真覺杜陵窮青山買隱如償債白髮催
人似轉蓬我亦年來羞作客與君來往莫匆匆

樓庭詩集

卷三

五

寄懷陸雲谷

鷄泉萍合話徐陳又渡洪河向益津愛畫細分南
北派論詩兼學宋元人天迴白鴈辭涇口山走青
蛇挂海濱聞說燕南多俠慨相逢誰與贈綸巾

歲朝次日寄懷胡竹巖

去年此日憶升堂正遇先生爲舉觴白雪歌成銀
蠟短蒼松圖就玉龍長時如彈指應同念人失知
心覺異鄉千里思公須命駕春風重拜綠蘿莊

周後邨席上咏物四律 選二

風菱

幾番風露後頭角倍嶢嶢青紫經時變新鮮無此
名開花皎明鏡爲米敵香杭記得南塘路清歌雜
槽聲

糟魚

肉糟能耐久魚亦信宜然尚有微腥在應知半熟
鮮乾坤同一醉湖海別經年春水高於屋楊花落
釣船

宿寶蓮精舍寄懷碩範上人卽次西郊四首

原韻

溪水生香遠問津誰從腐臭出奇新舟名大願偏

樓庭詩集

卷三

六

無渡鳥號迦陵不喚春沒髀葉中全定力點頭石
外少頑人一瓢一笠忘拘碍到岸何須更諱貧
浩劫空中木馬嘶江深那復辨東西一叅未徹金
輪轉三宿仍爲玉版題夢入孤燈珠穗暗香遮四
雷寶花齊何時更進竿頭步欲借天龍示等梯
衝風殘翮倦凌霄一榻仍耽淨侶招黑蜃睡時昏
古洞白猿啼處隱溪橋觀惟止水難容礫靜似深
山欲遠鶯清聲喚回塵夢醒擬將梵課問叅寥
憶共清齋煮石泉海濱久隔鏡磨天袖花每寄降
龍鉢扭鼻應尋放鴨船未了塵緣門外樹難忘實

相火中蓮直須五岳遨遊遍重向空山禮大顛

唐靜含招遊西湖阻雨不得

朝來準擬踏青莎奈此簷花一夕何徒有樽罍盈
北海未能筮屐學東坡愁同蜀道淋鈴曲夢失湘
江欸乃歌西子定隨巫峽散空濛黛色蹙雙蛾

題畫蘭竹

管夫人去留香澤習井翁來見墨痕九畹芬芳千
畝富空山習靜兩無言

小至日同許初觀嚴春農游景德寺次初觀
韻

樸庭詩藁

卷三

七

山城連日寒一瞬逢小至蕭蕭客意孤矯首愛空
翠結侶步蘭皋驚塵落寒吹枯藤刺人衣桺柳不
辭勤喜見古招提前蹤似曾記山頭兜羅綿氤氳
護大地葭飛動一陽蓮開悟八意嗒然吾喪我是
一還是二平生畧嗜禪慧業墮文字束縛如春蠶
終未徹了義文休解脫人世界等游戲示我清淨
因宛若啓夢寐安隱存報緣團蒲脚自企

游南屏山

白雲迴合處覓徑入林巒野鳥啼生客長虹障急
湍甯勝詩笠小藉草酒杯寬帆影靈溪外蒼茫夕

照寒

野菴小憩

疏磬聲中寺枯藤一欵扉山深疑出世僧老漸忘
機水石清無敵茶瓜興不違隱峯須好住香錫莫
輕飛

題商寶意樵風別業圖

神仙邱壑兩難忘苦爲詠諧侍漢皇野意盡歸摩
詰畫名園恰在鄭公鄉山中誰共探金簡天上何
須望玉堂知爾急流能勇退他時鬚髮未蒼浪

海州

樸庭詩藁

卷三

八

海州古雄郡人物冠寰宇匡衡經術儒孝穆騷壇
主知足懷二疏盡孝推寶女往事富記載更僕難
悉數商子直承明隨風泊海渚匆匆案牘勞不厭
軟掌苦報國慚文章致用見學古爲漢汲長孺發
廩賑貧窶爲宋石曼卿花交禽對語才大有餘閒
三月政具舉海靖波無聲嚴城撤樓櫓南未了
青數峯隔烟雨

望東海

曾讀柳州東海若矯首來望東海洋青山一髮影
搖動賈舶如豆隨風揚紫瀾迴擊下貝闕揚侯

挾天吳翔青紅蜃氣遠莫狀但覺目眩神徬徨只
今望海已足畏何況浮海求仙鄉羸秦徐福太多
事五千童女乘帆檣橋成岌岌不可渡蓬壺猶隔
萬里強不死有藥難力取神仙之說非荒唐莊生
秋水亦寓意百川向若慙大方張融不作木華死
奚從作賦搜琳瑯神游倘可會以意杳冥汨沒諧
宮商我有法華具性海何必親歷神龍堂

登雲臺山

移帆遵海岸一徑入雲窩霧隔田橫島沙連孔望
坡雙尖懸馬耳三素擲龍梭絕頂凌虛望乾坤浸

樸庭詩藁

卷三

九

巨波

題陶介菴松鶴圖

縹緲神仙宅蓬萊第幾重無人知采藥老鶴半巢
松我欲尋高蹟相隨一曳筇山中真宰相只在白
雲封

和周石帆檢討留別原韻卽送赴補

家法何堪繼武陵枉將花樣鬪吳綾凌兢曾踏金
臺雪硯礪難消銅匏水欸欸琴尊期後會翹翹車
乘畏良朋美君本是方壺客重向瀛洲拾級登
崇文宣武鬱巍峩笑指神京勝礪阿回首烟波鷗

驚遠高翔蓬閣鳳鸞多席虛賈誼登宣室諷薄張
衡狀駁娑紅燭兩行修史夜可容還憶共寒蘿
欄衫落落魯諸生許逐仙舟過裴城選格獨推蕭
巷麗詩才橫壓蜀山平難忘白社分賤咏預擬紅
橋載酒行肯學司勳狂杜牧珠簾深夜聽吹笙
揚子江頭穩掛帆辭金浮玉宛雙巖珠官海湧喧
龍藏貝闕潮雄盛馬衙大有胸襟消吐納急須詞
賦費雕劖紉囊百琲勞相贈報爾慚無綺一函

江舟夜雨次周石帆韻

暮雨颼然集濃雲頽不流銀燈寒客夢珠箔隔隣

樸庭詩藁

卷三

十

舟江近時聞笛涼生若借秋吳娘腸斷曲聽罷一
添籌

戒劉鹿池嗜烟草

卿蛆性甘帶麋鹿飽以薦衆嗜任乾臊正味究芻
豢何求金絲燕厥種頗替亂葉差擬蔓菁臭實甚
莖蒜食用赤堇銅承以會稽箭秫之復摧之呼吸
雨不厭不惜五臟神炷灼遭糜爛玉池水旣涸丹
田燂復煽匪直精髓枯頭岑日且眩真宰上訴泣
將伯拯患難劉生善岐黃百草嘗應遍補瀉與溫
涼分晰早見慣胡爲冰雪腸毒熏任蒸變自宜早

決絕毋使禍滋蔓方今 聖天子味道愛納諫諍
誠膏腴區烟草毋越畔不遽絕人情網猶開一面
意欲以漸除棄之中谷嘆旋見呂宋種萬民羣作
踐芑芑五穀生至味庶可辨

代烟草解嘲 并序

余既作戒烟草詩引麋鹿食薦謂人不宜
啖草復作烟草說引上帝居歆謂人不宜
饗氣諸嗜烟者攘臂忿爭因作此詩解之
昔陳孔璋爲袁本初草檄極詆魏武及作
檄吳文又頌曹功德不置信筆游戲得無

樸庭詩藁

卷三

十二

貽笑於小草乎

大塊本積氣草秀厥稱英驥飽玉山禾龍亦瑤田
畊神物久乃產造化鍾其靈自昔呂宋王霜冷芙
蓉屏大庖進御膳鬱悶無由平瑤姬爰授夢嘉種
降芳馨國醫創新製霏屑同侯鯖劇似紅雲宴細
吹銀河笙相思霍然愈珍重逾茲苓流傳及中國
普惠沾羣氓溫足安五志辛能殺三彭晨起一呼
吸驅寒導瘀凝煩穢盡消滌習習清風清客至代
點茗竹爐省泡烹軟飽亦微醉可當醴與羹興酣
助文彥呵氣雲霧縈細縷搓闥脂麝誰重輕諒

哉利用廣百草孰抗衡始識寶洲孕不獨桑笋頰
神農如見此首列本草經湘臯如產此騷不誇杜
蘅咄咄苦相戒竟欲以力爭猥以小損故棄置出
惡聲火攻如可畏九竅定不寧奚爲炙艾者能斷
骨蛀竈府藏固有賴何至蒙罪各昔聞我佛說六
根皆幻生本非自然性亦非因緣成變床及酒肆
隨處堪游行吾舌任所吐香蓮千瓣青咳唾落平
地五岳呈真形

送章修軒歸道墟

鶴浴泉邊宅兼葭遠接天人歸秋正好家近月先

樸庭詩藁

卷三

三

圓訪舊曾三宿聞歌又六年何時重載酒一泛子
猷船

重登金山

振衣重上芙蓉頂十五年來一瞬間幾見金鰲騰
貝闕尚尋玉帶叩禪關樓臺四面依巖轉吳楚千
嶺落照還極目登臨興太息故鄉亦有好江山

喜萬循初至分韻得天字

時循初將
往天津

片帆高掛沈寥天此度看花又惘然舉世誰憐中
散曲故人遙泊孝廉船松深北固辭山寺苔老南
澗試石泉一別重逢何處是築金臺畔直沽邊

秋日晤黃筠邨登北固山

畫船曾憶鏡湖游，幾共涪翁互唱酬。
詩到西江清見骨，人來北固澹逢秋。
新厓紅葉蕭皇寺，落日黃蘆李白樓。
更擬登峯盡餘興，海門樹杪望揚州。

竹林寺

八月天氣佳，雲容淨如拭。
言從城南行，曲徑入淨域。
云是古竹林，林公存勝蹟。
初歷似坦迤，盤旋漸偏仄。
松濤萬斛泉，有亭如企翼。
延緣陟其坡，琳官燦金碧。
老僧解談禪，宗派辨南北。
留客唯茶瓜，聞香盡薈蔔。
悲秋心事增，登臨隨所適。
願得萬檀林。

樸庭詩藁

卷三

三

樂此朝復夕，何當招隱游。
一訪戴顓宅。

秋日同劉鹿池徐謹齋游焦山，追次東坡韻。

夙具游癖，樂且耽。半年作客來江南，潤州形勝甲海上。
亦有神島奇峯三，起伏橫側各具態。形勢蜿蜒如僵蠶，金山游罷焦山繼。
得隴又蜀夫，何慙是時清秋涼。水淨蛟鼉隱，見眠寒潭夕。
陽返照射石壁，沿江紅樹經霜酣。維摩不二門，可欵迦陵鳥語。
如清談，剔苔欲尋坡老蹟。已如龍蛻歸圓龕，盤盤絕頂得小憩。
荏倦不覺茶瓜汁，鐘聲早向飯後斷。齋房乞食真癡貪，芙蓉柄柄解迎送。
濟勝有具吾

能堪山靈密約急，須踐蒼霞深處團茅菴。

讀鹿池和東坡焦山詩韻，詰曲奇古如摸斷。

銘復次韻一首

愛君性癖，性句耽風詩。直欲追周南，盤空排語憂。
獨造詩徑，力闢開三三。越人有諺，我能引硬繭巧。
倣同生蠶，文房夢得兩詩祖。君其苗裔真無慙，長城譙壘力可破。
森森萬木澄秋潭，當其解衣磅礴。羸龍賓既飽，毛穎酣霏霏。
玉屑落咳唾，乍如麈尾交清談。又如諸天悟禪寂，皈依大士叅珠龕。
色同火齊發，異彩味如諫。果回餘甘置諸懷，袖不捩示。

樸庭詩藁

卷三

南

藏壁弗獻寧，非貪我雖識。途愧老馬霜蹄馳，騁猶一堪君其繼。

作我當和還，隨重訪雲公菴。

焦山古鼎二十二韻

焦山有古鼎，光怪天下希。形樞異牛豕，斑駁奪紫緋。
中有蟲鳥篆，深黑昧矚睇。亭午秉燭視，榮光交暉暉。
指畫擬欲讀，暗如口勒機。岐陽十石鼓，至唐發其機。
爾時去古近，聚訟多是非。茲鼎數千載，辨真尤依稀。
我雖不識字，私臆能探微。隸籀不易信，尊從以庶幾。
總非近代物，所用惟王畿。當其入爐鞴，應有雷車飛。
緋緋與舜敦，位置堪爭輝。倘爲周

室寶秦火亦已遠祖龍不能錄肯伏權門威寺僧
強好古筆跡論瘦肥拙哉蠡測海乃以礫視璣形
體雖剝落光彩如龍輦山靈善呵護永命由天祈
名齊焦隱士長守雙禪屏江水不可量江石不可
磯斯鼎萬萬古與佛爲皈依

西成詩

九月築場圃霜稻熟可收鎌刀如偃月程程連方
疇祝蹄遂所願甌窶均盈篝倉儲暨露積一一與
室謀踟躕緩揚簸抱犁驅犢牛萊麥須下種及此
開畦溝

樸庭詩藁

卷三

五

種麥復種萊春工已兼盡新穀辨分明各各歸其
畛撥之復將之錯落珠璣隕上以奉公家下以實
私囷及此天氣晴無或狼展疾努力勿復遲農事
愛克敏

富家催租至羣鷄忽亂鳴稚子走相告主伯歡然
迎今年秋成好勿與主人爭東隣新酒熟西舍豚
肪烹邀歸各具殮簷隙斜陽明停舟且爰坐聽此
唱斛聲

歲晏農事閒償租各已足送租船乍還迨時補茅
屋泥垣厚且堅八口同棲宿蠶子收巾箱稻子秀

種陸公私無欠逋園園作年福十畝可贍家何用
萬鍾祿

一笠子菴

一笠已堪隱無煩再一瓢聞香得蔭蔔入悟對芭
蕉琴好魚能聽糧餘鶴許招翛然幡影外兩點望
金焦

次韵酬商寶意司馬

曾向旃檀結淨因竹林甘露迥無塵三生往事成
飛電千里相思有故人白墮尊前仍賦客青衫舟
上豈閒身疎梅屋角休嫌冷恰占江邊爛漫春

樸庭詩藁

卷三

六

鏡湖竹枝詞

柳姑廟裡楊柳多柳姑廟前水綠波農家權船載
秧出雨雨風風無奈何

題讀書秋樹根圖示采君

讀書如種樹根茂末自敷時時勤灌溉勿使烈燄
枯高梧一葉落策策鳴嗒除對景若有會方寸函
太虛歌聲出金石含咀得新腴皇墳冠羣典寧愛
山海圖恍疑綠陰下芒角吞連珠却笑韓夫子所
辨唯龍豬

奉懷王弇山師南宮

簡珪暫別故山靈贏得寒莎綠滿庭仙吏依然容
嘯咏名區大可采芳馨太平烽燧消三鎮遠道崎
嶇接五陁炎漢遺圖紛在眼開携賓從上南亭

平臺晚眺次寶意韻

落日蒼蒼盡長江泯泯來乾坤雙轉轂朝夕一登
臺衰草深殘壘雄風撼霸才時清無戰伐臨眺不
生哀

樸庭詩藁卷三

樸庭詩藁

卷三

七

樸庭詩藁卷四

會稽 吳煥文 璞存

題外舅商後翁出峽圖

玉壘與金牛嵯峨吼相對扁舟出峽來濺濤珠百
琲丈人古達士析理徹茫昧一官夔子國屢發丞
哉喟懷璞感荆人樂金受羣喙乞身強健時何必
待耆艾有子足萬事無官免百累出險復思險火
輪車可畏魏塘八尺絹卽景付畫繪長年振柁開
似聞猿聲碎行行十二碕鈎連水猶滙尚憶至喜
亭一杯向江酌歸歟真大幸習坎鄙儕輩諒哉先

樸庭詩藁

卷四

一

民云急流須勇退

登臨送遠詩贈莫柳亭

并序 以生惜
故人去爲韵

丹楓漸冷江邊一片秋聲綠酒纔溫客路
幾分行色送兩山以旋里當八月之中旬
搖落堪悲登臨欲賦半年異縣未申傾蓋
之歡千尺深潭聊效踏歌之什雖言不盡
意已情見乎辭矣

高梧策策鳴中夜猶深坐奚童頭觸屏一燈如豆
大黯然河梁詩拈髭強爲和灰寒酒不溫堅城未
容破啓戶視河漢殘星尚餘箇玉露滴空階晶瑩

不可唾卽景渺所歡輾轉難成臥明發當送君愁
向離亭過

夙感昌黎詩此日足可惜且住亦爲佳驪歌何太
迫相契良已深素心晨復夕所樂新相知彈指便
頭白聚散如浮萍東西任所適聯翩黃鵠飛須臾
忽成隻秋色日漸疎恰若遠行客落葉滿長途中
有游人跡

金焦相對青一帆可飛渡與君頂上行海門見烟
霧天矯舞馮夷洪淋突奔赴壯觀闢心胸發爲奇
麗句我詩檜無譏亦復相趨步良會難再期所得

樸庭詩集

卷四

二

俱已故葭莢色蒼蒼秋水相灌注他日念伊人臨
流獨洄溯

陽和濡雨露不灑放逐臣河山擅風景不悅離別
人落暉一尊酒含意難自伸憶我初見子桃柳謫
江濱今茲忽搖落萬寶漸滿囷匆匆駒隙過逝者
同飈塵立名苟不早焉能據要津努力崇明德芬
芳以自珍

天水蹙魚鱗微茫辨雲樹十里小丹陽扁舟從此
去歸及晚秋天籬菊開無數三竺好烟嵐登高發
遐顧紺爪弄明珠諸天恒保護聞君當添丁抱送

應覺路洗三會賓朋半臂無山叻作書遠報余弄
麈書莫誤

寄題陳墨樵梧竹圖

君不見龍門之桐高百尺披根重壤參辰極又不
見嶰谷之管誇奇生籊籊萬仞托九成古來材大
難爲用深山廣谷儲精英草木靈皆供役使性惟
相契差相似崔令塵竿獨并梧黃門相對惟君子
玄雲綠雪各數行而今又得陳元方自來好嗜與
俗異掃除三徑遲求羊著書不讓郭有道作字直
過韋仲將行年五十須臾耳席帽麻衣猶著體尚

樸庭詩集

卷四

三

書郎吏竟何如忽忽頭顱今若此先生不喜復不
憂縱橫豪氣無與儔絹棚八尺繪新景宛然巖壑
堪優游月明瑣碎風策策琳琅汲古無時休我識
先生有深意留待雛鳳鳴啾啾五柳先生在何許
七松居士成終古書帶草曾傳鄭玄獨樹家應思
杜甫昔人往迹不可見却怪同時未覩面錢塘一
水隔衣襟脉脉思君空眷戀僕家居近御香池老
屋三間插棘籬中有樸樹最奇古翰林老筆曾題
之翰林繆文子書
樸庭二大字
石斑藓剝怒作癭翦鬚山鬼陰
離披先生若到毋乃喜濡毫定許吟新詩轉思此

語忽自笑散材豈叶官商調桐華竹實會有時飛
向丹山一長嘯

魯子敬墓

蕭瑟京江道東郊古木幽長眠封馬鬣短碣見魚
頭飲酒思公瑾生兒愛仲謀風流雲散後直視總
荒邱

題商寶意司馬金陵游草後

西風白下最淒涼何必琵琶泣數行我亦年來悲
老大傷心不獨杜秋娘

寄道公氍毹

樸庭詩藁

卷四

四

曾隨支遁學參禪小別招提又一年未及王生長
結襪欲如謝眺暫分氍毹立深茅剎將融雪坐向蒲
團待放蓮何日重來飯白足同師行到德山巔
送葛芝庭還任滇南

戢戢碧雞山浩浩盤龍江一麾行萬里經理西南
邦回滇多異數譬彼初張雙乘風破巨浪洪淋相
擊撞時惟一陽月到處成徒杠歷歷舊游地好詩
蓄滿腔檣竿上三峽如舞都盧撞猿聲啼兩岸雪
浪濺衣襟 聖朝敷文教德澤暨冉駝君才如馬
卿諭蜀言非哢寶幃尚無恙獠娘高髻鬢蠻童及

梗叟形體多臃腫詩囊與蓋篋役使羣夫扛壺漿
遠相餉既見心則降欲慰萬民望洞達開軒窗碧
鷄山岌岌盤龍水淙淙去去此叱馭臨風傾千缸

偕葛檜庭莫柳亭游八公洞憩深雲菴茶話
分和壁間鮑步江韵

一徑幽深訪八公荆榛誰指路西東天教仙境兼
修佛人在雲間不受風青桂似憐身寂寞蒼松遙
映室紫龍紫茸啜罷添詩興方外投機恰箇中

蓮花洞

何年太華峯數瓣飛且墮玲瓏樹萼承宛若竭提

樸庭詩藁

卷四

五

座凹洞黝然深似穩蛟龍臥偃僂欲進窺犖確兜
衣破中有屹石蹲葭蕕堆璨瑳芙蓉列翠屏空明
不可唾異哉天然質巧如出切磋登頓亦已疲相
對忘倦餓冰叔好事徒建此穹碑大昔爲蒼翳區
今安清淨課飛花不着身落葉方沒髀謾謾松風
鳴鸞鳳相唱和試挈胡婢來崩雲撥沙邏

招隱寺

昭明讀書臺戴公肥遯宅化作空王居駮賊燦金
碧滄桑倏忽殊俯仰悲今昔春蕊玉成灰夜泉珠
欲滴遺跡本幻相況并無遺跡何處躡高踪一聲

清磬寂

和袁木天留別原韵卽送之廣陵

明月蕪城路清光有二分相依若鴻雪相逐若龍雲衣帶非云緩丹鉛亦已勤難忘袁景倩淳意發高文

燕子磯遇大風

陡從殢末插雲根掛席俄如怒馬奔一點危磯飛燕子六朝王氣失龍孫天連柳色青無際山撼江波翠有痕轉恨恩恩輕別去南徐回首欲銷魂

阻風采石磯登謫仙樓

樓庭詩集

卷四

六

夜郎謫後泛長沙風月清狂是處家誰築蛾眉臨采石尚餘宮錦照江花吟身肯使蛟龍得小過偏逢魑魅加縱使永王不相逼也應踪跡遍天涯翻喜扁舟阻石尤翠螺山下久淹留可憐碑碣無餘地未必齊梁勝此樓話到南朝閒拍掌人非東野亦低頭挽將萬斛滄江水難洗蒼茫弔古愁

蕪湖

一望平蕪外微茫見巨湖魚蝦喧晚市雞犬壯東吳鄉語他方異關門老客孤船稍離弄笛江上落梅無

燥磯靈澤夫人祠

萬里風烟隔劉郎奈若何執戈心跡苦看劍淚痕多遠道通巴蜀輕身類汨羅潯陽潮上下迎送聽巫歌

牛渚

歌殘白紵此宵聞皎月依然無片雲詞客不來楓葉落何人重憶謝將軍

犀照曾傳走百靈登臨底苦逼幽冥當年不過溫忠武肯現朱衣絳幘形

螃蟹磯

樓庭詩集

卷四

七

莫笑臨江片石孤橫行直欲過東吳蕭蕭蘆荻盈盈月一蟬還如一蟬無

皖江

皖公山色好縹緲闌蛾眉草沒江淹宅鴉鳴余闕祠六朝空代謝十廟感興衰對景無終古依然落酒卮

東流縣

城郭臨江起西江從此東翠雲斷嵯峨星火點茅蓬小邑稀公事居民有古風明朝過彭澤別擬和陶公

小孤山

峭壁波心峙盈盈一水遙烟鬟猶縹緲樓閣總蒼
甍江漢中分楫春秋兩度潮明珠珍重在未肯降
茲超往九江者山南岸往漢口者由北岸
江潮唯二月八月望日兩度到山下

彭澤縣

肯將簪紱換巖泉野鳥孤飛倦卽還千載高風彭
澤縣一生亮節義熙年柴桑歸後何妨酒廬阜游
時不離禪會向東林訪遺躅笑聲應徹席溪邊

九江

形勝千年據上游牙旗甲帳古江州寧南不是溫

樸庭詩藁

卷四

入

忠武枉遣干戈指石頭

陶公木屑能安晉庾亮清風尚滿樓誰使江城兵
火起憑欄擊檝涕空流

鄱陽湖

萬頃烟雲接混茫遠吞巴濮近江黃蟲沙寂寞無
窮恨誰識洪波是戰場

廬山面目望模糊來赴匡君約不孤爲報東林多
置酒故人舟已過彭湖

抵南康郡齋寶意刺史以公事往豫章未回

遙望廬山慨然有作

來企匡廬游未遇匡廬主郡齋冷不禁看山久延

佇層巒高插天烟雲半吞吐五老九奇峯深藏若

處女乃知真面目未易細辨取造物洵豪縱陶鑄

搏沙土當其初闢時幾費巨靈斧展開九疊屏屹

立障南楚陶公漣蕩人五斗輕解組晚年頗好道

東林結勝侶嗟余越州客夙因夢天姥忽類行脚

僧柳栗無定所名山輒思留借景作花雨閒吟謫

仙謠興會欲飈舉銀河一派垂清光沁肺腑蒼翠

乍飛來隱隱呈媚嫵刻欲携筇游顧影惜踽踽引

領朝復夕恨未手摩撫遙從想像中勝槩難醜縷

樸庭詩藁

卷四

九

會得道路行吟詩作繪補

寄懷鮑步江再疊前韵

帆帶蕪城沙岸開最難忘是鮑昭才離亭春日曾
攀柳驛使何年再寄梅板渚尚留青眼在匡山不
待白頭廻海門八月乘潮去期爾中冷取一杯

廬山白鹿洞謁朱子祠

南渡儒林傳先生第一人空山尚祠宇衆口枉縉
磷紅鶴有時去青松終古春匡廬初識面唯覺此
間真

和好山汝窪水注歌

千椎細塋爛無跡卵色依稀湛穹碧一泓滿貯濕
紅絲萬斛春泉落寒滴汨汨其來如轆轤琅然敲
折青珊瑚鐵田氤氲黑雲起此中疑有蛟龍居濮
陽公子嗜奇古曾向秦淮善價買欲將陶旗比琅
玕歌成花下親摩撫勳陶邵局已罕聞烏泥建安
徒紛紛有情欲化汝州土細碎幻成蟹爪文

端陽前一日郡東小吏以鮓魚餽匡廬主人
同人分賦

三尺鮓魚出水鮮來時也值棟花天從今不羨襄
陽老只餉輪囷縮項鰻

樸庭詩藁

卷四

十

錦鱗自惜纖毫損細骨人嫌芒刺多不合時宜與
太甚却將名字喚鮓何

和寶意雙桂歌原韻

我聞廬山有桂樹老翁玉盃承瑞露何年移入石
欄中倏忽仙凡變朝暮空山久失猿鶴羣鈴閣寧
耽鴛鴦助兩枝相對尚婆娑千葢含苞半回互主
人摩撫爲題詩珠明粟醅誇神遇就中有客別含
情家在城南杜曲住托感曾爲病桂吟蠹蝕幾翻
顏色故灌泥已自重滋培似有霜鸞許攀附一別
鄉園星幾移止伴空庭束書綢對此叢生偃蹇姿

休將歲月蹉跎度人生不似樹根深膏壤升沉非
一處有花不賞直癡人風雨胡爲勞過慮秋深八
月海潮生一舸凌空從此去會向金鸞頂上行寒
餓還能出秀句

遊開先寺

書臺舊景未全非到此真堪息世機疊嶂留雲藏
淨界古藤絡石罅春衣謫仙文采騎鯨去中主精
靈化宦歸更咏東坡瑰麗句飽看出峽白龍飛

過徐紫珊先生舊宅

宅名黃雪山房
有銀杏兩樹

過此易垂淚況逢秋氣涼紫珊登鬼錄黃雪滿山

樸庭詩藁

卷四

十一

房新咏誰爲序清標不可忘西泠三子者往事記

漁洋王漁洋詩稱睦樂府紫珊詩更有吳山絕
妙詞此是西泠三子者老夫無日不相思

喜得劉曼山來武林同寓之信

前夕夢君至今朝有報書故人行有日吾道幾會
疎變化同蛟蜃因依本駉驢來當沽酒待同看石
潭魚

商後翁外舅訂期上元前二日游禹陵雨雪

初霽詩以速之并柬岑丈寄亭

霽色如人意春游第一回知翁無宿諾有客與偕
來奇字探金簡寒香問玉梅榜聲驚白鷺飛上越

王臺

龍山倉頡祠歌

君不見舜江湯湯流日夕象鳥耕耘尚遺跡又不
見大禹寢廟臨塗山赤文綠字光爛熳姚姚蒞
歷歲時卽今又得倉帝祠松檜陰森護神座風雲
激盪交靈旗龍頭四目象紀載衣皮聞髮屯威儀
我聞蒼水使者傳金簡秦代紀功鐫絕巘鬱律蛟
龍相繞蟠頤貯魚鳥生苔蘚千秋法物神所憑維
帝顧此應居歆左配沮誦右次仲有如戈磔扶陽
陰昔人數典不忘祖木本水源各有取蒼厓百尺

樸庭詩藁

卷四

三

俯文臺一擲香蘋自終古

贈朱素先

長奉西江一瓣香卅年聲望重詞場玉虹橋畔逢
君處疎柳輕烟易夕陽

先人遺蹟著江干舊館重經寂默然猶有居民說
塵飯傷心不獨夢我篇

先甫曾辛懷玉三
年朱卽其地人

囊裡毛錐壁裡經廿年席帽幾飄零頻來買得金
雅荷擬向深山劖茯苓

杵畔燈前谷鳥鳴龍宮秘冊注新成可容密示留
年術指與菖蒲九節生

暮雨疎鐘響急湍普寧猶記舊旃檀十年宰相三
生夢爲我殷勤問懶殘

指慈引
上人

贈胡桐洲廣文

浮海萍無根印泥鴻有爪人生聚散間因緣非草
草豫章遇胡公歡然如夙好修綆汲琳瑯淳風追
熙碑青甌不耐寒白髮寧畏老先生捉麈言近益
耽搜討思深或遭魔魂夢常汨擾束卷戒玩物又
覺恨枯槁坐此困淡泊寸心如懸蠶聞言起坐隅
一障爲翁掃西江卽淨域尊宿篤生早五峯百丈
禪相隔未云杳胡不事禪悅除一切煩惱蛇蜒五

樸庭詩藁

卷四

三

百龍僅供金翅飽呬噪八萬兵只須藕絲繞慧深
魔自除想多情卽少殊途本一家所貴解意表如
以語言求到處昧了了先生慧業人稗蟻皆悟道
余亦厭塵囂七斤著布襖他年兜率天一笑應絕
倒

勝王閣次南湖公韵

懷古憑欄酒易釀千年畫棟幾飛雲王韓文藻奄
奄盡吳楚帆檣歷歷分蛟蜃已消金粉夢雁鴻正
戀稻梁羣連天秋水知難狀剩有漁歌斷續聞

百花洲次南湖公韵

仿佛吳王苑裡花碧雲迢遞思無涯誰從響屐留
羅綺且泛扁舟入蒹葭絲竹聲繁情易感替裙人
散日初斜風流不斷湖山主好訪延陵季子家洲
商邱宋中丞仿姑蘇建南湖
公亦家商邱與中丞有舊

徐孺子祠

落日西風曳蘿薜蒼鼠竄伏緣庭除荒祠慘澹餘
栗主云是高士南洲徐東漢清流事已矣厨顧俊
及徒歛歔鴻飛冥冥誰可致名姓不掛朋黨書南
昌太守敬愛客姝子寧復煩干旃興至卽眠倦卽
去蕭然一榻真吾廬士遇知己絕計較朱門蓬戶

樸庭詩藁

卷四

古

言皆虛顛木難支竟肥遯尺蠖懷抱無由據灌園
麤可給饘粥帶經且學傭者鋤觀時識變自樂志
韜光匿采謀非疎豐城獄底亦微物光氣遠射牛
斗墟仙人吏隱詎有意至今籍籍傳鄉間何況先
生抱奇偉載諸祀典其然與徘徊廊廡不忍去仿
佛欲攬伊人祛生芻一束聊可獻隻雞絮酒誰素
車高風亮節渺千載含毫作頌當何如西山爽氣
遠莫致微波南浦徒愁余有祿不貴萬鍾鼎有寶
不愛千璫璣未央長樂久瓦礫數間破屋猶蓬蓬
欲向偏旁議配享上下今古勞躊躇君不見城東

廢圃繁秋蔬一椽尚說蘇翁居

蘇翁圃

脩香來古畦往事猶堪述卓哉蘇雲卿學圃全高
節南宋事已非偏安止苟活夷蹠混一堂國是空
陳說未能行所志潛隱毋輕出拳我補天手秉耒
耨不輟灌園事雖微經濟理則一羅羅布諸蔬厥
類自差別瓜蔓勿使滋蔓其須成列譬彼集羣材
初不計優劣當其待用時左掇復右將卽此終吾
年他務何所屑故人太多事尺書辱敦切軒蓋雖
揚揚義不污岩穴無人焉可爲有志安能奪悔將

樸庭詩藁

卷四

五

鄉里通致二客饒舌從此隱姓名鑿坯遁無跡殘
屨市上懸閒畦生計失由來知幾人塵埃不能涅
先生非忘世治亂早洞悉颯颯西風涼坐惜芳華
歇老圃倘可爲抱甕師前哲

樸庭詩藁卷四



樸庭詩藁卷五

會稽 吳燭文 璞存

題趙千里阿房宮圖

杜牧曾賦阿房宮，摩空健筆聲隆隆。佳文未獲遇
眞賞，不如塗抹丹青工。展圖盱衡座中喜，誰歟作
者趙千里。宮成二世幾經年，滿幅憑虛盡摹擬。前
身豈是秦工師，寫來樓閣高參差。此境不自賦中
得，含毫未敢輕題詩。五丈之旗雖可建，皇居壯麗
終非善。子嬰白馬出咸陽，但見降王旛一片。我聞
海上三神山，官闕都在虛無間。求仙已是遭徐福，
樸庭詩藁 卷五 一

題陳老蓮后羿射鳥圖

后羿善射冠千古，關弓有向皆沒羽。人間無可逞
技能，仰視蒼蒼任所取。堯年赤子生魚頭，十日並
出焦山邱。凌空連射九鳥落，曜靈之尊無與儔。寅
賓餞納爰有命，朔訛成易天時正。養成一技垂巨
功，持滿不誇身手勁。老蓮妙筆能通神，金鴉翅折
堆紛紛。當時遺鏃何變化，得毋騰入狼弧羣。吁嗟
后羿矢虛發，九日奚辜齊覆沒。老妻黃占私奔月

何不射落冰蟾窟

題沈蘆山瘦吟圖

蘆山曾客盧巖使幕中圖以廣陵明月宮閣梅花意

八尺鷺溪寫暗香，二分明月影微茫。吟詩直欲憐
何遜，望遠奚須毀謝莊。回首揚州成想像，相逢飯
顆迥蒼涼。披圖莫遣吹長笛，萬里關河易斷腸。
塞外未歸

秋日寄懷陳雪槎表兄守信州

雀網高張草滿庭，西風古郡一披襟。月當蝕後光
逾潔，別到秋來感更深。吟苦花扶蛩入夢，夜涼雲
約鶴歸林。章江東下通波易，預遣文鱗寄好音。

樸庭詩藁 卷五 二

留別沈蘆山用汪輦雲韵并傲其體

落葉辭故枝，策策如苦雨。修途困行役，臨歧接軟
語。蘊真愜素心，遐矚紛愁緒。嘹唳澤畔鴻，凌風鍛
其羽。剝復恒相循，知遇將誰許。蛾眉須善藏，謠詠
避衆女。

留別南湖公

此口蹉跎足可惜，止酒繼綫安可辭。仰觀天宇忽
蕭瑟，登山臨水偏多悲。年年作客困搖落，他鄉風
物增淒其。抱璞欲獻足屢川，叩珠未報心懷疑。竭
來偶下南昌榻，若有天假非人爲。主人於我敦同

姓雲騰騰趙深相期自昔晚成稱大器謂予年壯
名非遲感公高誼長太息此言早歲曾三思讀書
十年徒自悔窮達有命將尤誰丈夫出處無不可
雄飛雌伏隨所宜負薪垂釣聊快意取脂鬻畚堪
居奇張湯起家刀筆吏卜式乃是牧羝兒蓬蒿亦
可傲簪組卿相寧必皆書詩硯田荒蕪直須棄舌
耕終歲難逢時毋庸砥鏑勞玉斧惟須刮日尋金
匱小山叢桂倘招致尚能躡足緣高枝物以無意
乃有得安肯處甕同醢鷄主人且勿勞慙慙百觴
滿酌青玻璃

橫庭詩藁

卷五

三

商寶意以詩贈別次韵酬之

葉消鱸香去未遲秋風忽近別離時千金孰解求
枯骨一着猶堪救敗碁黃葉村莊圖尚在白鷗詞
賦世應知臨岐有語殷勤贈此後休爲直不疑
閒雲情性本疎慵合向僊人訪麗農京國軟紅徒
人夢海山寒翠似難容鶴歸夜月飛應倦蝶抱秋
花意不濃記取坡公詩句在妾心如膜退重重

北蘭寺

寺爲南岳讓禪師道場宋漫堂撫江右時
重葺內有烟江疊嶂堂列岫亭綿津詩屋

棟花坪諸勝今半遭傾毀矣

江烟嵐翠遠精廬敗壁閒尋半偈書老衲三生仍
變滅宰官一現亦空虛棟花已共曇花落列岫誰
來列屋居好向傳燈取微悟磚輪鏡像待何如

資溪

穹窿駕飛虹魚行宛若空虛傳雄石鎮半作羽人
宮龍虎金丹就松篁玉宇通青詞吾暗祝須待晤
雙童

廣信

故人林壑性守郡如韋郎一滴古泉碧五言詩句

橫庭詩藁

卷五

四

蒼待我久方至看君冷亦忙西溪松十九魂夢毋
相忘

寄懷寶意南昌兼送之姑孰

南浦移帆日正曛點衣黃葉又紛紛百年消得幾
回別千里還思一報君玉管寒磯歸夜月珠簾高
閣送飛雲定知晏坐焚香後題徧明霞幅幅裙

戊午冬同許初觀游景德寺俟指五年矣重

到有感

憶昨此寺游茶瓜共支許作詩具禪意漫空灑花
雨羅預忽五年曲折逃闕戶問途得所經磴級歷

可數紅樹恰當門白雲仍滿塢同游人已非方丈
幾易主房瑄悟前蹤香山修淨土人生夢幻間蓬
蘞復栩栩

與鍾靈院長董海嶠話舊

方瞳鍊就尚耽儒氣作虹長相鶴癯博得頭銜稱
海嶠養成經術並江都青氈夜冷曾留客絳帳春
深又聚徒一滴南崖真派在靈溪西去近鷺湖
鵬集承塵雀入瓶十年前話涕猶零金楊被逮成
三益忠難相依著一經用明黃宗傑事指陳祖陶諸君猶幸日邊
飛雨露每懷泉下泣精靈先生不作桓譚笑欲辦
樸庭詩藁 卷五 五

長鏡刷茯苓

南崖謁朱子像登五級峯

一徑入南崖方塘繞其外數間老屋深晦翁遺像
在登堂正衣冠展具肅再拜息心訪道來非緣山
石怪巖下一滴泉挾剔鬼眼大颯颯生陰寒衣裳
濺珠琲山僧亦好事縛木依厰內差堪蔽風雨聊
以絕塵壒石屏類削成脉縷分瑣碎讀罷摩崖碑
悠然足返會矯首五級峰登頓不知憊惜無同志
人半途多自廢乃知濟勝具惟稱玄度最攀援提
于狄忽到無上界帆立不動搖心定境無碍七十

二峯青面而恰相對劃然一長嘯陵谷忽礪泮頤
陽下西崦紫綠變萬態何須上玉京斯言真大快

題趙補亭梅花清夢圖

西溪溪上好家山偏是花時客未還却向夢中尋
活計茜裙縞袂有無間

補亭醪資賞桂索賦長歌

讀君梅花清夢圖讓君臥占孤山孤今夕離離桂
花下大家慈寧攢青蚨此花上浥金華露下陸寒
蟾苦吟處千朵萬朵黃金鑄紛葩寧讓珊瑚樹若
有人今不忍去琉璃盞泛琥珀濃鰲呿鯨吸糟床

樸庭詩藁

卷五

六

空與酣絲竹相間發譜就鈞天法曲工擊鼓催花
樂莫樂幾度花開對花酌繁華只在頃刻間有酒
不澆真大錯夜深一陣西風涼微雲掩月無輝光
雨徐來兮霑席燭漸滅兮空房林深颯颯四圍黑
明朝滿徑飛殘黃何如月中之桂長不落踏上虹
橋得樓閣聞說嫦娥妬煞人霓裳舞隊今蕭索

謁謝文節公祠

龍蛇四海遍陰霾獨有忠貞與世垂勁竹孤松存
節概麻衣芒屨哭天涯覆舟痛絕滄溟舵誤國尤
歸金字牌不幸臣言成偶中傷心獻策對堯階

殘卒安能立巨功祇應信國素心同一時兩謝皆
奇士謂鼻羽及公千古三人見苦衷并不食薇悲絕世
何須飲水學高風空山祠宇真蕭瑟孤雁拖殘夕
照紅

題王晴山教武圖

吳鉤鳴鞘吳王喜臥讀兵鈴席孫子梧宮畫靜日
光寒試列金釵募戰壘兩行佳麗百八人約束旣
布鉄鉞陳左右心背審所視將軍三令復五申陣
鼓初鳴隊長笑螭首殷紅濺軍纛風雲失色悄無
聲後先跪起皆殊妙嗚呼闔廬能用師丹青傳出
橫庭詩藁

卷五

七

訪慈引上人

上人爲先甫方外契乙卯歲余游信州會
追用先甫送別南歸原韻賦詩寄懷自後
郡公雪槎中表敦請博山法座招余過精
舍恨未得游今上人已退修普寧剎舟過
訪仍恭步前韵二首

法輪六會更誰如退院仍鈔貝葉書南岳登壇留

印密東林遁跡對人疎靈機久識超羣詩味何
曾有筍蔬我是定雷舊禪侶袖香還叩遠公廬
迴廊小院足盤桓縷數前因問懶殘慧業敢誇成
佛易安心眞覺遣人難半厓紅寺雪初霽五夜青
燈灰尚寒塵世未能除結習蘄花留待異時看

同董海嶠鼎玉長公游普寧後山頂武謐菴
山下雪已消山上雪猶積矯首望層巔隱隱露金
碧始進未覺遙屢轉境隔重公眞健者凌虛生
羽翮行年六十強濟勝快登陟將毋導引功抑或
定慧力勝羣在上頭到此徑昏黑殘年收稻糧局
橫庭詩藁

卷五

八

留別慈引和尚復用鼎玉韵

定中鼻觀不聞雷擾擾車塵有去來世味飽嘗三
斗醋春風許放一枝梅石邊舊話如圓澤塔畔新
吟亦辨才別後摩松須保護停雲相憶在燕臺
王弇山師館余官署新築西偏三楹有槐五
株葱翠可愛顏曰小槐安讀書其中賦詩
相勗答呈古風一篇

講舍卜築半野塘雙松叢樸交青蒼我師下帷愛
嘉蔭枕經菲史搜琳琅廿載光陰一彈指離羣時
復懷安昌南宮書來大咀噤招我北上占觀光紫
微清漳景足玩踴躍結束携輕裝仲春命駕季春
至至日桃李雲錦張惟有新槐方免目數枝畫盡
靜不揚館我西偏布瑤席綠陰漸漸生清涼樹人
樹木勗成立惟所自取分勤荒風細似聞絲竹奏
月明疑有蛟螭翔翦拜定當戒南國婆娑能不悲
東陽師年六十始出仕秋風屢憶尊鱸鄉槐安有
國國無小藕絲一孔龍身藏人生要須行樂耳一

樸庭詩集

卷五

九

飲例盡累百觴粥飯僧携夾袋冊助國調鼎歌黃
塵師門三槐本故物何必夢坐中書堂軒然墮幘
忽大笑笑看螻螳同侯王

題范朗菴使君塞外運糧圖

蜚芻輓粟度金微萬里平沙似幕飛西賊已聞驚
破膽不須衝突出重圍

絕微功成衆所尊展圖記得幾人存虎頭奇相如
君少未老先能入玉門

登南亭觀漢世祖明成祖駐蹕碑

新莽移漢祚羣盜恣雄逞絳衣起春陵堂堂漢後

整天未厭炎德臨汝捷智影追騎迫溇沱流漸忽
堅凝小舳憩南亭麥飯進祝哽事以人克傳穹碑
與日炳曠世北平師渡江還鎮鼎發難同漢叩號
乃姬公等遜國志益驕還都不知省妄希姬赤符
雙石垂久永篡奪與中興共事大逕庭荀卿附孟
子徒令聽者瑩定當怒鬼神曷不擊雷霆並存亦
何傷是非本昭炯相形乃益彰董狐史筆秉

寄懷家好山

紅樓燒笋並談禪電火風輪又幾年三笑才離匡
阜路六如空說鏡林天更無別會期金谷可有心

樸庭詩集

卷五

十

香寄寶船悵憶西江雲水窟臨涯一望止蒼烟

趙好寺災

七日毘嵐風天地有浩劫三災倘未臨威武不能
嚙咄咄目連僧欲燬天帝邑官闕自依然徒騁風
獵獵石趙建招提穹碑銀漢插歷今多歲年乃遭
祝融攝牛車復鹿車往救紛踐踏吾昔曾一游琳
宮珠匱匝金軀宵耗螺銀函局緜葉歷數欄楯間
何啻千百什忽盡付燼灰參差瓦礫壓如夢幻泡
影變滅何太捷是固有數存或欲重建立象教本
着相至法始無法維摩不二門電火焉所及爲語

磊落人好在勿鳴吧

題王芝亭齋壁

十笏聊堪寄此身土墻黝壁一番新
宛邱屋念東軒小負郭田欺季子貧
簾捲秋風催燕去荻喧涼夜有鴻賓
聯床得遂他年約仰面何勞更看人

題青藤山人畫賜政圖冊

圖類角阮戲自半文以至萬萬貫錢每頁
錄一錢數故事如阮孚囊留一文錢劉毅
一擲百萬之類是已援引極博間亦借用
蓋寓佯狂玩世之意惜不傳行令法或發

樓庭詩藁

卷五

士

端而未竟其緒也畫用白描書更通神可
稱雙絕長不盈尺橫半之弁山師以數金
購于都市出示余命賦此詩

龍門太史下蠶室發憤著書傳貨殖胃脯洗削儘
傳豪展卷每爲三嘆息青藤山人命數奇身在縲
紲衣赭衣張公援救幸得免著論應識錢神非云
何翻以錢角勝細縷青蚨作觴政想嫌銅臭酒洗
之欲使貪夫化廉靜白描畫手追曹吳細書逸甚
無與徒一一隸事思最巧祇亡行法難追摹君不
見白鹿表上永陵喜誰作宰相遺奇士未能諧價

向西園幾欲酣歌尋北里當日文章猶值錢鎮海
樓砌足買廬名場萬選縱莫必赤白寧拍洪崖肩
祇今筆墨賤于土蕭瑟囊空羞杜甫酒債如山未
得償對此茫茫忍終古

和弁山師思歸吟原韵四首 選二

憶從懶拙號魚鳩此日渾如雙鳥囚垂老何妨三
不戒師白號魚鳩山人又思歸漫咏四宜休於今
名士多青眼從古爲郎半白頭博得心閒身富貴
簿書叢裡卽丹邱

山林肯與素心違物論紛紜有是非生意未消枯

樓庭詩藁

卷五

士

樹賦熟思早見哲八幾當階只愛翻紅葯拄笏何
勞對紫微山猿鶴多年頻悵望月明吟嘯聽還稀
王弁山師於十月十七日爲陸放翁作生日

賓朋各賦詩彷彿宋牧仲壽坡翁意時余
客觀津不與會補成古風一篇

綿津山人撫吳中臘月曾祀蘇文忠枕菴紗巷已
蕪沒生日猶記磨蝎宮滄浪亭上集名士作詩紀
勝傳江東我師弁山老詩伯平生景仰惟放翁一
官五載不稱意依然寒餓詩人窮歲紀昭陽月建
亥爲翁稱壽宜笙鏞寒梅萬樹正覆屋圍爐行酒

生春融坐中與祭盡詞客啞啞白頸喧吳儂劍南
詩名麗坡老忠君愛國心亦同北宋推蘇南宋陸
繼別之子咸稱宗漁洋山人以劍南詩爲南宋大宗六十年間詩
萬首直排商羽鳴黃鍾我師肖貌毋乃是曹溪屈
胸衣裳茸況與此翁共鄉里宜有俎豆垂豕風祀
蘇昔日傳宋子祀陸此後傳王公嗟余未得陪祀
典聊從傳說賡篇終

花朝郊行次李柯亭韵

草色分岐處處通芒鞋踏遍漢西東已鄰寒食疑
無火初試春衣尚怯風沙苑樹深嘶馬白石潭花

樓庭詩集

卷五

三

暖照螺紅明朝擬乞霖霰雨淘洗韶光似鏡中

寄題王芝亭愛吾廬圖時年五十

客裡流光駛臨風憶故居巷深茅舍密夏淺柘陰
疎舒卷同陶令春秋問衛蘧多君理歸櫂高隱謝
簪裾

題漱瓊齋壁

花事今春盡江淹負彩豪亂山紛過客野水受輕
舸曉色迎窓曉鐘聲落夢勞年來初學佛不暇讀
離騷

題嚴海珊明府仙壇花詠

衆香現國伴癡仙榮悴番番易惘然秋水名篇聊
寓意東華入夢又新年杯傾三雅方玄石物博千
門擬茂先一瞬玉皇朝會處高槐細柳碧於烟

書海珊評杜詩後

桓譚貴太玄郭象注南華妙悟語言外不以箋釋
誇杜陵詩中史志隱義蘊奢詎同爾雅例註解滋
紛挐嚴子有杜癖慘澹神摩挲豁然開重門燦若
縷明霞坐使渾涵中剩膏生黃芽草堂有知己注
應俯百家場來旱太甚火龍監髻牙寓齋困煩溽
高閣束五車歌案一披此涼風透櫺紗乃知與古

樓庭詩集

卷五

直

徒千載非爲遐君本鄭公後三復宜咨嗟持此匹
詩碑無訕則有加行見蜀中渾燐燐生新花

題盧雅雨觀察出塞集

絕微荒臺高百尺酸枯六月陰山雪雷霆雨露總
天恩節旄泣盡孤臣血囊中無酒瓶有花驚心節
序長嘆嗟絲竹淒涼山墅廢烽烟迢遞玉關遐集
有無酒歎瓶非入塞回思出塞痛笳聲殷地寒宵
歌及諸晚詩動贏得新詩滿錦囊鬚眉已覺霜華重君不見瀚
海頭紅顏白骨成山邱文姬歸漢明妃沒一片黃
沙塞草秋

送盧雅雨觀察之灤州任

衡岳雲光偶現形，密州蜃氣海天青。何如初返邊關日，早得清名上御屏。

三載詩聲塞外傳，馬嘶沙磧鳥驚弦。從今吏散全無事，續得灤京詠百篇。

細鱗柘綠當圍蔬，策策堂堂玉不如。薄暮偏涼汀上坐，絕勝千畝渭濱居。

過安肅有感

鴻泥覓遍總微茫，如夢如烟柳數行。一夜城烏頭易白，將雛飛過浣衣塘。

樸庭詩藁

卷五

五

中秋後五日鄭淪川招同岑春江飲陶然亭

遲石帆不至

小隊纓鈴又一時，心知谷口憶前期。九秋涼意隨鴻影，三輔雄圖入酒卮。樓閣光搖仙島近，荻蘆風絆夕陽遲。那堪座上無車胤，雲樹蒼茫有所思。

盧溝橋

紅塵萬丈路雙岐，雁齒虹橋壓水湄。何所聞來何見去，笑人七十二蹲獅。

漫說行橋只兩人，錯將名利看成眞。我來橋上無人過，欲把機鋒鬪木陳。

白溝河感宋遼舊事

寶帶三條鎖不牢，白溝尺水枉分遼。投囊未解江東憾，背約翻滋海上驕。三鎮兵戈成底事，十香詞句最無聊。燕雲獻後雄邊塞，悔把功臣賜姓蕭。

讀離騷

芳草變蕭艾，於物無此理。本是艾與蕭，餘爲芳草耳。舉世誰識眞，臭味差相似。黃鍾棄如遺，瓦釜鳴不已。騏驥伏櫪悲，駑駘當路喜。士勿徒取肥，女勿徒取美。持擇苟不精，將貽中道悔。斧柯與江河，皆宜慎其始。軟蓬生棘中，感化惟君子。否則必有傷。

樸庭詩藁

卷五

五

周易戒比匪舍，旃復舍旃。吾將從黃綺。

舉世尚捷徑，君子惟周行。周行良復迂，吾道貴大防。徑中有荆棘，由者多披昌。一入不復出，進退藩觸羊。遵道而得路，吾惟守厥常。山川卽阻滯，少安休倉皂。士有四方志，宜裹三月糧。詭隨慎毋縱，縱則譏無良。菱荷製爲衣，芙蓉集爲裳。秋江雖云冷，余情其信芳。俯視幽昧區，白日無容光。

鳩鳥何方來，文章歸毛羽。曰與鳳爲媒，朱絲繫一縷。鳴臬有休徵，君子貴節取。深信勿復疑，所望詎小補。嘉妃怨耦仇，關雎咏淑女。事乃大刺謬，鬼車

幽修語素絲無定質糾紛五雜組有耳願速聾有
目願速瞽金印黃雀啣明珠玄雀吐微物知報德
流傳足千古爾鳩太無良不念罹網罟懷爾以好
音飼爾以酒脯卵翼歷有年爰乃得其所至竟蛇
虺腸厥疾占爲蠱惟貪金穴翔無志瑤臺舞負德
還自欺哆口鳴勞苦鳳兮誤推誠倚鳩作心膂吾
欲倩義鵲擊磔界豺虎

兩美其必合離心何可同瓊枝貽下女不若求有
城蹇修以爲理百年祈始終六禮旣云成筵簞無
復凶謂宜操井日詎意傷姑翁姑翁長已矣家室

樸庭詩集

卷五

七

應相容劣馬忽破車初來教未工嗟哉蘭玉姿零
落隨茅蓬黃姑與織女終歲猶一逢恩義旣云絕
對面如飄風相違況十載魚雁杳不通昔年艾蒨
生今日成長松草木有榮悴歲序交春冬匪石不
可移匪布不可縫去去勿復道雲山千萬重

樸庭詩藁卷五

樸庭詩藁卷六

會稽 吳煥文 璞存

甲子重九後一日

天遣銀河洗積塵憐才原欲識其真遭逢如此休
嗟命得失於今莫問人未必蓬門皆陋質但收鐵
網卽奇珍山中絕少雲堪臥回首觚稜一愴神
步虛聲遠失仙游何處追尋聚窟洲未讀南華徒
悔恨敢稱東晉最風流錦衣入月終成幻席帽衝
風又一秋荻颭荒原桐着雨無情草木替人愁

從陸袖壇乞梨

并序

樸庭詩集

卷六

一

聞說交梨珍同火棗何須元圃始勝青田
習鑿齒之分遺期于遍及李鄴侯之拜賜
敢望親燒勿同席上之珍擬謝河中之表
七言率爾一笑惠然

肥水無由上玉池煩悵不敵迺寒時朝來檢點閒
居賦忽憶張公大谷梨

次韵贈江岷山太守

納整何曾偶近嫌逢人啼笑兩難兼心無恩怨分
牛李世有炎涼薄蘭廉清夜露寒猶鶴警春江潮
滿任魚噉白雲恐向山中問莫下成都卜肆簾

題崔出圃太守烟花債傳奇

南都石黛寫魂消一種烟花百種描何處有臺堪
避債彩鸞畢竟嫁文簫

小別東京孝感坊蠻雲瘴雨墮荒唐紫釵不斷長
條玉忍作看花李十郎

凝粧薄怒啓朱唇恰恰鶯鶯囀曉春在煞岑牟單
絞客鼓聲纔動阿瞞嗔

薔薇盥手鼎焚香夜雪寒燈按羽商妙悟自含絃
外意不須親看舞霓裳

挽博陵尹太夫人敬用

樸庵詩集

卷六

二

宸章荻訓松齡爲韵四首并序 選一

曩余游潤州獲交鮑臯讀其詩宛似太白

鮑爲余言曾在博陵尹大中丞幕府尹太

夫人見其所作歌行嘆曰奇才爲梓集行

世名播江淮間嗟乎自芝麓漁洋兩尚書

死後誰復推獎風雅太夫人眞世之宣文

君也今亡矣讀中丞公所輯家譜從宜錄

諸書有槩於中遂論其軼事賦四詩輓之

京江有鮑子俊逸含春容作詩慕太白飄然乘赤

龍携將驚人句言謁玉女峯夫人顧之嘆絳節紛

千重謫仙久絕響一旦鐺鐘鏞感恩爲我言涕泗
交填胸屏間與座上敢希房杜踪九泉如有知落
落觀長松

曲陽孫晴崖明府掘地得晉王李克用手書

安天廟題名碑

陰風撼樹飄靈旗山鬼吹火燒叢祠沙觜崩塌露
圭角榮光下閃埋豐碑孫君嗜古負奇癖倚撫金
石靡遺石鼓遙辨越焚字金薤高姬親輶詞裁
花曲陽有餘暇命工掘地乃得之剡泥剔蘚見古
刻傳自唐末僖宗時隴西郡王忠且勇中山告急

樸庵詩集

卷六

三

親援師道經神廟躬禱嚮凱旋賽神神格思司空
偕行名忝附大書勒石盤蛟螭歐九作紀軼此事
不學合受原父嗤有唐晚葉事百戰文人失職悲
流離鳴張鯨突鳳凰死文筆亦復歸鳴兒昭陵玉
匣那可得韓陵片石逾瓊瑰依稀顏筋并柳骨孫
君寶此勿復疑嗚呼孫君寶此勿復疑屹立直退
千熊羆

嚴海珊明府屬疾初瘳

郭外尋春病未能孤燈冷榻似癡僧不逢天女持
花散應倩高人選藥稱杯影偶然疑樂嶺濤聲一

夕發枚乘知君臥理多餘暇起視從無案牘增

疊前韵示及門并答海珊明府

豎指拈椎總不能傳衣半夜愧山僧此身曾受四
香戒合掌願將千佛稱犀角眼前真上品鹿車宅
外是中乘野干但肯長相逐勇猛教他一様增

堯母陵

恭讓開君極三阿始發祥篤生推聖母崇祀紀堯
疆赤帝圖靈雨玄河溯秘箱鳥庭懷寢息龍首圻
常羊遂使烝民立還令五服康厥中傳至道廣運
則高蒼祀矩純衣肅歌唐玉磬鐃二宮成積福百

樸庵詩集

卷六

四

姓美平章馬映彤車白雲生采柱黃茅茨修禮儉
柳谷紀昏詳厨娶交蒨蒨廂桐集鳳凰咨卿平澤
水沉壁起榮光峻德超巢燧憂心啓禹湯要惟追
履聖實賴感萌唐日角誇伊長穹精遂克昌巍巍
垂事業蕩蕩冠皇王吞薏高判如流虹勝浴姜千
秋隆秩典百禮盛趨踰闕殿開丹陛疏屏隱玉簾
錦帷雷洊震畫梅鳥舒張日月移宮扇尊尊繪繡
裳豆鉶分添色簾箔耀珠芒辛畧原承化城嫺儼
在旁土腴仍奧交眉采得微茫碑鶴聞寒語坤龍
識蛻藏山梨紅覆井廟柏翠分行水繞龍泉澗城

聞柳宿長樹方穀林道筵配頓邱香碑自靈臺述
名從瑞志揚春秋兼父老歌舞迨牲粢華表欽前
帝神明重故鄉伊耆峯在眼疑見火鸞翔

聞萬循初自楚中赴禮闈

京口停船別酒傾烟中沙岸送君行綠楊夜雨人
何處紅豆春風子又生

君於京口別後曾賦夢入平韵滿江紅詞見懷

瑤妃吟鼓瑟來從銀漢聽吹笙離情未敢恩恩訴
幾載湘皋怨杜蘅

海珊明府夜話詩謬以通禪審音見許次韵

酬之

樸庵詩集

卷六

五

三月庭槐欲布陰坐看蟾影墮杯深胸無冰炭皆
春氣話到風旛卽好音萬數何如絲竹肉一宵已
見去來今東山莫怪清談廢迦葉當年尚舞琴

送別

公非公是寸心知莫以償金誤不疑霄漢半緣春
霧隔山林好與白雲期無衣不賦如秦客每飯休
忘在莒時雙石道旁人歎息勝他海外和陶詩
繁華懶踏上元燈旅邸相過喜得朋燒入遙岑明
雪焰寒凝老瓦起霜稜殺人畢竟非曾子植黨何
曾是李膺閒把一編思往事千秋恩怨與誰憑

望都道院古栢歌

珠宮紺碧翠影交古栢拔地如騰蛟三素雲中夜
僵立老鳥挾子時墮巢山樞隰榆唐風古種樹書
中誇樂土十年之計始何人四十二株紛可數青
銅榦老鐵屈枝黛色參天皮溜雨或云堯母崩珠
襦入地寒光凝化作童童車蓋偃至今香葉朝丹
陵又云神禹治水大別山遠移健步青斑爛日炙
雷燒久不死遂伴太平興國寺栢留人間入門相
對表靈道朝會諸神執圭珪當堦幾樹瘦不肥山
鬼立掛蘿薛衣向後靈官例回護藥叉頭臂交楮

樸庭詩集

卷六

六

拄如居聚族長子孫無或荆分無橘蠹客游訪古
城南行波光草色刺眼明春風中對歲寒節宿宿
不聞鸞鳳聲龐眉道人拾栢子煨爐煮石石漱齒
萬牛回首梁棟材如何連蜷偃蹇隨泥滓君不見
曲江三月花事多少年踏花花婆娑手敲金鐙鏘
玉珂栢兮栢兮奈老何

九龍泉謠

時劉閣
部議濟

天一實生水江湖始涓滴潛龍占勿用蠕蠕同蜥
蜴陽九之數九點泉澄泓一碧埋寒烟不向人間
施法水挹注負郭二頃川神龍變化浩呼洶巨則

升天細藕孔失時束縛鱗之而沙爛泥蟠屹不動
以龍名泉泉亦能龍情泉與龍相從蔡龍氏下疏
泉令九子齊鳴風雨橫泉乃有功於百姓老龍收
陣馴龍性

春日晤廣陵唐再可

歸燕東風作隊忙相逢燕趙話悲涼雨中春色隨
流水月下簫聲是故鄉塵鞅難留騎鶴客烟波擬
買種魚莊幾番淘洗青衫淚又爲唐衢泣數行

暑月乞海珊明府爲予齋前架蘆蓬欲得可

卷舒者明府爲置半蓬詩中有匠人拙卷

樸庭詩集

卷六

七

舒得半毋取足等句次原韵

呂黎腰腹肥五月困暑酷琉璃八尺黃火龍炙簷
角蘆蓬一蔽虧得半良已足庭露華陽松塙映子
猷竹吾廬松清景杳難追萬事從齏縮機事天所
械直固勝於曲線索雖通靈憊矣日馳逐陰陽貴
靜鎮明暗判尺幅鴟鴞寄一枝鼯鼠飲滿腹齋戒
以掩身時寒與時燠用拙吾道存毋學巧匠學

寄呈武進劉公四首

選一

紈綺床前拜不辭廿年泉下有餘思品題未入山
公啓感遇還吟伯玉詩相見幾人能執手自誇此

日仰由頤桓譚莫便忘西笑東閣殷勤屬後期

說輻行

玉女頭盆翻洗沐波濤呼河生平陸輕車悞涉重
險行潭淖不聞聲轆轤我馬既瘠我僕痛欲進不
進輿說輻濁水平箱泥滿身荒郊誰與拯扛轂道
傍跣足親執輿依依向人鳥擇木木徑寸抵百金
值毋傷其手代匠斲三材既和直指完固則有餘
強不足世間豈無七寶鞭朱輪繡轡鞞縵縵掉鞅
意氣何揚揚車澤人瘁未爲福須知小懲乃大戒
欲與雄飛預雌伏陰陽相說係戀生易象三爻占

樸庭詩藁

卷六

八

小畜當此暑濕氣熏蒸閉置帷中困馳逐有何歡
娛復中頓毋乃夫妻相反目焉得繩床臥華門方
輪稀膏馬生角

後說輻行

前車之覆後車鑒何況坎窞經親嘗云胡冒險蹈
故轍此番說輻非天殃誰歟御者儉公事令我粗
舞思王良頭目瞋眩獲小憩結束行李投村莊莊
名太平大刺謬險如鳥道繁羊腸蹶然後長古有
誠屢蹶得毋愚且狂嗚呼鄉里頗快意下澤歟段
隨翱翔亦復輕舟漾容裔白沙翠竹疑瀟湘殺馬

毀車從此始性命差比鴻毛強

題查蓮坡集

綈裘縹囊面百城四時金翠鏡中明水西樓閣羣
真集不數江南顧阿瑛

彭澤閒情壁未瑕廣平鐵石賦梅花古詞那入今

人眼漫作西崑一例誇

七日毘藍風刼餘波吒坐斷悟真如石庭圓寂寒

山老無影無花付子虛

集中有花影菴雜記

伏火爐中得大還早從三昧啓玄關松枝一拂天

花落詩數卮言盡可刪

外集詩話

樸庭詩藁

卷六

九

易嚴司直字彥兮賦贈

名父之子古有諸良冶家法惟詩書千羊皮選一
狐腋黑貂青鳳羣不如命名名裘義取此雙眉分
翠顏璫瑱佩鵲飛札驚耆老石屏見之交稱譽謂前輩
字曰司直數厥典倚撫鄭詩以贈渠大雅扶
輪期國器散材莫似天全樗朝陽一鳴著節概委
蛇委蛇垂衣裾側聞家諱費商摧敬生過廟哀過
墟君家司空垂宇宙蘭臺史筆傳非虛雖云二名
不偏諱以孫犯祖宜革除易以彥兮示小異美稱
舍子其誰歟木假山頭老泉在厥辭大放鏘瓊琚

鳳毛池上此繼武學古有獲經苗畝劉歆校讐富
七畧惠子著述修五車愛君紛紛腹笥厚鯨鯨春
麗驚爰居烟樓撞破大可慮毫學亟宜師衛蘧吁
嗟終南多捷徑捫腹底用憂空疎程朱猶且習舉
業是亦學者之緒餘天生我才要有用安能枯槁
南山廬西山津逮復奚益書傭大抵同鈔胥老不
曉事足殷鑒仰看椽屋空歎歎袞袞青雲身早致
生平懷抱堪發摠誰謂妍媸有定質富即跌麗貧
籛條渾渾公相雜馬卒昌黎訓子分龍豬勸君莫
作蠹字魚月窟化為金蟾蜍

機庭詩藁

卷六

十

題海珊明府詠明史樂府後

紅燭高烧黃帕封蓬山仙籍杳難從鹿門不作舂
州死塊壘誰澆讀史胸

勝國衣冠墮渺茫橫雲巨筆擲琳琅西涯樂府南
朝淚併作秋來柳數行

朱浣桐使君疊從馬上寄詩索和書報章後

燕寢琳琅滿座隅詩成偏愛寄潛夫斜行捷附追
風足幾番來如調水符野寺殘陽離菊澹有九日
靈雨寺
塞垣荒草暉雲枯有懷人
塞外詩閉門強和松陵集覽

鏡明朝有斷髮

浣桐使君以海珊所餉佛手柑轉贈賦謝
天龍一指禪表裏盡叅透色相本自空此指亦癭
宿所以廉潔人義不苟授受使君裴羊流清風灑
兩袖瘞鹿與懸魚苞苴絕腐臭橘不種為奴筍不
寄生岫何來佛手柑清淨原無垢輾轉枉贈予不
絕人情厚却之為不恭受則心滋疚萬物各有主
肯學陋儒陋暫且領妙香置諸琴尊右受氣不受
形介節石可激當俟主人還完璧歸趙舊上以全
清德下以免侯祝懺懺復懺懺援手誰為救稽首
無量光合十懷靈鷲

機庭詩藁

卷六

十二

陸蘭圃古劍歌

昔觀周生說劍圖厥衣短後纓曼胡看畫尚覺神
色王況乃寶物懸庭隅龜文龍藻光黯黯莊舄桓
葱價俱減陸君何處購得之石可中分蛟可斬行
年四十走風塵磊砢昂藏八尺身興酣斫地自起
舞風雨馳驟驚鬼神我聞幽燕游俠子慷慨願為
知己死憑將櫜具報恩仇莽近要離塚即喜君也
讀書氣浩然禮干義櫓無與前恩耶耶耶平等視
所恨不逢張茂先陸君酬爾一杯酒拂拭無勞長
在手匣中虎氣任埋藏自有光芒射牛斗

咏菊

肯爲西風損晚香繁華刊落色中央澹於秋水人
無酒癯似枯禪夜有霜富貴那能驕隱逸鹽梅會
與試芬芳羅合去後誰咨賞冶冶融融但夕陽

輓嚴雲巖

霸孤何處賦招魂哭向天涯當寢門秋冷漁磯空
月影日斜卜肆積苔痕平生妻識黔婁正一死人
隣伯道寃曾是昔年觴詠地忍看素旆颺翩翩

朱浣桐使君以詩集見示題四絕句 選二

樓臺疊畫夢鷺湖中有騷人絕代殊百首權歌數

樸庭詩藁

卷六

三

株柳春風吹滿小長蘆

八斗才名數建安平生著作愛譏彈定文敬禮言
何易子建終當勝子桓

題顧持國棣萼軒詩集

曹紅樹與崔黃葉一遇龔王便有聲詠罷鋪堂花
百本何人爲贈狀頭名 咏各種杜
丹最佳

謝公絲竹感中年林際春申興不顛一棹梁溪風
雨夜傷情只爲杜雲川 挽杜雲川四
律一字一淚

題陸袖壇采薪圖

君乎君乎胡不采珠玉爲廊廟器作薪樵爲王國

植而乃窺身嶠嶇絕巘下持柯操斧斲丁丁四山
酸風寒徹體采得束薪擔不起道上謳歌行復行
一生羞作朱翁子明年五十平頭人男兒非病寧
是貧白首窮經在經世徒取富貴非天民君不見
今之仕宦如薪積東邸西園誰物色但得造物與
健復與閒且向樵風涇畔朝南而暮北

東顧香霞

問訊漳濱客頽然臥病餘不知殘雪夜清瘦復何
如月墮紙窓白風欺蓬鬢疎梅花消息動應有故
人書

樸庭詩藁

卷六

三

題秋鶴道人傳後

學道終嫌隔兩塵暫從烟水自藏身華林七錄君
休校多少剝琴煮鶴人

華表歸來秋更深最無聊賴是臯禽何如化作三
生石重與情人證此心

讀殘周易悟初終蛇走狐嗥象可通賣卜成都聊
復爾杖頭錢滿下簾櫳

方山子與姚平仲入世英雄出世仙甘亭山中閒
歲月丹書不與外人傳

信都過王弇山師舊寓

執鞭曾與渡滹沱舊館重經奈冷何避暑亭空豪
事少授經人去夕陽多歸田耐可同平子裘革奚
須效伏波猶有脫驂遺惠在相逢皺面說觀河

寄懷楊青谷司馬客昌平

羈孤近傍十三陵不爲先朝感亦增春拜杜鵑埋
野草夜趨石馬絡荒藤蒨蘭誰識行吟客餅鉢真
輸乞食僧一自式微懷故土蒼梧雲氣楚天騰

次酬朱浣桐觀察見懷韻

別緒不可理詩來殊惘然孤雲皺岫影落日澹林
烟欲覓知何處相思又隔年庭前飛樹葉淒絕看

樸庭詩集

卷六

十四

銷蟬

酬顧香霞見懷

雲氣迷秦隴長天不肯青舟迴揮扇渡夢落望吳
亭知爾心如木何人口守瓶客中多病葉秋至最
飄零

書答嚴海珊明府札後

鯉魚風緊報章遲何物琅玕寫別離忽展梁溪高
士傳始知杵臼是心知
月明難照旅懷開曾記談禪對古槐一
樣濃陰垂
滿地清風不見故人來

秋日同汪雙白王瞻衆登南亭次瞻衆韻

雨過川原上下流南亭高處客同遊干戈東漢驚
龍圖刀鋸西風憶虎邱樹老將軍銅馬去霜凋騎
省夏衾愁新詩多帶蒼茫色匹練寒空一片秋

吳人新悼亡

題蘇武牧羝圖和錢香樹少司寇作

海濤拍岸沙草平北風釀雪陰寒生滿圖澌澌麾
欲動誰歟牧者蘇子卿子卿欲死不得死蹈背燼
火誰氏子不如去與羣羊羣牧事雖微有妙理馬
畜蕃息於軒王關弓繳射狐兔藏爲憐野鼠掘少

樸庭詩集

卷六

十五

唐縣道中和周石帆學士扈從韻

微雨清塵早戒塗宸游景物未模糊紅橋流水
鐫環珮黃葉秋山入畫圖賈佛洞前禪露冷秦王
嶺上陣雲孤陳詩若問唐風俗耕鑿家家得自娛
謁深陽史相國行帳留飲四首選二

拳毛控縱尾 宸游文武班心第一流雄鎮河山
資七省太平竹帛著千秋部人曾識黃丞相秘笈
無慚李鄴侯刻玉披圖承 帝祉誰知輔弼有嘉
謀

玉饌金莖 賜近臣陪游容我吐車茵清言不覺
三公貴善氣猶生萬戶春鵬鵬盤雲秋欲暮蛟龍
得雨夜能神幸逢當代人倫鑒愧少圭璋奉此身

恭和

御製幸蓮池書院詩原韻

言爲厥心聲敬爲厥德興束身守圭璧毋致離斯

樸庭詩集

卷六

主

須上谷三輔地猶見唐風餘書院近所創欲追古

驚湖章縫迺 鑾輅歡趨類鸞鳥 天章勵多士

小春和風俱宜探閩洛旨詎姬王楊徒勗哉吾往

也誰歟其庶乎心筠挺松竹池沼明菱蕖仰慰

聖訓切留作傳家模力穿桑翰硯手把兒寬鋤萬

聖涯一卷夫豈人人殊他年資廷獻莫負儒冠儒

上方問亭方伯四首 選二

百年閱冠裳區經術文章孰與徒斗嶽侍郎三

禮貴

望溪 大人 江湖處士一星孤

息翁

詩伯 後來自合翻居

上此事非關占位殊共識神明通至孝龍眠山下

夜啼鳥

獻藩禮樂日華宮接遇無煩介紹通敦趣道中來

四輩笑談座上揖三公受降城偃蛇歸壑額俊門

開虎嘯風祇惜若真瀟灑甚翦屏獨自臥寒空

太倉公薦應
制科未預試

棗強趙曉升明府闕茗歌

仲思之表誇信都棗強明府神仙儒平生性淡惡

甘味不嗜離雪耽雲腴龍唇理罷午窓靜與客鬪

茗羅銚鑪茶寮茶社衆美具如入寶地春紛敷京

挺研膏製一變用芽久廢團餅模蒙頂石花號第

樸庭詩集

卷六

主

一紫笋碧澗紅茱萸復有綠華暨白露方山北苑

千嬌姝陽羨顧渚尤嫩美先蒸後揀銀絲如社前

騎火雨前製霏霏落磴冰雪俱牛臆廉謔靴蹙縮

千葉萬狀難描摹含嵐浥霧品最潔或蓓蕾金或

葉珠竹簪霜荷雖瘠老勿棄蕉萃偕歡娛穆陀樹

葉衆仙食頗得似此紛綸無山緣產棗泉味濁衡

漳遠遣調水符清操并不飲一勺廉風習習誰能

汚性如薑桂老彌辣宜列上考頭銜除御史陶瓶

看有日有如是茶陳諫書我家西湖水淨綠報春

龍井枝頭呼綠髮采摘春起早一半臆鼎供村夫

客游燕北久墮落柳苗槐葉煎溝渠因君霜雪忽
涎湧如飢夢食空馳驅從此九難發六美酪漿相
逼甘爲奴歌成消渴不可解金莖何處登天衢

珍珠泉寄和方問亭方伯韻

迤邐園林勝清流屈曲連伏從王屋底滙向歷亭
邊鯨泣垂綃冷龍峯落爪圓何當隨品遍七十二
名泉

送朱浣桐方伯赴山西任

八圖宦蹟素中懸頭銜不轉十四年薦贖幾登輒
謝病病起試吏來畿燕城南尺五天聽近循聲騰

樸庭詩藁

卷六

六

趕風雲旋名州府牧名郡守繡衣隨着行河埂

帝心簡在恨見晚西巡屢召行幄前晝日三

接詢治術李揆奏對如湧泉非常顏色著錫賚

綸暫予司旬宣京兆恩恩類五日公等閒視如郵

傳案閒賦詩自適志愛讀莊叟逍遙篇豈知天

意眷西顧晉藩任重維公專飛狐上黨天下脊山

河表裏金墉堅時平邊塞烽燧靜晉祠碧玉流潺

湲恩義遍乎柳公綽威武遙播張齊賢益信昔年

久沉頓風霜歷練其神全試看蒼松孕巖壑積久

梁棟材參天安能拔地遽迢上如竹斯迸如藤纏

衆人租近貴速化方隅之見何其偏勸客送公獨
延佇一鶚遠戾西山烟

樸庭詩藁卷六

樸庭詩藁

卷六

九

樸庭詩藁卷七

會稽 吳燭文 璞存

題金閨石天山攬轡圖

天蒼蒼雲茫茫蓬飛砂走掩日光胡笳聲起瓊幕
卷但見髑髏斷鏃山下如斧堂魂爲李陵魄陳湯
行人過此心慨慷問君何事爲急裝萬里來訪於
軒王君不見太平偃武邊烽熄綏遠城頭秋月白
揚鞭若過燕然山勒銘莫美班生筆

查蓮坡水西莊向擅亭榭花木之勝屢約子

游牽率不果感寄

樸庭詩藁

卷七

一

把臂殷勤訂入林幾番芳信阻幽尋樓臺聞割神
仙宅山水應慚絲竹音柳別永豐星易現花移廬
阜景空沉重門鎖却春風去翻恐來游費苦吟

歲暮書懷

對此蒼涼感百端無情旋轉是雙丸落花我自難
成果芳草人爭日以蘭舊事常何曾藁牘故交貢
禹枉彈冠黃金散盡晨星落獨倚寒空守歲闌

寄裴諾臯官詹時扈 蹕東巡

一從南浦誦新詩三楚星旋接履綦入穀英材俱
宋玉揮毫宮體薄徐摛夢隨丹漆天長近氣入青

陽谷易吹紅杏碧桃紛似錦誰攀木末到江湄

樂城

救鄭功雖著無君罪已盈如何食采地千載尚留
名玉帛空朝會春秋重世卿我懷潁濱老先業有
餘榮

游栢林寺住持僧謝病不出設爲問答語非

偈非詩解嘲而已

言從趙州游思得茶解渴叩關尋栢林老僧謝示
疾我思古維摩偃卧方丈室三萬二千坐是履無
不卽云胡我一身而弗容接膝老僧復致詞于禮

樸庭詩藁

卷七

二

固無失須彌諸相空入座本無物若抱血肉軀此
相覺太實我笑老僧愚斯言非解脫空從實際來
實乃空之質試看了悟人苦行持戒律叅盡真實
義萬象始明徹僧乎速改絃豐干非饒舌無身自
無病爾胡不速滅

臨城懷前明府嚴海珊

斗大山城繞薜蘿會聞仙吏有輿歌爽亭風月襟
期曠泚水蟲沙感慨多鷗鳥不知君早去桃花應
喜我重過劇憐洞口題詩在帶雨迷烟迹未磨
臨城詩有千古鬼雄多句
爽亭桃花洞皆其地勝蹟

扶衣玉刀歌爲朱浣桐方伯賦

維玉爲兵傳古昔後王德薄易銅鐵耶溪既潤堇
山空百鍊鋒芒在無缺此玉原爲溫潤姿良匠雕
鐫異環玦璞中有刃剖始呈輝外流輝撲難滅一
髮晶光冷射人詎比鉛刀供小割聞諸帝后御衣
裳用以抹腰無摺額不知幾度近山龍一落風塵
尚貞潔自公購得長護身入水不濡火不熱千年
寶物會通靈豈逐烟雲歸變滅宋家玉斧畫河圖
大渡遐荒外有截劈正元時朝會陳明堂丹陛凝
寒雪慨自滄桑世代更沙漠牟駝等飄瞥此刀猶

樸庭詩藁

卷七

三

幸在人間黼黻瑤琨兩妻絕吁嗟公平慎毋襲玉
恐傷殘刀恐折善藏鐔鐔養精明避攝六丁窺太
乙

薇省消夏賦謝朱泗源四首

旅中假寐尚遑遑安隱多君別榻張絕勝坡公眠
懶版應誇杜老結繩床槐枝雨滴三更夢薤葉風
生六月涼我本鏡湖漁釣客酒醒疑到水雲鄉
江湖俊味與平分濡髓當筵酒易醺誰似老饕工
作賦頓教食客集如雲充魚最忌連三足去醜還
貪著兩裙自昔平章難見恕元衣私語夜來聞

鮑

題李坤四蕉園夢破圖

綠天淨遠神魂清三塗八難無留行定香一炷簾
影細冥視修羅空闌爭問君夢破合出世胡爲搖
宕如懸旌揮齒連尻結股脚侏儒饑飽時不平一

樸庭詩藁

卷七

四

飲輒邀舍脂醉六博欲進天公贏彌戾車中久相
恩金蓮寶相何由成先生大笑倚寒玉卽心淨土
無所撓伎館歌樓足調御彼夢我夢原殊情乘車
鼠穴誰氏子霜禽槐蟻紛縱橫人自軒駒吾自覺
蓬蓬栩栩空瞪瞪我試爲君下轉語有夢可破還
夢生閒寫此圖等夢耳題詩亦作吟嚙聲何如一
切盡屏却無勞拂拭明鏡明掃除蕉葉鹿何有但
聞蟋蟀秋堦鳴

戊辰中秋前二日至信都署見兒子璜卽用

省觀原韻二首

七年悲作客祇覺影成單忽與驕兒見初收老淚
乾秋花爭黯澹明月要團樂莫說家鄉事奚囊取
試看

但得文章力何愁世事疎蟄身期一震績學在三
餘勤可從師訓癡休讀父書鳳雛方在野韜采避
豪豬

附璜

砧聲昨夜起始覺客衣單寄食秋將老思親淚
未乾故園空悵望異地忽團樂相對原非夢何
須秉燭看

樸庭詩藁

卷七

五

庭省還依舊星埃髻未疎樞衣千里外拜別七
年餘負郭無恒產傳家有賜書蓄畬在經訓不
僅辨龍豬

次韻寄懷王弇山師同周石帆作

義鶻分明解護鴉那禁螳臂怒當車露濃暫浥墻
頭草雪滿空悲鏡裡花好夢豈堪長戀枕美行終
不及還家抽帆抵岸風波息倒海翻江任夜叉
昔年幾度上皇村春到梅花氣漸溫鄧尉香殘空
入畫羅浮月落易銷魂人如隔世勞追憶事恐傷
心莫更論惟有六陵嗚咽水依然清淺帶柴門

九日東陽更向東高臺裂葉共披風未寒已畏霜
凋綠乘興聊憑酒發紅七字唱酬當令節萬人傳
誦遍詩筒一從萍散無消息偏我猶尋雪裡鴻
看花每苦失芳時枉說名家玉樹枝九陌逢人顏
易甲十年作賦髣成絲賤貧骨肉思相對老大師
生惜遠離鄉里亦知多欸段幾時得並少游騎

泛舟潞河天橋灣觀殘荷

粉蝶俯清流秋容淨天水放纜沿陂塘虹影畫船
尾殘荷開幾枝晚粧明鏡裏青蓋半離披露珠承
不起游展已聞然涼軒猶半啟襍炎熱場無此

樸庭詩藁

卷七

六

清且泚悠然思故鄉鷗鳬遍洲沚

七夕憶書兒北來寄居武邑郝明府署從劉
行皆孝廉學是夕爲兒誕辰

瓜菓陳觴又一時懸弧此夕憶書兒小年作客原
非福遠道依人祇益悲腹晒郝隆徵往事經傳劉
向得良師阿兄已乞天邊巧時璜兒入津莫着荷衣出
拜遲贈書郎語

和查恂叔農部移居宣南坊用東坡烟江疊

嶂圖原韻

大隱底用棲深山長安萬戶浮炊烟獨愛宣南坊

卜築地偏心遠真，翛然聞說童時孝。義里書聲琅琅翻，流泉族譜亭邊老。蘇在如松如栢如長川，德星朗耀不可掩。豪氣縱橫無與前，潞河一去幾星朔。尺五久隔城南天，自君含香登粉署。曹倉柳篋皆書田，周北張南故人夥。三間老屋歷有年，雨過青藤灑細風。生翠篠搖娟娟，我來偏值歲云暮。惟餘怪石參差眠，讀君移居唱和作兩腋。習習疑登仙，投詩詎敢誇後勁。握手自信多前緣，煖爐有會還再赴。夜深分詠消寒篇。

輓查蓮坡

樓庵詩集

卷七

七

豪華風雅兩淪亡，遙向津門酹一觴。明月易沉花影散，碧雲難合草痕荒。玉山頽後無仙調，金粟生前有道裝。回首昔年龍漢劫，一般憂樂夢黃梁。

輓陶寶葵觀察

別公半月餘，聞公訃音至。刁調風怒號，落葉滿平地。初疑噩夢驚，還冀訛傳異。事乃大不然，哲人竟長逝。皇華生原隰，榮落何太易。午還西告終，撒手真勿遽。我聞歸道山，從不困床第。去來自一如，非關歎勞勩。

夙聞步隲名，漫刺未敢枉。辱公愛我文，干旌先見。

訪伏慙慙驚駭忽，被孫陽賞譬彼一葉舟。乘風游滉漾，沙石雜魚龍。目眩神恍恍，示我真人珠。此事須象罔，公會細談分校寒灰本不然。聞言覺開爽，棘閣時故事警歎有餘聲。洪鐘何絕響。

圍碁啖鹿脯，不延箕尾星。陽律吹黍谷，松栢終凋零。鳳郊麟在藪，生死殊蟪蛄。公本廊廟器，未展垂天翎。鄭俠流民圖，涕泣感帝廷。護仲還見屈，羹鼎誰勒銘。潛見終有命，萬壑歸滄溟。惟餘介然節，終古垂儀型。

中秋後兩日言偕金刺史質夫先生感公折柬招趨陪。

樓庵詩集

卷七

八

到杖几畫戟，畫疑香圖書。清襲水擘擋，羅珍羞觥籌。前席起主人，殊健飯不遺。廉頗矢具此，豐饌姿胡爲。轉速死頽陽下，崦嵫光華彌。蔚起永訣良可哀，短歌托蒿里。

圓津菴和桐城方問亭制府原韻公未遇時策蹇避雨

其地後二十年使節重經賦詩

文章如錦奪邱遲，誰識才人未遇時。翠竹身寒空說得，木蘭花老又題詩。三生有石僧能記，大願無舟佛不慈。縱使多緣難盡渡，迷津休美節頻移。

再題圓津菴一截

風雨荒郊意外逢寺門偶入爲看松上堂絕異投
齋客不記開黎飯後鐘

和英夢堂刺史過望都訪嚴海珊明府原韻
幽意苦相戀望中星火繁烟迷林外驛雪擁水邊
門來往魚千里殷勤酒一尊談詩侵夜半飢鼠守
燈昏

附夢堂

行意怪相滯馬蹏冰雪繁幕城烟外堞荒署寺
邊門官署近邑古宜詞客天寒戀酒尊郵亭三
十里肯惜到黃昏

橫庭詩藁

卷七

九

己巳除夕同兒子璜信都度歲

悵悵椒辛進一觥身經冰雪共崢嶸依人原不爲
長策有子還須課短檠八表祥光春意動十年客
路歲華更平生千里飛騰志此夕真慚樞馬鳴

恭和

御製重幸蓮池書院原韻

聖澤深涵一水邊講堂峯色簇青蓮穹碑綠字超
神禹淨植紅蕖愛宋賢鼓舞有人瞻化日賡歌隨
地湧源泉草茅兩度天顏近桃杏春風又五年
御賜綵緞合包恭紀

是日駐蹕端村

獻賦叨珍賜恩光愧濫膺法都雙月滿文綺五
雲蒸作佩同魚袋成章邁鶴綾綵含風信動彩聯
日華騰緘口心常凜彰身力未勝葳蕤輝大帶婁
更拂行騰縫掖沾三錫韜藏等百朋雕蟲欣採納
稽古敢誇矜

趙北口

袞袞紅塵又十年夢魂不到五湖船今朝大有江
南景細柳新蒲二月天
浴鳧飛鷺共嬉春趙北燕南一水濱聞說此間堪
避世可能還有釣璜人

橫庭詩藁

卷七

十

隨灣洲渚自成村葦箔編成幾扇門菰米蛤蜊生
活計原來漁戶足饔飧
百戲魚龍萬斛舟烟波三十六紅樓巨鰲倚駕蓬
壺至不美成連海上游

聖駕趙北口水獵恭紀

大蒐近接淀河邊燕飲羣歌在鎬年鳧到春深猶
汎渚水如潮信欲浮天每歲春深則鳧翩健遠翔今仍羣集水忽平添瀾望
游鱗偏愛龍顏上細藻低榮鷁首牽不待三驅旋
撒網隨波飛躍故依然

清明日

聖駕視永定河隨桐城公扈從甌廬作

官柳沿隄拂玉弧瞻 天士女踏青蕪飛花句似

韓翃少春草人逢顧况無 寶幄傳宣晨賜火珠

宮翕順夜呈圖清時莫向綿山隱南陌飄風有鳳

梧

南海子德壽寺銅鼎歌

南苑甌廬深夜宿墨雲釀雨迷林木忽從一道出

榮光熊熊古鼎雲霄燭長不盈丈盛以墩鉞之雙

耳三其足突兀堅如牛豕蹲彫鐫細似禽魚簇陰

森日月闕神奸太乙下窺魑魅伏上紀 先皇順

樓庭詩藁

卷七

士

治年用鎮菩根資祐福陰陽爲炭天地爐赤堇莊

山呈九牧未聞躍冶驚匠師早已還丹馴雁鹿世

人愛古卽薄今貴耳所傳翻賤目繚廐羹敦縱可

欽廣衆何如真者獨古器猶如上古人不問人古

皆靈淑共驩苗繇產自唐豈有馨香賡遺躅祀於

泗水臨汾陰枉用自欺非此族 聖朝誠信格神

人明良際會金鉉肅有耳聰能察譖言立脚安毋

覆公餗今鼎原堪驗治平僞儒枉說先王服詩禮

從來發塚資圖書僅可供星卜能識時務惟英豪

學可迪今乃免曲功名倘欲銘鼎彝幸勿貌古欺

顏俗

射熊行

車旣攻馬旣同太平 天子親射熊神威震疊猛

獸陷一矢突發穿臍胸我聞春蒐之典傳自古設

苗蓬生宜講武是用烝徒建旄旌非關擇肉登樽

俎虎圈鷹坊錯雜陳芻蕘者往雉兔馴暴物旣殄

產瑞物定翔鸞鸞游麒麟君不見周家渭水濱漢

苑長楊春垂綸不遇姜尚父當檻空勞馮美人

桐城公甌幕遇武林邵叙階上舍蔣筠村明

經常山王立亭孝廉遂城徐左黃文學各

樓庭詩藁

卷七

士

系以詩

梅花同嚼沁冰心攜待春歸聽好音記得傳柑賞

令節新詩直抵萬黃金 邵叙階有謝桐城公賜柑詩最工首聯卽邵句

相逢九陌討春忙忽把君詩感悼亡無數黃鸝盡

鳴咽似驚花落滿池塘 蔣筠村時新悼亡

清園會咏碧琅玕雪夜王猷興易闌不向春官探

消息短衣袴褶事征鞍 王立亭余於五年前曾爲題修竹圖

毓麟猶憶誌公摩重挹清標玉樹柯不諱老夫爲

粵吏回頭二十六年多 徐左黃尊甫爲先甫宰遂城特故吏考滿選會稽尉

余親見左黃溫祿中今喜其成立左黃不諱前事故及之

桐城公裏事

帝精蒙 賜御鞭紀賀

昔讀耜田賦洪縻在帝手三推卽舍旃庶人助終
畝未聞勞聖躬執鞭驅牛走我 皇重農事青壇
集千耦絲勝間雲韶田歌互于唱 叶 親握寶香鞭
驅之紺轅右是時蟬冕集奉璋垂組綬方叔實元
老和邕會錫卣分職來甸郊炯晃夜光剖精田賦
似夜光
荆璞 帝曰予汝嘉此鞭爲汝有聞 命似警咨

對揚再拜受一鞭風雨調再鞭民物阜情者鞭使
勤薄者鞭使厚磨鈍礪俗資厥義惟是取子孫堂

樸庭詩藁

卷七

三

構成高曾規矩守走也蓬茅士竊視隨野叟甘讓
祖生先羞居一元後硯田日以枯偃卧柳生肘縱
執晏嬰鞭未滌嵇康垢自知七不堪難推五與九
行且返躬耕長與鹿麋友回頭笑甯戚徒將牛角
扣

齊次風少宗伯因墮馬成疾告歸終養長歌

以贈其行

昔聞折臂出三公晉代會傳羊叔子自誇非瓦跌
不傷宋時復稱石學士世惟醉者其天全其餘墮
馬類多死侍郎經歲值 內廷暮歸騎馬馬忽驚

翻鞍落地腦流髓依稀魂魄歸幽冥蒙古大夫創
醫法握谷椎頭箍幾匝渾如鍊石補天庭呼痛一
聲醒魔魔萬死一生生意微五官偏仄聰明違扶
病上書得 溫旨乞身暫許依慈幃時屈仲春新
水漲采蘭詩共驪歌唱乘船亦似乘馬危慎勿蒲
帆輕一放我聞天台之峯高挿天勸君莫陟山之
顛不敢毀傷孝經義作朕肱股虞書篇海內蒼生
皆繫望還朝他日非衰年

上谷薇省翼勤齋桂竹桐城公手植也余爲
多方培養桂枯竹榮感賦二絕

樸庭詩藁

卷七

古

金鷄無復影森森玉宇淒涼月殿陰我是秋風淪
落客撫殘枯樹一驚心

恰與蕭郎鬪兩叢鐵鈎鎖格畫難工當牕留得清
風在好遣平安報衛公

同恒月坡方伯登了髻山

雙螺並挽翠雲堆風磴盤旋景象開紫氣遙環天
闕落青峰疊擁薊門來松欒梳掠微經雨石髮蓼
影細點苔縱使丁壬當厄令陸渾不與並成灰時

頂

三關四鎮護幽燕聞說張堪有稻田俗昧穿渠誰

闕地時無擁篲枉談天官屯碁布消殘壘泰谷春
同起瑞烟玉筍青蓮題詠在風流長憶幸官賢邑
令家半淞先生了髻山詩
駢枝排玉筍並蒂湧青蓮

輓萬初

今歲長安道偏教會面難余每入京必臨循初今春以君客梁相府不得
見一死生從此隔涕淚幾時乾賦冷梁園雪香摧楚
澤蘭定文思敬禮泉路浩漫漫

十行書並下四庫秘窮探燈影留青簡星芒散碧
潭子推嗟有母伯道竟無男造物誠何意微茫不
可參

樓庭詩彙

卷七

五

輓張雪北

東林禍幸免清流西蜀重嗟遇百憂死後竟成三
不平生前盍咏四宜休忘情未必如原壤辨語誰
能救杜侯苦憶郵亭曾惜別錦江花落子規愁

故關

建瓴陡下俯雄關一線回盤夾兩山城據峰頭旗
颭日人行礮底馬啣環燕郊從此通門戶蜀道方
堪關險艱百載承平消戰伐直將坦道視孱顏

韓淮陰破趙人多以李左車獻策爲之危殊
不知軍令以武安爲政淮陰已早料其惟

自用矣成擒之云謙詞也偶行井陘道中
賦此

未有凶門不蹈危淮陰拔幟策真奇但能逆料陳
餘定李左車原枉費辭

南天門

閭闔排風近空青跌蕩開身疑生羽翼山盡失崔
巍北向雄三晉南樞列上台老羅當路守狐兔一
齊迴

晉陽懷古

龍虎那須及父兄河邊殺癪亦崢嶸癡豈有貽

樓庭詩彙

卷七

六

謀善巷陌徒傳訕笑聲一樣情騰天帝醉幾番割
據北朝爭無愁遺曲誰堪譜零落殘燈鏡殿明
重關表裏壯山河符剖唐公王氣多纔醉晉陽裴
監酒已傳河北李花歌賤貧翻足資奇策微歛先
教助倒戈勝負非關形勢利錦帆自愛涉風波
飛渡黃河席捲來孤城失助易摧頽兼金空費名
藩帑碎玉難酬義士哀江明樊維藩
禦城被圍殺三立祠高臣
節在九邊烽偃敵旗開當年枉煞周忠武還效疆
場戰一聞

題岑東江秋泛圖

莫認井州作故鄉
蛤蜊米夢橫塘
愁人最是屬
舟月繞著蘆花
便似霜
草長鶯飛柳
颯絲相逢
又是麗春時
都將楚客悲
涼句換作邱生錦繡詞

樓庭詩稿卷七終

樓庭詩集

卷七

七

樓庭詩集卷八

會稽 吳煥文 璞存

郭有道墓

濁世名高竟保身
千秋墓道尚如新
雲連槐影埋殘碣
雨打梨花憶墊巾
聰雅何曾諳隱逸
馨香耐可秩明禋
平生矜式牛醫子
厨顧紛紛擬不倫

題朱浣桐方伯出塞圖

圖爲作宰
秦中時作

漢家初設邊防計
欲使匈奴斷右臂
燉煌一帶扼要衝
烽火常收戰場利
我朝文德敷遠方
澤及析支兼扶桑
齋爾西陲忽梗動
天威赫怒弓矢

樓庭詩集

卷八

一

張鄂爾多斯黃河繞百隊
貔貅屯戍早白晝書生
最少年指顧風雲扶蛇鳥
王師不戰屈寇兵紫
濛赤狄皆行成撫柔急草
受降檄翻使韜鈴未著
名還君此圖多嘆息
定遠難封枉投筆一夜平沙
萬幕收祁連月落誰橫笛

多筮洲廉使自創新法用汾水釀酒色香味

俱佳飲而善之贈名多酒詩不云乎君子

有酒旨且多旨可名酒多獨不可名酒乎

器潔泉清釀自宜不同下若較醇醪問名自合呼

多酒入座用麴秀如何可少詩真一更超坡老法

重三還稱景升厄習家池畔兒童笑曾見山公倒
接羅

題多笠洲廉使喜雨圖

晉陽城外山田多恒滋天澤生嘉禾五日十日倘
不雨農夫血淚傾滂沱歲紀上章月建午早既太
甚乾天河曝巫焚炷竟罔驗寨幃茹素徒奔波或
云南門重閉北門啟江都遺法無差訛或云應龍
之狀可取肖偷湫雖戲有曰科廉使多公獨不爾
惟將精意通飛梭出囚解繫克明允甘雨立應仁
風和連朝濯注既霑足四野但聞秧馬歌隨車自

橫庭詩藁

卷八

二

見躍黑蜨濯枝豈爲矚蒼鷺行人泥潭轉歡喜馬
蹏雖滑猶能馱臨淵擊汰激紋皺似欲集網求鱉
鮓公從何處繪此景得無冒雨田邨過爲公載廣
進公爵掀髯一笑朱顏酡

輓厲樊榭

風月夢西湖忽傳喪樊榭禮失叔孫通冠亡杜子
夏維君性高曠萬卷耽枕藉張邵少宦情何周愛
禪舍常以妙明心理厭清淨課君讀詩妙明心
餘事就詩人幽微超元化亦復事倚聲古樂府之
亞却笑柳屯田僅堪會手帕著述富等身丹黃展

盈座客館小玲瓏一枝閒可借聞釵忽破戒白髮
悲花謝不學豹養內漫遭鵬視夜海山兜率天茫
茫孰稅駕

商賈意司馬有悼亡姬環娘四律同人和之
麗情綺語又墮一重公案老人不能也依
韻指點俾作偈語觀

參昂寒芒墜月邊玉釵敲斷竟難連鴛衾霜冷誰
爲抱魚鑰風嚴夜不眠雙槩渡頭渾似夢三生石
上更何年休嫌楚些淒涼甚聽到蟲聲亦可憐

五雲小謫一座差優鉢徒開頃刻花飛乳化城難

橫庭詩藁

卷八

三

哺穀姬以產亡嬰亦隨殤嚮身空谷本無家兩肩慙障消禪
定十念薪傳轉法華悟徹前因功德在原從示笑
活僧伽

過眼韶華落杏冥幾番覽鏡髮星星千條越網絲
空結半面徐娘鬼最靈君先有悼徐姬詩紅粉黃泉堪作

伴青衫白傳慣曾經傷心不及重栽柳解放長枝
繫短亭

何處相逢絕代人豔歌麗質恐非真雖云出峽能
爲雨豈有凌波忽化塵一種情深偏結愛萬難心
死總緣身寒灰欲向東皇約玉瑄消聲莫動春

黃素堂觀察五十初度以朱竹垞老人井田

硯爲介爰賦長句以代報詞

造化韞奇石長壽端溪潛璞尤純堅義取諸井琢
成硯水木滋氣耘書田厥名製自竹垞老銘云水而風田
之容耕不結鄰曾與相周旋曝書亭前八萬卷丹
黃甲乙勞磨研伏勝傳經歲九十三食脉望誇神
仙我來晉陽攜作伴汲深繙短瓶徒牽黃公秉節
蒞茲土勞農勸相操經權剛中更具教養德心如
止水澄波漩春秋恰符大衍數菖蒲九節開華筵
鄙人進介乏長物用以此硯申寅虔從來石交能

樸庭詩藁

卷八

四

耐久况取井養無枯偏此硯在公猶在我无得无
失何推遷祝公並受明王福有收勿幕孚涓涓汾
水春波足灌溉黃河秋信防淪漣仁人利物不改
邑會看萬井詩豐年

半舫

半舫輕從巨浪浮但憑忠信且夷猶長年振柁頻
相慰羅刹奔沙尚挾讐禍福知從前數定行藏底
事替人愁可憐枉唱公無渡險入鼉鼉窟宅游
欵乃聲中帶越吟乍疑風便返山陰羈孤還傍張
融宅清冷如披宋玉襟失火殃連魚在沼開籠誰

放鳥歸林不隨輕薄成翻覆河水清堪鑒此心

陸青來見過卽次謝酒原韻

濕雲濃霧曉難開剝啄曾無舊雨來舉舉江南重
見子滔滔天下孰憐才桐枝乍折無鸞集艾葉如
張有雉媒向後升沉何足計是非都付掌中盃

附青來

閃日梯雲晚未開平頭解事挈壺來絕交擬廣
朱公論排難會無魯仲才自昔城門防失火至
今鳩鳥恐能媒相期九陌春風裏竹葉重傾話
舊盃

樸庭詩藁

卷八

五

和兒子璜夏日書感四律原韻

選二

南湖放棹幾經過細雨如塵水似羅只合隱淪尋
角里枉將奏記托常何懽騰抵酌黃公酒哀怨疑
聞子夜歌驢券偶書成鑄錯六州聚鐵不須多
借得疎陰覆短楫閒中歲月豈無情幸完卯不隨
巢毀欲看花宜策馬行嵐氣朝開初旭動書聲夜
微暝禽驚空庭賸有雲和瑟期爾揮絃奏太平
病鷄

曉籌聲怯報牕前無復雄心超距先貪向短垣棲
宛轉詩經毛傳鑿癩從明鏡舞蹁躑主人飲啄思

徒厚瘦骨摧殘德自全指日占星災眚赦北齊書天鵝星有赦淮南奮翼共昇仙

別半舫

半舫齋中半載留也應容我散離憂情深翻幸輕分手屋小渾忘易打頭更也敢言君子過悲哉忽遇大夫秋開花落實看都遍豆架瓜棚一例收初時瓜豆甫甲坼今且抱蔓落其矣

馮清輔枉顧

經歲羈孤歎苦辛塊然也覺自嫌身親朋遠別無多字患難相看有幾人渺渺烟波愁北渚年年風

橫庭詩藁

卷八

六

月負東隣毀車殺馬從今始好向汀洲采白蘋

餉馮巨源魚

三月桃花浪始生游魚無碍若空行網羅不道人間密離却清凉溉金烹

楊柳飛綿芍藥殘年來春興漸闌珊舊盟惟有閒鷗鷺好向溪頭把釣竿

商賈意誤得余應京兆試信自楚中以詩見

懷不知尚羈晉陽也依韻酬答

席帽衝風願已虛三門那及暴腮魚好花誰向忙中看華髮都從病後疎大抵有爲皆幻相欲於無

始悟真如惟君知我明通意不寄尋常問訊書

身在重簾淺夢中落英飛絮總成空王孫未免懷芳草馬勃偏收入藥籠休賦鄒陽梁苑酒還披宋玉楚臺風香城望遠情千里命駕何由類捲蓬

晚泊安州懷前牧董帷園

一州大如斗秋水涵淨淥圓沙圍荻蘆斜陽聚鷗鷺海氣軒然來清冷肌生粟渺渺錦雲亭詩人此出牧

盧雅雨巖使席上賞菊

際眼秋光分外明晚香堂畔日初晴知公自有鹽

橫庭詩藁

卷八

七

梅手好向齋厨試菊羹

司馬溫公詩鹽梅試菊羹

融融冶冶數枝芳裂葉風高暮色蒼不是東坡能好客人間那得小重陽

古硯歌爲查敬亭賦

古硯一相傳爲方雄飛舊物敬亭得之珍同拱壁余楓溪朱梧巢有記有詩屬余繼作硯傍粘五銖錢四枚入土久金石相麗斑駁可愛余詩欲以偏師取勝勸挾去之乃故作狡獪語非確論也

古原遺硯埋鷗鷺神明潛見相扶持缺唇翁與不

傳死此硯歷久尤瑰奇查君嗜古具癖性物聚所
好乃得之質潤紋細形製古苔侵土蝕歲月移紫
雲碎割落平地黑蛟尺屈蟠汗池摩挲不釋起長
歎凡物遇合惟其時想當烟波魚釣暇結隣晨夕
長自隨名高未獲一第貴石原頑鈍將奚爲磨穿
遠遜柔翰鐵脫出應愧毛穎雖處土星占動天聽
一生枯槁已可悲硯今本是不利器云胡珍重逾
尊榮榮華撇眼抹電過千秋論定名長垂却嫌附
著阿堵物毋乃銅臭留癡病生活大可笑阿六快
見汝面真頑癡繞床夷甫自輕婦諧價崔烈曾譏

樓庭詩莢

卷八

八

兒亟須利刃抉剔去庶免璞玉生瑕疵此語勿使
錢神知恐笑持論吳生卑

盧雅雨巖使席上聞歌

車子笳音散碧虛雙丸小髻十三餘座中獨有繁
休伯聽遍梁州總不如
璿瑜畫暖百花殘恰恰雛鶯繞畫闌屢喚奈何無
計遣劇憐春色霧中看
折柳楊琴咽管絃碎琴燕市總徒然清宵一曲釣
天夢可許人間記得全

題余荆帆楓溪垂釣圖

袞袞紅塵擾夢喧却從圖裏聽潺湲釣名釣國非
吾志佳水佳山認本元五洩雲連蘭渚路三春花
滿葦蘿村垂竿多少關心事欲覓樵夫對坐論

槐黃時候牆東一樹無花對之有感

羣槐競作花此樹獨閒寂嬾不逐人忙相對無顏
色豈其病蝨餘抑或遭閭厄非有斧斤傷柯幹猶
繁殖諒哉地氣殊未成市與陌絕少琴書遊安得
蓓蕾坼我欲倩花神綠章達帝側爲施雨露恩還
用栽培力火速報花開毋勞羯鼓擊願逐淳于生
赴大槐安國

樓庭詩莢

卷八

九

牆東槐忽開花長句志喜呈盧雅雨巖使

牆東忽報數枝黃竟逐秋風一倒忙花放敢誇詩
有力月明惟覺夢生涼如聞絲竹鏗鏘奏好與雲
龍上下翔幸藉連朝天澤降平生嘉蔭德難忘
都下晤商寶意轉漕自楚來以詩稿見贈
海內論詩品君推第一人蒨蘭三楚客車馬九衢
塵懷抱窮逾曠交情老更親風潮輕利涉珍重苦
吟身

伏檻行

淒水盈肆畜一老馬相傳爲明相國廐中

物以調良稱相國歿後老歸鹽坂益四十
餘年矣眇一目步履蹶然每至曠野輒有
騷騰氣慨余哀其遇爲作此詩

巨馬河邊秋作客沙捲蓬飛氣蕭瑟夜卧忽聞羣
馬嘶中有老驥悲伏櫪此驥生當壯盛年雙瞳夾
鏡馳連錢食粟會歸明相府銀鞵玉勒黃金羈兩
時華廐千匹馬相國視之如土苴賞愛深時駭馭
專沙隄緩步矜瀟灑豈知世事閱滄桑紫陌紅塵
墮渺茫毛骨催殘皮肉瘦甘從鹽坂駕駟梁忽經
曠野隨飛騎驤首猶存千里志霜蹄電閃雲滿身
樓庭詩藁 卷八 十

贈榆園主人劉世綿

我聞天上景歷歷種白榆不謂塵寰中有榆千百
株劉君本天人高隱城東隅築園擬獨樂愛與林
泉俱生壙築園側欲學司空圖春風三月天笑錢
滿徑鋪守此不貪寶柔絲交扶疎行年過古稀鶴
立清而瘦黃果熟一夢君乃三夢餘堂名是醒還

是夢四顧曰如如伊余耽市隱與君性頗符傾蓋
在一言授几陳千壺人生若浮萍聚散惟斯須卽
景不爲樂負此幽人居但恐占德里或煩太史書

祖士雅祠

著鞭想見勇驅馳往事蒼涼賸古祠修墓有人知
感德勤身自守待乘時尚交心白蘇同叔代將功
隙戴若思未復中原空擊楫千秋俎豆有餘悲
妖星落後陣雲黃典午從茲氣不昌假使豫州無
刺史更誰建業佐興王化龍江上歌騶駿巨馬河
邊帶礪長亂世英雄何處覓夜深一出問南塘

樓庭詩藁

卷八

十一

雪後望龍灣雲溪諸山

羣山如高人偃蹇但寒卧晴雪開霽顏皎潔不可
浣龍灣龍勢蟠雲溪雲影過東野與昌黎相逐迭
酬和我欲著屐遊踏此瓊瑤破作佩乏黃符還恐
遭跌蹉頭白好歸來一曲惟懷賀

曉胡稚威二首

不圖天竟失斯人草木何心更向春驅使風雲歸
浩劫掃除露電聲前因忌才詎必尤魘魅搖筆原
堪泣鬼神惡業惜無成佛果祇將鴻烈作傳薪
蒲坂蕭蕭絳帳懸空閭外史有遺編青山雖好難

埋骨白眼何人更看天友爲治喪韓吏部君爲蒲州刺史
周西擊聘修郡志掌教書兒能繼志小斜川輅車
院役後刺史經紀其喪
南下知何日愁聽春江泣杜鵑

輓道圓上人

飄然公竟返西方回首東林便渺茫鐘警遠聲晨
夢覺燈殘癰影夜禪涼因緣十二初成果彌戾三
千欲掃糠抗手何年相接引便教著力也無妨
巨馬河邊見髑髏一具告榆園主人命工瘞
之紀以詩

髑髏說南華埋髑見月令樂如南面王暴露何足
樸庭詩藁 卷八 十一

病螻蟻與鳥鳶上下任相競旁觀胡好事乃以一
坏贈我行巨馬河偶上東岡磴俯首見枯骸惻然
視不正亟往告榆園呼僮荷鍾柄淺土爲瘞埋庶
使遊魂定吁嗟繁何人生前曷名姓爾身何所歸
惟戴斯頭刺魂今縱有靈相對恐難認我頭類子
羽屢責不能聽爾頭類知伯飲器何由淨兩頭異
死生均是一懸磬狂走如有失驚疑起對鏡勇如
孫伯符亦被妖魔勝可知頭是贅祇合棄泥濘此
舉似無名乞隣譏宣聖細思乃不然惻隱感斯應
人以同類親尤足見善性莊語雜謔言惠心補仁

政是日禮大士蓮花降誕慶好從聞思修共礪勤
苦行佛力具圓通航海離陷穽千手與千目旛幢
互輝映皈依復皈依投體作禮竟回首問榆園頭
頭道可證

留別榆園主人

每過城東訪隱仙幾番風信艷陽天銷魂不待看
花去邀勒春寒怨閨年
低柳高榆曲遠村芳膠一石醉留髡雲溪水峪無
多戀第一難忘是此園

謝查敬亭贈龍井雨茶川東坡和蔣夔寄茶

樸庭詩藁

卷八

三

韻

我生性結雲山緣巖樓谷飲差安便渴羌嗜茶勝
嗜酒世間百味無芳鮮穆陀樹蔭結寮社常以活
火烹流泉一從北遊苦墮落乳花香泛奚由圓寶
硯主人風雅藪有如滄溟赴百川北海清尊無俗
客西園飛蓋開瓊筵綠華白露閒闌茗何必麤羹
方流涎贈我兩前自龍井芽槍不用銅盆研雙盞
梳掠報春起獨迂鄉夢懷當年新詩兩幅瀉珠玉
一般風味誰爭先憶昨爲君題古硯旁五銖粘
漢錢清風習習生兩腋不如十萬求腰纏詩能窮

人茶困客那堪水火長熬煎與君握槊快呼酪
廬去謁左右賢毀譽悉隨時俗好士貧者鄙女富
妍作詩謝君君一笑苦口藥石相磨鐫

贈余楓溪疊用東坡和蔣夔寄茶韻

與君氣味真前緣愛君腹笥誇便更有嗜好兩
相合腐腸不用羅羶鮮爾時客游在上谷爲我遠
汲一畝泉煮茗清談輒竟日一規好月當窻圓雜
陳尊徽愛評品法物悉足供山川蟹殼牛毛辨子
細宣瓷漢鼎羅几筵巧偷豪奪吾豈敢不暇啓齒
惟垂涎別君忽忽十六載合并又得同切研新詩

懷庭詩藁

卷八

古

幾卷手相示氣格直溯長慶年吟壇廟壘壓元白
中原逐鹿應爭先臧穀書亡惜三篋阮孚囊溢留
一錢祇餘文字債未了春蠶絲吐長糾纏伊余獲
落爲世棄本非膏明猶自煎歸燕急求門戶宿翻
飛遑擇誰家賢緇衣化盡不歸去畫圖孤負春山
妍何時楓溪洗礪石附君姓氏同相鐫

慰平師杏下第並以錄別

落地閒花本有聲春風刀箭不勝情三年楮葉虛
良匠十樣蠻牋讓阿兄令兄確齋聽雨殘更人易
醉游仙寶枕夢難成挑燈且讀前朝史五岳胸中

近已平時有咏史諸作

題陸雲谷方塘坐月圖

明月不在天亦復不在水惟君懷抱中瑩然金波
委空林夜氣清獨坐泰妙理柴桑無絃琴恰同此
畫旨

秋日同商寶意張梨谷周掌卿遊近園

驅車言出遊愛此城西路中有幽人莊十畝同白
傳繞畦竹數竿當池花一樹是日天氣佳登臨發
遐顧水落訝帆低林疎覺秋暮空廊不見人壞壁
徒留句惆悵黃公壇徘徊不能去謂蓮坡循初二亡友

懷庭詩藁

卷八

圭

津門精舍送商寶意赴粵中刺史任卽次留

別四首原韻

三選

借得僧寮住一旬浮萍暫聚在河濱悲秋搖落偏
聞雁作郡椰掄但送人竿木逢場聊自戲菩提成
佛莫生嗔羅浮此去如天上草色應迷夢裏身
沈寥氣色望南天籬下黃花漸欲然他歷風霜矜
晚節力驅瘴癘記初年清聲先到還珠浦野老遙
迎載鶴船今日炎方成樂土入瀧愛聽水郵傳
花殘陀利泣春寒鳥墮危巢恨夜闌余去秋悼亡今夏失仲子
鐘鼓偏生當響歎膏粱祇合讓人餐別離情緒當

中道解脫因緣是大難我欲言歸常戴笠不隨貢
禹學彈冠

冬日讌集查敬亭疊石山房分韻

得天字

短日倍堪惜山房花尚妍雁橫秋水渡楓落夕陽
天感逝難成賦飛觴且學仙劇知愁易老絲竹況
中年

董帷園使君聞余喪仲子寄白金爲賻賦此

奉謝

老淚西河滴欲枯離羣誰復過規吾一流銀外情
偏重千里書來信可孚翻覆雨雲成薄俗淒涼風

樸庭詩集

卷八

六

雪正羈孤舊游多少簪裾客不見鴻飛到直沽

題雪舫上人黃山八圖

黃山天下奇深雲竊松徑壁立千萬峯圓繞芙蓉
柄雪公普門裔八圖出禪定筆墨與煙霞烘皴雨
難認山靈入夢言饒舌何足病未圖有夢山峯見
讓所畫未盡之暇
萬法總歸一說八已無證教關識垢還於義亦多
賸太白望未窮龍翰記莫竟李白有望黃山詩吳
龍翰始作遊黃山記
來者更紛紛劖刻增山病何須覩圖經夜靜聞清
磬

詠物八首

選四

敝帚

離披猶用享千金那許塵埃得亂侵天上彗星原
有角人間茗草豈無心失時肯倚將軍重擁尸難
教貴介欽未便竟同帷蓋棄掃除一室尚堪任

折鐺

支向牕前火力微廟中欹器想依稀安身祇覺禪
功淺覆餗應慚相業非入耳松風猶謾謾來蘭
雪尚霏霏蛇憐夔足真多事鑿齒春秋要息機

殘燈

焰光垂盡影幢幢風滿書帷雨暗窻好夢不隨仙

樸庭詩集

卷八

七

枕去寒灰難遏壯心降淡如落月情猶戀清伴孤
鐘響待撞且喜陽鳥將奮翅祥輝八表湧空江

零箋

零落桃花舊粉痕情長種種細休論夢回筆策寒
催賦人去琵琶畫掩門裴几芸窻閒共檢書南研
北幾經緇年來剡曲藤垂盡製就文章厭冗繁

題戴實夫聽鶯圖

柳是黃鶯宅無聲亦可聽和風初宛宛春氣冥冥
冥此際真宜酒披圖不願醒剡溪清夜雪何日一

揚舲

題汪西顥奉萱圖爲其母夫人顧八十壽

時藿蕤荷繞故閨安仁只愛賦閒居嫌他未種忘
憂草枉向熙春奉板輿

不繪瑤池集衆仙春暉百種自芳妍黃荳鸕鷀無
由見爲問詩人沈石田

題顧香霞墨芍藥

殷春風雨多瞿曇面無色階下數枝殘奈此銷魂
別

哭朱浣桐方伯

驚傳凶耗信還疑回憶河汾永訣時患難生前同

樸庭詩藁

卷八

下

泣對文章泉下結心知金鷄星黯占空赦玉樹風

號聽益悲

謂詰詞畫圖

自恨無由親執紼魂歸驚水莫
教遲

樸庭詩藁卷八終

樸庭詩藁卷九

會稽 吳淪文 璞存

人日和商寶意客冬寄壽五十詩原韻

自慚皺面憶觀河多謝良朋遠琢磨羸博久傷吳
季子錦機空悔竇連波分符善政惟君最伏櫪雄
心奈老何但得丹砂爐火熟離離去日未嫌多
衰年塗抹不相宜只合沈淪訪賴箕身似妙香憐
我瘦心如明鏡照人疲竹鳴嶰谷三分管桐斷龍
門百尺枝人日草堂無一事酬君細學達夫詩

題顧子揚秋水歸帆圖送陳對鷗由維揚還

樸庭詩藁

卷九

一

武林四律

秋色望中遠片帆天際張送君還故里衰柳滿橫
塘日月成睽隔鬚眉惜老蒼客行何所樂吾亦厭
殊方

山館小玲瓏維揚老寓公

令兄授衣客維揚馬氏小玲瓏山館最久聯

床風雨約對面語音同明月二分好聖湖千里通

暫留非滯迹絕異浣花東

神妙滄洲筆銷現在畫圖三秋感搖落尺幅渺江

湖豪氣除難盡遙山澹欲無別餘時展玩有夢到

西沽

落落星初散茫茫天四垂名緣長客損道以傍人
卑代馬空嘶櫪吳鉤贈向誰芙蓉如可採我欲問
江湄

和唐再可陪虞山相國憶園賞海棠原韻

清和天氣佳海棠美而艷借歌相府蓮芳宴雜腥
爛風雨日計調陰陽時若驗珠履皆上賓青袍柳
汁染酌多狂不妨醉吐茵可占香霏滿翹材寧容
野人覘蕭寺亦有花芳名自收歛時余讀書法源寺海棠盛開
閉戶夜禪初月光浮欲灑我友忽欸扉人如玉無
玷勝會劇口誇好句虛懷歉我心如寒灰因君動

樸庭詩藁

卷九

二

一念休璉望漳濱何日償逋欠

董帷園使君以潞紬湖穎見貽賦謝

捉襟慙說病原思脫穎難逢國士知遠謝故人相
問訊頓教蕭寺慰孤羈合歡擬作鴛鴦被異彩揮
成蛺蝶詩投筆幾時能釋褐君家三策是吾師

賀周石帆學士納姬次符葯林韻

名香百和夜深含好作同功上箔蠶應笑香山垂
老別欲翻貝葉住精藍

銅街十二駕鈿車蠟炬迎來髻影斜定向筵前親

捧硯吟成先飲玉蓮花用楊廉夫事

青鳥頻傳信不稀瑣牕深處朔風微從今紅燭修
書夜寒怯應添半臂衣

宮漏沈沈曉箭催蛾眉班傾集瀛臺退朝誰似金
門隱却嬖長陵宛若來

題朱清江司馬引泉築室圖

八桂岩壑搜雲根半廬卜築桑麻村王黃合筆寫
幽景圖爲董字存司空錢稼軒閣學合筆展圖如欸臨水門一官涼
州久倦志拋却組綬歸田園仕則懸魚與瘞鹿退
毋怨鶴兼驚猿晏嬰裘敝還典質子荆室美惟籬
樊無官身輕有子足不就迎養嫌囂煩平生頗見

樸庭詩藁

卷九

三

要人面此日惟樂田父言峒花矧鳥悅耳目重崖
密箐成屏藩披襟兀坐覲道妙沿波澄碧窮其源
吁嗟世人競馳逐墮入五濁徒昏昏此身位置無
一可太暗傷魄明傷魂何如公也早恬退家山深
處尋本元我家鏡湖霜月曉畫船簫鼓羅雞豚一
從作客類萍梗舊遊莫憶苔磯痕秋風何日理歸
棹清泉一曲環茅軒尋思此語真大誤細流那得
同潺湲蒼茫對此自獨立烟雲明滅扶桑暝

飲

平確齋庶常新栽蕉竹偕姚礪圃毛又梁過

夏日皆苦炎美蔭思林木九衢室鱗比隙地難狎
卜主人愛蕭閒別有幽居築破除一餅金買得數
竿竹清風來故人去彼酷吏酷其旁植紅蕉窈窕
出新沐百卉類締交和裏迺爲福却笑沈休文相
彈何太促矯若翔鸞鳳翩如集蝙蝠詎以霄壤懸
而馳雲龍逐掩映軒牕涼連卷眉宇綠卽景紀嘉
占三人來不速

姚礪圃於秋賦駁放後寄慰次韻答之

休從卜肆問君平半載空居舍衛城

余讀書法天源寺半載

以文章償慧業人無福澤不科名數枝霜妥秋花

樓庭詩藁

卷九

四

影一盞燈連夜雨聲慚愧瓊瑤相慰藉轉將刀劍
觸心兵

題顧禹拜聽泉圖

不願因人熱林深獨聽泉雲岩濺乳竇風磴戛琴
絃禪意聲聞淨吟身徒倚偏誰知杜陵老友冷欲
裝綿

寒食飲東軒

郭遶青山客念家本難虛度況天涯時逢冷節偏
能熱酒遇賢人不用賒一縷新烟紫柳色數枝殘
雪對梅花高齋攬取春光好却勝青郊走鈿車

寶硯齋賞花分咏得桃花

榆莢成錢柳拂絲露叢還綻小桃枝流鶯似向風
前喚起取嬌紅撲酒卮

玉山壇坫屬君家每到芳時賞物華僂指河豚將
上市當筵更向老饕誇

雨後過范花館看梨花

數枝帶雨易銷魂綃帳重重澹有痕如此倚闌真
寂寞幾回同夢致溫存人逢寒食偏傷別春在豪
家正掩門婁絕玉簫秦駙馬翠微宮殿又黃昏

題吳山雲起圖送汪劍輝南歸

樓庭詩藁

卷九

五

一峯天霽鬢出沐白毫石龕吐猶伏對此令我念
鄉曲桃花潭水千尺深踏歌歌罷鮮賞音天下何
人如綠林君子途次遇盜翻用唐李涉句翻手覆手焉足數是邦
洵美非吾土歸逐飛雲宿江浦

咏白榴花次莊蝶園韻

比似蛾眉只淡描村連白馬遠蕭蕭白馬村榴花極盛石

材自潔何勞赭玉性宜寒不受燒明月東山攜素
手謝安石妓名明月念奴北里卸紅綃炎歊相對心涼甚

底用青蓮暑始銷

玉霄三素澹無分仙去飄然自出羣丹竈燭光飛

作雪丹六轉名飛雪丹白紗裙摺縐生紋當年漢
簫史取塗弄玉面簫史取塗弄玉面
使虛乘浪何日青娥竟化雲却美漆園花底卧夢
隨粉蝶逐南薰

和張越堂種竹詩

高士性虛中癖愛惟修竹小巷拓數弓館舍不須
卜牆陰有隙地厥土類淇澳餅金買幾竿雅鋤斷
一角綠苞初放梢清風頓免俗連朝愁霖雨霉黧
到琴筑引領望晨曦惟恐雲興岳而今翻畏晴矛
盾自相觸天公實難爲人情易反覆我願君所居
益之以霖霖門外俱杲杲勿使泥塗辱直待籜龍

橫庭詩藁

卷九

六

成光輝遍陽谷

查敬亭招同金質夫高薑田集懷園賞荷花

分韻得針

千章夏木勢槎枒石磴風廊曲曲遮最愛新荷香
出水如逢初日爛蒸霞碧筒齊向筵前泛白幘從
教醉後斜何似南皮文讌會清泉沈李更浮瓜

題高心友蓮葉硯

碧天如水紫雲涼心淨微聞翰墨香昨向蓮花沾
上過清風吹墮到中箱

澄泥總不染汙泥絕似田田碧葉齊有恨無情誰

領取多年磨洗認濂溪硯爲周七峯舊物
高君書法師顏柳兩手從教硯必雙期爾更尋松
化石灣登萬斛瀉三江

周敬夫設帳王宅別業招飲同人

戶牖初從別構新時方新開齋門借用北史儒林傳中語綠陰平繞
絳紗春譚經舍近烏衣巷載酒車逢白頭人風過
藤床清似水雲生石硯淨無塵翻思明聖湖邊路
放鶴呼猿索隱淪

送朱梧巢歸禾中

懷家亭接相家湖歸去帆懸十幅蒲雲路何心追

橫庭詩藁

卷九

七

燕爵煙波依舊狎鷗鳬東生詩有蘭堪采李氏園
無橋可奴斜照一灣鴉數點分明寫出小長蘆

謝陳琴齋明府惠酒

此邦名酒苦難遇過於趙璧奚從求形神久隔喉
吻燥馳車途遇無涎流名爲先生實烏有穆生不
去徒懷遠陳侯愛我同嗜好亟遣從事來青州盈
盈兩甌兄及弟昔何離索今綢繆麻姑近過蔡經
宅范蠡遙泛西施舟一滄酒一紹酒速呼燒鑪具杯酌黃
封初拆香浮浮一飲千鍾徑洪醉醉鄉儘足供遨
遊方今西師普告捷天顏有喜朝王侯飲至策

勳權動地三軍大饗椎黃牛萬載無疆休恤備敷
天黎庶同歌謳當此太平不痛飲洋洋孤負河醪
投况復連朝喜得雨綏德政通明幽農夫慶野
商慶市賽神秬鬯供尊占還決西江活涸鮒猪肝
口腹聊淹留杜陵歡顏庇廣廈白傅宏願衣大裘
陳侯此舉畧相似醇意入胃忘羈愁狂吟豪飲連
日夕空庭暑退風颼颼

中秋前一日查敬亭餉酒卽用謝陳琴齋明
府酒韻

自昔醇醪比交誼同聲相應同氣求寶硯主人性

橫庭詩藁

卷九

八

愛客清尊座上延名流米氏齋薰披翰墨郇公厨
潔羅珍羞南金東箭遠可致道同何必拘方州憶
昨津門初稅駕輒從文讌相綢繆篆水樓頭雲樹
古帆檣歷歷多行舟彷彿江湖理歸棹宅疑泛泛
家浮浮余楓陳對諸君作鯨吸醉鄉闖入逍遙遊
人生適志無不可奚須萬戶斷封侯沉酣河朔會
易散南北動如風馬牛歸帆秋水杳無際時對鷗
初南歸
餞祖枉用勞長謳吾儕所幸尚合併木桃瓊玖煩
相投中秋皓魄一輪滿清光皎皎通翳幽主人念
我久斷飲急遣銀鹿携雙占發函伸紙大盪嘍此

邦曾足以少留良宵顧影快獨酌如飢得食寒披
裘銀河萬里靜波浪著書豈盡由窮愁期君來歲
化蟾去臨風酌月清輝展

題嵩雲圖步三游仙省觀尊甫持三先生於

中州薇省次首並懷劉碩輔

嵩雲洛樹遠趨庭沽水俄分兩點萍別袂風迎堤
柳綠遙山酒對渚荷青椿齡六十猶加飯珠履三
千久聚鯖一語贈君勤記取夜涼休負客窗螢

昨歲春明大放顛海棠深院共談禪老僧彈指空

三昧公子相思又一年香滿淮南叢桂樹雲生硯

橫庭詩藁

卷九

九

北窗治箋繁臺自昔多嘉客酒綠燈紅沸管絃

重晤董帷園次見贈韻卽送之南遊越中

意外重相合歡然舊雨情黃花涼客夢紅葉墮秋
聲載酒江湖遠看雲組綬輕故鄉歸未得美爾鏡
中行

瘞鶴詩爲金芥舟作

仙客忽云徂青田悵寂寞殉以古瑤琴清徽杳難
作生不摧爲薪死乃附爲榔元黃孰與多瘞鶴銘
云曩以
元黃主人情不薄鶴稟金火精其壽不可度所以
之幣
丁令威千年感城郭胡爲遽奄化歸人偃巨壑毋

乃羈雲羅修翎困束縛雖蒙養恩未遂烟霄樂
何如支道林一任翔寥廓

送莊蝶園之山左

黯然去住此時分蒼莽寒空翦朔雲冀北何人能
相馬濟南名士總輸君綠楊城遠游春句君近有和盧雅雨雖使紅橋修禊詩絕佳白雪樓高絕代文時將主惟席有海鷗情不盡聽殘驪唱惜同羣

哭王弇山夫子次芝亭先生韻四首選二

重過東陽歲丙寅樓空望稼住經句徒搜外史青
編在未得中年絳帳親南國有棠歌咏久西州無

樸庵詩藁

卷九

十

淚往來頻而今重忍看佳傳遙奠渚沱酒數巡丙寅歲應聘修冀州志重過師南宮舊治爲作傳有奉懷詩南宮古東陽地望稼著樓名

授經圖在憶當時老樸空庭綠晝遲每道風雲能

會合誰知杖履絕追隨歸田平子寧無賦結社耆

英定有詩漫信仁人多獲壽吾師偏未到期頤畢

師札有思異日重侍函丈仁者必壽此願易償等語爲師所賞

晤李坤四

斯王克敵事模糊鼓瑟湘靈句有無老去才人長

入幕晤來蕉葉繪成圖君有蕉園夢破圖歌飄子夜新詞

曲讀填詞數種淚灑黃公舊酒壚謂浣桐方伯今日重逢真

似夢角聲吹月上漂榆

桐城公咏棉花詩徵和爲賦五古一篇

花木利用均收效在落實落實仍稱花維棉異衆
植無勞條桑求詎比蜀皮織紡績類葛蔴繭繅勝
絲帛弓彈鏗作聲杼絡細分脉尤與貧人宜儉費
供刀尺雖非羅綺華常服總無數煌煌桐城公經
綸資擘畫賦性愛斯花栽培出大力吟咏有佳篇
玩賞少寒色蘆花與柳絮漫空應避匿寓意良復
深至誠多所格安得天雨棉遍煖卧灰客

讀姚南青編修謝人贈茶詩戲用山谷韻題

樸庵詩藁

卷九

十一

其後

名茶無過小龍團涪翁會饋晁無咎視如圭璧誠
暗投勸以飲此勿飲酒姚公平生薄滋味肯爲猪
肝累拜受何來地主遣長鬚玉乳金芽列座右却
之不能取莫酬小擘雲藍吟一首示我翻陳意出
新直與涪翁稱尚友我惜好詩轉暗投恐使神奇
化腐臭嬌施魚見且深潛炳蔚獸驚每却走不聞
拙稿敬璧還斯語近傳秋谷叟

和莊蝶園見懷元韻却寄

枉將青鏡惜流年舊物偷存子敬鹽陶令停雲還

憶友客兒慧業不生天關門愁對簾長冷走馬驚
看花欲然慚愧塵根未淨願同一水話因緣

輓余楓溪曾爲題楓溪垂釣圖

廿載論交識髣髴晨星零落見遺圖楓林青黑魂
來去溪水浮沈釣有無坎壈難消馮衍恨伶仃誰
恤陸生孤囊中剩得詩千首盡是鮫人淚泣珠

謝楊苑仙寫贈梅花

我家山水鄉梅花繞屋樹一從染縑塵寒香杳何
處鷓鴣集深林蓬蒿滿僑寓故人知我心爲寫通
仙句疎影自橫斜霜禽暗來去愛君骨相清與梅

橫庭詩藁

卷九

三

同稟賦如自貌其真濃淡無差誤懸諸雪壁間相
對通誠悃何須憶西溪宛若經元墓離離夢欲醒
渺渺愁誰訴疑有叩門人月落參橫度

除夕前三日謝查敬亭以雨茶滄酒冰鮮饋

歲

崢嶸歲宴每思鄉細揀銀絲自煮湯彷彿西湖風
雪夜一甌遙薦水仙王

手撒丹砂剝粒多釀成清酒釀滄波麻姑城卽仙
壇路沈醉其如背癢何

衛河柳細上冰魚網得千條玉不如白小較他還

覺小漫誇風俗當園蔬

獻歲風光猶待臘故交氣味已如春自慚馬齒頻
加長口腹何堪更累人

小江潭除夕

客居竈北接牆東歲宴何心去送窮縱少中丞周
杜甫且教靈照對龐公數番貝葉真堪玩隔世椒
盤已屬空更漏漸稀時漸泰東華初日現瞳矐

查恂叔太守從粵西寄蘭蓀詩索題冊爲賦

古風一篇

凡花有因皆有果惟蘭榮落難具論猗猗空谷千

橫庭詩藁

卷九

三

百本未易一二生芳蓀王者之香古所貴物以罕
見彌稱尊太平太守清且勁郡齋卉木成籬援山
中不聞寄萌竹野畔時見拔薤根愛滋九畹手自
植古琴獨操祛羈煩維花有燭維實遂厥由茂沃
培本源循陔采采潔羞膳白雲一髮縈晨昏作詩
紀瑞拂素紙萬里遠寄來津門君之好詩若蘭氣
同心臭味真忘言椒聊榴房何足擬合掌功德歸
金靈願同蓮花經並誦因緣十二吾能翻

顧凝安卜居小江潭爲余舊寓過訪不值留

題齋壁

飄搖兩點共萍浮小向江潭卜築幽愧我誅茅非
宋玉爲君看竹似王猷雲間近對東西廨與令兄蘭齋隣
近沽口遙分南北舟回憶段橋殘雪好興來滿壁
畫滄洲

金芥舟性愛鶴有客自揚州歸携一鶴爲贈

索詩紀事

芥舟耿介士性癖愛介鳥有客來揚州打門驚絕
倒開籠出陰羽麗質含風皎珍逾錫百朋快若游
三島檢將異書啣給之瓊蕊飽謂此真吾子萬事
迹如掃長安游俠兒鶴鶉入懷抱起鬪逞雄心狂

樸庭詩藁

卷九

古

奔塗破腦亦有臂縈鷹長呼掣林表風毛雨血場
健翮擊凡鳥君乃嗜好殊離羣不能擾摧翎翬拘
攣獻舞定媚好露警喉寒空漠漠霜天曉

除夕哭劉雪柯舅氏

赴壑歸蛇庇視蠶今年除夕景難堪罡風忽圯靈
光殿別夢空懷老學菴東國傳經虛伏勝西州無
淚灑羊曇去來不作絲毫掛彌勒原宜共一龕

樸庭詩藁卷九終

樸庭詩藁卷十

會稽 吳煥文 璞存

津門曉發將之建興

此去胡爲者紅亭覺黯然空愁青玉案誰賦白駒
篇沽水魚難食行山馬可前譬諸行脚衲舍衛且
隨緣

大王莊

是日微雪早宿

繁華回望斷籬落自成莊小雪留行客雄風失大
王鐸聲林靜歇帘影水浮颺美爾閒鷗鷺吾生爲
底忙

樸庭詩藁

卷十

一

王官屯

昔年青草送牛眠喬木於今已蔚然不信山川能
作語要知衰旺總由天史公偶叙陶朱術漢代羣
推卜式賢鳥澈螢飛俱幻相東風合散沈郎錢

滄州

香名久識麻姑酒偶向麻姑城外過不與行人賒
一盞丹砂空漾水微波

蓮鎮

昔年信宿地陳迹半模糊絃誦隣東魯帆檣集北
吳十圍驚老柳一望惜平蕪不見瀾園叟臨風鳥

獨呼

德州

斜日陵州渡驅車有所思杜亭無往蹟董子有遺
祠春水魚爭上昏林鳥下遲香風吹墨露閒意寬
青旗

修武

昔賢棲隱處林竹尚猗猗逸韻足千古沉酣知幾
時水流琴調澁風送笛聲悲爲問軒裳客堪容白
眼窺

清河

樓庭詩藁

卷十

二

遶郭河流萬古清甘陵遺恨迥難平亡身元不傷
明哲衰世偏多出俊英驚驚生逢羅網密松筠節
守雪霜貞傷心更有蝗螭錄豈獨同文獄易成

贈懷莊主人姓衛名自修字克己

太行深處卜菟裘鄉里羣推馬少游世外功名蠲
兩角林間奴婢橘千頭板輿花圃供歡笑玉軸書
倉細校讐春及祇愁閒不得較量晴雨到西疇

游硤石山青蓮寺

頭頭止見山初入疑無路行脚屬前猛曲折乃畢
赴精進毋憚遙仄徑鮮窘步怪峰高插雲寒氣慘

集霧小松掛層崖五粒紛無數天光見不多悉爲
險阻據最後得石門安隱遂平度豁然淨界開如
迷忽頓悟當陽結精藍紺碧輝雲樹蜂房綴千寮
虎牙磔四怖中有青芙蓉附萼玲瓏具何年天風
吹墮此冷然御其麓遶丹泉危磯激吼怒遠公擲
筆臺流傳母乃悞匡廬真面目名同實難附摩詰
本無言涅槃底用注殘僧如猿狖但知拾橡糲禪
理誰與談勝境我幸遇咄哉賽社人競登珏山去

望珏山

雙峰雲際竦峻嶒控鶴遙看紫氣凝螺黛長分丫

樓庭詩藁

卷十

三

角髻蟾精偶吐一輪冰中秋夕月出適當兩峰缺處賽傳簫鼓
空中落泓入琵琶雨後澄丹水逕山麓祇恐山靈
迴俗駕不隨村叟曳枯藤

省窵谷

欄珊銅簇土花痕深谷猶驚戰士魂四十萬身齊
抱痛杜郵一劍豈酬冤

寒食後同衛克己秦敬齋至錦溪看杏花

輕紅初見出牆頭別有霞光遠處浮共着芒鞋尋
陌上亂披碎錦罩溪流四圍山色晴烘日十里簫
聲醉倚樓爲報吾家子華道春深已引蝶來游唐吳

融杏花詩春淺
香寒蝶未游

題王遜齋小照

書百城竹千戶一身兼真樂土此君合產瀟湘濱
此地忽致疑無因珍重蕭郎兩叢筆鐵鈞鎖絡琅
玕身行年七十惜寸晷手執一編探宛委瓊笈圖
歸董仲舒黃衣牒授劉中壘望斷南天咏籜枝清
風林下好鬚眉莫教夜半烹牀簀且斫青光寫楚
詞

衛克已邀同秦敬齋張蓀圃過懷莊賞梨花
酒闌度曲

懷庭詩藁

卷十

四

郊行不爲討春忙肯與梨花一洗粧逸少墓田依
丙舍莊在墓旁取雅詩有懷二人意謝家池館遠丁廊留歡惜少
溶溶月對影微聞淡淡香莫倚東風吹玉笛恐教
羈客頓思鄉

同張蓀圃訪秦敬齋留飲

磴磴城西一徑斜興來剝啄到君家留賓不作生
疎態設酒如開頃刻花雲氣沉山將致雨風光入
座爛蒸霞人間重見秦淮海流水孤村數點鴉
飲宿周柱天廣文齋中

夏淺風光轉勝春扶疎深處暫停輪澆腸不患無

醇酒一笑相迎見故人

鼓琴吹笛憶前游弟子都登十二樓一塢白雲高
卧冷桂花零落幾春秋庚午辛未余掌教三立書院周監院事距今八年諸生登科第者共十四人

長吟少陵長吟詩江渚翻鷗戲官橋帶柳陰賦詩歌句穩不免自長吟

堂名酬字字兼金此事書傭豈克任近日交情無
鄭亞幾人文筆似陳琳齊王門下空操瑟安道豪
家不鼓琴江渚官橋清絕處何如抱膝自長吟

題王持三明府出險圖并示周醒非別駕

錙鍾爐冶氣辭攸純鋼百鍊能爲柔人生沒齒處

懷庭詩藁

卷十

五

順境縱享厚福成庸流披圖一笑見二老似曾相
識還同憂羊腸鳥道良其背猩啼虎嘯驚回頭天
之玉成有深意習坎蒙難神彌道禍非已召免非
俸往不可諫來宜修不蹶險途蹶平地豈無談笑
生戈矛子丹還燕馬生角小白在菖矢射鉤剝復
相尋恒自警才經挫折乃愈優宜從小頓得大起
高步雲路垂勳猷胡爲垂老尚作客驅車歷說東
諸侯坐看飛蛾爭赴火指近事夜深簾幕垂青油彼
夢我夢豁然悟不吉不噩逍遙游還君此圖忽惆
悵我亦曾館西河留

已卯歲除回憶已巳此夕與瑣兒度歲信都

有依人原不爲長策有子還須課短檠句

今璜幸舉京兆因叠前韻

今夕真駐酌兕觥笑誇驛角已崢嶸回思十載悲

長缺不負三年對短檠鐵騎遠傳鏡吹曲時值西師凱旋

銅壺細數鼓樓更紫霜那白催雙鬢愛聽隣鷄又

一鳴

春日重過懷莊

洗粧無復鬪芳樽帶雨迷離掩淚痕誰唱劉郎春

怨句梨花滿院不開門

懷庭詩藁

卷十

六

題董帷園南游圖

橘柚忌踰北鯢鵬化圖南物情與地氣茫昧安可

忝江山分兩戒靈秀各蘊含一身期遍歷所願毋

乃貪董公三晉材未老抽朝簪忽作南國游峻險

窮搜探作爲奇麗詞玉屑霏清談詩中本有畫作

畫理益諧魏塘八尺絹皴染祛赭藍潑墨嬌董米

宛宛烟雲酣斯游真大快翫畫亦可耽我欲下轉

語爲君除其愁昌黎喜見蝎焦先卧若蠶樂事惟

故鄉底用勞趁趨伊余久作客華髮垂綦綦曰歸

尚未歸本元祇益慚山陰已無野老學豈有菴觀

此起根觸中心憂如快往來美雁臣健翻舉尚堪

答南游道人

此身如浮萍此心如飛絮萍隨流水無定時絮到

沾泥無覓處道人憐我守夜叉我樂長楚之無家

寸田惟上玉池水丈室空飄天女花春色昏昏青

帝醉蜂迷蝶戀橫陳睡隔牆耳忽聞釧聲當戶風

微透香氣休題桃葉擾六根速誦蓮華忝八意

袁西洛爲澤州前太守吾鄉朱鹿田先生重

客追話舊事作此贈之

冬秀亭空蔓草枯朱有冬秀亭詩集幾人韻事踵歐蘇風

懷庭詩藁

卷十

七

流尚見賢賓客泉石徒存好畫圖又有小山泉石圖小照

暮行山雲易散月明丹水影偏孤何由勝槩追牛

渚贏得青衫濕淚珠袁琵琶詩最爲太守擊節

我亦春風坐上人蓬飛砂走倦勞薪然明雖陋還

依晉蔡澤無聞漫入秦垂棘行來逢白壁長平事

往簇青燐與君岸幘閒懷古不獨山陽笛愴神

田退齋侍郎依園八景

我聞金鷺頂老人承露落秋香夜襲衣曠若登仙

樂移植來名園扶疎圍傑閣憑眺携八公細碎堆

千萼誰唱招隱篇清風響簷鐸幾桂閣

續紛紅紫叢縛茅補其隙旛影颺微颺芳信幾番
拆渾如百和香逆鼻忝消息啼鳥本無心落花寧
有迹且取晨露零研朱點周易亭衆香

修篁雄萬夫森立出塵表何可無此君渺然羣卉
小午風來徐徐夜月出皎皎碎玉復飾金總無俗
韻擾長嘯一登臺肉食者誰曉修碧臺

故家有喬木風霜歲月長青青獨也正森森澹然
涼未容穴螻蛄自足驕侯王低覆綠野堂共識平
泉莊工師定相求巨室需棟梁喬木軒

春芳半零落殿春彌有權蕃錦嬌艷陽翻畦濃若

橫庭詩藁

卷十

八

烟濤洎古所稱揚州近相傳爭及王屋種彷彿相

府蓮重徵金帶圍堂堂京兆田紅藥畦

數點天地心古香發霜磴傲骨不知寒枯禪初入

定剝復氣相循松柏節同勁粉蝶空見猜翠禽焉

用佞蘊真惟宴如明月空山徑香雪徑

一月爲千月千花總一花花飄方滿茵月高猶未

斜日以捏成幻手從散屢又非花亦非月井中疑

有蛇莫認闌扶影誤作優曇誇花月廊

青女費天工霜林綴紅葉似尋桃花源沿溪不用

楫載酒良復佳斜陽暎醉頰石徑偶停車平原方

縱獵丹砂好駐顏金珂休蹀躞晚楓林

秋日漫興四首

入秋無幾便清涼露潤桐陰月繞廊曉夢回甘親
布被夜吟易苦鬪寒蟬聲收氣自空三伏織女勞
偏報七襄不學柳州徒偃僂道惟用拙始能常
落葉蕭疎雨暗村客中愛懶只關門強酬文字如
債債閒課兒童當弄孫世味飽諸忘愠喜人情爛
熟耻攀援干將掛壁何勞吼未到延津氣不吞
本非排難仲連才肯學張君說楚來賦茅倘知朝
暮異斷輪不把疾徐裁詩書於我真紅友亭榭無

橫庭詩藁

卷一

九

人長綠苔一自旄邱驚見葛階前循步費疑猜

看人河漢泛銀槎誰訪成都賣卜家天昔生材俱

有用樹今着鐵竟無花朱弦彈罷空餘響白壁燒

殘本不瑕曾讀黃門秋興賦鴻鳴蟬嘒起吞嗟

天雄書院與張柏香院長話舊

四十年離索通家誼尚真絳紗青眼客紈綺白頭

人余少君十九年今將六十矣老蚌珠能出君今年七十奔蜂

蠅可馴不堪思往事祇益淚沾巾

世途多險仄吾意獨存真事業輸前輩功名付後

人結嗣少儀官順德司馬終年牛馬走何日鷺鷥馴

與爾尋崖壑攜筇戴葛巾

信宿大名示秦匡西

負笈從游士惟君迥軼倫一枝初擢桂百里卽臨
民花滿河陽縣名垂國士秦晉陽燈火夜念舊更
情親

重晤薛定山

惜別未云久重逢彌藹然如君真白璧吾道尚青
蘊水落漳河夜才高大業年臨池多妙墨好灑衍
波箋

輓周石帆

樓庭詩藁

卷十

十

老歷崎嶇本不宜使吳入蜀奉嵩祠簪毫修史花
迷目侍宴傳觴雪滿髭小至葭灰吹未動大還丹
竈冷徒悲歿于冬至後平生才捷如枚叔偏少觀濤已
病辭

輓嚴海珊

燈市喧闐避俗稀上元旅夜漏聲微庚午元夜在
上谷與明府
論詩清音曾擬聞鸞嘯拙宦真同退鷁飛青史前
達旦著明朝期共咏史雜咏白頭絕域痛難歸蘋花落盡若
溪冷枉向蠻天夢釣磯

輓周讓谷

三哀同賦愴離羣會同輓家驥調
張佩衣金聞石今日傷心又哭
君白髮高堂空鶴立黃頭弱息早芝焚一州遺愛
留棠蔭萬卷藏書走蠹芸傳說許昌行部暇禪壇
殘碣訪遺文

輓劉歷山

南亭別後竟銷魂舊夢前塵不可論選勝登山橫
紫翠山論文把酒惜黃昏雲霄一樣艱攀陟泉路
無端感歿存知爾壯懷酬未得乘鸞訣蕩欵天門
和盧雅雨觀察襲香軒前後並蒂芍葯詩

樓庭詩藁

卷十

十

載酒送迎要博玉川詩
生香宜點徐熙筆穠艷還徵謝朓吟從此揚州明
月夜玉簫聲裡結同心

飲王蘭泉舍人齋

舍人精禪理
爲瑣兒房師

清名夙重紫薇郎矯若雲間白鶴翔華省句曾傳
白傳酒樓忙慣失君房三千法界收歸鉢五九枝
譚笑舉觴苦藥黃華多妙悟獨容迎葉早升堂

冬筍三十韻

野性樂巖門隨方戀飲啄彈鋏無良謀聚鱗實寡
學維時歲在冬月魄已三朔佳味懷故園夢想良

已數竹萌何爲來一一輕可斷喙長鳴鵲雄皮存
虎豹駁謂此牛羊羣誰人髡其角亦豈滿栗形大
不盈一握急思清羹茅遂脫黃泥濯外如菜甲芟
內似蕉心剝初爲蝸旋廬終乃蟬蛻殼新鮮土銚
乾瑣屑鸞刀捉探指驗溫涼側身聽澆澆油油香
溢厨拂拂春生幄流涎如湧烟交筋疑攢漿喉乖
蘆酒潤齒藉松纖擢儼同太牢爭遑共晚菰較方
今昇平世草野恩膏渥時雨暘燠寒無厲災霜雹
津市通馳驅關梁簡征權遂令百物成肥饒遠曉
碩遂令百貨聚京畿達遼邈此物雖不貴空山勞

樸庭詩藁

卷一

三

瘴瘴夜雪三更深長鑊一時劇探驪得寶珠椎石
出英璞壓擔喧村農盈車載羸爆乃至上國通幾
忘野人樸我黨習寬閒飽食不自覺口腹差安便
形容費商摧作詩如美芹其詞愿而縻

太平鼓歌

太平鼓小不成鼓徑不容尺寸能劇以紙蒙之手
可拊大兒擊喧小兒舞此響不能高入雲又非聲
緩能遠聞但能春容太平事揚厲清和動天地近
者西北不用兵公家又無板築聲鼓皐鼓俱不
鳴太平無事安春耕季冬八蜡大勞息兒輩無能

食康食不可遠忘帝王力擊鼓高歌亦其職太平
無象無名言后夔典樂宣其原雅聲自有黃鐘與
太呂莫向雷門持布鼓

題符葯林農部病中吟

天許詩人暫得閒卧游如到好家山維摩示病元
無病中有元機透八關

人生四大本來空一任形骸土木同惟有靈臺如
止水不教瓦礫着當中

別經三載只須臾重與論詩病不孤我似枚生工
七發底須高掛朝川圖

樸庭詩藁

卷一

三

重過趙北口

烟波魚鳥尚依然感遇懷人一敏舫徵酒惟聞估
客樂彈箏空說想夫憐誰知鳴矢先鳴鏑轉讓生
駒後着鞭惆悵紅樓三十六零香落盡渚中蓮

楊道人鐵簫歌

八音厥分金與竹金作鏗鏘竹遜肉良工忽範鐵
作簫躍冶不聞從嶰谷道人何處購得之寶如紫
磨隨身攜形模奇古電光閃一聲嘹呶翔蛟螭惜
哉子淵不見此作賦猶能動天子鐵簫響未達明
堂仿佛聞吹吳市裏十年作客無知音明月當空

玉漏沉高樓已失鸞鳳侶處士徒存鐵石心倦游
整妮歸裝去鐵簫好作防身具恐似干將破恨飛
錦囊須囑殷勤護

榆園洗心亭追輓劉山人

扶疎古木繞亭邊太息劉綱已化仙到此自能祛
妄念與君死後有餘緣虛弦響急空驚雁遺蛻風
清欲化蟬省識後先同一盡何分成佛與生天
次答張紫峴見贈元韻卽以錄別

君莫怨爲客乾坤輕腐儒金寒虛躍冶玉韞本難
沽雷電雙龍合風霜一騎孤臨行維不得空賦食
樓庠詩集 卷十 西

苗駒

鴻飛遵渚遠顥氣滿秋旻縱酒渾忘夜看星畏及
晨市聲喧估客柳色悴離人寄語東坡老毋忘京
洛塵 謂伯氏甄齋
觀察宜出山

次張紫峴於方錦川明府席上食鮮元韻

茂先有雲仍賦性愛食鮮微實成新詩詞旨秀而
野口腹云累人吾謂非達者何如沉大綱閒觀東
津打鮮可潤胃腸俊能消癥瘕鱗宜白挺肥尾毋
餒變緒繙譜得嚴龜製需酒沾惹氣味兩相和真
堪酌大竿聞君昨登高馳騁醉墮馬揜莫空滿山

采菊徒盈把不若來魚魚相聚歌雅雅明府古釣
師鸕鷀原有社一官宰冰水臨淵口猶哆羊續厨
懸魚淳于言炙輠謂此無妨廉快論利鋒鏑用以
饗嘉賓卜夜燈花炮宛然湘漢演維舟荻蘆下倘
能波及臣謝帖研硃寫 右軍有累鮮
帖用朱書

方仰齋留飲出玩書畫

愛到名亭看遠峯一尊爲我坼黃封古槐偃蹇如
中酒秋柳蕭疎澹夕春玩畫直將身作馬評書欲
使筆猶龍高房山後無真賞對此雲生磊落胸

題潘南田竹爲方仰齋作

樓庠詩集

卷十

五

皓翁施鞭萬彙坼籜龍掉尾如蜥蜴誰識初萌玉
雪姿騰霄直上三千尺南田畫竹腕有神牕間夜
影能傳真蕭郎兩叢何足擬渭川千畝寧憂貧我
觀竹譜頻擊節森森此幅尤奇絕可憐竹筴人亦
亡長笛一聲山石裂方君寶此遺墨如湖州屬我
題詩在上頭我願方君養身同養竹不隨桃李驚
凡目迸根他日上干雲始信南田畫非俗

孟夏同盧楞柯張屏山游釜山

清和扇微風新綠滿巖岫招邀釜山游奇石堆衆
縹緲懷軒轅帝合符朝羣后蚩尤就擒戮力收競

奔走云云古龍湫玄宮滂乳寶華嶺縱莫連聲休
猶堪咒山僧古貌癯煮湯汲破甃掉尾吼松濤響
與茶鏘透優尋逆風聞寶網隙隙漏斯景良復佳
斯游不易觀事往數千年人能幾百壽行樂當及
時莫待鐘鳴候

次日游石龜山疊前韻

携筇足濟勝繼日遍羣岫路轉盡奇峰爛漫龜文
縞昂首瞻在前曳尾忽居后靳免釜中烹去向泥
中走登陟扼其背玲瓏滴崖竇山花潤不開擬學
劉綱咒尸室留雲屯洞門累瓦甃假名托洞天表

橫庭詩藁

卷十

六

裏未通透吾生本有涯悟道在無漏夢想游名山
何如賦既觀四靈以爲畜惟龜最長壽試取艾火
灼拂拭占卦候

郭隗故里

事主功高在薦賢何妨茅茹以身先風雲豈爲黃
金聚聲價元因白骨憐喬木邱陵俱逸矣粉榆里
社尚依然名成若盡能終始昌國當年不去燕

猴頭菜次汪繡林原韻

五侯之鯖不易得庾郎三九差堪儔清厨所賦惟
杞菊何來嘉菜名猴頭庖人賤視等瓦礫主翁珍

重同琳球目之以菌真大謬知希爲貴何足尤北
方嗜好在蕙薤如羊蕞蟻腥羶稠欲對酪漿談苦
茗直教臭味殊蕙薤君家副衡山產此多年不復
傾筐求忽從砂磧得鄉味未經適口先清眸吟哦
烹噉兩快絕樹雞筍脯俱悠悠咄哉坡公空解事
一生止識巢元修

同汪人瑞出長清門

聯轡秋郊外初陽塔影寒山迎人面近露踏馬蹏
乾風緊催黃葉鴻斜墮碧瀾生無搖落感對此轉
襟寬

橫庭詩藁

卷十

七

昇平橋茗飲

薄笨車行苦飢虛意倦征途方嫌逼窄橋忽遇昇
平野店留人住茅柴析茗烹一灣流水遶何處訪
雲英

有村叟郭姓者爲引登金山道路

幸讀春秋識郭公入山有路可能通杖藜指點金
銀氣只在危崖習坎中

登金山峴

人生不如猿上下崖壑能攀援人生不如虎獨占
山君莫敢侮我性夙耽泉石癖扶筇濟勝窮探歷

緇塵溷跡阻登臨多年不蠟行山展昨聞金山古
峴幽呼朋挈棹相邀遊丹楓白荻未搖落晶瑩天
氣方清秋前途導引得野老初歷陂陀漸深窅
衍逼窄踰數峯如蟻排行蛇曲繞一失足墮萬仞
淵呼吸危機難自保習于坎窞忽夷坦奇境天開
吾見罕斜張峭壁如布帆倒掛懸崖疑覆盆精藍
小築山之巔松聲泉響喧清濤滿崖野菊遍繚錦
白衣欲送柴桑陶幕天席地興未盡斜陽隱現當
林梢前山紫綠後山黑疑有木客空中嘯我友醉
欲別我僕恐欲逃惜哉寶山得入空手去讓與猿

樓唐詩集

卷十

太

啼虎嘯終歲住

宿石亭留贈姜瑞廷

荒郊日落向誰家十里簫聲一徑斜止宿已逢姜
白石但嫌未識馬塍花

輓陸雲谷

蕉葉凋殘冷壘池丹青無復醉淋漓誰於歿後求
遺跡苦憶生前接履茶每勸人歸偏久客君屢勸予南歸
幸從老去得佳兒荒墳衰草涼蛩咽似聽華亭鶴
唳悲

輓岑東江

遠道歸家賦悼亡東江以婦病自山左哀哉奉倩
蕭暮歸里相繼而歿竟神傷半生空作諸侯客垂老猶爲處士裝玉樹
庭前栽未茂金蠶地下卧同僵太原一別嗟雲散
從此音塵墮渺茫

輓劉禹言

槐市曾同逐隊忙竭來彈指七秋霜劉黃下第休
言命吳質工愁早悼亡我已無心爭獻璞君還翹
首聽吹簫以壬午秋賦下第逝世龍門未躍乘鸞去白玉樓
成待上梁

輓岑春江

樓唐詩集

卷十

九

入同硯席出聯鑪回首生前夢未遙十上公車慚
季子六經腹笥薄邊韶絳紗笙管如雲散紅袖騰
脂拂淚消幸有辨香歸小阮眠牛馴鹿到餘姚

牛角山

峭壁臨清流數疊開屏障奇形不在高斷骨疑巧
匠劈斧見皺痕呈態難具狀或如虹飲溪或如雪
飛浪一石蹲淵邊巍然絕依傍傳云墜自巔聲若
轟雷壯曷爲良其趾相離不連仗此說類飛來定
屬齊東誑嚴腰綴奇葩燦若流蘇帳云胡名牛角
繭栗詎同樣鷄鼠食難吞寧敢歌空放山田正待

犁盡不驅之上

壬午除夕蔣蓉龕侍御以端憂歸里道經涑

水方仰齋欵留度歲邀予話舊

酒波浮綠蠟花紅一夕相逢在歲終詩痛蓼莪辭

北闕蹊成桃李滿南宮璜兒爲侍御監第達官豈肯

輕言富下士由來例送窮古驛毘陵梅定放夜烏

啼白月明中

梁園詞賦重鄒枚風節崢嶸到柏臺訪舊還停千

里駕懷人祇益五君哀追悼胡稱威諸故友修蛇趨壑時難

挽老馬知途力易隨慚愧先生頻問訊夜深冰雪

樸庭詩藁

卷十

三

有誰來

附蓉龕

雪衣怕對荔枝花紅街鼓蕭寥夜向終落日殘冰

渡涑水東風芊草指吳宮素心又泥桑三宿薄

宦難祛鬼五窮珍重先生詩賦別恰教春在一

囊中

樸庭詩藁卷十終



樸庭詩藁十卷

編修吳璜
目家藏本

國朝吳煥文撰煥文字瑣存一字樸庭會稽籍山陰

人雍正中國子監生屢舉不第生平游歷一寄諸

吟咏前四卷其友人嚴遂成所選後六卷則晚年

所自訂也

孤石山房詩集六卷

〔清〕沈心撰

北京圖書館分館藏清乾隆刻本

附《四庫全書總目·孤石山房

詩集六卷》提要

余在翰林前後三十餘年
所交多海內賢俊栻園庶
使同館之尤相善者也栻
園与其兄房仲益以才名
著浙右以兩世皆海寧查
氏甥故能得初白先生之
序一
詩注栻園舉鴻詞科入史
館遷侍御史出為監司歷
河南山東按察使風節治
行与文章並著房仲則終
老不過而其意澹然無所
求唯吟咏自娛以抒寫其

胸中之所得生長吳越地
多佳山水又嘗南游嶺嶠
北游京師往來梁宋齊魯
間流覽所及與密親勝流
酌倡往復而欣愉悲感之
情亦多見於詩篇矣學博

序二

而才敏著述甚富其所遺
孤石山房詩草前經初白
查浦兩先生及歸愚沈宗
伯刪定錢塘桑垞甫吳江
家谷叟兩君子又酌去其
二三今之所存不及其半

而嗣君世燕復以前後閱
本屬余重為審定夫人子
之愛其親凡手澤之留遺
者雖隻字不忍沒也若夫
傳世行遠而不欲幾微之
憾則其事不敢以不慎顧

序三

查沈諸公之所持擇者既
當矣余之安能復有所加
損惟回憶當年與君家昆
弟晨夕過後飲酒賦詩以
為樂今房仲既歿而余與
株園皆老歸田里旅食於

四方死生聚散之感不能
不撫卷低回欲與耕園共
黍之而苦於會面之無由
也

乾隆三十二年歲次丁亥
十一月既望同學弟陳浩

序中

書於大梁書院之岳影齋



自我歸田後里中有學爲詩者謬推爲識途老
馬往往以所作過問沈子房仲其一也房仲爲
家少詹聲山外孫其尊人東隅挾其文才校書
內廷宦游海外詩名播寰宇有年矣房仲夙
稟庭訓研精經史絕無矜佩之習風氣日上自
是佳子弟課誦之餘作爲詩歌以抒寫其情性
么強孤詣不同凡響蓋自八詠而後代不乏人
淵源有自弓冶相仍我知其能世其家學也投
老窮鄉閉門謝客惟房仲時時載酒過蓬蒿之
徑相與抗論古今辨析疑義愛其胸有書卷含
英咀華宮商協奏皆至性實學所流露非世之
耳食拘墟者比邇年以來吾鄉文場吟社以無
房仲爲之握管操觚殊覺無色每一詩成人輒
傳寫而房仲亦不欲棄其少作彙錄成編出以
見示今讀房仲之詩雄厚者其氣雋永者其韵
超邁者其才沉摯者其學少年所詣如此探源

窮委充其所到不難步武香山凌轢蘇陸房仲
勉之顧以觀此日學詩之士不得不讓房仲出
一頭地矣我因是更有喜焉少詹風雅一脉已
得傳人借光輝於宅相豈獨能世其家學之足
美也哉噫老夫耄矣後生可畏憑軾寓目直欲
退避三舍乃房仲則以心香一瓣屬之顏唐廢
棄之人未免赧然也初白老人查慎行箋

昔謝師厚爲女擇壻見黃魯直詩而因以妻之
吾友盧六以曾舉其事以序沈子東隅之詩蓋
以東隅爲家少詹聲山玉潤少詹以詩名而東
隅無愧魯直也東隅之次子房仲資稟敏異善
讀書工吟咏承其家學人盡以斜川目之余伯
氏初白先生於後進從不輕借游揚者顧獨於
房仲之詩期其步武香山凌轢蘇陸愛其才而
勉於學意良深爾初白有孫女德性柔順心甚
愛之爲之擇壻也甚謹適房仲喪偶遂字爲繼
室房仲分本彌甥繼執弟子禮今復爲孫壻王
忱真後來之秀此舅此甥房仲由此當益進矣
一門父子爲吾家壻且皆以才學結姻婭兩姓
朱陳未聞傳此佳話其于師厚何多讓焉吾觀
魯直事親以孝持名節終其身非僅以文章表
見者言者心之聲也品誼於是乎可覩謝公因
詩而有以知魯直非止以能詩而擇爲壻也是

蓋有重於詩者房仲勉之其無負擇壻之意焉
今房仲以詩問序于余因爲述其姻婭之由而
亦以魯直儼之雍正丙午重陽後二日益睡翁
查嗣璽

仁和家房仲偕其弟椒園濡染庭訓少歲卽工
詩學後又遊初白查先生門先生以樂天東坡
務觀遺山諸家詩倡導後進經指授者每能攄
寫所得空諸纏縛而房仲所造尤矯然自鳴於
時今讀其孤石山房詩氣灝灝爾皦皦爾光
熊熊爾無塗抹摺摭傭耳剽目之習而亦不以
搜竒挾怪刻腎雕肝求表異於流俗視天地間
無結轆不可解之事卽無梗咽不可道之諱洵
能苞羅旁魄而一如其中之所欲出者已獨是
房仲與椒園並有成就椒園角藝推遜仲兄今
椒園入史館校秘書而房仲暴腮鍛羽仍困諸
生豈投時之術有工不工耶抑遇合有數人事
有不能自主者耶嘗見唐人之不遇者窮蹇憂
悲流露篇什往往歎雲英之未嫁悵歸燕之無
棲獨房仲意氣灑落惟勉其弟以事國而不憂
已之不遇讀其詩豈無得於中者而能然耶房

仲既有得於初白先生之學方且追樂天諸家而從之所謂辭達理舉者不至於是止也抑予聞古人之詩如采菊東籬池塘春草月照清淮蟬噪鳥鳴諸語每以風格神韻賞之善學樂天諸家者或當遇之意言之表乎諒亦初白先生所隱而未發者也茫茫九原惜無從進而問之

乾隆庚申閏六月歸愚德潛撰

孤石山房詩集目錄

卷一古今體詩一百五十首

卷二古今體詩一百二十九首

卷三古今體詩一百四十九首

卷四古今體詩一百一十一首

卷五古今體詩一百一十三首

卷六古今體詩八十七首

孤石山房詩集卷一

仁和 沈心 房仲

題齋壁

容膝審易安。懷居恐累土。心曠境亦寬。天地遽塵耳。坐穿白板榻。凭几烏皮几。生意豁襟期。花竹紛處所。浩歌送日月。焚膏綜經史。儒雅有真源。學力誠可恃。

種菜二首

芋栗收園稻築塲。又分餘力到村莊。慣聞好語年常熟。漸有生機地破荒。籬夾竹竿編眼小。錢裝木柄等身長。爲農兼學樊遲圃。拾礫誅茹鎮日忙。

孤石山房詩集卷一

疊石圍牆五畝餘。青菰白芥繞蟬廬。其然土甕和霜煮。草織蓑衣冒雨鋤。生相原非宜食肉。歸來何必歎無魚。鑿鹽穩稱貧家味。一飽粗營好讀書。

遊韜光山次陳勿齋韻

蘭若高凌萬木繁。六時梵唄倚諸天。明心妙證三生訣。元語閒偷半日緣。老屋墻低先得月。遙林葉盡不藏煙。我來此地殊無厭。况復詩僧似皎然。

寓法雲庵

棲遲何必定吾廬。借得僧房似卜居。仰訪溪花從舊酒。時分佛火共看書。枕同清夢鐘初起。塔占幽情草不除。

鼓棹西湖還有約。白蘇堤上柳疎疎。

遊永福寺二首

愛此一峯秀。何妨幾度遊。春寒連日雨。門徑似清秋。瀑急飛龍磴。烟昏鎖石樓。遠公寬酒禁。客客賞新筵。江海真無極。嵐光遠水城。雲松圍野色。風竹雜泉聲。疏筍皆禪味。香燈不世情。書窗曾許借。一榻梵音清。

小園

已辦幽居計。閒因懶更添。游魚沒深沼。喧鳥集平林。圖史慚儒術。簞瓢長道心。便堪成小隱。何用買山金。

秋夜懷山止上人

孤石山房詩集卷一

小病兼秋到。新涼入夜多。臨風一樽酒。茅屋耿天河。淨業藏邱壑。清遊憶薜蘿。永懷人不遠。桂樹小山阿。

新京

新京山雨後。谿館及初秋。細草踏還長。亂蛩啼不休。高歌答樵侶。清夢落漁舟。金井梧桐樹。西風一夜愁。

自題畫扇

橫拖山脚接亭臯。滿谷松翻萬頃濤。一夜西風秋水長。石橋南畔釣船高。

呂卿子過訪并訂遊妙山二首

先生傳者後。當代呂東萊。識面諸良覲。輸心歎異才。敝

廬依水側好友入秋來各話平生事燈前數舉杯
二妙亭猶在山捲風雨秋一從勝境無日不神遊
竹風千頃花雨半楊他時客借榻終擬作羊求

舍贈趙漁邨先生

蕭蕭鬚髮白相仍著述窮愁兩互增世講交深稱父執
文壇名重願師承饑驅江海如行脚樂在簞瓢美曲肱
十載中間多別思幾時尊酒話寒燈

同人西阡賞梅席上分體得五言長律以梅花二字限韻二首

曲徑穿山窟耽幽共探梅幾枝春脉脉一片雪皚皚香

孤石山房詩集卷一

三

冷通禪性林幽長鶴胎稜層存瘦骨兀傲不凡材高興
從茲發清歡未厭陪當風爲掃石坐月共傳杯酒喜閒
時置花迎好客開八仙成雅集今夜醉瑤臺

殷勤文字飲契託歲寒花老幹元章畫初春和靖家山
僧披素衲玉女掉香車霧散枝枝出水懸面面遮倚簫
聲不斷乘燭興逾踰直擬千巡醉難禁一笑譁繁華遠
塵俗冷澹作生涯欲去重看影林空月正斜

以菊送查浦先生枉詩見投次韻奉答

玉堂清夢幾星霜林下詩名老更狂敢以延年爲獻壽
今朝第七十重陽公年適符此故用司空表聖句

初白查浦兩先生邀看古杏山桂花予以病不起
椒園隨遊二首

趺取佳時載酒遊西風八月桂叢幽青山門健支筇竹
管領秋光兩白頭

好事從教羨阿連追陪几杖有清緣可怜多病維摩詰
無分來參鼻觀禪

移居龍山敬步 大人韻

莫是山村亦水村客來頻復欵柴門酒因近市提壺黃
經爲傳家插架存詩禮自知漸鯉對交遊應共仰鴻軒
郊居一賦人爭誦心跡雙清靜者論

孤石山房詩集卷一

四

次查浦先生梓樹橋新居韻四首

官府神仙現在身郊居朝隱總前因心存廊廟歸田晚
地愛林巒卜宅親三處高齋成去住先生祖業橫溪乙未踐致仕後僑居

武原半載今萬間廣廈抱艱辛東山絲竹酬初願終是
蒼生仰望人

秦隴三千待詔門花磚鈴索夢猶存青山入手長爲主

白髮盈頭只望孫作室情知皆肯構讀書例取不窺園
平原舊有東西屋野水橫橋黃葉村

入境何妨近市間別開三徑掩雙關揮毫絕似蘇和仲
得句新於庾子山策杖橋南行麥隴放舟舍北泛鷗灣

勸酬不以離居減酒盞詩筒日往還先生新居距橫溪三里然與初白先

生來往無期

官遊海外歎何遲家君修書武英殿入載今歲始得出宰粵東之文昌家計鷁

鷁尚一枝喬木業荒悲石漾謂外父宮詹公所居也宛虹溪轉繞

茆茨德隣仁里相依住藝苑文堂特許窺更喜靜安居

較近張籍移居靜安坊詩更喜在還相去近趨承時得仰規爲

爲山止上人題王麓臺司農畫二首

我愛韜光老尊宿蒲團竹杖一生閒此身剩住山如畫

何事還看畫裏山

不獨逃禪簪下春醉中證取眼前因右丞仙去支公健

五
本石山房詩集卷一

許作登山展畫人

題張愛樸鍊師小照二首

元洲精舍茅山上火浣壇前松樹寒我愛詩人張伯雨

一生高節隱黃冠

雲和草靜是丹邱應向神仙位業求骨相清臞人莫識

本來家世亦松遊

題椒園三弟書城圖三首

擁此真良計何論命達窮深林無俗客茆屋有松風興

託千秋表身藏萬卷中茫茫塵世濶此意幾人同

卯君天下士懷古道心生自得讀書樂全忘干祿榮畦

丁供藥品亭午飽藜羹幽事分閒課灌園空復情

谿山誰落筆能事虎頭癡武林顧餘冬補圖畫出幽居意人當

却掃時古桐韓子樹春草謝家池我亦杜門者論文相

與期

日離海研歌爲椒園作

美人愛鏡壯士劍書生結習殊相方得一佳硯足一世

寶之奚啻千璆琅叔也有研癖夙願今乃償文曰日離

海云是紫薇舊物傳南唐硯爲呂冰蓮先生物李建侯所琢一朝來几

案使我神超蓬島遊扶桑有如金雞唱天外赤鳥飛出

騰九芒照徑八十一萬里周行未到天中央吾家海隅

六
本石山房詩集卷一

幾茆屋朝朝夕汝魚龍鄉奇觀最是十月朔合璧之彩

升危岡眼中眩耀胸次豁幻影胡忽生文房人生一粟

寄滄海少年豪氣如朝陽管城卽墨並益友著書要等

君身長幽人貞吉介于石陽德方亨吾道昌後邨獲研詩應是窮

儒命漸亨會見光談長萬丈墨雲濤湧鵬翱翔

題伯舅纂修公洗桐園遺照二首

古來縈者米湯士元章自稱襄陽湯士誰爲繼之倪迂翁莫以高

風難再覩今朝又見洗梧桐

幾過西州淚幾回人琴每感此琴材畫圖容貌題詩手

認取何甥謝舅來

虎邱卽事

笙歌碧舫滿平湖強半年時舊酒徒一片畫樓遮忽斷
綠陰濃處有當壚

江行口占五首

一星燈火夜沉沉多少離思水樣深買斷江天篷底夢
僧鐘隔岸打鄉心

高枕看山不計程陰陰綠樹畫眉聲片雲欲雨猶未雨
天外一峯忽晚晴

石瀨沙稜小泊船合江亭畔釣臺前除詩卷外惟茶具
活火旋烹十九泉

孤石山房詩集卷一

七

遠峯超黛入虛無江裏扁舟泛玉壺最愛筍簍泉寓客
流傳一幅富春圖

半篙水急過篁步兩岸花香盡橘林却羨居民生計好
霜枝秋盡鑄黃金

土人多以種橘爲業蘇詩一點黃金種秋橘

桐廬道中

得來絕境愜幽尋路入桐谿境轉深幾處樹埋雲漠漠
兩邊嵐合氣陰陰斜陽影裏藏茅屋幽鳥聲中過石林
想像披裘人已杳客星終古照江心

貴溪道中

綠樹濛濛裏危流石勢分半帆風際雨幾碓水邊雲草

鴈牛雙卧苔磯鴨一羣晚來鄉思動漁唱不堪聞

安仁道中

望裏黃茆屋平陂聚一邨幾家江入戶昨夜雨翻盆遠
水斜通港高峯直到門此間堪避世風景似桃源

粵東懷古二首

星躔牛女鬱巒雲海錯山蟠槩不羣金鑑文章唐宰相
戈船勲業漢將軍端溪采研無休日合浦還珠有異聞
紫貝明犀修職貢澳門番舶集紛紛

長沙接境地雄饒方物相通約漢朝五嶺剖符來陸賈
三關遺策定任囂誰教左肅真龍並惟見高臺野鹿驕

孤石山房詩集卷一

八

伯業銷沉餘古塚鷓鴣聲急雨蕭蕭

重九日同人紫貝山登高二首

如此林巒面目真相攜尤喜盡交親題糕莫問劉郎意
節物天涯最感人

早晚相思意苦同謝池春草又秋風鄉關渺渺數行雁
極目吳雲一片中

卽事三首

縣齋習靜似雙林頗覺時閒長道心閉閣名香恬午睡
隔牆濃樹借秋陰豪吟蘇軾詩情好沈醉劉伶酒病侵
讀罷南華天欲晚竹窗塵淨綠苔深

墊巾行且學林宗出郭疎疎雨忽逢一水漁舸秋浦笛
半山蕭寺夕陽鐘荒郊雞唱占潮信野路牛歸認草踪
爲鹵沙田書未著擬將畊藝問卽農

沉沉永漏夜何其木榻蕭然角枕欹殘月半窺人夢杳
故園萬里雁書遲萍浮海外猶留跡桂放山中屢負期
不待幽虫吟慘切客懷早已入秋悲

紫雲庵

言登紫貝山來憇紫雲庵客悟三生意僧留半日談苦
鋪岩徑滑茗淪井泉甘庭下花無數初開優鉢曇

悼亡四首

八月二十六日接家信驚室人周氏于四月二十七日病亡卽東裝歸撫其棺

孤石山房詩集卷一

九

先馳詩哭之

身隔天涯愈覺悲鄉園輕別悔前期因緣有漏三年劫
訃信遙傳四月遲碧落茫茫人早去救樓渺渺昨猶思
玉溪恨事偏同感正及西風萬里時

謝絮閨房早擅名桃夭咏罷軫雞鳴宜家曲盡承歡意
入室從無交謫聲每累花鈿歸質庫恐難錦語望鰥生
從今織素加憐惜聊報當初未盡情

鯉庭道遠嶺南遊尺素書來悵隔秋聚首何時詩作讖
近接去冬信并見寄一絕云一片斜陽映小樓菜砧
南望思悠悠凭闌唱斷長干曲聚首何時不自由齊
眉無分案空留也應魂魄三生怨其奈恩情一勸酬不

獨撫懷嗟命薄那堪長簾獨含愁

常緣腰瘦劇憐余偕老猶期挽鹿車同是吹簫先跨鳳
會貽綉袋尚懸魚去年出門時以雙魚袋爲贈云願瓦君他日得佩金魚并寓此日之意

盆聲咽長歌外玉鏡光昏噩夢餘病已根深豎罔效待
歸相見却何如

白海安至河頭途中口號四首

老樹高表道路亂竹密擁卽莊欲訪酒壚不見重到茶
亭已荒

沙石鱗鱗水底筍輿激激澗中信是非舟非屋笑他住
岸張融

孤石山房詩集卷一

十

溪流一道兩道峯色千重萬重無處不青壁立有時忽

白雲封

三隻襪如行脚夜來彌勒同龕客音單煩馬殆禪心雪

北香南

蓮塘

竹外連坡矮屋欹平沙水漲浸疎籬幾多烟景閒卽落
好在青山欲暮時

閩江樓

架構殘岡上凭虛萬象收雲涵雙塔影波納百溪流絕
域通車馬危檐逼斗牛平生耽勝槩天際滯歸舟

鈴羊峽 端溪研石
卽產峽中

曉發端江湓岸濶波浩浩柁轉二十里入險怖黃帽石
稜插半天積翠淨於埽迴湍激砥柱挾風散飛滂峻坂
窮峇嶢幽壑瞰遂與靈蘊希世珍誰遣五丁鑿平生無
所嗜癖性惟硯好何當割真璞直瀉詞源倒

清遠峽

兩岸山勢合百尺江流深扁舟逆水入柔櫓力莫任天
劃一綫影風寂萬籟音日夕翠烟重氣冷危岩陰孤懷
愜絕境丹臺未披襟豈無餐霞侶仙踪渺難尋哀猿不
忍啼恐傷過客心

英德道中

孤石山房詩集卷一

十二

半驅斜照半帆風身在山屏水鏡中危峽萬人城久圯
尉佗築萬人城奇峯一幢畫難工機尊廟返秦時物烟
於湏山峽口雨樓名故國同何處鳴弦尋未得谷銘長被白雲籠
峯下元結有
谷銘刻石上

湏陽峽

出峽復入峽客路何嶮巖探幽心不厭習坎景乃奇一
壑環萬峯峯缺雲補之石攢覩兀突樹矯龍之而長嘯
林谷振獨往情性怡懷古友松喬悠然塵世遺崖巔結
茅屋默與山靈期

看山口占

江上晴光暖翠薰幾峯迴合幾峯分濛濛俄失峯無數
騰起樵夫腳底雲

芙蓉驛

萬里正阻修暗將歸路算古驛名芙蓉屈指尚未半津
梁力已疲雲樹望不斷西風吹客髮愁心曩同亂數卷
行笈書一發關吏嘆

晚泊亂石塘步山村口占

路自平疇入山從古木分屋圍千仞壁人占一窩雲閣
世耕稷樂全生鹿豕羣老翁多道氣莫是下田君

孤石山房詩集卷一

三

古榕歌

樹在韶州太守聽事前其
堂額則東坡先生所題也

千變萬化髯蘇筆劈窠額署政寶堂每逢名蹟必往看
古廳事下陰蒼蒼傳聞兩樹一切燒燼然獨峙猶靈光
赤日當空綠紛映密設翠幄庭東傍本根離奇石瘠立
枝幹怒發龍鬣張材大豈肯等樗櫟節勁奚必凌冰霜
此樹莫記誰手植勿剪勿伐如甘棠君不見八千大椿
歲春秋頌蒙莊又不見西江老樟在壽公稱豫章從來
故國重喬木况復粵海鎮蠻疆至今五馬托餘蔭清風
習習吹炎方此樹應有神靈護永與韶石遙相望我來
攀條感不已長歌一曲天蒼茫

夜泊鮎魚塘

薄暮林鳩啼不住，喚落荒江江上雨。
孤篷燈火客淒涼，泊近深山古佛宇。
高灘愁聽琴筑聲，顛風靈驗鈴語。
潮雞唱後始成眠，夢魂打破鐘一杵。

將至南雄

孤亭如笠過三楓，客子漂流類斷蓬。
江峽連檣蠻峒雨，關山一笛戍樓風。
硯磨石墨供詩筆，囊貯柳瓢當酒筒。
羨殺中流人自在，浮家泛宅有漁翁。

歸度大庾嶺

梅花恰趁北枝開，好記征鞍又一回。
危立雲霄千嶂頂，孤石山房詩集卷一

三

遠窮烟瘴百蠻來，寒泉界破松陰暗。
古木橫攢猿嘯哀，說與行人休感慨。
凌高便是望鄉臺。

贛縣道中

路入虔州境，危灘處處多。
漁家集沙瀨，樵徑隔烟蘿。
旗表江神社，箏調估客歌。
晚來聞犬吠，茅屋隱岩阿。

儲潭廟

停榜青山曲，江流折一支。
平陂成小聚，斷岸立荒祠。
灘殷酬神鼓，碑殘禱雨詞。
千秋裴刺史，遺愛起人思。

廟有唐裴弘緒碑刻

夜泊西風坳

一片青林外，沿緣路忽斜。
雲收千嶂日，水落半湖沙。
戍鼓驚鴻陣，漁燈隔荻花。
荒江何處泊，岸曲有人家。

淨名庵

松籟從空起，高岩曉霧開。
聞鐘尋路入，踏葉過山來。
蒼翠峯千疊，清甘茗一杯。
塔前盡頑石，誰上講經臺。

衢州橋枝詞

試剖金苞自在嘗，土人誇勝洞庭霜。
買栽會使千頭熟，直抵城南八百桑。

蘭溪

敗蘆隔岸盡沙洲，畫裏江城山上樓。
半賣名花半賣酒，孤石山房詩集卷一

古

居人生計儘風流

游吼山三首 并序

距紹興城東南三十里，許有吼山。劉韋玉治具招同其姪雲子、周戒鄰往游，低蓬出郭，明波遠岫，歷歷如畫。旣至舟，從石洞中入深潭，峭壁幽邃，奇險巖高十餘丈，上結茆亭，崖曲有佛廬，依岩臨水，屋數十楹，爲有明陶歌庵。先生別業當門，有山頂皆碧石，其態若渌雲，行空光彩，陸離所謂雲石也。圓嶠方壺，非身可到。際此奇境，不啻登仙矣。同游數人，倒屣暢飲，扣舷狂歌，爲歡竟日。山水朋友之樂，人生豈能多得。卽席

賦此以記勝遊時丙午二月初六日也

越取朝南暮北風沿緣一棹路疑窮牢看梵宇懸崖置

幽比仇池古穴通席上烟霞傾鑒落壺中天地闢鴻濛

佛螺青旋神魚躍

潭中魚皆長丈餘

一鏡光明幻影空

勝概名人占此鄉來尋石簣讀書堂日留樹影明頽閣

風遞雲濤響曲廊久付打鐘僧看守頻容携榼客徜徉

劫灰不少前朝跡至竟陶家徑未荒

最好風光二月時帽簷斜插幾花枝梅移素壁珍王冕

相傳王元章畫墨梅于某僧舍壁歌

庵先生命工人以板夾取置齋中雲矗奇峯貌郭熙

郭河陽畫石等是酒徒狂各恕爲探詩境返因遲曾經

孤石山房詩集卷一

五

遊處成吾有歸欲誇人意太癡

椒園探梅西溪愛其地樸民淳有卜居意賦詩堅

之

幽境低篷擬共尋舊盟久負愧初心

放翁詩我與梅花有舊盟萬株

齊放花如海幾徑旋通竹滿林在世擇居先避俗有山

可占不妨深清溪容我同垂釣須買門前幾樹陰

過袁浦劉丈尹匡見餽盤餐

澗流方滾滾是水到河渾橘枳初疑化風沙勿復論指

恰游子動心感丈人尊除却淮陰下難叨一飯恩

王家營跨驢

水程已過千餘里此去京華路尚遙自挾愁心身早瘦
非關脾肉據鞍消

渡鄭州

忽蘸清流照眼明水鄉人起水鄉情可堪回首江南路

碧舫青簾鏡裏行

家稱莊兄查文木表弟及余今年皆三十初度重

九前一日查東齋表兄椒園弟治具見壽席上感

賦

久雨積暝晦三徑荒蓬蒿朝來見霽色始覺秋氣高近

局爲治具云非預題糕三人皆丁丑同是兄弟曹合飲

孤石山房詩集卷一

七

以爲壽庶免厨娘勞近市集茅舍雜坐如漁舸更番傳

鑿落勢若轉桔槔紅淚見燭跋白波卷酒濤倚醉憶往

夢驢券不可操兩年脚萬里百事首一搔光陰去冉冉

併作中煎熬曷貴及時樂尚欠左手螯撫塵期耐久奇

鋒各深韜願言舊朋好勿爲世故撓菊插花滿鬢酒傾

痕漬袍佳會更明日橐筆賦凌鸞

宋傅亮有九日登凌鸞賦

重九日查履旋招陪初白查浦兩先生及東齋樽

莊椒園尖山登高飲潮神廟卽席分賦三首

匝月愁霖日掩關預留脚力待登山兩峯特拔波濤外

萬象全歸咫尺間境在吾鄉誇絕勝人於此日喜俱閒

從遊一笑風吹帽十里何須計往還

層層芒屨躡殘虹坐愛危亭面面應隔嶂霧收仍列嶂

遠帆潮上直通江餐英莫問花開幾江總九日詩故鄉籬下菊今日發北

開門健從知杖策雙畢竟奇觀胸次濶尾閭欲吸入酩

缸

橫空地軸勢孤懸古意蒼茫夕照前屨氣會聞噓大海

記沙彌雁行忽斷豁高天佩萸節物憐風日浮芥生涯

感瘴烟爲念東坡老居士歸耘決計是明年東坡海外九日詩此

樂負不朽明年我歸耘

夜飲妙果山成鏡軒二首

孤石山房詩集卷一

絕頂無多地禪家屋打頭牆低緣樹礙山遠共雲浮快

飲連三日清狂趁九秋尊前胡不樂一醉且相謀

已過題糕節翻成中酒時野蟬經蛻早寒菊慣開遲肯

效唐衢哭深知宋玉悲清光吾敢負踏月返茅茨

椒園生子詩以賀之四首

喜氣先知動老親宦游今已脫風塵遠書先報歸田樂

一事含飴已有人

難得慈親笑口開實爰添勸壽筵杯中五色條條線

又爲孫縫綉襦來今年屆慈親六十壽辰膝下添孫九足志喜

第二雛爲第一雛石麟頂待誌公摩未妨伸隻還珠手

來歲看提印與戈

替眼時光便長成魯愚爭似願聰明垂髫我已憐嬌女

粗識之無亦慰情

禽言八首

得過且過世間富貴人幾個食粗衣破幸免寒餓得過

且過

出門既窮途亦多如何如何行不得哥哥

一日經幾日絡村婦嬾無功作焉用蠶絲一百箔

提壺提壺杖頭有錢酒須沽終日奔忙胡爲乎

魚潛于淵鴻遵于渚身牽逆旅日添愁緒不如歸去

孤石山房詩集卷一

種田歲歲熟農家萬事足火速買犢一犁梅雨及時播

穀

門有橫木墻有版築安居便是福未雨綢繆亟蓋屋

無米作食饑火燒兒莫啼號隣家婆餅焦

曉過太湖

仙人浮玉之北堂七十二峯遙相望翠巖窈窕變雲態

白波浩渺摩天光龍威藏書不可訪龜蒙遊蹟今何方

一帆風信漁歌裏獨酌船頭倚夕陽

夜泊松陵

一雨花朝過連旬見月難如何清影好偏在異鄉看岸

岸排魚網家家養鴨闌鄰船數聲笛吹徹水風寒

三月十二日亡妻除帛作此告之二首

秋折偏賢美梅宛陵悼亡詩看盡人閒婦無如美且賢追思林下風命嗟吾

再娶性幸汝相同卽此魂應慰哀哉恨不窮幾多揮泪

語幽感若爲通

聰明因汝育舉室愛嬌兒拭眼方知哭捫懷愈覺悲鳥

飛難比翼花落剩空枝素總從今徹淒涼寒食時

葆光居看牡丹示祝勉仁

頃刻春工放十分千頭爛燭暖如熏紅擎盃鉢初承露

彩散衣裳盡是雲蜀錦幕遮朝日映旃檀關遞逆風聞

孤石山房詩集卷一

九

洪爐轉就神仙藥點煮牛酥定不羣用李吳事見復齋湯錄

喜初白先生歸里

前歸因引疾今歸特蒙赦兩番邀主恩感深難報謝

奇禍起荆枝園土閱冬夏公本抱道傳言行摘無罅一

朝免遠謫四海欽高價風波濟慈航父子返舊舍辛味

已食藜佳境仍噉蔗家門生死別噩夢驚五夜何如寄

達觀曠懷乘大化

寄椒園三首

曾從初白老頭陀問訊京華客若何喜得齊門竿可溫

世間屋有萬間多

貧賤于今分棄捐文章獨結旅中緣一南一北相思處

杳杳浮雲雁各天古詩蓬蓬白雲一南一北一東一西

秋來紅豆思南國日摘青蔬奉北堂絕徼音書長澗隔

故園風景更淒涼

寄懷悖莊

此生曾屈指能幾撫塵遊又作經年別相思千里秋客

休彈劍缺誰與望刀頭時方懷古繁臺上詞源倒汴流悼亡

哭初白先生四首

詩擬烏臺案南歸病已侵全家少完卵何事不傷心藥

石功難奏龍蛇厄竟臨悲哉當易簣益感主恩深

孤石山房詩集卷一

十

奇遊寰宇遍晚現宰官身幸際文明世曾充侍從臣史

編歸領袖講幄任禱巾龍錫張華比誰憐宦橐貧

著述垂千古宏儒自博聞名山藏大業溥海仰斯文硯

隱蟠螭水書繙辟盜芸不才慙李漢或許挹流芬

舉世皆矜式趨承悔已遲辦香拈不遠明鏡照無疲分

忝昇輿列歌聞曳杖時西州長在望痛哭忍回思

重九日龍山登高

佳節應酬酒一卮籬邊花信菊猶遲得開笑口于何日

偶辦閒身本不羈紅葉忽翻鴉數點黃雲初刈稻千陂

傷心舊日題詩處側帽西風寄所思去年九月初白晚晴雨先生扣同尖

山登

吳江舟中

孤篷隨坐卧閒然釣魚翁却笑往來客關心順逆風

虎邱花肆看菊二首

偶得閒緣緩步來久晴喜挽小春回風光九月行將盡

霜信千花正及開晚節自矜天與艷芳名無定客從猜

也知索價高難買幾費遊人釀酒杯

東籬曾許占秋光一一移盆列草堂猶記持螯連夕醉

可堪回首逐年荒家園中向富此花今不種已有年矣幾枝相向尤宜日

萬卉齊枯剩傲霜留取他鄉吟興在後期倘與作重陽

孫石山房詩集卷一

三

虎邱三首

脉脉寒泉瀉劍池講經臺畔蘚痕滋晚風古樹門殘葉

半落東山短簿祠

枳落寒花發敗絮舊家別業委秋風江南詩老今何往

獨立斜陽憶鈍翁汪堯峯先生晚年結廬于此各山光拾影圖一

長洲烟水恨迢迢此日清遊轉寂寥待放梅花春入夢

孤篷重過半塘橋

訪何心友過資硯齋二十韻

潤隔情俱悵重尋願忽諧過橋入薜徑轉壑踏雪街宅

後園林好庭前竹樹排池寬旋帖石籬破復編柴別構

藏書庫新顏資硯齋此齋落成適得務觀迷出入用放翁書

葉霜煉菊根芝妙蹟堆厨又名流入座皆賭基烏几設

勸酒古錢懷用劉原父事見宛陵詩注雨感連床聽時義門先生沒已六年矣花

移傍牖埋隣方穿壁炤僮或借紙差韻事隨時積高情

與俗乖雪痕華髮滿塵界碧瞳指息影寧非計浮生定

有涯未扶新削杖久棄舊游鞋古道惟君在清談更孰

偕每來瞻面目輒覺忘形骸寓近過從便秋殘風日佳

小山看不厭直欲拍洪厓

題友人種菜小照

世味嘗來合閉門手栽菘芥護籬根我腸亦飽蠶鹽慣

孫石山房詩集卷一

三

倘許時叨一把恩

金閨寓樓

已似平原十日留囊書襖被不勝愁離懷直比天涯客

好景俄過澤國秋積錦霜明依岸樹破窓風裂傍湖樓

舊衾無暖難成寐一點吟魂對短篝

散履

難行路嘆繁無錢趨步多時與結緣已分衝泥曾忍垢

可知踏雪未全穿雙鳬飛化人何在一葦同歸事尚傳

詎敢便同千乘棄翻因無用倍加憐

伍相祠二首

高風獵獵戰靈旗一劍光沈古水湄相傳屬錢射尚沈胥門外水中歌

舞已成亡國恨不教弦管賽神祠祠中從無劇戲者

樹陰半院鎖蒼苔塵暗空梁鳥雀來我是曲江江上客

踏歌曾送怒濤回

寄伯氏寶田用黃涪翁還家呈伯氏韻

既不曾種東陵瓜又不曾種南山豆才名與世等無用
畫眉捧心較妍醜官以折腰貧勝前事到回頭悔已後
主持門戶歷艱辛北堂髮白肌膚瘦歲月長供憂患心
雲雨俄成翻覆手可知此日宜巧宦誤乃公事非貞友

孫石山房詩集卷一

重

仕途莫嘆觸危機清節大抵遭辱垢烟瘴棲遲蠻海遙
風塵往返京華走思親終夜夢魂飛我兄隨侍今賴有
家中已歎食指繁爭奈天涯滯數口袖長方許逞舞腰
衣敝行看全露肘塞翁得失本何常肯羨黃金鑄龜鈕
從來福善理豈誣達觀且進一杯酒塞運期即過陷河
咸仰皇天殊不朽幾時開帆轉順風東籬採菊歸陶公
團樂鄉語稱吳儂昇輿將杖相追從多生兄弟真知己
遠寄表腸付黃耳

卽事四首

鈔幾卷看幾卷借一甌還一甌酒醉不妨就卧書牕只

恐成癡

萬事爲農爲圃半生非佛非仙牢以亡羊補未枕因夢

蝶遽然

雙手莫持三研一口難着兩匙解客嘲聊復爾遣吾愁

更何之

入世自憐泛梗買山應許結茅詩吟左思招隱書寫粘

康絕交

食冬笋

客舍將教種竹竿使王子冬厨玉版已登盤此生益簡
猶餘債東坡詩此生味盡何日斑衣得盡歡蘇軾食笋詩斑衣戲

孫石山房詩集卷一

重

綠春無價鴉嘴經霜先日刷龍難避雪出泥蟠飽餐味有相
娛分要與先生巧耐寒

飲酒三首

頽波不可激手擬挽天河歲月速如駛孰揮魯陽戈眼
前舊朋好離別何其多從來賢達人往往耽醉歌
勿讀錢神論長愛酒德頌一壺勝千金陶然時復中淵
明自漉巾畢卓曾卧瓮明月正當頭欲呼二子共
天地爲蘆廬萬物爲芻狗功名植麒麟應覺顏面醜真
味若豈知妙理我能剖一澆魂壘平身世夫何有

水仙花二首

翠羽明璫看宛然孤芳作意送殘年輕盈認取凌波襪
何處魂招洛浦仙

綠波初漲望盈盈蘭槳穿湖並載行誰是當時鄭交甫
江邊解珮更多情

飲木瓜酒

情宜永好分相投麴部旋將藥錄收酒名試嘗功較
淺舒筋併覺氣都適得酣愧乏瑤琨報將進光同琥珀
浮擬住宣城拚日醉木瓜產宣城者爲上葡萄無復憶涼州

歲暮雜感六首

矮屋荒村傍水濱潘郎鬢尚少年身俗塵夢擾平生債

孤石山房詩集卷一

七

枯木禪叅現在因梢柑一爐溫永夜酖酥兩盞醉清晨
冰霜骨煉庭梅老待放花時大地春

羣峯海畔有餘青落葉蕭蕭戶晝扃遊屐頻拖開竹徑
釣船剩占浴鷗汀凱之固是成癡點正則方能辨醉醒
却笑儒生艱粒食負耜無力只橫經

真樂田園豈易尋嘉禾遺種樹成陰雞豚正足豐年社
鯉雁長乖異國音頗訝斷髭吟未穩劇憐瘦骨病相侵
九還別試神仙訣未養黃芽日月深

未過清遊比積逋林泉最好是西湖翩翩放鶴思高士
碌碌雕虫悔壯夫韓愈曾爲盤谷序王維自寫輞川圖

碧溪丹嶂爭閒福分飽山僧煨芋爐

偶課畦丁拾墮枝柴籬補罷剪茅茨韭菘經雨紫斜岡
鵝鴨如雲闌曲池事憶觸舟何足怒交論傾蓋果心知
吟場酒伴晨星散惆悵南隣又遠離東鄰今遷居半邇村

生涯那忍數流光百事回頭易感傷辛苦爲誰蜂釀蜜
叢殘於我風掀葢紙窗皎入三更月布被寒凝萬瓦霜
天末懷人不成寐細聽巷柝響宵長

丁未除夕二首

華髮蕭蕭留粵嶠孤踪渺渺隱王城梅花簾裏關山杳
栢葉尊前歲月更舉室分離寧意料他鄉羈旅尚還征

孤石山房詩集卷一

七

一編莫漫拋殘歷中有勞人萬里程今歲正月椒園入京歲正月椒園入京大人伯兄孟公白去歲十二月由粵至京於五月仍返粵故云

枯樹衡門剥啄稀生涯爛醉願仍違幾家貧尚容通賦
一歲豐難救薦饑早計狂流防蟻穴每逢寒信感牛衣
天工六日春先到猶是黃楊厄閏非時廿四立春

孤石山房詩集卷二

仁和 沈心 房仲

信宿西溪龍嶼庵

烟波掉過女兒橋水漲迴溪健勝潮已似羅浮初入夢
來尋蘭若暫辭尊佛燈普照賢干劫禪榻能留客幾宵
法界原無分相別萬株梅影雪旋飄是日大雪

移居武水八首

桑柘成陰榆柳行華嚴橋畔舊村莊面城直似潘郎宅
依水斜侵伍子塘分許蝸牛聊共住價憐驂馬尚難償
用白香山事 純鱸料切思歸興特買幽棲占水鄉

孤石山房詩集卷二

一

悠悠我祖賦郊居燕處超然樂性餘地僻或能逃世網
人間且復愛吾廬繞梁燕亦知營壘插架芸方護賜
書但得汗青長晤對閉關何礙友朋疎

疏泉登石足平生印壑襟期月旦評編戶籍歸流寓列

載家具累播遷情春秋別結雞豚社烟水初尋鷗鷺盟

粵嶠燕都千萬里望雲終日倚柴荆家大人及伯兄尚留粵中弟擬園入

客京師

薄田數稜傍牆東但願身收力食功朝來夕經爲日課
奴耕婢織本家風蝦籠多置苦磯外雞柵旋移藥圃中
抱瓮問來仍擊壤擬隨圩長祝年豐

十畝差同池上篇笑他花木記平泉荇牽頰尾行千里
元裕之詩願作頰尾鮓因之曰千里松認蒼髯閱百年蒼具盡藏因樹屋
漁歌遙聽泛湖船應門重與伸僮約須識端明不愛錢
用司馬溫公獨樂園事

洗竹通溪僅縛籬從今衡泌任棲遲垂竿也起橋如舫
淘米尤便竈並池招隱左思曾有句擊鮮陸賈豈無期
千金詎易中人產養拙猶虛伏臘資

誠齋清致徑三三米老高風海岳庵入世雕蟲慙小技
對人捫蝨劇雄談卜隣且喜依城北徐堅蕉太史亦僑居于此問字
頻谷過巷南謂家樂村伯酒脯詩脾安穩在事見薛林何當末坐

孤石山房詩集卷二

二

竟相叅

避囂人境卽仙寰料理生涯只愛閒窻看雲樓百尺
楊宜聽雨屋三間園林息跡成疎散親串關心隔往還
葛嶺苕溪常入夢又教回首夢龍山予家由吳興遷省城繼移居海寧之
園花鎮今僑于此

虎邱寓樓

平生活計狎樵漁因向湖山借屋居已悟所棲皆逆旅
何妨直認作吾廬寄枝埜鳥巢相似卷簾遙峯盡不如
湯補檐前數株樹夜來就月讀殘書

喜雙峯見過二首

數椽故宅龍山畔多少依依舊釣游
忽遣兩家懸百里相思一日似三秋
開門兼掃蓬蒿徑傍岸初停書畫舟
手摘園蔬供晚食貧家留客儘風流
小莊喬木等山阿儘許清時放浩歌
雪散池心翻月浪風吟庭角門霜柯
談因夜久莊諧雜事到年來意緒多
覺有親情最深處高軒能不望頻過

與陳墨庄話舊

劍池清鎖虎山樓風雨殘燈感舊遊
幾輩高才悲宿草一時異國滯名流
豐年浮蟻傳深盞永夜寒霜斫敝裘
相見却增臨別感耦耕何日事西疇

孫石山房詩集卷三

三

自題閉戶視書小影

好書已負十年讀成陰未種十年木
得錢有日買青山依樣圖中結茆屋
流光冉冉潘鬢成展卷相對殊傷情
他年恐似丈人行只今已愧爲老兄

用白香山詩意

過問心庵贈恒輝上人

我師偕淨侶此地結精廬
盡牽花補門緣讓竹紆坐
深孤月下定入四禪餘
佛日真堪喜因來比屋居

新居與庵相隔咫尺

泊桐江

都是重遊路峰嵐照眼青
道傍增野店澗曲廢長亭
雲

釀遙山雨波搖隔岫星孤燈懸遠夢永夜酒難醒

舟行卽事

有緣佳境喜重過碧樹荒城帶斷坡
挂席平流逾快馬扣舷空谷應高歌
峯如翠黛眉初畫江似青銅鏡乍磨
好景直須閒福領漁翁終歲樂烟波

廬陵道中

茅屋村村綠樹幽一篙新水瀉如油
境同鄉國差堪喜跡落江湖詎易收
米價廬陵重一問文才永叔自千秋
客途無賴鄉心切短筴迴風出戍樓

抵羊城二首

孫石山房詩集卷二

四

翠靄西樵面目真珠江流水碧粼粼
阻風中酒前塵影落魄重爲嗽荔人

寓齋小榻宜聽雨惡浪虛舟沂逆風
話盡數年辛苦事西窗燭跋泪痕紅

天塘

野草萋萋路銷魂是夕陽雨晴花作瘴
海濶雁成行時大兄僕僕此行役明明思故鄉
幾多蕉鹿夢底事落南荒

黃泥灣登舟看兩岸山

別領溪灣翠幾重海天秋色拓芙蓉
峭岩苔滑迷樵徑

古洞雲深出梵鐘有僧于半空岩世外難尋三島路壺

中不數九華峯蠻鄉突兀重相對收取烟嵐盪客胸

那旦道中

遙峯雲點點平野艸芊芊一片夕陽下幾家秋水邊海
霞涵氣驛樹沒蠻烟盡日荒山道行行客惘然

沙苑道中

野亭寂寂小坡邊沙嘴潮生下溪田曉雨纔過邨樹外
數峯濕翠鎖秋烟

海康道中

陂陀行盡勢旋低一徑橫穿滑滑泥細雨晚來如薄霧

五
孤石山房詩集卷二

綠榕陰合鷓鴣啼

陸公泉

品水推鴻漸斯人有祖風清泠流不竭廉讓味相同餘
澤自千載遐邇此一泓匏尊來借汲消渴樹陰中

旅館口占三首

永夜孤燈萬里愁狂風鼓浪海門秋一張短榻南窗下
豪氣如眠百尺樓

早悟人間盡旅亭萍踪猶復感飄零海南客作音江南
夢渺渺家山何處青

和風暖日侶春殘綠樹郊垌隔瘴巒遙憶故園三尺雪

梅花影裏續燈寒

古鏡

不知何代物欵識費摩挲堅性終難蝕精光忽復磨圓
團懸寶月渺渺徹清波圭角俱消盡空明受照多

孤燈

詎賴鑿隣壁熒熒照寸心相憐孤影在所感百端侵逼
夜懸殘夢頻年伴苦吟幾回挑復綴花報喜何深

四箴碑歌并序

碑在瓊州郡學大成殿後形製四方無書者姓名或
遂疑爲宋時物予按餘姚趙古則先生於洪武二十

六
孤石山房詩集卷二

二年由國子典簿出任瓊州教諭訓士子以理法一
時稱爲海南夫子此碑必先生手書以詔學者亦冀
瘡意也今瓊山學前石坊上道義之衢四字爲先生
所書與此筆法絕相類定爲趙書無疑因賦長歌以
質諸識者

圍橋大路平不願聖門肅入神明和牆高數仞殿宏闊
杲恩老檜陰交柯六代宮懸設簾簾兩廂禮器藏彝犧
尊經閣前物何有巨碑岼立形嵯峨廣二尺七高丈八
中矩面而精確磋年深不受蒼苔蝕點若元玉光瑳瑳
上有八分大遯掌體兼篆籀隼尾波昂首循行幾回讀

四箴字字星宿羅不暑歲月及名姓觀者往往疑承謫
憶昔洪武己巳歲天水航海舟維柯左遷萬里至絕徼
棲身學舍同行窩先生理學究根抵諸士仁義從漸摩
遊藝隸法風工擅大書深刻知無他宋儒立言行孔訓
造語叶韻便吟哦進德修業隨日用後哲世奉爲金科
兼識誠懸心正訣精光千古爭義娥朱崖泊自傳檄定
聲教未訖遠則那追憐身命坐磨竭惠州移謫來東坡
寒瓊烟瘴盤首宿蠻鄉復喜名賢過遂將禮樂變椎魯
似施上藥回沉痾他山之石斧鑿取神翰縹緲神馮阿
一字百金休計值完好詎煩補庚戈敦敦實行功匪渺

本名山房詩集卷二

七

天留永鎮瓊臺山名阿蔡邕五經湮沙蹟周宣十鼓傳長
歌姿媚執筆寫遺教墨碾却笑龍雙鵝星霜閱歷並石
室邱文莊公于郡學旁築石室貯書其中以教後之學者蛟龍崛強凌銀河考古
臺荒重憫悵冷烟亂蔓攢虫窠漫游怪我到奇甸綠榕
陰底親摩挲何當響榻作蠅翼汲泉研墨窮三螺巾笥
携歸粘座右定看虹影騰烟蘿

白衣庵

郭外吹春風圓瓢有佛日孤花照客鬢榻畔茶烟出清
馨度深林午梵海潮溢丹崖本高人手筆留妙蹟圓通
悟真諦詩畫二而一方丈中有滄歸手書一幅云三千里外詩中畫二十年畫裏詩

老僧山澤癯謂雪髮上人終歲縛禪律庭開優鉢曇簷挂波
羅蜜悠然坐忘機止觀空諸寔入山恐不深好道氣自
逸故鄉多緣境此願殊可必蓋頂一把茆恐非道傍室
習靜學無生林泉安痼疾

香嚴菴

一聲清磬海天遥滿院榕陰鎖寂寥欲識老僧無著意
石壇雲影綉幡飄

盆梅

孤根帶故土萬里來南荒可憐逐烟瘴不復凌冰霜抱
此歲寒質經時入草堂白玉間丹砂花有紅白二種微風發幽

本名山房詩集卷二

八

香錯落三四花少貴異衆芳精神盡凝結冷澹殊久長
家園三百樹遠夢春悠揚天涯同是客幾時共還鄉索
笑一舉杯相對情黯傷

曲江謁張文獻祠

相業開元盛文風蠻粵開祠當三峽水門對九成臺諷
諫留金鑑儀型仰鐵胎荒庭一瞻拜不敢損莓苔

舟泊南康望廬山

高賢十八已千秋五老峯峯積翠浮說法遠公蓮漏永
逃名白老草堂幽浮踪未許資緣上着眼須知勝夢遊
收貯烟霞裝不薄又教殘雪照扁舟

石鐘山

浩歌江天濶破浪孤帆抽水府深不測寂寞潛龍虬遠
岸千芙蓉蒼秀迎吾眸鈞天奏何許恍恍諸鳴球豁見
兩巨鏞突兀波際浮巉岩競工巧天地窮冥搜雙雙峙
熊耳一一呈獅頭孤亭瞰大江絕頂凌層樓屹然闕一
戶小縣當咽喉螺旋宛蟲旋鬼斧施雕鏤惜此廟堂器
廢置蛟龍湫險扼湖漢口擊撞無時休風水發清響雅
樂空悠悠層巔多老松笙簧迭相酬冷冷太古音傾寫
隨飛流蘇聶昔好事月夜恣遨遊名山遇真賞一記垂
千秋我來縱偉觀登陟緣無由山靈漫見招芒屨興尚
留僧寮晚磬傳驚起眠沙鷗

石鐘山房詩集卷二

九

采石磯

峭壁層層古蘚滋半天陰合萬松枝偶經溫嶠然犀處
想見青蓮捉月時樓閣凌空儼圖畫山川絕險鑄爐鉞
娥眉亭子江雲冷欲把臨風酒一卮

黃天蕩

多半狂風半正風片帆已指大江東連峯過雨亦何羣
野柳經霜如許紅沙漲一洲成聚落浪淘千載嘆英雄
酒杯在手寒威却矯首南飛無數鴻

過橫溪與雙峯話舊二首

橫漲橋東水繞門依然喬木護深村斯文一髮江南北
無數芸籤手澤存

蠻烟蜚雨悵離羣天末何時不憶君把酒今宵燈畔醉
雙峯吟屋冷春雲

拜吳仲圭先生墓

抱德全高尚甘居寂寞濱卜先知世變畫豈爲家貧宿
草荒涼境寒梅去住因清魂招不得斷碣卧苔茵

春日懷人絕句十六首

望窮鄉國意何如遷客年來八十餘占得輞川名勝地
不妨規作愛吾廬查曉晴先生久寓藍田

石鐘山房詩集卷二

十

投老殘編事可憐先生陋巷日蕭然吟筇白髮傷春處

管領湖山又一年趙丈漁邨

老戀寒鴉鄭廣文一官新設策功勳嶺南強半飛鴻爪

追憶前遊定憶君昨江鄭丈鄭困爲德化教諭會廣東新設教都江西撫軍咨送入廣去秋

相晤于羊城別後不知其官何郡也

竹垞仙去流風在百萬於今擬買隣孤枕夜深清夢轉

玉梅花底一詩人朱丈芷問爲竹垞翁從孫

虎頭畫法真奇絕又擅書名顧八分却喜老髯能好事

幾時同看兩峯雲顧嶠東善丹青並工漢隸

婆留鄉裏狂吟客挾策居然博壯遊歸檢巾箱多健句

不須強弩射潮頭金壽門居江干爲人好
奇博學能文所至傾倒

敝廬尊酒幾經秋交到相期到白頭三十六峯明月夜

斯人應有索居愁新安汪子于癸卯八月枉顧遂訂
稿紵今聞自中州還家相別十年矣

幾多時不泛烏篷夢繞千巖萬壑中吹到春風憐舊雨

八行書早寄郵同周戒隣別已五年去
冬札訊尚未見答

松雪齋中書萬卷名香古硯儘風流見投佳句猶懷袖

長憶詩人趙倚樓趙意林會以詩乞
伽楠香尚未報暇

饒有才名人薦章生涯滯爾是文場竭來已作如京使

却笑侏儒飽太倉汪雅南

虎山橋畔月初弦惜別而今已四年今日歸來應念我

孤石山房詩集卷二

上

門前待泊孝廉船陳卯君已酉春入京送
別于虎邱近聞其已歸

夙負奇才筆吐芒出門遊展卽南荒十年踪跡半天下

又上繁臺望故鄉家花村兄于壬寅歲隨家君之海南
後入容齋叔幕今叔任中州方伯兄

同之

共識隨行心似鐵邦江別泪柳傷情可憐半世爲兄弟

兩度蠻鄉聽雨聲家兄孟公與予去年同侍大人
至揚州予歸家兄隨入修門

團圓只恨在京塵遠道何堪白髮親寒被同牽池草夢

梅花又是故園春舍弟
椒園

溪邊蓋就打頭屋窗外種株摩頂松獨坐梅花持半偈

殘雲了了見諸峯懷乘上人結茅西
溪占梅花最勝處

離却塵心欲坐禪青山難忘舊因緣老僧相對佛燈畔
徹夜閒聽古澗泉山止上人住持齋光寺
每入山輒作數日留

贈陳雲川

抱才逐名場紛紛競朱紫畸人有奇懷陋巷自棲止茅

屋葺三間兩間占圖史几榻雜尊壺花竹明庭祀逸在

布衣中無愧學詩士學詩之士逸在
布衣見漢書翛然領真樂與俗

去萬里多生慙失計碌碌翳塵滓移居在城北相距纔

尺只欲尋閒苑仙初不隔弱水願君一曲琴洗我平生

耳

壬子清明看花詩

孤石山房詩集卷二

上

昔楊睂庵於洪武壬子清明賞花西江省掖去東坡

看花吉祥寺已三百年作詩紀事并爲後三百年張

本今歲距睂庵時則年數已過矣吳江王載揚客京

華折簡分箋招同人雅集王氏怡園各賦長句余家

居聞其事喜風流之得嗣悵入社之無緣遙和一章

卽寄載揚載揚平望人
曾舉鴻博

睂山睂菴呼不起眼底清明又壬子回頭三百六十年

寂寞東風萬紅紫松陵詞客燕京結伴討春春有情

好花照眼杯在手名園列坐圖詩城沉醉人同花爛熳

清歌闌後聞花嘆自憐懷古守衡茅遙望日邊夢猶斷

已見羣賢勝跡留不知後會更誰修寄聲內史流風在
明歲蘭亭共續遊

贈解微上人

追憶青松與白蓮桃花一塢水清漣得依淨域無炎氣
却羨才人有夙緣庵爲唐六襖被已爲三宿客繡經頻
對六通仙雲山長現天龍指潑墨今朝見巨然

冷泉亭二首

石離奇處樹交藤擬結茅廬恨未能曾記輕衫携榼到
此間六月冷手冰

猿鳥生涯落翠微西風殘葉滿林飛低徊九里青松夢

孤石山房詩集卷二

三

樵子斜陽隔嶺歸

枯樹吟

歸根葉盡落霜雪欺何速多謝寒鴉有故情一羣薄暮
仍來宿

閱本朝諸名人詩題集後八首

何處人間絕妙詞漁洋詩老不羣思幾回腸斷桐花鳳
又唱秋風楊柳枝

王阮亭

研經博物長蘆老掉臂詞壇變雅風莫怪麻鞋見天子
清吟亦似浣花翁

朱竹垞

鉛華脫畧見天真我愛泰州吳野人都是未經人道語

興酣落筆越精神 吳應軒

俊逸何慙南宋雄放翁法嗣在吳中晚年煉就烟霞骨
占得堯峯一畝宮

汪鈍翁

老來白陸最相宜蒙參此是山簞老子詩何待旁人評
格調區區千古寸心知

田蒙參

後身前世本東坡力挽狂瀾功不磨初白庵中香一瓣
最憐執帶日無多

查查田

史熟才高格格宜尤於七律門精奇居然別築長城在
不讓劉郎五字詩

唐東江

身披磨衲憐名士絕險丹崖鉄鎖牽半偈華嚴尋法界

孤石山房詩集卷三

西

若離文字更無禪

蕭歸上人

題椒園銀漢浮槎圖

白榆何歷歷雲漢在天上匹練橫碧落九垓時極望誰
爲鑿空人寫作凌虛狀一具枯木槎萬頃爛銀浪於此
乘長風飄然隨所向貫月境自奇犯斗神逾王直欲探
支機文錦乞新樣却怪嚴君平占星首頻仰

朱笏山見送綠萼梅折枝

春雨梅花放春晴梅花落柴門閉水次幽尋負芒屨南
鄰有朱老爲我破寂莫忽來萼綠華仙姿妙綽約銅瓶
貯寒泉紙窗開小閣一枝良已多千億身何托

放翁詩
何當化

作身千億一樹
梅花一放翁
微笑解禪心
莫更巡檐索
冷香爭吟魂
深夜醉獨酌
孤燈綴玉蟲
悠然夢邱壑

懷查開祖藥師

良晤不易得
何由快論文
空齋思二妙
健筆敵千軍
風雨棲鴉樹
圖書辟蠹芸
橫溪春水瀾
淪淪望停雲

題吳仲圭墨竹

遐哉高人不
可見得見高
人畫已足誰
能筆扶風雨
狂淋漓掃此
一竿玉老龍
蛻骨勢欲飛
疑有春雷走
崖谷仲圭本
是君平流解
脫塵緣托西
竺森森千畝
渭川胸風枝
雨葉爭馳逐
神物流傳偶
得之閉戶窮
年慰幽獨

松山房詩集卷二

五

日長相對動清吟
時時夢遶湘江曲
不妨飽看忍朝饑
但瘦何須食有肉
青松樹底梅花開
一縷寒雲覆茅屋

題陳雲川春草閒房

寂寥人境外
之子賦閒居
風雨數椽足
蓬蒿三徑餘
古香流曲几
深翠冷殘書
虛白存吾道
何妨事掃除

春日積雨擬少陵體二首

春來修過六十日
會無三日兩日晴
忽見幾條楊柳綠
賣餚時節近清明

濃東濱西水樣空
桃枝杏枝相亞紅
野老忍饑看不足
寂寥閑向孤村中

以梅接棟樹上其花黑色此老圃所傳者因命園
丁如法爲之

華光老人畫

華光能讀墨作畫梅

此日不易求時於紙帳間燈影

尋風流有客授妙訣
梅棟交綢繆春來忽變化
烏玉明雙眸誰爲弄
狡獪物性窮冥搜
園丁殊好事按法偶效
尤主人亦痴絕欲向花
神謀但期此樹活歲歲
澆新菊苦根發橫枝古
鉄萬藍稠天公施巧剪
元冰恣雕鏤常將守黑
意占據羣芳頭紛紛紅
白黃競與綠萼儔宋以
蠟梅爲別添一奇種五
色爭相投孤高格本在
點澹神逾幽吾生被墨
磨半世不自由幻跡寄
餘汁花開轉含

松山房詩集卷二

五

愁

以桃榔杖贈丁雲士

珠崖地產木絕奇
孤幹直上無橫枝
翩翩元鶴舞翻披
結庵摘葉書銘詞
東坡詩仰看桃榔樹元鶴舞
長嗣又東坡有桃榔庵銘
削作拄杖手可支
細筋成骨紛金絲
隱然帶有烟霞姿
相從萬里歸茅茨
方谷詩老半白髭
脚力強健能疾馳
過頭之杖頗好持
數條倚壁成心知
我今以此爲將遺
列入藤竹交森差
鳩形刻置殊未宜
一龍休遣化葛陂
配笠兼展恒相隨
終年無事性不羈
挂錢聊醉酒十卮
奇懷合與名山期
瘦影曳向清江湄
耐久論交到期願
堅貞固

是延年資周旋尚慨遭逢遲杖兮杖兮勿嗟咨幽人所履無路岐

贈柯石庵

出岫閒雲返不難鶴湖今作鑑湖看圖經業就衡山峻楚中遺志詩卷攜歸湘水寒夜雨青燈警蠶簡春風白髮弄漁竿折腰剩飽無多米穩稱儒風是冷官

先生出宰宜都

近因改教授歸籍

題丁雲士方谷

抱琅門前繞碧潭榆陰一徑小橋南幽居已住東西屋先生與從弟別業聊爲上下庵

先生自幼皈依

幾處池亭通曲

孤石山房詩集卷二

王

折十年竹樹蘊烟嵐眼中妙有山林氣那免花時好客探

老梅花下憶椒園二首

竹外橫枝溢薛痕冰霜骨鍊舊吟魂東風莫漫傳消息春到江南第幾村

孤根老瘦花無幾雪後春寒試冷香紙帳酒醒回遠夢勸酬人却隔他鄉

方竹

一色琅玕碧森然種獨殊孤生太圭角直節本廉隅汗辱寧難免

元結惡圓譚寧方爲汗辱

規圓洵可吁此君君子德莫嘆

不觚觚

自題雙松草堂并序

杜少陵昔日流離曾更數處魏武塘過年棲止別散三間當皆疊石傳自南垣就畫論山居然北苑開幽深之曲徑對天矯兮長松星霜久閱薛皮老傍雪根冰雪不凋鉄幹直梢月窟同生並立得偶非奇笑孫綽之庭前只栽一樹較鄭薰之岩畔尚欠五株清影橫窓神溯塵埃之外翠濤入枕夢牽林壑之中未知種子誰手寔覺愜夫我心歲寒勿負結交喜得貞莖材大難庸碌何猶矜奇節世無韋偃孰與寫真人似

孤石山房詩集卷二

太

盟雲頻來惹寂因顏堂于卽景本性共存非題壁以散詞深情安托

占斷茅茨曲水東絕憐喬木畫圖中凝脂待閱三千歲偃蓋貪看十八公茶甌饒颺清韻合苔堦漠漠翠陰空

多生驚慣波濤險角枕難禁五夜風

西湖柳枝詞和太鴻椒園二首

春姿濯濯果風流湖上垂陰接酒樓不似短長亭畔樹時時只管別離愁

昔日長條詎忍攀平橋綠影護朱欄白沙堤上魂消處揀得清愁幾度看

經庵

藤蘿徑仄作螺旋得賦岩樓羨老禪歸壑寒泉山下出
覆庵古樹石中穿洞門雲鎖常迷路碣字苔侵不記年
石壁上有周易戴記高結孤亭收衆妙烟霞深處豁湖
相傳司馬溫公所書

飛來峯

一朶青芙蓉岬嶸通天闕屏立古刹前團作丹霞窟山
翠撲肌膚泉影鑒毛髮石洞開窈窕深入神恍忽蟠結
藤蘿條冷峭巉岩骨仇池未身到此境疑超越夕陽樵
徑微剝蘇捫斷碣

碧山房詩集卷二

登北高峰

尺吳還寸越江海一漚分大地能鍾秀諸山此拔羣眼
空收宿靄脚健踏層雲樵侶時長笑懸知下界聞

發光庵雨咏

獅子岩

不是將軍虎初非道士羊半山高踞坐移去作禪床
有獅子床

候仙亭

甃石平於掌亭亡古藓生時聞明月夜隱隱度吹笙

白納庵

香茆結自晉時僧石磴稀來俗客登讀舊窓收山一角
扶筇人入樹千層金銀氣積流寒瀑山中有金沙崖谷銀沙二泉
陰舍掛古藤世外高風空想象老禪布衲重禪燈昔有僧居此只著白布一衲寒暑不更

出山留別松岳上人

僻性最嗜山一日住亦好今來半月留憺然暢懷抱日
落江影微雨餘峯翠掃弱水不可渡卽此是仙島禪榻
斷俗夢石樓隱林杪芒鞋惡塵土猶愧歸期早願結清
淨因仗佛堪送老揮手謝人寰從師擷瑞草

虎跑泉

孤石山房詩集卷三

當戶孤峯帶夕陽青松澗底落陰翳烏紗白葛人千古
活火清泉焚一塲東坡詩烏紗白葛道人京花落空山
餘老衲草生古殿有殘香林間茗飲杯無數却笑當時
趙德莊宋趙德莊飲茶只半盃人因呼爲趙半盃

晚抵橫溪

閉戶人家盡養蠶青山隱隱隔溪南一痕夕照前村遠
綠樹陰濃雨意含

入篁邨訪張墨亭

日影雨邊微雲深山翠閣港遮叢葦斷舟入水禽飛喬
木成奇畫幽人長道機岩棲真極樂偶到欲忘歸

哭查浦先生二首

尺素來西陲開讀驚且疑轉將望遠眼迸泪如縷縻龍
山樓居仙儒雅真吾師垂老忽遷謫坐致歸無期得免
門房詠終古荷

皇慈歲月數卷書憂患兩髮絲數奇莫首邱行路興嗟
咨各人多客亡今古同一悲華岳鬱蒼輶輶水清漣漪

白雲奈遙隔丹旌猶孤羈清魂返故鄉颯颯秋風時

先生天人流汲古有餘力坐吟役萬景凝精驚八極高
才入供奉同朝仰麗則軾轍有齊名聯鑣無愧色一從

歸田後猥充灑掃職洪鐘任大叩深淵極難測勉學務

松石山房詩集卷三

三

本根墳典食舊德佳時文酒會許厠高座側遠離夢寐
勢胡爲竟疾草茫茫海宇寬從此何矜式函丈渺前塵
撫膺長太息

望太湖諸山三首

坡璚萬頃半雲封遠樹微茫辨幾重寶帶橋邊垂柳少
晴空一一出芙蓉

烟波杳杳聽鳴榔隱約青螺淡夕陽合與好山詩老占

推篷看殺是漁洋

王阮亭先生自號漁洋山人

幽棲何處訪仙寰七十二峰相對開五架草堂千樹橘
可能移住洞庭山

過查七倫新居

故園歸來不待招忽於此地賦遷喬高風似愛梅花里
先澤難忘梓樹橋

查浦先生卜築處

近市晏嬰心自遠買隣李

雅價偏饒謝池春草秦樓鳳吟就新詩輒倚簫

七倫爲恭怡樓

公愛婿因卜宅于此令弟易亭贊居丁氏與新居相距數武故云

喜椒園歸家

犬吠夜初靜何來鴨嘴船得歸同對月惜別恰經年詞
賦非長策江湖歎旅緣京生茅屋底大被喜同眠

題查七倫研北勘書圖二首

陶泓蝕墨黯留痕校字原同掃葉論到眼便知魚虎誤

松石山房詩集卷三

三

笑他韓昶改金根

柯古生涯計未疎子華書法較何如

北齊楊子華有勘書圖

莫輕

茅蓋三間屋上有祥雲護

賜書

題齒谿山居圖

并序

丙午之春椒園弟探梅西溪愛山水清幽遂有卜居
之志予曾作詩以堅之自後風塵奔走忽忽八九年
志未遂也今年客淮南因屬張君墨岑繪爲此圖昔
家文通公工于詩以西溪名其集又賓王公自顏其
室曰山居楊誠齋有記椒園能合占之可謂善繼前
哲者矣第兩公皆仕于朝不聞其隱是邱壑生涯天

亦若於板園有斯哉雖然獨往之願夾驟為難洵宜
急覓幽棲在白雲青嶂間毋使畫本同於驢券也爰
賦長歌書之左方

剝藤三尺誰落筆妙手寫此山居圖圖中墨痕隨指點
北高峰隔金牛湖兼葭深處法華翠裝墩重竈連青蕪
南障湖俗呼河水又名兼葭深處法華山名剩弓山浮嵐石鳩
嶺董道俱見西溪梵隱志法華山名剩弓山浮嵐石鳩
達九沙宛宛溪繁紆樹隱僧龕出泉脉螺旋樵徑含雲
腴東蛟冷凝冰雪窟繁枝亂插梅株株黃茆小築藏曲
崦中有識字畊田夫閉窗展卷忽發喟前塵回首真須
與秦亭山名之陰折一澗瓜皮艇手穿花鬚昔幽探悅

五石山房詩集卷二

三

本性阿苟豈是山澤臞胡為卜居耽寂寞神州堂瓦研當
溪隅松醪爭脯蓄客供茶畦藥圃充官租初心瓦研當
龔屬著書坐愛清暉娛岩棲谷飲意所適下視軒冕輕
錙銖知遇生涯莫裴微七年寄食竭 皇都昨歸難作
閉戶計浮踪淮海如鷗鳥夢占林壑怪未醒期負猿鶴
良堪吁邇來翻身入畫裏挂杖足比壺公壺輞川盤谷
人已杳勝蹟千載丹青淪塵寰揮手即可謝形骸湯自
經葫蘆文通賓王昔宗彥詩記燦若春華數風流追溯
本舊德平生志願存區區况徵故事傳駐馬高宗駕幸西溪駐蹕
沈諸家後述呼為野馬沈見武林梵志佳名絕境他家無問君買山資何

在扁舟何日携妻孥東頭瓦屋倘許住老梅花下相歌
呼嗟嘆此圖即左券開奩慎勿寒具汗谷神我貫結霞
想亦嘗高隱懷林逋卧遊已愈太虛病時予病初起故用高符仲事
寒聲四壁松風俱

暮秋雜興五首

秋風捲屋茅梁際日光透桐葉大于掌飄墮積漸厚匡
床穩夜眠獵獵雨不漏我懶廢索綯賴爾相補救空庭
響枯枝無陰暈清晝

蔓菁本北種客土成南還不作踰淮枳栽時曾經年書
生薑百瓮於福或未捐甲圻一兩後子下十日前分畦

五石山房詩集卷二

四

基布局質抱冬心堅來春根驟長個個歸宗拳厥形類
芋魁其味若玉延山藥名玉延一食之堪辟穀力固不力田

正月放魚苗布指只二寸方塘清水活喜無龜鰲潤性
因習人久游泳影不遁頭頭浮萍咬口口落花噴今踰
一尺強池小毋乃困吻沫尚奈何萬頃且勿論安得萬頃

頭池養此
橫海鱣

是笋皆春生獨茲方竹異秋盡拔羣株亂占莓苔地眼
看纔解籜坐與冰雪試乃知舍員姿自合惡圓意入臘
成新陰墻隅潑深翠

世間草木名瑣碎難究窮美哉紅拒霜亦稱木芙蓉秋

光自冷澹忽見同春工競開玉露寒照水明鮮容張拓
片片錦步幃誇石崇晚節未前聞與菊相爭雄遂爾出
驚艷羞煞蘆花叢

老梅於初冬忽放數花偶效吳體

古根不待冰雪催同時看菊還看梅九十月交暖如許
兩三枝並爭先開未許吹之白玉笛急須酌以黃金壺
若教寫入畫圖裏尚帶殘葉應疑猜

野菊和陳雲川韻

栽培無分合全荒忽抱貞蕤發晚香獨秀不曾矜絕艷
亂開誰與作重陽摘教老圃迷秋草夢斷荒郊感夜蟬

石山房詩集卷二

五

盡日餐英還自喜林田初熟酒盈觴

陳雲川之西湖看紅葉口占送之

青螺髻繞水銀盤洪谷重生畫亦難思然霜酣千萬樹
送君悵惻不同看

長興道中

幾個山亭接水亭蘆荒木落見沙汀
鴈鳴頭綠樵子晚歸螺髻青
葉落亭翁亡剩茶具芙蓉園冷補魚經
平原翠墨流千古何處陳家五主屏

贈長興鮑辛浦明府

組綬風流甚全家卷畫間
毅紋明月峽烟髻大雷山爽

氣詩吟徹長材簿領閒宦遊成兩度爲政歷通班

程書溪

數峯螺黛浸琉璃茅舍寒林點鷺絲城外小舸橋底出
不知身入右丞詩

歸舟二首

歲晏復何事往來蒼雪間朔風吹野樹孤艇轉荒山銅
斗隨魚樂竹弓射鳥還永懷姜石帚詩句意能閒
姜白石除夕自吳歸者溪絕句極爲揚誠齋所賞

榜師歌欵乃雲水混虛無跡似元真子眼看清遠圖斷
坡雅點樹寒清雁藏蘆極望青峯杳依稀認小茅

石山房詩集卷二

五

夜泊菰城不及訪家叔操堂先生

盤坡推著撰歸老愜幽棲未過求詩巷
元時吾家茶山巷空遊菰城溪客愁消濁酒夢境落荒雞族譜亭前路迢迢烟水迷

與榜庄兄話舊時兄歸自楚中

生涯好在一囊書煮海邨邊返舊廬鄉信曾回衡岳雁
客餐不食武昌魚
見性不襟題好友園鈴開謂漢陽太守高道田

上元後一日查孝廉雙峯招其宗人容民其武不
機舉同甲會于敬業堂余與兄寶田弟椒園適至

因亦與飲是日大雪用歐陽公禁體次東坡聚星

堂韻卽席同賦

柔櫓沿緣殘葦葉滿港口一蓬雪草堂臨水春晝閒

齒會風流未歇絕

初白先生與同宗作五老會詩中有齒會集一卷

不速之客

三人來鮮徑寧防履齒折偶然充數阮林賢酒盞斜飛

愁燭滅五辛卜夜促膝坐三白占年笑頤掣

唐占辭正月三日田

公笑赫赫今年昨宵風雨太無賴火樹誰家眩綵纈今

朝六出又盈庭梅蕊寒深凝玉屑清歡到眼酬茗芋往

事驚心墮飄瞥聊從冷境悅情話各要新詩奉成說後

期花信泛西冷再擬嬉春楊老鐵

孤石山房詩集卷二

三

讀初白先生餘波詞題後

曾題蘆曰字原合外孫藏古調傳瑤瑟清聲歷艸堂不

教成枕秘久慰泣簪亡

事詳先生自序

一自開雕後詞流齒盡

香

懷振伯仲簡兩弟

卜宅雖囂市關門境自清雲生巫子嶺潮落寄奴城汗

簡親晨夕荆花樂弟兄雁書何日到知動玉關情

時容齋叔

以方伯銜効力西陲

題陳雲川所藏徐幼文獅子林畫冊

樹圍曲沼亘虹梁苔蝕奇峯對雁堂曾見蕭閒館主書

筆踪踈遠此清蒼

倪迂翁獅子林圖予曾見于吳門

孤石山房詩集卷二

三

孤石山房詩集卷三

仁和 沈心 易仲

池旁老梅看花

長留孤影照清池，又是巡檐索笑時。
開到五分看正好，種將千樹恐難期。
相思舊雨兼今雨，莫計南枝與北枝。
燕子已來花未落，聞年天氣愛春遲。

魏塘楊柳枝詞四首

無數棲鴉點夕陽，白牛涇樹接斜塘。
風情未愜高人意，不種梅花祇墓旁。

屯田詞句最銷魂，殘月依稀認舊痕。
生怕鴛鴦眠不穩，

孤石山房詩集卷三

漁舸休遣泊孤根

流鶯聲裏感殘春，岸口重來喚渡人。
一片忽遮紅雨外，

桃源何事慣迷津

湖波相映綠于苔，烟雨兩年深處處。
裁伍子塘前多少樹，

絲絲不斷到蘇臺

和椒園春日郊居偶成四首

時占少女少男風，不定陰晴二月中。
社酒醒來天欲暝，

桃花錯認夕陽紅

兩樹婆娑賦病梨，海紅今見壓枝低。
牆陰丁香香如結，

花落俱和燕子泥

野岸春蕪綠漸平，鵲絲新柳弄新晴。
鷓鴣小艇晚來出，門外碧波如鏡明。

閉門幽事意相關，覓句警書鎮日閒。
刺有西湖懷舊隱，半簾疎雨夢孤山。

送兄孟公弟椒園入都

家貧負米是良謀，不賦閒居賦遠遊。
屈指幾時荆樹合，消魂一路柳絲柔。
雨聽孤榻增悵恨，月照深杯足勸酬。
身墮客中期作達，鄉心易動莫登樓。

蠶娘曲二首

姑惡聲聲少婦愁，花殘匝月不梳頭。
宵啼寧斷嬌兒乳，

孤石山房詩集卷三

添葉深閨燈火幽

流黃已動九張機，卽舍蠅蠅欲飛焉。
用蠶絲一百箔，

冬來仍御木棉衣

半山

永和堤接半山青，銅扣猶餘石鼓亭。
繞岸已排新蟹簍，煮泉欲譜舊茶經。
記曾猿鶴招人隱，王叔明曾隱于此纔有林
巒覺地靈。回首年年三月莫，看桃高舫集沙汀。

過翁氏湖莊

岩桂香中仄徑長，重來已是十年強。
綠苔生闊經秋靜，白髮傳杯憶老狂。
昔年蘿軒先生曾招飲花下醒石情深花木記，閒

鷗夢冷水雲鄉池亭不隔青山影疎樹涼蟬帶夕陽

寓昭慶寺古樸山房二首

前世疑禪子僧房住較安坐深雙樹古吟遍萬峯寒龍
已同彌勒岩應署懶殘得參無隱義花放桂團圓

佛日宜清淨長齋性頗便芋煨牛暴火茶煮虎跑泉風

雨禪心寂山林道力堅清涼作行者虛語笑前賢李願山順

為清涼寺
行脚僧

同仲簡遊安隱寺

空山寂歷對斜暉古寺蒼涼野衲稀路入高松驚鼠竄
風飄殘葉伴鴉飛寒泉當戶留清照斷碣尋詩沒翠微

孤石山房詩集卷三

三

寺有東坡詩碑
過訪不可得共辦閒心塵外賞晚鐘聲絕愔忘歸

題朱子年三西吟稿

幽奇七十二賢峯都在梅花香影中有客梅花泉上坐
清吟吹作半天風

新倉觀海二首

積水東南會乾坤得混茫百川趨析木萬里及扶桑江
遠山痕碧天空日氣黃架橋鞭石處終古笑秦皇

極欲乘風去堯時枯木查荒唐童女市縹緲列仙家紅
霧迷琪樹寒濤長石華半空涵蜃氣樓閣望中賒

過朱霞山湖莊二首

永日門長閉全家住畫圖清懷落雪壑佳境人蓬壺峯

遶嵐生几泉鳴竹覆厨高歌互相荅漁父與爲徒

我愛林君復梅花世外春高風傳妙句古跡是芳隣風

月無常主菰蒲大有人暫醒香土夢碧水自鄰鄰

同浦鳳巢觀察登烟雨樓

依稀仙島水中央寂靜禪關叩上方雙眼最宜高處豁

老懷不減少年狂烟迷桑苧千村杳雨浥芙蓉六月涼

從此快遊將更遠乘風南去海天長時將同觀
察之閩中

將之閩中朱子年及舍弟仲簡餞于西湖留別二

首

孤石山房詩集卷三

四

皎月會看貯玉壺亦曾疎雨賞菰蒲繞堤已放菜陀利

五月涼應勝鑑湖

別怨休彈白雪弦天涯情緒一尊前斷橋柳似長亭柳
縱不攀條已泫然

病起口占

蕭瑟看庭樹吟情日漸荒
作悲秋客心空選佛場屏居機事少何暇問行藏

遊東園與曹六圃四首

小艇苔磯泊名園一水滑板輿潘岳賦茅屋杜陵詩坐

共攤書榻情深夢草池謂古
謠宜晴復宜雨無日不佳時

長教印壑領神仙隔牆移去愚公谷

隣爲郭氏愚公統谷今已廢矣

澗流來陸子泉多少池亭空翠裏傍山喬木盡參天

試慧泉

偶携茶具到山翠冷侵身白石凝寒永青瑤滅細塵松風聽漸徹雪乳泛初勻七椀殊能賔甘爲磁偶人

錫山

一線松門路整齊雲霞絕頂有禪樓幡花不覆金猊冷
埵雨猶聞鐵馬嘶已覺放心歸寂靜忽從放眼豁端倪
五湖遙影寬如海香雪亭前莫靄迷

揚州二首

孤山房詩集卷三

七

一碧長江橫遠天蜀岡收雨草如烟抽帆重入雷塘路
楊柳依依似昔年

長袖繁纓憶往時春風狼藉幾篇詩竹西歌吹今消歇
惆悵三生杜牧之

過雲溪精舍訪百泉上人

僻逕轉平岡柴關闢灌木古佛廬數間宵靜若深谷溪
流繞階除清陰覆翠竹茶烟出松梢庭小花氣蓄老僧
頭雪白稟性野於鹿詩篇多妙語一心千手目我生亦
何事塵網時馳逐蓋頂有把茅飽飯餘齋粥得結文字
緣兼領清閒福禪床曲尺眠長此伴幽獨

題南渚草廬圖

魚鳥欣得趣心期濠濮間夢尋剡溪樹看煞鉢池山好
客亦稀到野鷗時共閒曾來王勣札高致覺難攀

秦州張龍壁能以絨線貼作各種蛺蝶精巧絕倫

因紀一絕

幻化麻姑幾幅裙漆園傲吏夢紛紛針神繡譜無顏色
別與滕王張一軍

題茹格庵桐陰小憩圖

敞廬池上雙梧桐垂陰匝地翠十弓歲久根株大於斗
主人踪跡如飛鴻

夢云梧桐大如今來身作海陵客高斗主人出外走

孤山房詩集卷三

八

柯亦挺喬齋東暑月攤書坐樹底肌膚不受炎威攻每
欲覓好手繪之尺幅中詎料此心有先獲剡藤橫看屬
畫工蓋頂宛遮碧油幕磐石箕踞麗翁歷亂吳霜點
白髮澄泓秋水明方瞳先生家本鑑湖曲移居申浦門
編蓬茅舍數間傍沙渚經營豕棚兼牛宮躬耕沒齒已
云樂妻孥那忍當奇窮巾笥慣携幾床筆江湖到處稱
寓公多生妙得補之法

格庵著畫墨梅

十指習與冰雪融孤根
冷蒞隨興發墨潑着紙神行空笑持換米量照絹玉冕
活計將母同問君日寫歲寒質置身曷不梅花叢羅浮
境或夢難到孤山山下期推蓬無端忽愛驛陽幹題詩

莫湯誇豪雄，新以爲琴。今愛火紅，號鐘韻磬。今彈玲瓏，成連不可以遇。今心惘惘，波濤大海。今朝瞰曉，曉影玲瓏。神兮誰牢籠，憑虛游兮。冷然風視，剪珪兮。真答通知音，何處兮。尋思聰賦，嘉樹兮。長青葱，飄飄一葉兮。吟秋虫。

張墨岑宣力河干于袁浦寓居東偏隙地結茅數

椽臨於池上形如小舫屬題二首

小小編茅類短篷，眼前忽現水精宮。跡如旅燕成巢易，境占閒鷗列檻空。泛宅浮家仍舊德，牽船住岸有高風。五湖鄉思烟波濶，一枕青山夜夢中。

剩擬歐陽記一篇，不成三瓦費千錢。幾經畫裏圖漁社，

松石山房詩集卷三

九

欲向人間作水仙，傍牖藤床宜聽雨。時與其弟隔簾茶

竈慣霏烟尋源易，達銀河路乍可乘槎直上天。

贈江夏壽者吳丕承時年一百一十二歲

定教歲月數三千，齒落重生骨更堅。南極爛明天上宿，東方真見地行仙。交論近代無同輩，事話前朝卽野編。已看全家登壽域，雞窠將並藥壺懸。其兄年一百十四歲妻年一百五歲

揚州送仲簡入都省親

邗江記僧寮，同解百索粽。及題獅子糕，忽忽離愁動。爲言有老親，閒散未見用。憶昔使邊郵，萬里馬獨羸。踟躕守穹廬，餽糧乳漣歷。冬手盡龜入，夏身猶凍竭。來膺

召還尚兩官，職空骨傲益。氣強醒獨異，醉衆艱辛珠。

桂國升斗乏，月俸人海屋。數間官若隱，巖洞朔南雖。淵

隔齒指輒心，痛終朝望白雲。徒自勞遠夢，省親計已人。

甘旨分宜供，肩隨三弱弟。少小不好弄，因携親色笑。塵

荆習弦誦我，思京華客日月等閒送。殷勤父子情，佳處

風光共繞膝。看班衣翩翩，四雛鳳得慰寂寞。懷歡飲酒

折旋團圓際，歲朝爭獻松柏頌。况子勤學殖經文，善錯

綜妙筆吐奇姿，餘覽摘屈宋定標。洛下名遂向玉堂，賈

射雉文初占補華詩，屢諷伍徊廿四橋。折柳各悵惘嚴

霜凝帽落寒風裂，裘縫驪駒旣首途。千萬自珍重。

松石山房詩集卷三

十

金陵雜詩二首

碧波如鏡照明眸，紅袖當窗兩岸樓。最是多情桃葉渡，引將江水入城流。

古巷烏衣憶勝遊，江東龍鳳數誰優。幾多裙屐皆陳迹，

只益春風燕子愁。

雪夜懷伯兄

早傳南雁信，知已歷關河。獨客征塵遠，殘年雨雪多。白雲親舍處，黃竹凍人歌。杯酒急思共，寒顏解醉醺。

送陳戟門之官文昌

三峽波浮五嶺烟，片帆迢遞日南天。襟關路遠通羣峒，

瓊海潮平穩蛋船詩好定能傳萬口政成初不待三年
玉陽舊是趨庭處折柳河橋意惘然

吳興道中

短棹春流滑鷗鳬有舊盟路尋上箸水帆轉下拔城翠
巖嵐初暖清風萍未生高歌羨樵侶長在鏡中行

泛碧浪湖

頗愜清遊興天開碧玉田羣峯城外疊孤塔水中懸雲
壑聯詩石烟波垂釣船風流渺何許悵恨夕陽邊

送查履旋入都

相望纔百里茅舍不時過古道論交少浮生惜別多驅

荅石山房詩集卷三

二

車重入洛春色滿關河楊柳臨岐路攀條一放歌

送查七倫入都

等是遊京洛情懷異昔時玉驪聯遶道畫壁賭新詞春
樹浮雲影秋風動桂枝江鄉回首處應亦念茅茨

贈厲太鴻徵君

先生詩筆盡超羣餘子紛紛局足云不信南山仍隱霧
每逢東野願爲雲藏將椰子書千卷看到瓊花月二分

年來時客揚州香土京華知不羨恐教猿鶴動移文

西湖夜泛同查易亭選佛作

水氣清涵露氣涼此身深入藕花香風傳僧磬不知處

波隱漁燈忽有光放鸛亭空無冷月藏鴉堤遠盡垂楊
舉杯對影還多事已是三人坐野航

晚坐西泠橋

山前靄重鴉翎黑湖外霞殘魚尾紅暹天有雨落何處
涼氣吹來蘋末風

贈徐紫珊丈

收取江湖跡身閒卅載餘老猶耽蠹簡行欲藉籃輿
足白髮花前夢青霞郭外居每看耆舊傳標格古人如

鳳林寺

寂寞南朝寺僧稀戶不扃樹根支敗屋蝸殼綴殘經古

荅石山房詩集卷三

三

井秋蒹葭疎花曉露零鐘聲渡潮水雲外數峯青

移居詩爲施竹田作次厲太鴻韻

數間老屋吳山隅月黑慣聽深林烏今君卜宅竹竿巷
葛洪誰畫移家圖金粟道人比鄰住謂顧清時大雅翰

相扶素壁已挂畫一幃空庭擬補梅雙株碁盤筆格位

置安殘書古研眠食俱高才妙句摘屈宋色絲組繡春
花數鄉曲陰朋易合睇宵美遠跡浮江湖泥途紋曷曷

足道咲彼魚目驕明珠出城三里近客舍時予寓西湖烟波

短棹招叩須屢遷我益感舊業回首昔夢非糝糊

顧井園過村居宣門招飲尋樂堂三首

寂寞柴扉水次開
西風黃葉落成堆
磯邊花鴨忽聾噪
知有詩人一舸來

贏得迎秋唱和詩
鷗盟鳬社渺前期
經霜萬木多摧落
猶話蓮漪聽雨時

早潮迎罷晚潮流
去作機山十日遊
鐵蓬一枝吹小海

小蓬萊訪鉄厓樓

時將之雲間

題查氏半園二首

邱壑襟期憶逸羣

園舊爲袁了凡所構袁自號越田逸農

城根一曲水溶溶

溶修簞遮堞寒雲合
怪石臨池古藓封
閑徑羊求來舊侶
署庵陶邵企高蹤
眼中人占蓬壺裏
飛醴彈棋興勿

孤石山房詩集卷三

三

備

東網當年出舊藏
王翬破墨寫茅堂
及看幽境圖相似

自喜先人願始償

尊人樓居先生有查浦書屋圖爲王石谷所書又有疏泉疊石何年就圖

樣先從畫稿論之句

松影匝樓清入夢
花枝隔院暖浮香
乘閒我

屢拖遊屐先許題詩在曲廊

廣陵喜遇張玉川

落月情傷久別離
十三樓畔慰相思
一時似在冬瓜堰
萬口爭傳春水詞
此地才會憐杜牧
多生畫欲逼王維
丹楓且緩吳江棹
料理秋風共酒卮

銘竹弟招飲

吹盡西風衰柳條
薄棉衣暖似花朝
上弦已是三分月
中聖難勝十葉蕉
兄弟歡情成合釀
風流往事憶吹簫
西湖回首吟紅葉
廿四橋邊話六橋

青林吟館雅集

霜後風流又一時
半緣舊好半新知
繞籬霜信花逾艷
合座鄉音酒不辭
剩許交情青鏡侶
免教心事白鷗疑
排年自笑肩隨少
闌入吟場鬢已絲

以尋壑小照乞許江門補圖

鉄瓮城南丁知橋
幽人笠屋似團瓢
一生能事詩兼畫
江上青山未寂寥

孤石山房詩集卷三

四

劍門法嗣今無幾
相值邛溝木葉殘
三尺溪藤留小影
倩君破墨寫烟巒

遊焦山

侵曉杭一葦登岸
岩氣冷沉沉
枯木堂吐納江萬頃
何年隱逸地
拓此招提境
山僧流法乳
佛日事幽屏
遙峯乍沒波
古樹盡垂纓
寒翠落寥廓
幻結象外景
彷彿竭牛盧
白雲浮半嶺
數字留殘碑
蛟宮出巨鯁
高風渺曙昔人世
改邑井目送海門潮
天空鶴無影

松寥閣

三間敞空際
翬窟占仙鄉
潮度金山磬
隱窺碧海航
浮

雲無定影飛鶴杳何方文酒流風在我憐程益陽

同金壽門顧并閨施竹田查七倫宣門泛舟紅橋
三首

不用租騎白鼻駒一篙碧玉小秦淮綺疏臨水花牆短
結屋都如畫舫齋

鳳鞋珠被影塵空間說春光落錦叢依約赤闌情不盡
清歌曾颺柳絲風

大小寒林儼畫圖蘆根波冷鳥相呼聯吟小泊銀塘畔
落魄天涯幾酒徒

對雪

卷三

五

崢嶸歲暮客意闌北風吹雪愁雲寒暖氣難回黃綢被
清光直抵白玉盤幾人墜戶比蟲蟄千林點墨看鴉攢
江天漠漠出小艇紅衣何處投漁竿

題邊顧公葦間書屋圖

數椽非泛宅光景似元真雲水多于地菰蒲老此人忘
機鷗可狎應候雁來賓何日比隣住相將唱采蓴

臘月初二日復雪疊前韻

殘年三白勢未闌誰教冰子居沍寒到地一聲東簷折
遙天雙影饑鴈盤回憶驢背詩境遠亂飛鹿角花光攢
聚燒坐閱古佛却高春何日紅三竿

次顧并閨廣陵歲暮感懷韻

編郎唱晚慣迎潮鄉思華嚴第一橋幽磬六時參淨業
孤燈萬感集深宵江湖結客吟場冷雨雪懷人夢境遙
鎮日茶烟禪榻畔松風吹徹鬢蕭蕭

邊顧公以所畫蘆雁見贈賦謝二首

惠崇妙蹟苦難求誰寫瀟湘一片秋霜信年年來紫塞
七條琴韻滿汀洲

寒風衝陣急相呼兩兩三三宿敗蘆極目遙天沉遠信
可憐歲晚尚江湖

次陳燭門明府訪吳仲圭墓韻

卷三

五

解脫因緣托佛家手題碣字鬱烟霞生前研易全高節
世外招魂有冷花叢竹只今傳翠墨寒泉何處門清茶
仲圭舍旁地忽進一泉甘寒異常 美門老樹人猶惜不
仲圭歿泉亦湮見李君實畫勝 似荒郊噪亂鴉

二月望日同陳雲川查研北錢芝坪清許過古福

源院分韻得同字

雙林人外境出郭墊航通白社何年約元談此日同室
盧滋嫩薛鐘古剝旋虫清籟心相印花南一磬風

訪王載揚徵士却贈

鶯脰湖邊泊櫂遲論文海內幾心知三千里外長爲客

二百年來少此詩日下名稱珠樹久江間夢落篆沙奇
一身久作風騷主寂寞休論賦賦詩

哭曹古謙徵士二首

極目燕雲遠何人賦小招幾篇遺草在十載斷蓬飄身
被才名誤魂憐骨肉遙故鄉爲位日悽絕雨蕭蕭
平生知己泪昔別已傷心徵士名空得清門痛轉深卜
鄰餘草屋入世少苔岑文酒同前夢悲風咽斷琴

憶舊松上人

修竹風來和梵音佛廬香篆托閒心一聲清磬碧溪遠
日暮緇經黃葉林

孫君山房詩集卷三

七

壬戌元旦同曹六圃陳雲川過問心庵與顧并聞
清話

今日立春後一日久晴轉覺風雨佳屠蘇各醉卯飲後
衝寒艇泛野水涯金牛湖畔老詞客論交廿載忘形骸
萍浮桑宿故鄉遠水床雪被殘僧偕土俗肯教藏糞帚
和神養素長心齋莊鶴亭長發高興餐花館主多幽懷
相携共集已公屋閒緇經卷拈詩牌伊蒲設供飽禪味
笋蔬味美逾鮮鮓妙香垂箔紫鳥篆冷雲凝絮鋪松欵
東君着意酬令節巡簪梅信放不乖舊雨晤言有真樂
歲朝一笑願已諧茶烟芋火澹無事簪紱安得如吾儕

霜靴遙憶早朝罷投刺亂踏黃塵街

陳雲川讀書問心庵四首

團瓢何處好郭北埜溪邊老樹雙扉靜幽篁三徑連開
軒賞鷗雨橫榻風茶煙借住此中客塵實跡渺然
數椽環堵內隨意作文房安穩烏皮几逍遙雁字堂著
書憶劉經洗鉢效徐商早晚鐘聲起花開佛日長
流覽窮今古幽懷孰與同夜燈燈影畔曉夢鳥聲中
佛嚴書課逃禪信酒功疎簾香篆散琴薦把松風
咫尺吾廬近林垌石路紆爭名離宿垢高致侶潛夫共
坐蒲團話追思蓮社圖城中有詩友謂六圃遣鶴便招呼

孫君山房詩集卷三

六

追和皮襲美館娃宮懷古

玉柵金橋跡久無千秋傾國怨名殊復仇烏喙甘嘗膽
不藉西施亦沼吳
一箭香涇射遠天花叢畫舫闌嬋娟笙歌盛事今銷歇
猶有吳娘唱採蓮

九日吳山登高

瑞石峯西倚夕陽層層巖樹葉微黃殘秋景物延清賞
今日登臨得故鄉低吸湖光開皎鏡遠依雁影望歸航
聞老母自京將歸芒鞋容易酬佳節插菊誰憐鬢有霜

寄懷范殿元

極目關河隔瘴烟
梅銷嶺外信頻傳
湖山風景燈前夢
飄笠因緣畫裏禪

近寫有行
脚小照

吟遍蠻鄉蘇玉局
才高幕府杜樊川
我曾萬里浮瓊海
追憶狂瀟輒惘然

寄祝家叔歸愚先生

多生綠境托瀛洲
晚歲功名願始酬
蓮觀談經昭代事
金門待詔列仙儔
看花慣醉樽浮蟻
健飯無須杖刻鳩
回首靈岩山畔樹
萬年枝長記春秋

題蔡效清竹寒沙碧山莊圖

獨處雲窩裏
青山伴著書
幽篁通石徑
大壑傍茅廬
轉憶盧鴻宅
誰圖魏野居
他時容過訪
晚食釣溪魚

孤石山房詩集卷三

五

金果洞

托跡在塵埃
巖壑意轉深
秋殘風日佳
杖策尋遙岑
緩步越修嶺
幽賞涵冲襟
雲根冷泉遠
日氣蒼崖沉
險就苦
厂居寒龔松
徑陰道人伴
野鹿偃息眠
空林山月任
還往
溪水流古今
他年若結茅
來此遂隱心

寧峯庵

層巒紫蠶絲
曲路似香篆
禪扉傍澗開
清遊興不淺
嵐翠澄石樓
山楹結紅蘚
坐對玉屏顏
蓮峯白雲卷
孤寄占寂寥
殘僧證五行
物外愜秀情
清風冷然善

題張妙峯所藏董文敏書卷

丹青勝國推四家
曰文沈唐仇華
亭尚書出其上
猶之松雪不與倪黃
諸公相等
儔八法六法並精
妙夙具慧業
天人流零縑片紙
傳後世藏弄珍重
逾琅球有客示我一
橫看麻皴苔點精
神道山如飛白樹
如籀蹊回壑斷孤亭
幽雲開江外遠峯
出蒼波隱約來漁舟
經營意匠別宗派
墨痕北苑追千秋
畫禪室中妙香焚想
見紗帽常籠頭細林
圓泐羅几席乘興忽
向冰綃收大患有身
苦塵網烟霞物表時
探搜名山早協獨往
願草堂資斧誰堪謀
年來性懶廢墳屐
少文四壁供清遊
平生愛畫入骨髓
囊中惜之兼金求
惟期秘玩謹儻衍巧
取豪

孤石山房詩集卷三

三

敘知無由

松隱精舍

巖巖松風和冷吟
蒼厓古木結秋陰
千尋苔壁白雲合
一徑芒鞋黃葉深
日轉幽林窺磻戶
泉鳴危石弄瑤琴
山窻岑寂禪燈影
坐愛蒲團長道心

璇源書屋與載揚話舊

伊人水一方
經時咏采芻
河橋官柳凋百里
輕舟達湖濱
舊書堂遙林山影
抹侵曉欵柴扉開
顏話契濶會交見
古情晚歲勿乖刺
感懷懶回首
薊門勞鐵獵青雲多
故人此身尚衣褐
心事只風騷
塵機自解脫
元音接正

始唱嘆妙疏越葉落窻月寒共擊吟詩鉢

平波臺拜張志和像

百頃玻璃上空祠盡日閒水通西塞路烟遠莫釐山
簞笠同清夢鷗鷺識舊顏高風漁父曲終古唱人間

論印絕句十二首

嬴秦小璽日星垂手鑲昆吾丞相斯神物舊題清閣老
祥雲何處護盤螭秦時小璽其文曰疾疾除承康休萬壽寧元時爲倪元鎮物元鎮詩云
廢一經秦劉印白玉盤螭小篆文後轉入于沈啓南陸叔平顧汝由諸家今不知歸何所矣
流傳諸錄任君參昔士何曾乏指南四語陽水示真訣
此中三昧幾人諳

張石山房詩集卷三

三

破墨神樓枉作圖封泥署紙儘摩挲鄴侯偶刻端居室
齋館紛紛結構多金陵劉元瑞無力建樓文徵仲爲繪神樓圖鄴侯居室印爲齋堂等印之鼻祖又徵仲嘗云我之書屋多于印上起造

遙想風流白石郎鳳儀恰好對鷹揚高情遊戲昭千古

印入丹砂名姓香姜夔有一印云鷹揚周室鳳儀虞廷以隱其姓名

鐫雕成句太紛拏填篋充囊古意誣回首當時誰作偶

拘文秋壑厚顏無賈似道有賢者而後樂此一印自後相沿多刻成語

鷗波亭子一燈明簫簟精詳著墨兵直祖南唐徐氏法

傳衣閱世得文彭精于品有印史

倒好嬉因諧謔傳樓居跛叟望如仙一生幾額窮文字

留取金針學古編吾印子行於管仲姬書上印用好婦是制好婦子耳子行有學古編

幽居巷裏隱蓬蒿蟬區精神凝珥刀筆錫嘉名方寸鐵
勒銘固是一時豪朱伯盛住崑山幽居巷張伯雨首其刀日方寸鐵謝子蘭作銘楊廉夫作

志

淹博良工識苦心斷碑泐鼓費搜尋選選身處周秦後
散易居然蕉雪林朱修能蕉雪林印品陳仲醇序之云此周秦以後一節散易也

鸞翥蛟螭見古人流應韻格挹天真瑩孤禪踵靈漁泓
全失秦朱漢白神

萬年呂用陳元黃陳元黃字木擅遊藝顧美徐白異曲却同工真

張石山房詩集卷三

三

詮今落龍泓洞絕技刀藏埒數公錢塘丁鉞丁楷于篆刻深得古法

辛苦雕虫細討論平生嗜古性猶存每憐共賞無迂鐵

海寧馬寒中晚號迂鐵老人隻眼只推金壽門

訪姚玉裁不值

蓮花古莊雲水寒黃茅詩屋木葉殘入城遙泛一篷雪
正期文字追清歡玉獨吹迎銀鹿送兩版間門敢題鳳
吟場酒地共笑談萍跡揚州回舊夢

癸亥元日同曹六圃陳雲川陸南紀家兄寶田問

心庵清話有懷顧井閭粵東

舊夢忽回首仍來青豆房寒領九月臘時初十清飲一

年狂把酒偕佳客書雲對妙香梅花牽遠思吟侶隔南荒

送張玉川之山左二首

久客纔歸里輕裝復遠征布驅自無恙春水趁方生樹
隔田廬杳雲開海岱清旗亭題壁徧東魯占時名

相見卽言別關河意邈然花前一樽酒珍重此離筵道

遠雙魚信書尊五鳳磚封題期早寄便荷故人憐時屬見孔

拓

歸雁

振羽東風鄉塞塵清霜初落記來賓年年身作江南客

五石山房詩集卷三

五

不見江南三月春

訪家冠雲兄

倚棹吳淞畔情關族譜亭乾坤留一士身世托羣經禁
斷黃塵路家依白鷺汀倦遊耽野處吾道貴撓寧

題杜少陵像三首

稷尚此身許生涯終若何文章遶運數天地擾干戈回
首悲諸將傷懷放七歌沙鷗飄泊慣無計隱東柯

戴笠形全瘦艱難屬舊聞萬間思庶士一飯不忘君杜
宇啼殘月羅塘結慘雲清魂何處所欲賦小招文

精氣雄靈府揮毫泣鬼神至今詩史獨終古草堂新大

雅空前代殘膏丐後人騷壇論勲業第一畫麒麟

送樗莊兄之中州

芳草春三月驅車到大梁身登吹臺上心爲故人傷昔年

楊莊與楊致軒有吹臺倡和詩年飽暖無長策才名慣異

鄉所愁相見日定益鬢邊霜

消夏初集咏水窖限蒸韻

有客屬我賦冰窖執筆已覺寒凌兢恍疑身入玉壺內
陽燄不敢騰炎蒸重陰易占坤初六履霜馴致凝堅冰

吹到東風看解凍甲乙地氣方上升古來王政靡勿脩
試從周禮幽風徵火星正中日北陸凌人歲掌工斯興

五石山房詩集卷三

五

深山窮谷日復鑿巖羔祭韭時相承預度消釋積三倍

遂使凛冽堆千層調羹陰陽本至理却除疾疾誠殊能
至今官窘猶古制水晶坑塹羅鮮澄丁丁銅盞走販墜

公街壓擔如貫繩一碗清涼徹肺腑飲啜直與瓊漿陵
誰云夏虫不可語寒光正復驅蚊蠅偶成雅會皆良朋

惜叅冷句無高僧撲鼻美菓石沼放沁齒瓜李磁盤登
眼前盡非趨熱士冰氏之子多名稱

秋夜宿窳軒與泉陰巖門話舊

荒庭戔生明寒虫吟不已落葉識枯心涼風吹萬里夕
凝秋氣清茅齋澹如此契濶平生歡相對快遇凡往哲

振大雅垂裕視素履嗜古欣有得安遇忘蓬累寂寞長
道情孤燈有妙理

寄懷椒園

帶圍腰瘦比何如乍喜歸人問起居三絕韋編懷古洞
弟近閱初白先生玩辭千秋金鑑本奇書弟會進鑑古
集解伊川有讀易洞今以副開拋沙路青驄馬夢繞江鄉舊草廬白髮高堂
勞遠瞻臨風時望慰雙魚

憶載揚

故人渺千里頭白客蕪城文采知無敵窮愁坐此生
橋潮正上江樹雲初晴歲暮應歸棹相過一慰情

香山房詩集卷三

三

甲子元旦同曹六圃陳雲川立堂陸曉山南紀家
兄寶田姪南雷集問心庵

吉日身佩玉剛卯是日卯春光齊向爭坊討好事頻添入
社人殷勤墊衲逕初埽何必青松與白蓮照眼梅花亦
自好清齋且噉段根蠶修齡休冀無核棗男兒真是可
憐虫只許生涯任芳草稽首梅檀古佛前終年離垢離
煩惱

伊查居仁家寶田兄見揚姪至光德庵訪舊公上
人有懷陳雲川次寶田韻二首

只隔牛鳴地相思日夕增一航偕素侶雙樹隱高僧愛

聽無生話真成耐久朋明燈方丈畔跏趺坐我猶能
緬昔屯田老清風曠代參龜趺頽短碣馬鬣過荒庵遠
裔耽幽境誅茅鄧尉南全家樂肥遯山水興方酣

題查岩門吳趨集二首

茂苑交遊慨復論清才終古重清門布袍席帽人爭識
初白先生第四孫
吳宮無那劫灰何又感西風葉葉歌往日風流最堪憶
金閶亭畔柳枝多

喜查履旋自都門歸里二首

相逢且痛飲久別湯追思望遠雲千樹情深草一池高

香山房詩集卷三

三

才仍落魄狂態倚清時今日還鄉國騷壇與護持
風月西湖杳東華八載留氣豪精射獵筆健抗曹劉到
處沽名酒歸來剩敝裘青雲多少客盡是舊同遊
池上露坐

漏下息羣動一池露華冷風來荷葉翻宿鷺見雪影雲
淡天宇空梧落秋序整境間遠塵寰冲襟默自領

海鹽歸舟

薄雲散平楚涼風載滿船今日暑潛退秋氣涌清川淺
洲下雙鷺遠樹鳴一蟬陰陰雨欲來彌望皆平田

食分湖蟹

幽藪通吳淞半屬秀州界厥產有桀步美味擅江介稻
熟霜華清腹芒期正屆居閒食指動筮易得離卦野塘
紫白練片席乘風挂言尋緯蕭間郭索論斤賣煮飄翠
金香堆覺磁盤隘敢詡爾雅熟持螯恣一快欲酹鱸膾
斫遠勝牛炙噉厨中薑再鳴籬下菊未敗啜醕顏易酡
追往增抑噫烟波故依然圖經采佳話珠簾並載遊松
雪宿成畫愛此雲水鄉共酬觴咏債彈指四百年風流
絕前派只餘漁蠻子罟網夕陽晒招潮江海心笠澤著
深誠聖蹟自無涯晒彼均堂芥

遊萬峯庵贈讓山上人

孤石山房詩集卷三

三

巖翠淡夕陽一徑松陰裏清磬繞泉流孤策撥雲起幽
禪抱冲襟空巖此棲止心如第二月霞外了淨理木葉
落空堦宴坐無終始風來檐影動佛燈明不已

冬夜喜陸青來論書法

小窻松下一燈明雪後茅齋氣轉清此夕酒樽同論古
早年文賦盡知名墨池編攷碑題脩筆陣圖傳胥趨精
著意芭蕉栽滿院只愁腕鬼學難成

泛舟雲龍

鏡明圓渚間百里好烟水倏忽風鼓濤疑有潛虬起數
峯失翠影兀坐孤篷裏褊心了無用乘危識妙理

孤石山房詩集卷三終

孤石山房詩集卷三

三

孤石山房詩集卷四

仁和 沈心 易仲

春社前一日迎燕得塘字

依然舊壘鬱金堂回首秋風別思長
夢遠啣花飛曲院情深垂柳拂橫塘
記曾相見憐公子認取頻來等故鄉
畫閣湘簾今盡捲明朝好語到雕梁

三月十七日履敦治具招同寶田及世燕遊佘山
盤折溪路長迎潮泛舴舺春陰柳黯色
野水雲弄影傍渚多苗茨秀情愜修嶺
共結烟霞綠深入秣茨境晚食泰玉版
淡覺禪味永言尋藥公廬佳處頗堪領
磊磊舊

孤石山房詩集卷四

十一

白石荒廢苦痕冷太息施浪仙藝苑樂馳騁
遺跡在澗阿後世誰識省斜陽引眺覽懷古
轉耿耿茲山豈杳遠終愛嵐氣靜老衲閉
巖扉物外得幽屏

南池杜文貞公祠

微山橫影繁蠶絲延就亭畔黃流遲春秋
詩國拓古縣風流結想開寶時逍遙野服
樂游行後先李杜曾來茲迄今太白飲酒
處危樓城上連雲甍高文小篆記狂醉月
明髮髯迴仙姿鳴蟬洗馬威晨露少陵短
律題南池粼粼碧玉漾荇藻斜陽烟蔓眠
殘碑阿誰到此問故蹟坐令憑弔增嗟咨
身奉簡書迺齊魯繡衣使者青驄馳

公廨却喜佳詩境柳陰隱約波通詞遙遙懷古意不盡

雅騷會萃真吾師日服灰瓦六腑暢夜看金字雙眸奇

精誠交通要有自一生低首無窮期前修墨點後世重

此間何以闕崇祠吉日肅工結棟宇大書榜額騰蛟螭

飯顆戴笠太樵悴元綏輦帶昭官儀瓊漿蠶勺肅頂禮

瓣香靈魄其格思歌闕迎神送神曲冥契心事巫人知

惟公瑤華佩至道方寸忠愛靡忘遺朝廷九門動征伐

妻孥一室傷流離唐虞覆契本景運求陽牛肉千秋悲

浣花溪遠緬裴昔欲就草堂難乞資如何清吟出偶耳

曠代相感興華樵丈夫垂世豈寂寞奚必飛伏論雄雌

孤石山房詩集卷四

十二

名區架構兩擅勝儔然逸韻酒與詩南來尺素剖魚腹
得聞盛舉懼且疑長貧那惜倒俸橐施手便已光文陣
對床聽雨尚遠願草木可敬愁天涯閉門覓句我送老
嘗藉膏馥充朝飢混茫真宰函衆妙末學詎易窺藩籬
小舩秋水入幽夢杜鵑聲急空江湄

綠陰二首

千枝萬葉自年年影入平蕪遠接天冉冉暮春多夢雨
融融清晝若浮烟含情轉惜哀蟬曲徑蹤空叅枯木禪
知石深閨重過問水嬉心事悔樊川

女夷吹鼓作柔風水墨屏開到處同黑蝶夢消花事後

黃鸝聲落酒杯中相憐芳草愁初合仍信寒松節不窮
彩羽驚風隨偃仰御溝回首碧流空

秋純

牽引鳬翁冷夢多絲絲明碧漾澄波涼風最易生鄉思
淺渚猶憐起棹歌憶得鱸羹如白玉霄將雉尾有殘荷
中流采采秋情遠鹽豉登盤滑奈何

同顧升閣聖因寺訪焚虛上人遲丁鈍丁不至

引勝孤筇遠言尋功德林青山古佛髻白社故人心磨
衲侵雲影吟瓢挂樹陰如何丁處士不共豁幽襟

夜泛三白蕩

孫石山詩集卷四

三

醉中隱隱聽鳴榔天外微雲接混茫夜靜驚鳬何處宿
敗蘆低覆一灘霜

唐元宗泰山銘歌

封題遙歷幾驛亭有弟遺我磨崖銘聖帝衍波異結構
背門帶霧含精霽岱宗位尊五嶽長鴻濛一氣通天庭
稽古柴望崇秩祀織烏營室占躔星明皇封禪來萬騎
虞周秦漢追儀型輯瑞壁圭几筵肅致虔黍稷神明馨
河海清晏雨暘若爲民請命長盈寧頑岩業義出數仞
龕砂龔治鳩千丁文成深刻紀功德後心萌動嗟朝廷
大夫松畔挾麗藻計傳萬禩留東溟自是開元全盛際

邊微靜謐聞輜輶太真胡然入禁掖流龍飛國兼秦刑

牙旗權重猪腹貴屢服龍驗龍萊服馬鳬雲集爭看獲

蠶叢雨降悲淋鈴天子蒙塵急安倚金泥玉檢歸渺真

白傳興歌正惆悵宮女閒說殊難聽憂勤逸樂勢本左

回念初政陽光燄七十二家迹盡埽片石完好圍霞青

八分法妙祖篆籀綜美大翻隨飛停離奇芝英變體筆

詭乖米國妨眸釘証若此書整且勁恣覩渴驥差堪形

茅齋首夏清晝永哉生魄後羽階莫摩抄翠墨發幽思

隔溪斜照窺疎櫺往代駟搖鑒不遠浯溪鐫頌蒼波渟

日觀峯高從想象九點烟挹羣仙局聖賢垂則昌身佩

秘殿當時寫孝經

厲樊榭移居次韻三首

物外蕭然樂性餘別從東郭卜幽居自知清夢宜鷗社

共惜豐才不石渠子舍直同懷縣賦午橋肯羨晉公廬

一牛鳴路支筇竹依舊西湖狎老漁

海嶽庵猶說米顛羅浮遙想葛洪仙張雉有葛洪

可使食無肉樊榭自居志在得有客頻來衣不船廉讓

之間多遠抱義皇以上足高眠眼看甲第連雲起好笑

浮榮半錦錢

麋竺祠前小徑斜開門遠市益堪誇隔牆易取新鄰酒

抱甕還澆舊主花乍引蒼松爲執友慣棲紫燕認誰家
書窗筆格隨宜置一室幽吟隔俗譁

榮聖庵訪大頂上人

歲暮得閒興支筇歷斷坡半龕枯木靜一塢白雲多石
壁侵燈冷松泉與磬和梅花涵靜氣相對老維摩

佛日寺

嵐翠香臺鎖幾重坐收九十九芙蓉定中野衲聞寒雁
劫後空山感古松土脉遙尋丁字障時更先塵懷頓

浴午時鐘烟霞深處芒鞋健猿鳥相期物外踪

臯亭山

孤石山詩集卷四

五

翠峰齊峙一峰雄絕頂岩亭細路通思脫風埃黃鶴舉
望窮江海碧雲空巖樓谷飲情相戀玉柱銀房境畧同
遺跡軍屯悲宋末前塵黯淡夕陽中

歸愚叔枉過却居二首

相見輒心喜精神真曉冷別來已七載夢遠第三廳北
郭推詩老東方是歲星乍歸茅屋底舊隱似金庭

忽剪吳淞水來過老樹却小齋正岑寂當檻梅花繁杯
醞初浮蟻盤餐不設豚叔性不食肉感深題拂意微帶寵名

言曾辱作小集序

祝寶田大兄六十壽次翁齋堂徵士韻二首

華髮蕭蕭閱廢興數窮今古有明徵關河久歷塵途險
杖履羣推道岸登欲占名山稱外史贊同老硯伴中丞
宋人曰水獨抱遺經藝苑遊豪吟老健足千秋未教峰岫行攜杖
共識神仙居好樓調鶴因緣貪暇日狎鷗圖畫溯清流
見有秋水狎鷗小照長生記畏黃楊厄見以閏三月生故云海上奇方笑在

泛舟海鹽

河水悠悠去夷猶信短篷寺鐘千樹霽漁笛一川風布
穀田歌遠條桑野景同蕭然舊相識沙際幾見翁

孤石山詩集卷四

六

同寶山上人姚雋占登秦駐山憩茅庵

松篁隱細路手拄孤藤瘦共入祖龍廟蝙蝠撲白晝絕
境歷危岡雲氣穿岩透山中古佛廬列檻蒼蘚繡怪石
星疑落幽禽樂遊奏烟霞仰微向巡軌詩老舊徐述庵
中山岩樹腹半枵澗泉齒一漱夕春隔嶺聞海濤應鐘吼

柳少師遺硯歌爲丁鈍丁作

秋晴走訪丁隱君坐我江干之草閣亂堆卷帙兩榻橫
遠挹危峯八憲拓殷勤手示少師硯平生真賞神蕭墨
模式頗類興和磚長澗未遑周尺度外方內製虬卵圓
端溪貞質良匠作鎖剗窪背斧劈粗墨蓄殘脣鐵繡錯

嘉名銘語歎識奇閱世遙遙傷寂寞柳公樸學兼藻才
身入朝廷愛精博聯吟午殿拂壁書召對子亭然紙燭
錦標初呈賜月糕戎衣章就捐思索管因舉袂披丹衷
筆諫微言亦謬琳瑯碑版照四裔薑芽飲手元和脚
千秋妙蹟入雲烟何處飛來華表鶴銀盃羽化笑當時
此硯知誰藏夜壑淒涼佛案炷梅檀硯向在一廢寺中
僧人撰作香爐純
丁見而終勝岐陽鼓凹鑿龍泓洞主鑒別精一朝頓喜
延津躍乃知神物等斯文中雨元氣難銷鑠惟君蒼雅
素所矧日抱奇珍特健藥羣經點勘冷古歡小篆頻看
猶碧落摩挲重是昔賢遺片瓦奚爲購銅雀好事未登

孤石山房詩集卷四

七

續古箋豪情直埒淵材彙墨池水滴玉蟾蜍琉璃匣爭
垂疏箔其禾保用宜子孫慎勿襄陽遭唾攬

金粟寺

海角烟霞會巍然此祖庭高僧曾卓錫初地共緇經雙
樹依壇綠諸峰繞戶青蓮花開法界天遠磬冷冷

臺莊登車

攬轡彭河畔天清氣似秋斜陽沙路馬疎雨叢林鳩鳴
雁悲前夢溪山引勝遊江鄉渺何許安穩羨扁舟

泰山道中

行行不知處天已在山中乍領千岩勝平開萬象雄烟

霞挹齊魯日月盪鴻濛身上丹梯頂前遊悔未同椒園
曾雨

四月二十二日東萊官舍與椒園話舊三首

淵隔數千里流光十四年今朝騎馬到相見各欣然身
服真無忝蜂腰只自憐故園慈竹長一簣舊爐烟

禹貢青州域巖城北海濱主恩隆遠輅官況得長貧

閣外丹霞山聳花前白髮新長懷脊令頌喧氣合三人

時伯兄
先在署

安穩東頭屋情歡萍跡時禽聲歇枕異樹影轉堦遲皇
甫有佳序勝公認舊碑弟爲先子卜兆
營墓事及刻先集賴君振先緒

孤石山房詩集卷四

浩劫忍回思

白沙道中

沙磧微窪細水洄野風吹徹暮雲開斜陽古道鞭絲影

一桁青山逐馬來

海眼石在高望
山麓

雲根團結峰巒屹一卷歸立如戟冠波濤隱隱響虛寂

巖下疑有蛟龍蟠危勢凌空撼欲動高頂還宜宿丹鳳

荒陬誰認古題名石上有元人題名止存大德
年月數字餘俱剝蝕難辨風雨蒼

苔嗟舊夢

平度州

策馬凌晨渡汴汴藥石河陂長山樹斷天遠海雲多古
月秦皇祀高風寧戚歌窮鄉行部通官政護秋禾時楓
園固

張魯河

白羊山影簇春盤晚渡無舟駐兩驂曲水茅茨帶楊柳
絕憐風景似江南

撲蠅聯句

時四月維夏廷芳椒園樹蔭碧莎細螻蛄鳴麥秋仁和
吳可馴馴調簞筐具蠶歲歲蠶端乏冰雪無錫陳于王占
五簋鍾蕃枝裔潛躍漸見端心撲滅恐弗逮甫生醞浮

孫中山詩集卷四

九

蟻廷芳旋長醞聚蟻王字勢何雄可馴介孽期盡斃忍
使地不毛于王脫遲天可蔽戴星發露憶心竟日成繭
踞自慚古循良廷芳亟救今火厲爰役千丁男可馴各
搗一莢莖陣圍森乍合于王踴躍密無隙塵揚族屢忙
心雲集闕秘曳列魚麗虎黃廷芳忽猴跳大猱坎坎土
鼓伐可馴趨趨草茵綴噬吞寧食肝觀察夫子董捷時
吞嚼數蝗屬吏役
驚歎于王追奔皆決背亂叢搜伏匿心深坑急埋瘞
赴功效効勞廷芳行賞示勸勵豈以疆域分可馴總須
耕耨粵稻昔伊耆于王臘勤八蜡祭農農拜特虔心
猶虎迎早計周官鼃鼃除廷芳蠅氏牡鞠洩大田詩亦

云可馴秉昇炎火焚先王多苦心于王小物且定制昆
虫苟母作心嘉穀乃克藝剝憐東萊郡廷芳游饑南畝
糴去年復遭蝗可馴加賑兼免稅方冀大有書于王那
堪薄稷繼不珍瘼下民心惟簡在上帝田祖信有神廷
芳倉司能布惠時觀察文履禱于八蜡廟劉猛將軍祠
按宋史劉公韓宰字平國金壇人紹興
中進士仕至浙東倉司幹官告歸隱居三十年卒諡文
清以正直爲神能驅蝗保稻今祀典歲祭而俗呼爲將
軍廟嗣辜備當酬可馴呵護慎勿替菽粟齊綿庶于王
騰嚶尋飲齊吹幽祈屢豐心共樂承平世廷芳

劉復愚小硯聯句并引

硯只盈握製古樸體盡剝蝕旁有描篆蛻字知爲復

孫中山詩集卷四

十一

愚物按唐書蛻於懿宗朝官左拾遺疏劾令狐綯之
子滴納賄著有風裁謫華陰令嘗論鄉飲酒禮及論
江陵耆老書力持正道有文泉子十卷自爲銘以瘞
之去年春得此硯於吳市今來東萊攜之藤笈出示
朱孝廉天門暨弟叔圍共鑒賞之因相與聯句已已

五月望

巧匠割紫雲廷芳遙溯晚唐久方寸堅同心朱承煦天
門流轉喜入手嘉名妙雕鵠心隻字迴蚪蚪依微蟻脚
滋廷芳剥泐松皮醜慨然思前修承煦確柯垂不朽職
並少俊翁心筆追孟縣叟杰才挺諸子廷芳碩學窮二

西義宣祠祀書承熙禮正鄉飲酒糾彈白衣相心篋述
黃絹頌文泉集尚存廷芳銘冢詞獨有此物未共瘞承
熙歷世賴勤守韞積合琉璃心陳几配瓊玖闕補疎寮
箋廷芳凹肖陳倉白兔管霜凝纖承熙麝煤露滴瀏絕
品堪張軍心清娛愜尚友揭鐵槎山節廷芳轉憶玉
井藕遠道隨行滕承熙小言耻覆瓿摩挲汗簡旁心貞
吉協長壽廷芳

東海神廟次椒園韻

一髮青天極補陀歸墟今復展晴波生洲遙拂靈旗影
泰時將賡寶鼎歌時奉命誰漾日旁枯木杳相親沙

孤石山房詩集卷四

士

際白鷗多蟬蛸島外揚塵久百谷尋源先祭河

寒亭

雨餘沿路水泠泠林表殘崗石氣青斜日清風策輕騎
亂蟬聲裏到寒亭

灘縣鄭板橋明府招同朱天門孝廉椒園弟飲郭

氏園分韻得之字

頻年斷璞心相思馬異寄盧仝詩白玉相見各訝添霜
髭小子河畔挽墨綬風流爲政官灘夷戶靜千村絕水
皂琴張百衲調冰絲衝暑我來苦汗雨塵途何處招涼
展辟疆舊築古堞下映衣深碧苔痕滋修篁斜影仿畫

手老槍清氣涵詩脾瓊漿乍酌青玉案綺席旋傍紅鸞
池火雲晚閣光漸淡酒酣話舊形骸遺遠跡秋蓬感海
岱宦情客緒皆天涯江南鄉樹宛在眼西湖夢杳明玻
璃異國山川洵多美浮生合并如夙期一尊此日足可
惜秘藏共賞神尤怡時出秦漢碑拓及佳硯名印見示庖按憲章除北
饌段文昌有座依邱壑超南皮荒蔓茸茸宅狐兔洛陽
園記增嗟谷劇喜尚書綿世澤花木仍向雲初貽今朝
雅集極幽暢爪泥應動人追惟丹楓寒雁愁旅館班荆
轉憶升溝時吟成擲筆發高興亟寄尋金索和之庚申
揚州與板橋訂交
於金壽門寓樓

孤石山房詩集卷四

士

冶源莊

相傳歐冶鑄劍處相國園林占古源冉冉修篁舞鸞尾
淙淙碧玉滙雲根名流觴咏花前夢絕境亭臺畫裏論
繫馬槐陰小遊憩青山當檻靜無言

東鎮

鴻瑞軒轅舊蹟消翠峰積翠鬱岧嶇元符直與星辰合
靈氣潛敷海岱遙柴望名山追漢武雲蟠古樹祀唐堯
青霞深窟塵寰隔矯首仙人似可招
同王堅吾太守朱天門孝廉弟椒園登沂山百丈
崖觀瀑

古廟控岩阿羣峰舒眼界驚聞雷聲暗壑透澎湃尋
源殘紅循側足怖徑隘行穿幾層雲呈境益險怪陡立
百尺崖天紳自空挂高瀉窮古今詎分銀漢派舊吟徐
凝詩未覩孫位畫昂首久忘言飛瀧點袖袂夢想匡廬
遊借償謝屐債山月有新姿肌膚冷沆瀣相對林際練
冥心赴清噫丹房聯策還銜孟恣奇話

新秋次椒園韵

海國涼生雲物幽天涯心事怯登樓客驚一葉初飄夕
蟲咽孤花又入秋歎雨新吟憐杜甫臨風往哲重曹牟
官情慣與窮檐切見爲禾傷動隱愁時卽墨報
電傷禾稼

孤石山房詩集卷四

三

硯林精舍二十詠聯句

宋刊郭茂倩樂府詩集

入眼絕千歲特珍宋雕本心廣擷風謠遺上溯伊耆遺
育都熏之玉裝香籤列尊藝苑廷芳

元雕韵式

家令譜四聲後代踵事多心元音追正始細畫精么麼
育都小小便懷袖一字喜弗謫廷芳

瘞鶴銘陳恪勤公拓
贈先大人

焦光燭廬旁殘碣存大字心真迺渺高踪空山發遐思
育都永懷手拓人開函墨流翠廷芳

淳化閣帖高陽李相
國家物

皇古逮李唐妙蹟入樞勒心舊拓銀錠紋殘本金鈞直
育都足誇藏弄家全璧非易得廷芳

鮮于伯幾臯亭山遊記卷時營先大夫
兆域于山間

名翰已銘心况復傳勝概心客展黃鶴幽僧樓白雲逮
育都他年營丙舍日坐翠微內廷芳

祝枝山書養生論

吳門枝指生雅慕嵇中散心卧龍真奇姿天和習性懶
育都不矜草聖名縱豪惟任誕廷芳

李長蘅詩冊

孤石山房詩集卷四

五

得句手自書隱秀標吟場心清風吹不盡舊雨情何長
育都髣髴檀園中一枝流水香廷芳

王文安樞鍾元常帖

清秋澹無事孤亭賞墨妙心佳蹟魂能追細睜神益肖
育都相携走四方巾箱有餘耀廷芳

姜西溟書冊

修畢葦間翁八法追典午心韵化墨池雲神凝鳳閣虎
育都片紙手痕留澹焉自終古廷芳

倪迂翁喬柯竹石圖

曾訪祇陀村不見清閨關心蕭蕭山風來斜日冷林薄

育都尺幅契幽心焚香靜疏箔廷芳

王叔明雙松圖

古澗偃虬枝彷彿清風生心亂堆石磊磊曲瀉泉琤琤

育都蕭蕭入夏寒還宜歷秋坪廷芳

程松圓畫冊

詩老工小筆腕底逸韵流心得趣點幽景一片林壑秋

育都蕭疎曹雲西秀澗柯丹邱廷芳

楊龍友畫冊

畫中歌九友龍友乃其一心雲烟含空濛水木寫明瑟

育都置身黨錮外筆踪固超逸廷芳

孤石山房詩集卷四

五

八大山人畫卷

人如古逸民道號證禪悅心發興作溪山惜墨見高寒

育都一幀富春圖靜觀罷言說廷芳

羅飯牛畫冊

初白查浦兩先生皆有詩張

隱居西江濱歌愛南山研心能事丹青奇芳躅塵空判

育都自經二查評遂增三絕歎廷芳

陳丹巖畫冊

往往倚薄醉溪藤寫烟壑心青山聳層霄碧樹迷遠澤

育都快意童冠時坐看畫頻作廷芳

漢玉印

誰缺昆吾刀古姿逸鸞龍心人代歎久閱姓名考無從

育都一紐文螭蟠永寶如黃琮廷芳

漢玉昭文帶玦舊在崑山徐司寇家傳是司寇樓名

孚尹蘊妙質琢成二千年心雜同白珩鳴結以采組穿

育都曾爲尚書佩重是傳是傳廷芳

漢銅小瓶

瑩瑩瓜皮色隱隱丹砂斑心名花插數點澹對娛清顏

育都作供小身佛明爭心自閑廷芳

宋硯趙飲谷徵士贈

端瓊日陳几來自漚波亭心一片蕉沁白千點花涵青

孤石山房詩集卷四

五

育都遙遙經本穴墨漬今猶馨廷芳

魚石產萊陽大山

峯色標紅猷雲根有異章纖鱗潛隱約長鬚欲開張擬

訪鮫人室宜登米老堂供來誰作贊荇藻影斜陽

椒園祀杜文貞公於北海官署之清宴堂

重向萊夷作牧鄉神弦舊曲侑神觴千秋感遇輝

宸藻椒園巡漕時於任城南池上築文貞公祠請御書蓋臣詩史四字扁額萬里招魂葵

瓣香身後奚須悲寂寞眼中如見立蒼茫浣花溪遠流

風在官舍三間卽草堂

秋夜小蓮壺玩月

冰輪天遠碧波涵小坐平臺客兩三乍可奇懷同庾亮
恍疑清影證羅雲乖龍珠冷光相射浮蟻杯深興轉酣
涼露零零罨窟靜逍遙仙境恣高談

嶧城

馬蹄得得入雲根山下人家樹下門日暮酒旗風不定
亂雅飛過古嶧村

登州拜東坡先生祠

神鴉古宇記炎州前客瓊州曾拜公祠東國今來愜勝遊宦蹟風
流纔五日仙姿緣境已千秋丹崖潮落罨窟潛窟碧海雲
騰蜃結樓擬賦小招心耿耿身宮磨竭不禁愁

孤石山房詩集卷四

蓬萊閣觀海用東坡海市韵

列仙縹緲凌高空三島遠在弱水中何年五丁割左股
移來仍扼水夷宮陡巖特受怒濤激危巔傑構疑神工
浩渺無垠天共碧髣髴雲氣隨飛龍憑闌沙際絕人蹟
但見鷗客盟鳬翁成連動操久聞寂元虛作賦真奇雄
璜溪老漁昔封國俯仰霸業嗟終窮百靈與府蟠莫測
沐日浴月波交融涓涓細流亦不讓喻壺陰火能潛鍾
蘇髣髴禱現翠阜風流往蹟追元豐釣竿苦憶孔巢父
清音誰受龍吟銅罨磯一點靜相對振衣千仞吹長風
坐珠璣巖下

偃仰青林間坐聽幽禽語望望羽人都茫茫在何許冷
然海上琴濤聲渺島嶼

懷林山甫

之官八十日高節似柴桑歸隱深林際擁書坐草堂幽
蘭憐楚晚秋水契蒙莊有道碑誰作遙遙天帝鄉山甫有莊
子楚辭箋註

萊陽

路入昌陽境羣山似故鄉溪流清可鑑松影翠生涼娟
妙雲連登高低樹隱莊夢回叢桂杳秋思轉蒼茫
行火山下

孤石山房詩集卷四

太

幽境疲驢入田疇百頃寬秋空山滴翠日落樹生寒野
屋攢深塢平橋瀉急湍似披盤谷畫先結隱心歡
過雲腴館贈趙蝶莊

騷雅情相屬天涯托契深忽勞懸榻待絕愛倚樓吟綺
席醉三雅精廬秋一林坐忘清漏永涼月轉藤陰

金華山二首

石作蹲獅狀沙縈古篆文喬松橫翠嶺茅屋亂浮雲
高下信馬足曲磴凌虛盤秋草帶嵐氣空山生夕寒
萊石

亞祿山峙郭西林薄翠烟動雲骨鑿已殘陰麓多坑洞

因具似玉姿制器材復中碧映藻沉波白愛銀流永一朝列璠璣德苞比丹鳳

倉頡冢在壽光縣方輿勝覽載有幾處按皇覽云倉頡冢在利陽亭南則關中左馮翊者爲是此殆

創書鳥跡妙真形丙日三蒼敢乞靈馬鬣封多渾莫辨古碑猶傍利陽亭

古重陽小飲隱拙齋菊花下

籬下霜飄未餐英及此時乍驚秋氣冷最愛夕陽遲黃葉澹相對綠醺酣不辭數聲雲際雁天遠動離思

堯溝夜行

孤石山房詩集卷四

五

曉色浩無際沙明路稍分馬驚雙澗水犬吠一邨雲遠火樹中見孤鴻天外聞夜深茅店酒寒氣敵餘醺

雨宿淄河同叔園作

殘葉荒村尋古驛明燈孤館到臨淄客中共醉一樽酒姜被全聽秋雨時

顏文姜祠

按文姜齊人字李氏子未婚而亡念舅姑失養遂往事焉姑嗜漿泉爲汲數里外一日室中泉湧出後流成河名孝婦河今祠在秋口山麓

千年名不滅祠宇控山幽鬱鬱貞松茂泠泠孝水流白

雲高座繞黃絹古碑留簫鼓賽村社神雞春復秋

秋谷山莊懷趙仲符贊善次椒園韻

名人遺構此名園蘚樹莎亭繞水源當檻石橫雲一片回溪風戛竹千根山中慣住王摩詰海內猶傳褚少孫朱紱輕拋便歸隱霓裳法曲舊愁繁

原山

瑤泉幾派激清音身入寒雲一徑深遠岫眼明殘雪影紅泥亭子翠松林

豐水

何年神漢出平田照眼銀花翠葉鮮曲曲穿林流不盡

孤石山房詩集卷四

三

書巢畫閣付荒烟泉上舊有張氏莊今廢

昌邑道中

雪餘亂水帶沙渾曠野雲圍遠近村甲父亭邊古柯瘦踈踈紅葉點霜痕

鐵槎山

直探九頂一支筇樵徑螺旋翠靄重海島千帆翻雪浪洞門雙瀑濺雲松龍眠黃岩還留影虎守丹爐久滅踪遙憶古仙王處一木魚成佛住高峯

題張浦山徵君古詩解

瓜田有逸史力扶大雅輪吟詩客上谷精髓窺先民遐

哉十九首經緯天星陳五言寶祖豆作者知何人性靈
本各具托喻要有因彼以意逆志箋疏徒紛紛今茲觀
妙解寶鏡乍拭塵遙遙兩漢還字字歸其真韓嬰與王
逸風騷推功臣千載得主玷窮約甘此身

歲暮懷故鄉諸友

海嶼殘年雨雪侵難忘瘦厲樊榭與髯金壽門龍泓有
客眠虛洞敬身鶴渚全家返故林雲川子建讀騷香草
合六圖阿瑛懷古白雲深并閨關心更有江聲叟續齒
霜髮蕭蕭日苦吟

遺愛祠謁徐中丞公

并序

孤石山房詩集卷四

三

公諱從治海鹽人崇禎壬申賊圍萊城公與朱太守
禦寇堅守數上書告急請援不報五月公死於賊破
後贈尚書建祠祀焉公爲余外姑曾祖今拜祠下感
而賦此

抗疏終嗟未濟師孤臣一死重當時騎鯨久去神如在
飛豹猶封事可知慘淡海雲橫古郭蒼茫野日下空祠
秦溪已感尚書宅宦地尤深異代悲

花朝同人卯飲隱拙齋南廊分韻

經年萍跡古根牟春在天涯樂勸酬牆脚濕泥消舊雪
甕頭浮醪劈新芻二千里路頻牽夢廿四番風漫引愁

列檻名花都未放一庭光景却如秋

燕臺

北瞰析木遼東南環奇峰郊原土特峙舊築傳慕容綏
彼偃月額姿畧奇且雄圖讖德受命八井歌兒童景星
尾箕次瑞壁漳河中居然僭僞位轉敗矜前功建策鄴
韓諱占候叩朗公遂跨有全齊威控蛟壘宮登壇常饗
士旌旆搖秋風時當典午未割據如分封猶嗟立超夢
計與疑冢同此臺已千載勝槩收遙空詎比望海樓枉
冀神仙通至今大樹下緩帶談兵戎往事付逝水野草
何茸茸春風一騁望把酒思無窮

孤石山房詩集卷四

三

三月三日同孫充之翁可之弟椒園遊道士谷四
首

底事蘭亭勝引遙玉屏顏冷菴團瓢名香特炷青牛老
妙繪飽看黃鶴樵

層層松翠落曉岩曲曲凌空磴舊鑿三尺瘦筇雲繞脚
春風吹暖壓絲衫

修道廬邊瑤草生蟠螭斷碣古藤繁不知何處高僧住
幽澗時流清磬聲

偶尋山境結清歡修禊同吟白石壇到眼乍疑丹竈火
杏花幾樹破荒寒

寒同山用王漁洋先生韵

橫翠城南影遙山曲似弓青霞雙屐健舊雨一尊同石
洞神常闕蓬壺路可通登高樂春望大海晝濛濛

白雲庵唐塑老子像歌

大澤之山幽且奇其麓舊結黃茅茨紫漆龕奉九靈像
上清金色招丰儀三漏耳長雙柱鼻月懸日角鶴髮何
紛披作者知爲誰定是楊惠之世邈得非親夢見不然
胡以猶龍忽現此瓌姿香篆年深黦四壁樾陰晝靜龍
孤碑憶昔處胎七十有二載左腋折生出大塊廢興閱
歷商與周一官柱史卽身退遠跨青牛竟度函谷關遺

孤石山房詩集卷四

三

教已看窮宇內白衣致語特追崇元元皇帝冊自唐高
宗諸州守祧立闕宮混成紫極曲幾舞邱墟久委荒榛
叢迄今九百歲獨留勝跡東海東女媧團土作人人本
土貴賤賢愚難僕數谷神不死天地間真靈安敢飢
雨高居縹緲直蓬瀛五雲繚繞耀日精列仙環珮影
朝丹楹湛然含元化紛擾下視嗟羣生衆妙成象非常
名我身勿乃做泥水清淨無爲有元理謁廟遙思杜陵
叟繪圖轉惜吳道子靈溪池化摩寺茫茫龍漢無終始
君不見往時共託百鳥銜舉世但求木居士

三月六日大雪同椒園分韵

青龍上章月室病佳序鶯花過九九故鄉回首早溫和
到處池塘聚蝌蚪如何北海氣候殊五出猶飛秉簡後
蜉蝣島畔白戰騎銀海晶品擢瓊玖古圖真見一林蕉
輕絮同飛萬堤柳風光如許客愁深欲敵寒威將進酒
燒丹弄玉遺粉奩罷釣漁翁拍銅斗天桃幾樹點尤妍
休掃閒庭僮縛帚自愧三冬業未成映讀期窮大小酉
清歡且續聚星堂吟壇寸鐵鏖鋒否

喜成衛宗至

客從故鄉來征途頗修阻驛樹動離愁高吟渾漫與握
手意各歡交豈定曰杵通家綿古誼入座多欸語素業

孤石山房詩集卷四

三

推清門抱經振先緒筆妙文場雄軒然威鳳舉江湖夢
頻續書卷道自處誰憐落拓懷往往感虎鼠暮春海上
游雲影豁島嶼南榮桃杏繁新益花前侶共持藥玉船
古調歌白苧不見草廬人殘醉含悲楚

謂吳南潤

仁卉亭四詠

晚梅

頗愜春遲願寒花亦滯留風光三月莫米影一枝幽世
外尋孤詣尊前話舊遊

宗室子晉與晚叔至好每過其家坐晚梅軒論詩

誰復贈驛使信悠悠

叢蘭

東風吹昔昔不盡楚騷情綺石點如畫蕭齋香自生焚
回空谷遠操入古琴清芳信宜延佇秋來又紫莖

雛雀

雙禽乍胎化靜對有仙風雪影清相照雛羣迥不同一
庭廢露冷九陌避塵紅丹頂何年結高飛碧漢中

乳鹿

山中忽離母長養意如何走慣隨黃犢看宜卧綠莎廬
非陶淡隱柴憶石丞多日暖鳴初好當筵試雅歌

賦得折楊柳聯句送翁可之入都兼懷尊甫齊堂
徵君

孤石山房詩集卷四

五

莫春風日佳仁和沈廷樸孟公滿眼青青柳列檻敷繁
花仁和成城衛宗登盤薦早韭雲橫蠶勾亭心松菴馬
鞍阜曠覽興正豪海寧王執音此里快晤事非偶胡爲
忍別離仁和沈廷芳叔圓勿乃拋執友憶君衝寒來延
棧遠訪意良厚圍爐飛雪前城舞劍鳴雞後殘編架互
挿心迴句益先叩之子等騏驎槐音阿翁重薰自同辟
十載餘廷芳今成七旬叟鶴詔忻重徵廷樸磨經著不
朽行當排鑲闥詎甘隱石帚戴侍中奪席心鄭司農
佩綬耆碩驚掖尊槐音詩禮鯉庭受此去適省親廷芳
寧憚劇奔走豐臺吟芍藥廷樸微碣辨蚪蚪夏靖自開

顏城秋賦必舉首舊雨聚修門謂王介翁吳中林蔡心芳三胡稱威諸徵士
新月落虛牖相思鱗羽頻槐音共訂金石久行矣母憊
恣廷芳偉哉足抱負白鹽書諸券廷樸紅螺酌之酒驛
樹綿山川城征衫拂塵垢歸入路轉遙時予將心願我
株獨守河梁恍在目槐音潮岸惜分手爰贈折柳篇廷
芳持以正黃耆廷樸

三月二十四日南歸寶田兄以詩見送因次韵留
別兼示椒園二首

言歸殊惘惘春色柳絲稠賦得情深樹身如不繫舟嚴
城隣絕島古驛有高樓他日相望處遙遙隔幾州

孤石山房詩集卷四

五

東郊忽把酒一載喜相親對榻桐花雨尋巢燕子春亂
山鄉夢遠芳草客愁新波浪曾經慣何愁如婦津時擬舟登

留別鄭板橋

小子河畔柳依依沙際春歸客亦歸八載清風飄墨綬
幾回幽夢繞柴扉惟君白首豪吟健贈我青山逸興飛
時見臨手明日相思今共飲將離花落恨征衣

華不注

昔曾讀水經慕單椒秀澤客情固多暇携此雙螭履佛
鋒湧蓮花翠發攢奇石象緯逼高空心目涵淨碧化虛

閨靈氣疑有古仙宅名泉無纖滓倒窺雲影白野禽棲
林薄斜照落岸幘遠想一慨然丑父留舊跡

釣突泉

破曉郭西遊輕策綠獨結伏流王屋來至此何奮決聲
聞百里雷光艷三堆雪清歡洽魚鳥遶峯瞰澄潔憑襟
白石闌妙理不可說

大明湖

頓覺閒心與世違蓬萊方丈是耶非參差樹影平橋遠
妙淨波光古寺依郭內人家入名畫鏡中魚鳥樂清暉
風流誰踵南豐後秋柳吟殘雅集稀

憶通洋
山人事

孤石山房詩集卷四

三

太白酒樓次椒園韵

時維四月雲物清桃花汎過涕水平獨登城上客子樂
忽仰天際長庚明遠遊異縣跡相類狂吟曠代心久傾
可惜今無孔巢父手拂素壁空題名

十月十六日同查榴齋孫仲山文瀾上人暨兒世
燕過臨泰禪院看菊歸飲問心庵

閒居澹無事冬暖愜久晴聯策過佛舍一籬霜華清冷
質耐幽覺乍使老眼明歸經雙樹底共悲舊化城酒漉
墊角巾飯煮折脚鐺好花省往夢野衲多勝情逸興欣
有托良會每偶成夕陽散平楚天遠寒雅聲

孤石山房詩集卷四終

孤石山房詩集卷四

三

孤石山房詩集卷五

仁和沈心房仲

正月六日招查相齋研北小飲

孤邨風雪裏邀客到衙門共憶人千里

謂易亭實田相

歡酒一尊野梅猶凍萼慈竹自深根人日明朝是華顛

只望孫

同人集月林吟屋分詠長春花

灼灼開黃花階下羅小草百卉委青女獨茲紛翠葆意

先淑氣回節慣冬心抱冰霜映寒梅點綴特娟好道粧

多爭姿名姝顏不老燕九叩仙風彩雲遠三島

孤石山房詩集卷五

哭陳雲川四首

視疾來蒿徑偏驚易簣時知心嗟遽失瞑目恐難期溫

清高堂負丰姿古服宜卒年同管輅不及手中書

憶自移居後風流日往還緇書聯曲几對酒話名山志

抗義皇上詩叅皮陸問烏羊車側繫真樂意相關

邱壑酬初願梅花占一柳萬竿茅屋冷四海布衣尊垂

箔雲常護彈琴石尚存盧鴻傳十志物表與招魂

君會

尉

少微星乍殞月影素幃侵遺恨探爰象

君注易

古今交回卅載夢汨落一生心硯履何妨瘞悲風動遠

林

寄祝椒園五十生日

泱泱東海表大風蓬萊閣似金銀宮充洲園苑恍可仰

羣靈髣髴齊雲中手提一印轄三郡二十八宿羅心胸

所領共二十八州南極照臨有重耀蟠溪舊蹟歸提封

縣故川邑谷句

之官琴鶴識清樾瑞應九穗歌年豐四載廉鎮欽豪猾

千里愷澤周耆童北堂強健開九秩磁甌烟吐香浮空

一屋雖乏明允田

蘇海虞云有田一屋足以養行年五十將復何求

多惟悰鄉思徒深夢向遠宦途久歷情非濃回憶京華

苦旅食仕籍喜以詞科通妙繪競傳文學館古柱下史

孤石山房詩集卷五

其猶龍兩持使節督飛輓勤勞王事舒丹衷侍御丰

裁昔共見監司憲度今仍雄中秋後四日初度節候直

類春和融安期火棗剝樹樹淮南岩桂開叢叢墨莊久

食脉望字玉液

萊州名定引琉璃鍾征時聽雨萊子園名

勝登眺聯吟節別來二載益相戀海江布被溫如烘歸

墟翹首青鳥使三山亭影森喬松香佛象盤未遙寄作

詩殊愧眉山翁

答竹賢上人

明燈方丈幾回過靜對高禪道氣多身占名山無宿垢

心如止水不生波空庭霜冷飛黃葉古洞雲深護碧蘿

著述欲追劉慧地難逃塵網奈秋何

寒食半山看梅

曉色春愁花影邊推蓬山外白雲連
濕泥正阻攜筇路
遠水初來放鶴船
幾嶺蒼松迷艷雪
一林寒玉鎖荒烟
冷香夢入清明節
桃李無言識後緣

送化卽兄之東萊二首

半世身為客君胡復遠遊
青緇無善策白髮益工愁
驛樹膠東接荒江稷下流
霸圖重回首吟眺古青州

到時貪話舊兄弟喜相依
海味官庖足山光客座清
才工志隱時喚甫妙繪擬知微
鴻爪今遙望齊雲似絳

孤石山房詩集卷五

三

衣

題見陽月林屋圖

髯蘇揮翰龍鸞舉妙蹟千秋紀春渚
月林大字屬吾家
世遠飄零落何許三問五架何時成
區區意匠先經營
庭話事俱食舊德堂顏情亦追嘉名
身藏圖史足幽屏
古木深宵散清影窗下短檠玉蟲細
簾前寶鏡銀蟾冷
一笑神樓尙子虛墨莊特重換羊書
野塘不少槃藹境
結就香茆欲共居

紅蕉

小庭如水碧陰涵火燄攢梢吐再三
姪女共環丹藥甕

名僧別結綠天庵因依冷雪圖難見
僑伍江蓠分不甘
乍當佳人澹相對半簾秋雨夢瓊南

白雁

東海申歌憶漢君今看鷗鷺欲同羣
夢殘荻岸迷江月
飛遠楓林帶嶺雲
大禮曾來何準宅
野謠忽識伯顏軍
霜天鴈斷冰弦約
五拍冷冷不可聞

夏日園居雜興次寶田兄韵三首

鴛鴦雙竭草漫漫野屋疎籬柳影寬
曲水一枝流不盡
赤欄橋似畫中看

綠雲如蓋擁流霞晨氣涼生紅藕花
酒泛碧簫愁小戶

孤石山房詩集卷五

四

欲收沆瀣瀾新茶

塵垢多生苦自撈東坡以書畫為多生塵垢閒來破墨仿關荆
置身

邱壑雲烟際遠水無波遠樹平

題女史李倩莊西湖百咏兼慰陳紹嘉悼亡三首

鉄雅驪壇選竹枝風流腸斷已多時
楊廉夫選西湖竹枝詞百首成集

金牛勝境邀清賞重唱香閨絕妙詞

綺窗依舊一燈青妝閣淒涼泪欲零
料得月明風靜夜

清魂仍歷十三亭

碧舫閒吟往蹟空溪山如畫恨難窮
自憐炊臼曾占夢

遺草猶存故篋中先室周氏有詩草迄今未刻

蟬

入夏被幽夢長林多夕陽爭瑟那免俗沆瀣以爲糧清
節吟何苦枯枝抱轉傷舊傳齊文化仙蛻更何鄉

亂蟲

亂蟲應候至老去怯秋聲造化亦何事古今同此情涼
風隨斷續疎雨益淒清有客虛堂裏吟殘白髮生

贈光舍上人次月林韵

舒卷閒雲似看飛錫旋繙經多暇日洗鉢是何年
徐讀書中係山爲僧洗鉢老去空諸有重來證宿緣手揮竹如意相

對一逃禪

孫石山詩集卷五

五

雨後同寶田兄過旌陽道院

石路尚微濕稻田香晚晴清溪柳影薄纖雨豆花明庭
寂卉爭發潭寬魚放生丹房堪靜想幽鳥亦多情

秋夜聞雁遙同椒園

迢迢紫塞恨南征白露爲霜夜唳清愁絕胡笳當五拍
聽同寒漏入三更遠書應逐京雲到秋枕猶憐夢草生
搖落楓江天宇空此聲最易感離情

送查元啟表姪之東萊

行行毋阻滯珍重遠招情野樹經霜信輕車背雁程山
川入萊國風雨似彭城謂仲深別酒須酣飲河梁愁易生

星湖

遙青山影淡于雲筆柱晴空雁一羣十里檣搖波面靜
蘆花風颭雪紛紛

江行

纔過甘露寺倏見紗高臺吳楚雲難辨魚龍浪作堆潮
喧石簾沒風急海門來挂席迎飛鳥臨流釀酒盃

金陵

客情忽問秣陵船燕子磯邊荻渚連江上青山看不盡
寒林猶帶六朝烟

渡江

孫石山詩集卷五

六

蒼蒼山影寒日遠海門曙江靜碧雲空雙槳自來去

浦子口

江北初尋路鄉心羨掩關白雲千里舍紅葉幾重山貧
愧猪肝累時乞米廬江吟宜驢背閒風流誰好手寫我畫圖

問

石幘曉行

不怕衝寒帶宿醒天邊殘月照人明亂山幾轉逢卽落
纔聽荒雞第二鳴

登采石磯太白樓

我昔曾登任城城上樓撫懷往蹟雲悠悠今挂蒲帆破

巨浪采石磯，蛟龍漱萬樹松陰圓。短碣謫仙祠，宇宙古時結。門前白鳥自飛鳴，檻外青峰有行列。想像飄然不羣才，遨遊勝槩傾酒杯。清狂只計及時樂，榮華憂患何有哉。井絡流長滙牛渚，豪情更得同心侶。相與痛飲放高歌，空江孤月明如許。山川依舊百感生，茫茫塵劫歸瑤京。獸錦宮袍不可見，空留寂寞千載名。辨香頂禮長庚夢，幽澗深林琴一弄。朔風凜凜吹羊裘，娥眉亭畔梅花東。

輓果堂兄

一髮承儒術，千秋自得師。研經行去聲孤絮，獻賦數偏奇。

五石山房詩集卷五

七

編帙垂高論，妻孥慘子遺。吾宗推樸學，已矣痛難追。

宿龍藏庵

入林飛路遠，世外此茅茨。靈囑幽奇處，閒心太古時。嘯傳修竹響，眠被白雲窺。一點清泉影，塵顏尚自嗤。

佛日寺梅花

雪殘尋澗戶，一樹印心明。荒院香無著，空山韻轉清。餘追衍夢，修到願來生。古佛澹相對，孤芳何限情。

寄贈椒園唐硯

殷勤寄爾唐時硯，古物相親益古歡。一代文章丹鳳遠，現作鳳千年風雨墨螭寒。敢誇米老新懷袖，猶似平公

舊著冠。料得官閑勤纂述，雙蓮汪吸海波瀾。

靈巖山

亂雲繞脚上坡陀，一路巉峴怪石多。古塔高收諸嶺色，清鐘遙落五湖波。鳥來香徑迷花草，鹿走荒臺感薜蘿。千載吳宮傳白紵，松寮徒倚聽樵歌。

寒山別館

趙九夫故居今爲僧院

石崖注寒瀑，境專一壑奇。有泉名千尺雪古樾入妙繪，羣岫饒

奇姿。幽人昔避俗，偕隱營茅茨。妻孥情自樂，書畫名兼馳。風流耀岩谷，寤歌偕鹿麋。閱世事已改，捨宅時難知。野衲緇貝多，妙雲空際遲。春陰便客步，探勝孤筇支。高

五石山房詩集卷五

八

風一俯仰，證因任所宜。一泓漱鳴玉，濯纓有餘思。下方溪澗遠，出山欲何之。

法螺庵

僧咲宛轉竹陰遮，隔鳴泉來繞屋斜。寂寂空山聞見靜，老梅庭下有殘花。

拜周穆門墓用皮襲美弔張承吉韵

無數青山挹冷霞，來看題碣重興嗟。三生魂魄歸荒塢，八社風流喪作家。黃土全傷頻滴酒，青松旋長已飛花。白頭難覓延年訣，身後高名詎有涯。

壽溪

夫槩城西沙水清孤篷曲似武藝行林塘滿照垂綸靜
峯岫嵐浮夾鏡明杜若芳姿還弄色湘靈高咏最牽情
上有錢仲文居一聲欸乃搖空碧心與閒鷗默定盟

合溪

長橋雙澗合小市聚孤邨灘際飛幽鳥林梢下點猿殘
雲山隱脊怪石樹蟠根後約梅花衝春風倒酒尊

自合溪入槐花礪

逶迤循石路三十里而進步步入明玕曲曲流清瑤暖
嵐雨餘爭遠黛晴初超度崦平疇開耕鑿歌唐堯人家
住松塢衡宇雲飄飄梯空老衲慣佛屋凌巉巉野禽物

孤石山壽詩集卷五

九

外聲靈藥岩中苗來此妙明境巒岫捐煩囂嗒焉忘身
世青霞情相招柳州工遊記勝賞惜未邀永願脫塵累
茲峰結圓夢

遊六都嶸

旋忘輕策遠一徑入山深樹鬱千年翠溪回數里陰危
橋驚虎跡清磬遞蟬吟得此幽奇境彌堅出世心

下泉庵

三間茅棟棲白雲殘僧破衲黏苔紋密林陡壑環左右
泉水伏流入定聞

坐竹簾行澗中

山環石瀨淺不容瓜皮艇結脚穩坐筏順下浮鷗並噴
雪弄激湍激泉當啜茗舉頭見雲開諸峰秀出頂花遠
古洞幽藤長絕壁迥修林轉夕陽影落鏡光炯得與清
景逐頓覺塵夢醒夙昔思浮槎銀漢窮杳冥自在彼岸
登只一彈指頃

神龜篇爲金壽門作

神龜兮來何方長壽穀樂未央史蘇經內占瑤光綠毛
茸茸盤厥背頭尾色似葱衝佩四脰纖鱗絕可愛一游
一泳真自在憶巢蓮葉身羽輕吸日月之精成川岳之
英介蟲三百六十有此千歲長記比三老而五更昔邪

孤石山壽詩集卷五

十一

舊廬獨吟客烟烟方瞳遍閱古載籍老去尤耽讀周易
筮得損五爻果然洞元先生入其室天曰靈地曰繹交
錯列宿堪倚撫印文豈羨青泥封依稀洛汭留奇跡
以秘色磁滿貯清泉傍經席妖魃遠道鬱攸辟壺堂夙
仰陸放翁來龜佳話怡喜金粟同顧仲瑛得神龜以來龜名其軒仲瑛自號
金粟用是稱道號壽門近自西冷近益傳高風幽人對
此吉祥止止樂引長生有妙理吁嗟乎神龜寧甘食墨
及指床勿要唐潛貢天子金輪漆字尤追耻

寄懷陳和叔徵君

停雲何靄靄極望對溪邊一夕班荆語三秋采葛篇殘

書珍琬琰直筆談遷尊前少章丈曾作明史言念成

長往躬耕未有田

足疾

難持竹杖與同行蟲館偏從脚指營絕似吾邱老居士
竟無彭澤舊門生登山好夢時仍作音坐雨安居却稱
而倘得鵝籠身便寄銅盤幻術未相驚

秋夜

殘秋愁不盡霜髮此生涯遠道無來雁孤燈有落花咽
蛩情共冷采菊興猶賒除風雨宵昏黑飛鳴任鬼車

同張耀山曹六圃素爲及兒世燕至靈塔庵旌陽

孤石山房詩集卷五

道院看菊

十月霜未落薄寒已中人逍遙得吟侶聯袂野水濱黃
雪披稻隴弄色丹楓新步入青豆房苔檻黃花陳及過
素虛館籬畔何斑璘兩家世外芳冷豔疑精神共坐話
茗椀未脫漉酒巾柴桑愛重九今已逾三旬貞蓀保歲
寒白髮情尤親清歡詎易覯卽事要有因老夫觀物變
恍若閱劫塵

喜晤汪西穎

丹篆無端夢夜分螺螄峯下忽逢君此身久負雲霄望
一卷曾披冰雪文畫裏青山居可卜西穎有花鳴尊前卜居圖小照

白髮歎初耘明湖詩老嗟仙去謂鳳重賴詞壇爲策勳

湖上

瑪瑙寺前斜日明遠林湖水淡烟橫一甌香茗從僧乞
後僕夫泉味最清

黃鶴山中三首

古洞清泉味最甘玉蟾石背坐猶堪讀書風羨蘇轍蹟
只是難尋向上庵隱居不雲幻石玉蟾石依石爲向上庵卽蘇文忠公讀書處見佛日記事
渺渺仙人去不還遺踪想像石樓間高松影暗日將夕
翠靄漸迷山外山

丙舍猶憐未庀材金鵝舊事首重回野樵慣見拖雙屐

孤石山房詩集卷五

共識龐公上冢來

海鹽歸舟

烏夜卽西曲港通青奴城北雨濛濛同看瓊海諸峯失
柔櫓一枝推逆風

臨平道中

殘雪媚林岫望望花桐鳴沙禽下寒塘斜日明衡宇水
繞褚公墩荒岸傳石鼓川原數往還幽情慨終古

題丁鈍丁所藏陳珂墨竹

長幘畫修竹二曲篠新笋各一松鼠三欸署陳珂有
八角圖記驗絹質墨色當是南宋院本鈍丁得之古

董肆中遍閱書譜等書莫有記者及覽陳善萬歷杭
州府志載有南宋畫院人陳珪陳琳則珂爲其昆弟
無疑惜當時失傳今幸逢精鑒名不至畏因賦

龍巖一螺磨大硯風雨蕭森勝情擅小園賦裏此兩竿
何時移上鵝溪絹歲寒節操煥神明松籟影動妙寫生
繆篆誰摹印八角南朝文物見承平羣書紀畫徒鱗萃
名姓猶堪考舊志絕藝嗟居顯晦間得逢眞賞良非易
日張素壁發古思翠陰千個春泥滋深恐將來贗鼎出
卷軸幾同文石室

訪烏程孫充之明府

孤石山房詩集卷五

三

上望須才彥身來極樂城佳山笏可拄古縣酒爲名閣
迎蓮花出洲遙杜若生窪尊亭好在幽賞繼眞卿

登岍山

偶拖竹杖攬清輝笑答樵歌入翠微貯酒且看李相石
離塵却羨誌公衣莎亭幾片冷雲住鐵笛一聲孤鶴飛
逸老堂前幽興極遲峯夕照憺忘歸

水仙花

神光離合思悠悠掩映霜髭影轉幽服食更誰尋八石
風流已往憶三舟伴將梅萼那禁冷彈入冰弦無限愁
鎮日相看絕塵思欲騎赤鯉一浮游

斜塘

孤棹春江練練痕分明粉本趙王孫夕陽低岸雲容冷
遠樹橫烟簇數村

三月十三日懷一上人邀飯慈雲方丈

春光今日好習靜憩禪房冷挹梅花意時聞栢子香空
林雲不定傑閣鴿來翔一飽伊蒲饌清鐘已夕陽

送楊惠賓之金陵

日暮浩歌遠大江春水生人尋京口路帆指石頭城花
發啣離緒龍蟠愜勝情六朝多古蹟早晚遍題名

同查闡祖玉峯雨人海鹽城東觀海

孤石山房詩集卷五

四

雨過春泥路易乾伯牙臺上共憑闌長生可學神仙杳
元氣常涵島嶼寬雲市蜃蜺疑古郭海鹽舊城于元石時陷入海中

塘虹亘砥狂瀾祖龍金寶理何事搔首臨風感百端

同查闡祖文饒陸太冲看杏花二首

閑行古堞思迢然海角嬰春倍可憐灼灼天桃近寒食
幾叢紅雪却爭先

江南春雨曲闌凭書卷高樓對佛燈喜爲文成搜軼事

夕陽曳杖話殘僧

邑中資聖寺有杏花樓爲王文成讀書處

塞驢

渴步難馳亦夙因吟情背上幾經春曾憐驢銜騎還覓

可憶巾箱幻似真仕宦何人爲令僕驂驕得路共風塵
年來好笑頻書券後翠山中有隱淪

陳敬思招飲觀文堂

東風合作海棠顛好友相邀入綺筵精舍燕飛三月雨
小池魚戲一泓泉高歌既結漁樵侶清鑒仍移書畫船
白髮且拚花下醉殘春心事酒尊前

出郭

秀峯幾點媚斜陽郭外平橋水一方多少綠陰卼舍隱
黃鸝聲似謝家莊

宿止庵二首

孫石山房詩集卷五

圭

昔年鴻爪幾回留忽忽重來兩鬢秋辦得禪心付空寂

出林清磬白雲浮

修篁古槭翠陰寒靜夜窻明白玉盤木榻橫連獅子座

佛香幽通夢初殘

甘露寺

披盡荆榛迂吠九松根爭業渡顏紅野雲向晚態千萬
幽鳥弄晴啼一雙竹掃浮嵐開石壁泉凝冷氣入山窻
聶蘇吟賞前塵杳猶作伽藍護古幢

理安寺

拄杖青霞外凌空意渺然半坡藤絡樹一鏡石鑄泉道

廓三千界樓居五百仙白雲來客座相對結清緣

題陳立堂投壺圖

薛鼓魯數古有諸二馬三馬今何如羣姬各執柘棘矢
清風徐引飄長裾主人獨坐梧陰底蓮花驍聽激宮徵
閒心更著神機篇共憐高韵松橋子

題查敦恒讀書秋樹根遺照

杜老留佳句深情屬後賢斯人難再見妙繪嘆空傳樹
影同虛慨昔痕憶舊瓊殘編猶貯箭歸鶴是何年

訪箭師兄留飲蓮東小築

寒江遲汎木蘭舫來訪瀛洲舊列仙轉覺情深因久別

孫石山房詩集卷五

圭

乍驚顏老重相憐畫牛可羨陶貞白刻櫟猶慚謝惠連

多恐勸酬清興盡蓮花莊畔月初圓

病中得柔設甫工部書

日負沉疴逼歲分故人書到意殷勤淒清同擁茅廬雪
縫纒看停畫閣雲回首講堂鮑入夢關心釣渚鷺離羣
明年准擬西溪畔梅塢重論別後文

送賓山上人之燕

新陰官柳路瓶笠忽長征別緒憐文暢高名重夢英孤
雲飛錫遠殘月引車明計日燕城到相知定慰情

登博望山

蹙雲振孤策，背崢嶸。金利控斗絕，百仞餘浪激。崖垠動隔岸，聳青岩峻嶒。苦滅縫罅，幽音遞傳。峽東流急，送華髮。此重經，喟焉慨。前夢吳楚，極青蒼。雲物紛綸，貢白雀。久不飛，雙闕追畫棟。夕陽鴉影遙，江天恣吟弄。

無爲道中

漁莊蟹舍半沉淪，苦雨孤篷倍愴神。鵲首衝波如上峽，柳根凝霧欲迷津。夏珪圖畫從遊賞，米芾風流付劫塵。入境飛蝗禾不損，後來幾輩仰前人。

夜泊牛門洲

鼓柁天門山，繫纜牛門洲。黃帽力已竭，波逆風更遒。日

孫石山詩集卷五

七

行二十里，薄暮傍戍樓。繞汀住漁父，覓與爲匹儔。晒網夕陽岸，林外多田疇。瞻彼幾舳艫，下水帆高抽。濤噴鯨首雪，鳴鏐驚鼉湫。習坎行有尚，入路難自由。人生貴安命，等是不繫舟。安得騎日月，凌虛恣遨遊。曠覽八紘表，超脫魚龍愁。

蕪湖

識舟亭在望，安穩此浮家。帆影移嵐翠，鐘聲落浪花。千家巖邑聚，一路石灘斜。關吏煩相問，殘書供笑譁。

靈澤夫人廟

怪石稜稜倚半空，靈旗常颭大江風。浮雲影遶當高座，

明月情多照故宮。自赴銀濤魂不返，可因珠嶂怨無窮。湘妃千里遙相望，杜宇頻啼苦竹叢。

板子磯

客懷鷗共遠，秋氣大江先。薄醉脰頻敏，初涼扇已捐。神祠臨斷岸，戰艦憶當年。梗泛殊非意，中宵獨夢牽。

喜晴

今朝欣乍霽，亂草氣相熏。廬舍都沉水，山川尚出雲。新圖裁樹色，古篆印沙紋。羌笛吹何處，寥寥天際聞。

銅陵縣

小泊梅根冷，來過歡喜亭。潮吞孤縣白，雨失衆山青。楊

孫石山詩集卷五

七

柳分行遶魚蝦，雜氣腥野橋。流一派旋欲補，桑經

食鯿魚

江上多漁人，漁具紛岸次。水族難悉名，一尾超羣類。白玉色可憐，翠釜膏何膩。曾聞寶誌吐，漫使鍾旣議。細鱗雙蝶飛，鮮美口腹恣。未熟爾雅文，且訂類篇字。咄哉水精麟，孤陋慙疏事。

荻港

推篷應接似山陰，一曲蒼江翠岫深。絕境漁樵偏易占，何時杖笠恣相尋。鷺烟鷗雨同清夢，谿月林花託素襟。自笑故鄉山未住，雲霞異地苦關心。

安慶府

八卦巖城水拍天茫茫荆楚野
鳬前雲開瀾岳子重嶂
風送巴江萬里船西北有樓標
勝葉南東共臥望豐年
由來此地當衝要開府牙旗
儼鎮邇

立秋日張玉川來寓

偶成遊賦身際皖公山喜共涼
風至故人相對悶苦
吟憐白髮軟語叩元關千里八
行達家鄉期早還時以
叔圓

清溪二生祠

宋末伯顏領軍南下池州倅趙公昂發殉節自刎有

孤石山房詩集卷五

五

二生入署枕公屍于股而哭出赴弄水亭投水死後
人哀之爲立祠江畔惜其姓名不傳

臣作忠臣士義士同日捐軀辦一死嗚呼宋亡五百年
獨留弄水亭前水白雁歌謠久絕聞庭生芷萳正芳芬
千秋不朽無名氏寂寞荒江何處墳

妙因寺

不知何代建紺宇畫沉沉愛此槃陀翠兼之古樾陰遙
峯窺逸態孤磬入幽心天末飛羣鳥橫琴江水深

劉婆磯夜泊

蒼茫野泊滯歸程短枕孤衾秋氣清江月自懸暹夜影

岸蟲偏作故鄉聲對床夢杳猶勞蝶伐木歌殘柱聽鶯
蘆荻蕭蕭延鶯埃一番涼冷入吟情

小姑廟

一抹微雲碧樹間小姑廟畔列烟鬟
汀水淺幾蘆折
鷺頂涼生秋意閒

橫港

黃茅邨舍俯晴江白影衝烟水鳥雙平岸疎松斜照裏
數峰青峭入船窻

與朱少平話舊

卅載不相見同舟緣亦奇細編儒術拙墨綬宦機危河

孤石山房詩集卷五

五

險公無渡山深我所思感時增白髮且共醉深卮

采石磯三元洞

結宇險臨江上有危巖覆古洞闕神姦昏曉靈氣奏仄
路石頭滑心怖寒濤吼樹幻獸形奇窻搖簞影瘦誦經
老瞿曇乖龍日相就

京口

鐵甕城高岸倚山境當險要扼昭關久看殘壘銷兵氣
時有清暉照客顏甘露寺前秋樹冷佛狸帳外暮雲閒
金焦兩點空江裏獨駕寒濤往復還

望亭

戊樓影遠落帆遲。往蹟蒼茫發古思。底事隴西賢太守。
吟情酷愛庾家詩。望亭本名御亭。吳大帝所建。庾信詩。御亭一同望。風塵千里昏。後太守李襲譽因庾詩改名。

廣九秋詩 并序

康熙丙戌 先君子客都門作九秋詩及後作續作
凡二十七章和者甚衆爲吟塲盛事迄今忽忽已五
十年矣近讀父書風流宛在感慨係之因亦拈九題
觸物成咏名曰廣九秋詩既深梧捲之思用寄一時
逸興騷壇舊侶其共正而和之時乾隆乙亥九月

秋樹

孤石山房詩集卷五

曾看綠陰濃。經時感不同。書回千里外。景老一年中。鳥
雀仍相戀。風霜並欲攻。孤根容久坐。足驗讀書功。

秋濤

八月占潮信。奇觀獨廣陵。羣螺隨滌滌。萬馬驟奔騰。誰
激陽侯怒。猶傳伍相憑。從知金得氣。水怪勢彌增。

秋泉

山中流日夜。木落已蕭蕭。玉乳轉澄澈。銀花當次寥。井
寒霜氣拂。澗淺石痕消。闌茗青松下。雲根汲月瓢。

秋塘

古道河千遠。平橋接整斜。寒蕪微雨懷。衰柳夕陽鴉。沙

渺。曾船集。悠悠津鼓。揭何人領蕭瑟。野岸風蘆花。

秋琴

幽意托何處。金風樂在茲。金風樂琴曲名。唐元七弦流。宗所製。見崇文書目。七弦流
逸韻。一曲引清思。荒砌蟲吟。亂疎林蟬。鳴過冷冷。與相

和。山水興方滋。

秋笛

蒼龍吟不斷。素節一何清。能使涼風至。尤宜孤月明。穿
雲驚犯調。折柳發商聲。鐵史真千古。天空塞雁橫。

秋燈

熒然憐短檠。碧宇映明星。照夢來寒蝶。含愁妬水螢。冷
吟堪作伴。清漏慣通聽。楊柳思漁者。夜深衣露零。

秋舫

滌收波色淨。容與此輕舟。似泛明河影。時將小海謳。青
簾乍高捲。赤壁憶前遊。刺入殘荷際。涼沙狎白鷗。

秋室

几榻溢清氣。坐眠怡谷神。一生安小築。四序愛蕭辰。海
月冷窺牖。岩花香入隣。俗聲全不擾。却埽挹天真。

同寶田兄椒園弟小飲孤石山房桂花下得香字

朔南兄弟久相望。今日歸來共一堂。招隱小山秋思足。
夢吟春草昔愁長。江聲競劈團尖味。籬藥催開早晚香。

愛日結亭心更樂夜深涼月挹清光

次椒園遊瓶山韵

西風携策叩仙扃直上危臺見遠汀翠阜臨流開絡關
酒罷出土作花瓶清陰盡轉雲摩樹涼氣秋來草化螢
極目蒼茫平楚濶青山烟外一螺青

孤石山房詩集卷五終

孤石山房詩集卷五

三

孤石山房詩集卷六

仁和沈心房仲

偕椒園汎湖至茅家步入冷泉亭小憩

野航受兩人忽與鳬爭路踈柳溯遙堤登岸嘉招赴鷺
峯挹秋爽昨嶢真宰露大化逞詭巧奇境暢幽趣高文
記結構風流仰白傅淙淙繞澗泉撼撼依岩樹坐久寂
無言冲襟領妙悟樵歌破嶺雲鴉影空山暮

謝康樂繙經臺

成佛已千載繙經留此臺境當青嶂合時有白雲來妙
義探龍象高踪付薜苔美髯遺粵嶠自不惹塵埃

三生石

孤石山房詩集卷六

一

言尋圓公洞陰崖心乍攝眷彼騎牛童妙偈傳禪謀誰
證去來今山風吹木葉

登寶掌峰

千歲誅茅積翠氛誦經時覩冷猿羣偶成小約傳遺蹟
愛上名山證舊聞枯樹似憐雙髻雪幽蹊又繞一身雲
岩泉玉齒空留偈遙磬聲中對夕曛

舊雨山房與范贍翁記室湯稼堂方伯夜話

良朋感離索相見情已愜况茲共璞被山中親白業松
寮爭吟魂虛翠一燈攝得證桑下綠語與烟霞接衷懷

各盡披諸罪亦問涉入社擬宗炳變服思劉勰此身憶
往事惘惘清愁叠就枕蓮漏殘數聲飄敗葉

白衲菴

殘桂香中一鳥鳴石樓曾此話無生看雲重向松根坐
秋氣襲人衣袂清

永福寺追懷得泉上人

秋陰路轉青琅玕毒聲道場何荒寒翠微深蔭瓦薜合
白足久閱堦松蟠但聞幽鳥和半偈偶擊清磬浮層櫺
雲捲昔人宴坐處歡喜臺畔楓林殘

迎峯菴訪勝因上人

孤石山房詩集卷六

二

路過青林洞巖棲得老僧莎雞鳴埜蔓松鼠窺寒藤聚
景最高閣證因無盡燈一節斜照外吟眺興偏增

過翁氏白雲山莊

官退樂長往誅茅山之阿山深心太古悅性惟烟蘿呼
猿小洞邃劇藥幽坪多寒泉澄舊因空谷發浩歌圖畫
較輞川閱世名難磨斯人墓木拱憑弔意若何霞表契
夕佳移時坐磐陀

雨宿松竊山房

古刹西偏百步遙紫簷陰護小團焦蓮花供養多清貺
雲物朋徒是久要煮笋共餐香積飴聽松勝卧退居寮

一蛩床下吟幽夢隔鴨鐘傳宿雨消

曉同叔園登韜光山望錢塘江作歌

雨餘手拄珊瑚藤丹梯直踏雲層層上枝旭日冷相射
秋空顯氣盤蒼鷹湖影城影拂巾幘羣峯湧黛當胸膺
寸吳尺越匹練界奇相胡然作水怪發源太末赴尾閭
白痕疑落銀河派功遺混柱忠孝家南渡衣冠嗟久壞
波濤不盡古今情興亡已付漁樵話披裘高躅釣臺存
赭龕峽束壁子壘中有廣陵侯曹廟年年團社酬雞豚
風帆之字曲復曲百靈輿府魚龍翻險危名借羅刹國
錢思復賦猶驚魂狂奴故態忘老醜欲吸寒湖爲美酒

孤石山房詩集卷六

三

目窮禹穴秦望山碧天無際一搔首晞髮岩阿幾度留
每來曠覽易生愁高歌忽引僧雛笑何處瓢聲問許由

春淙亭

向上尋初地高岩得此亭林巒同擇勝魚鳥亦通靈檻
外溪光白衣邊石氣青憑襟聽壑壑塵夢一回醒

過小山堂與趙意林話舊

相看忽忽感華顛身列書林境似仙卅載瓣香餘舊夢
謂初白數行翠墨結深綠時錫松
先生清骨詩同北郭傳自愧生涯成落葉不堪蕉
萃賦寒蟬

閨重九同人吳山登高得苦字

白首益悲秋秋長亦太苦轉惜秋多情風日爭天宇岸
幘重插萸短策聯舊雨言登城南山林陰正亭午玉莎
便雜坐不識誰賓主江影入鬢絲望雲屢懷古追遙人
問世清歡幾回數黃花對笑口更樂在故土陶令愛佳
名月雙興迥鼓逸步凌瑤霄下方有官府

送翟晴江之官衢州廣文

青山江上路一櫂湖灘遲雲冷嚴光瀨楓疎趙抃祠石
鱗充美饌御橋琢清詞底用朱門羨儒風勝在時

安隱寺

孤石山房詩集卷六

四

寒影欹松翠晴嵐淡欲無苦乾巖路爭木落寺門孤曲
竹雲中長幽禽物外呼禪心一池水瓢酌勝醍醐

冬夜

漏下正三商吾廬曲沼旁疎星寒在水羣木寂凝霜舞
罷雞徒唱厨空鼠亦傷遊心殘帙內繁燼弄燈光

浦金堂見過

故人昨自霄川歸叩我郊居青竹屏樺燭三條悲幻影
汗編數局發清機交論貧賤情方切話到林樾興欲飛
亟問洛如花放否先廬閱世夢猶依

寄懷舒雲亭明府

重喜飛鳬海上來風流仙吏信多才庭留栢樹餘雙蔭
閑咏梅花又一回柱笏愛看巫子嶺撫琴獨上伯牙臺
平居寂寞相思甚懷抱何時得暫開

金壽門客廣陵以手寫墨梅見寄作此報之

三百樹易栽因循荒園固回首四十年詩老賞寒瘦
日詠梅花有寒瘦相看成一笑恍逢郊島兩詩翁句極爲初白先生所賞草堂兩苔枝幽懷
動春晝寂寥歲暮心清夢引殘漏羅浮一叢括用陳白抄事

香雪六腑透幻境結奇緣佳繪忽相授于思研席交古
獲多文富小筆具仙姿破墨耀且秀抽根詫鐵石鈎辦
本篆籀凍蛟特僵立元水盡巧鏤直與煮石農湘管勝

孤石山房詩集卷六

五

遙闌上題新度詞倚背賡反復懸之玉畫又冷影溢圭
寶揚州有水部高咏已絕後千載得寓公妙理孤芳漱
定是幾生修身化神明遵殷勤隴頭意遠道同紅豆爲
念淡蕩人世外領此臭異縣信美遊換米貧可救終期
賦歸來菟裘計早就聯屐入西溪林下重話舊

雪霽次舒雲亭明府韵

從從劈絮一何輕銀闌瓊樓頃刻成簷滴空街同宿雨
窗開平野耀初晴衝寒尚憶山陰棹不夜曾遊海上城
來歲田禾占大有喜看三白老農情

盆梅臘月着花

半偈流傳似古詞扣冰和尚有梅寒窻心快雪晴時不
知幽意向誰寫花放小盆屈鐵枝

鷓鴣浦

扁舟輕汎鷓鴣浦漠漠春陰覆澗波路轉長橋驚水鳥
山標孤塔帶烟蘿寒村市遠鷺聲隔新柳塘低綠影拖
最愛讀書臺在望東風到處送漁歌

同雨人自桐敏步至朱家澗

林壑動逸興不暇耽頽情清歡得儔侶路曲石橋過澗
聲屢折流松韻遠相和悠揚柳絮飛皓紫雪光大依巖
結野屋明玕繞萬個深羨山中民晴雨勤自課耕桑足

孤石山房詩集卷六

本

俯仰不復珍他貨我今欲荷鋤衰白計已左幽區遂微
尚菟裘樂偃卧奚必擇奇勝誅茅謝塵堞夕春返短蓬
芒鞋踏雲破

白草

王孫芳草徧天涯別吐瓊英淨意賒諸相已空猶有色
孤標自賞更無瑕春回底事疑寒雪潔養關情感白華
皓首窮經安素業鄭公書帶漫相誇

八子會文處

往日書堂著鶴湖風流前輩此操觚高才共欲干奎壁
令望相仍合顧厨已悟空花歸白業每傷陳跡比黃壚

野橋流水依然在楊柳春深映綠蕪

送蔡桐川之官武義廣文

江路抽帆去金庭訪洞天千峰羣木秀八詠一樓傳往
哲綿儒術全家信客祿升堂文教廣休歎坐無氈

飯香閣上人

落落長松下柴門細雨時悠然輞川意相對藥山姿語
妙千花墜心空一鉢持雲中有茅屋劇想賦新詩

中秋夜飲葆初室懷椒園次寶田韻

雨餘月更皎劇欲認前身語咽砌蟲吟香閣出桂新碧
天秋始爽白髮誼逾親遙憶羊城畔天涯滯酒人

孤石山房詩集卷六

七

題西溪梅隱圖

彈指感白頭終朝永霞想青山故情多致身貴蕭瑟西
谿一與區谿得瀉泉響七十二賢峰冷翠雲惚恍巾成
香雪海妙界世無兩伯氏野鶴姿早欲脫塵網誅茅未
有資深情寄遐賞膠東有法生落筆何散朗迂癡小設
色奇勝出指掌錢幹橫溪開菌閣盤磴上斯圖入篋衍
詎異乎息壤何時證舊盟肩隨共携杖對酒話裴墩孤
月來虛幌

同耕香飲癖醉軒醉後口占

天宇澄空秋可憐疎桐風冷小庭前一時共進杯中物

五岳難期世外緣余尚有一女未嫁一有客話堪消永夕無田情亦樂豐年清霜旋探東籬信直爲黃花合放顛

重陽日登柳洲禪院三層閣有懷寶田叔園

杖藜散步覺身輕獨倚高樓動遠情萬里三人憐瘦影一年九日愛佳名野飛黃雀秋風冷水媚丹楓夕照明深感茱萸霜鬢插間僧擲拂話無生

瘦瓢

錯節方成器輪囷巧作旣因風曾見棄飲水亦忘憂本性何真率餘生屬贅瘤養和猶在意笠澤並風流

雲間張梅園家白牡丹于十月忽放一花來索詩

孤石山房詩集卷六

可是瑤臺月下期小春重放艷陽枝憶同快賞曾三月忽作孤芳又一時富貴人稱榮晚節冰霜天使助新姿嶺梅香色貪同夢分付胭脂別處施

過蘆區追懷陸半悟家水邨

往昔論文處烟波舊草堂扁舟空復過二沙已俱亡林際掛寒日湖潯凜曉霜忽聞漁父笛悽絕似山陽

訪陳和叔留飲明光芝房

倚棹城隅小泝斜來尋獨樹老夫家平生任誕希中散曲室荒寒長昔邪雪栢霜松文不愧時宋史初成青燈綠醕意無涯印園息影真良策塵跡紛紛等聚沙

戊寅元日

行年開七秩荏苒又逢春回首成何事論心少故人乾坤筇杖在風日草堂新

聖代容歌咏優游樂性真

正月初八夜夢入一山探梅作五律一首覺而只

記領聯因足成之

山中花已放春到任幽尋半澗凝冰雪一枝橫古今真堪結茅屋更想弄瑤琴徙倚白雲際寒芳契此心

新草

一番新碧色旋見長庭陰寒雪回纔意東風有化心慣

孤石山房詩集卷六

先羣樹發直到亂蟲吟從此天涯路含愁深復深

太原董愚亭來武水計遍遊江南名勝作此贈之

二首

飛狐故國別經秋筇竹相隨未白頭蟬蛻一官容任誕萍浮千里恣遨遊躡雲屐屐穿曾嶂載鶴蘭橈過別洲身入畫中尋迥句丰姿真與列仙儔

畫欄桂樹奈愁何佳麗江南勝概多共道烏衣猶有巷絕憐桃葉也能歌愚亭携二姬同遊高臺懷古當殘照峭壁題

名拂舊蘿怪我行賸難料理向禽五岳尚蹉跎

浦光卿以宣紙乞畫山水因題其上

多生心事翠微間
剪燭西窗共說山
夜夢慣看雲幻態
秋游好上玉孱顏
岩邊茅舍曾招飲
江上扁舟記獨還
歷歷昔遊常在臆
爲君破墨仿荆關

豆渣戲和賓山上人

法乳常流轉確床
濾殘布袋質疑霜
剩逃却業其然火
過去因緣玉作漿
解脫誰教入孟鉢
等閒便遣繼糟糠
厨荒直作伊蒲饌
細嚼方知淡味長

塘棲道中

欸乃輕舟入水雲
官橋烟柳幾行分
靄橫遠岫凝松黛
澹漾清川散穀紋
樂府競傳洪玉父
隱居還憶卞田君

金石山房詩集卷六

十

謂洪昉思
金芥山 茫茫往蹟屢輪轉
倚棹高歌酒半醺

陳節九招飲湖上

出城遂清景晴色
四山空妙畫時同
賞香醪復一中鶯
聲颺萬柳螺翠潑
孤蓬歸路扶殘醉
春堤足晚風

萬峯菴舊爲孫太初隱居處

太白山人二百年
曾阿茅棟尚依然
焚香久已成蓮界
書券今誰種鶴田
徑繞修篁青作幄
檻當怪石冷生烟
高風掩映林徐後
曳杖頻來叩老禪

翠微亭

石稜盡峭發蟠鬱
古槎根黃綠上青
壁險仄藤蘿捫有

地拓數弓蘄王舊蹟存
相傳吟岳句小築通幽魂
翼然驚嶺腰白雲爲籬樊
荒圯歲已久阿誰今還元
一指峯峙右厥左鄰呼猿
攬勝忽到此喜與故老言
碧映瑤草色冷逼蒼烟痕
坐久神益朗身似古佛尊
岑寂有妙蘊不厭流泉喧
夕陽渺天外遠見歸鴉翻
卽景托憑弔母乃心徒煩
二空了萬感恰對祇樹園

積雨初霽同人集曹荔帷橫琴軒分韻

得霽心殊快江城天影高
不愁石路滑頗累筇鞋勞
佳日成良撰名流盡廣騷
靈祛千帙整松吹七弦操
餘潤微留几新陰淨浥袍
前修圖共賞時出示劉益後至與之錦雞圖

金石山房詩集卷六

十二

仍豪座有梅花納謂友
上人是流槐葉淘瀛洲人
數溢時會者十

九底用更求曹

玫瑰花次陳玉几韻

萬花關春采直似魚龍衍
焚尾已凋殘照眼忽燦爛
受此武都泥玉檢出天挾
可共紫薇郎首夏賞幽艷
攢星近有芒佩瓊果無玷
小摘入纖手繁朵不容選
含香媚愁思清夢瀟湘驗
司空曙玫瑰詩如傳採蘋承遠思滿瀟湘

題蔡梵珠藝圃圖二首

四十萬言似東方
二十七品有庾郎
羹藜足飽經笥腹
朱門肉食亦何常

占斷閒却一畝宮荷鋤自愧領秋風白頭道號誰相擬
杞菊先生桑芋翁

四月十七日同人餞椒園弟及南雷姪于舊雨齋
分韻

回首越王臺海嶠迷春烟還家笑墨突結束之薊燕親
朋盡繾綣花下開瓊筵執幕進良醢洗釜烹肥鱸會合
難預計轉瞬阻山川悠悠熱中客托意在九遷共知淡
蕩懷任運融真詮危機力食遠宜味輸農田豈不樂故
土吟眺西湖便身曾歷中外忠盡未罄宣此行喜得職
爲政仰昔賢驥子善隨侍遠道心益專况復入禁闥功

孤石山房詩集卷六

三

各其勉旃南雷隨行入嗟我老貧獨處鶴渚邊貧窮
補教習境當別骨月情彌牽官塘萬柳風津鼓江上船明朝定
早發珍重一昔緣

懷顧并閭

嶺表人初返平安悉起居相思十年事不見數行書共
說羅浮好烟鬟通太虛身漸化蝴蝶從子曳仙裾

懷吳宿長

遠雲浮粵嶠忽忽動離愁經術傳先訓時列東壁所山
著儀禮章句靈樞勝遊吟塲三老逝謂屈陳梁講席一身留鄉思憑
書慰休嗟道阻修

三白蒨

赤日嶠四字無端雷雨作西北來墨雲狂颺陡肆虐勢
將地軸翻陰陽鼓橐籥巨浪紛騰空條條白龍躍牽船
半住岸穩若藏夜壑百頃尚中流性命付飄泊乘時安
所遇入險欣有託乍霽水鏡平挂帆等飛雀蓬底酒一
盃浩歌且爲樂

龐山湖

遠岸孤城影吳淞孤忽寬魚龍安窟宅波浪狎綸竿雙
槳秋風急單衣夕氣寒蒼茫尋戍火塘上簫初殘

題董愚亭問津圖

孤石山房詩集卷六

三

桃花一片春遠近迷紅霧溪流曲且長定有通仙路敏
舫者何人中懷滄世故昔年耻折腰本性烟霞綢繆遙
柴桑翁妙筆動遐慕朝市易魏晉廬舍依竹樹連却雞
犬問阡陌無官賦武陵今依然子驥渺前度此客閱千
載孤篷行自具幽與窮灘瀨溯洄狎鷗鷺外棹空明
冀與漁郎遇古洞天地利逢逢白雲護跡似壺公遊言
豈莊生寓相期得絕境我將比鄰住

葛洪丹竈丸

共傳勾漏令煉藥鐵橋間姪女爐中火飛仙海上山何
須分魏帝可笑塞函關豈有明珠謗携歸許駐顏

題張卿子先生遺像

茫茫浩劫老書叢寂寞生涯感慨中四海獨歌紫芝曲
一身且作長桑公經過曲巷名猶在老死西山命固窮
喜有曾鯨留繪妙詎同白傅寫屏風

寶田兄屬作畫爲仿一峯筆意

山欲勾雲樹點苔秀情靈貺若爲開筇箕泉上幽棲處
時有烟嵐入夢來

景星觀爲唐邱員外故宅

黃嶺嶺上秋雲長郎官久矣歸仙鄉逋翁逸句最隱秀
詩境往蹟尋渺茫涼風晴日稱野步芒屨竟入道士房

孤石山房詩集卷六

車

冷氣杉栢鬱靈氣森森千載凌冰霜丹爐不見豈羽化
古祠已圯隨榛荒驂鸞定在三島際安期桂父同頽頽
從來物理齊不易木居士得雲旂揚清泉一掬向空荐
幽林隔塢明斜陽安得曲竹斫作杖保日登陟如飛翔
同耕香登虎邱

石壇清迥蘚蹊滋嵐翠凝寒落劒池絕淡秋烟橫古埕
無多夕照挂高枝賞花慣近真娘墓養鶴猶吟道士詩
寂歷空山魚梵永相携靜侶憇移時

九日

幻狀盤堆獅子糕老看節物首頻搔曲江無分吟清字

小戶猶堪酌濁醪幾處風林黃葉落一行雁路碧雲高
菊花未放尋幽賞劇喜吟場有二豪

是日丁丑朱飽雨以新詩見示

過朱氏香林與董愚亭夜話

野田秋影淨行行背斜照手叩松下扉修竹傳清嘯水
木明瑟間仙客住壺嶠塵空多動機人外有同調冲賞
意彌深神完足談笑今古幾開尊萬事滅觀竅挑燈無
俗談品詩得佳要花香境亦異月上心自妙晚色起蒼
茫歸舟頭屢掉

送周簣谷榆所兩孝廉山茨太史入都

崢嶸雲物已殘秋忽湧尊前小別愁一夕持螯猶故國

孤石山房詩集卷六

五

幾時望眼有高邱才名夙擅三珠樹先後同修五鳳樓
寄語阿咸須早計王城努力覓封侯

謂南雷姪

十二月十四日愚亭招飲香林因作後夜話詩

崢嶸歲暮枯木冰霜餘故人重念我折簡來幽居我
懷正鬱鬱相就欲稍抒剪燭欣晤對把酒感乘除素心
抗千古奚啻勝讀書殷勤盡衷曲幽慨嗟難祛王猷昔
種竹托跡成吾廬鄉思雖日切且漫勞舟車孤鴻叫雲
外風遠夕漏疎凌寒結眞想一點梅花初

送董愚亭之譙陵次留別韻二首

風流此日占鱸鄉小住池亭愛野塘賢主交深懸榻久

謂朱名姬歌好倚簫長佳時白社追威輦故國青山夢
飽雨我是南鄰一朱老兩番夜話意蒼茫

蕭騷短髮已霜蓬又感流光斗柄東遠道忍離淹雅士
單居且作爭名翁陳王故里尋今雨邵子行窩挹古風
南浦悠悠春草碧黯然底事擬文通

送浦金堂客譙陵

正及春潮漲憐君賦遠遊江山真異縣郭李本同舟
愚亭繡虎居將訪屠龍技易酬壯懷堪久客莫問大刀
頭

皋亭山下看李花

孤石山房詩集卷六

七

正際濃華候千林獨皎然日斜嵐掩翠春遠玉浮烟碧
實慙韓老清標仰謫仙東風相賞識倚杖雪光前

遊超山

翠微昔經眼夙有登眺想雨餘趁春閒後齒履一兩細
路指野樵礪碎穿林上眼邊雲縷橫脚底泉脉響皇亭
領羣峰屬者嶧成黨茲山歸獨立劒倚自雄長危巔攢
怪石天影逼高仰窈窕洞壑觀日月開虛敞香池氣靈
異山頂有二池相銀房境蕭瑟不遭土木妖元神保椿
莽青霞性無拒塵世幾長往搔首臨遠風髭髮凌千丈

爲張玉川題大癡畫卷

大癡道人山澤臞澹然獨與神明俱五岳精靈入骨髓
一生簪紱輕錙銖希古欲抗衛顧陸同時直壓王倪吳
溪藤三尺鋪爭几眼底頃刻開蓬壺單椒峙時嵐影濕
淋漓元氣何敷腴亂石疊嶺泉隱見閒雲漠漠樹有無
澗曲茅茨倚叢薄住者得非渴與沮白頭年已八十餘
水墨結習功尤殊張老六法印三昧含毫肯使纖塵汙
鑒藏名蹟乃獲此玩對終日忘飢飣劬門深處憶舊隱
荒寒峭壁皺苔蕪悠悠默契千載上定占好夢遊清都

飲武夷茶

孤石山房詩集卷六

七

岩岩玉女峯孤影挿天半浩氣萃精英卉物含峭蒨黃
甘及青子異果性所戀海舶屢包致越宿色香變惟茲
粟粒芽瓶貯久彌善茶人諳土風節候聽春喚連村駉
女紅就隣結同伴金齒綠屐高蠻布製裙茜野調五音
乖流歌四山遍穀雨晝初長采掇渾忘倦多許盈傾筐
少卽頰腰褰溫磨釜中焙珍重釵頭揀捆載充估裝作
貢走郵傳粗官強解事華堂設歡宴圓籠拆青箬斜印
開白絹中筵出佐客行厨咄嗟辦汲之苦井水襍以重
羅麪胡麻搗似醬猛火經百煎點鹽配羊酪飽嗽兼蔬
蒜名材此感遇當食足三歎知味數吳儂樂遭水厄慣
誰憐桑宇翁經時疎茗戰昨朝荷好友頭綱寄一串意

方感心知香早通鼻觀發興急烹關尋源責阿段宛尊
任轉注竹爐喜新繕帶泥黃葉燒衝烟碧蘿育古姿淪
定哥潔淨陳几案止止虛室白浮浮乳花旋雲腴玳九
州非特八閩冠顧諸記足誇蒙頂底須街半杯午沾唇
芳津已頻咽一吸煩慮捐再吸沈憂散清涼透肌骨不
用七輪扇恍坐幔亭陰松風徹仙甸

丁鈍丁屬書龍泓洞圖因系以詩

嵐翠羣峯淨可愛空谷幽奇占艮背冷雲頑石萬古心
翰之遺蹟今猶在茅茨想像松陰間携筇遊者動遐慨
鈍丁汝豈其苗裔身處林泉甘素退樸學常關白板扉

孤石山房詩集卷六

本

浮榮肯羨金魚袋西湖出穴亦已多意與濂溪共清樂
遙遙舊德不能忘幾登青山如食采龜蒙詩久傳隱操
魏野居曾入雅續秋窗弄筆稱閒情倪黃未許窮三昧
絕境疑神肺腑融高人繕性烟霞耐因懷家令有金庭
京宵皎夢層阿內

寄椒園

鵲華山遠動秋思况年來有絲見說仁聲堪考績
分來清俸勿忽期門自愧陳無已判牘仍師雋不疑
太息澤鴻隨處是憂時何術起瘡痍

江浙年儉
山左多水

泛舟桐溪

今年慵較甚不出半年餘小船歸光展○川秋○虛容
先凋老樹心願伴閒漁多史山將到濛濛暮靄初

門蟋蟀用韓孟門雞聯句韻

暮收金正官與春爲對待漢戶凜肅令獮田羅壯彩微
蟲商律感應候殺機殆癡心利是圖遊手業斯在意專
入勝場計若賄利鍛齊搜於亂叢或獲之幽塏音聲罕
洪清姿度貴明磊善相拔其尤慎擇次者改紅旗飄勿
勿白銀羅離離相當逐兩雄乍見怒百倍俄看莒罕搏
各憂彭越醢醢架橋身忽變馳毬臂毋餒再鼓猛轉加三
舍巧能給勇固比莊子捷更逾羌亥得勝卽策勲追窮

孤石山房詩集卷六

九

儼討罪韜畧豈素諳巾幘已深浼嗟哉不才流食此無
德賄名將復登壇桓公竟沉海憑物較輪贏遇事甘荒
怠縱情良有由習惡將無乃儉勤忘在堂役獮出司綵
笑突陣戲劇驗還兵歌凱交賭等檮蒲責負絕龔隗忍
使同類戕當念良工辛撫懷爭競畏逝將離菊採

魏硯歌 有引

昔年至武林有持此硯鬻于市者其式圓長面作卷
荷形背有咸熙元年四字蓋魏元帝時物也叩所從
來言其父曾客臨漳縣署值潹黃河獲于水底破冢
中因購得之入我室已久爰作長歌寵之

霞骨未知產何地妙手斲自咸熙年秋荷葉卷中婦鏡
墨池點蝕蒼松烟佳城鬱鬱闕此室星霜久歷陵谷遷
七子才各抗千古應劉陳阮來蟬翩茫茫長夜殉片石
摘藻定亦常時賢堪嗟玉筮出人世母乃寶劍騰重泉
獨抱貞質售不易相遭那惜看囊錢浮津耀墨洵奇品
清水頻浴包青氈文房競寶銅雀瓦侈靡工作徒精堅
夕陽影裏重致慨金墉城址爲原田天上水來閱興廢
地下人益生悲悵百里小曲沒古碣可惜名姓無由傳
法書欽識類丙舍雲根寸鐵誰雕鐫沉埋終古得完璧
流轉有客吟紅蓮一物雖微極俯仰疇如胡旦麟經箋

孤石山房詩集卷六

手

遺履並存和靖蛻懷袖漫笑元章顛我持此視亦好事
操觚濡翰明憲前餘潤曾挹星宿派微腥已脫蛟龍涎
結鄰數載類密友摩挲日久情纏綿

九月廿六日同研北雨生郢川見陽旌陽道院看

菊後飲月林吟屋

聯袂閒尋道士房東籬霜信過重陽紛然紅葉回春態
猶有黃花殿衆芳秋興園中追逸韵事見牧齋有學集阿戎家
裏寬歡場小槽酒熟何勞勸醉說餐英是妙方

元日同人集問心庵分韻得寒字

幾點梅花倚石欄年年來此結情懽妙香一室參元理

法雨諸天得美餐華嚴經護世城中雨美膳懺悔文成深自省林泉
盟喜不曾寒一時感舊兼懷遠往年入社諸人如潘鶴巢陳雲川陸南紀錢清許俱先後去世並恩亭歸介休料理春愁酒盞寬
顧耕樹客粵東查易亭客揚州

梅花

雪裏如逢舊隱淪枝頭香色意中春相思一載餘前夢
又許羣芳作後塵天地側身悲偃蹇冰霜入骨見精神
引愁詎要吹羌笛白髮深盃酒數巡

與陳卯君太守話舊

廿載南天宦跡遷還鄉相見定香橋碧雞坊迥餘清槩
黃葉卽荒久獨謠酒後獨捫心慷慨花前對撫髮飄蕭

奉石山房詩集卷六

三

朱陳圖畫情相結柳絮因風感寂寥君女歸南雷姓予文字其幼子惜早

矣天

半山道中

霜侵紅樹淨無烟一岸青山一岸田最好秋光明似鏡
日斜雙槳入前川

題查耀天換鷺圖

內史佳話推蘭亭好事更有道德經曇曜柳荒滅舊蹟
後世往往傳丹青君家祖法妙天下雲鶴海鷗隨變化
當年深愧柳氏甥筆冢墨池久夢罷今君性苦愛家雞
籠鷺追慕見端倪陽羨書生空自幻仙骨重看白練題

雷峰惠湏南獅子猫

舉體修毫散難圖李諒之九花名可錫六詔種何奇作
勢於菟猛聞聲眾鼠悲蘇家刀自好東坡有無處競雄
姿

重九用懷得之招同孫貞士錢茂秦飲杉泉書屋

卸杖來登君子堂殷勤杯酒飲秋光歸耘計遂閒居樂
用東坡九日詩意合釀情貪清話長插菊百年餘短髮
謂孫錢二君也持螯萬事付癡腸醉中相顧身俱健飽飯欣逢歲大穰

題馮浩東臨臯小隱園

聶蘇昔日居黃州孤亭物外身淹留回車院中多灌木

孤石山房詩集卷六

三

大江烟景堪吟謳芳躅已垂天壤際有客千載追風流
正如遠慕白太傅東坡自號非無由數間官舍傍孔壁
四明山色晴嵐浮石窻過雲盡仙境翠微遙映青壺幽
云何結念到樊口雪堂清夢殊悠悠菜把元脩供小竈
留聲李委吹寒湫高才方許占古蹟樂志乃在師前修
他時金門成大隱上殿侍講施巾襦

孤石山房詩集卷六終

孤石山房詩集六卷

浙江巡撫
採進本

國朝沈心撰心字房仲仁和人雍正中諸生早從查
慎行游其詩亦頗有查氏法



ZW 21181008584736